

# 唐雅二十六卷

〔明〕張之象輯

浙江圖書館藏明嘉靖二十年長水書院刻

本

附《四庫全書總目·唐雅二十

六卷》提要

## 唐雅序

張子撰唐雅成東海何良俊曰余讀謝康樂擬魏太子鄴中集詩蓋未嘗不傷之焉夫世有辭章之士苟得見知其主上下齊契君臣同聲相與遊譚詠歌雍容盛美顧不謂顯榮哉然好文之主不世出難進之士彼其於世又不屑屑也遂有伏死巖穴終身不得望帝王之門者此其遇不遇何如也世有如此者可勝歎哉可勝歎哉誠使謝與七子比肩於

唐雅序

建安之朝則公幹仲宣之亞匹自偉長而下有不得爭騁而較疾矣迺遂偃蹇下僚終以狂佚取罪當世故其言獨傷宋玉唐景鄒枚嚴馬之主不文漢武帝雄猜多忌而以鄴中之娛爲書籍未見此其意不無少望也今余攷鄴中諸作自公讌贈答之外不少槩見獨有唐君臣之盛視昔有加焉夫唐當太宗草昧之初卽好篇詠海內風動群士響臻是以俊彥在列風雅盈朝每朝章國典錫爵寵行

節候和韶物色妍冶苟情有所屬事足樂詠者則君唱於上臣和於下雖以一事之微而鋪張陳寫曲盡其變獵秘搜奇窮綺極麗顧盼而興風雲唾咳則成珠玉至景龍中上官昭容以宮閨之媛往往與朝士埒能竇從一以將臣而時有屬綴蹈厲之音初無間於彤管婉約之辭亦不遺於武弁轉移之機有符神宰陶鑄之功無爽玄造謂之曰盛信不誣耳使謝而得聞茲風則其感歎當又何如耶

唐雅序

二

然世有謂詩者無益於治天子在上可無用詩烏乎茲豈然哉夫詩之所從來遠矣自卿雲賡載之歌作於朝康衢之謠興於野詩道其濫觴乎厥後世代遞變流別漸繁雖美刺雜陳而風雅無別至孔公刪詩始定著爲風雅之名詩序云以一國之事繫一人之本謂之風言天下之事形四方之風謂之雅則雅之義蓋兼風矣古者天子在上則在下之人苟有其情而不得言與言之而不能盡者必

託之詩以自陳於天子故凡王政闕失民俗訛亂以至貧士失職匹夫匹婦不得其所一見之於詩天子初不下堂遂由此而覽知天下是非得失之故是上以風化下下以風刺上上下下之間但以微辭相感動而精神流通雖最僻遠若出一體詩之爲用豈細故哉及王澤竭而雅亡天子遂不用詩士亦恥以辭章自進由是天下之情始有壅而不通而困窮之士愁苦怨嗟之聲作夫愁苦怨嗟之所

唐雅序

三

謂詩則古簡兮考槃之屬君子以爲衰世之徵是豈詩之本然耶世之集唐詩者衆矣率多里巷歌謠要非詩之本張子特取唐君臣唱謠之作集而刻之其亦有康樂之感也夫夫聆鈞天之奏者塞耳不願巴渝之歌觀黼黻之文者瞥目不願茹蕙之色自唐雅出則諸集詩者可盡廢矣或者又以爲唐初承陳隋之習詩歌靡曼君子蓋無取焉夫陳隋以偷安之君競事淫侈乃造爲玉樹後庭花春



江花月夜等曲輕綺浮艷特委巷之下者耳  
亦何足宣之廟堂布之典訓其風雅之罪人  
乎若唐太宗以英武之姿雄略蓋世卒能混  
一區宇讐服戎蠻故其詩有曰雪恥躋百王  
除兇報千古又何壯耶至於所謂庶幾保貞  
固虛已厲求賢則禹湯之規也減身資累惡  
成名由積善則風愆之戒也其後玄宗雖頗  
驕盈而餞贈守牧拳拳子惠之言春臺望有  
還念中人罷百金之辭猶志存檢節苟槩以

不唐雅序

四

陳隋視之不亦過乎且一時之臣如魏徵之  
誅漢書則責難於興禮虞伯施之觀宮體則  
弼違於雅正李景伯迴波之辭秩秩初筵之  
傲李日知定昆之作悠悠勞者之歌宋延清  
應制龍門追思農扈魏知古從獵渭水取類  
虞箴並辭託婉諷義存忠鯁卽詩序云主文  
而譎諫言之者無罪聞之足以戒若此者非  
耶苟得推是而廣之亦三代之遺也世主因  
不用詩遂以爲詩不足用烏乎可無傷哉是

編起自武德迄於開元通得詩二千餘篇分  
二十六卷自天寶以後則風格漸卑其音亦  
多怨思矣故削去不錄張子撰述之精世自  
有能知之者故弗論乃相與論著其大者如  
此云

嘉靖辛丑四月望華亭何良俊撰

不唐雅序

五

唐雅姓氏

帝王七人

太宗皇帝

高宗皇帝

中宗皇帝

玄宗皇帝

越王貞

溫王重茂

韓王元嘉

唐雅姓氏

公卿一百六十八人

弘文館學士秘書監永興縣公虞世南

散騎常侍陽翟縣侯褚亮

眉州刺史楊思玄

太子太師知政事特進鄭國公魏徵

鳳閣侍郎元萬頃

侍中兼太子左庶子江國公陳叔達

國子祭酒郭正一

太子太保任知古

刑部侍郎胡元範

戶部尚書裴守貞

諫議大夫張光朝

崇文館學士祝欽明

吳興別駕工部侍郎韓思復

侍中廣州都督岑文本

散騎常侍左庶子李伯藥

監察御史李義府

正諫大夫薛曜

唐雅姓氏

著作郎許敬宗

中書令趙國公李敬玄

鳳閣侍郎同鳳閣鸞臺三品臨淮縣男

劉禕之

橫州司馬張大安

諫議大夫朱子奢

修文館學士劉允濟

中書舍人薛元超

納言樂平縣男王德貞

眉州刺史楊思玄

左臺御史鄭義真

建州刺史張文琮

吏部尚書并州都督楊思道

鄆州刺史顏思古

黃門侍郎參知機務脩文館學士齊國

公崔日用

同平章事郭汭

盈川令贈著作郎楊炯

唐雅姓氏

主

臨海丞駱賓王

鄧王府典籤盧照隣

諫議大夫張齊賢

麟臺諫恒國公張易之

眉州刺史蘇味道

中書舍人牛鳳及

西臺侍郎同東西臺三品兼弘文館學

士楚國公上官儀

廬州別駕李嶠

中書侍郎邵昇

麟臺正字陳子昂

兵部員外郎宗楚客

右司郎中喬知之

司空同三品武三思

國子司業清河縣子崔融

起居郎集賢院學士盧藏用

國子監主簿脩文館直學士著作郎杜

審言

唐雅姓氏

四

蒲州刺史左僕射鄒國公韋安石

尚書左僕射同中書門下平章事許國

公蘇瓌

考功員外郎直習藝館宋之問

脩文館學士李適

太子太保禮部尚書薛稷

太子洗馬蔡文恭

尚書右僕射兼中書令知兵部尚書事

齊國公魏元忠

弘文館學士汝南縣男袁朗

大理正周利用

中書舍人韋元旦

安州別駕工部尚書劉子玄

懷州刺史劉憲

中書舍人太子少詹事沈佺期

中書令都國公蕭至忠

戶部侍郎于涇野

黃門監梁國公魏知古

唐雅姓氏

五

刑部尚書黃門監李乂

江州別駕趙彥昭

吏部員外郎盧僎

銀青光祿大夫崔湜

太師正平縣男裴光庭

廣州都督梁升卿

吉州司馬鄭愔

通州別駕閻朝隱

兵部尚書同中書門下三品持節大使

中山郡公王駿

太子賓客徐彥伯

恒王府司馬秘書省校書郎馬懷素

同三品侍中南陽郡公岑羲

兵部尚書李迥秀

太子賓客禮部尚書裴漼

中書侍郎同平章事程行誼

中書舍人劉昇

汝州刺史褚琇

唐雅姓氏

六

尚書左丞相兼中書令集賢院學士燕

國公張說

太子左諭德崇文館學士平原公員半

千

中書令逍遙公韋嗣立

禮部尚書太子少傅竇希玠

同知政事陸景初

給事中楊廉

絳州刺史張錫



奉宸令樊忱

中書令左丞相兼侍中安陽郡公源乾曜

鳳閣舍人李恒

司門員外郎萊州刺史王景

潁王府典籤辛替否

同州刺史解琬

監察御史王岳靈

幽州都督孫佺

唐雅姓氏

七

光祿大夫行右散騎常侍集賢院學士

副知院事東海郡開國公徐堅

尚書左丞蔡孚

中書舍人陸堅

紫微侍郎同紫微黃門平章事許國公

蘇頲

紫微令梁國公姚崇

吏部尚書姜皎

中書門下平章事姜晞

吏部尚書兼侍中廣平郡公宋璟

太子賓客秘書監賀知章

禮部侍郎賈曾

右散騎常侍李景伯

號州刺史高密

黃門侍郎同中書門下平章事宜陽縣

子韓休

中書舍人席豫

中書舍人崔禹錫

唐雅姓氏

八

左補闕崔沔

汝州刺史宇文融

道州司馬王翰

中書侍郎同平章事張嘉貞

餘杭尉丁芝仙

益州大都督盧從願

太僕卿徐知仁

祠部郎中崔尚

太子太師開府儀同三司蕭嵩

金壇令武平一

秘書監劉廷琦

中書令始興縣伯張九齡

中書侍郎東海縣子徐安貞

校書郎楊浚

禮部尚書王丘

黃門侍郎袁暉

禮部尚書清河公崔翹

北海太守李邕

唐雅姓

九

尚書右僕射孫逖

尚書左丞韋濟

中書令晉國公李林甫

工部侍郎方城縣侯韋述

虢州刺史許景先

太保韓國公苗晉卿

江陵少尹鄭審

河北採訪使胡衡

監察御史蔡希周

河州別駕寇坦

尚書郎兼充節度判官庫狄履溫

翰林供奉李白

司勳員外郎崔顥

清河太守賀敬

竟陵郡司馬崔國輔

禮部尚書東京留守酒泉縣侯李愷

太子太傅韋抗

同平章事陳希烈

唐雅姓

十

尚書右丞王維

黃門侍郎祖詠

監察御史儲光羲

右補闕崔興宗

膳部員外郎沈東美

秘書郎王昌齡

太子右庶子丘爲

兵曹參軍皇甫冉

天官侍郎韋承慶

中書侍郎同中書門下平章事蕭華

右散騎常侍禮部尚書賈至

嘉州刺史岑參

工部員外郎杜甫

宮閨八人

徐賢妃

武后

韋后

太平公主

唐雅姓氏

十一

長寧公主

安樂公主

上官昭容

梅妃

外夷二人

新羅王

吐蕃舍人明悉獵

唐雅姓氏

唐雅總目

第一冊

卷之一

天文

卷之二

四時

第二冊

卷之三

節序

唐雅總目

一

卷之四

山嶽 水泉

第三冊

卷之五

京都 關境 橋梁

卷之六

宮殿 樓閣

卷之七

宅第

第四冊

卷之八

亭榭 池沼

卷之九

臨御

第五冊

卷之十

郊丘

卷之十一

唐雅總目

二

祭祀 宗廟

卷之十二

社稷 釋奠

第六冊

卷之十三

封禪 明堂

卷之十四

朝會 扈從

第七冊

卷之十五

省直

卷之十六

誕辰 儲嗣 婚姻

卷之十七

公燕 酺宴

第八冊

卷之十八

寵錫 戒勵 赦宥 奉使

唐雅總目

三

卷之十九

祖餞

卷之二十

眺望 懷古

第九冊

卷之二十一

咸舊 哀傷 挽歌

卷之二十二

畋獵 軍戎



卷之二十三

經史 字書 器用 樂舞 巧藝

第十冊

卷之二十四

寺觀

卷之二十五

祥瑞 花卉 果木

卷之二十六

鳥獸 昆蟲

唐雅總目

四

唐雅總目 終

唐雅第一冊目錄

卷之一

天文部

太宗賦秋日懸清光賜房玄齡一首

太宗賦得白日半西山一首

虞世南褚亮奉和詠日午共二首

太宗遼城望月一首

褚亮奉和望月應魏王教一首

太宗賦含峯雲一首

唐雅第一冊目錄 一

李收和中書侍郎院壁畫雲一首

宋之問明河篇一首

太宗詠風一首

虞世南奉和詠風應魏王教一首

徐賢妃秋風函谷關應詔一首

太宗賦得花庭霧一首

太宗遠山澄碧霧一首

太宗望雪一首

太宗詠雪一首

上官儀詠雪應詔一首

太宗喜雪一首

許敬宗奉和聖製喜雪應制一首

玄宗喜雪一首

張說奉和聖製喜雪應制一首

玄宗野次喜雪一首

張說奉和聖製野次喜雪應制一首

玄宗校獵義成喜逢大雪率題九韻

以示羣臣一首

唐雅第二冊目錄 二

張說奉和聖製校獵義成喜逢大雪

應制一首

以上二首  
見畋獵部

玄宗溫湯對雪一首

張說奉和聖製溫湯對雪應制一首

蘇頲張九齡蘇綰扈從溫泉奉和姚

令公喜雪共三首

張九齡劉廷琦奉和聖製瑞雪篇共

二首

沈佺期奉和洛陽翫雪應制一首

李乂李嶠李適奉和遊禁苑幸臨渭

亭遇雪應制共三首

沈佺期宋之問李乂劉憲趙彥昭趙

彥伯李嶠苑中遇雪應制共七首

李乂李嶠劉憲趙彥昭宗楚客奉和

人日清暉閣宴群臣遇雪應制共

五首

蘇頲奉和聖製人日清暉閣宴羣臣

遇雪應制二首

唐雅第二冊目錄 三

岑參和祠部土貳外雪後早朝卽事

一首

見朝  
會部

太宗詠雨一首

許敬宗奉和詠雨應詔一首

楊師道中書寓直詠雨簡楮起居上

官學士一首

虞世南發營逢雨應詔一首

虞世南幽山雨後應令一首

李嶠李乂奉和春日遊苑喜雨應制

共二首

玄宗詠雨一首

玄宗同劉晃喜雨一首

張說奉和聖製同劉晃喜雨應制一

首

玄宗喜雨賦一首

張說喜雨賦一首

張九齡奉和聖製喜雨一首

魏知古奉和天后春日途中喜雨一

首  
唐雅第一冊目錄 四

首

張九齡奉和吏部崔尚書雨後大明

朝堂望南山一首

李愔王維奉和聖製從蓬萊向興慶

閣道中留春雨中春望之作應制

共二首

太宗初晴落景一首

虞世南初晴應教一首

卷之二

四時部

太宗首春一首

太宗春日玄武門宴羣臣一首

見公  
識部

蘇味道初春行宮侍宴應制得天字

一首

上官儀陳叔達早春桂林殿應詔共

二首

玄宗春臺望一首

賀知章許景先奉和御製春臺望共

唐雅第一冊目錄 五

二首

元萬頃奉和春日池臺一首

元萬頃奉和春日二首

玄宗春日出苑遊囑一首

太子  
時作

張說賈曾奉和春日出苑囑目應令

共二首

劉憲奉和春日幸望春宮應制一首

張說崔日用蘇頲李義府常元旦馬

懷素沈佺期崔湜薛稷李適鄭愔

閨朝隱奉和聖製春日幸望春宮  
應制共十二首

姚崇春日洛陽城侍宴一首

貞觀十九年

宋之問李乂蘇頲春日芙蓉園侍宴

應制共四首

太宗初夏一首

太宗賦得夏首啓節一首

太宗夏日聯句一首

宋之問夏日仙萼亭應制一首

唐雅第二冊目錄

六

蔡文恭奉和夏日遊山應制一首

見山

部

楊師道奉和夏日晚景應詔一首

太宗度秋一首

太宗秋日二首

袁朗秋日應詔一首

太宗五言秋日效庾信體一首

太宗遼東山夜臨秋一首

上官儀奉和山夜臨秋一首

太宗儀鸞殿早秋一首

許敬宗奉和儀鸞殿早秋應制一首

太宗秋夜翠微宮一首

太宗初秋夜坐一首

楊師道初秋夜坐應詔一首

劉禕之九成宮秋初應詔一首

太宗秋日卽目一首

許敬宗奉和秋日卽目應制一首

太宗山閣晚秋一首

唐雅第二冊目錄

七

太宗秋暮言志一首

許敬宗奉和秋暮言志應制一首

太宗冬宵四韻一首

唐雅第一冊目錄



唐雅卷第一

清河張之象編

天文部

太宗賦秋日懸清光賜房玄齡一首

秋露凝高掌朝光上翠微參差麗雙闕照曜  
滿重闌仙馭隨輪轉靈鳥帶影飛臨波無定  
彩入隙有圓暉還當葵藿志傾葉自相依

太宗賦得白日半西山一首

紅輪不暫駐鳥飛豈復停岑霞漸漸落溪陰

唐雅卷一

一

寸寸生藿葉隨光轉葵心逐照傾晚霞含樹

色棲鳥雜流聲

虞世南奉和詠日午一首

高天淨秋色長漢轉曦車玉樹陰初正桐圭  
影未斜翠蓋飛圓影明鏡發輕花再中良表  
瑞共仰璧暉賒

褚亮奉和詠日午一首

曦車日亭午浮箭未移暉日光無落照樹影  
正中園草萎看稍靡葉燥望疑稀晝寢慙經

晉暫解入朝衣

太宗遼城望月一首

玄菟月初明澄輝照遼碣映雲光暫隱隔樹  
花如綴魄滿桂枝圓輪虧鏡彩缺臨城却影  
散帶暈重圍結駐蹕俯九都佇觀妖氛滅

褚亮奉和望月應魏王教一首

層軒登皎月流照滿中天色共梁珠遠光隨  
趙壁圓落影臨秋扇虛輪入夜弦所欣東館  
裏預奉西園篇

唐雅卷一

二

太宗賦含峯雲一首

翠樓含曉霧蓮峯帶晚雲玉葉依巖聚金枝  
觸石分橫天結陣影逐吹起羅文非復陽臺  
下空將惑楚君

李收和中書侍郎院壁畫雲一首

粉壁畫雲成如能上太清影從霄漢發光照  
掖垣明映篠多幽趣臨軒得野情獨思作霖  
雨流潤及生靈

宋之問明河篇一首

天后朝多引文學之士元萬頃劉禕之等使之撰列女傳臣執百僚新戒樂書凡千餘卷時密令參表奏以分宰相之權時謂之北門學士宋考功求爲北門學士天后不許乃作明河篇以見其意末云明河可望不可親願得乘槎一問津更將織女支機石還訪成都賣卜人天后見其詩謂崔融曰吾非不知其才但以其有口過爾之間終身慙憤

唐雅卷一

三

八月涼風天氣清萬里無雲河漢明昏見南樓清且淺曉落西山縱復橫洛陽城闕天中起長河夜夜千門裏複道連薨共蔽虧畫堂瓊戶特相宜雲母帳前初泛濫水精簾外轉逶迤倬彼昭回如練白復出東城接南陌南陌征人去不歸誰家今夜擣寒衣鴛鴦機上踈螢度烏鵲橋邊一鴈飛鴈飛螢度愁難歇坐見銀河漸微沒已能舒卷任浮雲不惜光輝讓流月明河可望不可親願得乘槎一問

津更將織女支機石還訪成都賣卜人

太宗詠風一首

蕭條起關塞搖颺下蓬瀛拂林花亂彩響谷鳥分聲披雲羅影散泛水織文生勞歌大風曲威加四海清

虞世南奉和詠風應魏王教一首

逐舞飄輕袖傳歌共繞梁動枝生亂影吹花送遠香

徐賢妃秋風函谷關應詔一首

唐雅卷一

四

秋風起函谷朔氣動河山偃松千嶺上雜雨二陵間低雲愁廣隰落日慘重關此時飄紫氣應驗真人還

太宗賦得花庭霧一首

蘭氣已薰宮新葢半粧叢色含輕重霧香引去來風拂樹濃舒碧縈花薄蔽紅還當雜行雨髮髯隱遙空

太宗遠山澄碧霧一首

殘雲收翠嶺夕霧結長空帶岫凝全碧障霞

隱半紅粉分初月飄飄度曉風還因三里處冠蓋遠相通

太宗望雪一首

秋雲宵徧嶺素雪曉凝華入牖千重碎迎風一半斜不粧空散粉無樹獨飄花紫空慙夕照破彩謝晨霞

太宗詠雪一首

潔野凝晨曜裝墀帶夕輝集條分樹玉拂浪影璇璣色灑粧臺粉花飄綺席衣入扇縈離

唐雅卷一

五

匣點素皎殘機

上官儀詠雪應詔一首

儀此詩中用影娥池學士時無解其事祭酒令狐德棻召張柬之等十餘人示此詩束之對云洞冥記漢武帝於望鶴臺西起俯月臺臺下穿影娥池每登臺眺月影入池中使宮人乘舟笑弄月影因名影娥池亦曰眺蟾臺德棻歎其詩識

禁園凝朔氣瑞雪掩晨曦花明棲鳳閣珠散影娥池飄素迎歌上翻光向舞移幸因千里映還繞萬年枝

太宗喜雪一首

碧昏朝含霧丹卷暝韜霞結葉繁雲色凝瓊遍雪華光樓皎若粉映幕集疑沙泛柳飛飛絮粧梅片片花照壁臺圓月飄珠箔穿露瑤潔短長階玉藂高下樹映桐珪累白縈峯蓮抱素斷續氣將沉徘徊歲云暮懷珍愧隱德

唐雅卷一

六

表瑞佇豐年蒞間飛禁苑鶴處舞伊川儻詠幽蘭曲同懽黃竹篇

許敬宗奉和聖製喜雪應制一首

謙州表奇觀闕竹應遐巡何如御京洛流霞下天津忽若瓊林曙俄同李徑春姑峯映仙質鄧路雜歌塵伏檻觀花瑞稱觴慶冬積飄河共瀉銀委樹還重壁連山分掩翠綿霄遠韶碧千里遍浮空五朝咸淪跡機前暉裂素池上伴凌波騰華承玉宇凝照混金娥是日

松筠性欣奉栢梁歌

玄宗喜雪一首

日觀卜先征時巡順物情風行未備禮雲密  
逐飄霰委樹寒花發縈空落絮輕朝如玉已  
會庭似月猶明旣覩膚先合還欣尺有盈登  
封何以報因此謝功成

張說奉和聖製喜雪應制一首

聖德與天同封巒欲報功詔書期日下靈感  
應時通觸石雲呈瑞含花雪告豐積如沙照

唐雅卷一

七

月散似麴從風舞集仙臺上歌流帝樂中遙  
知百神喜灑路待行宮

玄宗野次喜雪一首

拂曉闢行宮寒臯野望通繁雲低遠岫飛雪  
舞長空賦象恒依物縈迴屢逐風爲知勤恤  
意先此示年豐

張說奉和聖製野次喜雪應制一首

寒更玉漏催曉色御前開泱泱陰雲積氣肅  
風雪迴山如銀作甕宮見壁成臺欲驗豐年

象飄飄仙藻來

玄宗校獵義成喜逢大雪率題九韻  
以示羣臣一首

張說奉和聖製校獵義成喜逢大雪  
應制一首

以上二首見畋獵部

玄宗溫湯對雪一首

溫湯在驪山麓秦始皇於此砌石起亭  
漢武加脩飾唐太宗以溫湯所在建溫

唐雅卷一

八

泉宮每歲臨幸內有凌霜九龍長生明  
珠等殿

北風吹同雲同雲飛白雪白雪乍迴散同雲  
何慘烈未見溫泉冰寧知火井滅表瑞良在  
茲庶幾可怡悅

張說奉和聖製溫湯對雪應制一首

瑞雪對寒風寒風入陰琯陰琯方凝閉寒風  
復更斷宮似瑤林布庭如月華滿正歎挾纈  
詞非近溫湯暖



蘇頲扈從溫泉奉和姚令公喜雪一首

清道豐人望乘時漢主遊恩暉隨霰下慶澤  
與雲浮泉暖驚銀磧花寒愛玉樓  
問河伯且應留

張九齡扈從溫泉奉和姚令公喜雪

一首

萬乘飛黃馬千金狐白裘正逢銀霰積如向  
玉京遊瑞色鋪馳道花文拂綵旒還聞吉甫

唐雅卷一

九

頌不共郢歌儔

蘇綰扈從溫泉奉和姚令公喜雪一首

漢主新豐邑周王尚父師雲符沛童唱雪應  
海神期林變驚春早山明訝夕遲况逢溫液  
沛恩重御裘詩

張九齡奉和聖製瑞雪篇一首

萬年春三朝日上御明臺旅庭實初瑞雪  
霏微俄同雲兮蒙密此時騷切陰風生光過

詠

劉廷琦奉和聖製瑞雪篇一首

金殿有餘清信宿嬋娟飛雪度能使玉人俱  
掩嫋皓皓樓前月初白紛紛陌上塵皆素昨  
訝驕陽積數旬始知和氣待迎新匪惟在人  
利曾是扶天意天意豈云遙雪下不崇朝皇  
情訖無斃雪委方盈尺草樹紛早榮京坻宛  
先積君恩誠謂何歲稔復人和預數斯箱慶  
應如此雪多朝冕旒兮載悅想臺笠兮農節  
倚瑤琴兮或歌續薰風兮瑞雪福寢昌應尤  
盛瑞雪年年常感聖願以栢梁作長爲柳花

唐雅卷一

十

紫宸飛雪曉徘徊層閣重門雪照開九衢  
耀浮埃盡千品差池贊帛來何處田中非種  
玉誰家院裏不生梅埋雲翳景無窮已因風  
落地吹還起先過翡翠寶房中轉入鴛鴦金  
殿裏美人含笑出聯翩艷逸相輕鬪容止羅  
衣點着渾是花玉手搏來半成水奕奕紛紛  
何所如頓憶陽園二月初羞同班妾高秋扇

欲照明王一夜書姑射山中符聖壽芙蓉闕  
下降仙車願隨睿澤流無限長揖豐年貴有  
餘

沈佺期奉和洛陽翫雪應制一首

周王甲子旦漢后德陽宮灑瑞天庭裏驚春  
御苑中氛氲生浩氣颭香舞回風宸藻光盈  
尺賡歌樂歲豐

李乂奉和遊禁苑幸臨渭亭遇雪應

制一首景龍二年十二月二十一日

唐雅卷一

上

青陽御紫微白雪下彤闈浹壤流天霈綿區  
灑帝輝水如銀度燭雲似玉披衣爲得因風  
起還來就日飛

李嶠奉和遊禁苑幸臨渭亭遇雪應

制一首

同雲接野烟飛雪暗長天拂樹添梅色過樓  
助粉妍光含班女扇韻入楚王絃六出迎仙  
藻千箱荅瑞年

李適奉和遊禁苑幸臨渭亭遇雪應

制一首

長樂喜春歸披香愛雪霏花從銀閣度絮繞  
玉窓飛寫曜銜天藻呈祥拂御衣上林紛可  
望無處不光輝

沈佺期苑中遇雪應制一首

景龍三年

北闕彤雲掩曙霞東風吹雪舞仙家瓊章定  
少千人和銀樹長芳六出花

宋之問苑中遇雪應制一首

紫禁仙輿詔旦來青旂遙倚望春臺不知庭

唐雅卷一

上

霰今朝落疑是林花昨夜開

李乂苑中遇雪應制一首

龍驂曉入望春宮正逢瑞雪舞東風花光併  
灑天文上寒氣行消御酒中

劉憲苑中遇雪應制一首

勝日登臨雲葉起芳風搖蕩雪花飛呈暉幸  
得承金鏡颺影還將奉玉衣

趙彥昭苑中遇雪應制一首

青陽千律呂俄逢瑞雪應陽春今日迴

看上林樹梅花柳絮一時新

趙彥伯苑中遇雪應制一首

鍾聖酒御筵披六出祥英亂遶枝卽此神仙對瓊圃何煩轍跡向瑤池

李嶠苑中遇雪應制一首

散漫祥雲逐聖迴飄飄瑞雪繞天來不能落後爭飛絮故欲迎前定早梅

李乂奉和人日清暉閣宴羣臣遇雪

應制一首

景龍三年

唐雅卷一

十三

上月登臺賞中天御輦飛後庭聯舞唱前席仰恩輝睿作風雲起農祥雨雪飛幸陪人勝節長願奉垂衣

李嶠奉和人日清暉閣宴羣臣遇雪

應制一首

三陽偏勝節七日最靈辰行慶傳芳蟻升高綴綵人堦前萱候月樓上雪驚春今日銜天造還疑上漢津

劉憲奉和人日清暉閣宴羣臣遇雪

應制一首

輿輦乘人日登臨上鳳京風尋歌曲颺雪向舞行縈千官隨興合萬福與時并承恩長若此微賤幸昇平

趙彥昭奉和人日清暉閣宴羣臣遇

雪應制一首

出震乘東陸憑高遇北辰祥雲應早歲瑞雪候初旬宮樹千花發階蓂七葉新幸逢今日宴長奉萬年春

唐雅卷一

十四

宗楚客奉和人日清暉閣宴羣臣遇雪應制一首

窈窕神仙客參差雲漢間九重中禁啓七日早春還太液天爲水蓬萊雪作山今朝上林樹無處不堪攀

蘇頲奉和聖製人日清暉閣宴羣臣

遇雪應制二首

樓觀空烟裏初年瑞雪過苑花齊玉樹池水作銀河七日祥圖啓千春御賞多輕飛傳綵

勝天上奉薰歌

平明啟帝居霞雪下凌虛寫戶含珠綴從風  
薄綺䟽年驚花絮早春應筦絃初已屬雲天  
外欣承霈澤餘

岑參和祠部王員外雪後早朝即事

見朝會部

太宗詠雨一首

和風吹綠野梅雨灑芳田細流添舊澗宿霧  
足朝煙鴈濕行無次花沾色更鮮對此欣登

唐雅卷一

十五

歲披襟弄五絃

許敬宗奉和詠雨應詔一首

舞商初赴節湘鷺遠迎秋飄絲交殿網亂滴  
起池漚激溜分龍闕斜飛灑鳳樓崇朝方浹  
寓宸眎俯凝旒

楊師道中書寓直詠雨簡褚起居上

官學士一首

雲暗蒼龍闕沉沉殊未開窓臨鳳凰沼颯颯  
雨聲來電影入飛閣風威凌吹臺長簷響奔

溜清簾肅浮埃早荷葉稍沒新篁枝半摧茲  
晨悵多緒懷友自難裁况復重城內日暮獨  
徘徊玉堦良史筆金馬掞天才高甍通散騎  
復道駕蓬萊思君贈桃李於此冀瓊瓌

虞世南發營逢雨應詔一首

豫遊欣勝地皇澤乃先天油雲陰御道膏雨  
潤公田隴麥霑逾翠山花濕更燃稼穡良所  
重方復悅豐年

虞世南幽山雨後應令一首

唐雅卷一

十六

肅城隣上苑黃山邇桂宮雨歇連峯翠煙開  
寬野通排虛翔戲鳥跨水落長虹日下林全  
暗雲收嶺半空山泉鳴石澗地籟響崑風

李嶠奉和春日遊苑喜雨應制一首

仙蹕九重臺香煙萬壽杯一旬初降雨二月  
早聞雷葉向朝隤密花含宿潤開幸承天澤  
豫無使日光催

李乂奉和春日遊苑喜雨應制一首

園樓春正歸入暮弄芳菲密雨迎仙步低雲

拂御衣危花沾易落度鳥濕難飛膏澤登千  
庾歡情遍九圍

玄宗詠雨一首

罩雲飄遠岫噴雨泛長河低飛皆嶺腹斜足  
灑巖阿沄叢珠締葉起溜鏡圓波濛柳添絲  
密含吹織空羅

玄宗同劉晃喜雨一首

節變寒初盡時和氣已春繁雲先合寸膏雨  
自依旬颯颯飛平野霏霏靜暗塵懸知花葉

唐雅卷一

七

意朝夕望中新

張說奉和聖製同劉晃喜雨應制一

首

青氣含春雨知從岱嶽來行雲避師出灑雨  
待車迴厭浥塵清道空濛柳映臺最宜三五  
夜晴月九重開

玄宗喜雨賦一首

仰重華之齊政步文命而彝倫何天道之云  
遠亦明徵之在人迄中夏而自春邁憊陽而

爲亢雲重結而復解雨纔滴而還障山祠植  
珪而不答田畯倚耒而惆悵京兆來奏音官  
撰曲將土龍而矯首請神巫而頓足彼有憑  
而可舉予何抑而未許恐歲凶之及人寧天  
譴於我身乃潔齋壇墀五精是祠暴立炎赫  
三日爲期上帝臨我衷誠不欺重泉蒸潤觸  
石吐滋平雲暗而鋪幕密雨森其散絲無雷  
無電不震不眩匪疾匪徐乍合乍踈泛草泊  
樹垂珠點露過闕入樓含煙雜霧或噴薄而

唐雅卷一

六

攢集或淋漓而灌注亂積水之圓文拂微風  
之斜度寰海浹而康樂畎畝欣而相顧絲管  
合兮夜將曉芙蓉開兮日未暮原夫雨之爲  
德也無小大之異情無高卑之不平無華朽  
之偏潤無臭薰之隔榮喜夫雨之今應也起  
一言而不舍經累旬而廣瀉納清陰之浮涼  
同顯氣之飄灑感作霖於殷命諷其滂於周  
雅家尚知乎禮節國有望於豐霸小陽臺之  
神人却大宛之走馬觀雲行而雨施吾何事



乎天下

張說喜雨賦一首

史臣啓先王之冊府校絕瑞於祥經樂雲雨之平施齊品物之流形帝皇益重而爲寶麟鳳自輕而讓靈况愆時而渴望欲意達而神聽是月也朱明漸半紫蘼未吐恐降災兮此下人罄虔祈兮我神主退象龍之禮儔斥持鷺之貌舞屏翳慙其廢職祝融悔其遷怒天決滌而出雲地霧灑而下雨速一言而感應

唐雅卷二

十九

克二日而周溥氣翳霏以黥黥聲颺灑以蕭條璀如銀漢之屑落璨似珠泉而噴澆街廡漫其潢潦皋壤萋其綠苗舒四溟之清潤卷六合之煩囂咸澡骨於神液共歡心於聖朝借如五月有梅雨之名三春有穀雨之氣越人以泥牛待沃剛士賣土龍求費出員嶠以石香入成都之酒味彼偏方以小節非大人之所貴復有送山祗於鬱島迎海若於葛川疾雷碎其山裂走電燁其海燃天子作愁霖

之賦詞人綴苦雨之篇墻屋壞於倒井黍稷流於下田乃凶浸之不令曷休徵之有焉請言瑞雨之可喜也協氣交泰嘉生是賴湛覃而不溺衍溢而不害東漸出日之表西被無雷之外南窮火鼠之譯北盡燭龍之會天文則雲漢昭回王澤則江河滂沛雖欲譚天而窺管孰知堯德之爲大

張九齡奉和聖製喜雨一首

艱我稼穡載育載亨如物應之曷聖與靈謂

唐雅卷二

丰

我何憑惟德之馨誰云天遠以誠必至太清無雲羲和頓轡于斯蒸人瞻彼非覲陰冥倏忽霈澤咸泊何以致之我后之感無皋無隰黍稷黥黥無卉無木敷芬黥黥黃龍忽來鳴鳥不思人和年豐皇心則怡豈與周宣雲漢徒詩

魏知古奉和天后春日途中喜雨一首

皇輿向洛城時雨應天行麗日登巖送陰雲



出野迎濯枝林杏發潤葉渚蒲生絲入綸言  
喜花依錦字明微臣忝東觀載筆佇西成

張九齡奉和吏部崔尚書雨後大明

朝堂望南山一首

迢遞終南頂朝朝閶闔前  
竭來青綺外高在翠微先  
雙鳳鸞爲闕羣龍儼若仙  
還知到玄圃更是謁甘泉  
夜雨塵初滅秋空月正懸  
詭容紛入望霽色宛成妍  
東極華陰踐西彌嶠  
象連奔峯出嶺外瀑水落雲邊  
漢帝宮將苑

唐雅卷一

三

商君陌與阡林間鋪近甸  
煙靄遶晴川旣庶仁斯及  
分憂政已宣山公啓事罷  
吉甫頌聲傳濟濟金門步  
洋洋玉樹篇徒歌雖有屬  
清越豈同年

李愔奉和聖製從蓬萊向興慶閣道

中留春雨中春望之作應制一首

別館春還淑氣催三宮路轉鳳凰臺  
雲飛北闕輕陰散雨歇南山積翠來  
御柳遙隨天仗發林花不待曉風開  
已知聖澤深無限更喜

年芳入睿才

王維奉和聖製從蓬萊向興慶閣道  
中留春雨中春望之作應制一首

渭水自縈秦塞曲黃山舊遶漢宮斜  
鑾輿迥出仙門柳閣道迴看上苑花  
雲裏帝城雙鳳闕雨中春樹萬人家  
爲乘陽氣行時令不是宸遊重物華

太宗初晴落景一首

晚霞聊自怡初晴彌可喜日晃百  
花色風動

唐雅卷一

三

千株翠池魚躍不同園鳥聲還異  
寄言博通者知予物外志

虞世南初晴應教一首

初日明燕館新溜滿梁池歸雲半  
入嶺殘滴尚懸枝

唐雅卷第一

唐雅卷第二

清河張之象編

四時部

太宗首春一首

寒隨窮律變春逐鳥聲開  
初風飄帶柳曉雪間花梅  
碧林青舊竹綠沼翠新苔  
芝田初鴈去綺樹未鶯來

太宗春日玄武門宴羣臣一首

見公讌部

唐雅卷二

蘇味道初春行宮侍宴應制得天字

一首

溫液吐涓涓跳波急應絃  
簪裾承睿賞花柳發韶年  
聖酒千鍾洽宸章七曜懸  
微臣從此醉還似夢鈞天

上官儀早春桂林殿應詔一首

步輦出披香清歌臨太液  
曉樹流鶯滿春堤芳草積  
風色翻露文雪花上空碧  
花蝶來未已山光暖將夕

陳叔達早春桂林殿應詔一首

金鋪照春色玉律動年華  
朱樓雲似蓋丹桂雪如花  
水岸銜階轉風條出柳斜  
輕輿臨太液湛露酌流霞

玄宗春臺望一首

暇景屬三春高臺聊四望  
目極千里際山川一何壯  
太華見重巖終南分疊障  
郊原紛綺錯參差多異狀  
佳氣滿通郊遲步入綺樓  
初鶯一一鳴紅樹歸鴈遲  
遲去綠洲太液池中

唐雅卷二

下黃鶴昆明水上映牽牛  
聞道漢家全盛日別館離宮處  
非一甘泉逶迤亘明光五柞連  
延接未央周廬徼道縱橫轉  
飛閣迴軒左右長須念作勞居者逸  
勿言我後焉能恤爲想雄豪壯栢梁  
何如儉陋卑茅室陽烏黯黯向山沉  
夕鳥喧喧入上林薄暮賞餘回步輦還  
念中人罷百金

賀知章奉和御製春臺望一首

青陽布王道玄覽陶真性欣若天下春

域中聖神皋類觀賞帝里如懸鏡繚繞八川  
浮岩崑雙闕映曉色徧昭陽晴雲卷豫章華  
滋的爍丹青樹顯氣氤氲金玉堂尚有靈蛇  
下廊時還徵瑞寶入陳倉自昔秦奢漢窮武  
後庭萬餘宮百數旗回五丈殿千門連綿南  
墜出西垣廣畫螭蟻誇窈窕羅生玳瑁象岷  
嶺迺睠天情興隱恤古來土木良非一荆臨  
章觀趙叢臺何如堯階將禹室層欄辟篠下  
龍輿清管逶迤半綺疎一聽南風引鸞舞長

唐雅卷二

三

謠北極仰鵷居

許景先奉和御製春臺望一首

睿德在青陽高居視中縣秦城連鳳闕漢寢  
疎龍殿文物照光輝郊畿鬱葱蒨千門望成  
錦八水明如練複道曉光披宸遊出禁移瑞  
氣朝浮五雲閣祥光夜吐萬年枝蘭葉負龜  
初薦祉桐花集鳳更來儀秦漢生人凋力役  
阿房甘泉構雲碧汾祠雍時望通天玉堂宣  
室坐長年鼓鍾西接咸陽觀苑囿南通鄠杜

田明主卑宮戒前失輔德欽賢政惟一昆蟲  
不天在春蒐稼穡常艱重農術邦家已荷聖  
謨新猶聞儉陋惜中人預奉北辰齊七政長  
歌東武抃千春

元萬頃奉和春日池臺一首

日影飛花殿風文積草池鳳樓通夜敞虬輦  
望春移

元萬頃奉和春日二首

花輕蝶亂仙人杏葉密鸞喧帝女桑飛雲閣

唐雅卷二

四

上春應至明月樓中夜未央

鳳輦迎風乘紫閣鸞車避日轉彤闈中塘促  
管淹春望後殿清歌開夜扉

玄宗春日出苑遊矚一首

太子時作

三陽麗景早芳辰四序佳園物候新梅花百  
般障去路垂柳千條暗回津鳥飛直爲驚風  
葉魚沒都由怯岸人唯願聖主南山壽何愁  
不賞萬年春

張說奉和春日出苑矚目應令一首

禁林艷裔發春陽春望逍遙出畫堂雨洗庭  
皋千畝綠風吹梅李一園香鶴飛不去隨青  
管魚躍翻來入綵航睿賞歡承天保定道文  
更覩日重光

玄宗墨令答贊云入相論道資孝爲忠朗如  
明鏡穆若清風旣調飾鶴又擅雕龍有典有  
則是爲文雄

賈曾奉和春日出苑矚目應令一首

銅龍曉闢問安迴金輅春遊博望開渭水晴

唐雅卷二

五

光搖草樹終南佳氣入樓臺招賢已從商山  
老托乘還徵鄴下才臣在東周獨留滯忻逢  
睿藻日邊來

劉憲奉和春日幸望春宮應制一首

望春宮在滌水西岸隋文帝建煬帝改

曰長樂宮唐復名望春

暮春春色最便妍花裏花開列御筵商山積  
翠臨城起滌水浮光共幕連鶯藏嫩葉歌相  
喚蝶礙芳叢舞不前歡娛節物今如此願奉

宸遊億萬年

張說奉和聖製春日幸望春宮應制

一首

別館芳菲上苑東飛花澹蕩御筵紅城臨渭  
水天河靜闕對南山雨露通繞殿流鶯凡幾  
樹當蹊亂蝶許多叢春園旣醉心和樂共識  
皇恩造化同

崔日用奉和聖製春日幸望春宮應

制一首

唐雅卷二

六

東郊芳物正薰馨素滌鳧鷖戲綠汀鳳閣斜  
通平樂觀龍旂直逼望春亭光風搖動蘭英  
紫淑氣依遲柳色青渭浦明晨脩禊事羣公  
傾賀水心銘

蘇頲奉和聖製春日幸望春宮應制

一首

東望望春春可憐更逢晴日柳含烟宮中不  
見南山盡城上平臨北斗懸細草偏承迴輦  
處飛花故落舞觴前宸遊對此歡無極鳥弄

歌聲雜管絃

李義府奉和聖製春日幸望春宮應

制一首

此詩疑  
李又作

東城結宇瞰千尋北闕迴輿具四臨麗日祥  
煙承罩罩輕黃弱草藉衣簪秦商重沓雲嚴  
近河渭縈紆霧壑深謬接鴛鸞陪賞樂還欣  
魚鳥逐飛沉

韋元旦奉和聖製春日幸望春宮應

制一首

唐雅卷二

七

九重樓閣半山阿四望韶陽春未賒侍蹕妍  
歌臨灞浹留觴艷舞出京華危萍競捧中衡  
日戲馬爭街上苑花景色歡娛長若此承恩  
不醉不還家

馬懷素奉和聖製春日幸望春宮應

制一首

綠毳瑠璣俯碧潯行春御氣發皇心搖風細  
柳縈馳道映日輕花出禁林通野園亭開霽  
幕連堤草樹狎衣簪謬參西掖霑堯酒願沐

南薰滿舜琴

沈佺期奉和聖製春日幸望春宮應

制一首

芳郊綠樹散春晴複道離宮烟霧生楊柳千  
條花欲綻蒲桃百丈蔓初縈林香酒氣元相  
入鳥嘯歌聲各自成是日風光牽宿醉來晨  
復得幸昆明

崔湜奉和聖製春日幸望春宮應制

一首

唐雅卷二

八

澹蕩春光滿曉空逍遙御輦入離宮山河眺  
望雲天外臺榭參差烟霧中庭際花飛錦繡  
合枝間鳥嘯管絃同卽此歡娛齊鎬宴唯應  
率舞樂薰風

薛稷奉和聖製春日幸望春宮應制

一首

九春風景足林泉四面雲霞敞御筵花鏤黃  
山繡作苑草圖玄灞錦爲川飛觴競醉心迴  
日走馬爭看眼着鞭喜奉仙遊歸路遠直論



行樂不言旋

李適奉和聖製春日幸望春宮應制

一首

玉輦金輿天上來  
花園四望錦屏開  
輕絲半拂朱門柳  
細纈全披畫閣梅  
蝶舞飛行飄御席  
鶯歌度曲繞仙杯  
聖詞今日光輝滿  
漢主秋風莫道才

鄭愔奉和聖製春日幸望春宮應制

一首

唐雅卷二

九

晨蹕凌高轉翠旌  
春樓望遠背朱城  
忽排花上遊天苑  
却坐雲邊看帝京  
百草香心初習  
蝶千林嫩葉始藏鶯  
幸同葵藿傾陽早  
願比盤根應帝榮

閻朝隱奉和聖製春日幸望春宮應

制一首

勾芒人面乘兩龍  
道是春神衛九重  
綵勝年年逢七日  
醺醺歲歲滿千鍾  
宮梅間雪祥光  
遍城柳含煙淑氣  
濃醉到君前情未  
盡願因

歌舞自爲容

姚崇春日洛陽城侍宴一首

貞觀十九年

南山開寶曆北渚對芳蹊  
的歷風梅度參差  
露草低堯樽臨上席  
舜樂下前溪任重由來  
醉乘酣志轉迷

宋之問春日芙蓉園侍宴應制二首

芙蓉秦地沼盧橘漢家園  
谷轉斜盤徑川迴  
曲抱源風來花自舞  
春入鳥能言侍宴瑤池  
夕歸途騎吹繁

唐雅卷二

十

年光竹裏遍春色  
杏間遙烟氣籠青閣  
流文蕩畫橋飛花隨蝶舞  
艷曲伴鶯嬌今日陪歡  
豫還疑陟紫霄

李乂春日芙蓉園侍宴應制一首

水殿臨丹籞山樓遶翠微  
昔遊人託乘今幸  
帝垂衣澗篠綠峯合  
巖花退浦飛朝回江曲  
地無處不光輝

蘇頲春日芙蓉園侍宴應制一首

御道紅旗出芳園  
翠輦遊繞花開水殿架竹

起山樓荷芰輕薰幄魚龍出負舟寧如穆天子空賦白雲秋

太宗初夏一首

一朝春夏改隔夜鳥花遷陰陽深淺葉曉夕重輕烟咲鶯猶響殿橫絲正網天珮高蘭影接綬細草文連碧鱗驚棹側玄燕舞簷前何必汾陽處始復有山泉

太宗賦得夏首啓節一首

北闕三春晚南榮九夏初黃鶯美漸變翠林

唐雅卷二

十一

花落餘瀑流還響石猿啼自應虛早荷向心卷長楊就影舒此時歡不及調軫坐相於

太宗夏日聯句一首

人皆苦炎熱我愛夏日長太宗薰風自南來殿閣生微涼褚遂良

宋之問夏日仙萼亭應制一首

高嶺逼星河乘輿此日過野舍時雨潤山雜夏雲多  
下歸路滿筵歌

蔡文恭奉和夏日遊山應制一首

見山嶽部

楊師道奉和夏日晚景應詔一首

盤路夾垂楊離宮通建章日落橫峯影雲歸迎夕涼  
離軒動流吹羽蓋息廻塘  
離草生還綠殘花踈尚香  
青謁類姑射碧澗似汾陽  
幸屬無爲日歡娛方未央

太宗度秋一首

夏律昨留灰秋箭今移晷峨眉岫初出洞庭

唐雅卷二

十二

波漸起桂白發幽巖菊黃開  
瀾淡運流方可嘆含毫屬微理

太宗秋日二首

爽氣澄蘭沼秋風動桂林  
露凝千片玉菊散一叢  
金日岫高低影雲空點綴陰蓬瀛不可望泉石且娛心

菊散金風起荷踈玉露圓  
將秋數行鴈離夏幾林蟬  
雲凝愁半嶺霞碎纈高天  
還似成都望直見蛾眉前

袁朗秋日應詔一首

玉樹涼風舉金塘細草萎葉落商飈觀鴻歸  
明月池迎風桂酒熟含霧菊花垂一奉章臺  
宴千秋長願斯

太宗五言秋日效庾信體一首

嶺嶺宵月桂珠穿曉露叢蟬啼覺樹冷螢火  
不溫風花生圓菊並荷盡戲魚通晨浦鳴飛  
鴈夕渚集栖鴻颺颺高天吹氛澄下熾空

太宗遼東山夜臨秋一首

唐雅卷三

三

煙生遙岸隱月落半崖陰連山驚鳥亂隔岫  
斷猿吟

上官儀奉和山夜臨秋一首

殿帳清炎氣輦道含秋陰淒風移漢筑流水  
入虞琴雲飛送斷鴈月上淨疎林滴瀝露枝  
響空濛烟壑深

太宗儀鸞殿早秋一首

寒驚薊門葉秋發小山枝松陰背日轉竹影  
避風移提壺菊花岸高興芙蓉池欲知涼風

早巢空燕不窺

許敬宗奉和儀鸞殿早秋應制一首  
睿想追嘉豫臨軒御早秋斜暉麗粉壁清吹  
肅朱樓高殿凝陰滿雕窓艷曲流小臣參廣  
宴大造諒難酬

太宗秋夜翠微宮一首

貞觀二十一年夏四月上得風疾苦京  
師盛暑命脩終南山大和廢宮爲翠微  
宮五月如翠微宮冀州進士張昌齡獻

唐雅卷三

占

翠微宮頌上愛其文命爲通事舍人裏  
供奉秋七月復移仗居之

秋光凝翠嶺涼吹肅離宮荷疎一蓋缺樹冷  
半帷空側陣移鴻影圓花釘菊叢據懷俗塵  
外高眺白雲中

太宗初秋夜坐一首

斜廊連綺閣初月照宵帷塞冷鴻飛疾園秋  
蟬噪遲露結林疎葉寒輕菊吐滋愁心逢此  
節長嘆獨含悲

楊師道初秋夜坐應詔一首

玉琯涼初應金壺夜漸闌蒼池流稍潔仙掌  
露方漙鴈聲風處斷樹影月中寒爽氣長空  
淨高吟亮思寬

劉緯之九成宮秋初應詔一首

九成宮本隋仁壽宮也唐太宗脩以避  
暑更名九成宮永徽初又名萬年宮

帝園疏金闕仙臺駐玉鑾野分鳴鶴岫路接  
寶鷄壇林樹千霜積神宮四序寒蟬急知秋

唐詩卷二

五

早鶯疎覺夏闌怡神紫氣外凝睇白雲端舜  
海詞波發空驚遊聖難

太宗秋日卽目一首

爽氣浮丹闕秋光澹紫宮衣碎荷疎影花明  
菊點叢袍輕低草露蓋側舞松風散岫飄雲  
葉迷路飛煙鴻砌冷蘭凋佩闥寒樹墮桐別  
鶴棲琴裏離猿啼峽中落野飛星箭弦虛半  
月弓芳菲夕霧起暮色滿房櫳

許敬宗奉和秋日卽目應制一首

玉露交珠網金風度綺錢昆明秋景淡岐岫  
落霞然辭鷺歸寒海來鴻出遠天葉動羅帷  
颺花晚繡衣鮮規空昇閣魄籠野散輕煙鵲  
度林光起鳬沒水文圓無機絡秋緯如管奏  
寒蟬乃睠情何極宸襟豫有旃

太宗山閣晚秋一首

山亭秋已滿嚴牖涼風度疎闌尚染煙殘菊  
猶承露古石衣新苔新巢封古樹歷覽情無  
極咫尺輪光著

唐詩卷二

六

太宗秋暮言志一首

朝光浮燒野霜華淨碧空結浪水初鏡在徑  
菊方叢約嶺煙深翠分旗霞散紅抽思滋泉  
側飛想傳巖中已獲千箱慶何以繼薰風  
許敬宗奉和秋暮言志應制一首

秋深桂始發寒摠菊餘菲波擁羣鳬至秋飄  
朔鴈歸月莢生還落雲枝似復非凝宸閱西  
畝觀文佇少微聖敬韜前哲先天諒不違

太宗冬宵四韻一首

離宮靜龍漏綺閣宴公侯珠簾燭燄動繡柱  
月光浮雲起將歌發風停與管道瑣池任多  
士端展更何憂

唐雅卷第二

唐雅卷第二

二

唐雅第二冊目錄

卷之三

節序部

太宗元日一首

許敬宗奉和元日應制一首

太宗正日臨朝一首

魏徵岑文本李元操李百藥顏師古

楊師道奉和正日臨朝共六首

武平一奉和正日朔賜羣臣栢葉一

唐雅第二冊目錄 一

首

岑文本三元頌一首

鄭愔趙彥昭人日侍宴大明宮應制

共二首

馬懷素崔日用李嶠韋元旦蘇頲李

義府沈佺期李適奉和人日宴大

明宮恩賜綵綵人勝應制共八首

李乂李嶠劉憲趙彥昭宗楚客蘇頲

奉和人日清暉閣宴羣臣遇雪應



制共六首以上六首見天文部

中宗立春遊苑迎春一首

盧藏用崔日用閭朝隱沈佺期李適

馬懷素常元旦奉和立春遊苑迎

春應制共七首

上官昭容劉憲趙彥昭宋之問李嶠

蘇頲奉和聖製立春日侍宴內殿

出剪綵花應制共六首

武平一崔湜劉憲岑羲奉和立春日

唐雅第二冊目錄 二

內出綵花樹應制共四首

玄宗軒遊宮正月十五夜一首

薛曜正夜侍宴應制一首

楊炯奉和上元酺宴應詔一首見酺宴部

王維奉和聖製正月十五夜燃燈繼

以酺宴應制一首

張說十五日夜御前口號踏歌詞二

首

太宗月晦一首

玄宗初入秦川路寒食一首

張說奉和聖製初入秦川路寒食一

首

張說奉和聖製寒食應制一首

韋承慶寒食應制一首

張說清明日詔宴寧王池賦得飛字

一首

陳希烈奉和聖製三日一首

沈佺期三日禁園侍宴一首

唐雅第二冊目錄 三

張九齡三月三日申王園亭宴集一

首

王維奉和聖製與太子王月王日三

日龍池春禊應制一首

王維三月三日曲江侍宴應制一首

趙良器三月三日曲江侍宴應制一

首

王維三月三日勤政樓侍宴應制一

首

崔國輔奉和上巳祓禊應制一首

沈佺期李乂劉憲韋嗣立徐彥伯張

說上巳日祓禊渭濱應制共六首

王維奉和聖製上巳於望春亭觀禊

飲應制一首

玄宗端午三殿宴群臣一首

并序

張說端午三殿侍宴應制一首

高宗七夕宴玄圃二首

許敬宗奉和七夕宴玄圃應制二首

唐雅第二冊目錄 四

杜審言李嶠劉憲趙彥昭李乂蘇頲

奉和七夕宴兩儀殿應制共六首

任希古和東觀羣賢七夕臨泛昆明

池一首

高宗九月九日一首

賀敬奉和九月九日應制一首

崔國輔九日侍宴應制一首

景龍三年九月九日中宗幸臨渭亭

登高一首

韋安石奉和九日幸臨渭亭登高應

制得枝字一首

蘇瓌奉和九日幸臨渭亭登高應制

得暉字一首

李嶠奉和九日幸臨渭亭登高應制

得歡字一首

蕭至忠奉和九日幸臨渭亭登高應

制得餘字一首

竇希玠奉和九日幸臨渭亭登高應

唐雅第二冊目錄 五

制得英字一首

韋嗣立奉和九日幸臨渭亭登高應

制得深字一首

趙彥伯奉和九日幸臨渭亭登高應

制得花字一首

楊廉奉和九日幸臨渭亭登高應制

得亭字一首

李咸奉和九日幸臨渭亭登高應制

得直字一首

閻朝隱奉和九日幸臨渭亭登高應

制得筵字一首

沈佺期奉和九日幸臨渭亭登高應

制得行字一首

蘇頲奉和九日幸臨渭亭登高應制

得時字一首

李乂奉和九日幸臨渭亭登高應制

得龍字一首

陸景初奉和九日幸臨渭亭登高應

八唐雅第二冊目錄

六

制得臣字一首

韋元旦奉和九日幸臨渭亭登高應

制得月字一首

李適奉和九日幸臨渭亭登高應制

得高字一首

鄭南金奉和九日幸臨渭亭登高應

制得日字一首

于經野奉和九日幸臨渭亭登高應

制得樽字一首

盧懷慎奉和九日幸臨渭亭登高應

制得還字一首

上官昭容劉憲張錫馬懷素岑羲李

迴秀趙彥昭樊忱崔日用楊廉李

乂李恒盧藏用王景昇乾太辛替

否解琬麴瞻孫佺李從遠張景源

蕭至忠周利用李適宋之問奉和

九月九日登慈恩寺浮圖應制共

二十六首

八唐雅第二冊目錄

七

宋之問奉和聖製閏九月九日登莊

嚴揔持二寺閣一首

李嶠奉和聖製閏九月九日幸揔持

登浮圖應制一首

以上詩共二十  
八首見寺觀部

王維奉和聖製重陽節宰臣及羣官

上壽應制一首

太宗除夜一首

太宗於太原召侍臣賜宴守歲一首

太宗守歲一首

杜審言守歲侍宴應制一首

杜審言沈佺期歲夜安樂公主滿月

侍宴應制共二首

卷之四

山嶽部

太宗宴中山一首

許敬宗奉和宴中山應制一首

太宗小山賦一首

太宗詠小山一首

唐雅第二冊目錄

八

許敬宗掖亭山賦應詔一首

楊師道賦終南山用風字韻應詔一

首

玄宗途經華岳一首

張說張九齡奉和聖製途經華岳應

制共二首

玄宗早登太行山中言志一首

蘇頌張說張九齡苗晉卿奉和聖製

早登太行山中言志應制共四首

張九齡奉和聖製早發三卿山行一

首

張九齡韋濟李林甫奉和聖製次瓊

岳應制共三首

蔡文恭奉和夏日遊山應制一首

沈佺期宋之問嵩山石淙侍宴應制

共二首

宋之問松山嶺一首

水泉部

唐雅第二冊目錄

九

太宗洛水一首

薛稷奉和進船洛水應制一首

李嶠蘇味道牛鳳及奉和受圖溫洛

應制共三首

武后大享拜洛樂章十四首

玄宗祭汾陰樂章十一首

李嶠汾陰行一首

張說侍宴瀍水賦作濃字一首

宗楚客侍宴瀍水賦作長字一首

宋之問奉和梁王宴龍泓應教一首

高宗過溫湯一首

越王貞王德貞楊思玄鄭義真奉和

聖製過溫湯共四首

武后同太平公主遊九龍潭一首

玄宗溫泉言志一首

張說奉和聖製溫泉言志應制一首

張九齡奉和聖製溫泉歌一首

孫欣奉試冷井詩一首

唐雅第二冊目錄

十

唐雅第二冊目錄終

唐雅卷第三

清河張之象編

節序部

太宗元日一首

高軒霽春色邃閣媚朝光彤庭飛綵旆翠幌  
曜明璫恭已臨四極垂衣馭八荒霜戟列丹  
陛絲竹韻長廊穆矣薰風茂康哉帝道昌繼  
文遵後軌循古鑒前王草秀故春色梅艷昔  
年粧巨川思欲濟終以寄舟航

唐雅卷三

許敬宗奉和元日應制一首

天正開初節日觀上重輪百靈滋景祚萬土  
慶惟新待旦敷玄造綽旒御紫宸武帳臨光  
宅文衛象鈎陳廣延揚九奏大帛麗三辰發  
生同化育播物體陶鈞霜空澄曉氣霞景榮  
芳春德輝覃率土相賀奉還淳

太宗正旦臨朝一首

條風開獻節灰律動初陽百蠻奉還書萬國  
朝未央雖無舜禹跡幸欣天地康車軌同八



表書文混四方赫奕嚴冠蓋紛綸盛服章羽  
旄飛馳道鍾鼓震嚴廊組練輝霞色霜戟照  
朝光宸宵懷至理終愧撫遐荒

魏徵奉和正日臨朝一首

百靈侍軒后萬國會塗山豈如今睿哲邁古  
獨光前聲教溢四海朝宗引百川錯愕鳴玉  
珮灼爍輝金蟬淑景耀雕輦高旌揚翠煙庭  
寶超王會廣樂盛鈞天既欣東日戶復詠南  
風篇願奉光華慶從斯萬億年

唐雅卷三

岑文本奉和正日臨朝一首

時雍表昌運日正叶靈符德兼三代禮功包  
四海圖踰沙紛在列執玉儼相趨清蹕喧輦  
道張樂駭天衢拂蜺九旗映儀鳳八音殊佳  
氣浮仙掌薰風繞帝梧天文光七政皇恩被  
九區方陪瘞玉禮珥筆岱山隅

李元操奉和正日臨朝一首

銅渾變秋節玉律動年灰靄靄城霞旦隱隱  
禁門開衆靈輳仙府百神朝帝臺葉令雙鳬

至梁王駟馬來戈鋌映林闕歌管拂塵埃保  
章望瑞氣尚書免火災冠冕多秀士簪裾饒  
上才誰怜張仲蔚日暮反蒿萊

李百藥奉和正日臨朝一首

化曆昭唐典承天順夏正百靈啓軒禁三辰  
揚旆旌充庭富禮樂高譙齒簪纓獻壽符萬  
歲移風韻九成

顏師古奉和正日臨朝一首

七政璿衡始三元寶曆新負宸延百辟垂旒

唐雅卷三

御九賓肅肅皆驚路濟濟盛纓紳天涯致重

譯西域獻奇珍

楊師道奉和正日臨朝一首

皇猷被寰宇端宸屬元辰九重麗天邑千門  
臨上春

武平一奉和正日朔賜羣臣柏葉

一首

綠葉迎春綠寒枝歷歲寒願持柏葉壽長春  
萬年歡

岑文本三元頌一首

攝提改度孟陬順紀歸餘既終獻歲方始乃  
詔司存命掌故考憲章脩法度三朝之禮畢  
陳九賓之儀咸具庭燎是以颺舉明燈暉以  
星布爾乃月正元日節應勾芒浮祥煙而泛  
佳氣闢閭闔而敞德陽虞賓先於列位呼韓  
厠於班行百寮濟濟萬國皇皇腰金鳴玉執  
贄奉璋內自畿甸外被要荒輸琛王會納貢  
職方司儀之職無替臚人之列有章既伸睠

唐雅林

四

於宸極亦矯首於巖廊猶川流之歸海若湛  
露之晞陽張崇牙設祝故陳鼎實列樽俎桂  
桓肅而爲衛戈鋌森以齊舉五輅接輅九旗  
揚旆羽蓋歲黹雲車晡藹發聲明於文物備  
威儀於冠帶

鄭愔人日侍宴大明宮應制一首

初隋文帝遷長安城立宮於西北隅唐  
太宗貞觀八年營蓬萊宮於其東北制  
度弘壯於舊門曰丹鳳殿曰含元因移

仗居之故宮曰西內新宮曰東內亦曰

大明宮云

瓊殿含光映早輪玉繩微輝望初晨池開凍  
水仙宮麗樹發寒花禁苑新佳氣徘徊籠細  
網殘雲淅瀝染輕塵良時荷澤皆迎勝窮谷  
晞陽猶未春

趙彥昭人日侍宴大明宮應制一首

寶契無爲屬聖人明興出幸玩芳辰平樓半  
入南山霧飛閣旁臨東野春夾路穠花千樹

唐雅林

五

發垂軒弱柳萬條新處處風光今日好年年  
願奉屬車塵

馬懷素奉和人日宴大明宮恩賜綵

縷人勝應制一首

萬宇千門平旦開天容辰象列昭回三陽候  
節金爲勝百福迎春玉作杯就暖風光偏著  
柳辭寒雪影半藏梅何幸得參同職職自怜  
終乏馬卿才

崔日用奉和人日宴大明宮恩賜綵

縷人勝應制一首

新年宴樂正東朝  
鍾鼓鏗鏘大樂調  
金屋瑤筐開寶勝  
花牋綵筆頌春椒  
曲池苔色冰前液  
上苑梅香雪裏飄  
宸極此時飛聖藻  
微臣竊抃預聞韶

李嶠奉和人日宴大明宮恩賜綵縷人勝應制一首

鳳城景色已含韶  
人日光風倍覺饒  
桂吐半輪迎此夜  
蓂開七葉應今朝  
魚猜水凍行猶澁  
鶯喜春聲弄欲嬌  
愧奉登高搖綵筆  
欣逢御氣上丹霄

唐雅卷三

六

韋元旦奉和人日宴大明宮恩賜綵縷人勝應制一首

鸞鳳旌旗拂曉陳  
魚龍角牴大明晨  
青韶既肇人爲日  
綺勝初成日作人  
聖藻凌雲裁柏賦  
仙歌從宴摘梅春  
垂流一慶宜年酒  
朝野俱歡薦壽新

蘇頌奉和人日宴大明宮恩賜綵縷

人勝應制一首

疏龍磴道切昭回  
建鳳旗門遶帝臺  
七葉仙蓂承月吐  
千株御柳拂烟開  
初年競帖宜春勝  
長命先添獻壽杯  
是日最靈知竊幸  
羣心能捧大明來

李義府奉和人日宴大明宮恩賜綵縷人勝應制一首

詰旦行春上苑中  
憑高却下大明宮  
千年執象寰瀛泰  
七日爲人慶賞隆  
鐵鳳曾寒搖瑞雪  
銅烏細轉入祥風  
此時朝野歡無算  
此歲雲天樂未窮

唐雅卷三

七

沈佺期奉和人日宴大明宮恩賜綵縷人勝應制一首

拂旦鷄鳴仙籥陳  
憑高龍首帝城春  
千官臨帳杯前壽  
百福香奩勝裏人  
山鳥初來猶怯暝  
林花未發已偷新  
天文正應韶光發  
知用此辰

李適奉和人日宴大明宮恩賜綵縷

人勝應制一首

朱城待鳳韶年至碧殿疏龍淑氣來寶帳金  
屏人已貼圖花學鳥勝初栽林香近接宜春  
苑山翠遙添獻壽杯向夕憑高風景麗天文  
垂耀象昭回

李义李嶠劉憲趙彦昭宗楚客蘇頌  
泰和人日清暉閣宴羣臣遇雪應制  
共六首

見天文部

唐雅卷三

八

中宗立春遊苑迎春一首

初中宗景龍二年始於修文館置大學  
士四員學士八員直學士十二員象四  
時八節十二月於是李嶠宗楚客趙彦  
昭韋嗣立爲大學士李適劉憲崔湜鄭  
愔盧藏用李义岑義劉子玄爲學士薛  
稷馬懷素宋之問武平一杜審言沈佺  
期閻朝隱爲直學士又召徐堅韋元旦  
徐彦伯劉允濟等滿員其後被選者不

一凡天子饗會游豫唯宰相直學士得

從春幸禁苑迎春並渭水祓除則賜細

柳園辟藹夏宴蒲萄園賜朱櫻秋登慈

恩浮圖獻菊花酒稱壽冬幸新豐歷白

鹿觀上驪山賜浴湯池給香粉蘭澤從

行給翔麟馬品官黃衣各一帝有所感

卽賦詩學士皆屬和當時人所欣慕焉

神臯福地三秦邑玉臺金闕九仙家寒氷猶

戀甘泉樹淑景催臨建始花綵蝶黃鶯未欲

唐雅卷三

九

舞梅香柳色已堪誇迎春正啓流霞席暫囑

曦輪勿遽斜

盧藏用奉和立春遊苑迎春應制一

首

天遊龍輦駐城隅上苑遲光晚更新瑤臺半

入黃山路玉檻傍臨玄灞津梅香欲待歌前

落蘭氣先過酒上春幸預柏亭稱獻壽願陪

千畝及農辰

崔日用奉和立春遊苑迎春應制一

首

乘時迎氣正，曉色滿渾河。  
氛向曉清剪，綺裁紅妙春。  
色宮梅殿柳，識天情瑤篴。  
綠燕先呈瑞金縷，晨鷄未學鳴聖澤陽和，宜宴樂年年捧日向東城。

閏朝隱奉和立春遊苑迎春應制一首

管籥周移，震極裏乘輿望奉斗城闌，草根未結青絲縷。  
蘿蒿猶垂綠帔巾，鵲入巢中言改歲燕嚙書上道宜新。  
願得長繩繫取日光臨天子萬年春。

唐雅卷三

十

歲燕嚙書上道宜新，願得長繩繫取日光臨天子萬年春。

沈佺期奉和立春遊苑迎春應制一首

首

東郊暫轉迎，春仗上苑初飛行。  
慶杯風射蛟水千片斷，氣衝魚鑰九關開。  
林中覓草纔生，意殿裏爭花併是梅。  
歌吹銜恩歸路晚，棲鳥半上鳳城來。

李適奉和立春遊苑迎春應制一首

金輿翠輦迎嘉節，御苑仙宮待淑春。  
淑氣初銜梅色淺，條風半拂柳墻新。  
天不慶言齊南岳聖，藻光輝動北辰稍。  
覺披香殿吹近龍驂，薄暮下城闌。

馬懷素奉和立春遊苑迎春應制一首

玄禽飛灰出洞房，青郊迎氣肇初陽。  
仙輿暫下宜春苑，御醴行開薦壽觴。  
映水輕苔猶隱綠，緣堤弱柳未舒黃。  
唯有裁花飾綵髮，恒隨

唐雅卷三

十一

聖藻狎年光

韋元旦奉和立春遊苑迎春應制一首

首

灞涘長安恒近日，殷正臘月早迎新。  
池魚戲葉仍含凍，宮女裁花已作春。  
向苑雲凝承翠幄，入林風若起青蘋。  
年年斗柄東無限，願挹瓊觴壽北辰。

上官昭容奉和聖製立春日侍宴內

殿出剪綵花應制一首

景龍二年

昭容名婉兒西臺侍郎儀之孫武后時  
母鄭方妊夢巨人界大秤曰持此秤量  
天下婉兒生踰月毋戲曰秤量者豈爾  
耶輒啞然應既長辨慧能文習吏事武  
后愛之拜爲婕妤兼機政中宗卽位進  
拜婕妤爲昭容內掌制命景龍初置修  
文館學士選公卿善爲文者李嶠等二  
十餘人爲之使昭容第其甲乙蓋悉符  
持秤之夢云帝每引名儒賜宴賦詩令

唐雅卷三

三

昭容屬和又常代帝及后長寧安樂二  
公主衆篇並作而采麗益新故朝廷翕  
然成風當時屬辭大抵浮靡然皆有可  
觀昭容力也

密葉因裁吐新花逐剪舒攀條雖不謬摘蕊  
詎知虛存至由來發秋還未肯跡借問桃將  
李相亂欲何如

劉憲奉和聖製立春日侍宴內殿出  
剪綵花應制一首

上林宮館好春心獨早  
花疑始發刻燕  
似新窺色濃輕雪點香  
淺嫩風吹此日叨陪  
侍恩榮得數枝

趙彥昭奉和聖製立春日侍宴內殿  
出剪綵花應制一首

剪綵迎初候攀條寫故真  
花隨紅意發葉就  
綠情新嫩色驚嘶燕輕  
香誤採人應爲東風  
拂能令芳樹春

宋之問奉和聖製立春日侍宴內殿

唐雅卷三

三

出剪綵花應制一首

金閣粧仙杏瓊筵弄綺梅  
人間都未織天上  
忽先開蝶繞香絲住蜂  
憐艷綵迴今年春色  
早應爲剪刀催

李嶠奉和聖製立春日侍宴內殿出

剪綵花應制一首

早欲聞年至剪綵學芳辰  
綴綺奇能似裁紅  
巧過真花從篋裏發葉  
向手中春不與韶華  
競何名天上人



蘇頌奉和聖製立春日侍宴內殿出

剪綵花應制一首

曉入宜春苑穠芳吐禁中剪刀因製素粧粉  
爲開紅彩異驚流雪香饒點便風裁成識天  
意萬物與花同

武平一奉和立春日內出綵花樹應

制一首

景龍四年正月八日立春內出綵花賜  
近臣武平一等應制賦詩是日中宗手

唐雅卷三

五

勅批云平一年雖最少文甚警新悅紅  
葉之先開訝黃鶯之未轉循環吟咀賞  
嘆兼懷今更賜花一枝以彰其美所賜  
學士花並令插在頭上後所賜者平一  
左右交插因舞蹈拜謝崔日用乘酣飲  
欲奪平一所賜花上於簾下見之謂平  
一曰日用何爲奪卿花平一跪奏曰讀  
書萬卷從日用滿口虛張賜花一枝學  
平一終身不獲上及侍臣大笑因更飲

酒一杯當時稱美

鑾輅青旂下帝臺東郊郊花望春來黃鶯未  
鮮林間囀紅蕊先從殿裏開盡閣條風初變  
柳銀塘曲水半含苔正逢春藻光韶律更促  
霞觴畏景催

崔湜奉和立春日內出綵花樹應制

一首

澹蕩春光滿曉空逍遙御輦入離宮山河降  
望雲天外臺閣參差烟霧中庭際花飛錦繡

唐雅卷三

五

合枝間鳥囀管絃同卽此歡娛齊鎬宴唯應  
率舞樂董風

劉憲奉和立春日內出綵花樹應制

一首

禁苑韶年此日歸東郊道上轉青旂柳色梅  
芳何處所風前雪裏覓芳菲開水池內魚新  
躍剪綵花間燕始飛欲識王遊布陽氣爲觀  
天藻競春輝

岑羲奉和立春日內出綵花樹應制

一首

和風助律應韶年清蹕乘高入望仙花笑鶯  
歌迎帝輦雲披日霽俯皇川南山近壓仙樓  
上北斗平臨魏闕前一奉恩榮同鎬燕空如  
率舞聽薰絃

玄宗軒遊宮正月十五日夜一首

行邁離秦國巡方赴洛師路逢三五夜春色  
暗中期關外長河轉宮中淑氣遲歌鍾對明  
月不減舊遊時

唐詩卷三

六

薛曜正夜侍宴應制一首

重關鍾漏通夕徹鳳凰宮雙闕祥烟裏千門  
明月中酒盃浮湛露歌曲唱流風侍臣咸醉  
止恒愧遇恩崇

楊炯和上元酺宴應詔一首

見酺宴部

王維奉和聖製正月十五夜燃燈繼  
以酺宴應制一首

上路笙歌滿春城漏刻長遊人多盡日明月

譚煙光魚鑰通翔鳳輿出建章九衢陳廣  
樂百福透名香仙衣來金殿都人遶玉堂定  
應輸妙舞從此學新粧奉引迎三事司儀列  
萬方願將天地壽同以獻君王

張說十五日夜御前口号踏歌詞二

首

花萼樓前雨露新長安城裏太平人龍燭火  
樹千燈艷雞踏蓮花萬樹春

帝宮三五戲春臺行雨流風莫如來西域燈

唐詩卷三

七

輪千影合東華金闕萬重開

太宗月晦一首

晦魄移中律凝暄起麗城單雲朝蓋上穿露  
曉珠呈笑樹花分色啼枝鳥含聲披袿歡眺  
望極目暢春情

玄宗初入秦川路寒食一首

洛川芳樹映天中灞岸東楊窰地新直爲經  
過白紫處不知虛度兩京春去年餘聞今春  
暮色和風看花草可憐寒食與清明光輝

并任長安道自從關路入秦川爭到何人不  
戲鞭公子途中妨踟躕佳人馬上廢鞦韆渭  
水長橋今欲度忽忽漸見新豐樹遠看驪岫  
入雲霄預想湯池起煙霧霧氣氤氳水殿開  
暫拂香泉歸去來今歲清明行已晚明年寒  
食更相陪

張說奉和聖製初入秦川路寒食一  
首

上陽柳色噴春歸臨渭花拂水飛摠爲朝

唐詩卷一

廷巡幸去頓教京洛少光輝昨從分陝山南  
口馳道依依漸花柳入關正投寒食前還京  
遂落清明後路上天心重豫游御前恩賜特  
風流便草那能緩紅子行宮善巧帖  
橋南渡知如撲棗隴青青斷人目漢家白樹  
直新豐秦地驪山抱溫谷香池春酒小初平  
預歡今日照京城今歲隨宜過寒食明年陪  
宴作清明

張說奉和聖製寒食應制一首

寒食春過半花濃鳥復嬌從來禁火日會接  
清明朝關敵雞殊勝爭球馬絕調晴空數雲  
點香樹百風搖改木迎新燧封田表舊燒皇  
情愛嘉節傳曲與蕭韶

韋承慶寒食應制一首

鳳城春色晚龍禁早暉通舊火收槐燧餘寒  
入桂宮鶯啼正隱葉雞關始開籠藹藹瑤山  
滿仙歌始樂風

張說清明日詔宴寧王池賦得飛字

唐詩卷三

九

一首

今日清明宴佳境惜芳菲搖揚花雜下嬌轉  
鶯亂飛綠渚傳歌榜紅橋度舞旂和風偏應  
律細雨不沾衣承恩如改火春去春來歸

陳希烈奉和聖製三日一首

上巳遷龍駕中流泛羽觴酒因朝  
樂賢王錦纜方舟渡瓊筵大樂奏  
花發異林香野老歌無事朝  
萬物中外洽恩光

沈佺期三日禁園侍宴一首

九重馳道出上巳禊堂開畫鷁中川動青龍  
上苑來野花飄御座河柳拂天杯日晚迎祥  
處笙鏞下帝臺

張九齡三月三日申王園亭宴集一首

稽亭追往事唯苑勝前聞飛閣凌芳樹華池  
落綵雲鶉草人留酌銜花鳥赴羣向來同賞  
處惟恨碧林曛

唐雅卷三

王維奉和聖製與太子諸王三月三

日龍池春禊應制一首

故事修春禊新宮展豫遊明君移鳳輦太子  
出龍樓賦掩陳王作杯如洛水流金人來捧  
劍畫船去迴舟苑樹浮宮闕天池照冕旒宸  
章在雲表垂象滿皇州

王維三月三日曲江侍宴應制一首

曲江漢武帝所鑿其水曲折以嘉陵江  
故名唐開元中疏鑿爲勝境都人遊賞

盛於中和節江邊菰蒲葱翠柳陰四合

每錫燕臣僚會于山亭池備綵舟唯宰

相三使北省官翰林學士登焉

萬乘親齋祭千官喜豫遊奉迎從上苑後禊

向中流草樹連容衛山河對冕旒畫旗搖浦

淑春服滿汀洲仙樂龍媒下神臯鳳蹕留從

今億萬歲天寶紹春秋

趙良器三月三日曲江侍宴應制一

首

唐雅卷三

三

聖祖發神謀靈符叶帝求一人光錫命萬國

荷時休雷解圜丘畢雲需曲水遊岸花迎步

輦仙仗擁行舟麻漢天中降恩波海外流小

臣同品物陪此樂皇猷

王維三月三日勤政樓侍宴應制一

首

綵仗連宵合瓊樓拂曙通年光三月裏宮殿

百花中不數秦王日誰將洛水同酒筵嫌落

絮舞袖怯春風天保無爲德人歡不戰功仍

臨九衢宴更遠四門聰

崔國輔奉和上巳祓禊應制一首

元巳秦中節吾君滿上游鳴鑾通禁苑別館  
繞芳洲鸛鷺千官列魚龍百戲遊桃花春欲  
盡穀雨夜來收慶賞堯尊祝歡從楚棹謳逸  
詩何足對宵作掩東周

沈佺期上巳日祓禊渭濱應制一首

景龍四年

寶馬香車清渭濱紅桃碧柳禊堂春皇情尚

入唐雅卷三

三

憶垂竿佐天祚先呈捧劍人

李乂上巳日祓禊渭濱應制一首

中園花柳暮春時元巳陪遊樂在茲此日欣  
逢臨渭賞昔年空道濟汾詞

劉憲上巳日祓禊渭濱應制一首

桃花欲落柳條長沙頭水色足風光此時御  
蹕來遊處願奉年年祓禊觴

常嗣立上巳日祓禊渭濱應制一首

東春禊祓逐風光扈蹕陪鸞渭渚傍還笑當

時水濱老衰年八十待文王

徐彥伯上巳日祓禊渭濱應制一首

晴風麗日滿芳洲柳色春筵祓錦流皆言侍  
蹕橫溪燕颯似乘槎天漢遊

張說上巳日祓禊渭濱應制一首

青郊上巳艸陽年紫禁皇遊禊渭川幸得歡  
娛承湛露心同草樹樂春天

王維奉和聖製上巳於望春亭觀禊

飲應制一首

入唐雅卷三

三

長樂青門外宜春小苑東樓開萬戶上華過  
百花中畫鷁移仙仗金貂列上公清歌邀落  
日妙舞向春風渭水明秦甸黃山入漢宮君  
王來祓禊灞漣亦朝東

玄宗端午三殿宴羣臣一首

并序

律中蕤賓獻疇之象著火在盛德文明  
之義殫故以式宴陳詩上和下暢者也  
朕宵衣旰食輯聲教於萬方卜戰行師  
摠兵鈴於四海勤貪日給憂忘心勞聞

蟬聲而悟物變見樸花而驚候改所賴  
濟濟朝廷視成鷄鶩桓桓邊塞責辦熊  
羆喜參秋之有登玩梅夏之無事時雨  
近霽西郊霽靡而一色炎雲作峯南山  
嵯峨而異勢正當召儒雅宴高明廣殿  
肅而清氣生列樹深而長風至厨人嘗  
散熱之饌酒正行地暑之飲庖捐惡鳥  
俎獻肥醢新筒裹練香薦角黍恭儉之  
儀有序慈惠之意薄洽諷味黃老致息

入唐雅卷三

三

心於真妙抑揚游夏滌煩想於詩書超  
然玄覽自足爲樂何止栢枕排門驗方  
術於經記綵花命婦觀圖適於風俗感  
婆娑於及閨品端之思置而巳哉嘆  
節氣之節環美君臣之相樂凡百有自  
咸可賦詩五言紀其日端七韻成其大  
數豈獨漢武之殿盛朝士之連章過文  
之章自前人之並作云爾

五月符天數五音調夏鉤舊文傳五言無事

不稱神穴枕通靈氣長絲續命人五花時競  
巧九子粽爭新方殿臨華節圓宮宴雅臣進  
對一言重適文六藝陳股肱良足詠風化可  
還淳

張說端午三殿侍宴應制一首

小暑夏絃應徵音商管初願齊長命縷來續  
大恩餘三殿褰珠箔言言上玉除助陽嘗麥  
稊順節進氣魚甘露垂天酒芝花捧玉書合  
丹同蠅蛭灰骨共蟬蛸今日傷蛇意銜珠遂

闕如

高宗七夕宴玄圃二首

羽蓋飛天漢鳳駕越層巒俱歎三秋阻共叙  
一宵歡璜虧夜月落曆碎曉星殘誰能重操  
杼纖手濯清瀾  
霓裳轉雲路鳳駕凌天潢  
落朝璜促歡今夕促長離別後長輕鞍聊駐  
織掩淚獨悲傷

許敬宗奉和七夕宴玄圃應制二首



平陸臨淺漢驚鴈涉秋河兩懷愛別緒萬縷  
慶停梭星模鈿裏曆月寫黛中娥奈許今宵  
度長嬰離別多

婺閨期今夕娥輪泛淺潢迎秋伴暮雨待暝  
合神光薦寢低雲髻呈態解霓裳喜中愁漏  
促別後怨天長

杜審言奉和七夕宴兩儀殿應制一  
首

景龍二年七月七日中宗皇帝御兩儀

唐雅卷三

三

殿會宴羣臣杜審言等各應制賦詩給  
事中李行言能唱步虛歌是夕帝命爲  
之行言於御前長跪作三洞道士音詞  
歌數曲貌備聲暢上頻嘆美○兩儀殿  
唐西內殿也高祖因隋殿改今名乃常  
日聽政之處前有太極殿則朔望視朝  
之所

一年銜別怨七夕始言歸斂淚開星曆徵步  
動雲衣天迥兎欲落河曠鵲停飛那堪盡此

夜復什弄成機

李嶠奉和七夕宴兩儀殿應制一首  
靈匹三秋會仙期七夕過查來人泛海橋渡  
鵲填河帝縷升銀閣天機誰玉梭誰言七襄  
詠重入五絃歌

劉憲奉和七夕宴兩儀殿應制一首  
秋吹過雙闥星仙動二靈更深移月鏡河淺  
度雲駟殿上呼方朔人間識武丁天文茲夜  
裏光映紫微庭

唐雅卷三

三

趙彥昭奉和七夕宴兩儀殿應制一  
首

青女三秋節黃姑七日期星橋渡玉珮雲閣  
掩羅幃河氣通仙掖天文入睿詞今宵望靈  
漢應得見蛾眉

李乂奉和七夕宴兩儀殿應制一首

桂宮明月夜蘭殿起秋風雲漢彌年阻星筵  
此夕同條來疑有處旋去已成空感作鉤天  
響鳳飛在夢中

蘇軾次韻七夕吳兩儀殿應制

靈媛垂秋發仙掌夜催月光窺欲度河色  
辨應來機石天文寫針樓御賞開竊觀樓鳥  
至疑向鵲橋迴

任希古和東觀羣賢七夕臨泛昆明  
池一首

秋風始搖落秋水正澄鮮飛眺牽牛渚激賞  
鏤鯨川  
漢儀星別天雲漢流處動月影浪中懸驚

蘇軾

鴻結蒲弋游鯉入莊筌萍葉疑江上菱花似  
鏡前長林代輕帷細草卽芳筵文華開翠歛  
筆海控清漣不挹蘭罇聖空仰桂舟仙

高宗九月九日一首

端居臨玉宸永律啓金商鳳闕澄秋色龍闕  
引夕涼野靜山氣斂林疎風露長砌蘭虧半  
影巖桂發金香滿蓋荷彫翠圓花菊散黃揮  
鞭爭電烈飛羽亂星光柳空穿石碎弦虛側  
月張怯猿啼落岫驚鴈斷分行斜輪低夕景

蘇軾次韻

賀散奉和九月九日應制一首

商飈凝素籥玄覽貴黃圖曉雷驚斷鴈晨吹  
結栖鳥寒花低岸菊涼葉下庭梧澤宮中舊  
典相固叶前謨玉砌分雕戟金溝轉鏤帶  
星飛夏箭映月上軒弧慶展簪裾洽恩融雨  
露濡天文發丹篆寶思掩玄珠承歡徒聳抃  
負弛竊忘軀

崔國輔九日侍宴應制一首

蘇軾

无

運偶千年聖時傳九日神堯樽列鍾鼓漢闕  
闢鈎陳金籙三清降瓊筵五老巡始驚蘭佩  
出復詠栢梁新雲鴈樓前晚霜花酒裏春歡  
娛無限極書劒太平人

景龍三年九月九日中宗幸臨渭亭

登高一首

并序

陶潛盈把既浮九醞之歡畢卓持螯須  
盡一生之興人題四韻同賦五言其最  
後成罰之引滿

九日正乘秋三杯興已周泛桂迎樽滿吹花  
向酒浮長房萸早熟彭澤菊初收何藉龍沙  
上方得恣淹留

韋安石奉和九日幸臨渭亭登高應  
制得枝字一首

是宴韋安石蘇瓌詩最先成于經野廬  
懷慎最後成罰酒

重九開秋節得一動宸儀金風飄菊蕊玉露  
泫萸枝席覽八紘外天文七曜披臨深應在

唐雅卷三

卽居高處忘危

蘇瓌奉和九日幸臨渭亭登高應制  
得暉字一首

重陽早露晞睿賞瞰秋磯菊氣先薰酒萸香  
更襲衣清切絲桐會縱橫文雅飛恩深蒼效  
淺留得奉宸暉

李嶠奉和九日幸臨渭亭登高應制  
得歡字一首

令節三秋晚重陽  
歡仙杯還泛菊實

日南蘭御氣雲霄近乘高宇宙寬今朝萬壽  
列宜向曲中彈

蕭至忠奉和九日幸臨渭亭登高應  
制得餘字一首

望幸三秋暮登高九日初朱旗巡漢苑翠帟  
俯秦墟寵極萸房遍恩深菊酎餘承歡何以  
答萬億奉宸居

竇希玠奉和九日幸臨渭亭登高應  
制得英字一首

唐雅卷三

鸞輿巡上苑鳳駕瞰層城御座丹烏麗宸居  
白鶴驚玉旗紫桂葉金杯泛菊英九晨陪聖  
膳萬歲奉承明

韋嗣立奉和九日幸臨渭亭登高應  
制得深字一首

層觀遠沉沉鑾旗九日臨行宮壓水岸步輦  
入烟岑枝上萸新採樽中菊始斟願爲歡樂  
事長與歲時深

趙彥伯奉和九日幸臨渭亭登高應

制得花字一首

九日報仙家三秋轉翠華呼鷹下鳥路戲馬  
出龍沙簪掛丹萸藥杯酒紫菊花所願同徵  
物年年共辟邪

楊廉奉和九日幸臨渭亭登高應制  
得亭字一首

遠目瞰秦坻重陽坐灊亭旣開黃菊酒還降  
紫微星簫鼓迎仙曲山河入畫屏幸茲陪宴  
喜無以効丹青

唐雅卷三

三

李咸奉和九日幸臨渭亭登高應制  
得直字一首

重陽乘令序四野開晴色日月數初并乾坤  
聖登極菊黃迎酒泛松翠凌霜直遊海難爲  
深負山徒倦力

閻朝隱奉和九日幸臨渭亭登高應  
制得筵字一首

九九待神仙高齋坐半天文章三曜動氣色  
五星連簪紱趨皇極笙歌接御筵願因芳菊

酒相守百千年

沈佺期奉和九日幸臨渭亭登高應  
制得行字一首

御氣幸金方憑高薦羽觴魏文頒菊藥漢武  
賜萸囊去鶴留笙吹歸鴻識舞行臣驩重九  
慶日月奉天長

蘇頌奉和九日幸臨渭亭登高應制  
得時字一首

嘉會宜長日高遊順動時曉光雲外洗晴色

唐雅卷三

三

雨餘滋降鶴因韶德吹花入御詞願陪陽數  
節億萬九秋期

李乂奉和九日幸臨渭亭登高應制  
得龍字一首

望幸紆千乘登高自九重臺疑臨戲馬殿似  
接疏龍捧篋萸香徧稱觴菊氣濃更看仙鶴  
舞來此慶時雍

陸景初奉和九日幸臨渭亭登高應  
制得臣字一首

九秋光順豫重節霽良辰登高識漢苑問  
侍軒臣菊花浮和鬯莢房插縉紳聖化邊垂  
謚長洲鴻鴈賓

帝元旦奉和九日幸臨渭亭登高應  
制得月字一首

雲物開千里天行乘九月絲言丹鳳池旆轉  
蒼龍闕潮水歡娛地秦京遊俠窟忻承解慍  
詞聖酒黃花發

李適奉和九日幸臨渭亭登高應制

唐雅卷三

詩

得高字一首

禁苑秋光入宸遊霽色高莢房頒綠筒菊葉  
薦香醪後騎縈堤柳前旌拂御桃臣枚俱得  
從淺淺愧飛毫

鄭南金奉和九日幸臨渭亭登高應

制得日字一首

重陽玉律應萬葉金輿出風起重陽  
吐克日菊花浮聖酒菜香挂  
多順動觀秋實

千經野奉和九日幸臨渭亭登高  
制得樽字一首

御氣三秋節登高九曲門桂旌羅玉列菊醴  
溢芳樽遵渚歸鴻度承雲舞鶴寒微臣濫陪  
賞空荷聖明恩

盧懷慎奉和九日幸臨渭亭登高應  
制得還字一首

時和素秋節宸預紫機關鶴似聞琴至人疑  
宴鎬還曠望臨平野潺湲俯瀟瀟無因酌大

唐雅卷三

德空此媿崇班

上官昭容劉憲張錫馬懷素岑義李  
迴秀趙彥昭樊忱崔日用楊廉李又  
李恒盧藏用王景昇乾太辛替否解  
琬頰瞻係徐李從遠張景源蕭至忠  
周日用李適宋之問奉和九月九日  
登慈恩寺浮圖應制共二十六首  
宋之問奉和聖製閏九月九日登莊  
嚴摠持二寺閣一首

李嶠奉和聖製閏九月九日幸摠持

登浮圖應制一首

以上詩共二十八首見卡觀部

王維奉和聖製重陽節宰臣及羣官

上壽應制一首

四海方無事三秋大有年百生逢此日萬壽

願齊天芍藥和金鼎茱萸插玳筵玉堂開右

天樂動宮懸御柳疎秋景城烏拂曙烟無

窮菊花節長奉栢梁篇

唐雅卷三

三

太宗除夜一首

歲陰窮暮紀獻節啓新芳冬盡今宵促年開

明日長冰消出鏡水梅散入風香對此歡終

宴傾壺待曙光

太宗於太原召侍臣賜宴守歲一首

四時運灰琯一夕變冬春送寒餘雪盡迎歲

早梅新

太宗守歲一首

春景叙芳殿年華麗綺宮寒辭去冬雪暖帶

入春風階砌舒錦綉盤花卷燭紅共惟新故

歲迎送一宵中

杜審言守歲侍宴應制一首

季冬除夜接新年帝子正孫捧御筵宮闈星

河低拂樹殿庭燈燭上薰天彈絃奏節梅風

入對局探鉤栢酒傳欲向正元歌萬壽暫留

歡賞寄春前

杜審言歲夜安樂公主滿月侍宴應

制一首

唐雅卷三

三

戚里生昌胤天杯宴重臣畫樓初滿月香殿

早迎春睿作堯君寶孫謀梁國珍明朝元會

日萬壽樂章陳

沈佺期歲夜安樂公主滿月侍宴應

制一首

除夜子星迴天星滿月盈詠歌麟趾合簫管

鳳雛來歲炬常然桂春盤預折梅聖皇千萬

壽垂曉御樓開

唐雅卷第三



唐雅卷第四

清河張之象編

山嶽部

太宗宴中山一首

驅馬出遼陽萬里轉旂常對敵六奇舉臨戎  
八陣張斬鯨澄碧海卷霧掃扶桑昔去蘭綮  
翠今來桂染芳雲枝浮碎葉冰鏡上朝光回  
首長安道方懽宴栢梁

許敬宗奉和宴中山應制一首

唐雅卷四

飛雲旋碧海解網宥青丘養賢停八駿觀風  
駐五牛張樂臨堯野揚麾歷舜州中山獻仙  
醑趙媛發清謳塞門朱鴈入郊藪紫麟游一  
舉氛霓靜千齡德化流

太宗小山賦一首

何四序之交運轉三陽之暮時風辭暄而入  
暑樹替錦而成惟想蓬瀛兮靡覲望崑崙兮  
難期抗微山於綺砌橫促嶺於丹墀啓一園  
而建址崇數尺以成坯既無秀峙之勢本乏

雲霞之資承墜宇之殘霜掛低空之斷絲爾  
乃參差絕巘縹紆短逕風暫下而將飄煙縹  
高而不暝寸中孤嶂連還斷尺裏重巒欹復  
正岫帶柳而合雙眉石澄流兮分兩鏡雨其  
移芳植秀擢榦抽華松新翠薄桂小丹輕細  
影雜芳俱亂弱勢夾芳共繁纔有力以勝蝶  
本無心而引鸞半葉舒而露暗一花散而峯  
明何纖微之同景亦卑細以相成於是換浮  
權於沉思賞輕仁於勝地俯蟻垤而有餘仰

唐雅卷四

終南而多愧非愛同於九仞庶無虧於一簣  
聊夕翫而朝臨足據懷而蕩志

太宗詠小山一首

近谷交縈並遙峯對出蓮徑細無全磴松小  
未含煙

許敬宗掖亭山賦應詔一首

覽先哲之英華遊舊典之場圃善逾遠而斯  
應德既昭而必輔見漢屏於睢陽驗周藩於  
有魯表商丘而作鎮規楚室而興宇亦曰

其無人諒吾王之過古於是命世作弼合章  
挺生允文允武惟德惟明聽甘棠之暇隙想  
叢桂之幽情瞰浮雲而志遠登六井而神清  
乃命僕夫整駕山隅騰鳴笳於通谷擁飛蓋  
於高衢逍遙仁智之境迂曠道德之區造中  
天而式宴凌倒景而爲娛星懸珠網日對金  
鋪雲蒙綺棟霓紫繡檻既而近矚玲瓏遠眺  
溟濛隔翠微而半嶺懸丹竝而纔通等玉京  
之仙化倖銀闕之神功於時百卉敷榮六合

唐雅卷四

三

清朗霞淡水而川媚風飄林而澗響聳絕壁  
之千尋掛懸流之萬丈蔽日月之孤峙吐雲  
霓而秀上循折坂而迢迢躡危嶠而來往鑿  
離暉於石鏡法瑞霞於雲掌爾其花藥芬披  
蹊徑參差舒英冒渚擢幹臨崖乍莽蒼而橫  
植忽葍茸而倒垂扇晨飈而裊裊含宿霧而  
猗猗蔭町疇之毛群哢間關之羽族或相賀  
於薨棟或競馳於原陸駒食藿而馴場鶯含  
飴而出谷德澤加於飛走榮光周於草木日

云暮時稍闌暢宸襟而體物紀絕跡以濡翰  
發詞林之筆藻瀉筆海之波瀾命小臣而並  
作賦大雅而承歡辭曰芳園兮鬱鬱高岫兮  
峩峩君王兮遊豫軒蓋兮經過花同林兮異  
彩鳥各嘯兮相和野獸鳴兮應鍾石山英開  
兮間綺羅侍荆臺之入夢舞洛汭之凌波懸  
清暉於日月祝眉壽於山河

一 楊師道賦終南山用風字韻應詔一首

唐雅卷四

四

師道清警有才思貞觀十年拜侍中每  
與文士宴歌詠自適帝見其詩爲擢諷  
嗟賞後賜宴令賦終南山詩帝曰聞公  
每酣賞提筆賦詩如宿成試爲朕爲之  
師道再拜少選輒成無所竄定一坐嗟  
服

睿言懷隱逸校獵武關叢白雲飛夏雨碧嶺  
橫春虹草綠長楊路花疎五柞宮登臨日將  
暮蘭桂起香風

玄宗詩集卷一

華嶽西嶽太華山也西方太陰用事萬物生華故曰華山山高五千仞有芙蓉明星玉女三峯蒼龍嶺黑龍潭白蓮池日月巖及仙掌石月之勝又有洞道書以爲摠仙洞天也

飭駕去京邑鳴鑾指洛川循途經太華迴蹕暫周旋翠華留斜影懸巖日夕煙四方皆石壁五位配金天彷彿看高堂依稀聽子先終

唐詩集

五

當銘歲月從此記靈仙

張說奉和聖製途經華嶽應制一首

西嶽鎮皇京中峰入太清玉鑿重嶺應緹騎薄雲迎霽日懸高掌寒空映削成軒游會神處漢幸望仙情舊廟青林古新碑綠字生羣臣願封岱還駕勒鴻名

張九齡奉和聖製途經華嶽應制一首

萬華山下千巖雲滙中靈居雖突密席覽

忽玄同日月臨高掌神仙仰大風攢峯勢岌岌翊輦氣雄雄揆物知幽贊銘勳表聖衷會應陪檢玉來此告成功

玄宗早登太行山中言志一首

清蹕度河陽凝笳上太行火龍明鳥道鐵騎繞羊腸白霧埋陰壑丹霞助曉光澗泉含宿凍山木帶餘霜野老茅爲室樵人葺作裳宣風問耆艾敦俗勸耕桑涼德懸先哲微猷慕昔皇不因今展義何以目垂堂

唐詩集

六

蘇頲奉和聖製早登太行山言志應制一首

北山東入海馳道上連天順動三光注登臨萬象懸俛觀河內邑平指洛陽川按蹕夷關險張旗亘井泉曉嚴中警柝春事下蒐田德重周王問歌輕漢后傳宸遊鋪令典睿思起芳年願以封書奏迴鑾禪肅然

張說奉和聖製早登太行山中言志

應制一首

六龍鳴玉鑾九折步雲端  
河嶽南浮近山經  
北上難羽儀映松雪  
戈甲帶春寒百谷晨  
動千巖曉仗攢皇心  
感韶節敷藻念人安  
旣立省方館復置建  
神壇屈躡參天老承  
榮忝夏官長勤百年  
意思見一勝殘

張九齡奉和聖製早登太行山中言志應制一首

孟月攝提貞乘時我后  
征晨嚴九折度暮戒  
六軍行日御馳中道  
風帥卷太清戈鋌林  
表

大唐雜卷四

出組練雪間明動植希  
皇豫高深奉虛情陪  
遊七聖列望幸百神  
迎氣色烟霧恩光草  
尚榮之采稱萬歲今  
此復同榮

苗晉卿奉和聖製早登太行山中言志應制一首

金吾戒道清羽騎助  
天聲既路方南紀重  
嚴始北征關樓前望  
遠河邑下觀平嘉氣  
迴輿合祥風入旆輕  
祝堯三老至會禹百  
神遊月令農先急春  
蒐禮後行仍親后土  
祭更興管

陽兵不似勞車轍空留八駿名

張九齡奉和聖製早發三卿山行一首

羽衛森森西向秦山川歷歷在清  
晨晴雲稍卷寒巖樹宿雨能銷御  
路塵聖德由來合天道靈符卽此  
應時巡遺賢一一皆羈致猶欲高  
深訪隱淪

張九齡奉和聖製次璦岳應制一首  
山祇亦望幸雲由見靈心岳館逢  
朝霽關門

大唐雜卷四

鮮宿陰咸京天上近清渭日邊臨  
我武因冬狩何言是卽禽

韋濟奉和聖製次璦岳應制一首

陸海披晴雪千旗獵早陽岳臨秦  
路險河遶漢垣長行漏通鳩鵲離  
宮接建章都門信宿近歌舞從周  
王

李林甫奉和聖製次璦岳應制一首

東幸從人望西巡順物廻雲收二  
節出大轉星來十月農初罷三驅  
禮復開更看璦岳

上佳氣接仲夏

蔡文恭奉和夏日遊山應制一首

首夏林壑清薄暮烟霞上連巖聳百仞絕澗  
臨千丈照灼晚花鮮潺湲夕流響悠然動  
思息駕尋真賞揆彼澗川作懷茲洛濱想  
竊吹等齊芋何用承恩獎

沈佺期嵩山石淙侍宴應制一首

金輿旦下綠雲衢彩殿晴臨碧澗隅溪水  
冷逐行漏山烟片片引香爐仙人六膳調  
神

唐雅卷四

九

鼎玉女三漿捧帝壺自惜汾陽紆道駕無  
如太室覽真圖

宋之問嵩山石淙侍宴應制一首

離宮秘苑勝瀛洲別有仙人洞壑幽巖邊  
樹色含風冷石上泉聲帶雨秋鳥向歌筵  
來度曲雲依帳殿結為樓微臣昔奉方明  
御今日還陪八駿遊

宋之問松山嶺一首

高維轉銷銷鳳簪飛塵銷清蹕路雲濕

後臣衣白羽搖丹壑天營通翠微芳聲耀  
今古四海警宸威

水泉部

太宗洛水一首

春蒐馳駿骨摠轡俯長河霞處流縈錦  
風前漾卷羅水花翻照樹堤蘭倒插波  
豈必汾陰曲秋雲發棹歌

薛春感奉和進船洛水應制一首

禁園紆席覽仙棹叶宸遊洛北風花樹  
江南

唐雅卷四

十

彩畫舟榮生蘭蕙草春入鳳凰樓興盡  
誰言暮烟光起夕流

李嶠奉和受圖溫洛應制一首

垂拱四年五月庚申同三品武承嗣使  
人作瑞石文曰聖母臨人永昌帝業使  
人獻之曰獲之洛水太后喜命曰寶圖  
詔當拜洛受圖告謝于郊御明堂朝羣  
臣命諸州都督刺史宗戚並會神都先  
加尊號乙亥加尊號為聖母神皇七月

丁巳大赦改實圖爲天授聖圖洛水爲  
永昌洛水封其神爲顯聖侯加特進禁  
漁釣十二月己酉太后拜洛受圖皇帝  
皇太子皆從內外百官蠻夷酋長各依  
方叙立文物鹵簿之盛唐興以來未之  
有也

七萃鑾輿動千年瑞檢開文如龜負出圖似  
鳳銜來殷薦三神享明禋萬國陪周旗黃鳥  
集漢幄紫雲迴日暮鈎陳轉清歌上帝臺

唐書卷四

十一

蘇味道奉和受圖溫洛應制一首

綠綺膺河檢青壇俯洛濱天旋俄制蹕孝享  
屬嚴禋陟配光三祖懷柔泊百神霧開中道  
日雪歛屬車塵預奉咸英奏長歌億萬春

牛鳳及奉和受圖溫洛應制一首

八神承玉輦六羽警瑤溪戒道伊川北通津  
澗水西御圖開洛置刻石與天齊瑞日波中  
上仙禽霧裏低微臣矯首翺抃舞接鳬鷺

武后大享拜洛樂章十四首

永昌元年

九玄眷命三聖基隆奉成先吉明臺畢功宗  
祀展敬冀表深衷永昌帝業式播淳風  
神功不測兮運陰陽包藏萬宇兮孕八荒天  
符旣出兮帝業昌願臨明祀兮降禎祥  
坎澤祠容備舉坤壇祭典爰申靈睭遙行祕  
祝嘉貺荐委殊珎肅禮恭禋載展翹襟邈志  
逾殷方期交際懸應

祗荷坤德欽若乾靈慙惕罔寘興起匪寧恭  
崇禮則肅奉儀刑惟憑展敬敢薦非馨

唐書卷四

十一

非躬承睿顧薄德忝坤儀乾乾遵後命翼翼  
奉先規撫俗勸雖切還淳化尚虧未能弘至  
道何以契明祇

顧德有慙虛菲明祇屢降禎符汜水初呈祕  
象溫洛荐表昌圖玄澤流恩載洽丹襟荷渥

增愉

舒雲致養合大資生德以恒固功由永貞升  
歌薦序垂幣翹誠虹開玉照鳳引金聲

蘭姐旣昇嶺肅可薦金石載設咸英已變林



澤斯揔山川是遍敢用敷誠實惟忘倦

沈潛演貺分三極廣大凝禎揔萬方既薦羽  
旌文化啓還呈千鉞武威揚

夕惕司龍契晨兢當鳳展崇儒習舊規偃霸  
循先旨絕壤飛冠蓋遐區麗山水幸承三聖  
餘忻屬千年始

百禮崇容千官肅事靈降舞兆神疑有粹奠  
享咸周威儀畢備奏夏登列歌雍撤肆

皇皇靈睠穆穆神心無動凝質還歸積陰功

唐雅卷四

三

玄樞紐理寂高深銜恩佩德聳志翹襟

言旋雲洞兮躡烟途永寧中宇兮安下都包

涵動植兮順榮枯長貽寶貺兮贊璇圖

調雲闕兮仰座典聯雲駕兮儼將昇騰絳霄

兮垂景祐翹丹懇兮荷休徵

玄宗祭汾陰樂章十一首

開元十一年二月壬子上將幸晉陽宰

相張說言於上曰汾陰睢上有漢后土

祠其禮久廢陛下宜因巡幸修之爲農

祈穀上從之

大樂和暢殷薦明神一降通感八變必臻有

求斯應無德不親降靈醉止休徵萬人復韓思

坤元載物陽樂發生播殖資始品彙咸亨列

俎基布方壇砥平神歆禋祀后德惟明盧從

大君出震有事郊禋齋戒既肅馨香畢陳樂

和禮備候暖風春恭惟降福實賴明神劉晃

於穆睿哲維清緝熙肅事昭配永言孝思滌

濯靜嘉馨香在茲神之聽之川受福釐韓休

唐雅卷四

五

於穆聖皇六葉重光太原刻頌后土疏場寶

鼎呈符歆雲孕祥禮樂備矣降福穰穰三聯

聿修嚴配展事禋宗祥符寶華禮備黃琮祀

詞以信明德惟聰介茲嘉福永永無窮崔玄

蠲我餽饌絜我粢薌有豆孔碩爲羞既臧至

誠無昧精意惟芳神其醉止欣欣樂康賈曾

禮物斯具樂章乃陳誰其作主皇考聖真對

越在天聖明佐神宵然汾上厚澤如春蘇頌

樂奏雲閣禮章載虔禋宗于地昭假于天惟

慶薦矣既醉歆焉神之降福永永萬年何鸞

維歲之吉維辰之良聖君紱冕肅事壇場大

禮已備大樂斯張神其醉止降福無疆蔣挺

方丘既膳嘉饗載謐齊敬畢誠陶匏貴質秀

畢豐薦芬俎盈實永永福流其昇如日源光裕

### 李嶠汾陰行一首

天寶末明皇乘春登勤政樓命梨園弟

子歌數闕有唱李嶠詩者云富貴榮華

能幾時山川滿目淚沾衣不見祗今汾

八唐雅卷四

水上惟有年年秋鴈飛時上春秋衰邁

問是誰詩或對曰李嶠因凄然涕下遽

起曰嶠真才子也又明年幸蜀登白衛

嶺覽眺良久又歌是詞復言李嶠真才

子不勝感歎時高力士在側亦揮涕久

之

君不見昔日西京全盛時汾陰后土帝祠祠

齋宮宿寢設廟供鐘鍾鳴鼓樹羽旌漢家四

葉才凡雄宿延萬靈朝九戎栢梁賦詩尚安

罷詔書法駕幸河東河東太守親掃除奉迎

至尊導樂與五營將校列容衛三河縱觀空

里間回旌駐蹕降靈場焚香奠醑邀百祥金

鼎發食正煌煌靈祇燁燁耀景光埋玉陳牲

禮神畢舉麾上馬乘輿出彼汾之曲亦可游

水蘭爲楫桂爲舟棹歌微吟綠鶴浮簫鼓哀

鳴白雲秋歡娛宴洽賜羣后家家復除戶牛

酒聲明動天樂無有千秋萬歲南山同自從

天子向秦關玉輦金輿不復還珠簾羽蓋長

唐雅卷四

寂寞鼎湖龍髯安可攀千齡人事一朝空四

海爲家此路窮雄豪意氣今何在壇場宮館

盡蒿蓬路逢故老長歎息世事回環不可測

昔時青樓對歌舞今日黃埃聚荆棘山川滿

目淚沾衣富貴榮華能幾時不見祗今汾水

上惟有年年秋鴈飛

張說侍宴瀟水賦作濃字一首景龍四年

正月二十九日

關中八水有瀟水出藍田谷合金谷水

北至霸城入霸出入上林苑

千行發御柳一葉下仙筇青浦宜游至朱城  
紫氣濃雲霞交暮色草樹喜春容藹藹天旗  
轉清笳入九重

宗楚客侍宴滄水賦作長字一首

御輦出明光乘流泛羽觴珠胎隨日減玉漏  
與年長寒盡梅猶白風遲柳未黃日斜旌騎  
轉休氣轉林塘

宋之問春和梁王宴龍泓應教一首

唐雅卷四

水府淪幽壑星輶下紫微鳥驚司僕馭花落  
侍臣衣芳樹搖春晚晴雲繞座飛淮上正留  
客不醉莫言歸

高宗過溫湯一首

溫渚停仙蹕豐郊駐曉旌路曲迴輪影嚴虛  
傳漏聲暖溜驚湍駛寒空碧霧輕林黃葉  
下野白曙霜明眺矚良無已烟霞斷續生

越王貞奉和聖製過溫湯一首

鳳輦騰宸駕驪籞次乾遊坎德踈溫液山隈

派車流寒氣空年擁蒸氣沼中浮林洞難影  
散雲歛蓋陰收霜郊暢玄覽參差落景迴

王德貞奉和聖製過溫湯一首

握圖開萬寓屬聖啓千年驪草疏縱騎驚鴻  
映綵旂玉霜明鳳野金陣藻龍川祥煙聚危  
岫德水溢飛泉停輿興睿覽還舉大風篇

楊思玄奉和聖製過溫湯一首

豐城觀漢迹溫谷幸秦餘地按幽王壘塗分  
鄭國渠風威肅文衛日彩鏡雕輿遠岫凝氛

唐雅卷四

重寒叢對影踈迴瞻漢章闕佳氣滿宸居

鄭義真奉和聖製過溫湯一首

洛州方駐蹕豐野暫停輿湯泉恒獨涌溫谷  
豈知寒漏數寒暄霜風出樹端嶺烟遙聚  
草山月迴臨鞍日圓誠多幸天文遂仰觀

武后同太平公主遊九龍潭一首

山窻遊玉女洞戶對瓊峯巖頂翔雙鳳潭心  
倒九龍酒中浮竹葉杯上寫芙蓉欲驗山家

實唯有入松風

玄宗溫泉言志一首

惟此溫泉是種愈疾豈余獨受其福思  
與兆人共之乘暇巡遊乃言其志

桂殿與山連蘭湯湧自然陰崖含秀色溫谷  
吐潺湲績爲蠲邪著功因養正宜願言將億  
兆同此共昌延

張說奉和聖製溫泉言志應制一首

溫泉媚新豐驪山橫半空湯池薰木殿翠木  
暖煙宮起疾迎仙藻無私合聖功始知堯舜

唐雅卷四

十九

德心與萬人同

張九齡奉和聖製溫泉歌一首

有時神物待聖人去後湯還冷來時樹亦春  
今茲十月自東歸羽旆逶迤上翠微溫谷惹  
惹佳氣色離宮奕奕斗光輝臨渭川近天邑  
浴日溫泉復在茲群仙洞府那相及吾君利  
物心玄澤浸蒼黔漸漬神湯無疾苦薰歌一  
曲感人深

孫欣奉試冷井詩一首

仙關井初鑿靈液沁成泉色湛青苔裏寒凝  
紫綆邊銅瓶向影落玉甃抱虛圓未願調神  
鼎堯時泰萬年

唐雅卷第四

唐雅卷四

十九

唐雅第三冊目錄

卷之五

京都部

太宗帝京篇十首

并序

駱賓王帝京篇一首

李百藥賦得魏都一首

褚亮賦得蜀都一首

虞世南賦得吳都一首

關境部

唐雅第三冊目錄

太宗入潼關一首

許敬宗奉和聖製入潼關一首

玄宗早度蒲關一首

張說張九齡徐安貞奉和聖製早度

蒲關應制共三首

玄宗潼關口號一首

張說張九齡奉和聖製潼關口號應

制共二首

張九齡奉和聖製經函谷關作一首

宋之問龍門應制一首

武三思奉和遊龍門應制一首

橋梁部

太宗賦得浮橋一首

張九齡天津橋賜宴得歌字一首

張說洛橋北亭詔餞諸刺史一首

蘇頲奉制漕橋東送新除岳牧一首

卷之六

宮殿部

唐雅第三冊目錄

景龍四年正月五日中宗皇帝移仗

蓬萊宮御大明殿會吐蕃騎馬之

戲因重爲栢梁體聯句一首

玄宗宮中題一首

李白宮中行樂詞八首

并序

玄宗過晉陽宮一首

蘇頲張說張九齡奉和聖製過晉陽

宮應制共三首

玄宗暇日與兄弟同遊興慶宮作一

首并序

張說奉和聖製暇日遊興慶宮作應

制一首

虞世南奉和長春宮應令一首

魏元忠銀潢宮侍宴應制得枝字一

首

宋之問上陽宮侍宴應制得林字一

首

宗楚客奉和幸上陽宮侍宴應制一

唐雅第三冊目錄

三

首

徐彥伯武平一奉和幸新豐溫泉宮

應制一首

上官昭容駕幸新豐溫泉宮獻詩三

首

郭洸同崔員外溫泉宮卽事一首

李嶠奉教追赴九成宮途中口號一

首

王維勅借岐王九成宮避暑應教一

首

儲光羲述華清宮五首

李華含元殿賦一首

并序

徐賢妃粧殿答太宗一首

徐安貞畫殿侍宴應制一首

李嶠甘露殿侍宴應制一首

宋之問麟趾殿侍宴應制一首

杜審言蓬萊三殿侍宴奉勅詠終南

山應制一首

唐雅第三冊目錄

四

王昌齡殿前曲二首

樓閣部

太宗初春登樓卽目觀作述懷一首

許敬宗奉和初春登樓卽目應詔一

首

太宗春日登陝州城樓一首

許敬宗奉和登陝州城樓應制一首

太宗置酒坐飛閣一首

玄宗登蒲州逍遙樓一首



蘇頲奉和聖製登蒲州逍遙樓應制

一首

玄宗首夏華萼樓觀羣臣宴寧王山

亭迴樓下申之以賞樂賦詩一首

并序

張說奉和聖製花萼樓下宴應制一

首

張說春日鳳樓尋勝地一首

孫逖奉和聖製登鴛鴦樓卽目一首

唐雅第三冊目錄 五

王維奉和聖製御春明樓臨右相園

亭賦樂賢詩應制一首

梅妃樓東賦一首

### 卷之七

#### 宅第部

玄宗過大哥宅一首

張說奉和聖製過寧王宅應制一首

張諤岐王山亭一首

魏元忠修書院學士奉勅宴梁王宅

賦得門字一首

張說修書院學士奉勅宴梁王宅賦

得樹字一首

武三思奉和過梁王宅卽目應制一

首

劉憲李乂陪幸五王宅應制共二首

鄭愔陪幸昭容院獻詩四首

張易之侍從過公主尚宅侍宴探得

風字應制一首

唐雅第三冊目錄 六

趙彥昭蘇頲李邕宋之問沈佺期李

嶠邵昇奉和初春幸太平公主南

莊應制共七首

趙彥昭蕭至忠李迥秀劉憲岑羲薛

稷蘇頲沈佺期李適李義府韋元

旦盧藏用馬懷素宗楚客奉和幸

安樂公主山莊應制共十四首

武平一侍宴安樂公主移入新宅

制一首

趙彥昭李適沈佺期安樂公主移入  
新宅共三首

宋之問宴安樂公主宅得空字一首

徐彥伯李適劉憲崔日用盧藏用馬

懷素薛稷閻朝隱韋元旦李迥秀

李乂岑羲蘇頌武平一夜宴安樂

公主宅共十四首

劉憲鄭愔李乂崔湜李嶠李適侍宴

長寧公主東莊應制共六首

唐雅第三冊目錄 七

李乂奉和幸長寧公主山莊應制一

首

武后遣使宣詔幸上苑一首

儲光羲玉真公主山居一首

王維奉和聖製幸玉霄公主山莊因

題石壁十韻之作應制一首

張說劉憲蘇頌沈佺期盧僎宋之問

趙彥昭崔湜李乂武平一李嶠奉

和幸肅嗣立山莊侍宴應制共十

一首

李乂沈佺期李嶠趙彥昭武平一蘇

頌張說奉和聖製幸肅嗣立山莊

應制共七首

沈佺期蘇頌奉和聖製幸禮部尚書

寶希玠宅應制共二首

張說侍宴武三思山第賦得風字韻

一首

王維從岐王過楊氏別業應教一首

唐雅第三冊目錄 八

唐雅卷第五

京都部

清河張之象編

太宗帝京篇十首

并序

余以萬機之暇遊息文藝觀列代之皇  
王考當時之行事軒昊舜禹之上信無  
間然矣至於秦皇周穆漢武魏明峻宇  
雕牆窮侈極麗征稅殫於宇宙轍迹徧  
於天下九垓無以稱其求江海不能贍

唐雅卷五

一

其欲覆亡顛沛不亦宜乎余追蹤百王  
之末馳心千載之下慷慨懷古想彼哲  
人庶以堯舜之風蕩秦漢之弊用咸英  
之曲變爛熳之音求之人情不爲難矣  
故觀文教於六經閱武功於七德臺榭  
取其避燥濕金石尚其諧人神皆節之  
於中和不係之於淫放故講溫可悅何  
必江海之濱乎麟閣可玩何必兩陵之  
間乎忠良可接何必海上神仙乎豐鎬

可游何必瑤池之上乎釋實求華以人  
求欲亂於大道君子耻之故述帝京篇  
以明雅志云爾

秦川惟帝宅函谷壯皇居綺殿千尋起離宮  
百雉餘連甍遙接漢飛觀迴凌虛雲日隱層  
闕風煙出綺疏

巖廊罷機務崇文聊駐輦玉匣啓龍圖金繩  
披鳥篆韋編斷方續縹帙舒還卷對此乃忘  
憂欹案觀墳典

唐雅卷五

二

移步出詞林停輿欣武宴琬弓寫明月駿馬  
凝流電驚鴈落虛弦啼猿悲急箭閱賞誠多  
美於茲乃忘倦

鳴笳臨樂館眺聽歡芳節急管韻朱絃清歌  
凝白雪彩鳳肅來儀玄鶴紛成列去茲鄭衛  
聲雅音方可悅

芳辰追逸趣禁苑信多奇橋形通漢上峯勢  
接雲危煙霞交隱映花鳥自參差何如肆轍  
萬里賞瑤池

飛蓋去芳園蘭橈遊翠渚梁間日影亂落處  
香風舉桂棹滿中川絃歌振長嶼豈獨汾河  
曲方爲歡宴所

落日雙闕昏迴輿九重暮長煙引初碧皎月  
澄輕素寒幌翫琴書開軒引雲霧斜漢耿層  
閣清風搖玉樹

歡樂難再逢芳辰良可惜玉酒泛雲壘蘭肴  
陳綺席千鍾合堯禹百獻諧金石得志重寸  
陰忘懷輕尺璧

唐雅卷五

三

建章歡賞夕二八盡妖妍羅綺昭陽殿芬芳  
璚瑁筵珮移星正動扇掩月初圓無勞上玄  
圃卽此對神仙

以茲遊觀極悠然獨長想披卷覽前踪撫躬  
幸旣往望古茅茨約瞻今蘭殿廣人道惡高  
危虛心戒盈蕩奉天竭誠敬臨民恩惠養納  
善察忠諫明科慎刑賞六五誠難繼四三非  
易仰庶待淳化敷方嗣云亭響

駱賓王帝京篇一首

世稱王楊盧駱爲四傑楊盈川之爲文  
好以古人姓名連用如張平子之略談  
陸士衡之所記潘安仁宜其陋矣仲長  
統何足知之人號爲點鬼簿賓王之爲  
文好以數對如帝京篇云秦地重關一  
百二漢家離宮三十六人號爲算博士  
又云倏忽搏風生羽翼湏臾失浪委泥  
沙賓王後與徐敬業起兵揚州大敗逃  
死此其識也

唐雅卷五

四

山河千里國城闕九重門不覩皇居壯安知  
天子尊皇居帝里崤函谷鶉野龍山候甸服  
五緯連影集星躔八水分流橫地軸秦地重  
關一百二漢家離宮三十六桂殿陰岑對玉  
樓椒房窈窕連金屋三條九陌麗城隈萬戶  
千門平旦開複道橫通鳩鵲觀交衢直指鳳  
凰臺劍履南宮入簪纓北闕來聲名冠寰宇  
文物象昭回鈞陳肅蘭戺壁沼浮槐市銅雀  
應風迴金莖承露起校文天祿閣習戰昆明

水朱邸抗平臺黃扉通戚里平臺七里帶崇  
墉炊金饌玉待鳴鍾小堂綺帳三千戶大道  
青樓十二重寶蓋雕鞍金絡馬蘭窓繡柱玉  
盤龍綉柱璇題粉壁映鋒金鳴玉王侯盛王  
侯貴人多近臣朝遊北里暮南隣陸賈分金  
將燕喜陳遵投帽正留賓趙李經過客蕭朱  
交結親丹鳳朱城白日暮青牛糾轡紅塵度  
俠客朱彈垂楊道娼婦銀鈎採桑路娼家桃  
李自芳菲京華遊俠事輕肥延年女弟雙鳳

唐雅卷五

五

入羅敷使君千騎歸同心結縷帶連理織成  
衣春朝桂尊尊百味秋夜蘭燈燈九微翠幌  
朱簾不獨映清歌寶瑟自相依且論三萬六  
千是寧知四十九年非古來名利若浮雲人  
生倚伏信難分始見田實相移奪俄聞備霍  
有功勲未厭金陵氣先開石櫛文朱門無復  
張公子灞亭誰畏李將軍相顧百齡皆有待  
居然萬化咸應改桂枝芳氣已銷亡栢梁高  
宴今何在春去春來若自馳爭名爭利徒爾

爲久留郎署終難遇空鎖相門誰見知當時  
一旦擅豪華自言千載長驕奢倏忽搏風生  
羽翼須臾失浪委泥沙黃雀徒巢桂青門遂  
種瓜黃金銷鑠素絲變一貴一賤交情見紅  
顏宿昔白頭新脫粟布衣輕故人故人有湮  
淪新知無意氣灰死韓安國羅傷翟廷尉已  
矣哉歸去來馬卿辭蜀多文藻楊雄仕漢乏  
良媒三冬自矜誠足用十年不調幾遭迴汲  
黯薪逾積孫弘閣未開誰惜長沙傳獨負洛

唐雅卷五

六

陽才

李百藥賦得魏都一首

炎運精華歇清都寶命開帝里三方盛王庭  
萬國來玄武䟽遙陞金鳳上層臺乍進仙童  
藥時傾避暑杯南館招奇士西園引上才還  
有劉公幹疲病清漳隈

褚亮賦得蜀都一首

列宿光參井分芒跨梁岷沉犀對江浦駟馬  
入城闔英圖多霸跡歷選有名臣連騎簪纓

滿含章詞賦新得上仙槎路無待訪嚴遵

虞世南賦得吳都一首

畫野通淮泗星躔應斗牛玉牒宏圖表黃旗  
美氣浮三分開霸業萬里宅神州高臺臨茂  
苑飛閣跨澄流江濤如素蓋海氣似珠樓吳  
趨自有樂還似鏡中遊

關境部

太宗入潼關一首

崤函稱地險襟帶壯兩京霜峯直臨道冰河

唐雅卷五

七

曲繞城古木參差影寒猿斷續聲冠蓋往來  
合風塵朝夕驚高談先馬度僞曉預鷄鳴棄  
繡懷遠志封泥負壯情向有真人氣安知名  
不名

許敬宗奉和聖製入潼關一首

曦馭循黃道星陳引翠旗濟潼紆萬乘臨河  
耀六師前旌彌六海後騎發通伊勢踰迴地  
軸威盛轉天機是節歲窮紀關樹蕩涼颼仙  
務含靈掌瑞鼎照川湄冲襟賞臨睨高詠入

京畿

玄宗早渡蒲關一首

鍾鼓嚴更曙山河野望通鳴鑾下蒲坂飛旆  
入秦中地險關逾壯天平鎮尚雄春來津樹  
合月落戍樓空馬色分朝景鷄聲逐曉風所  
希常道泰非復棄繻同

張說奉和聖製早渡蒲關應制一首

蒲坂橫臨晉華芝曉望秦關城雄地險橋路  
扼天津樓映行宮日隄含官樹春黃雲隨寶

唐雅卷五

八

鼎紫氣逐真人東詠唐虞跡西觀周漢塵山  
河非國寶明主愛忠臣

張九齡奉和聖製早渡蒲關應制一

首

魏武中流處軒皇問道迴長堤春樹發高掌  
曙雲開龍負王舟渡人含仙氣來汀津會日  
月天象役風雷東顧重關盡西馳萬國陪遠  
聞股肱郡元首詠康哉

徐安貞奉和聖製早渡蒲關應制一



首

仙掌臨秦甸虹橋闢晉關兩都分地險一曲  
渡河灣路得津門要時稱古戍閑城花春正  
發岸柳曙堪攀後乘猶臨水前旌欲換山長  
安迴望日宸御六龍還

玄宗潼關口號一首

河曲回千里關門限二京所嗟非恃德設險  
到天平

張說奉和聖製潼關口號應制一首

唐雅卷五

九

天德平無外關門東復西不將千里隔何用  
一丸泥

張九齡奉和聖製潼關口號應制一

首

隱嶙故城壘荒涼空戍樓在德不在險方知  
王道休

張九齡奉和聖製經函谷關作一首

函谷雖云險黃河復已清聖心無所隔空此  
置關城

宋之問龍門應制一首

武后遊龍門命羣臣賦先成者賜以錦  
袍左史東方虬詩成拜賜坐未安之問  
詩後成文理兼美左右莫不稱善乃就  
奪錦袍衣之

宿雨霽氛埃流雲度城闕河堤柳新翠苑樹  
花先發洛陽花柳此時濃山水樓臺映幾重  
羣公拂霧朝翔鳳天子乘春幸鑿龍鑿龍近  
出王城外羽從淋漓擁軒蓋雲蹕纔臨御水

唐雅卷五

十

橋天衣已入香山會山壁嶄巖斷復連清流  
澄澈俯伊川塔影遙遙綠波上星龕奕奕翠  
微邊層巒舊長千尋木遠壑初飛萬丈泉綵  
仗紅旌遶香閣下輦登高望河洛東城宮闕  
擬昭回南陌溝塍殊綺錯林下天香七寶臺  
山中有酒萬年杯微風一起祥花落仙樂初  
鳴瑞鳥來鳥來花落紛無已稱觴獻壽香霞  
裡歌舞淹留景欲斜石間猶駐五雲車鳥旗  
翼翼留芳草龍騎駸駸映晚花千乘萬騎蹕

輿出水靜山空嚴警蹕郊外喧喧引看人傾  
都南望屬車塵囂聲引颺聞黃道王氣周回  
入紫宸先王定鼎山河固寶命乘周萬物新  
吾君不事瑤池樂時雨來觀農扈春

武三思奉和遊龍門應制一首

鳳駕臨香地龍輿上翠微星宮含雨氣月殿  
抱春輝碧澗長虹下雕梁早燕歸雲疑浮寶  
蓋石似拂天衣露草侵堦長風花繞席飛日  
斜宸賞洽清吹入重闈

唐雅卷五

十一

橋梁部

太宗賦得浮橋一首

曲岸非千里橋斜異七星暫低逢輦度還高  
值浪驚水搖文鷁動纜轉錦花縈遠近隨輪  
影輕重應人行

張九齡天津橋賜宴得歌字一首

清洛象天河東流形勝多朝來逢宴喜春盡  
却妍和泉鮪歡時躍林鷺醉裏歌賜恩頻若  
此爲樂柰人何

張說洛橋北亭詔餞諸刺史一首

離亭拂御溝岸曲舞船樓詔餞朝廷牧符分  
海縣憂股肱還入郡父母更臨州扇逐仁風  
轉車隨霖雨流恩光水上溢榮色柳間浮預  
待羣方最三公不遠求

蘇頌奉制漕橋東送新除岳牧一首

寶賢不遺俊臺閣盡鴛鸞未若安人切其如  
簡帝難上才膺出典中旨念分官特以專城  
貴深惟列郡安政行思務本風靡屬勝殘有

唐雅卷五

十二

令田知急無分獄在寬至言題睿札殊渥灑  
仙翰詔餞三台降朝榮萬國歡舉盃臨水發  
張樂擁橋觀式佇東封會鐸鐸檢玉壇

唐雅卷第五

唐雅卷第六

清河張之象編

宮殿部

景龍四年正月五日中宗皇帝移仗

蓬萊宮御大明殿會吐蕃騎馬之戲

因重爲栢梁體聯句一首

大明御寓臨萬方中宗皇帝顧慙內政翊陶唐皇帝

鸞鳴鳳舞向平陽長寧公主秦樓魯館沐恩光

無心爲子輒求郎太平公主雄才七步謝陳

唐雅卷六

王溫王當熊讓輦愧前芳上官昭容再司銓管恩

可忘吏部侍郎崔湜文江學海思濟航著作郎鄭愔萬邦

考績臣所詳考功員外郎武平一著作不休出中腸著作郎閻朝隱權豪屏跡肅嚴霜御史大夫竇從一鑄鼎開嶽

造明堂曾作大匠宗晉卿玉醴由來獻壽觴吐蕃舍人明悉獵

玄宗宮中題一首

輦路生春草上林花發時憑高何限意無復

侍臣知

李白宮中行樂詞八首

并序

白才逸氣高與陳拾遺齊名玄宗召入

翰林以其才藻絕人器識兼茂便以上

位處之故未命以官嘗因宮人行樂謂

高力士曰對此良辰美景豈可獨以聲

伎爲娛倘時得逸才詞人詠出之可以

誇耀於後遂命召白時寧王邀白飲酒

已醉既至拜舞頽然上知其薄聲律謂

非所長命爲宮中行樂五言律詩八首

白頓首曰寧王賜臣酒今已醉倘陛下

唐雅卷六

賜臣無畏始可盡臣薄技上曰可卽遣

二內臣腋扶之命研墨濡筆以授之又

令二人張朱絲欄於其前白取筆佇思

畧不停綴八篇立就更無加點筆迹適

利鳳狀龍挈律度對屬無不精絕常出

入宮中恩禮殊厚竟以踈縱乞歸

小小生金屋盈盈在紫微山花插寶髻石竹

繡羅衣每出深宮裏常隨步輦歸只愁歌舞

散化作綵雲飛

柳色黃金嫩梨花白雪香玉樓巢翡翠金殿  
鎖鴛鴦選妓隨雕輦徵歌出洞房官中誰第  
一飛燕在昭陽

盧橘爲秦樹蒲萄出漢宮烟花宜落日絲管  
醉春風笛奏龍吟水簫鳴鳳下空君王多樂  
事還與萬方同

玉樹春歸日金宮樂事多後庭朝未入輕輦  
夜相過笑出花間語嬌來竹下歌莫教明月  
去留着醉嫦娥

唐雅卷六

三

繡戶香風暖紗窗曙色新宮花爭笑日池草  
暗生春綠樹聞歌鳥青樓見舞人昭陽桃李  
月羅綺自相親

今日明光裏還須結伴遊春風開紫殿天樂  
下珠樓豔舞全知巧嬌歌半欲羞更憐花月  
夜宮女笑藏鉤

寒雪梅中盡春風柳上歸宮鶯嬌欲醉簷燕  
語還飛遲日明歌席新花豔舞衣晚來移綵  
仗行樂泥光輝

水綠南薰殿花紅北闕樓鶯歌聞太液鳳吹  
繞瀛洲素女鳴珠珮天人弄綵毬今朝風日  
好宜入未央游

玄宗過晉陽宮一首

緬想封唐處寔惟建國初俯察伊晉野仰觀  
乃參虛井邑龍躍斯城池鳳翔餘林塘猶沛  
澤臺榭宛舊居運華析中否時遷命待茲顧  
循承丕構怵惕多憂虞尚恐威不逮復慮化  
未孚豈徒勞轍跡所期訓戎車習俗問黎人

唐雅卷六

四

觀巡慰里閭永言念成功頌德臨康衢長懷  
經綸日嘆息履庭隅艱難安可忘欲去良踟  
躕

蘇頌奉和聖製過晉陽宮應制一首

隋運與天絕生靈厭氛昏聖期在寧亂士馬  
興太原立極萬邦推登庸四海尊慶膺神武  
帝業付皇曾孫緬慕封唐首追惟歸沛魂詔  
書感先義典禮循舊藩高殿綵雲合春旗祥  
風翻率西見汾水奔北空塞垣欵曲兒童佐

依遲故老言里頒慈惠賞家授復除恩下輦  
崇三都建碑當九門孝思敦至美億載奉開  
元

張說奉和聖製過晉陽宮應制一首

太原俗尚武高皇初奮庸星軒三晉躔土樂  
二堯封北風逐舉鵬西河亦上龍至德起王  
業繼明賴人雍六合啓昌期再興廣聖蹤傳  
呼大駕來文物如雲從連營火百里繼觀人  
千重翠華渡汾樓白日臨罕峯粉榆恩賞洽

唐雅卷六

五

桑梓舊情恭往運感不追清時惜難逢詩發  
尊祖心頌刊盛德容願君及春事迴輿綏萬  
邦

張九齡奉和聖製過晉陽宮應制一

首

隋季失天策萬方罹凶殘皇祖稱義旗三靈  
皆獲安聖期將中錫王業成艱難盜移未改  
命曆在終履端彼汾惟帝鄉洪都信鬱盤一  
月朔巡狩羣后陪清鑒霸迹在沛庭舊儀觀

漢官唐風思何深舜典敷更寬家蒙粉榆復  
邑爭牛酒歡緬惟翦商後豈獨微雨歎三后  
既在天萬年斯石刊尊祖實我皇天文皆仰  
觀

玄宗暇日與兄弟同遊興慶宮作一  
首并序

暇日與兄弟同遊興慶宮登勤政務本  
及華萼相輝之樓所以觀風俗而勸人  
崇友于而敦睦詩以言志歌以永言情

唐雅卷六

六

發於衷率題此什

代邸青門右離宮紫陌垂庭如過沛日水若  
渡江時綺觀連雞岫朱樓接鴈池從來敦棣  
萼今此茂荆枝萬葉傳餘慶千年志不移憑  
軒聊矚目輕輦共追隨務本方崇訓相輝保  
羽儀時康俗易漸德薄政難施鼓吹迎飛蓋  
絃歌送羽卮所希覃率土孝弟一同規

張說奉和聖製暇日遊興慶宮作應  
制一首



漢武橫汾日周王宴鎬年何如造區夏復此  
睦親賢巢鳳新成閣飛龍舊躍泉棣華歌尚  
在桐葉戲仍傳禁禦氛埃隔平臺景物連聖  
慈良有裕王道固無偏問俗兆人阜觀風五  
教宣獻圖開益地張樂奏鈞天侍酌衢樽滿  
詢蒨諫鼓懸永言刑友愛萬國共周旋

虞世南奉和長春宮應令一首

貞觀十二

年閏二月丙戌

瑤山盛風樂南皮務逸游何如事巡撫民瘼

唐雅卷六

七

諒斯求文鶴揚輕蓋蒼龍飾桂舟汎沫縈沙  
嶼寒澌擁急流路指八仙館途經百尺樓眷  
言昔遊踐迴駕且淹留後車喧鳳吹前旌映  
綵旂龍驂駐六馬飛閣上三休調諧金石奏  
歡洽羽觴浮天文徒可仰何以廁琳球

魏元忠銀潢宮侍宴應制得枝字一

首

別殿秋雲上離宮夏景移寒風生玉樹涼氣  
下瑤池漸花仍吐葉巖木尚抽枝願奉南山

壽千秋長若斯

宋之問上陽宮侍宴應制得林字一

首

廣樂張前殿重裘感聖心砌奠霜月盡庭樹  
雪雲深舊渥驂宸御慈恩忝翰林微臣一何  
幸再得聽瑤琴

宗楚客奉和幸上陽宮侍宴應制一

首

紫庭金鳳闕丹禁玉雞川似立蓬瀛上疑遊

唐雅卷六

八

崑閬前鳥將歌合轉花共錦爭鮮湛露飛堯  
酒薰風入舜絃水光搖落日樹色帶晴煙向  
夕迴瑤輦佳氣滿巖泉

徐彥伯奉和幸新豐溫泉宮應制一

首

景龍三年十二月十二日中宗皇帝駕  
幸溫泉宮勅蒲州刺史徐彥伯入仗同  
學士例因與武平一等獻詩上官昭容  
亦賦七言絕句詩三首以獻○新豐在



臨潼東十五里漢高帝因太上皇思故  
豐里乃置此縣徙豐人實之故曰新豐  
并移粉榆舊社街衢棟宇一如豐里舊  
制雖雞犬混放亦知其家而歸焉

姬典歌時邁虞編記省方何如黑帝月玄運  
白雲鄉翠仗紫船岸明旂應箕陽風搖花曉  
彩雲艷寶戈芒御陌開油次離宮夾樹行桂  
枝籠騶褭松葉蔭堂皇仙女含珠液溫池孕  
壁房湧疑神漢溢泛若帝臺漿獨沸流常熱

唐雅卷六

九

潛蒸氣轉香青壇環玉甃紅淀鑠金光藻曜  
凝芳潔歲蕤獻淑祥五龍歸寶箒九鴈叶時  
康同預華封老中衢祝聖皇

武平一奉和幸新豐溫泉宮應制一

首

秦王登碣石周后襲昆崙何必在遐遠方稱  
萬寓尊我皇順時豫星駕動軒轅雄戟交馳  
道清笳度國門迴輿長樂觀校獵上林園行  
蒲校三象連營摠八屯旌搖鸚鵡谷騎轉鳳

皇原絕壁蒼苔古靈泉碧溜溫參差開水殿  
窈窕敞巖軒豐邑模猶在驪宮迹尚存烟松  
街翠幄雪逕遶花源侍從推玄草文章召武  
貴深仁浹夷夏大造溢乾坤謬忝王枚列多  
慚雨露恩

上官昭容駕幸新豐溫泉宮獻詩三  
首

三冬季月景龍年萬乘觀風出灞川遙看電  
躍龍爲馬迴矚霜原玉作田

唐雅卷六

十

鸞旂掣曳拂空回羽騎駢驪躡景來隱隱驪  
山雲外聳迢迢御帳日邊開

翠幕珠帷敞月營金蠟玉竿泛蘭英歲歲年  
年常扈蹕長長久久樂昇平

郭汭同崔員外溫泉宮卽事一首

輦輅移雙闕宸遊整六師天迴紫微座日轉  
羽林旗霜氣寒戈戟軍容壯武貔弓鳴射鴈  
處泉暖躍龍時惠化成觀俗謳謠入賦詩同  
歡王道盛相與咏雍熙

李嶠奉教追赴九成宮途中口號一

首

委質承仙翰祇命遄搖策事偶從梁遊人非  
背淮客長驅歷川阜迴眺窮原澤鬱鬱桑柘  
繁油油禾黍積雨餘林氣靜日下山光夕未  
攀叢桂巖猶倦飄雲陌行當奉麾蓋慰此勞  
行役

王維勅借岐王九成宮避暑應教一

首

唐雅卷六

十一

帝子遠辭丹鳳闕天書遙借翠微宮隔窻雲  
霧生衣上卷幔山泉入鏡中林下水聲喧語  
笑巖間樹色隱房櫳仙家未必能勝此何事  
吹簫向碧空

儲光羲述華清宮五首

天寶六年冬十月玄宗皇帝如驪山溫

泉宮名其宮曰華清

上在蓬萊宮莫若居華清朝朝禮玄閣日日  
聞體輕大聖不私已精禋爲群氓

上在蓬萊時六龍儼齊首長道舒羽儀彤雲  
映前後天聲殷宇宙真氣到林藪

昔在軒轅朝五城十二樓今我神泉宮獨在

驪山陬羣方趨順動百辟隨天遊

正月開陽和通門緝玄化穆穆睟容歸豈爲

明燈夜高山大風起蕭蕭隨龍駕

上林神君宮此地卽明庭山開鴻濛色天轉

招搖星三雪報大有孰爲非我靈

李華含元殿賦一首

并序

唐雅卷六

三

宮殿之賦論者以靈光爲宗然諸侯之  
遺事蓋務恢張飛動而已自茲已降代  
有辭傑播於聲頌則無聞焉夫先王建  
都營室必相地形詢卜筮考農隙工以  
子來虞人獻山林之榦太史占日月之  
吉雖班張左思角立前代未能備也而  
曩之文士賦長笛洞簫懷握之細則廣  
言山川之阻採伐之勤至于都邑宮室  
宏模廓度則略而不云其體病矣至若

陰陽慘舒之變宜於壯麗棟宇繩墨之間鄰於政教豈前修不逮將俟聖德而啓臣心輒極思慮作含元殿賦陋百王之制度出羣子之曾臆非敢厚自夸耀以希名譽欲使後之觀者知聖代有頌德之臣焉其辭曰

維皇高宗穆端命于玄穹萬有千歲鍾景祚于洪裔建北宮之尊嚴上取法於天帝乃圖正殿之適居規崇山而定制信神明幽贊而

唐雅卷六

三

人謀襲契不然何前王曠此之雄麗也先是司空帥其屬執度而相之曰美哉川原驚乎其大坦坤靈兮配乾剛坤順乾而爲龍舒廣衍兮走羣山紛卻面而朝宗陵正陽之爽鬱佳氣之葱葱蓋昊天之作而黃祇授元聖獲以造新宮也乃審于龜筮龜筮協從太卜以告神人咸同皇曰欽哉是將而爲朕宮因以鴻稱含元建名易乾坤之說曰含弘光大又曰元亨利貞括萬象以爲尊特巍巍乎上

京則命徵般爾之匠下荆揚之材操斧執斤者萬人涉磧礫而登崔嵬擇一榦於千木規大壯於喬枚聲坎坎於青雲若神踣而顛摧勢動連崖拉風摔雷倒勁梢於窮谷斬巨柢於昭回時也山祗效靈波神作氣爲桴爲筏羽疊鱗萃朝泛江海夕出河渭雲奔山移交積于作宮之地於是農事旣收靈臺勿亟子來而就役者周邦畿而薄四海咸忘勞而獻力乃張爲廣庭考正極星邦伯是經國工研

唐雅卷六

四

精刻盤岡以爲趾太階積而三重因博厚而順高明築凌天之四牖四牖旣列太階如截下上相領嶽嶽以沈沈其始也星鉗電交於萬堵霜鋸氷解於千尋擁林爲山積榦爲林乃卜日星之吉以成帝室虹梁勁於中極棖楠纖以礲密折姑蘇以爲楹隳喬山以爲磧亂重簷以切霞烟素壁以留日神標峻橘鬼疊層楣高卑迭柜尋尺相持木從繩而後正陳操宇而不危階瑩氷級瓦敷鱗差蕩晶景

而升降歛歛皆以交輝聳大廈之奇傑勢將  
頓而復飛爰詔有司練日推時徵考室於周  
頌會公卿以發之不赫哉如俯如跂若合若  
離疎森脩遽以宵徼悅駸駸而巖巍謂衝飈  
激海兮旋齋淪以無底奔雷觸山兮掉巖嶸  
而顧敝石鮫扼首於堂廡狀出雲而撐鬢崇  
高之制靈丘上盤鄰斗極之光輝邇天漢之  
波瀾察鑿枘之吞吐吸山巖而水攢建升龍  
之大旆邈不至於階端崢嶸屏顏下視南山

唐雅卷六

五

照燭無間七耀迴環呼咸反欽赫以突兀攄  
闕弘以蕭撥捧帝座於三辰街天衢之九達  
進而仰之騫龍首而張鳳翼退而瞻之岌樹  
巔而崒雲末嶷兮峩峩巨鼇戴仙山而出滄  
波劃兮煌煌燭龍堦穹穴而臨北方排層城  
而廓帝居豁閭闔而面蒼蒼左翔鸞而右栖  
鳳翹兩闕而爲翼環阿閣以周墀象龍行之  
曲直夾雙壺以鴻洞啓重闌之呀赫趨堂塗  
之未半望宸居而累息惟上聖之欽明爰聽

政而布德去雕璣與金玉絀漢京之文飾懺  
丹雘於菱簪抗重霄而競色若乃紫微晨暘  
彤墀夜明雲薄萬拱風交四榮冬止其陽則  
釋裘而燠夏休其陰則捐絺以清旂獵風而  
振響葉墜露而成聲懸櫺聯湊竦柱奔列複  
櫺甍綴高窻景蕪鳥敢反日翳而采連睢天  
開而中絕形持神而欲離足便步而將跌睎  
昭訓之崇崇璘光範之揭揭其南則丹鳳啓  
途遐矚荆吳十扇開閉陰陽睢盱容鼎七局

唐雅卷六

六

方駕五車示王者之無外不樹屏於清都望  
仙關於巽維建福敞於坤隅偃朱旗而橐玄  
甲屯屹屹之驍夫其後則深闌秘殿曼宇踈  
楹瑞木交陰玄墀砥平鮮風歷歷凌霞飄英  
蔭藹武闥增華穆清玉燭內融則嘉盛豐備  
太陽臨照而天下文明古有六寢御茲一人  
今也三朝繇古是因布大命於宣政澹玄心  
於紫宸義和弭節於通乾望舒停景於觀象  
密勿旒宸臣人是仰左黃閣而右紫微命伊

臯以爲長其下則鷁冠魚服良家茂族厲禁  
非宜金吾領之其前則置兩石以卹刑張三  
侯以興武告善之旌登聞之鼓節畧漏於鍾  
律架危樓之筍簾以辨內外之差以正東西  
之序天光流於紫庭倒影入於朱戶騰祥雲  
之郁靄映旭日之蒼龍清渠導於元氣玉樹  
生於景風夷坦數里徘徊無窮羅千乘與萬  
騎曾不得半乎其中厥初經營天下旣義文  
物未周孤其壯麗蓋重施於勞非不懷也乃

唐雅卷六

七

睿睿孫睿孫開元萬寓晏清而大和奄書契  
之所論旣克廣於崇構聲明備而益尊蓋聖  
皇之孝也揮綽變化兮動搖乾坤其東於是  
弘文教而開館對日精之清閼蓋左學之遺  
制協前王之講德其西於是延載筆之良史  
俯月華之峻扉集賢人於別殿朝命婦於中  
闈王風闡而成化陰教備而不虧加以詠周  
詩而展親睦魯衛而敦叙因命族之來宴置  
更衣之豐宇至於殿內諸曹則左右有局通

軒並廡物有恒司供無廢舉又有銀璫珥貂  
寺人巷伯奉宣出納之命更踐宮中之役熊  
羆之旅董以龍武矛戟森森材官羽林聲破  
丘山氣礮飛沈瓜抉千鈞跟騰百尋克壯皇  
威協比其心其外則校人掌馬天駟在閑以  
備順遊放牧其間望我鷹和陟彼高山猶慮  
憲章或遺國容未備乃工掌匱之司館通事  
之史職在達下情于上天儼王言於有位塏  
通太極陞指龍池重門內注複道潛移幽峻

唐雅卷六

六

肅以相屬光彤融以熈熈玄象著明帝座維  
三皇居設位俯察仰參冀室正中游宮次南  
北起含光其容耽耽摠而言之如山之壽則  
曰蓬萊如日之昇則曰大明自茲而北燕遊  
所經達于苑囿不可殫名周廬更可匝以環  
衛南端百仞上極霄際却視欽崙經途廣深  
繚以層城黠爲重陰至若時雨膏田九農悽  
暢雲歸山穴儵以昭曠白日麗於宮隅混晶  
光而益壯於是風師歛威纖塹不升頽絕搖



芒葉無翻稜自中徂外鏡洗川澄弦直閭闔  
井畫溝塍靡迤秦山陂陲漢陵知稼穡之艱  
難見皇王之廢興及乎玄冥戒寒海神飛雪  
瑤城粉野琪樹森列王宇璇階雲門露闕天  
華爽霽朗日朝徹赤旗降庭朱柱豔月仰白  
帝而金精開披河宮而銀燭發其或蠻夷不  
至帝用興戎降元帥於天上發神謀於禁中  
皇靈震耀殄厥渠凶矯矯武臣此焉獻功效  
俘虜而陳器械恢莫大之威容爾乃時殷仲

唐雅卷六

九

冬日正南至上公奉竿羣后在位一人壽昌  
萬國承賜式燕以樂欣欣且醉乃撞宮懸砮  
磬天地及乎獻歲元辰東風發春懸法象魏  
與人惟新儼文物於王庭兼九伐而宿陳威  
儀之嚴山嶽振若太一披緇縕而俯百神既  
而咸造勿褻會朝清明璿柄指寅寢闈發局  
皇帝御袞龍之法服佩蒼璧之純精執鎮圭  
導朱紘降輦登階微聞玉聲於是典禮之宮  
輦王就位南面穆然至若甸侯采衛要荒蠻

貊輸其方賁罔不來格統以千官六卿二伯  
司儀敘進象胥重譯肅肅委皮乾乾奠璧設  
以庭燎天烘地赫雷鼓殷殷朱干玉戚神簠  
如生熊羆愕眙危昂欹向歆爛歎射金根玉  
輅太常少伯火烈門旂霜交陛戟乃進元元  
以觀禮琕億兆之增金吾南首麾之以肱迺  
攀援而聳仰齊屨企而冠騰太史來告卿雲  
勃興灑豐澤於生人答上玄之休徵申命司  
寇緩刑家卿降德秩山川而問耆老周雨露  
而均邦國華戎竭歡喜氣闐塞揭金雞於太  
清炫晨陽於正色慶抃之聲不踰辰而雷四  
域當斯時也驅周驟漢於廓煥爛王臨于朝  
天地貞觀靈宮巖巖上下交贊蓋所以法乾  
道而遵帝度豈唯安體而明威者哉夫瑤臺  
之靡不可以刑萬國土階之陋不可以儀天  
地奢不遜而儉固允執中于大位洪範曰皇  
建其有極富哉上聖之宏議也詩歌楚室頌  
美泮宮諸侯之事也雲夢甘泉晏恢景福僻

唐雅卷六

十



王之志也論諸侯曷若戴天子嘉僻王曷若  
尊聖人烈烈盛唐祖武宗文五帝赧德六王  
慙勛而政本乎慈用過乎儉夫蒼生所奉者  
惟君所愛者惟親寧有君親宅體於卑室而  
臣子得安其身乎故有熊明堂帝姚總章從  
人欲也天垂定心星易有大壯君人者法焉  
聖朝猶斥其華而凭其質今是殿也者唯鐵  
石丹素無加飾焉身居玄眇心與萬姓同畎  
畝之勞以是臨衆何衆不賓以是享神何神

不唐雅卷六

王

不若其德歟雖欲宮崑崙而館不周城八極  
而隍四海猶未足儲鴻醇而俯丕耀豈咸鎬  
一京之所在崇四續之前式勅懷鈇之小臣  
彼儲書於禁中正百代之遺文由是循環天  
造耳目惟新敢頌成功告于神宗無愧斯于  
之什式昭聖德之容頌曰

帝作含元含元言言峯若日觀呀爲天門泰  
階三層達于崑崙鎮茲秦野揭以周原烈文  
仙宗永錫孝孫孝孫有慶于以施令奄甸萬

姓受天休命歌之頌之管磬宜之穆穆皇君  
壽考無期旣成斯文客有勸之止者對曰前  
王之光祥絕瑞乃聖朝之細事今休徵已厭  
于聰明頌聲亦飫於天意和歌竊抃乃臣子  
之本志又焉足以薦聞哉客曰不然今至尊  
明發不寐有懷先王周文之孝也允恭克讓  
光溢海外堯舜之謙也自卽位以來上下之  
休嘉神人之詠歌歌於睿躬則固辭頌於宗  
廟則無數今吾子之文明昭乎累聖之耿光

不唐雅卷六

王

美于大君之孝德可進而退宜言而默使雅  
頌之音卷而不舒猶坦蕩其胷臆無乃過歟  
爲人之下者有可達於君親雖濱于死亦冒  
行之况宗廟啓其心哉臣華嘗聞遷善之規  
願附升歌之末

徐賢妃粧殿答太宗一首

朝來臨鏡臺粧罷暫徘徊千金始一笑一召  
詎能來

徐安貞畫殿侍宴應制一首

校文常近日賜宴忽昇天酒正傳杯至饗人  
捧案前玉階鳴溜水清閣引歸烟共惜芸香  
暮春風度幾年

李嶠甘露殿侍宴應制一首

月宇臨丹地雲窻網碧紗御筵陳桂醕天酒  
酌榴花水向浮橋直城連禁苑斜承恩忝歡  
賞歸路滿烟霞

宋之問麟趾殿侍宴應制一首

麟趾殿在長安城漢明帝建嘗集公卿

唐雅卷六

重

有文學者八十人於此刊校經史

北闕層城峻西宮複道懸乘輿歷萬戶置酒  
望三川花柳含丹日山河入綺筵欲知陪賞  
處空外有飛烟

杜審言蓬萊三殿侍宴奉勅詠終南

山應制一首

北斗掛城邊南山倚殿前雲標金闕迥樹杪  
玉堂懸半嶺通佳氣中峯繞瑞烟小臣持獻  
壽長此戴高天

王昌齡殿前曲二首

貴人妝梳殿前催香風吹入殿後來仗引笙  
歌大宛馬白蓮花發照池臺

胡部笙歌西殿頭梨園弟子和涼州新聲一  
段高樓月聖主千秋樂未休

樓閣部

太宗初春登樓卽目觀作述懷一首

憑軒俯蘭閣眺矚散靈襟綺峯含翠霧照日  
藥紅林鏤丹霞錦岫殘素雪斑岑拂浪低垂

唐雅卷六

重

柳嬌花鳥續吟連薨豈一拱衆幹如千尋明  
非獨材力終藉棟梁深彌懷矜樂志更懼戒  
盈心愧制勞居逸方離十產金

許敬宗奉和初春登樓卽目應詔一

首

旭日臨重壁天眷極中京春暉發芳甸佳氣  
滿層城去鳥隨看沒來雲逐望生歌裏霏煙  
颺琴上凱風清文波浮鏤檻規景煥雕楹璇  
璣體寬政隆棟象端衡文規雖有作疑拱遂

無營沐恩寬改髮將何謝夏成

太宗春日登陝州城樓一首

貞觀十二年

春日登陝州城樓俯眺原野迴舟碧綬  
烟霞密翠班紅芳菲花柳卽目川岫聊  
以命篇

碧原開霧隰綺嶺峻霞城烟林高下翠日浪  
淺深明班紅粧藥樹圓青壓溜荆迹巖勞傳  
想窺野訪莘情巨川何以濟舟楫佇時英

許敬宗奉和登陝州城樓應制一首

唐雅卷六

五

挹荷澱綠宇御溝映朱宮辰旂翻麗景星蓋  
曳雕虹學嘖齊柳嫩妍笑發春叢錦鱗文碧  
浪繡羽約青空睿念三階靜遐想二南風

太宗置酒坐飛閣一首

高軒臨碧渚飛簷迴架空餘花攢鏤檻殘柳  
散雕櫳岸菊初含藥園梨始帶紅莫慮西山  
暗還共盡杯中

玄宗登蒲州逍遙樓一首

長偷息烽火高柳靖風塵北征巡九洛展豫

出三秦昔是潛龍地今爲上理辰時平兼道  
泰聊賞遇年春黃河分地脉飛觀接天津一  
覽遺芳翰千載肅如神

蘇頌奉和聖製登蒲州逍遙樓應制  
一首

在昔堯舜禹遺塵成典謨聖皇東巡狩况乃  
經此都樓觀紛迤邐河山幾縈紆緬懷祖宗  
業相繼文武圖尚德旣無險觀風諒有孚豈  
如汾水上簫鼓事遊娛

唐雅卷六

五

玄宗首夏華萼樓觀羣臣宴寧王山  
亭迴樓下申之以當樂賦詩一首

并序

萬物莫不氣兆乎上而形視乎下鐵石  
異品雲蒸並濕草木無心春來咸喜故  
聖人弘道先王法天洒星主獻疇之義  
需卦陳飲食之象近命羣官欣時樂宴  
盡九春之麗景匝三旬之暇日暢飲桂  
山棹歌沁水醇以養德味以平心本將  
導達陽和助成長育亦朝廷多慶軍國

餘閑者也前月之晦細風飄雨繁絃中止列席半醉佳辰易失絕興難追良可惋也今年帶閏節候全晚暑氣猶清芳草未歇申布雅意復叙初筵披樂善之邸坐忘憂之觀東郊跬步南山在目足以締夏首之新賞補新餘之墜歡朕登覽上官俯臨長陌暢衆心之怡虞權歸騎之逶迤鼓之以瑟琴侑之以筐篚衢樽意洽場藿思苗賦我有嘉賓之詩奏

唐雅卷六

毛

君臣相悅之樂踟躕西日吟翫乘風不知衷情發於翰墨也

今年通閏月入夏展春輝樓下風花晚城隅宴賞歸九歌揚政要六舞散朝衣天喜時相合人和事不違禮中推意厚樂處感心微別賞陽臺樂前旬暮雨飛

張說奉和聖製花萼樓下宴應制一首

萬心翹樂宴三舍緩昌時山接夏雲陰臺留

春日遲節移芳未歇興隔賞仍追醉後傳嘉惠樓前舞聖慈皇恩與時合天意若人期故發前旬雨新垂湛露詩

張說春日鳳樓尋勝地一首

開元十八年二月初令百官於春月旬休選勝行樂自宰相至員外郎凡十二筵各賜錢五千緡或御花萼樓邀其歸騎留飲迭使起舞盡歡而去

唐雅卷六

天

西掖持醇酒東山就白雲開軒綠池映命席紫蘭芬舞度花爲伴歌來管作羣太平多樂事春物共氛氲

孫逖奉和聖製登鸞鵲樓卽目一首

玉輦下離宮瓊樓上半空方巡五年狩更辟四門聰井邑觀秦壁山河念禹功停鑿留睿作軒檻起南風

王維奉和聖製御春明樓臨右相園亭賦樂賢詩應制一首

複道通長樂青門臨上路遙聞鳳吹喧閭識

龍輿度塞旒明四目伏檻紆三顧小苑接侯  
家飛甍映宮樹商山原上碧滻水林端素銀  
漢下天章瓊筵承湛露將非富民寵信以平  
戎故從來簡帝心詎得迴天步

梅妃樓東賦一首

玉鑑塵生鳳奩香殄懶蟬髮之巧梳閑縷衣  
之輕練苦寂寞於蕙宮但凝思乎蘭殿信標  
落之梅花隔長門而不見况乃花心颺恨柳  
眼弄愁爇風習習春鳥啾啾樓上黃昏兮聽

唐雅卷六

无

鳳吹而回首碧雲日暮兮對素月而凝眸温  
泉不到憶拾翠之舊遊長門深閉嗟青鸞之  
信修憶太液清波水光蕩浮笙歌賞燕陪從  
宸旒奏舞鸞之妙曲乘畫鷁之仙舟君情縈  
繆深叙綢繆誓山海而常在似日月而無休  
柰何嫉色庸庸妬氣冲冲奪我之愛幸斥我  
乎幽宮思舊歡之莫得想夢著乎朦朧度花  
朝與月夕羞懶對乎春風欲相如之奏賦柰  
世才之不工屬愁吟之未盡已響動乎踈鍾

空長嘆而掩袂躊躇步于樓東

唐雅卷第六

唐雅卷六

三



唐雅卷第七

清河張之象編

宅第部

玄宗過大哥宅一首

開元十六年十一月癸巳

魯衛情先重親賢愛轉多  
冕旒豐暇日乘景暫經過  
戚里申高宴平臺奏雅歌  
復尋爲善

樂方驗保山河

張說奉和聖製過寧王宅應制一首

進酒忘憂觀簫韶喜降尋  
帝堯敦俗禮王季

唐雅卷七

友兄心竹苑龍鳴笛梧宮  
鳳繞琴大風將小

雅一字盡千金

張諤岐王山亭一首

王家傍綠池春色正相宜  
豈有樓臺好兼看草樹奇  
石榴天上葉椰子日南枝  
出入千門裏年年樂未移

魏元忠修書院學士奉勅宴梁王宅

賦得門字一首

大君敷宴賞萬乘下梁園  
酒助閒平樂人露

雨露恩榮光開帳殿佳氣滿旌門願陪南岳  
壽長奉北辰尊

張說脩書院學士奉勅宴梁王宅賦

得樹字一首

虎殿成鴻業猿巖題鳳賦  
旣荷大君恩還蒙小山遇  
秋吹迎絃管涼雲生竹樹  
共惜朱邱歡無辭洛城暮

武三思奉和過梁王宅卽目應制一

首

唐雅卷七

巖居多水石野宅滿風烟  
本謂開三徑俄欣降九天  
穿林移步輦拂岸轉行旃  
鳳竹初垂籜龜荷未吐蓮  
願持山作壽恒用劫爲年

劉憲陪幸五王宅應制一首

初睿宗五子賜第隆慶坊  
號五王宅明皇爲太子製  
大衾長枕將與諸王共之  
睿宗喜甚明皇先天後盡  
以隆慶舊邸爲興慶宮因  
賜憲薛二王第於勝業中  
岐二王第於安興環列宮  
側天子於西



南建樓西曰花萼相輝南曰勤政務本  
北斗樞機任西京肺腑親疇昔王門下今茲  
制幸晨恩光山水被聖作管絃新遶坐薰紅  
藥當軒暗綠筠摘荷纔早夏聽鳥尚餘春行  
漏今徒晚風烟起觀津

李义陪幸五王宅應制一首

家住千門側亭臨二水傍貴遊開北第宸睞  
幸西鄉曳履迎中谷鳴絃出後堂浦疑觀萬  
象峯似駐三光草向瓊筵樂花承繡展香聖

唐雅卷七

三

情思舊重留飲賦雕章

鄭愔陪幸昭容院獻詩四首

景龍四年二月

十一日

地軸樓居遠天台闕路賒何如遊帝宅卽此  
對仙家座拂金壺電池搖玉酒霞無云秦漢  
隔別訪武陵花  
堯祠姑射近漢苑建章連十五冀知月三千  
桃紀年鸞歌隨鳳吹鶴舞向鵲絃更覓瓊妃  
伴來過玉女泉

宮掖賢才重山林高士難不言辭輦地更有  
結廬歡池棟清溫燠巖窻起沍寒幽亭有仙  
桂聖主萬春看

槎流天上轉茅宇禁中開河鵲填橋至山熊  
避檻來庭花採葦葦崑石步莓苔願奉蘿圖  
泰長聞錦翰裁

張易之侍從過公主尚宅侍宴探得  
風字應制一首

逐賞平陽第鳴笳上苑東鳥鳴千戶竹蝶舞

唐雅卷七

四

萬花叢時攀小山桂共挹大王風坐客無勞  
起秦簫曲未終

趙彥昭奉和初幸太平公主南莊

應制一首

景龍三年二月十一日

主第巖扃架鵲橋天門闔闔降鸞鑣歷亂旌  
旂轉雲樹參差臺榭入烟霄林間花雜平陽  
舞谷裏鶯和弄玉簫已陪沁水追歡日行奉  
茅山訪道朝

蘇頌奉和初春幸太平公主南莊應

制一首

主第山門起灞川宸遊風景入初年鳳凰樓  
下交天仗烏鵲橋頭敞御筵往往花間逢綵  
石時時竹裏見紅泉今朝扈蹕平陽館不羨  
乘槎雲漢邊

李邕奉和初春幸太平公主南莊應  
制一首

傳聞銀漢支機石復見金輿出紫微織女橋  
邊烏鵲起仙人樓上鳳凰飛流風入座飄歌

唐雅卷七

五

扇瀑水當階濺舞衣今日還同犯牛斗乘槎  
共泛海潮歸

宋之問奉和初春幸太平公主南莊  
應制一首

是日中宗皇帝命上官昭容品第羣臣  
所賦詩以之問此詩爲冠

青門路接鳳凰臺素滌宸遊龍騎來澗草自  
迎香輦合巖花應待御筵開文移北斗成天  
象酒迺南山作壽盃此日侍臣將石去共歡

明主賜金迴

沈佺期奉和初春幸太平公主南莊  
應制一首

主家山第早春歸御輦春遊繞翠微買地鋪  
金曾作埽尋河取石舊支機雲間樹色千花  
滿竹裏泉聲百道飛自有神仙鳴鳳曲併將  
歌舞報春暉

李嶠奉和初春幸太平公主南莊應  
制一首

唐雅卷七

六

主家山第接雲開天子春遊動地來羽騎參  
差花外轉電旌搖曳日邊迴還將石溜調琴  
曲更取峯霞入酒杯鸞輅已辭烏鵲渚簫聲  
猶遶鳳凰臺

邵昇奉和初春幸太平公主南莊應  
制一首

沁園佳麗奪蓬瀛翠壁紅泉繞上京二聖忽  
從鸞殿幸雙仙正下鳳樓迎花含步輦空間  
出樹雜帷宮畫裏行無路乘槎窺漢渚徒知

訪卜就君平

趙彥昭奉和幸安樂公主山莊應制

一首 景龍三年八月三日

六龍齊軫御朝曦雙鷁維舟下綠池飛觀仰  
看雲外聳浮橋直見海中移靈泉巧鑿天孫  
渚孝筭能抽帝女枝幸願一生同草樹年年  
歲歲樂於斯

蕭至忠奉和幸安樂公主山莊應制

一首

唐雅卷七

七

王

西郊窈窕鳳凰臺北渚平明法駕來匝地金  
聲初度曲周堂玉溜且傳杯灣路分游盡舟  
轉崑門相向碧亭開微臣此時承宴樂髣髴  
疑從星漢迴

李迥秀奉和幸安樂公主山莊應制

一首

詰旦重門開警蹕傳言太主奉山林是日迴  
輿羅萬騎此時歡喜賜千金鷺羽鳳簫參樂  
曲荻園竹徑接帷陰手舞足蹈方無已萬年

千歲奏薰琴

劉憲奉和幸安樂公主山莊應制一

首

主家別墅帝城隈無勞海上覓蓬萊  
石懸流平地起危樓曲閣半天開庭莎作薦舞行  
出浦樹相將歌棹迴此日風光與形勝祇言  
併伴聖詞來

岑羲奉和幸安樂公主山莊應制一

首

唐雅卷七

八

銀榜重樓出霧開金輿步輦向天來泉聲迴  
入吹簫曲山勢遙臨獻壽杯帝女含笑流飛  
電乾文動色象昭回誠願北極拱堯日微臣  
抃舞詠康哉

薛稷奉和幸安樂公主山莊應制一

首

主家園囿極新規帝郊遊豫奉天儀歡宴瑤  
臺鑄京集賞賜銅山蜀道移曲閣交映金精  
板飛花亂下珊瑚枝借問今朝八龍駕何如

昔日望仙池

蘇頲奉和幸安樂公主山莊應制一

首

駿駿羽騎歷城池帝女樓臺向晚披露灑旌  
旗雲外出風迴巖岫雨中移當軒半落天河  
水遶逕全低月樹枝簫鼓宸遊陪宴日和鳴  
雙鳳喜來儀

沈佺期奉和幸安樂公主山莊應制

一首

唐雅卷七

九

皇家貴主好神仙別業初開雲漢邊山出盡  
如鳴鳳嶺池成不讓飲龍川粧臺翠幌教春  
住舞閣金鋪借日懸敬從乘輿來此地稱觴  
獻壽樂鈞天

李適奉和幸安樂公主山莊應制一

首

平陽金榜鳳凰樓沁水銀河鸚鵡洲綵仗遙  
尋丹壑裏仙輿暫幸綠亭幽前池錦石蓮花  
艷後嶺香鑪桂蕊秋貴主稱觴萬年壽還輕

漢武濟汾遊

李義府奉和幸安樂公主山莊應制

一首

又作

金輿玉輦背三條水閣山樓望九霄野外初  
迷七聖道河邊忽覩二靈橋懸冰滴滴依虬  
箭清吹泠泠雜鳳簫向晚平陽歌舞合前溪  
更轉木蘭橈

韋元旦奉和幸安樂公主山莊應制

一首

唐雅卷七

十

銀河南渚帝城隅帝輦平明出九衢刻鳳蟠  
螭凌桂邸穿池疊石寫蓬壺瓊簫暫下鈞天  
樂綺綴長懸明月珠仙榜承恩爭旣醉方知  
朝野更歡娛

盧藏用奉和幸安樂公主山莊應制

一首

皇女瓊臺天漢渚星橋月宇創山林飛蘿半  
拂銀題影瀑布環流玉砌陰菊浦香隨鸚鵡  
泛簫樓韻逐鳳凰吟瑤池駐蹕思方久璧月

無文興轉深

馬懷素奉和幸安樂公主山莊應制

一首

主家臺沼勝平陽帝幸歡娛樂未央掩映瑀  
窗交極浦參差繡戶繞迴塘泉聲百處傳歌  
曲樹影千重對舞行聖酒一霑何以報唯欣  
聖德奉時康

宗楚客奉和幸安樂公主山莊應制

一首

唐雅卷七

十一

玉樓銀榜枕嚴城翠蓋紅旂列禁庭日映層  
巖圖畫色風搖雜樹管絃聲水邊重閣含飛  
動雲裏孤峯類削成幸覩八龍遊閬苑無勞  
萬里訪蓬瀛

武平一侍宴安樂公主移入新宅應

制一首

景龍三年十一月一日

紫漢秦樓敞黃山魯館開簪裾分上席歌舞  
列平臺馬旣如龍至人疑學鳳來幸忻聯棣  
萼何以接鄒枚

趙彥昭安樂公主移入新宅一首

雲物中京曉天人外館開飛橋像河漢懸榜  
學蓬萊北闕臨仙檻南山送壽盃一窺輪奐  
畢慚慙棟梁材

李適安樂公主移入新宅一首

星橋他日創仙榜此時開馬向鋪錢埽簫聞  
奏玉臺人疑衛叔美客似長卿才借問遊天  
漢誰能取石廻

沈佺期安樂公主移入新宅一首

唐雅卷七

十二

初聞衡漢來移住斗城隈錦帳迎風轉瓊筵  
拂霧開馬香遺舊埽鳳吹繞新臺爲問沉冥  
子仙槎何處回

宋之問宴安樂公主宅得空字一首

英藩築外館愛主出王宮賓至星槎落仙來  
月宇空玳梁翻賀燕金埽倚晴虹簫去秦臺  
裏書開魯壁中短歌能駐日艷舞欲嬌風聞  
有淹留處山阿滿桂叢

徐彥伯夜宴安樂公主宅一首



中宗與修文館學士宴樂賦詩每命彥  
伯爲之序文彩華縟夜宴安樂公主新  
第彥伯序云言容有典緝姒幄之柔規  
湯沐增榮結風亭之藻漢又曰鳴璫節  
佩登繡軸之琬軒花綬香纓帶澤壺之  
青璫言美駙馬也

鳳樓開闔引明光花酌連添醉益香欲知帝  
女薰天貴金歌玉柱夜成行

李適夜宴安樂公主宅一首

唐雅卷七

三

銀河半倚鳳凰臺玉酒相傳鸚鵡杯若見君  
平須借問仙槎一去幾時來

劉憲夜宴安樂公主宅一首

層軒洞戶旦新披度曲飛觴夜不疲綺綴玲  
瓏河色曉珠簾隱映月華窺

崔日用夜宴安樂公主宅一首

銀燭金屏坐碧堂只言河漢動神光主家盛  
明歡不極才子能歌夜未央

盧藏用夜宴安樂公主宅一首

侯家主第一時新上席華年不惜春珠缸綴  
月那知夜玉竿流霞畏抵晨

馬懷素夜宴安樂公主宅一首

鳳樓窈窕凌三襲翠幌玲瓏瞰九衢復道中  
宵留宴衍彌令上客想踟躕

薛稷夜宴安樂公主宅一首

秦樓宴喜月徘徊妓筵銀燭滿庭開坐中香  
氣排花出扇後歌聲逐酒來

閻朝隱夜宴安樂公主宅一首

唐雅卷七

四

鳳凰鳴舞樂昌年蠟炬開花夜管絃半醉徐  
擊珊瑚樹已聞鍾漏曉聲傳

韋元旦夜宴安樂公主宅一首

主第新成銀作榜賓筵廣宴玉爲樓壺觴旣  
卜仙人夜歌舞疑停織女秋

李迥秀夜宴安樂公主宅一首

金榜岩堯雲裏開玉簫參差天際迴莫驚側  
弁還歸路祗爲平陽歌舞催

李乂夜宴安樂公主宅一首



牽牛南渡象昭回學鳳樓成帝女來平日鵲  
驚歌舞席方宵鵲獻酬盃

岑羲夜宴安樂公主宅一首

金榜重樓開夜扉瓊筵愛客未言歸  
歡不覺銀河曉盡醉那知玉漏晞

蘇頲夜宴安樂公主宅一首

車如流水馬如龍仙史高臺十二重  
天象初移漢西轉可憐歌舞夜相從

武平一夜宴安樂公主宅一首

唐雅卷七

五

王孫帝女下仙臺金榜珠簾入夜開  
遽惜瓊筵歡正洽惟愁銀箭曉相催

劉憲侍宴長寧公主東莊一首

景龍四年

四月一日

公主林亭地清晨降玉輿畫橋飛渡水仙閣  
涌臨虛晴新看蝴蝶夏早摘芙蕖文酒娛游  
盛忻叨侍從餘

鄭愔侍宴長寧公主東莊一首

公門襲漢瓊主第稱秦玉池架祥鱣宇山吹

鳴鳳曲拂席薜蘿垂迴舟芟荷觸平陽妙舞  
處日暮清歌續

李乂侍宴長寧公主東莊應制一首

紫禁乘雷動青門訪水嬉上台鱣序慶仙女  
鳳樓期合宴簪紳滿承恩雨露滋北宸還捧  
日東館幸逢時

崔寔侍宴長寧公主東莊應制一首

芳園東郭外表駕一遊盤水榭宜時涉山樓  
向晚看席臨大女貴林接近臣歡聖藻懸辰

唐雅卷七

六

象微臣切仰觀

李嶠侍宴長寧公主東莊應制一首

別業臨青甸鳴鑾降紫霄長筵鴛鴦集仙管  
鳳凰調樹接南山近烟含北渚遙承恩咸已  
醉戀賞未還鑣

李適侍宴長寧公主東莊應制一首

鳳樓紆睿幸龍舸暢宸襟歌舞平陽第園亭  
沁水林山花添聖酒澗竹繞薰琴願奉瑤池  
駕千春侍德音

李义奉和幸長寧公主山莊應制一首

平陽館外有仙家沁水園中好物華地出東  
郊迴日馭城臨南斗度雲車風泉韻繞幽林  
竹雨霰光搖雜樹花已慶時來千億壽還言  
日暮九重賒

武后遣使宣詔幸上苑一首

天授二年臘卿相欲詐稱花發請幸上  
苑有所謀也許之尋疑有異圖乃遣使

不唐雅卷七

七

宣詔云云於是凌晨名花布苑羣臣咸  
服其異

明朝遊上苑火速報春知花須連夜發莫待  
曉風吹

儲光義玉真公主山居一首

山北天泉苑山西鳳女家不言沁園好獨隱  
武陵花

王維奉和聖製幸玉霄公主山莊因  
題石壁十韻之作應制一首

碧落風烟外瑤臺道路賒如何連帝苑別自  
有仙家比地迴鸞駕綠溪轉翠華洞中開日  
月窓裏發雲霞庭養沖天鶴溪留上漢查種  
田生白玉泥竈化丹砂谷靜泉逾響山深日  
易斜御羹和石髓香飯進胡麻大道今無外  
長生詎有涯還瞻九霄上來往五雲車

張說奉和幸韋嗣立山莊侍宴應制一首

嗣立山莊在驪山鸚鵡谷景龍三年十

不唐雅卷七

大

二月十四日中宗皇帝幸之嗣立立獻  
食百饗及木器藤盤等物上封爲逍遙  
公名其原曰清虛原名其谷曰幽棲谷  
中宗留詩從臣屬和嗣立並鐫于石請  
張說爲之序薛稷書之序曰兵部尚書  
同中書門下三品修文館大學士韋公  
體含真靜思協幽曠雖翊亮廊廟而緬  
懷林藪東山之曲有別業焉嵐氣入野  
棲烟出谷石潭竹岸松齋藥畹虹泉電

射雲木風吟恍惚疑夢間關忘術茲所  
謂丘壑夔龍衣冠曹許幸溫泉之歲也  
皇上聞而賞之迺命掌舍設帟金吾劃  
次太官載酒奉常抱樂停輿輦於青靄  
佇翬榆於紫雲百神朝於谷口千官飲  
乎池上緹騎環山朱旆焰野縱觀空巷  
途歌傳壑是日卽席拜公道遙公名其  
居曰清虛原幽棲谷景移樂極天子賦  
詩王后帝女宮嬪邦媛歌焉和焉以寵

唐雅卷七

九

德也加以中宮敦序謂我諸兄引內子  
於重幄見兒童於行殿家人之禮優棠  
棣之詩作於是實其筐篚下以昭忠信  
之獻賁其束帛上以示慈惠之恩朝野  
歡并君臣義洽夫飛翠華歷茨道至道  
之主也紆紫綬期赤松素履之輔也千  
載一時難乎此遇故兩曜合合衆星聚  
德雅道光華高風允塞寒谷煦景窮崖  
潤色猗歟盛事振古未有篆之玄石貽

我厥後

寒灰飛玉瑄湯井駐金輿旣得方明相還尋  
大隗居懸泉珠貫下列帳錦屏舒騎遠林逾  
密笳繁谷自虛門旗斬復磴殿幕表通渠舞  
鳳隨公主雕龍起婕妤地幽天賞洽酒樂御  
筵初非才叨侍從連藻媿應徐

劉憲奉和幸韋嗣立山莊侍宴應制

一首

東山有謝安枉道鳴和鸞緹綺分初日霓旌

唐雅卷七

十

度曉寒雲蹕巖間下虹橋澗底盤幽棲俄似  
屆聖矚宛餘觀崖懸飛溜直岸轉綠潭寬桂  
華堯酒冷松響舜絃彈明主恩斯極賢臣節  
更殫不才叨侍從詠德以濡翰

蘇頲奉和幸韋嗣立山莊侍宴應制

一首

縱金寒墅霽步玉曉山幽帝幄期松子匡廬  
訪葛侯百工徵往夢七聖扈來遊斗柄乘時  
轉台階捧日留樹重巖瀨合泉迸水光浮石

徑喧朝履璜溪擁釣舟恩光犯星夜歡擬濟  
河秋不學堯年隱空令傲許由

沈佺期奉和幸韋嗣立山莊侍宴應

制一首

鼎臣休翰隙方外結遐心別業青霞境孤潭  
碧樹林每遷東墅策遙弄北溪琴帝幸行時  
豫台園賞歲陰移鑒明月沼張樂白雲岑御  
酒瑤觥落仙壇竹徑深三章懸聖藻五等冠  
朝簪自愧承恩盛咸言獨在今

唐雅卷七

主

盧僊奉和幸韋嗣立山莊侍宴應制

一首

風后軒皇佐雲峯謝客居承恩來翠嶺締賞  
出丹除飛蓋雙溪寂清笳玉洞虛窺巖詳霧  
豹過水略泉魚鄉入無何有時還上古初伊  
臯羞過狹魏丙服粗疎白雪緣情降青霞落  
卷舒多慙郎署在輕繼國風餘

宋之問奉和幸韋嗣立山莊侍宴應

制一首

樞掖調梅暇林園藝槿初入朝榮劍履退食  
偶琴書地隱東巖室天迴北斗車旌門臨窅  
窈閣道屬扶疎雲漢明丹壑霜筵徹紫虛水  
疑投石處溪似釣璜餘帝澤頒卮酒人歡頌  
里閭一承黃竹詠長奉白茆居

趙彥昭奉和幸韋嗣立山莊侍宴應

制一首

賢族唯題里儒門但署鄉何如表巖洞宸翰  
發輝光地在茲山曲家隣郤永陽六龍駐旌

唐雅卷七

主

罕四牡耀旂常北斗臨台坐青山入廟堂天  
高羽翼近主聖股肱良野竹池亭氣村花澗  
谷香縱然懷豹隱空愧躡鴛行

崔湜奉和幸韋嗣立山莊侍宴應制

一首

丞相登前府尚書啓舊林式閭闔主意榮族  
聖嬪心川狹旌門抵巖高蔽帳閑窻憑柳  
暗小徑入松深雲卷千峯色泉和萬籟吟蘭  
迎天女珮竹礙侍臣簪宸翰三光燭朝榮四

海欽還嗟絕機叟白首漢川陰

李义奉和幸韋嗣立山莊侍宴應制

一首

台階好赤松別業對青峯茅室承三顧花源  
接九重龍旌瑩秀木鳳輦拂疎筇逕狹千官  
擁溪長萬騎容水堂開禹膳山閣獻堯鍾皇  
覽清居遠天文啓獎濃崑泉他日夢魚釣往  
年逢共榮丞相府偏降逸人封

武平一奉和幸韋嗣立山莊侍宴應

唐雅卷七

三

制一首

三光迴斗極萬騎肅鈎陳地若遊汾水畋疑  
歷渭濱圓塘水寫鏡遙樹露成春絃奏魚聽  
曲機忘鳥狎人築巖思感夢磻石想垂綸落  
景搖紅壁層陰結翠筠素風紛可尚玄澤藹  
無垠薄暮清笳動天文煥紫宸

李嶠奉和幸韋嗣立山莊侍宴應制

一首

洛師臣契東周王佐林幽情遺綬冕宸眷

屬樵漁制下峒山蹕恩回灞水輿松門駐旌

蹕薛幄引簪裾石磴平黃陸烟樓半紫虛雲  
霞仙路近琴酒俗塵疎喬木千齡外懸泉百  
丈餘崖深經鍊藥穴古舊藏書樹宿搏風鳥  
池潛縱壑魚寧知天子貴尚憶武侯廬

李义奉和聖製幸韋嗣立山莊應制

一首

曲榭回廊繞澗幽飛泉噴水溢池流祗應感  
發明王夢遂得邀迎聖主遊

唐雅卷七

雷

沈佺期奉和聖製幸韋嗣立山莊應

制一首

東山朝日翠屏開北闕晴空綵仗來喜遇天  
文七曜動少微今夜近三台

李嶠奉和聖製幸韋嗣立山莊應制

一首

萬騎千官擁帝車八龍三馬訪仙家鳳凰原  
上窺青壁鸚鵡杯中弄紫霞

趙彥昭奉和聖製幸韋嗣立山莊應



制一首

廊廟心存巖壑中鑾輿矚在灞城東逍遙自有蒙莊子漢主徒言河上公

武平一奉和聖製幸韋嗣立山莊應制一首

鳴鑾赫奕下重樓羽蓋逍遙向一丘漢日唯聞白衣寵唐年更覩赤松遊

蘇頲奉和聖製幸韋嗣立山莊應制一首

唐雅卷七

五

樹色參差隱翠微泉流百尺向空飛傳聞此處投竿佐遂使茲辰扈蹕歸

張說奉和聖製幸韋嗣立山莊應制一首

西京上相出扶陽東郊別業好池塘自非仁智符天賞安能日月共迴光

沈佺期奉和聖製幸禮部尚書竇希玠宅應制一首

景龍四年四月六日

北闕垂旒暇南宮聽禮迴天臨降鳳轉恩向

躍龍開蘭氣熏仙帳榴花引御盃水從金穴吐雲是玉衣來池影搖歌席林香散舞臺不知行漏晚清蹕尚徘徊

蘇頲奉和聖製幸禮部尚書竇希玠宅應制一首

尚書列侯第外戚近臣家飛棟臨清綺迴輿轉翠華日交當戶樹泉漾隔池花圓頂圖嵩石方流擁魏沙豫遊今聽履侍從昔鳴笳自有天文降無勞訪海槎

唐雅卷七

五

張說侍宴武三思山第賦得風字韻一首

梁王池館好曉日鳳樓通竹町羅千衛蘭筵降雨峯清歌芳樹下妙舞落花中臣學筵中聽還如大國風

王維從岐王過楊氏別業應教一首  
楊子談經所淮王載酒過興闌啼鳥換坐久落花多逕轉迴銀燭林開散玉珂嚴城時未啓前路擁笙歌

唐雅卷第七



唐雅第四冊目錄

卷之八

亭榭部

儲光羲望幸亭一首

喬知之梨園亭侍宴應制一首

杜審言望春亭侍游應詔一首

杜審言宿羽亭侍宴應制一首

張說荷亭侍宴應制一首

張說四月十三日詔宴寧王亭子賦

唐雅第四冊目錄

得好字一首

張說晦日詔宴永穆公主亭子賦得

留字一首

李嶠大平公主山亭侍宴應制一首

沈佺期仙萼亭初成侍宴應制一首

沈佺期仙萼池亭侍宴應制一首

沈佺期白蓮花亭侍宴應制一首

宋之問奉和幸神臯亭應制一首

池沼部

太宗冬日臨昆明池一首

許敬宗小池賦應詔一首

玄宗過大哥山池一首

張說奉和聖製遊大哥山池一首

玄宗同玉真公主過大哥山池題石

壁一首

張說奉和聖製同玉真公主過大哥

山池題石壁應制一首

張九齡勅賜寧王池宴一首

唐雅第四冊目錄

范朝寧王山池一首

沈佺期昆明池侍宴應制一首

張嘉貞蘇頲恩勅尚書省寮宴昆明

池應制同用堯字共二首

宋之問沈佺期蘇頲李乂奉和晦日

幸昆明池應制共四首

李適徐彥伯奉和中宗皇帝幸興慶

池戲競渡應制共二首

蘇頲劉憲李義府沈佺期武平一蘇

環馬懷素常元旦張說興慶池侍宴應制共九首

張說三月三日詔宴定昆池官莊賦得筵字一首

張九齡龍池聖德頌六首

并進狀及御批

張九齡姚崇蔡孚沈佺期盧懷慎姜皎崔日用蘇頲李乂姜晞裴瓘奉和聖製龍池篇共十一首

上官昭容遊長寧公主流杯池二十

唐雅第四冊目錄

三

五首

杜審言和韋承慶過義陽公主山池五首

沈佺期同李舍人冬日集安樂公主山池一首

宋之問太平公主山池賦一首

王維從岐王夜讌衛家山池應教一首

卷之九

臨御部

李嶠陳子昂奉和皇帝丘禮撫事述

懷應制共二首

梁肅受命寶賦一首

并序

顏師古聖德頌一首

李百藥皇德頌一首

李百藥唐太宗頌一首

張說聖德頌一首

并序

張九齡開元紀功德頌

并序

唐雅第四冊目錄

四

張九齡聖應圖贊

并序

張說開元正曆握乾符頌

并序

張九齡開元正曆握乾符頌

并序

李華無疆頌八首

并序

新羅王太平詩一首

唐雅第四冊目錄終

唐雅卷第八

清河張之象編

亭榭部

儲光羲望幸亭一首

五年一巡狩西幸過東畿周國易居守周人多  
怨思君王敷惠政程作貴從時大廈非一木  
沈沈臨九達慶雲宿飛棟嘉樹羅青墀疏屏  
宜朝享方塘堪水嬉雲中仰華蓋桁下望春  
旗天意知如此星言歸洛師

唐雅卷八

喬知之梨園亭侍宴應制一首

年光陌上發香輦禁中遊草綠鴛鴦殿花紅  
翡翠樓天杯承露酌仙管雜風流今日陪歡  
豫皇恩不可酬

杜審言望春亭侍游應詔一首

帝出明光殿天臨太液池堯樽隨步輦舜樂  
繞行麾萬壽禎祥獻三春景物滋小臣同酌  
海歌頌答無爲

杜審言宿羽亭侍宴應制一首

步輦千門出離宮二月開風光新柳報宴賞  
落花催碧水搖空閣青山繞翠臺聖情留晚  
興歌管送餘杯

張說荷亭侍宴應制一首

迴鑾青岳觀帳殿紫烟峯仙路迎三島雲衢  
駐六龍園林看化塔壇墀識餘封山外聞簫  
管還如天上逢

張說四月十三日詔宴寧王亭子賦

得好字一首

唐雅卷八

二

何許承恩宴山亭風日好綠嫩鳴鶴洲陰穠  
闔鷄道果思夏來茂花嫌春去早行樂無限  
時皇情及芳草

張說晦日詔宴永穆公主亭子賦得

留字一首

堂邑山林美朝恩晦日遊園亭含淑氣竹樹  
繞春流舞席千花騎歌船五綵樓羣歡與王  
澤歲歲滿皇州

李嶠太平公主山亭侍宴應制一首

華金瑞榜絳河隈白玉仙輿紫禁來碧樹青  
岑雲外聳朱樓畫壁水中開龍舟下瞰鮫人  
室羽節高臨鳳女臺遽惜歡娛歌吹晚揮戈  
更卻曜靈回

沈佺期仙萼亭初成侍宴應制一首

山中氣色和宸賞第中過輦路披仙掌帷宮  
拂女蘿泉臨香澗落峯入翠雲多無異登玄  
圃東南望白河

沈佺期仙萼池亭侍宴應制一首

唐雅卷八

三

步輦尋丹嶂行宮在翠微川長看鳥滅谷轉  
聽猿稀天墜扶階迴雲泉透戶飛閑花開石  
竹幽葉吐薔薇徑狹難留騎亭寒欲進衣白  
龜來獻壽仙吹反彤闈

沈佺期白蓮花亭侍宴應制一首

九日陪天仗三秋幸禁林霜威變綠樹雲氣  
落青岑水殿黃花合山亭絳葉深朱旗夾小  
徑寶馬駐青潯苑吏收寒果饗人膳野禽承  
懼不覺暝遙響素秋砧

宋之問奉和幸神臯亭應制一首

清蹕喧黃道乘輿降紫宸霜戈凝曉日雲管  
發陽春臺古全疑漢林餘半識秦宴酣施布  
澤節改令行仁昔恃山河險今依道德淳多  
慚獻嘉頌空累屬車塵

池沼部

太宗冬日臨昆明池一首

貞觀四年

昆明池在上林苑周圍十里漢武帝元  
狩四年欲伐昆明穿此池以習水戰中

唐雅卷八

四

有豫章臺刻石爲鯨魚每至雷雨常鳴  
吼鬣尾皆動旁有二石人立牽牛織女  
於池之東西以象天河武帝初穿池得  
黑土帝問東方朔朔曰西域胡人知乃  
問胡人胡人曰劫燒之餘灰也

石鯨分玉溜劫燼隱平沙柳影冰無葉梅心  
凍有花寒墊凝朝霧霜天散夕霞歡情猶未  
極落景遽西斜

許敬宗小池賦應詔一首

臣忝班下列胥宇上京欣託巢之有庇體墁  
戶之全生爰鑿小池依于勝地引八川之餘  
滴通三涇之泌洋慕鑒止而端形乃遊智而  
清志爾其潺湲繞砌漱灑縈除擬高陽而不  
足比蹄涔而有餘游瑩劍之微鳥躍戲鼎之  
纖魚若乃倚井傍通桃蹊俯映仰天津兮共  
澹潔秋景兮俱爭倒列宿以疑珠含望舒而  
似鏡覩江使之潛處翫波臣之巨泳於是翻  
光甕牖漾影蓬門溜激石兮長嘯鳬鼓浪兮

唐雅卷八

五

相喧竹凝露而全弱荷因風而半翻足以澡  
瑩心神澄清耳目對昆明而取喻况春蘭與  
秋菊不羨寶於河宗豈希大於陽谷彼瑤池  
之高讌固幽遠而空傳此坳堂之信遠遂騰  
譽而聞天降臨河之睿藻連橫汾之曩篇何  
微生之一日荷大賚於千年

玄宗過大哥山池一首

澄潭皎鏡石崔嵬萬壑千巖暗綠苔林臺自  
有幽真趣况復秋深爽氣來

張說奉和聖製遊寧王山池一首  
池如明鏡月華開山學香爐雲氣來神藻飛  
爲鴈鵠賦仙聲颺出鳳凰臺

玄宗同玉真公主過大哥山池題石  
壁一首

地有招賢處人傳樂善名驚池尋九達龍岫  
對層城桂葉先秋冷蘋風向晚清鳳樓遙可  
見彷彿玉簫聲

張說奉和聖製同玉真公主過寧王

唐雅卷八

六

山池題石壁應制一首

綠竹初成苑丹砂欲化金乘龍與驂鳳歌吹  
滿山林爽氣凝情迴寒光映浦深忘憂題此  
觀爲樂賞同心

張九齡勅賜寧王池宴一首

賢王有池館明主賜春遊淑氣林間發恩光  
水上浮徒叅和鼎地終謝巨川舟皇澤空如  
此經生莫可酌

范朝寧王山池一首



水勢臨堦轉峯形對路開槎從天上得石是  
海邊來瑞草分叢種祥花間色栽舊傳詞賦  
客唯見有鄒枚

沈佺期昆明池侍宴應制一首

武帝伐昆明穿池習五兵水同河漢在館有  
豫章名我后光天德垂衣文教成黷兵非帝  
念勞物豈皇情春服過鯨沼雲旗出鳳城靈  
魚噉寶躍仙女廢機迎柳拂旌門暗蘭依帳  
殿生還如流水曲日晚棹歌聲

唐雅卷八

七

張嘉貞恩勅尚書省寮宴昆明池應  
制同用堯字一首

靈沼初開漢神池舊浴堯昔人徒習武明代  
此聞韶地脉山川勝天恩雨露饒時光牽利  
舸春淑覆柔條芳醞醒千日華牋落九霄幸  
承歡資重不覺醉歸遙

蘇頲恩勅尚書省寮宴昆明池應制  
同用堯字一首

露渥灑雲霄天官次斗杓昆明四十里空水

極晴朝鴈似銜紅葉鯨疑噴海潮翠山來徹  
底白日去迴標泳廣漁杖溢浮深妓舫搖飽  
恩皆醉止合舞共歌堯

宋之問奉和晦日幸昆明池應制一  
首

景龍三年正月晦日中宗皇帝幸昆明  
池賦詩羣臣應制百餘篇帳殿前結綵  
樓命昭容選一首爲新翻御製曲從臣  
悉集其下須臾紙落如飛各認其名而

唐雅卷八

八

懷之旣退唯沈宋二詩不下又移時一  
紙飛墜競取而觀乃沈詩也及聞其評  
曰二詩工力悉敵沈詩落句云微臣彫  
朽質羞覩豫章材蓋詞氣已竭宋詩云  
不愁明月盡自有夜珠來猶隄健舉沈  
乃伏不敢復爭

春豫靈池會滄波帳殿開舟凌石鯨度槎拂  
斗牛迴節晦蕤全落春遲柳暗催象溟看浴  
景燒劫辨沉灰鎬飲周文樂汾歌漢武才不

愁明月盡自有夜珠來

沈佺期奉和晦日幸昆明池應制一首

法駕乘春轉神池象漢迴雙星遺漢石孤月  
隱殘灰戰鷁逢時去恩魚望幸來山花緹騎  
遶堤柳幔城開思逸橫汾唱歌流宴鎬杯微  
臣彫朽質羞觀豫章材

蘇頲奉和晦日幸昆明池應制一首

炎曆事邊陲昆明始鑿池豫遊光後聖征戰

唐雅卷八

九

罷前規霽色清珍宇年芳入錦陂御杯蘭薦  
葉仙仗柳交枝二石分河瀉雙珠代月移微  
臣比翔泳恩廣自無涯

李乂奉和晦日幸昆明池應制一首

玉輅尋春賞金堤重晦遊川通黑水漫地派  
紫泉流晃朗扶桑出綿聯樹祀周鳥疑埋海  
處人似隔河秋劫盡灰猶識年移石故留汀  
洲歸棹晚簫鼓雜汾謳

李適奉和中宗皇帝幸興慶池戲競

渡應制一首

景龍四年四月六日

拂露金輿丹旆轉凌晨黼帳碧池開南山倒  
影從雲落北澗搖光駕浪迴急舸爭標排荇  
度輕帆截浦觸荷來橫汾燕鎬歡無極歌舞  
年年聖壽杯

徐彥伯奉和中宗皇帝幸興慶池戲競渡應制一首

夾道傳呼翊翠虬天迴地轉御芳洲青潭曉  
靄籠仙蹕紅嶼晴花隔綵旒香溢金環盈廣

唐雅卷八

十

坐聲傳妓舸匣中流羣臣相慶嘉魚樂共晒  
橫汾歌吹秋

蘇頲興慶池侍宴應制一首

初武后之世長安城東民家井溢寢成  
大池數十頃號隆慶池相王子五王列  
第於其北望氣者言常鬱鬱有帝王氣  
景龍四年夏四月六日中宗皇帝幸池  
上宴羣臣以厭之後以玄宗諱隆基改  
名興慶池

降鵲池前迴步輦樓鸞樹杪出行宮山光積  
翠遙疑逼水態含清近若空直視天河垂象  
外俯窺京室畫圖中皇情未使恩波極日暮  
樓船更起風

劉憲與慶池侍宴應制一首

蒼龍闕下天泉池軒駕來遊簫管吹綠堤夏  
篠縈不散冒水新荷卷復披帳殿疑從畫裏  
出樓船直在鏡中移自然東海神仙處何用  
西崑轍迹疲

唐雅卷八

二

李義府與慶池侍宴應制一首

神池泛濫水盈科仙蹕紆徐步輦過縱棹迴  
泂萍溜合開軒眺賞麥風和潭魚在藻欣游  
泳谷鳥含櫻入賦歌寄謝乘槎濱海客匣頭  
來此問天河

沈佺期與慶池侍宴應制一首

碧水澄潭映遠空紫雲香駕御微風漢家城  
闕疑天上秦地山川似鏡中向浦迴舟萍已  
綠分林蔽殿槿初紅古來徒羨橫汾賞今日

宸遊聖藻中

武平一與慶池侍宴應制一首

鑾輿羽駕直城隈帳殿金門此地開皎潔靈  
潭圖日月參差蓋舸結樓臺波搖岸影隨橈  
轉風送荷香入酒來願奉聖情歡不極長遊  
雲漢幾昭回

蘇瓌與慶池侍宴應制一首

金闕平明宿霧收瑤池式燕俯清流瑞鳳飛  
來隨帝輦祥魚出戲躍王舟帷齊綠樹當筵

唐雅卷八

三

密蓋轉湘荷接岸浮如臨竊比微臣懼若濟  
叨陪聖主遊

馬懷素與慶池侍宴應制一首

積水逶迤繞貝城含虛皎鏡有餘清園雲曲  
榭連緹幕映日中塘勝綵旌賞洽猶聞簫管  
沸歡留更睹木蘭輕無勞海上尋仙客卽有  
蓬萊在帝京

韋元旦與慶池侍宴應制一首

滄池漭沆帝城邊殊勝昆明鑿漢年夾岸旌

旂陳輦道中流簫鼓振樓船雲峯四起迎宸  
幄水樹千重入御筵宴樂已深魚藻詠承恩  
更欲奏甘泉

張說興慶池侍宴應制一首

靈池月滿直城隄繡帳天臨御路開東沼初  
陽疑吐出南山曉翠若浮來魚龍百戲分容  
與鳬鵲雙舟較汴汨願以金堤青草色長承  
瑤水白雲杯

張說三月三日詔宴定昆池宮莊賦

唐雅卷八

三

得筵字一首

鳳凰樓下對天泉鸚鵡洲中匝管絃舊識平  
陽佳麗地今逢上巳盛明年舟將水動千尋  
日幕共林橫兩岸烟不降玉人觀襖飲誰令  
醉舞拂賓筵

張九齡龍池聖德頌六首

并進狀及御批

臣聞昔者玄德升聞皇天眷命元聖有  
作上帝何言必見意於休徵不忘象於  
幽贊惟茲降鑒若曰專精道周萬物者

其神充功濟生人者其祥大粵若古始

肇有君臣巢燧之前寂寞無紀書契而

後煥炳可觀若乃鬼神睢盱品彙紛錯

性命未正吉凶不定而太昊氏將通其

德則河爲之出圖人食未粒鳥獸是茹

時不耕稼器無耒耜而神農氏將教其

本則天爲之雨粟蚩尤不道炎帝不制

銅鐵鑄兵豺狼橫厲而軒轅氏將禁其

暴則天爲之降玄女洪水方割下人昏

唐雅卷八

南

墊堯德莫能弭其災舜功不能除其害

而夏后氏將底其績則洛爲之出書自

茲以還殆三千歲矣其間木火更生雲

物告符有若狼銜鉤魚躍舟素靈哭黃

星見豈不以湯德有慙武善未盡漢道

旣雜魏方亦偏唯以一至之應且爲興

王之兆則未有錫真符聖受明命遠與

大禹相續超與上皇比崇如我國家之

盛者焉洪惟龍池蓋天之所以祚聖卽

今上下居之舊直京師夾塏之所傍無  
寶澤中沸溢泉非常而靈液涓流無幾  
而神池濔廣榮光休氣若烟若雲所未  
嘗有則此之出清可以鑑而深不見底  
鱗介瑰詭於物其中時莫知其所然日  
徒見其有異中宗採識者之議壓王氣  
而來遊聖上處或躍之時出飛龍而合  
應臨淄始封也邸第在焉上黨歷試也  
靈符紹焉天其以是永命我唐圖象丁

唐雅卷八

五

寧有所底止其若茲也夫成數有時而  
否至理無代而亡固在乎大聖之生乘  
運而作鼓天下之動安天下之危故將  
順成功自古之啓佑也如彼充定多難  
自天之叶贊也如此初中宗常氏后黨  
窺隙大盜狃於得志羣慝起而擅權若  
綴旒然當此時也天與若不取鬼謀或  
不協則我祖宗之業無乃將墜而億兆  
之命亦猶倒懸聖上威之提劍而起雷

霆一奮袂沴以清內難旣衰外虞有謐  
大戴太上照臨萬邦實天之爲與人更  
始系皇統維乾綱綴綻補壞蕩瑕滌穢  
而乃闕典咸備舊章悉舉處窮盡達在  
困必通品物資以再生寰區爲之一變  
然後返華僞於朴還澆漓於淳以大道  
爲原以至仁爲根動推是心以御於事  
人見德而興行神享誠而介福故不在  
於刑罰不在於禱請大造裁成玄猷允

唐雅卷八

六

塞有如陽春播澤觸類皆滋太山起雲  
無遠不徧雖昆虫草木與蠻貊要荒樂  
其所生安其所習在牛羊而勿踐有干  
戈而載戰又况於衣冠華夏禮樂家邦  
而不刑於斯須不久於漸漬者也夫然  
何教非德何化非經何能事之不舉何  
醇精之未極周溥洋溢於平緝熙至於  
太和莫不允若體侔天地之大事出皇  
王之表豈擎跽曲拳盡禮極力將用彥



聖不啻其口所能稱誦於吾君所可殆  
庶於至德且往者之有開也天感精以  
降聖聖敬命以奉天此誠有元則欽明  
文思及茲報本必嚴祗齋栗靈慶以屬  
之神化以答之與初相明其徵乃著絲  
綸先兆非篤信歟由是言之統天者人  
合符者聖而差德序命殊尤卓絕豈多  
乎哉至如古之興王必有所感五帝更  
尚五運旁通土者黃中之精於金爲王

唐雅卷八

七

水者善利之物於土爲配苟膺期而有  
來必合德而爲表是則然矣天其或者  
亦以阜育羣化發揮茂祉始告以聖有  
明徵終成乎帝之神冊因其立象之本  
會以相乘之數則載代六百曆紀千年  
變而通之胡可量也宗子宗正卿褒信  
郡王璆等若干人伯父伯兄仲叔季弟  
聚族相與詣闕上言天意昭著固已久  
矣人事符合亦云至矣而一德是建太

階旣平靈臺靈沼赫赫明明天之爲大  
雖莫能名皇皇之鎬豈無頌聲上初克  
讓抑而未許至於累請乃曰俞哉史臣  
不敏敢獻頌曰

茫茫元昊載凝載薄在帝庖犧繼天而作浩  
浩洪水包山襄陵舜亦命禹夏氏以興龍圖  
龜書二王是膺湯武已下夫何足徵

右元命

於鑠巨唐乘運而起續禹之迹系堯之紀五

唐雅卷八

六

聖在天丕命曾孫高視河洛同符混元亦有  
黃龍出於靈沼明明穆穆天子之表

右聖德

倬彼東井昭章于天沉精降液下爲靈泉靈  
泉有泚其深無底泌之洋洋其甘如醴清德  
之鑑柔道之體洪源睿規實天之啓

右靈泉

濯濯靈泉洞冥皇祇滋液流行化爲神池曰  
止曰行惟聖之作匪鱣匪鮪惟龍之躍植物

斯生動物斯樂天眼有見曾是不涸

右神池

靈有休氣紛紛郁郁如山之苞如雲之簇潛龍在下瞻烏斯屋兆云其吉周爰咨詢既契我龜又叶我人鎬雖舊京其命惟新

右休氣

蜿蜒黃龍神池自出靈化恍惚噴雲沃日告帝之符其儀孔吉或潛于泉或見于田與時順動亦應乎天克配我皇無得稱焉

大唐雅卷八

九

右黃龍

右先奉勅令臣撰文伏以天將啓聖地乃出符歷考圖錄曠古未有臣學術膚淺且靈命難言雖已極於愚思曾未徵於萬一猥承恩獎虛污磨礱以此慚惶無寧啓處謹隨狀封進以聞塵黷宸嚴伏增戰越

御批云天啓元符以贊鴻業朕誠薄德曷用當之既史策是書而頌聲復起宗子固請遂

及於茲卿之詞旨度越前輩曲成意義多所發揮實靈命之克彰因斯文之不朽

張九齡奉和聖製龍池篇一首

龍池是玄宗龍潛時宅在隆慶坊南坊人所居忽變爲池望氣者異焉故中宗季年汎舟池中玄宗正位以坊爲宮池水逾大彌漫數里玄宗在東都晝寢夢一女子容豔異常梳交心髻大袖寬衣拜於牀前帝問汝何人曰妾凌波池中

大唐雅卷八

十

龍女也衛宮護駕妾實有功今陛下洞曉鈞天之樂願賜一曲以光族類帝於夢中爲鼓胡琴倚歌爲凌波之曲龍女再拜而去及寤盡記之命禁樂自御琵琶習而翻之因與文武臣寮宴於凌波宮臨池奏新聲池波湧起有神女出於波心乃所夢之女也望見御坐良久方没上語於宰相置祠池上每歲奉祀開元元年内出祭龍池樂章十六年築壇

於興慶宮以仲春月祭之

天啓神龍生碧泉水靈源浸迤延飛龍已  
向珠潭出積水仍將銀漢連岸傍花柳看勝  
畫清上樓臺問是仙我有元符從此得方爲

萬歲壽圖川

姚崇奉和聖製龍池篇一首

恭聞帝里生靈祉應報明君鼎業新旣叶翠  
泉光寶命還符白水出真人當時舜海潛龍  
躍此日堯池帶馬巡獨有前河一小鴈叨承

不唐雅卷

三

舊惠入天津

蔡孚奉和聖製龍池篇一首

帝宅王家大道邊神馬潛龍涌聖泉昔日昔  
時經此地看來看去漸成川歌臺舞榭宜正  
月柳岸梅洲勝往年莫疑波上春雲少祇爲  
龍飛直上天

沈佺期奉和聖製龍池篇一首

龍池躍龍龍已飛龍德先天天不遠池開天  
漢分黃道龍向天門入紫微邸第樓臺多氣

色君王鳬鴈有光輝爲報寰中百川水來朝  
此地莫東歸

盧懷慎奉和聖製龍池篇一首

代邸東南龍或躍清泉碧浪遠浮天樓臺影  
就波中出日月光疑鏡裏懸鴈沼迴流成舜  
海龜書薦祉應堯年大川旣濟慙爲楫報德  
空思奉細涓

姜皎奉和聖製龍池篇一首

龍池初此出龍山常經此地謁龍顏日日芙

不唐雅卷八

三

蓉生夏水年年楊柳變春灣堯壇寶匣餘烟  
霧舜海漁舟尚往還願以飄飄五雲影從來  
從去九天間

崔日用奉和聖製龍池篇一首

龍興白水漢興符聖主時乘運斗樞岸上芊  
茸五花樹波中的皦千金珠操環昔聞迎夏  
啓發匣先來瑞有虞風色雲光隨隱見赤雲  
神化象江湖

蘇頲奉和聖製龍池篇一首

西京鳳邸躍龍泉佳氣休光鎮在天軒后霧  
圖今已得秦皇水劍昔嘗傳恩魚不入昆明  
釣瑞鶴長隨太液仙願侍巡遊同舊里更聞  
簫鼓濟樓船

李义奉和聖製龍池篇一首

星分邑里四人居水府源流萬頃餘魏國君  
王秤象處晉家藩邸化龍初青蒲似騁遊梁  
馬綠藻疑游宴鎬魚自有神靈滋液地年年  
雲物史官書

唐雅卷八

三

姜晞奉和聖製龍池篇一首

靈沼縈迴邸第前浴日涵春寫曙天始見龍  
臺昇鳳闕應知霄漢起神泉石匱渚傍還啓  
聖桃李初生更有仙欲化帝圖從此受正同  
河變一千年

裴璿奉和聖製龍池篇一首

乾坤啓聖吐龍泉泉水年年勝一年始看魚  
躍方成海卽觀龍飛利在天洲渚遙將銀漢  
接樓臺直與紫微連休氣榮光恒不散懸知

此地是神仙

上官昭容遊長寧公主流杯池二十

五首

長寧公主常庶人所生下嫁楊慎交皇  
帝制曰門下特進行右散騎常侍駙馬  
都尉觀國公楊慎交分榮戚里藉寵公  
門恭肅著於立身協勤効於從政鳳凰  
樓上宛符琴瑟之歡烏鵲橋前載協松  
蘿之契宜覃茅土式廣山河因造第於

唐雅卷八

三

東都府財幾竭又取西京高士廉第金  
吾衛廢營合爲宅作三重樓築山浚池  
帝及后數臨幸令昭容賦詩群臣屬和  
逐仙賞展幽情踰崑閬訪蓬瀛  
遊魯館陟秦臺汗山壁愧瓊瓊

檀藥竹影颺颺松風不煩歌吹自足怡情  
仰循茅宇俯貯喬枝煙霞問訊風月相知  
枝條鬱鬱文質彬彬山林作伴松桂爲鄰  
清波洶湧碧樹冥蒙莫恠留步因攀桂叢

莫論圓嶠休說方壺何如魯館卽是仙都

攀藤招逸客偃桂叶幽情水中看樹影風裏聽松聲

携琴待叔夜負局訪安期不應留石壁爲記賞山時

泉石多仙趣巖壑寫奇形欲知堪悅耳惟聽水泠泠

巖壑恣登臨瑩目復怡心風篁類長笛流水當鳴琴

唐雅卷八

五

懶步天台路惟登地肺山幽巖仙桂滿今日

恣情攀

暫遊仁智所蕭然松桂情寄言棲遁客勿復訪蓬瀛

瀑溜晴疑雨叢篁晝似昏山中真可翫暫請報王孫

傍池聊試筆倚石旋題詩預彈山水調終擬從鍾期

橫鋪豹皮褥側席鹿胎巾借問何爲者山中

有逸人

沁水田園先自多齊梁樓觀更無過倩語張騫莫辛苦人今從此識天河

參差碧岫聳蓮花潺湲綠水瑩金沙何須遠訪三山路人今已到九仙家

憑高瞰險足怡心茵閣桃源不暇尋餘雪依林成玉樹殘雲點岫卽瑤岑

玉環騰遠創金埒荷殊榮弗玩珠璣飾仍留仁智情鑿山便作室憑樹卽爲楹公輸與王

唐雅卷八

五

爾從此遂韜聲

登山一長望正遇九春初結駟填街衢閭閻滿邑居闔雪梅先吐驚風柳未舒直愁斜日暮不畏酒樽虛

露曉氣清和披襟賞薜蘿玳瑁凝春色琉璃藻水波鼓石聊長嘯攀松乍短歌除非物外者誰就此經過

暫爾遊山第淹留惜未歸霞窓明月滿澗戶白雲飛書引藤爲架人將薜作衣此真翫



所臨睨賞光輝

放曠出烟雲蕭條自不群漱流清意府隱几  
避翳氛石盡裝苔色風梭織水文山室何爲  
貴唯餘蘭桂薰

策杖臨霞岫危步下霜蹊志逐深山靜途隨  
曲澗迷漸覺心神逸俄看雲霧低莫恠人題  
樹祇爲賞幽棲

杜審言和韋承慶過義陽公主山池

五首

唐雅卷八

毛

野興城中發朝英物外求情懸朱紱望契動  
赤泉游海燕巢書閣山雞舞畫樓雨餘清晚  
夏共坐北岳幽

逕轉危峯逼橋危缺岸妨玉泉移酒味石髓  
換粳香綰霧青絲弱牽風紫蔓長猶言宴樂  
少別向後池塘

携琴遶碧沙搖蕳弄青霞杜若幽庭草芙蓉  
曲沼花宴遊成野客形勝得山家往往留仙  
步登攀日易斜

攢石當軒倚懸泉度牖飛鹿麕銜妓席鶴子  
曳童衣園果嘗難遍池蓮摘未稀卷簾唯待  
月應在醉中歸

賞翫奇他日高深愛此時池分八水背峯作  
九山疑地靜魚偏逸人閑鳥欲欺青溪留別  
興更與白雲期

沈佺期同李舍人冬日宴安樂公主

山池一首

嘗聞天女貴家卽帝宮連亭插宜春果山衝

唐雅卷八

六

太液泉橋低烏鵲夜臺起鳳皇年故事猶如  
此新圖更可憐紫巖粧閣透青嶂妓臺懸峯  
奪香爐巧池偷明鏡圓梅花寒待雪桂葉曉  
留烟興盡方投轄金聲還復傳

宋之問太平公主山池賦一首

粵若公主誕生皇家太平徵郡國以選號叶  
時邕之美名孕靈娥之秀彩揮嫠女之淳精  
虹霓霓媚蘭香玉清稟金后之玄訓係列聖  
之聰明厭綺羅與絲竹愛清池及赤城構仙

山兮既畢俟造化之神術其爲狀也攢恠石而岑崟其爲異也含清風之蕭瑟列海岸而爭聳分水亭而對出其東則峯崖刻劃洞穴縈迴乍若風飄雨灑兮移鬱島入似波沉浪息兮見蓬萊圖萬重于積石匿千嶺於天台荆門褐起兮壁峻少室叢生兮劍開削成秀絕蓮花之覆高掌獨立窈窕神女之戲陽臺爾其樵山釣浦茅堂菌閣秘仙洞之瓊膏隱山家之場藿烟岑水涯繚絕逶迤翠蓮瑤草

唐雅卷八

无

的皪分披映江濱而爛爛浮海上而纍纍迺之杲與衡霍豈吾人之所爲向背重複參差反覆翳蒼蒙龍含青吐紅陽崖奪景陰壑生風奇樹抱石新花灌叢向若天長地久兮苔蘚合古往今來兮林澗空始燕秦而開影訪靈藥乎其中其西則翠屏巉巖山路詰曲高閣翔雲丹巖吐綠忽兮旣涉弱水兮至崑崙杳兮宜乘龍梁兮向巴蜀狀岷嶓兮連屬鬱氛氲兮斷續巖虛兮谷峻藏清兮蓄韻含珠

兮蘊玉衆彩兮明潤芳闌暮兮白日沉爽氣浮兮黛壑深風泉活活兮鳴石葛藟青青兮蔓岑羅八方之奇獸聚六合之珍禽別有複道三襲平臺四注跨渚兮交林蒸雲兮起霧鴛鴦水兮鳳皇樓文虹橋兮彩鷁舟山池成兮帝子遊試一望兮銷人憂召七賢集五侯棹浦曲席巖幽鳴玉珮兮登降列金觴兮獻酌未窮觀而極覽忽雲散而風流于是乎上客旣旋重扃嚴閉榜童儼而高發綵女分而

唐雅卷八

辛

爲衛牽水葉兮張水嬉摘山花兮詠山桂燕偃鷗驚兮代所稀鳳舞鸞歌兮儼欲飛披烟弄月兮宵未歸桂枝清露兮濕羅衣奕奕濟濟兮夜旋王邸隱隱崇崇兮朝趨帝宮銀爐合席烟生霧集絳節繽紛揚光吐文行軒卽水去馬騰雲鏘鏘翼翼兮旋丹闕超向紫氛寵極兮慈掌情勤兮幽賞戀宸房兮侯幽人憶茲山兮來往採珠萼兮山之側步蘭庭兮候顏色掇綠蘋兮于澗漈宜室家兮叶仇好

卽而貞心內潔淑則遠傳談說者聞之而必  
勸缺薄者聞之而凜然况復淮王招隱秦主  
隨仙弄紫房之琴瑟驅碧落之風烟賓屈宋  
於珠履引鄒枚於玳筵秋華飛兮散紅樹春  
苔生兮覆綠泉寒暑芳歲榮落林巒沼汴  
兮日芳鮮吾君永享南山壽車騎往來千萬  
年

王維從岐王夜讌衛家山池應教一  
首

唐雅卷八

五

座客香貂滿宮娃騎幔張潤花輕粉色山月  
少燈光積翠紗窓暗飛泉繡戶涼還將歌舞  
出歸路莫愁長

唐雅卷第八

唐雅卷第九

清河張之象編

臨御部

李嶠奉和皇帝丘禮撫事述懷應制

一首

配極輝光遠承天顧託隆負圖濟多難脫屣  
歸成功聖道昭永錫邕言尚在躬還推萬方  
重咸仰四門聰恭已忘自逸因人體至公垂  
旒滄海晏解網法星空雲散天五色春來日

唐雅卷九

一

再中稱觴合纓弁率舞應絲桐凱樂深居鎬  
傳歌盛飲豐小臣濫簪筆無以頌唐風

陳子昂奉和皇帝丘禮撫事述懷應

制一首

大君忘物我膺運居紫宸揖讓期明辟謳歌  
且順人軒宮帝國盛皇極禮容申南面朝萬  
國東堂會百神雲陛旂常滿天廷玉帛陳鍾  
石和睿思雷雨被深仁承平信娛樂王業本  
艱辛願罷瑤池宴來觀農扈春卑宮昭夏德

尊老睦堯親微臣敢拜手歌舞頌維新

梁肅受命寶賦一首 并序

受命寶在昔曰傳國璽自秦始皇有焉  
蓋取夫一世二世傳於無窮故有傳國  
之號歷兩漢至於陳隋隋煬帝之遇禍  
也宇文化及盜之而西寶建德滅化及  
取焉易稱物不可以終否武德中太宗  
一戎衣而天下大定是器也與璽同歸  
國家用之以受命所承更名大寶而多

唐雅卷九

二

歷年所自前代觀之受天明命則不求  
而得僭賊劫遷則得之而失蓋神物之  
所在非徒然也抑又聞之鼎之輕重與  
璽之去留莫不視德之上下位之安危  
若恃寶命在已而怙心埋耳漸至危殆  
以負宸之尊被竊鐵之言當此時也此  
片玉耳復何爲哉竊讀史氏感興亡之  
器忿微覲之類於是作受命寶賦若形  
制之小大厚薄則未始詳也故不備焉

其辭曰

物之貴兮惟玉之英翕二氣以成形涵百寶  
之純精卞氏得之三獻而後明當秦趙之抗  
衡挺高價於連城伊玩好之所資微神器之  
鴻名及夫秦始稱皇削平六王爲龍爲光追  
琢成章其文曰受命于天既壽永昌其始也  
謂世有哲王傳國寶之無疆何逆天以暴物  
不及期以降殃惟陰隙之運行終有授而不  
常隨素車與白馬歸赤精於路傍逮夫漢業

唐雅卷九

三

中微后族專命祿去公室世移威柄實沙麓  
之遺瘵成巨君之篡害雖擲地以慷慨終莫  
救夫顛沛俄漸臺之傾移歷更始與赤眉咸  
庸懦而不居卒亂長而禍滋洎四七之龍驤  
爲火主以得之遂祀漢以配天延二百之炎  
輝苟非其人寶命不歸悼栢靈之不嗣置天  
下於阽危既而赤伏道喪黃星兆發雲雷遘  
屯朝社播越去乘輿而漂蕩入胥井以蕪沒  
披草萊以拯之寔功存乎武烈何典午之傾

潰劉石盜以自尊既江表之十年遂歸明以去昏五世推移或亡或存失由道喪隋之并吞始負險以爭雄俄銜壁而來奔惟大業之離阻由君昏而黷武豺狼呀以當路郊廟毀而失主望夷之釁既發斯器淪於醜虜昊天有命眷我高祖憲飛汾晉震疊關輔雲行雨施雷動飈舉聖人既作萬物斯覩于時也充德扇結束周琬琰帝謂文皇陳師征伐如火烈烈如風發發牛口先撥虎牢則達致四海

唐雅卷九

四

於升平混車書以同轍惟神器之有在終告歸于魏闕考乎先王之統世也以文經天以武緯地觀象備物從宜制器播而用之爲天下利故曰大德曰生大寶曰位位之升降惟道所至先王審其所以故爲大於細爲難於易然後本不搖而末不墜安危之體鑒此而已若夫符命之所加曆數之所歸莫不天人合發區宇樂推休祥煥然靈命顯思是以有守有失動而悅隨苟貪饕餮而僭亂莫不速禍

而召危此王也公路執持衆叛而親離趙高引佩殿壞而身糜惟前軌之昭昭孰可幸掩以取之亂曰吾皇有命如天有德傳寶在我昏庸自佚則陸渾無問鼎之事歷代無奉璽之術苟思慮於廢興胡不旣得而患失於戲天發禍機聖人定之天生神物聖人用之唐哉皇哉大人造之子孫百代永言保之

顏師古聖德頌

緬尋遐代詳觀往冊五勝質文三正公革亂

唐雅卷九

五

多化眇明寡晦積炎精旣淪大運斯敷茫茫率土黜焉已夕皇矣大聖誕受天符雲飛九域電擊八區共工慙斃涿鹿妖除枝換斯撤攬槍靡餘建武戢刃偃伯衅車蠲苛削密求瘼恤隱琴瑟更張銜策俱盡滿堂已樂向隅猶軫扇暍垂仁泣辜流憫吏勉端潔民歸愿謹肅恭禋祀祇事上天永唯孝享式備吉蠲外崇耆耄內睦親姻歲時縑纈春秋醴醴烝粢是恤痾瘵斯痊閭閻外戶馬牛內田畎畝



相移康莊交讓勿用枹鼓無虞亭障盡納蛟  
人期班狼望至誠感慶休氣致祥馴擾一角  
棲集五章革平挺幹朱草耀芳良耜畋多  
稔穰穰國儲億庾家登萬箱旌彼髦彥仗任  
忠力光被心齊列居槐棘如砥之平如矢之  
直淑慎微務精明品式菁菁者莪芄芃彼棫  
修容禮闈翽翽書圃談極五際翫慕三古杳  
眇義窟恢台學府儒墨兼陳申韓迭去豈資  
伯亮寧勞封鉅德音高朗絲言昭普黃竹麗

大唐雅卷九

六

章柏梁清引沈鬱澹雅疏通敏迅抽演闕文  
網羅遺韻孰登奧室罕窺墻仞妙心洞達神  
筆允從礪硤新勢奮發奇鋒珪璆鈎婉霧散  
煙濃竦同企鶴蔚若據龍豈唯於趙信乃過  
鍾道惟文縱藝兼人術用而不知速而不疾  
至德無象微言罕述玉裕桂宮金植蘭室禮  
極敬愛行歸忠一天下文明日月貞觀百神  
受職三靈叶贊泰階旣平光華常煥超軒跨  
吳騰周軼漢萬壽無疆永延遐筭

李百藥皇德頌一首

臣聞聖人與天地合其德與日月合其明含  
吐陰陽之氣彈壓山川之精叶吹萬以亭育  
摠得一而爲貞我所以誕膺明命大保鴻名  
惟皇唐之獨運冠風聲之往初練五氣於圓  
蓋張四極於方輿定群雄之逐鹿拯方割之  
爲魚在炎靈之交喪屬皇輿之敗德降薦瘡  
於上玄恣咆哮於中國無小無大圖帝圖王  
匹夫匹婦爲蠱爲賊舉率土而咸棄雖同舟

大唐雅卷九

七

而作慝彼獨夫之肆志何汨典而亂常固違  
道而滅德寔罔念而作狂始結怨於庶黎終  
自絕於彼蒼八荒九有山潰川竭天軸且迴  
地維將絕文章咸盪風雅咸缺在忠良而必  
焚罄冠冕而同裂或滔天而嫁禍或觸山而  
作孽極殷區以陸沉盡漢塗而喋血天縱神  
武景屬上皇自白水而龍躍肇參墟而鳳翔  
在中塗而聽誦將再駕而剪商惟神幾於獨  
運乃撫翼而高驤命蒼兕而臨河曲殺黑龍

而濟興方指牧野而大誓師鳴條而悔亡惟  
聖德之懷遠敷彝倫於絕漠在窮髮而畢冠  
伊左衽而俱削戎亭虛警守大荒之外地險  
悉平夷中州之郭軼王會而作貢極遐方而  
獻琛薦環裘而委質候風海而歸心周八荒  
而率俾重九譯而相尋効俊猊於昧谷維神  
屏於鄧林應咸池而率舞遊上苑而懷音竭  
寶用而咸競聲虚心而畢舉乍鳴觀閣時遊  
林蘩文表仁義聲諧律呂下神雀於帝臺導

不唐雅卷九

八

甘泉於神渚龜書龍匣河洛將遊東鯨西鸛  
云亭載佇其餘藏山秘澤之珍摭實排虛之  
侶俱叶契於圖牒差無得而稱序昔天皇之  
萬八千歲姬<sub>周</sub>三十六王蓋曆數之眇小曾  
不足以揄揚惟聖朝之期運符上帝之會昌  
臣下拜而稽首獻福壽之無疆資<sub>卜</sub>年與<sub>卜</sub>  
曆共地久而天長

李百藥唐太宗頌一首

厥初造化人倫既興乃建君長司牧黎烝肇

自爰畫爰代結繩軒昊既謝唐虞以升後世  
德衰順時革命三季之末干戈是爭赫矣神  
武繼期作聖下括九圍上齊七政業統文武  
勲邁高光何險不濟何患不攘士女胥悅篚  
厥玄黃斯物之至昭于我王我王覆育資生  
懷造配堯登唐方周在鎬翕受敷施明徵定  
保允迪厥德惟清帝道帝道欽明天下和平  
三時不害百穀以成我庾斯積如坻如京既  
審而教訟息刑清明明天子令聞不已百姓

不唐雅卷九

九

爲心萬方在已家賴寬政朝稱多士齊一華  
戎混同書軌東池溟渤西苑嵎丘八蠻職貢  
六狄懷柔至德潛洽玄化滂流日慎一日雖  
休勿休先天不違靈物效質丹羽儀韶翠黃  
承繼甘露零草祥風應律嘉禾醴泉比焉自  
出符瑞見<sub>兮</sub>煥圖書壇場設<sub>兮</sub>望鑾輿至人  
忘已體冲虛凝神姑射厭宸居厭宸居叶冥  
契龍駕升<sub>兮</sub>邈遐逝垂玄範<sub>兮</sub>光來裔與玄  
象<sub>兮</sub>長昭晰飛英聲<sub>兮</sub>越三代永錫祚<sub>兮</sub>垂

億載

張說聖德頌一首 并序

太古厥初遺文聞矣書祖二典律陳五教唐虞之訓歷代宗焉孰同理而不休奚同亂而克遘皇唐之興也道積四聖時將百年澤浸生人自根流葉孝和晏駕嗣子幼冲凶臣嬖女蹙弱王室人甚崩角之危朝流綴旒之歎賴天獎忠勇大戮鯨鯢尊文廟而安神清帝宮而待

唐雅卷九

十

聖少主奉天命以至禪皇上拒天命以固違群公卿士胥進曰陛下孝弟之至曆數在躬處儲闈有讓元子之德居藩邸有辭太弟之高六合欣戴三靈允協爲天下君其誰與讓皇帝義不得已曰吁所憂之長也乃被帝服陟元后延群臣見兆人是日也景雲至茲歲也戊狄來其尤祥極瑞維沓異類蓋翫狎而不記矣上方勤庶務覽衆則履乾乾懷翼

翼遊道德之靈圃從鸞鷟之珍群視天下之所不見聽天下之所不聞帝典皇綱於斯備矣宜定郊報之禮草封禪之則答神貺揚玄德不然者則二宗無類帝之壇五岳無省方之館矣若夫湯頌傳於考父文什著於周公臣子之志不可闕也敢作頌曰

唐雅卷九

二

天作聖唐啓我明主大哉皇帝與天同矩天平蓋之地平載之陽和化育懷生賴之孝乎惟孝告成乎天靈壇神岳思皇嘏焉皇哉皇哉胡可捨旃大君受命景雲來翔流天汎日爛漫成章稽諸瑞典昔祚軒皇而今表聖土德以昌西戎遠國畏君之靈古稱卽序今乃來庭帝女是降其從如星天人偃革以迄太寧北胡狙獷狃於征伐帝初歷試護彼窮髮懷哉好音稽顙天闕遐哉大同天子之功

張九齡開元紀功德頌 并序

臣聞蠻夷猾夏唐虞已然天之所生類

不可絕嘗有拓境者矣而固也爲患或有款塞者矣而也無親是以古之哲王審其若此則限以荒服斷非純臣不貢不王武功居後不庭不率文德是先三代所以直道百蠻所以向化迨乎春秋之衰諸侯以力征伐自出戎心大啓謀夏亂華干盟偪好王綱弛而若綴天道厭而將革則有強能攘劫暴息交侵雖維霸之無成亦反經之所取其負力者

不唐雅卷九

三

乃塹山堙谷盡境而築長城其黷武者則挽粟飛蒯窮兵以耗中國又失於下策而悔在末年彼王略之不恢殆千餘載矣夫有其虞而無豫思其患而不圖所謂能國將安貴聖物豈終否道非固窮鑑之者昊天救之者英主玄命陰隲界付神武我太祖一戎衣而大定我皇帝再受命而太平不是古而務文不非今而忘戰以時變而消息元與天而合

符日月之所照臨陰陽之所陶冶凡有在地莫不稟朔而東夏群縣北隰山戎先是四十年侵軼數百里自茲氣奪數以病告旣威讓之不恭且力制之不可或朝或否爲虺爲蛇幽部未遑以滅烽邊城安得而弛柝曠日持久兵連禍挐率由事邊是無寧歲二十二年春乃命右羽林大將軍兼御史中丞幽州長史張守珪將中軍都督諸鎮雄名先路夷裔生風載馳信臣繼發精卒戒嚴有赫張皇若神公卿大夫未始測也將校部曲亦莫知也皇帝方日靖以慮之乾綱以斷之初決策於九重已收功於萬里矣二十二年冬十有二月中貴將命元戎受律三軍疾雷於非時二庭喪膽於非意欲遁則衆潰不保欲拒則兵鋒莫當因而僞降幸且紆禍遽圖反覆將肆鴟張觀釁先人豈伊負我以間諜而情

不唐雅卷九

三

得乘猜携而計從或奇兵以嘗或厚利  
以啗無何變作果自族誅兇元惡首鬼  
惑神誘假天威而無前覆鳥巢而何有  
於是諸部大駭率衆復歸責以不義之  
尤舍其不臣之罪旣服卽序有威且懷  
載籍以來固未之見也昔我睿祖取句  
驪於拾遺今茲聖謀易林胡於反掌獻  
功有績後嗣無忘百王所廢之勲四夷  
未賓之俗自我底定巍乎登皇其若此

唐雅卷九

古

也於是彼節使與群帥因東師之凱旋  
離而族談合而公議以爲主上憫一隅  
之苦垂不伐之略以計易戰以信去兵  
神斷自天虜平不日且軍未血刃敵免  
膏原密承無方之謀坐致不陣之捷有  
征無戰卽王者之師歟而不彰美於吾  
君得無臣子之罪不表聖於帝載曷稱  
文武之時乃率其屬至於固請帝三讓  
德而曰俞哉夫曲成萬類者天爲而不

有下濟北庶者聖成而不居物無謝生  
於天雖云至道人無歸功於聖何以最  
靈雖無已無名所宜絕於言象而惟忠  
與義固不廢於頌述大雅云徐方旣同  
天子之功又曰明明天子令聞不已其  
此之謂也臣再拜頓首敢獻頌曰

赫赫天威兮被遐荒蠢茲山戎兮不來王命  
南仲兮整六師出幽陵兮輔九夷簸赤山兮  
蕩滄海平無告兮伐有罪徒不勤兮車不殆

唐雅卷九

五

虜震驚兮兵氣倍昔負固兮今安在魁自殲  
兮裔旣平謀旣集兮聖自明我不戰兮獻戎  
捷俾厥後兮揚天聲

張九齡聖應圖頌

并序

臣聞啓聖者天也宜有以覺悟受命者  
聖也必有以明徵故神不言而可知時  
將至而先兆當陛下龍潛上黨也或託  
類於雲物或效靈於卜筮天之意者丁  
寧垂象唯恐後時又以潞水之泓深山



鹿之捷走馳騎是獲厲流不濡非力所能以明或躍乾之上體時在九四神道幽贊期密邇自後而占何著明其若此蓋天福海內地降聖跡以瑞非常之后以決如神之策至于再三明必信耳有郡掾崔弼時其從行見龍騎先馳謂河流可涉亦既數步遽已滅頂不沉也安足以驗飛無凡也於何以昭聖事來自久命常維新臣不勝至願謹爲聖圖遂

唐雅卷九

六

獻頌曰

龍之或躍泉有可深神亦成象化爲背禽凌厲是獲明命則忱如彼從掾焉能不沉

張說開元正曆握乾符頌

并序

客有謂臣曰聖主正新曆握乾符百寮賡歌以美時六合鼓舞以頌德先生獨宴默書閣舍翰詞林奚其爲儔儔也臣應之曰斗水不能評巨壑之量隙光未足議大明之體何者見福而守隘也握

乾符者不謂執天命歟執天命者非夫廣德休曆交相表裏况命者夫子之所罕言也焉可偏贊而揔握符之盛哉如作者略大本舉小節不亦仲尼之門所聽何也是以洞思乾慮久難其述客無異焉客曰請終餘論粵若我大唐慶始白道昇紫氣屬漢東失馭淮南不返高祖舉晉陽之甲戡定關西太宗因侯后之師削平天下高宗收圖海外檢王封

唐雅卷九

七

中九域黎人重代飲澤雖鳴驚改號神龍中興周鼎歸唐玄圭祀夏中宗違代嬖孽窺國於是乎聖上起藩邸入鈞陳一麾水心群凶泥首崇復大位越踐少陽受禪當宁而光大前烈垂統拜壁而慎寧後嗣四海有覆盂之安百代無委裘之隙是之謂聖人握符之大寶也四相入輔五將出禦倚禮樂爲國計仗仁義爲軍勢英賢集殿而文教成于戚舞

階而武功振敬讓光于九族孝慈行于萬宇磧磧西南瀚瀚東北織皮火毳暍炎山污熱海向風來王黑貂駿浮天溟絕冰漠連歲獻款鳥獸無猜人之意草木無不達之氣升中於天比天同貴是之謂聖人握符之大政也歷試上黨黃龍飛天入清中禁白虹指日瘞汾睢寶鼎見柴岱宗卿雲蔚非應事而呈瑞者雖多狎而不紀矣是之謂聖人握符

唐雅卷九

大

之大祥也以數推氣以氣定朔以星殷時以閏成歲考星間而革疏度置歲差而辨誤日立大衍之紀叅大渾之晷合鍾律之聲極鬼神之情是之謂聖人握符之大曆也若夫仁聖根於內菁華發於外祥兆秘於前謠讖灼於後自然之理也彼洛下閎者漢太初時一考曆耳云後八百歲當差一日有聖人正之斯人也抑將露才揚術預證來聖有故舊

之傳記無史策之明文然至隋之開皇及麟德皇極三家創法一引爲徵法約之年代則隣近稽之圖錄則曖昧未有如新曆之昭昭者矣在昔唐虞之際以斗精受命者七人得四均間氣而生者又二十八人所謂三十五際者也夏以金德王故夏后之有天下也生數四百年契以水德王故殷人之有天下也成數六百年稷以木德王故周人之有天下也

唐雅卷九

九

下也成數八百年伯益之命中天而堯族以火德乘之故漢室之有天下也生數再及二百年其間距王而興不能復大禹九州之跡及勝殘百年之命者皆五神之餘氣也咎繇降德皇唐復興土精應王厚德載物生數五百年成數千年命曆有歸此其大較修德增祚與天無窮轉筭之徒莫能究也綿以入元三百四歲爲德運七百六十歲爲代斬千

五百二十歲爲天地出符四千五百六十歲爲七精返初天人相應合若符節自堯典命羲和修重黎之舊理顓頊之曆上元甲子千五百餘歲得孔聖而春秋之曆序暨開元十二年甲子凡三千四十歲遇聖上而大衍之曆興是時土德入生數之元天命當出符之會信矣伏惟聖上聰明文思道德之具也豁達大度高帝之體也藝摠六經漢光之學

唐雅卷九

二十

也文通三變魏祖之才也緣情定制五禮之本也洞音度曲六樂之宗也神於弧矢黃軒之威也聖於翰墨蒼頡之妙也兄弟善友王季之心也子孫衆多周文之福也大寶以定天位大衆以布廣德大祥以合靈符大曆以啓成命德位兼才臨照如此符命介福粲章如彼所謂廣德休曆交相表裏之効也善曆者必推來運以自神興王者不俟往言以

表聖設微夫洛下閎之語也其不有容成之事乎且如恃有命比於日孰是夏王之福也賴卜年襄其德豈謂周公之訓也故曰王者執天命在於俟天符致天符在於順天德布天德在於保天位四者備矣然後陳其盛德告於神明舍此道也胡可語正天曆握乾符哉謏臣懵學謝生玄造樂虞典之歌舜美周詩之美文敢不敷信詞薦清樂獻上客之

唐雅卷九

二十一

課託衆篇之後云爾

維皇六葉於赫啓聖步玉斗握金鏡地維續天柱正山川受方雷雨施令清廟九祜堯門百慶郊稷尊祖釋昌定命德自我流義從我修龜易八卦龍書九疇文含玉律字吐銀鈎鳴絲鶴舞調箭猿愁集賢榜殿花萼名樓神用外表事行先兆萬目明徹千心暗曉慶雲爛燠黃龍窈窕遊姑射神人宵登太行天下小飛祥定瑞均靈積類鞮譯窮天琛維盡地

爍此金戟鑄爲農器匪直也然探玄索秘軸  
上輪運辰居星轉得一神凝吹萬情辨發欽  
潛合晦明幽闡階賞朝開宮槐夜卷正我長  
曆同符大衍天地清焉日月貞焉四時行焉  
萬物生焉窮神知化美功成焉金版玉牒遠  
頌聲焉

張九齡開元正曆握乾符頌

并序

臣伏見景寅制書以開元曆握乾符垂  
示天下幸甚其沙門玄侶等所言益部

唐雅卷九

三

耆舊傳洛下閎改顓頊曆推校最爲精  
密而曰後八百歲其曆差一日當有聖  
人定之至于今曆果有差聖果有定誠  
非常之嘉應曠代之靈符不可得而聞  
也臣誠歡誠喜臣聞天道先聖而啓期  
聖人後天而奉時不當乎天心不在曆  
數不登乎聖道不合元符玄命定而王  
者應幽數起而明者察故洛下閎極其  
數而知來耆舊傳尚其世而示後我皇

帝無思而感自然玄同僧玄侶等幸會  
而言豈云素慮非人事也非神道也天  
固已儲祥以俟時積分以差日出入數  
代多歷年所疇人極力不能課其詳上  
林雜候亦莫徵其失則明天意以俟聖  
期期數未臻乃藏于密聖證將至如應  
如響彼幽深之何有此會通之不謀所  
以下叶黃鍾上稽玄象以和六氣以合  
三光復其見心間不容髮斗樞且運而  
況於人時元氣已調而况於月令於戲  
天下之動日用不知昆蟲草木生者自  
遂麟鳳龜龍靈者自瑞蠻夷戎狄遠無  
不至山川鬼神幽罔不洎此聖人所以  
定天下之象通天下之志天人之道備  
也昔者河出圖洛出書自時厥後符命  
非一空文而無應其殆乎人爲寶錄而  
有徵焉用乎龍負則洛下閎者此其神  
乎不然是何見之明也夫聖有時而不

唐雅卷九

三

作物無聖而不覩仲尼感時於鳳鳥古  
人嘆壽於河清皆傷於不達而恨於難  
見我后受成命重光乎文武累聖而無  
窮殊祥而無數彼哀命之者曾不得而  
耳聞凡今之人誠何幸而目覩由是觀  
之當其來運唐虞之屋可封非其有時  
孔丘之徒不遇也千載之會也萬物豈  
知其謝生於天乎兆人亦云忘力於帝  
乎微臣荷寵靈揚休命則臣子之志在

唐雅卷九

五

於盡美而惟天之大終莫能名臣不勝  
區區敢獻頌曰

於皇惟后受命于天時來于今兆定厥先既  
定乃日允叶斯年赫赫光明應于上玄

李華無疆頌八首

并序

臣華言伏以漢明帝時徼外蠻夷槃木  
白狼獻詩歌德屬事史官况臣自曾祖  
至臣備國家職貢臣又逮事玄宗肅宗  
今以餘年獲事陛下官歷御史補闕尚

書郎命薄多病不獲奔赴闕庭恐先朝  
露同於泥塵若無歌詩頌德曾蠻夷不  
若也敢述列聖爲無疆頌式昭皇家大  
慶無窮謹昧死稽首以聞

昊昊昊天監于下興有德維隋之杪時黷陰  
凝陽潛未登人思照矣雷行龍興盪濯氛慝  
文明乎萬國垂於蒸人載親天監保我子孫  
巍巍皇皇後之皇丕承之

右高祖元頌

唐雅卷九

五

高祖受天命誕興太宗成天之命帝煬昏逾  
黎人毒痛甚蕤于爐甚溺于塗以號以呼呼  
天無辜高祖謂太宗爾必有天下爾其訐謨  
太宗稽首恭受天命臣請滌除張我師撫征  
四國翦薙羣慝鼓一方三方震驚默昭其靈  
隨顧而平我哺我乳我安我成以奉君父以  
臨天下任忠孝文武建禮章樂舞我雖明德  
諫則納汝時惟帝降佑之自古明后莫如我  
德我勛唐無疆天子之無疆本太宗休命



右太宗烈頌

肇爲址爲堂實勅實勛付俾厥裔丕承我帝  
思不忘神樂靜康不耀而光不求而昌自中  
方外達夷荒瞻我大邦助祭在于廟執貢朝  
于王油油時雲雨厥百穀溲溲景風扇彼嘉  
穀飴口飽腹以厭以足俾壽而福都阜成天  
祿

右高宗康頌

屏蠱之毒豐而爲螭謀虐天之族天祐聖祚

唐雅卷九

美

八柱將覆帝告五臣保翼朕躬赫赫彤彤日  
升雲中百臣受命鉞爾頑兇故曰再造我天  
下生人鼓舞旣成矣又奉父母

右中宗興頌

后戚之禍再興有危兢兢廟祧震怒陰命聖  
子翼登聖父奮其神旅宵仗金斧殄殲逆亂  
大聖照臨元元宅心歸祚于有功有德於戲  
盛德

右睿宗德頌

丕鑠玄宗之明克孝克仁允武允文宣祖宗

之光垂于子孫盛禮畢舉大樂畢陳百蠻來  
賓元元阜殷戎或不賓遣師徂征罔不頻顛  
踣于雷霆在漢方昌用刑慘酷中都繫拷六  
萬餘人使者案錄誅千萬人其後賢王光武  
赫赫誅莽賓客以千以百孝明稱賢楚獄連  
年坐死逮捕以萬以千猶曰漢祚宜長越我  
祖宗不忍用刑至于玄宗哀彼鈇鑕降爲鞭  
撻誕告郡國大爲屋室醫彼百疾追懷登遐  
止害禽畜旁爲陂池養鱗介族旣濡旣渥昆  
蟲草木享國五十年寓縣晏然逆臣犯天天  
念蒸人若曰寧我負耻不忍人戰死乃告元  
子理兵朔鄙西幸蜀都命元子受圖天下旣  
定父堯子舜歸于國都無不欣愉無不涕濡  
傳聖自願升靈太微嗚呼上聖之道之純不  
可度思

右玄宗文頌

穆穆孝慈有如肅宗之誠達于神祇爰訓六

唐雅卷九

美

師震登北陲陵陵雷馳西戎南蠻北狄東夷  
咸舉其旂佐皇之威帝心如天無嗜無欲  
然丘岳破裂崖谷逆隸傾覆朝社大復屈于  
海之外服以盥以濯以舞以躍帝在東宮孝  
如文王蒸蒸其心天地知其孝既收鎬洛祀  
于陵廟奉迎上聖天日並照有兇有孽將噬  
將齧我旂方設則已顛蹶如燂於雪尊嚴而  
仁仁覆而嚴大臣小臣莫不潔廉躬勤百度  
百度如其素

唐雅卷九

天

右肅宗孝頌

大邦之興維天相之曷興曷相有德繼王昔  
殷王盤庚武丁紹登殷明矧我帝君丕承天  
命疊引其慶生我皇聖幼冲聖敬寔左右肅  
宗開國御戎羣師稟教舉則成功自西自東  
如霆如風蕩滌元兇罔不率從既登大位於  
變時雍人咸曰上如太宗延億兆斯年地博  
天崇罔不肅容玄宗元孫爲玄宗烈文肅宗  
元子承肅宗孝理

右今上昭頌

新羅王太平詩一首

大唐開鴻業巍巍皇猷昌止戈戎衣定修文  
繼百王統天崇雨施理物體含章深仁諧日  
月撫運邁時康幡旆旣赫赫鉦鼓何鏗鏘外  
夷遠命者剪覆被天殃和風凝宇宙遐邇競  
呈祥四時調玉燭七曜巡萬方維岳降宰輔  
維帝用忠良五三成一德昭我皇家唐

唐雅卷九

天

唐雅卷第九

唐雅第五冊目錄

卷之十

郊丘部

郊天舊樂章一首

武后享昊天樂章十二首

中宗祀昊天樂章十首

五郊樂章二十首

魏徵褚亮虞世南等作

五郊舊樂章十首

張九齡南郊太尉酌獻武舞作凱安

唐雅第五冊目錄

之樂一首

張九齡南郊文武出入舒和之樂一

首

杜甫有事於南郊賦一首

冬至祀園丘樂章八首

魏徵褚亮虞世南等作

玄宗祀圓丘樂章十一首

褚亮作祭方丘樂章五首

睿宗祭方丘樂章三首

卷之十一

祭祀部

祈穀樂章三首

貞觀中褚亮等作

褚亮作雩祀樂章三首

雩祀舊樂章二首

朝日樂章三首

朝日樂章二首

夕月樂章三首

蜡百神樂章三首

蜡百神舊樂章二首

唐雅第五冊目錄

祀九宮貴神樂章十五首

張九齡奉和聖製燭龍齋祭一首

宗廟部

太宗享太廟樂章十一首

高宗享太廟樂章五首

享太廟樂章又三首

中宗享太廟樂章十四首

玄宗享太廟樂章二十五首

張說奉勅撰

陳叔達太廟裸地歌辭一首

儲光羲尚書省受誓誠治太廟裴永

一首

褚亮宗廟九德之歌辭一首

杜甫朝享太廟賦一首

張九齡奉和聖製謁玄元皇帝廟齋

一首

太清宮樂章十一首

杜甫朝獻太清宮賦一首

武后享清廟樂章十首

唐雅第五冊目錄 三

李舒讓皇帝廟樂章六首

李舒德明興聖廟樂章七首

昭德皇后廟樂章九首

儀坤廟樂章十二首

儀坤廟舊樂章二首

武氏享先廟樂章一首

韋氏褒德廟樂章五首

享隱太子廟樂章五首

享隱太子廟舊樂章二首

卷之十二

社稷部

太宗祭神州樂章三首 貞觀中褚亮作

祭神州舊樂章二首

太宗祭太社樂章三首 貞觀中褚亮等作

祭太社舊樂章二首

享先農樂章四首 貞觀中褚亮等作

享先農舊樂章一首

享先蠶樂章五首 明慶中作

唐雅第五冊目錄 四

釋奠部

釋奠文宣王樂章五首 開元中作

享孔子廟舊樂章二首

賈至旌儒廟頌一首 并序

釋奠武成王樂章五首

巡狩部

太宗幸武功慶善宮賦一首

太宗重幸武功一首 貞觀中作

太宗於北平作一首

虞世南奉和至壽春應令一首

虞世南奉和幸江都應詔一首

玄宗幸蜀西至劍門一首

玄宗幸鳳湯泉一首

開元中作

張說奉和聖製幸鳳湯泉應制一首

玄宗途次陝州一首

張說奉和聖製途次陝州應制一首

張九齡奉和聖製初出洛城一首

盧照鄰沈佺期上之回共二首

唐雅第五冊目錄 五

宋璟蒲津迎駕一首

宋之問駕出長安一首

沈佺期獄中聞駕幸長安二首

王昌齡駕幸河東一首

盧象駕幸溫泉一首

李白上皇西巡南京歌十首

唐雅卷第十

清河張之象編

郊丘部

郊天舊樂章一首

登鉶禮著黍稷誠微音盈鳳管彩駐龍旂洪  
歆式就介福攸歸送樂有闋靈馭遄飛

武后享昊天樂章十二首

太陰凝至化真耀蘊軒儀德邁娥臺敞仁高  
妙幄披捫天遂啓極夢日乃昇曦

唐雅卷十

瞻紫極望玄穹翹至懇罄深衷聽雖遠誠必  
通垂厚澤降雲宮

乾儀混成冲邃天道下濟高明闔陽晨披紫  
闕太一曉降黃庭圓壇敢由昭報方璧冀展  
虔情丹襟式敷衷懇玄鑒庶察微誠

巍巍獻業廣赫赫聖基隆菲德承先顧禎符  
萃眇躬銘開武巖側圖薦洛川中微誠詎幽  
感景命忽昭融有懷慙紫極無以謝玄穹

朝壇霧卷曙嶺煙沉爰設篚幣式表誠心筵



輝麗璧樂暢和音仰惟靈鑒俯察翹襟  
昭昭上帝穆穆下臨禮崇備物樂奏鏘金蘭  
羞委薦桂醑盈斟敢希靈德聿罄莊心  
罇浮九醞禮備三周陳誠非奠契福神猷  
奠璧郊壇昭大禮鏘金拊石表虔誠始奏承  
雲娛帝賞復歌調露暢韶英  
荷恩承顧託執契恭臨撫廟略靜邊荒天兵  
曜神武有截資先化無爲遵舊矩禎符降昊  
穹大紫光霽字

唐雅卷十

二

肅肅祀典邕邕禮秩三獻已周九成斯畢爰  
撤其俎載遷其實或升或降唯誠唯質  
禮終肆類樂闋九成仰惟明德敢薦非馨顧  
慙菲奠久駐雲輶瞻荷靈澤悚戀兼盈  
式乾路闢天扉迴日馭動雲衣登金闕入紫  
微望仙駕仰恩徽

中宗祀昊天樂章十首

景龍三年十一月二十三日中宗皇帝  
親祀昊天上帝于南郊先是國子祭酒

祝欽明司業郭山惲建言古者大祭祀  
后裸獻以琯爵皇后當助祭天地太常  
博士唐紹蔣欽緒以爲周禮惟有助祭  
先王先公無助祭天地之文侍中韋巨  
源請依欽明議上乃以皇后爲亞獻仍  
以宰相女爲齋娘助執豆籩大赦齋娘  
有婿者皆遷官流人放還是日直學士  
徐彥伯上南郊賦

天之曆數歸睿唐顧惟非德欽昊蒼選吉日

唐雅卷十

三

兮表殷薦冀神鑒兮降闔陽

恭臨寶位肅奉瑤圖恒思解網每軫泣辜德  
慙巢燧化劣唐虞期我良弼式贊嘉謨  
得一流玄澤通三御紫宸遠叶千齡運遐銷  
九域塵絕瑞駢闐集殊祥絡繹臻登年慶栖  
畝稔歲賀盈囷

悠哉廣覆皇矣曲成九玄著象七曜甄明珪  
璧是奠醞酎斯盈作樂崇德爰暢咸英  
崇壇展敬嚴配因心孤竹簫鼓空桑瑟琴肅

穆大禮鏗鏘八音恭惟上帝希降靈歆

九成爰奏三獻式陳欽成景福恭託明禋

坤元光至德柔訓闡皇風采芡芳聲遠螽斯

美化隆敷範超千載嘉猷備六宮肅恭陪盛

典欽若薦禋宗

三靈降饗三后配神虔申享奠敬展郊禋

已陳粢盛敷嚴祀更奏笙鏘協雅聲琬圖寶

曆欣寧謐晏俗淳風樂太平

堂堂聖人興赫赫昌基泰戎車盟津偃玉帛

唐雅卷十

四

塗山會舜日啓祥暉堯雲卷征旆風猷被有

截聲教覃無外

五郊樂章二十首

魏徵褚亮虞世南等作

黃中正位含章居貞既長六律兼和五聲畢

陳萬舞乃薦斯牲神其丕降永祚休平

眇眇方輿蒼蒼圓蓋至哉樞紐宅中圖大氣

調四序風和萬籟祚我明德時雍道泰

金懸夕肆玉俎朝陳饗薦黃道芬流紫宸迺

誠迺敬載享載禋崇薦斯在惟神是賓

御徵乘宮出郊甸安歌率舞遞將迎自有雲

門符帝賞猶持雷鼓答天成

鶴雲旦起鳥星昏集律候新風陽開初蟄至

德可饗行潦斯挹錫以無疆蒸人乃粒

玄鳥司春蒼龍登歲節物變柳光風轉蕙瑤

席降神朱絃饗帝誠備祝嘏禮殫珪幣

大樂稀音至誠簡禮文物棣棣聲明濟濟六

變有成三登無體迺眷豐絜恩覃愷悌

笙歌籥舞屬年韶頀鼓鳧鍾展時豫調露初

唐雅卷十

五

迎綺春節承雲遽踐蒼霄馭

青陽告謝朱明戒序咸長是祈敬陳椒醑博

碩斯薦笙鏘備舉庶盡肅恭非馨稷黍

離位克明火中宵見峰雲暮起景風晨扇木

槿初榮含桃可薦芬馥百品鏗鏘三變

昭昭丹陸奕奕炎方禮陳牲幣樂備篴簫瓊

羞溢俎玉醑浮觴恭惟正直歆此馨香

千里溫風飄絳羽十枝炎景騰朱干陳觴薦

歌三獻拊石撝金會七盤

白藏應節天高氣清歲功既阜庶類收成萬  
方靜謐九土和平馨香是薦受祚聰明  
金行在節素靈居正氣肅霜嚴林凋草勁豺  
祭隼擊潦收川鏡九穀已登萬箱流詠  
律應西成氣躔南呂珪幣咸列笙竽備舉苾  
苾蘭羞芬芬桂醑式資宴貺用調霜序  
璿儀氣爽驚緹籥玉呂灰飛含素商鳴鞀奏  
管芳羞薦會舞安歌葆眊揚

嚴冬季月星迴風厲享祀報功方祚來歲

唐雅卷十

六

律回玉琯星周金度次極陽烏紀窮陰兔火  
林霰雪陽泉凝洹八蜡已登三農息務  
陽月斯紀應鍾在候載素牲牷爰登俎豆既  
高旣遠無聲無臭靜言格思惟神保佑  
執籥持羽初終曲朱干玉鉞始分行七德九  
功咸已暢明靈降福具穰穰

五郊舊樂章十首

朱明紀序黃郊王辰厚以載物甘以養人毓  
金爲體稟火成身宮音式奏奏以迎神

春末冬暮徂夏抄秋土王四月時紀一周忝  
稷已享邊豆宜收送神有樂神其賜休  
緹幕移候青郊啓蟄淑景遲遲和風習習璧  
玉宵備旌旄曙立張樂以迎帝神其入  
文物流彩聲明動色人竭其恭靈昭其飭歆  
薦無已垂禎不極送禮有章惟神還軾  
青陽節謝朱明候改靡草彫花含桃流彩虞  
列鍾磬延陳脯醢樂以迎神神其如在  
炎精式降蒼生攸仰盃列豆邊酒陳犧象昭

唐雅卷十

七

祀有期令儀不爽送樂張音惟靈之往  
序移玉律節應金商天嚴殺氣吹警秋方禋  
燎旣積稷奠並芳樂以迎奏庶降神光  
祀遵五禮時屬三秋人懷肅敬靈降禎休奠  
歆旨酒薦享珍羞載張送樂神其上遊  
玄英戒序黑郊臨候掌禮陳彝司筵執豆寒  
氛歛色洹泉凝漏樂以迎神八音斯奏  
北郊時沍南陸輝處奠本虔誠獻彌恭慮上  
延祉福下承歡豫廣樂送神神其整馭

張九齡南郊太尉酌獻武舞作凱安  
之樂一首

馨香惟后德明命光天保肅祀崇聖靈陳信  
表皇道玉戚初蹈厲金匏既靜好介福何穰  
穰精誠格穹昊

張九齡南郊文武出入舒和之樂一  
首

祝史辭正人神慶叶福以德昭享以誠接六  
變云備百禮斯浹祀事孔明祚流萬葉

唐雅卷十

八

杜甫有事於南郊賦一首

盖主上兆於南郊聿懷多福者舊矣今茲練  
時日就陽位之美又所以厚祖考通神明而  
已職在宗伯首崇禋祀先是春官條頌祗之  
書獻祭天之紀今泰龜而不昧俟萬事之將  
履掌次閱瓊邸之則封人考墳宮之旨司門  
轉致乎牲牢之繫小胥專達乎懸位之使二  
之日朝廟之禮既畢天子蒼然視於無形澹  
然若有所聽又齋心於宿設將盥食而匪寧

旌門坡陀以前驚殺騎反覆以相經頓曾城

之軋軋軼萬戶之

炎馳

道而如砥浴日上而

如萍掣翠旄於華蓋之角彗黃星於鈞陳之

星神仙戍削以落羽魍魎幽憂以固局戰岐

慄華擺渭掉涇地回回而風淅淅天決決而

氣清清甲冑乘陵轉迅雷於荆門巫峽玉帛

清迴霽夕雨於瀟湘洞庭於是乘輿霈然乃

作翳夫鸞鳳將至以冲融參寥廓不可乎彌

度聲明通乎純粹溟滓爲之垠堦駟蒼螭而

唐雅卷十

九

蜿蜒若無骨以柔順奔鳥攫而黝鰐徒有勢

於殺縛朱輪竟野而杳冥金錢成陰以結絡

吹堪輿以軒輊槍寒暑以前却中營密擁乎

太陽宸眷眇臨乎長薄熊羆弭耳以相舐虎

豹高跳以虛攫上方將降帷宮之絺繡屏玉

軼以蠓略人門行馬以拱乎合沓之場皮弁

大裘始進於穹崇之幕衝牙鏗鏘以將集周

衛轆轤而咸若月窟黑而扶桑寒田燭稠而

曉星落肅定位以告潔藹嚴上而清超雲齒



苗以張蓋春歲蕤而建杓簪裾斐斐樽俎蕭  
蕭方回曲折周旋寂寥必本於天王宮與夜  
明相射動而之地山林與川谷俱標於是乎  
官有御事有職所以敬鬼神所以勤稼穡所  
以報本反始所以度長立極玄酒明水之上  
越席䟽布之側必取先於稻秫麴蘖之勤必  
取著於紛純文繡之飾雖三牲八簋豐備以  
相洽而蒼璧黃琮實歸乎正色先王之丕業  
繼起信可以永其昭配羣望之徧祭在斯示

唐雅卷十

十

有以明其翼戴由是播其聲音以陳列從乎  
節奏以進退韶夏濩武采之於訓謨鍾石陶  
匏具之於梗槩變方形於動植聽宮徵於砒  
磬英華發外非因乎筍簾之高和順積中不  
在乎雷鼓之大既而睟管肱骨柴燎窟塊騁  
晷擘赫葩斜晦清電纏風升雪颯星碎拂勿  
佺澌沙溟漉淬聖慮岑寂玄黃增霈蒼生顒  
昂毛髮清籟雷公河伯咸駘駘以修聳霜女  
江妃乍紛綸而曉

駘乘翟朱干玉戚鼓

瑟吹笙金支翠旌神光倏歛祀事虛明於是  
涪池平渙汗紆餘乎經營浸朱湄而灑朔漠  
洵陽谷而濡若英耆艾涕而童子儻叢棘圻  
而狴牢傾是率土之濱覃醑醪以涵泳非奉  
郊之縣獨宴慰以縱橫玄澤淡汙乎無極殷  
薦綢繆乎至精稽古之時屢應符而合契聖  
人有作不逆寡而雄成爾乃孤卿侯伯雜羣  
儒三老儼而絕皮軒趨帳殿稽首曰臣聞燧  
人氏已往法度難知文質未變太昊氏繼天

唐雅卷十

十

而王根啓閉於厥初以木傳子據終始而可  
見洎虞夏殷周茲煥炳葱蒨舊秦失之於狼  
貪蠶食漢綴之以蛇斷龍戰中莽茫夫何從  
聖蓄縮曾不眷伏惟道祖視生靈之磔裂醜  
害馬之蹄齧可五精之息肩考正氣之無轍  
協夫貽孫以降使之造命更挈累聖昭洗中  
祚觸蹶氣慘黷乎脂夜之妖勢迴薄乎龍蛇  
之孽伏惟陛下勃然憤激之際天闕不敢依  
拒鬼神爲之嗚咽高衢騰塵長劒吼血尊卑



配宇縣刷插紫極之將頽拾清芬於已缺鑪  
以之仁義鍛以之賢哲聯祖宗之耿光卷夷  
狄之影撒蓋九五之後人人自以遭唐虞四  
十年來家家自以爲稷卨王綱近古而不軌  
天聽貞觀以高揭蠢爾差僭粲然優劣宜其  
課密於空積忽微刊定於興廢繼絕而後覩  
數統從首八音六律而惟新日起筭外一字  
千金而不減上曰吁昊天有成命惟五聖以  
授我其夙夜匪遑安用素撲以守于嗟乎麟

唐雅卷十

士

鳳胡爲乎郊數豈上帝之降鑒及茲玄元之  
垂裕于後夫聖以百年爲鶉鷖道以萬物爲  
芻狗今何以茫茫臨乎八極眇眇託乎羣后  
端策拂龜於周漢之餘緩視闊步於魏晉之  
首斯上古成法蓋其人已朽不足道也於是  
天子默然而徐思終將圖之又圖之意不在  
抑殊方之貢亦不必廣無名之祠金馬碧雞  
非理人之術珊瑚翡翠此一物何疑奉郊廟  
以爲寶增怵惕以孜孜況大庭氏之時六龍

飛御之歸

冬至祀園丘樂章八首

壽和六年魏徵褚亮虞世

南等作

上靈睠命膺會昌盛德殷薦叶辰良景福降  
兮聖德遠玄化穆兮天曆長  
穆穆我后道應千齡登三處大得一居貞禮  
唯崇德樂以和聲百神仰止天下文明  
闔陽播氣甄曜垂明有赫玄宰深仁曲成日  
麗蒼壁烟開紫營聿遵乾亨式降鴻禎

唐雅卷十

士

欽惟大帝載仰皇穹始命田燭爰啓郊宮雲  
門駭聽雷鼓鳴空神其介祀景祚斯融  
八音斯奏三獻畢陳寶祚惟永暉光日新  
疊壁凝影皇壇路編珠流彩帝郊前已奏黃  
鍾歌大呂還符寶曆祚昌年

昔在炎運終中華亂無象艷郊赤鳥見卬山  
黑雲上大賚下周車禁暴開殷網幽明同叶  
贊鼎祚齊天壤

歌奏畢兮禮獻終六龍馭兮神將昇明德感

兮非黍稷降福簡兮祚休徵

玄宗祀圓丘樂章十一首

開元十年

至矣丕構丞哉太平授犧膺籙復禹繼明草  
木仁化鳧鷖頌聲祀宗陳德無愧斯誠  
郊壇齊帝禮樂祀天丹青寰宇宮徵山川神  
祇畢降行止重旋融融穆穆納祉洪延  
止奏潛聆登儀宿囀大玉躬奉參鍾首奠簠  
簋聿昇犧牲迺薦昭事顯若存存以倪  
爛雲普洽律風無外千品其凝九賓斯會裡

大唐雅卷十

西

尊晉燭純犧滌汰玄覆攸廣鴻休汪濊  
六變爰闋八階載虔祐我皇祚於萬斯年  
於赫聖祖龍飛晉陽底定萬國奄有四方功  
格上下道冠農黃郊天配享德合無疆  
崇崇泰時肅肅嚴裡粢盛孔潔金石畢陳上  
帝來享介福爰臻受釐合祉寶祚惟新  
祝史正辭人神叶慶福以德昭享以誠應六  
變云備百禮斯浹祀事孔明福流萬葉  
馨香惟后德明命光天保肅和崇皇靈陳信

表皇道玉帛初蹈厲金匏既靜好

大號成命思文配天神光膺蠡龍駕言旋眇

眇閭闔昭昭上玄俾昌而大於萬斯年

六成既闋三薦云終神心具醉聖敬愈崇受

釐皇邸迴蹕惟宮穰穰之福永永無窮

褚亮作祭方丘樂章五首

萬物資以化文泰屬昇平易從業惟簡得一  
道斯寧具儀光玉帛迭舞變咸英黍稷良非  
貴明德信惟馨

大唐雅卷十

五

至矣坤德皇哉地祇開元統組合大承規九  
宮肅列六典相儀永言配命長保無虧  
柔而能方直而能敬厚載以德大享以正有  
滌斯牲有馨斯盛介茲景福祚我休慶  
玉幣牲牷分薦享羽旄干鉞迺成容一德惟  
寧兩儀泰三才保合四時邕

陰祗協贊厚載方貞牲幣具舉簫管備成其  
豐惟肅其德惟明神之聽矣式鑒虔誠

睿宗祭方丘樂章三首

太極元年

坤厚載物德柔垂祉九域咸雍四溟爲紀敬  
因良節虔修陰祀廣樂式張靈其降止  
坤元至德品物資生神凝博厚道協高明列  
鎮五嶽環流四瀛于何不載萬寶斯成  
崇儲金石禮光尊俎大享爰終洪休是與雨  
零感節雲飛應序纓紱載辭皇靈具舉

唐雅卷第十

唐雅卷十

六

唐雅卷第十一

祭祀部

清河張之象編

祈穀樂章三首

貞觀中褚亮等作

履艮斯繩居中體正龍運垂祉昭符啓聖式  
事嚴禋聿懷嘉慶惟帝永錫時皇休命  
殷薦乘春太壇臨曙八簋盈和六瑚登御嘉  
稷匪歆德馨斯飫祝嘏無易靈心有豫

玉帛犧牲申嘉享金絲戚羽盛音容庶俾億

唐雅卷十一

十

齡禔景福長欣萬宇洽時邕

褚亮作雩祀樂章三首

朱鳥開辰蒼龍啓應大帝昭饗群生展敬禮  
備懷柔功宣舞詠旬液應序年祥協慶

紺筵分彩珽圖吐絢鳳管晨凝雲歌曉轉肅  
事蘭羞虔申桂奠百穀斯登萬箱攸薦

鳳曲登歌調令序龍雩集舞泛祥風綵旒雲  
迴昭睿德朱干電發表神功

雩祀舊樂章二首

開元中作

鳥緯遷序龍星見辰純陽在律明德崇禋五  
方降帝萬宇安人恭以致享肅以迎神  
祀遵經設享緣誠舉獻畢于樽撤臨于俎舞  
止千戚樂停祝歌以送神神還其所

朝日樂章三首

貞觀中作

惟聖格天惟明饗日帝郊肆類王宮戒吉珪  
奠春舒鍾歌曉溢禮云克脩斯文有秩  
晨儀式薦明祀惟光神物爰止靈暉載揚玄  
端肅事紫幄興祥福履攸假於昭九王

唐雅卷十一

二

崇牙樹羽廷調露旋宮扣律掩承雲誕敷懿  
德昭神武載集豐功表睿文

朝日樂章又二首

太陽朝序王宮有儀璫桃彩駕夕柳光馳軒  
祥表合漢曆彰奇禮和樂備神其降斯  
五齊兼酌百羞具陳樂終廣奏禮畢崇禋明  
鑑萬寓照臨兆人永流洪慶式動曦輪

夕月樂章三首

貞觀中作

測妙爲神通微曰聖坎祀貽則郊裡展敬璧

薦登光金歌動暎以載嘉德以流曾慶  
朏晨爭舉天宗禮闕夜典恭秋陰明湛夕有  
醑斯旨有牲斯碩穆穆其暉穰穰是積  
合吹八風金奏動分容萬舞玉鞘驚詞昭茂  
典先前列夕曜乘功表盛明

蜡百神樂章三首

貞觀中作

序迫歲陰日躔星紀爰稽茂典聿崇清祀綺  
幣霞舒瑞珪虹起百靈垂裕萬方受祉  
緹禽動序玄英晚候姬蜡開儀函歌入奏蕙

唐雅卷十一

三

馥彫俎蘭芬玉酎大享明祇永綏多祐  
經緯兩儀文化洽削平方域武功成瑤絃自  
樂乾坤泰玉鉞長歡區宇寧

蜡百神舊樂章二首

八蜡開祭萬物合祀上極天維下窮神紀鼎  
俎流芬尊彝薦美有靈有祗咸希來止  
十旬歡洽一日祀終澄燹拂俎報德酬功慮  
戾容肅禮縟儀豐神其降祉整馭隨風

祀九宮貴神樂章十五首

天寶三年十二月術士蘇嘉慶言遁甲  
術有九官貴神典司水旱請立壇於東  
郊祀以四孟月帝從之禮在太清宮太  
廟上所用牲玉皆侔天地

於昭上穹臨下有光羽翼五佐周流八荒誰  
其饗之時文對馭虞經夏典茲禮未遑

黑帝旋馭青躔導日金籙上玄玉堂初吉鈎

陳夕次鑾和先蹕藹藹群靈昭昭咸秩

帝臨中壇受釐元神皇靈萃止羽旄肅陳攝

唐雅卷十一

四

提運衡招搖移輪光光宇宙電耀雷震

夜如何其明星煌煌天清容衛露結壇場樹

羽幢幢佩玉鏘鏘凝精駐目瞻望神光

九位既肅萬靈畢會天門啓扃日御飛蓋煥

兮琴離儼兮暗靄如山之福惟聖時對

崇崇泰壇靈具臨兮鏗鏘大樂振動心兮神

之降矣卿雲郁兮神之至止清風肅兮

帝在靈壇大明登光天回雲粹穆穆皇皇金

奏九夏圭陳八薌曠哉動植如熙春陽

歌工既奏神位既秩天符衆星運行太一聲

和十管氣應中律肅肅明廷介茲元吉

俎豆有踐黃流在罇九宮之祀三代莫存樂

變六宮壇開八門聖皇昭對祐我黎元

時文哲后肅事嚴禋馨我明德饗我貴神大

庖載盈旨酒斯醇精意所屬期於利人

祀既云畢明靈告旋禮洽和應福至神虔動

植咸若陰陽不愆錫茲祝嘏天子萬年

羽籥既閑千戚陳八音克諧六變新愉貴神

唐雅卷十一

五

兮般以樂保皇祚兮萬斯春

盛德陳萬舞威稜暢九垓風雲交律候日月

麗昭回行慶休祥發乘和春氣來百神肅臨

享蕩蕩天門開

精意嚴恭明祀豐絜獻酬既備俎豆斯撤日

麗天儀風和樂節事光祀典福覃有截

享申百禮慶洽百靈上排閭闔洞入杳冥莫

玉高壇燔柴廣庭神之降福萬國咸寧

張九齡奉和聖製燭龍齋祭一首



上帝臨下鑒亦有光孰云陰隲惟聖克彰六月徂暑四郊信陽我后其勤告于壇場精意允益群靈彭舞蔚兮朝雲霈然時雨雨我原田亦既有年燭龍煌煌明宗報祀于以助之天人帝子聞詩有訓國風茲始

宗廟部

太宗享太廟樂章十一首

貞觀十四年

於穆烈祖弘此丕基永言配命子孫保之百神既洽萬國在茲是用孝享神其格思

唐雅卷十一

六

大哉至德允茲明聖格于上下聿遵誠敬嘉樂斯登鳴球以詠神其降止式隆景命

崇茲享祀誠敬兼至樂以感靈禮以昭事粢盛咸絜牲牲孔備永言孝思庶幾不匱

濬哲維唐長發其祥帝命斯祐王業克昌配天載德就日重光本枝百代申錫無疆

猗與祖業皇矣帝先翦商德厚封唐慶延在姬猶稷方晉踰宣基我鼎運於萬斯年

周美王季晉美帝文明明盛德穆穆齊芬藏

用四履屈道三分鏗鏘鍾石載紀鴻勳

五紀更運三正遞升勛華既沒禹湯勃興神

武命代靈睠是膺望雲彰德察緯告徵上紐

天維下安地軸徵師涿野萬國咸服偃伯靈

臺九宮允穆殊域委賁懷生介福大禮既飾

大樂已和黑章擾囿赤字浮河功宣載籍德

被詠歌克昌厥後百祿是荷

八音斯奏三獻畢陳寶祚惟永暉光日新

聖敬通神光七廟靈心薦祚和萬方嚴禋克

唐雅卷十一

七

配鴻基遠明德惟馨鳳曆昌

於穆清廟聿脩嚴祀四縣載陳三獻斯止遵

豆撤薦人祗介祉神惟格思錫祚不已

肅肅清祀烝烝孝思薦享昭備虔恭在茲雍

歌撤俎祝嘏陳辭用光武志永固鴻基

高宗享太廟樂章五首

永徽中作

五運改卜千齡啓聖彤雲曉聚黃星夜映葉

闌味囊基開玉鏡

高宗時嘗有玉鏡圖

下臨萬寓上齊

七政霧開三象塵清服海濂星暉遠安邇肅

天地交泰華夷輯睦翔泳歸仁中外提福績  
踰黜夏勲高翦商武陳七德刑設三章祥禽  
巢閣仁獸遊梁卜年惟永景福無疆

承天撫籙纂聖登皇遐清萬寓仰協三光功  
成日用道濟時康璇圖載永寶曆斯昌日月  
揚暉烟雲爛色河嶽脩貢神祇效職舜風攸  
偃堯曦先就睿感通寰孝思浹宙奉揚先德  
虔遵曩符展義天局飛英雲岫化軼王表神  
凝帝先乘雲厭俗馭日登玄

唐雅卷士

八

廣樂既備嘉薦既新述先惟德孝饗惟親七  
獻具舉五齊畢陳錫茲祚福於萬斯春

惟睿作聖惟聖登皇精感耀魄時膺會昌舜  
慙大孝堯推讓王能事斯極振古誰方文明  
履運車書同軌巍巍赫赫盡善盡美衢室凝  
旒大庭端辰釋負之寄事光復子脫屣高天  
登遐上玄龍湖超忽象野芊綿遊衣復道薦  
果初年新廟奕奕明德配天

大業龍祉徽音駿尊潛居皇德赫嗣天毘展

儀宗祖重誠孝孫春秋無極享奏存存

享太廟樂章又三首

七廟觀德百靈攸仰俗荷財成物資含養道  
光執契化籠提象肅肅雍雍神其來饗  
肅肅清廟巍巍盛唐配天立極累聖重光樂  
和管磬禮備烝嘗永惟來格降福無疆  
五聲備奏三獻終祠車移鳳輦旆轉紅旗禮  
周籩豆誠效虔祇皇靈徙蹕簪紳拜辭

中宗享太廟樂章十四首

神龍元年

唐雅卷士

九

肅肅清廟赫赫玄猷功高萬古化奄十洲中  
興丕業上荷天休祇奉先構禮被懷柔

顧惟菲薄纂曆應期中外同軌夷狄來思樂  
用崇德禮以陳詞夕惕若厲欽奉宏基

禮標薦鬯肅事祠庭敬申如在敢託非馨

崇禋已備粢盛聿脩絜誠斯展鍾石方遒

金相載穆玉裕重輝養德青禁承光紫微乾

宮候色震象增威監國方永賓天不歸孝友

自衷溫文性與龍樓正啓鶴駕斯舉丹宸流

念鴻名式序中興考室永陳彝俎

巍巍累聖穆穆重光奄有區夏祚啓隆唐百  
蠻飲澤萬國來王本枝億載鼎祚逾長

惟聖配天敷盛禮惟天爲大闡洪名恭禋展  
敬光先德蘋藻申虔表至誠

炎馭失王綱土德承天命英猷被寰宇懿躅  
隆邦政七德已綏邇九夷咸底定景化覃遐  
邇深仁洽翔泳

禮周三獻樂闋九成肅承靈福悚惕兼盈

唐雅卷上

十

祠容既畢仙座爰興停停日舉靄靄雲昇長  
隆寶運永錫休徵福覃貽厥恩被黎蒸  
道洽而二儀交泰時休四寓和平環佩肅於  
庭實鍾石揚乎頌聲

顧惟菲質忝位椒宮虔奉蘋藻肅事神宗敢  
申誠絜庶罄深衷粹容有裕靈享無窮

月禮已周雲和將變爰獻其醑載遷其奠明  
德逾隆非馨是薦澤霑動植仁覃寓縣

鏗鏘韶濩肅穆神容洪規赫赫祀典雍雍已

周三獻將乘六龍虔誠有託懇志無從

玄宗享太廟樂章二十五首

開元七年張說

奉勅  
撰

肅九室諧八音歌皇慕動神心禮宿設樂妙  
尋聲明備裸奠臨

律迓氣音入玄依玉几御黼筵聆愾息優周  
旋九韶遍百福傳

信工祝永頌聲來祖考聽和平相百辟貢九  
瀛神休委帝孝成

唐雅卷上

十一

時文聖后清廟肅邕致誠勤薦在貌思恭王  
節肆夏金鉶五鍾繩繩雲步穆穆天容

天子享孝工歌溥將既裸鬱鬯乃焚膋蕪臭  
以達旨聲以求陽奉時烝嘗永代不忘

在滌嘉泰麗碑敬牲角握之牝色純之騂火  
傳陽燧水既陰精太公胖俎傳說和羹

俎豆有馥齋盛絜豐亦有和美既戒既平鼓  
鍾管磬肅唱和鳴皇皇后祖來我思成

聖慕九德真言五千慶集昌胄符開帝先高

文仗鉞克配彼天三宗握鏡六合渙然帝其  
承祀率禮罔愆圖書霧出日月清懸舞形德  
類詠諡功傳黃龍蜿蜒彩雲蹁躑五行氣順  
八佾風宣介此百祥於皇萬年

肅藝祖滔滔濬源有雄玉劒作鎮金門玄王  
貽緒后稷謀孫肇極九廟四海來尊

具禮崇德備樂承風魏推幢主周贈司空不  
行而至無成有終神興王業天歸帝功

於赫元命權輿帝文天齊八柱地半三分宗

唐雅卷十一

十一

廟觀德笙鏞樂勲封唐之兆成天下君

帝舞季歷隆聖生昌后歌有嶠胎炎孕黃天

地合德日月齊光肅雍孝享祚我萬方

赤精亂德四海困窮黃旗舉義三靈會同旱

望春雨雲披大風溥天來祭高祖之功

皇合一德朝宗百神削平天地大拯生人上

帝配食單于入臣戎歌陳舞曄曄震震

高皇邁道端拱無爲化懷獯鬻兵賦勾驪禮

尊封禪樂盛來儀合位媯皇后稱伏犧

退居江水鬱起丹陵禮物還舊朝章中興龍

圖友及駿命恭膺鳴球香瓚大禧是承

景雲霏爛告我帝符噫帝冲德與天爲徒笙

鏞遙遠俎豆虛無春秋孝獻廻復此都

備禮用樂崇親致尊誠通茲降敬徹愛存獻

懷稱壽啐感承恩皇帝孝德子孫千億大包

天域長亘不極

六鍾翕協六變成八佾倘佯八風生樂九韶

兮人神感美七德兮天地清

唐雅卷十一

十一

瑟彼瑤爵亞維上公室如屏氣門不容躬禮

殷其本樂執其中聖皇永慕天地幽通

禮匝三獻樂遍九成降循軒陛仰欽皇情福

與仁合德因孝明百年神畏四海風行

總總千戚填填鼓鍾奮揚增氣坐作爲容離

若鷺鳥合如戰龍萬方觀德肅肅邕邕

烈祖順三靈文宗成四海黃鉞誅群盜朱旗

掃多罪戢兵天下安約法人心改大哉千羽

意長見風雲在



止笙磬撤豆籩廓無響宵入玄主在室神在天情餘慕禮罔愆喜黍稷屢豐年

眇嘉樂授靈爽感若來思如往休氣散迴風上返寂寞還惚恍懷靈駕結空想

陳叔達太廟裸地歌辭一首

清明既裸鬱鬯惟禮大哉孝思嚴恭祖禰龍袞以祭鸞刀斯啓發德朱紘升歌丹陛筵享粢盛堂斟沉齊降福襍襍來儀濟濟

儲光義尚書省受誓誠治太廟裴丞

唐雅卷十一

古

一首

皇家有恒憲齋祭崇明祀嚴車伊洛間受誓文昌裏沉沉雲閣見稍稍城烏起曙色照衣冠虛庭鳴劒履徘徊念私覲悵望臨清汜點翰欲何言相思從此始

杜甫朝享太廟賦一首

初高祖太宗之櫛風沐雨勞身焦思用黃鉞白旗者五年而天下始一歷三朝而勳力今庶績之大備上方采庸俗之謠稽正統之類

蓋王者盛事臣聞之於里曰昔武德已前黔黎蕭條無復生意遭鯨鯢之蕩汨荒歲月而沸渭哀服紛紛朝廷多閏者仍亘乎晉魏臣竊以自赤精之衰歇曠千載而無真人及黃圖之經綸息五行而歸厚地則知至數不可以久缺凡材不可以長寄故高下相形而尊卑各異惟神斷繫之於是本先帝取之於義壬辰既格于道祖乘輿即以是日致齋於九室所以昭達孝之誠所以明繼天之質具禮

唐雅卷十一

古

有素六官咸秩大輅每出或黎元不知豐年則多而筐筥其實既而太尉參乘司僕扈蹕望重闈以肅恭順法駕之徐疾公卿淳古士卒精一黜宗廟之愈深抵職司之所密宿翠華於外戶曙黃室於通術氣淒淒於前旒光靡靡於嘉栗階有賓乍帳有甲乙升降之際見玉柱生芝擊拊之初覺鈞天合律荀簾佗以碣磬千戚宛而婆娑鞀鼓增篴爲之主鍾磬竿瑟以之和雲門咸池取之至空桑孤竹



貴之多八音脩通既比乎旭日升而氛埃滅  
萬舞陵亂又似乎春風壯而江海波鳥不敢  
飛而玄甲嶧嶧以岳峙象不敢去而鳴珮剡  
爚以星羅已而上乾豆以登歌美休成之既  
饗璧玉儲精以稠疊門欄洞豁而森爽黑帝  
歸寒而激昂蒼靈戒曉而來往熙事莽而充  
塞群心虞以振蕩桐花未吐孫枝之鸞鳳相  
鮮雲氣何多宮井之蛟龍亂上若夫生弘佐  
命之道死配貴神之列則殷劉房魏之勲是

唐雅卷二

二六

可以中摩伊呂上冠夔高代天之工爲人之  
傑丹青滿地松竹高節自唐興以來若此時  
哲皆朝有數四名垂卓絕向不遇反正撥亂  
之主君臣父子之別奕葉文武之雄注意生  
靈之切雖前輩之溫良寬大豪俊果決曾何  
以措其筋力與韜鈴載其刀筆與喉舌使祭  
則與食則血若斯之盛而已爾乃直于主索  
于祊警幽全之物散純道之精蓋我后常用  
惟時克貞骨以蕭合酌以茅明嘏以慈告祝

以孝成故天意張皇不敢殄其瑞神茲安帖  
不敢祕其精而撫絕軌享鴻名者矣于以奏  
永安于以奏王夏福穰穰於絳闕芳霏霏於  
玉輦沛枯骨而破壘盲施殀貽而逮鰥寡園  
陵動色躍在藻之泉魚弓劍皆鳴汗鑄金之  
風馬霜露堪吸禎祥可把曾宮歔歔陰事儼  
雅薄清輝於鼎湖之山靜餘響於蒼梧之野  
上窅然漠漠惕然兢兢紛益所慕若不自勝  
瞰牙旗而獨立吟翠駮而未乘五老侍祠而

唐雅卷二

七

精駮千官逖聽而思凝於是丞相進曰陛下  
應道而作惟天與能澆訛散淳樸登尚猶日  
慎業業孝思烝烝恐一物之失所懼先王之  
咎徵如此之勤恤匪懈是百姓何以報夫元  
首在臣等何以充其股肱且如周宣之教親  
不暇孝武之淫祀相仍諸侯敢於迫脅方士  
奮其威稜一則以微言勸內一則以輕舉虛  
憑又非陛下恢廓緒業其瑣細亦曷足稱丞  
相退上跼天躋地授綏登車伊鴻涸槍壘先

出爲儲胥本枝根株乎萬代睿想經緯乎六  
虛甲午方有事於采壇紺席宿夫行所如初

張九齡奉和聖製謁玄元皇帝廟齋

一首

興運昔有感建祠北山顛雲雷初締構日月  
今悠然紫氣尚蓊鬱玄元如在焉迨茲事追  
遠輪奐復爭鮮洞府香林處齋壇清漢邊吾  
君乃尊祖夙駕此留連樂動人神會鍾成律  
度圓笙歌下鸞鶴芝木萃靈仙曾是福黎庶

唐雅卷十一

六

豈唯味虛玄睿歌徒有作微薄謝昭宣

太清宮樂章十一首

玄宗開元二十年正月詔兩京諸州置  
玄元廟天寶二年三月以西京玄元廟  
爲太清宮薦獻聖祖玄元皇帝奏混成

紫極之舞

煌煌道宮肅肅太清禮光尊祖樂備充庭罄  
竭誠至希夷降靈雲凝翠蓋風燄虹旌衆真  
以從九奏初迎永惟休祐是錫和平

虛無結思鍾磬和音歌以頌德香以達心禮  
殊裸鬯義感昭臨雲車至鉶慶垂愔

肅肅我祖縣縣道宗至感潛達靈心暗通雲  
輶御氣芝蓋隨風四時裡祀萬國來同

仙宗積道我李承天慶深虛極符光象先俗  
登仁壽化闡淵蛸五千貽範億萬斯年

不宰元功無爲一聖洪源長發誕受天命金  
奏迎真旋官展盛備禮周樂垂光儲慶

至道生元氣重圓法混成無爲觀大象冲用

唐雅卷十一

九

體常名仙樂臨丹闕雲車出玉京靈符百代  
應瑞節九真迎寶運開皇極天光暎太清長  
垂一德慶永庇萬方寧

真宗開妙理冲教統清虛化演無爲日言昭  
有象初瑤壇肅靈瑞金闕暎仙居一奏三清  
樂長回八景輿

虛極仙宗本希夷象帝先百靈朝太上萬法  
祖重圓善貸惟冲德功成謂自然雲門達和  
氣思用合鈞天

元符傳紫極寶祚啓高真道德先垂裕冲和  
已化淳人風齊太古天瑞叶惟新仙樂清都  
上長明交泰辰

嚴禋展事禮潔烝嘗皇矣聖祖德惟馨香盛  
薦旣撤歌工再揚大來之慶降福穰穰

玉磬含響金鑪既馥風馭泠泠雲壇肅肅杳  
歸大象霈流嘉福俾寧萬邦無思不服

杜甫朝獻太清宫賦一首

冬十有一月天子既納處士之議承漢繼周

唐雅卷十

十

華弊用古勒崇揚休明年孟陬將據大禮以  
相籍越彝倫而莫儔歷良辰而戒吉分祀事  
而孔脩管室主夫宗廟乘輿備乎冕裘甲子  
王以昧爽春寒薄而清浮虛閭闔闔逗蚩尤  
張猛馬出騰虬捎熒惑隨旄頭風伯扶道雷  
公挾輶通天台之雙闕警溟漲之十洲浩劫  
礪礪萬仙颺颺欻臻于長樂之舍崑入乎崑  
崙之丘太一奉引庖犧左右堯步舜趨禹馳  
湯驟鬱閟宮之律翠幄元氣以經構斷紫雲

而竦牆撫流沙而承雷紛墮珠而陷碧燿波  
錦而浪繡森青而欲雨施光炯而初晝於是  
翠蕤俄的藻藉舒就祝融擲火以焚香溪女  
捧盤而盥漱群有司之望幸辨名物之難究  
瓊漿自間於染盛羽客先來於介冑爍聖祖  
之儲祉敬雲孫而及此詔軒轅使合符勅王  
喬以視履積昭感於嗣續匪正辭於祝使若  
彤璽而有憑肅風颺而乍起揚流蘇於浮柱  
金英霏而披靡擬雜珮於曾巔孔蓋歌以颯  
纒中泠泠以迴復外蕭蕭而未已上穆然注  
道爲身覺天傾耳陳僭號於五代復戰國於  
千祀曰嗚呼昔蒼生纏孟德之禍爲仲達所  
愚鑿齒其俗窳窳其孤赤烏高飛不肯止其  
屋黃龍哮吼不肯負其圖伊神器臬兀而小  
人喻曆紀大破創痍未蘇尚攫拏於吳蜀  
又顛躓於羯胡縱群雄之發憤誰一統於亨  
衢在柘跋與宇文豈風塵之不殊比聰廐及  
堅特渾貍豹而齊驅愁陰鬼嘯落日梟呼各

唐雅卷十

十

擁兵甲俱稱國都且耕且戰何有何無惟累  
聖之微典恭淑慎以允緝茲火土之相生非  
符誠之備及湯帝終暴叔寶初襲編簡尚新  
義旗爰入既清國難方覩家給竊以爲數子  
自誣敢貞乎五行攸執而觀者潛晤或喜至  
於泣鱗介以之鳴簾昆蛟以之振蟄感而遂  
通罔不具集沆神光而紺閭羅詭異以戢脅  
地軸傾而融曳涸宮儼以凝爰九天之雲下  
垂四海之水皆立鳳鳥威遲而不去鯨魚屈

唐雅卷十一

三

矯以相吸掃大始之含靈卷殊形而可挹則  
有虹蜺爲鈎帶者入自於東揭蒼蒼履崆峒  
素髮漠漠至精濃濃條弛張於巨細覲披寫  
於心胷蓋脩竿無隙而仄席已容裂手中之  
黑簿睨堂下之金鐘得非擬斯人於壽域明  
返撲於玄蹤忽翳日而飈萬象却浮雲而留  
六龍咸讐跡而壯茲應終蒼黃而昧所從上  
猶色若不足處之彌恭天師張道陵等泊左  
玄君者前千二百官吏謁而進曰今王巨唐

帝之苗裔坤之紀綱土配君服官尊臣商起  
數得統特立中央且大樂在懸黃鍾冠八音  
之首太昊斯啓青陸獻千春之祥曠哉勤力  
耳目宜乎大帶斧裳故風后孔甲充其佐山  
稽岐伯翼其傍至於易制取法足以朝登五  
帝夕宿三皇信周武之多幸存漢祖之自強  
且近朝之濫吹仍改卜乎祠堂初降素車終  
勤恤其後有客白馬固漂淪不忘伊庶人得  
議寔邦家之光臣道陵等試本之於青簡探

唐雅卷十一

三

之於縹囊列聖有差夫子聞斯於老氏好問  
自父宰我同科於季康敢撥亂返正乃此其  
所長萬神開八駿迴旗掩月車奮雷騫七曜  
燭九垓能事穎脫清光大來或曰今太平之  
人莫不優游以自得况是蹴魏踏晉批周扶  
隋之後與夫更始者哉

武后享清廟樂章十首

建清廟贊玄功擇吉日展禋宗樂已變禮方  
崇望神駕降仙官



隆周創業寶命惟新敬宗茂典爰表虔禋聲  
明已備文物斯陳肅容如在懇志方申

肅敷大禮上謁尊靈敬申筐幣載表丹誠

敬奠蘋藻式罄虔禋絜誠斯展佇降靈歆

爰陳玉醴式奠瓊漿靈心有穆介福無疆

帝圖草創王業初開功高佐命業贊雲雷

赫赫玄功被穹壤皇皇至德洽生靈開基撥

亂妖氛廓佐命宣威海內清

荷恩承顧託執契恭臨撫廟略靜邊荒天兵

唐雅卷十一

十四

耀神武

登歌已闋獻禮方周欽承景福肅奉鴻休

大禮言畢仙衛將歸莫申丹懇空瞻紫微

李舒讓皇帝廟樂章六首

皇矣天宗德先王季因心則友克讓以位爰

命一式遵前志神其降靈昭饗祀事

惟帝時若去而上僊祀用商武樂備宮懸白

璧加薦玄纁告虔子孫拜後承茲吉蠲

祀盛體薦禮協粢盛方周假廟用魯純牲捧

撤祗敬擊拊和鳴受釐歸胙既戒而平

八音具舉三壽既盟絜茲宗彝瑟彼圭瓚蘭

肴重錯椒醑飄散降胙維城永爲藩翰

秩禮有序和音既同九儀不忒三揖將終孝

感藩后相維辟公四時之典永永無窮

奠獻已事昏昕載分風搖雨散靈衛細縕龍

駕帝服上騰五雲泮宮復闕寂寞無聞

李舒德明興聖廟樂章七首

玄宗天寶二年三月追尊皐繇爲德明

唐雅卷十一

十五

皇帝京武昭王爲興聖皇帝

元尊九德佐堯光宅烈祖太宗方周一作伯嚭

懷霜露樂變金石白雲清風髣髴來格

四時有典百祀來祭尊祖奉宗嚴禋大帝禮

先蒼璧奠備黝制於斯萬年熙成帝系

盛牲實俎涓選休成鼎俎陽燧玉盥陰精有

飴嘉豆既和大美侑以清樂羹齊人情

清廟奕奕和樂雍雍器尊犧象禮屬宗公白

水方裸黃流在中謨明之德萬古清風



闕宮靜謐合樂周張泰尊始獻百末重觴震  
澹存誠庶幾迪嘗遙源之祚天漢靈長

惟清惟肅靡聞靡見舉備九成俛終三獻慶  
彰曼壽昨撤嘉薦瘞玉埋牲禮神斯徧

元精回復靈貺繁滋風灑蘭路雲搖桂旗高  
丘緬邈涼部逶遲瞻望靡及纏綿永思

昭德皇后廟樂章九首

穆清廟薦嚴禋昭禮備和樂新望靈光集元

辰祚無極享萬春

唐雅卷十一

三六

誠心達娛樂分升蕭管鬱氛氲茅既縮鬯既  
薰後來思福如雲

我將我享盡明而誠載芬黍稷載滌犧牲懿  
矣元良萬邦以貞心乎愛敬若睹容聲

於穆先后儷聖稱崇母臨萬宇道被六官昌  
時協慶理內成功殷薦明德傳芳國風

工祝致告徽音不遐酒醴咸旨馨香具嘉受  
釐獻祉永慶邦家

金枝羽部輟清歌瑤臺肅穆笙磬羅諧音遍

響合明意萬類昭融靈應多

辰位列四星帝功參十亂進賢勤內輔扈蹕  
清多難承天厚載均並曜宵光燦留徽藹前  
躅萬古披圖煥

公尸既起享禮載終稱歌進撤盡敬由衷澤  
流惠下大小咸同

昭事終幽享餘移月御返仙居璇庭寂靈幄  
虛顧徘徊感皇儲

儀坤廟樂章十二首

唐雅卷十一

三七

猗若清廟肅肅熒熒國薦嚴祀坤興淑靈有  
几在室有樂在庭臨茲孝享百祿惟寧

陰靈効祉軒曜降精祥符淑氣慶集柔明瑤  
俎既列雕桐發聲微猷永遠比德皇英

孝哉我后冲乎迺聖道暎重華德輝文命慕  
深視篋情殷撫鏡萬國移風比人承慶

裸圭既濯鬱鬯既陳畫翥雲舉黃流玉醑儀  
充獻酌禮盛衆裡地察惟孝愉焉饗親

酌鬱既灌取蕭方蕤籩豆靜嘉簋簋芬飫魚

腊薦美牲牲表絜是哉是將載迎載列

鄭詩

陽靈配德陰覓昭升堯壇鳳下漢室龍興

天作對前旒是凝化行南國道盛西陵造舟

集灌無德而稱我粢既絜我醴既澄陰陰靈

廟光靈若憑德馨惟饗孝思烝烝

薛稷

乾道既亨坤元以貞肅雍攸在輔佐斯成外

睦九族內光一庭克生獻哲祚我休明欽若

若微範悠哉淑靈建茲清宮于彼上京縮茅

以獻絜秬惟馨實受其福期乎億齡

大唐雅卷上

三六

於穆清廟肅雍嚴祀合福受釐介以繁祉

徐堅

送文迎武遞參差一始一終光聖儀四海生

人歌有慶千齡孝享肅無虧

胡雄

妙筭申帷幄神謀出廟廷兩階文物備七德

武功成校獵長楊苑屯軍細柳營將軍獻凱

入歌舞溢重城

劉子玄

孝享云畢維撤有章雲感玄羽風懷素商瞻

望神座祗戀匪遑禮終樂闋肅雍鏘鏘

貞半

闕宮實實清廟微微降格無象馨香有依式

昭纂慶方融嗣微明裡是享神保耄歸

祝欽明

### 儀坤廟舊樂章二首

月靈降德坤元授光娥英比秀任姒均芳瑤

臺薦祉金屋延祥迎神有樂歆此嘉蓀

玉帛儀大金絲奏廣靈應有孚冥徵不爽降

彼休福假茲裡享送樂有章神麾其上

### 武氏享先廟樂章一首

天后光宅元年九月武承嗣請追王其

祖立武氏七廟太后從之

大唐雅卷上

三九

先德謙撝冠昔嚴規節素超今奉國忠誠每

竭承家至孝純深追崇懼乖尊意願號恐玷

徽音既迫王公屢請方乃俯遂群心有限無

由展敬奠醑每闕親斟大禮虔申典冊蘋藻

敬薦翹襟

### 韋氏褒德廟樂章五首

神龍中中宗皇帝爲皇后韋氏祖考立

廟謂之褒德廟

道赫梧宮悲盈蒿里爰暢微烈載敷嘉祀享

洽四時規陳二簋靈應昭格神其戾止

塗山懿戚媯汭崇姻祠筵肇啓祭典方申禮

以備物樂以感神用隆敦叙載穆彝倫

家著累仁門昭積善瑤篚既列金縣式展

昭昭竹殿開奕奕蘭宮啓懿範隆丹掖殊榮

闢朱邸六佾薦徽容三簋陳芳醴萬石覃貽

厥分珪崇祖禰

名隆五岳秩映三台嚴祠已備睟影方廻

享隱太子廟樂章五首

唐雅卷十一

三

道閔鶴關運纏鳩里門集大命俾歆嘉祀禮

亞六瑚誠殫二簋有誠顯若神斯戾止

歲肇春宗乾開震長瑤山既寂戾園斯享玉

肅其事物昭其象絃誦成風笙歌合響

明典肅陳神居遽起春伯聯事秋官相禮有

來雍雍登歌濟濟緬惟主鬯庶歆芳醴

三縣已判歌鍾列六佾將開羽鉞分尚想燕

飛來蔽日終疑鶴影降凌雲

天步昔將闢商郊初欲踐撫戎金陣廓貳極

瑤圖闡雞戟遂威儀龍樓期好善弄兵震  
業啓聖隆詞典

享隱太子廟舊樂章二首

蒼震有位黃離蔽明江充禍結戾據災成街

寃昔痛贈典今榮享靈有秩奉樂以迎

皇情悼往祀議增設鍾鼓鏗鏘羽旄昭晰掌

禮云備司筵告撤樂以送神靈其鑒闕

唐雅卷第十一

唐雅卷十一

三

唐雅卷第十二

清河張之象編

社稷部

太宗祭神州樂章三首

貞觀中褚亮等作

大矣坤儀至哉神縣包含日域牢龍月竈露  
絜三清風調六變皇祇屆止式歆恭薦

泰折嚴享陰郊展敬禮以導神樂以和性  
牲在列黃琮俯映九土既平萬邦貽慶

坤道降祥和庶品靈心載德厚羣生水土既

唐雅卷十二

一

調三極泰文武畢備九區平

祭神州舊樂章二首

黃輿厚載赤寰歸德含育九區保安萬國誠  
敬無怠禋祀有則樂以迎神其儀不忒

神州陰祀洪恩廣濟草樹霑和飛沈沐惠禮  
脩鼎俎奠歆瑤幣送樂有章靈軒其逝

太宗祭太社樂章三首

貞觀中褚亮等作

后土凝德神功協契九域底平兩儀交際戊  
期應序陰墉展幣靈車少留俯歆樽桂

美報崇本嚴恭展事受露疏壇承風啓地絜

粢登俎純犧入饋介福遠流羣生畢遂

神道發生敷九稼陰極乘仁暢八埏緯武經

文隆景化登祥薦祉啓豐年

祭太社舊樂章二首

烈山有子后土有臣播種百穀濟育兆人春  
官輯禮宗伯司禋戊爲吉日迎享茲辰

吉祥式就酬功載畢親地尊天禮文經術貺

徵令序福流初日神馭爰歸祠宮其出

唐雅卷十二

二

享先農樂章四首

貞觀中褚亮等作

粒食伊始農之所先古今攸賴是曰人天耕  
斯帝籍播厥公田式崇明祀神其福焉

鑄彝既列瑚簋方薦歌工載登幣禮斯奠肅

肅享祀顒顒纓弁神之聽之福流寰縣

前夕視牲質明奉俎沐芳整弁斯儀式序盛

禮畢陳嘉樂備舉歆我懿德非馨稷黍

羽籥低昂文綴已干戚蹈厲武行初望歲祈

農神所聽延祥介福豈云虛

享先農舊樂章一首

三推禮就萬庾棋凝寅賓志遠薦茲惟興降  
歆肅薦垂祐祗膺送神有樂神其上昇

享先蠶樂章五首

明慶中作

芳春開令序韶苑暢和風惟靈申廣祐利物  
表神功綺會周天宇黼黻澡寰中庶幾承慶  
節歆奠下帷宮

明靈光至德深功掩百神祥源應節啓福緒  
逐年新萬宇承恩覆七廟佇恭禋一茲申至

唐雅卷十二

三

懇方期遠慶臻

霞莊列寶衛雲集動和聲金卮薦綺席玉幣  
委芳庭因心罄丹款先已勵蒼生所冀延明  
福於茲享至誠

桂筵開玉俎蘭圃薦瓊芳八音調鳳律三獻  
奉鸞觴絜粢申大享庭寓冀降祥神其覃有  
慶契福永無疆

仙壇禮既畢神駕儼將昇佇屬深祥啓方期  
庶績凝虔誠資宇內務本勗黎烝靈心昭備

享率土洽休徵

釋奠部

釋奠文宣王樂章五首

開元中作

開元二十七年秋八月追謚孔子爲文  
宣王先是祀先聖先師周公南向孔子  
東向坐制自今孔子南向坐被王者之  
服釋奠用宮懸贈弟子爲公侯伯  
聖道日用神機不測金石以陳絃歌載陟爰  
釋其菜匪馨于稷來顧來享是宗是極

唐雅卷十三

四

萬國以貞光上嗣三善茂德表重輪視膳寢  
門遵要道高闕崇賢引正人

粵惟上聖有縱自天傍周萬物俯應千年舊  
章允著嘉贊孔虔王化茲首儒風是宣

堂獻瑤篚庭敷璆縣禮脩其容樂和其變肅  
肅觀享雍雍執奠明禮惟馨蘋蘩可薦

隼集龜開昭聖列龍蹲鳳峙肅神儀尊儒敬  
業宏圖闡緯武經文盛德施

享孔子廟舊樂章二首



通吳表聖問老探真三千弟子五百賢人德  
齡規法萬載祠禋絜誠以祭奏樂迎神  
醴溢犧象著陳俎豆魯壁賴聞泗川如覲里  
校覃福胄延承祐雅樂清音送神具奏

賈至旌儒廟頌一首

并序

觀象考曆本乎元辨方正位稽乎極體  
元御極莫先乎教教之大莫大於儒旌  
儒有祠我唐新典也昔秦滅義軒之制廢  
唐虞之則大搜學徒竭索儒黨懷書捧

八唐雅卷三

五

檄者鱗集麇至然後罪九流之異論尤  
百氏之殊術無辜殺身有道併命冤骸  
積於坑谷流血染於泉壤蹈仁義而死  
者不可勝紀開元末天子在驪山之宮  
登集靈之臺考圖驗記周覽原隰見鄉  
名坑儒頽漸猶在慨然感亡秦之敗德  
哀先儒之道喪強死千載遊魂無依乃  
詔有司是作新廟特幣有數以時饗祀  
因祀命鄉號曰旌儒人神和悅怨氣銷

散於戲秦皇帝以神武邁古并吞六合  
掃天下以一簣芟羣雄如衆草建官罷  
侯大權在己自軒轅以降平一宇宙未  
有若斯之盛也夫戡亂以武守武以文  
文以正崇武以權勝秦皇知權之可以  
取不知正之可以守嚮使天下既定守  
正崇儒導六經之謨訓用三代之文質  
則唐軒盛美湯武弘業不若也觀夫坑  
儒焚書之意乃欲蓋先王之能事竊作

八唐雅卷三

六

者之鴻名難衆耳以前聞逞私欲於當  
代此儒之所忌也秦之所志悲夫儒以  
恭儉爲宗秦則疲弊生人極力官室儒  
以道德柔遠秦則竭耗中國勞師四夷  
儒以宥過議賢秦則刻法峭刑賊虐諫  
輔儒以述先好古秦則師心徇志播棄  
典墳夫如是則秦不得不滅儒不得不  
坑事使然也今天子矯覆車之前軌崇  
明祀於後葉秦之所廢我之所興斯區

夏無疆之休子孫萬代之福也昔武王  
封比干之墓則招諫之道勸矣晉文表  
絳上之田則志過之名立矣漢高護信  
陵之冢則尊義之風著矣未若激揚大  
教廟食衆賢上以興天地之經次以存  
顛覆之鑒下以絕厲災之青建一祀而  
三德具焉鯁臣不敏敢獻頌曰

於維先王設教崇儒作訓六經爲代典謨降  
及夫子三千其徒載揚清風文在茲乎天喪

唐雅卷三

七

斯文道有通塞寔生暴秦反道背德竊善攘  
譽師心徇惑焚書坑儒萬古悽惻牢落千祀  
微茫九原驪山之北坎窞猶存草樹無顏秋  
雲晝昏時聞夜哭知有冤魂帝在華清登高  
訪古愍然頽墜悲涼榛莽上感亡秦覆車遺  
武下哀羣哲饗祀無主爰降嘉詔聿脩清祠  
饋之牲牢奠醑以時幽幽廟門肅肅靈儀冥  
漠有食長無餒而粵自漢初迄于隋閏亦有  
令主尊儒尚訓闕典罔崇斯文莫振昭昭神

理長懷幽憤我后濬哲聰明文思敷弘大教  
咸秩神祇鬼無妖災人不厲疵俾爾蒼生富  
壽無期小臣作頌敢繼刪詩

釋奠武成王樂章五首

卜畋不從兆發非熊乃傾荒政爰佐一戎盛  
烈載垂命祀維崇日練上戊宿嚴闕宮迎奏  
嘉至感而遂通

管磬升韞薌集上公進嘉幣執信以通優如  
及恢帝功錫后邑四維張百度立綿億載邈

唐雅卷三

八

難挹

五齊絜九牢碩椀糜循壘竿條進具物揚鴻  
績和奏發高靈寂虔告終繁祉錫昭秩祀永  
無易

貳觴以獻三變其終顧此非馨尚達斯衷茅  
縮可致神歆載融始神翊周拯溺除凶時維  
降祐永絕興戎

明祀方終備樂斯闋黜纁就瘞豆遵告撤盼  
樂尚餘光景云滅返歸虛極神心則悅

巡狩部

太宗幸武功慶善宮賦一首

慶善宮太宗皇帝生時故宅也貞觀六年九月己酉帝幸于此因與貴臣宴賦詩起居郎呂才請平宮商被之管絃命曰功成慶善樂使童子八佾爲九功之舞大宴會與破陣舞偕奏於庭

壽丘唯舊跡豐邑乃前基粵予承累聖縣弧亦在茲弱齡逢運改提劍鬱匡時指麾八荒

唐雅卷三

九

定懷柔萬國夷梯山盛入款駕海亦來思單于陪武帳日逐衛文螭端宸朝四岳無爲任百司霜節明秋景輕冰結水湄芸黃遍原隰禾穎積京坻共樂還鄉宴歡此大風詩

太宗重幸武功一首

貞觀十六年十一月丙辰

代馬依朔吹驚禽愁昔叢况茲承睿德懷舊感深衷積善忻餘慶暢武閱神功垂衣天下治端拱車書同白水巡前跡丹陵幸舊宮列筵權故老高宴聚新豐駐蹕撫田畯迴輿訪

牧童瑞氣縈丹闕祥烟散碧空孤嶼含霜白遙山帶日紅於焉歡擊筑聊以詠南風

太宗於北平作一首

翠野駐戎軒虞龍轉征旆遙山麗如綺長流縈似帶海氣百重樓巖松三尺大茲焉可遊賞何必襄城外

虞世南奉和至壽春應令一首

瑤山盛風樂南巡務逸遊如何事巡撫人瘼諒斯求文鶴揚輕蓋蒼龍飾桂舟汎沫縈沙

唐雅卷三

十

嶼寒漸擁急流路指八仙館途經百尺樓眷言昔遊踐迴駕且淹留後車喧鳳吹前旌映綵旒龍驂駐六馬飛閣上三休調諧金石奏歡洽羽觴浮天文徒可仰何以廁琳球

虞世南奉和幸江都應詔一首

南國行周化稽山秘夏圖百王登殊軌千載叶前謨肆覲遵時豫順動悅來蘇安流泛玉軸戒道翼金吾龍旗煥辰象鳳吹溢川塗封唐昔敷錫分陝被荆吳沐道咸知讓遵儀允

美都久律初飛管陽鴈正銜蘆嚴飈肅林薄  
暖景淡江湖鴻思浹幽遠厚澤潤凋枯虞琴  
起歌詠漢筑動巴渝多幸沾行葦無庸類散  
樗

玄宗幸蜀西至劍門一首

劍閣橫雲峻鑿輿出狩回翠屏千仞合丹嶂  
五丁開灌木紫旗轉仙雲拂馬來乘時方在  
德嗟爾勒銘才

玄宗幸鳳湯泉一首

開元三年  
十月甲子

唐雅卷十二

十二

鳳湯泉在太白山下唐名溫泉可愈百

病世相傳清則疾愈濁則無驗

西狩觀周俗南山歷漢宮薦鮮知路近省歛  
覺年豐陰谷含神爨湯泉養聖功益齡先井  
合愈疾醴源通不重鳴岐鳳誰矜陳寶雄願  
將無限澤沾沐衆心同

張說奉和聖製幸鳳湯泉應制一首

周狩因岐禮秦都辨雍名獻禽天子孝存老  
望皇情溫潤宜冬幸游畋樂歲成湯雲出水

殿暖氣入山營坎意無私結乾心稱物平帝  
歌流樂府溪谷也增榮

玄宗途次陝州一首

境出三秦外途分二陝中山川入虞虢風俗  
限西東樹古棠陰在耕餘讓畔空鳴笳從此  
去行見洛陽宮

張說奉和聖製途次陝州應制一首

周召嘗分陝詩書空復傳何知萬乘睠追賞  
二南篇郡帶洪河側宮臨大道邊洛城將日

唐雅卷十二

十二

近佳氣滿山川

張九齡奉和聖製初出洛城一首

東土淹龍駕西人望翠華山川非徇物宮觀  
豈爲家十月迴星斗千官捧日車洛陽無怨  
思巡幸更非賒

盧照鄰上之回一首

回中道路險蕭關烽候多五營屯石地萬乘  
出西河單于拜玉璽天子按雕戈振旅汾川  
曲秋風橫大歌

沈佺期上之回一首

制書下關右天子問回中壇埤經過遠威儀  
侍從雄黃麾搖晝日青憶曳松風迴望甘泉  
道龍山隱漢宮

宋璟蒲津迎駕一首

回鑾下蒲阪飛旆指秦京洛上黃雲送關中  
紫氣迎霞朝看馬色月曉聽鷄鳴防拒連山  
險長橋壓水平省方知化洽察俗覺時清天  
下長無事空餘襟帶名

唐雅卷三

三

宋之問駕出長安一首

聖德超千古皇風扇九圍天迴萬象出駕動  
六龍飛淑氣來黃道祥雲覆紫微太平多扈  
從文物有光輝

沈佺期獄中聞駕幸長安二首

傳聞聖旨向秦京誰念羈囚滯洛城扈從由  
來是方朔爲伸冤氣在長平  
無事今朝來下獄誰期十月是橫河君看鷹  
隼堪擊爲報蜘蛛收網羅

王昌齡駕幸河東一首

晉水千廬合汾橋萬國從開唐天業盛入沛  
聖恩濃下輦迴三象題碑任六龍睿明懸日  
月千載此時逢

盧象駕幸溫泉一首

傳聞聖主幸新豐清蹕鳴鑾出禁中細草終  
朝隨步輦垂楊幾處繞行宮千官扈從驪山  
北萬國來朝渭水東此日小臣徒獻賦漢家  
誰復重楊雄

唐雅卷三

四

李白上皇西巡南京歌十首

胡塵輕拂建章臺聖主西巡蜀道來劍壁門  
高九千丈石爲樓閣九天開  
九天開出一成都萬戶千門入畫圖草樹雲  
山如錦繡秦川得及此間無  
華陽春樹似新豐行入新都若舊宮柳色未  
饒秦地綠花光不減上林紅  
誰道君家行路難六龍西幸萬人歡地轉錦  
江成渭水天迴玉壘作長安



萬國同風共一時錦江何謝曲江池石鏡更  
明天上月後宮親得照娥眉

濯錦清江萬里流雲帆龍舸下揚州北地爭  
誇上林苑南京還有散花樓

錦衣東流繞錦城星樓北挂象天星四海此  
中朝聖主峨眉山上列仙庭

秦開蜀道置金牛漢水元通星漢流天子一  
行遺聖跡錦城長作帝王州

水綠天清不染塵風光和暖勝三秦萬國烟

唐雅卷十二

五

花隨玉輦西來添得錦江春

劍閣重關蜀北門上皇歸馬若雲屯少帝長  
安開紫極雙懸日月照乾坤

唐雅卷第十二

唐雅第六冊目錄

卷之十三

封禪部

張說大唐封禪頌一首

蘇頌大唐封東嶽朝覲頌一首

并序

玄宗封泰山祀天樂章十四首

并序

玄宗禪社首山祭地祇樂章八首

元開

十三年賀

知章作

李義府在雋州遙敘封禪一首

唐雅第六冊目錄

張諤東封山下宴群臣一首

杜甫封西嶽賦一首

并序

明堂部

褚亮作明堂樂章二首

季秋享上帝於明堂一首

崔曙奉試明堂火珠一首

劉允濟萬象明堂賦一首

李白明堂賦一首

并序

卷之十四

朝會部

虞世南凌晨早朝一首

沈佺期和崔正諫秋日早朝一首

上官儀凌晨入朝一首

張文琮同藩屯田冬日早朝一首

韋元旦早朝一首

沈佺期徐彥伯鄭愔同韋舍人早朝

共三首

王岳靈聞漏一首

唐雅第卅目錄

二

王維早朝二首

王維春日直門下省早朝一首

岑參和祠部王員外雪後早朝卽事

一首

賈至早朝大明宮呈兩省僚友一首

岑參王維杜甫奉和中書賈至舍人

早朝大明宮之作共三首

杜甫宣政殿退朝晚出左掖一首

杜甫紫宸殿退朝口號一首

扈從部

虞世南追從鑾輿夕頗戲下應令一

首

盧照隣贈許左丞從駕萬年宮一首

張說扈從南出雀鼠谷一首

玄宗答張說扈從南出雀鼠谷一首

席豫裴光庭張九齡宋璟梁昇卿蘇

頊王丘趙冬曦袁暉崔翹奉和聖

製答張說扈從南出雀鼠谷共十

唐雅第卅目錄

三

首

杜審言沈佺期扈從出長安應制共

二首

沈佺期辛丑歲十月上幸長安時扈

從出西嶽一首

沈佺期初冬從幸漢故青門應制

見懷

古

宋之間扈從登封告成頌應制一首

宋之間扈從登封告成頌一首

宋之問扈從登封途中一首

蘇頲扈從鄆杜間奉呈刑部尚書舅

崔黃門馬常侍一首

祖詠扈從御宿池一首

王維和僕射晉公扈從溫湯一首

蘇頲扈從溫泉同紫微黃門群公泛

渭川得齊字一首

張九齡蘇頲扈從溫泉奉和姚令公

喜雪共二首

見天文部

唐雅第六冊目錄

四

張說扈從溫泉官獻詩一首

蔡希周奉和扈從溫泉官承恩賜浴

一首

徐安貞李白侍從遊溫泉官共二首

李白溫泉侍從歸逢故人一首

李白侍從宜春苑奉詔賦聽新鶯百

轉歌一首

見鳥獸部

李嶠扈從還洛呈侍從群官一首

李嶠和周記室從駕曉發合璧宮一

首

蕭華侍從迴鑾應制一首

唐雅第六冊目錄

唐雅第六冊目錄

五

唐雅卷第十三

清河張之象編

封禪部

張說大唐封禪頌一首

皇唐六葉開元神武皇帝再受命致太平乃  
封岱宗禪社首鑿石紀號天文煥發儒臣志  
美立碣祠壇曰厥初生人俶有君臣其道茫  
昧其風朴略因時而歛起與運而紛落泯泯  
沒沒無聞焉爾後代聖人取法象立名位衣

唐雅卷十三

一

裳以等之甲兵以垣之於是禮樂出而書記  
存矣反其源致敬乎天地報其本致美乎鬼  
神則封禪者帝王受天命告成功之爲也閱  
曩聖之典訓考列辟之通術疇若天而不成  
曷背道而靡失由此推之封禪之義有三帝  
王之略有七七者何傳不云道德仁義禮智  
信乎順之稱聖哲逆之號狂悖三者一位當  
五行圖錄之序二時會四海昇平之運三德  
具欽明文思之美是謂與天合符名不死矣

有一不足而云封禪人目未許其如天何言  
舊史者君莫道於陶唐虞舜臣莫德於臯陶  
稷尚三臣降德皆有天下仲尼敘帝王之書  
繫周秦之誓明魯祀周公用王禮秦承伯益  
接周統孔聖微旨不其效歟然秦定天下之  
功高享天祿之日淺天而未忘庭堅之德也  
故大命復集于皇家天之贊唐不惟舊哉其  
興之也玄靈啓迪黃祇顧懷應歸運以義舉  
撫來蘇以利見獲也無放夏之慚武也無伐

唐雅卷十三

二

殷之戰高祖創業四宗重光德有格天漏泉  
蒸雲濡露菌蠢滋育氤氲涵煦若天地之覆  
載日月之照臨溥有形而歸景罄無外而宅  
心百有八年于茲矣皇帝攘內難而啓新命  
戴睿宗而續舊服宇宙更闢朝廷始位蓋義  
軒氏之造皇圖也九族敦序百姓昭明萬邦  
咸和黎人於變立土圭以步曆建銅渾以正  
天蓋唐虞氏之張帝道也天地四時六官著  
禮井田三壤五圻成賦廣九廟以尊祖定六

律以和神蓋三代之設王制也武緯之文經之聖慕之神化之然猶戰戰兢兢日慎一日納規誨以進德遂忠良以代工講習乎無爲之書討論乎集賢之殿寵勇爵貴經明翼乎鸞鷟之列在庭毅乎貔豹之師居鄙人和旁感神寶胥至乾符坤珍千品萬類超圖溢牒未始聞記我后以人瑞爲心不以物瑞爲意王公卿士儼然進曰休哉陛下孝至于天政合乎道前年祈后土人獲大穰間歲禩圓丘

唐雅卷三

三

日不奄朔感祥以祈聖因事以觀天天文交合其則不遠意者喬丘埽路望翠華之來上帝儲恩俟蒼璧之禮久矣焉可專讓而廢舊勛羣臣固請勸帝知罪至于再至于三帝乃挹之曰欽崇天道俯率嘉謀恐德不類敢憚于勤其撰巡狩之儀求封禪之故旣而禮官不戒而備軍政不謀而輯大姥練日雨師灑道六甲按隊八陣警蹕孟冬仲旬乘輿乃出千旗雲引萬戟林行霍溲燐爛飛焰揚精原

野爲之震動草木爲之風生歷郡縣省諺俗問百年舉百禩興隆典葺闕政攸徂之人室家相慶萬方縱觀千里如堵城邑連歡丘陵聚舞其中垂白之老樂過以泣不圖蒿里之魂復見乾封之事堯雲往舜日還神華靈鬱爛慢乎穹壤之間是月來至于岱祇祓齋宮滌濯靜室凝神玄覽將款太一議夫泰山者聖帝受天官之宮天孫總神靈之府自昔立國莫知萬數克升中而建號惟七十而有五

唐雅卷三

四

我高宗六之而今七矣非夫尊位盛時明德曠代遼濶難并之甚哉先時將臻夫大封也累封疆於高岡築泰壇於陽趾夫其天壇三襲辰陛十二咸秩衆靈列坐有次崇牙樹羽管磬鏞鼓宮懸於重墻之內千戚釵及鈎戟幾獸周位於四門之外伐國重器傳代絕瑞旅之於中庭玉輦金轂翠冒黃屋夾之於端路庶官百辟羌夷蠻貊褒成之後讓王之客序立於禮神之塲髦頭弩牙鐵馬金鏃介冑



如雲旗幟如火蓮圖匝清禁之野於是乎以  
天正上元法駕徐進屯千乘於平路留羣臣  
於谷口皇帝御六龍陟萬仞獨與一二元老  
執事之人出天門臨日觀次沆瀣宿曉曦赤  
霄可接白雲在下庚寅禋高祖於上封以配  
上帝命衆官於下位以享衆神皇帝冕裘登  
壇奠獻俯僂叶金奏佾羽舞撞黃鍾歌大呂  
開閭闔與天語請將信公奉斗布度懋建皇  
極勤恤蒼生昭嘏乎未兆禳災乎未萌上下

八唐雅卷三

五

傳節而禮成樂遍福壽同歸而帝賜神策乃  
檢玉牒於中頂揚柴燎於高天庶忠誠之上  
達若憑焰而駕煙日繼方旋神心餘眷五色  
雲起拂馬以隨人萬歲山呼從天而至地越  
翌日尋齋宗侑地祇而禮社首遂張大樂觀  
東后國風惟舊無黜幽削爵之誅王澤惟新  
有肯災大賚之慶不浹日至化洽於人心不  
崇朝景福遍於天下然後藏金匱於石室迴  
玉鸞於上都煌煌乎真聖朝之能事而高代

之盛節者也于斯之時華戎殊俗異音同歎  
曰兵合多雨山峻多雲豈有大舉百萬之師  
剋期千里之外及行事之日則天無點翳地  
無纖塵嚴冬變爲韶景寒風鬱爲和氣非至  
德其孰能動天如此其順者乎昔人云自西  
自東自南自北無思不服今信知聖人作而  
萬物覩其心服之之謂矣或曰祭泰折主先  
后非禮歟曰是禮也非宜也王者父事天母  
事地侑神崇孝無嫌可也且夫柴瘞外事帝

八唐雅卷三

六

王主之蒸嘗內事后妃助之是開元正人倫  
革弊禮起百王之法也故令千載睹末光聆  
絕韻咀甘實漱芳潤燦玄妙之至精流不已  
之淑聲臣說作頌告于神明四皇墳而六帝  
典雖吉甫亦莫能名徒採彼輿人之詩曰大  
矣哉維天爲大惟皇則之率我萬國受天之  
祺子孫百代人神共保綏之云爾而已矣

蘇頌大唐封東岳朝覲頌一首并序  
封禪之山五在中國泰岳首之昊穹之

命再集巨唐皇帝受之臨位十四年考  
虞氏歲巡之義諷周王時邁之什十月  
辛酉步自有洛十一月丙戌帳殿齋於  
岳趾淵默以清繹思而照將紀功布度  
順斗承天精享也已丑宏觀軼區宇盛  
儀振開闢高臨建鳳萬隊張皇以燭山  
上御飛龍百神翕習以扶道國台二藩  
后四髦士密侍信臣高位扈封臺列升  
陛不下五十以聖言冲邈瑤牒寶書誓

唐雅卷三

十一

之旨曰朕獲守丕業恐不克駿命惟上  
帝儲休錫蒼生無疆之慶朕之慶也古  
則秘之何哉屬寒馳迅颺露清終夕若  
掃若鋤晏然而已庚寅天官次籙王制  
協時嚴高祖以配之嗣高宗以陟之冕  
裘立珪璧序潔疊俎調鍾呂倨勾於簏  
簾戛擊乎祝敵寶駢瑞兮物焜煌空薄  
霄兮音容與則纖塵不動和氣充塞日  
在於觀天爲之門揚日大光謂小天下

昭以抱戴見之卿霽郁郁紛紛喜氣烟  
煴當芝檢引紫熏太紫洞而三辰接鬱  
蒼搖而萬歲聞自下達上後吾君君之  
來兮望如雲雲之睟兮聖之門至于辛  
卯有事于社首以泰折如泰壇於穆我  
睿宗侑而作主奠獻嗚咽天子之孝也  
僉以金匱歸勛於祖禰石礪藏美於乾  
坤戒咸秩則司存癸巳載大旂令大樂  
三陔嶠以惟抗四亞鏘而輅止朝羣牧

唐雅卷三

八

揆千官底邦賦數庭實華蟲辨等車馬  
來觀周人隋人二王之賔戎狄蠻貊萬  
里重譯必拱必著執贄奉璋顙顙昂昂  
靡敢怠遑乃建雞竿伐鼙鼓帝命出皇  
恩溥揚弭風作解雨施舍之蕩滌之宥  
法罪除頗類瀕湧洋溢周流黜黜不崇  
朝而遍者與此山俱疇翳而不拔胡微  
而不鋪也亦既稱壽申命宗伯咨爾頌  
焉效古之刻石臣類稽首再拜而曰

臣聞昔在帝堯臣惟咎繇聰明之謂聖邁種之謂德天若曰依于居易姓者李王於中華崇功者唐聖之澤德之浸也我唐祚之興昌符誕膺兩儀動六葉承皇帝宣高祖四宗之景烈肇開元神武之明號廣矣大矣莫有不寧罔有不俾咸一德之輔不二心之臣羣后抗詞曰臣聞先王因天事天因地事地因名山升中于天陛下得天之經得地之義得人之行行也者孝莫大焉兼三才以爲政政

唐雅卷三

九

也者仁莫大焉含萬物以爲性今三才貞萬物亨六典平九功成官不滔獄不放至于刑清良有以也因斯而談清明在躬志氣如神之睿者君也四國于藩四方于宣之美者臣也有物有則我君臣係乂之原所由於前設其教於後爾往歲邦危中否天討內難陛下提三尺之劔扛閭闔絕勾陳趨北軍正北辰然後翼翼乾乾尊尊親親立我蒸人聖孝所以付天下之公器蹈汾陽之清塵唐雖舊邦

其命惟新古者振兵釋旅祠土祈穀先事也我是以幸太原祭汾睢耀金甲肅邊鄙虜馬讐而不敢南向解嚴京師獲寶鼎獻宗廟戍人歸而盡務東作報福京坻於是乎爰佐五時郊天以奉時爰崇九室祫祖而敬思昭格遲遲神人允釐無何藉三春盛六穗不召斯至擁休之類如山則委曷月而秘豈非享物降嘉司火也立渾同度在瞻也陛下姑謂之薄臣所未諭且管氏詫齊帝王凡八十九湮

唐雅卷三

十

淪鬱沒孰若致美我高宗勒岱甲子正六十盼嚮歲蕤故能應期我神武惟繼代奉業增高保鴻缺乎中何也卽先后以權斲阻于運二宗紹復未遑厥功神閭之契不在諸子而當聖躬固不可辭者審矣帝曰俞畏德之不稱而左輔右弼雜摺紳鴻碩之倫抱藹懷書蒸雲吐霧方集賢內殿講議前席以論之傳不云乎君子勤禮敬之至也易不云乎先王作樂豫以動也慎矣哉禮樂之爲用故執禮

者具刪弊則質宜之自我變樂者理去商何  
害謙以爲臣二者洽而三讓之制曰可始嚴  
鹵簿騰七萃啓禁關迴九重以聽乎鸞聲之  
雍雍匪疾匪徐物有其容動植讚華夷觀駢  
闐總搏羨漫半散出成臯踰滎波馮滑臺毗  
洪河遂竝昆吾之墟徜徉乎大舜之澤瀕四  
瀆二濟入于兗徑九一三齊喬於岱推二旬  
有六而頓行在莫不皤皤華皎如藿陰陽或  
牽以餽或捧之觴偃僂乎康莊一以伸神武

唐雅卷三

二

之今日一以感乾封之舊章廼餽歸之觴舉  
之慈且惠而與之驩沸渭頡頏矧國鄒魯家  
洙泗乘汶野而圖記可知指泮林而頌聲不  
墜以周公之故將孔子之後翹然希王者之  
屬車聖人之清蹕則久及信宿之應巖巖所  
瞻宗神曰天齊王加一等於三事戶二十供  
王禩環十里禁人樵牧也大禋旅之數重裊  
成之祿撫遺眚賜之復帝曰吁夫艱難繫王  
業休咎牽人事況天監之殊祥也殊典也不

自滿而虔輦于位朕寶臣曰乾曜洎說有初  
有終時乃風欽哉汝作朕左右丞相繫汝忠  
益以嘉猷補袞之闕罔或怠遂弘天封煥天  
章篆介丘而旋德陽大饗乎羣方程後代美  
其律聲其實墳作四而籍言七也臣頌不敏  
繼伯夷之直清微太史之留滯聆金奏同百  
獸之舞振木鐸採萬人之詩敢陳詩以頌曰  
天子聖兮天孫崇登以封兮報以功受命再  
惟皇代天之賚人所載工馬山嶧戈矛山沓

唐雅卷三

三

禎符山雜靈響山答天與人合我鋪衍兮長  
粹清太元冊兮太一精休光光我之慶成舜  
四朝而禹萬國莫之我京

玄宗封太山祀天樂章十四首

開元十三年王公百官上表請曰臣說  
等言臣聞聖人者與天地合德故珍符  
休命不可得而辭鴻名盛典不可得而  
讓陛下功格上天澤流厚載三五之盛  
莫能比崇登封告成理協幽贊故符瑞

必臻天意也書軌大同人事也叔梁纥  
登和平也刑罰不用至理也今陛下稽  
天意以固辭違人事以久讓是和平而  
不崇昭報至理而闕薦祖宗億地之情  
猶知不可況上帝臨照祖宗顧提其可  
止乎願納不勝懇禱敢昧死請上曰朕  
眇身欽承丕業十餘載矣夙夜兢惕常  
以至道未暢元元未安上累先聖之心  
下受萬方之責何敢議封禪躡岱宗乎

大唐雅卷三

三

今羣官所奏靈符歲稔戎狄向風蓋上  
天降休宗廟垂福豈朕薄德冒以當之  
然天休不敢不答廟祐不敢不報王公  
衆望不可固違將以蒙福謝誠非以成  
功類帝輒用忘忌祗遂羣心十一月車  
駕發東都百官四夷從行有司輦載供  
具數百里不絕上備法駕至山足御馬  
登山與宰相及祠官俱登問禮部侍郎  
賀知章曰前代玉牒之文何故秘之對

曰或密求神仙故不欲人見上曰吾爲  
蒼生祈福耳乃出玉牒宣示羣臣於是  
親祀上帝於山上羣臣祀五帝百神於  
山下明日祭皇地祇於社首又明日御  
帳殿受朝覲赦天下封泰山神爲天齊  
王○明皇封泰山迴過金橋御路縈轉  
一望旌纛綿數十里上曰張說言我勒  
兵三十萬旌旗亘五百里陝右上黨至  
于太原見后土碑真才子也召吳道子章無

大唐雅卷三

四

忝陳閣同製金橋圖

挹泰壇柴泰清受天命報天成竦皇心薦樂  
聲志上達歌下迎

億上帝臨下庭騎日月陪列星嘉視信大禧  
馨澹神心醉皇靈

相百辟貢八荒九歌敘萬舞翔肅振振鏗皇  
皇帝欣欣福穰穰

高在上道光明物資始德難名承眷命牧蒼  
生寰宇謐太階平



天道無親至誠與鄰山川遍禮宮徵惟新玉

帛非盛聰明會真正斯一德通乎百神

饗帝饗親維孝維聖緝熙懿德敷揚成命華

夷志同笙鏞禮盛明靈降止感此誠敬

孝敬中發和容外彰騰華照寓如昇太陽貞

璧就奠玄靈垂光禮樂具舉濟濟洋洋

真祖配天承天享帝百靈咸秩四海來祭植

我蒼璧布我玄製華日徘徊神烟容裔

俎豆有馥粢盛絜豐亦有和羹既戒既平鍾

唐雅卷三

五

鼓管磬蕭唱和鳴皇皇后祖賚我思成

丞丞我后享獻惟夤躬酌鬱鬱跪奠明神孝

莫孝乎配上帝親敬莫敬乎教天下臣

皇祖嚴配配享皇天皇皇降嘏天子萬年

六鍾翕協六變成八佾倘佯八風生樂九叙

兮人神感美七德兮天地清

烈祖順三靈文宗威四海黃鉞誅羣盜朱旗

掃多罪戢兵天下安約法人心改大哉千羽

意長見風雲在

樂已終煙燎上懷靈惠結皇想歸風疾迴風  
爽百神來衆神往

玄宗禪社首山祭地祇樂章八首

元開

十三年賀  
知章作

至哉含柔德萬物資以生常順稱厚載流謙  
通變盈聖心事能察增廣陳厥誠黃祇優如  
在泰折俟咸亨

肅我成命於昭黃祇裴冕而祀陟降在斯五  
音克備八音聿施緝熙肆靖厥心匪離

唐雅卷三

六

黃祇是祇我其夙夜夤畏誠絜匪皇寧舍禮  
以琮玉薦厥茅藉念茲降康胡寧克假

夙夜宥密不敢寧宴五齊既陳八音在縣粢

盛以絜房俎斯薦惟德惟馨尚茲克徧

惟以明發有懷載殷樂盈而反禮順其裡立

清以獻薦欲是親於穆不已裒對斯臻

穆穆天子告成岱宗大裘如濡執珽有顙樂

以平志禮以和容上帝臨我云胡肅邕

昭昭有唐天俾萬國列祖應命四宗順則申

錫無疆宗我同德曾孫繼緒享神配極  
靈具醉杳熙熙靈將往眇惻惻顧明德吐正  
辭爛遺光流楨棋

李義府在雋州遙敘封禪一首

龍朔三年春正月李義府爲右相兼知  
選事恃勢賣官怨讎行路上從容戒之  
義府勃然變色曰誰告陛下緩步而去  
上不悅義府又與術者微服出城侯望  
氣色或告義府陰有異圖鞠之有實夏

唐雅卷三

七

四月詔除名流雋州朝野稱慶乾封元  
年春正月朔祀昊天上帝于泰山南明  
日登泰山封玉牒藏之石碣又明日降  
禪于社首祭皇地祇上初獻畢執事者  
皆趨下宦者執帷皇后升壇亞獻帷帟  
皆以錦繡爲之赦天下改元文武官賜  
爵加階有差時義府在雋州聞之賦此  
寄怨

天齊標巨鎮日觀啓崇祠  
峩臨渤澥隱嶙

控河湄遐迴分吳乘凌高屬漢祠建岳誠爲  
長升功諒在茲帝猷符廣運玄範暢文思飛  
聲總地絡載化撫乾維瑞策開珍鳳禎圖薦  
寶龜創封超昔夏俯禪掩前姬東后方肆覲  
西都道六師反駕移星苑揚罕馭風司沸鼓  
喧平陸疑蹕靜通遼汶陽馳月羽蒙陰警電  
輜崑花飄曙輦峯葉蕩春旗石閭環藻衛金  
壇映黼帷仙階溢柜黍靈檢耀祥芝三始貽  
遐荒萬歲壽重釐非質陶恩獎超迹奉軒墀

唐雅卷三

六

觸網淪幽裔乘微限明時周南昔已嘆邛西  
今復悲

張諤東封山下宴羣臣一首

萬里扈封鑾輦公遇此歡慢城連夜靜霜仗  
滿空寒輦路宵烟合旌門曉月殘明朝陪聖  
主山下禮圓壇

杜甫封西嶽賦一首

并序

上旣封泰山之后三十年間車轍馬跡  
于太原還于長安時或謁太廟祭南郊

每歲孟冬巡幸溫泉而已聖主以爲王者之體告厥成功止於岱宗可矣故不肯到崆峒訪具茨驅八駿於崑崙親射蛟於江水始爲天子之能事壯觀焉爾況行在供給蕭然煩費或至作歌有慙於從官誅求坐殺於長吏甚非主上執玄祖醇醲之道端拱御蒼生之意大哉聖哲垂萬代則蓋上古之君皆用此也然臣甫愚竊以古者疆場有常處賡見

唐雅卷三

九

有常儀則備乎玉帛而財不匱乏矣動乎車輿而人不愁痛矣雖東岱五嶽之長足以勒崇垂鴻與山石無極伊太華最爲難上至於封禪之事獨軒轅氏得之夫七十二君罕能兼之矣其餘或蹶踣風雲碑版祠廟終么麼不足追數今聖主功格軒轅氏業纂七十君風雨所及日月所照莫不砥礪華近甸也其可憑乎比歲鴻生巨儒之徒誦古史引時

義云國家上德與黃帝合主上本命與金天合而守闕者亦百數天子寢不報蓋謙如也頃或詔厥郡國掃除曾巔雖翠蓋可薄乎蒼穹而銀字未藏於金氣臣甫誠薄劣不勝區區吟咏之極故作封西嶽賦以勸賦之義預述上將展禮焚柴者實覲聖意因有感動焉爲其詞

曰

惟時孟冬百工乃休上將陟西嶽覽八荒御

唐雅卷三

十

白帝之都見金天之王旣刊石乎岱宗又合符乎軒皇茲事體大越不可載已先是禮官草具其儀各有典司俯叶吉日欽若神祇而千乘萬騎已螭略伯儼屈嶠陸離唯君所之然後拭翠鳳之駕開日月之旗撞鳴鼓發雷輜辨格澤之修竿決河漢之淋漓殲天狼之威弧墜魍魎之霏霏赤松前驅彭祖後馳方明夾轂昌寓侍衣山靈秉鉞而踉蹌海若護蹕而參差風馭再以縱轡雲螭縈而遲覬地

軸軋軋殷以下折原隰草木儼而東飛岐梁  
閃倏涇渭反覆而天府載寓侯之玉尚方具  
左燾黃屋已煌煌於山足矣乘輿尚鳴鸞輿  
儲精澹慮華蓋之大角低回北斗之七星皆  
去屆蒼山而信宿屯絕壁之清曙旣臻夫陰  
宮犀象肆兀戈鋌悉宰飄飄蕭蕭洵洵如也  
於是太一抱式玄冥司直天子迺宿祓齋就  
登陟駢素虬超崩天語祕而不可知代欲  
聞而不可得柴燎上達神光充塞泥金乎藹

唐雅卷三

三

藹之南刻石乎青冥之北上意由是茫然延  
降天老與之相識問太微之所居稽上帝之  
遺則颯弭節以徘徊撫八紘而默黑忽風翻  
而景倒澹殊狀而異色罔若褰祛開帷下  
辨宸極者久之雲氣翳以迴複山呼業而未  
息祀事孔明有嚴有翼神保是格時萬時億  
爾乃駐飛龍之秋秋詔王屬以中休觀羣后  
於高掌之下張大樂於洪河之洲芬紉羽林  
莽不可收千人舞萬人謳麒麟跋跋而在郊

鳳皇蔚跋而來遊雷公伐鼓而揮汗地祇被  
震而悲愁樂師拊石而具發激越乎遐陬羣  
山爲之相嶮萬穴爲之倒流又不可得載已  
久而景移樂闋上悠然垂思曰嗟乎余昔歲  
封泰山禪梁父以爲王者成功已纂終古嘗  
鑒前史至於周穆漢武豫遊寥闊亦所不取  
爲此西嶽作鎮三輔非無意乎頃者猶恐百  
姓不足人所疾苦未暇瘞斯玉帛考乃鍾鼓  
是以視獄於諸侯錫神以茅土豈唯壯設險

唐雅卷三

三

於甸服報西成之農扈亦所以感一念之精  
靈答應時之風雨者矣今茲氛宰庶尹醇儒  
碩生僉曰黃帝顓頊乘龍遊乎四海發軔匪  
乎六合竹帛有云得非古之聖君而泰華最  
爲難上故封禪之事鬱沒罕聞以余在位發  
祥隤祉者焉可勝紀而不得已遂建翠華之  
旗用塞雲臺之議矧乎殊方奔走萬國皆至  
玄元從助清廟獻欬也臣甫舞手蹈足曰大  
哉燦乎貞天子之表奉天爲子者已不然何

數千萬載獨繼軒轅氏之美彼七十二君又  
疇能臻此益知明主聖罔不克正功罔不克  
成放百靈歸華清

明堂部

褚亮作明堂樂章二首

象天御宇乘時布政嚴配申虔宗禋展敬鐔  
壘盈列樹羽交映玉幣通誠祚隆皇聖  
八牖晨披五精朝奠霧凝璇籓風泊金縣神  
滌備全明粢豐衍載結彝俎陳誠以薦

唐雅卷三

三

季秋享上帝於明堂一首

御展合宮承寶曆席圖重館奉明靈偃武修  
文九圍奉沈烽靜析八荒寧

崔曙奉試明堂火珠一首

曙登進士時奉試此詩續帖曰夜來雙  
月滿曙後一星孤當時傳誦以爲警句  
及來年曙卒惟一女名星星人始悟其  
自識也

正位開重屋凌空出火珠夜來雙月滿曙後

一星孤天淨光難滅雲生望欲無遙知太平  
代國寶在名都

劉允濟萬象明堂賦一首

初太宗高宗之世屢欲立明堂諸儒議  
其制度不決而止垂拱四年太后獨與  
北門學士議其制諸儒以爲明堂當在  
國陽丙巳之地三里之外七里之內太  
后以爲遠正月庚午毀乾元殿以其地  
爲之以僧懷義爲之使凡役數萬人明

唐雅卷三

三

堂高二百九十四尺方二百尺凡三層  
下層法四時各隨方色中層法十二辰  
上爲圓蓋九龍擎之上層法二十四氣  
亦爲圓蓋上施鐵鳳高一丈飾以黃金  
十二月辛亥改明堂爲萬象神宮永昌  
元年正月乙卯太后太享于萬象神宮  
太后服袞冕搢大珪執鎮珪爲初獻皇  
帝爲亞獻太子爲終獻周國先王亦與  
享焉禮畢御門大赦布政于明堂頒九



條以訓百官

睿哲惟唐受天之明究皇王之鴻休包宇宙之純精恢天祿以作乂攄元命之振英鼓點雷以播氣運蒼昊而時成括閭陽與泰階襲三聖以光亨禮樂交通典謨洋溢天以洛視而龜書至地以河觀而龍圖出擁神休尊明號激清流揚茂實將大報於玄天享神祇以稱秩願卑宮而自處惟禋宗而自恤思致美於總章覽姬訾而法營室訪夏后之軌儀云

唐雅卷三

三五

廣四而修一彼宗周之有制聞或九而或七錯綜乎舊典經始乎王律紹先志以高興匪矜功而首出乃延公侯卿士藝人表臣而審其議焉咸以爲明堂者明乎天道者也所以明有功表有德崇大教發大政登假嚴經欽修宗祀非夫爲已者也安可已乎粵正月庚午始創明堂之制焉考經緯之長策應黃鍾之旋宮穆穆四門可納四氣明明八窓均調八風靡金靡玉靡磨靡礪去隋侯之夜光明

素質以爲工思承天以接神故峻相乎皇穹颺乎懿凜縉兮豐融雷承軋以震耀雲大壯乎其中非至聖之精誠孰能克勤乎此功

李白明堂賦一首

并序

昔在天皇告成岱宗改元乾封經始明堂年紀總章時締構之未輯痛威靈之遐邁天后繼作中宗成之因屯人之子來崇萬祀之不業蓋天皇先天中宗奉天累聖纂就鴻勳克宣臣白美頌恭惟

唐雅卷三

三六

述焉其辭曰

伊皇唐之革天創元也我高祖乃仗大順赫然雷發以首之於是橫八荒漂九陽掃叛渙開混茫景星耀而太階平虹蜺滅而日月張欽若太宗繼明重光廓區宇以立極綴蒼昊之頽綱淳風沕穆鴻恩滂洋武義烜赫於有截仁聲馭沓乎無疆若乃高宗紹興祐統錫羨神休俯臻瑞物咸薦元符剖兮地珍見旣應天以順人遂登封而降禪將欲考有洛崇

明堂惟厥功之未輯兮乘白雲於帝御天后  
勤勞輔政兮中宗以欽明克昌遵先軌以繼  
作兮楊列聖之耿光則使軒轅草圖義和練  
日經之營之不綵不質因子來於四方豈殫  
稅於萬室乃準水臬攢雲樑磬玉石於隴坂  
空瓌材於瀟湘巧奪神鬼高窮昊蒼聽天語  
之察察擬帝居之鏘鏘雖暫勞而永固兮始  
聖謨於我皇觀夫明堂之宏壯也則突兀瞳  
矓乍明乍蒙大古元氣之結空龍從頽沓若

唐雅卷三

三

崑若業似天閭地門之開闔爾乃劃崇嶺以  
嶽立郁穹崇而鴻紛冠百王而垂勲燭萬象  
而騰文宰恍惚以洞啓呼嵌巖而俯分又比  
乎崑山之天柱矗九霄而垂雲於是結構乎  
黃道岩堯乎紫微絡勾陳以繚垣闔闔而  
啓扉崢嶸嶺嶺疑粲宇宙兮光輝崔嵬赫奕張  
天地之神威夫其背泓黃河垠瀨清洛太行  
却立通谷前廓遠則標熊耳以作揭谿龍門  
以開關點翠綵於洪荒洞清陰乎羣山及乎

烟雲卷舒忽出乍沒岌崑噴伊倚日薄月雷  
霆之所鼓蕩星斗之所仵仵擎金龍之蟠蜿  
挂天珠之碑兀勢拔五嶽形張四維軋地軸  
以盤根摩天倪而創規樓臺岬岬以奔附城  
闕欽岑而蔽虧珍樹翠草含華楊蕤目瑤井  
之熒熒拖五繩之離離擢華蓋以黨漭仰太  
微之參差擁以禁扃橫以武庫獻房心而開  
鑒瞻少陽而舉措採殷制酌夏步雜以代室  
重屋之名括以辰次火木之數壯不及奢麗

唐雅卷三

三

不及素層簷屹其霞矯廣厦鬱以雲布掩日  
道遏風路陽烏轉影而翻飛大鵬橫霄而側  
度近則萬木森下千宮對出熠乎光碧之堂  
晃乎瓊華之室錦爛霞駸星錯波沕颯蕭寥  
以颼颼宵陰鬱以櫛密含佳氣之青葱吐祥  
烟之鬱律九室窈窕五闔聯聯飛檻磊砢走  
拱寅緣雲楣立岌以橫綺綵楠攢鬱而仰天  
皜壁畫朗朱甍晴鮮頰欄各落偃蹇霄漢翠  
楹迴合蟬聯汗漫蒼穹之絕浪跨皇居之

大半遠而望之赫煌煌以輝輝忽天旋而雲  
昏迫而察之粲炳煥以照爛倏山訛而畧換  
跨蓬壺之海樓吞岱宗之日觀猛虎失道潛  
蚪登梯經通天而直上俯長河而復低玉女  
攀星於網戶金娥納月於璇題藻井綵錯以  
舒蓬天窓翹翼而銜霓扶標川而罔足擬跟  
絀而罷躋更離欵矐而外喪精視冰背而中  
迷亘以複道而接乎宮掖全入西樓寔爲崑  
崙前疑後承正儀躅以出入九夷五狄順方

大唐雅卷十三

三

面而來奔其左右也則丹陛嶢嶢彤庭煌煌  
列寶鼎敵金光流辟雍之滔滔像環海之湯  
湯闢青陽啓總章廓明臺而布玄堂儼以太  
廟處乎中央發號施令采時順方其闔闔也  
三十六戶七十二牖度筵列位南七西九白  
虎列序而躩踞青龍承隅而蚺蟠其深沉奧  
密也則赤標掌火招拒司金靈威制陽斗光  
摧陰坤斗主土據乎其心若乃熠燿五色張  
皇萬殊人物禽獸奇形異模勢如飛動瞪眄

睚眦明君暗主忠臣烈夫威政興滅表示賢  
愚於是王正孟月朝陽登曦天子乃施蒼玉  
轡蒼螭臨乎青陽左个方御瑤瑟而彈鳴絲  
展乎國容輝乎皇儀俯瞻神臺順觀雲之軌  
俯對清廟崇配天之規欽若昉嚮惟清緝熙  
崇牙樹羽煥煌歲蕤納五服之貢受萬邦之  
籍張龍旗與虹旌攢金戟與玉戚延五更進  
百辟舉珪瓚獻琛帛顙昂俯僂儼容疊跡乃  
潔蒞醢修粢盛奠三犧薦五牲享于神靈太

大唐雅卷十三

三

祝正辭庶官精誠鼓大武之隱轡張鈞天之  
鏗鉤孤竹合奏空桑和鳴盡六變齊九成羣  
神來兮降明庭蓋聖主之所以孝治天下而  
享祀宵寘也然後臨辟雍宴羣后陰陽爲庖  
造化爲宰食元氣灑太和千里鼓舞下寮賡  
歌于斯之時雲油雨霈恩鴻溶兮澤汪濊四  
海歸兮八荒會龍拈乎區寓駢闐乎闕外羣  
臣醉德揖讓而退而聖主猶夕惕若厲懼人  
未安乃目極于天耳下于泉飛聰馳明無遠

不察考鬼神之奧推陰陽之荒下明詔班舊  
章振窮乏散敖倉毀玉沉珠卑宮頽牆使山  
澤無間往來相望帝躬乎天田后親於郊桑  
棄末及本人和時康建翠華兮萋萋鳴玉鑾  
之缺缺遊乎昇平之圃憇乎穆清之堂天欣  
欣兮瑞穰穰巡陵於鶉首之野講武於驪山  
之旁封岱崇兮祀后土掩栗陸而苞陶唐邀  
遊乎崆峒之上汾水之陽吸沆瀣之精英黜  
滋味之馨香貴理國其若夢幾華胥之故鄉

唐雅卷三

三

於是元元澹然不知所在若羣雲從龍衆水  
奔海此真所謂我大君登明堂之政化也豈  
比夫秦趙吳楚爭高競奢結阿房與叢臺建  
姑蘇及章華非享祀與嚴配徒掩月而凌霞  
由此觀之不足稱也况瑤臺之巨麗復安可  
以語哉敢揚國美遂作辭曰宮崇明堂倚天  
闢兮龍從鴻蒙構環材兮偃蹇塊塤邈崔嵬  
兮周流辟雍岌靈臺兮赫奕日噴風雷宗祀  
膺嚮王化弘恢鎮八荒通九垓四門啓兮萬

國來考休徵兮進賢才儼若皇居而作  
千祀兮悠哉

唐雅卷第十三

雅卷三

三

唐雅卷第十四

清河張之象編

朝會部

虞世南凌晨早朝一首

萬戶霄光曙重簷夕霧收玉花停夜燭金壺  
送曉籌日輝青瑣殿霞生結綺樓重門啓應  
路通籍引王侯

沈佺期和崔正諫秋日早朝一首

雞鳴朝謁滿露白禁門秋爽氣臨旌戟朝光

唐雅卷十四

映冕旒河宗來獻寶天子命焚裘獨負池陽  
議言從建禮遊

上官儀凌晨入朝一首

高宗承貞觀之後天下無事儀獨持國

政嘗凌晨入朝巡洛水堤步月徐轡詠

此詩音韻清亮羣公望之猶神仙焉

脉脉廣川流驅馬入長洲鵲飛山月曙蟬噪

野風秋

張文琬同藩屯田冬日早朝一首

假寐懷古人夙興瞻曉月通晨禁門啓冠蓋  
趨朝謁霜靄清九衢霞光照雙闕紛綸文物  
紀煥爛聲明發腰劔動陸離鳴玉和清越

韋元旦早朝一首

震維方月季宸極衆星尊珮玉朝三陞鳴珂  
度九門挈壺分早漏伏檻耀初暎北倚蒼龍  
闕西臨紫鳳垣詞庭草欲奏溫室樹無言鮮  
翰空爲忝長懷聖主恩

沈佺期同韋舍人早朝一首

唐雅卷十四

闔闔連雲起巖廊拂霧開玉珂龍影度珠履  
鴈行來長樂宵鍾盡明光曉奏催一經傳舊  
德五字擢英才儼若神仙去紛從霄漢回千  
春奉休曆分禁喜趨陪

徐彥伯同韋舍人早朝一首

夕轉清壺漏晨驚長樂鍾逶迤綸禁客假寐  
守銅龍予亦趨三殿肩隨謁九重繁珂接曙  
響華劔北春容相間苔光歇彌憐芳意濃願  
言乘日盱携手卽雲峯



鄭愔同舍人早朝一首

瑞闕龍樓峻宸庭鳳掖深才良寄天綽趨拜  
侶朝簪飛鴈看來影喧車識駐音重軒輕霧  
入洞戶落花侵聞有題新翰依然想舊林同  
聲慚卞玉謬此托韋金

王岳靈聞漏一首

建禮舍香處重城待漏臣徐聞傳鳳詔曉唱  
辨鷄人銀箭殘將盡銅壺漏更新催籌當午  
夜移刻及三辰杳杳從天遠泠泠出禁頻直

唐雅卷古

三

疑殘漏曙肅肅對鈎陳

王維早朝二首

皎潔明星高蒼茫遠天曙槐霧暗不開城鴉  
鳴稍去始聞高閣聲莫辨更衣處銀燭已成  
行金門儼駟馭

柳暗百花明春深五鳳城城鴉睥睨曉宮井  
輾轡聲方朔金門侍班姬玉輦迎仍聞遣方  
士東海訪蓬瀛

王維春日直門下省早朝一首

騎省直明光鷄鳴謁建章遙聞侍中佩暗識  
令君香玉漏隨銅吏天書拜夕郎旌旗映閭  
闔歌吹滿昭陽官舍梅初紫官門柳欲黃願  
將遲日意同與聖恩長

岑參和祠部王員外雪後早朝即事一首

長安雪後似春歸積素凝華連曙輝色借玉  
珂迷曉騎光添銀燭晃朝衣西山落月臨天  
仗北闕晴雲捧禁闌聞道仙郎歌白雪由來

唐雅卷古

四

此曲和人稀

賈至早朝大明宮呈兩省僚友一首

銀燭朝天紫陌長禁城春色曉蒼蒼千條弱  
柳垂青瑣百轉流鶯遶建章劒佩聲隨玉墀  
步衣冠身惹御爐香共沐恩波鳳池上朝朝  
染翰侍君王

岑參奉和中書賈至舍人早朝大明宮之作一首

鷄鳴紫陌曙光寒鶯囀皇州春色闌金闕曉

鍾開萬戶玉階仙仗擁千官花迎劍佩星初落柳拂旌旗露未乾獨有鳳凰池上客陽春一曲和皆難

王維奉和中書賈至舍人早朝大明

宮之作一首

絳幘鷄人送曉籌尚衣方進翠雲裘九天閭闔開宮殿萬國衣冠拜冕旒日色纔臨仙掌動香烟欲傍龍浮朝罷須裁五色詔珮聲歸向鳳池頭

唐雅卷四

五

杜甫奉和中書賈至舍人早朝大明

宮之作一首

五夜漏聲催曉箭九重春色醉仙桃旌旗日暖龍蛇動宮殿風微燕雀高朝罷香煙携滿袖詩成珠玉在揮毫欲知世掌絲綸美池上千今有鳳毛

杜甫宣政殿退朝晚出左掖一首

天門日射黃金榜春殿晴曛赤羽旗宮草霏霏承委珮爐烟細細駐遊絲雲近蓬萊帝五

色雪殘鳩鵲亦多時侍臣緩步歸青瑣退食從容出每遲

杜甫紫宸殿退朝口號一首

戶外昭容紫袖垂雙瞻御座引朝儀香飄合殿春風轉花覆千官淑景移晝漏稀聞高閣報天顏有喜近臣知宮中每出歸東省會送鸞龍集鳳池

扈從部

虞世南追從鑾輿夕頓戲下應令一

唐雅卷四

六

首

重輪依紫極前耀奉丹霄天經戀宸扆帝命扈仙鑣乘星開鶴禁帶月下虹橋銀書含曉色金輅轉晨飈霧徹軒營近塵暗斗城遙蓮花分秀萼竹箭下驚潮撫已慙龍幹承恩集鳳條瑤山盛風樂抽簡薦從謠

盧照隣贈許左丞從駕萬年宮一首

聞道上之回詔蹕下蓬萊中樞移北斗左轄去南臺黃山聞鳳笛清蹕侍龍媒曳日朱旗

卷叅雲金障開朝參立城柳夕宴栢梁材漢  
時光如月秦祠聽似雷寂寂芸香閣離思獨  
悠哉

張說扈從南出雀鼠谷一首

豫動三靈贊時巡四海威硤關凌曙出平路  
半春歸霍鎮迎雲蓋汾河送羽旂山南柳半  
密谷北草全稀遲日宜華蓋和風入袷衣上  
林千里近應見百花飛

玄宗答張說扈從南出雀鼠谷一首

唐雅卷十四

七

雷出應乾象風行順國人川塗猶在晉車馬  
漸歸秦背硤關山險橫汾鼓吹震草依陽谷  
變花待北崑春聞有鸛鷺客清詞雅調新求  
音思欲報心跡竟難陳

席豫奉和聖製答張說扈從南出雀

鼠谷一首

硤路遶河汾晴光拂曙氛笳吟中嶺樹伏入  
半峯雲頓覺山原盡平看邑里分早行芳草  
迥晚憇好風薰嘉頌推英宰春遊扈聖君共

忻承睿渥日月照天文

裴光庭奉和聖製答張說扈從南出

雀鼠谷一首

省俗恩將遍巡方路稍迴寒隨汾谷盡春逐  
晉郊來雲騎傳行漏烟旄引從臺惠風初應  
律和氣正調梅雅頌通宸味天文接曙台灞  
陵桃李色應待日華開

張九齡奉和聖製答張說扈從南出

雀鼠谷一首

唐雅卷十四

八

設險諸侯地承平聖主巡東君朝二月南旆  
擁三辰寒出重關盡年隨行漏新瑞雲叢捧  
日芳樹曲迎春舞詠先馳道恩華及從臣汾  
川花鳥意併奉屬車塵

宋璟奉和聖製答張說扈從南出雀

鼠谷一首

秦地雄西夏并州近北胡禹行山啓路舜在  
邑爲都忽視寒暄隔深思險易殊四時宗伯  
叙六義宰臣鋪徵作官常應星環日每紆威

哉隆合道良以致亨衢

梁昇卿奉和聖製答張說扈從南出

雀鼠谷一首

何意重關道千年過聖皇  
幽林承惠澤閑客見清光  
日御仙途遠山靈壽域長  
寒雲入晉薄春樹隔汾香  
國佐同時雨天文屬歲陽從  
來漢家盛未若此巡方

蘇頲奉和聖製答張說扈從南出雀

鼠谷一首

大唐雅卷西

九

雨施巡方罷雲從訓俗迴  
密途汾水衛清蹕晉郊陪  
寒着山邊盡春當日下來  
御祠玄鳥應仙仗綠楊開  
作頌音傳雅觀文色動台更  
知西響樂宸藻叶鹽梅

王丘奉和聖製答張說扈從南出雀

鼠谷一首

襟帶三秦接旂常萬乘過  
陽源淑氣早陰谷洹寒多  
花縟前郊仗霜嚴後殿戈  
戍雲開晉嶺江鴈入汾河  
北土分堯俗南風動舜歌一

聞天樂唱共逐萬人和

趙冬曦奉和聖製答張說扈從南出

雀鼠谷一首

軒轅應順動萬牧正趨陪  
道合殷爲礪時行楚有材  
省方西禮設振旅北方迴  
地理分中壤天文照上台  
寒依汾谷去春入晉郊來  
竊比康衢者長歌仰大哉

袁暉奉和聖製答張說扈從南出雀

鼠谷一首

大唐雅卷南

一

魏國山河險周王警蹕迴  
九旗雲際出萬騎谷中來  
石路行將盡烟郊望忽開  
賞矜垂柳拂春畏落花催  
興逸橫汾體恩褒作頌才  
小臣瞻日月延首詠康哉

崔翹奉和聖製答張說扈從南出雀

鼠谷一首

鳴鑾初幸代旋蓋欲橫汾  
嶺盡千旗出郊平五桂分  
前林已暄景後壑尚寒氛  
風送簫韶曲花迎黼黻文  
鹽梅推上宰禮樂統中軍  
獻

賦紆天札飄飄飛白雲

杜審言扈從出長安應制一首

分野都畿列時乘六御均京師舊西幸洛道  
此東巡文物驅三統聲明走百神龍旗紫漏  
夕鳳輦拂鈎陳撫迹地靈古游情皇鑒新山  
追散馬日水憶釣魚人禹食傳中使堯樽遍  
下臣省方稱國阜問道識風淳歲晚天行吉  
年豐景從親歡娛包歷代宇宙忽疑春

沈佺期扈從出長安應制一首

唐雅卷十四

十一

漢宅規模壯周都景命隆西賓讓東主法駕  
幸天中太史占星應春官奏日同旌門起長  
樂帳殿出新豐翕習黃山下紆徐清渭東金  
麾張畫月珠憶戴松風是節嚴陰始寒郊散  
野蓬薄霜霑上路殘雪繞離宮賜帛矜耆老  
褰旒問小童復除恩載洽望秩禮新崇臣忝  
承明召多慚獻賦雄

沈佺期辛丑歲十月上幸長安時扈

從出西嶽一首

西鎮何穹崇壯哉信靈造諸嶺皆峻秀中峯  
特美好傍見巨掌存勢如石東倒頗聞首陽  
去開拓此河道磅礴壓河源巍我壯清昊雲  
泉紛亂瀑天磴屹宏抱子先呼其嶺宮女世  
不老下有府君廟歷載傳灑掃星明應天遊  
十月成豐鎬微末忝扈從兼得事蘋藻宿心  
愛此山意欲拾靈草陰壑已氷閉雲竇絕探  
討芬月期來過迴策思方浩

沈佺期初冬從幸漢故青門一首

唐雅卷十四

十二

見懷古部

宋之問扈從登封告成頌應制一首

御路迴中岳天營接下都百靈無後至萬國  
競前驅文衛嚴清蹕幽仙讀寶符貝花明漢  
果芝草入堯廚濟濟衣冠會喧喧夷夏俱宗  
禋仰神理刊木望川途撫已貧非病時來本  
不愚願陪丹鳳輦率舞白雲衢

宋之問扈從登封告成頌一首

複道開行殿鈎陳列禁兵和風吹鼓角佳氣



動旗旌後騎迴天苑前山入御營萬方俱下  
拜相與樂昇平

宋之問扈從登封途中一首

帳殿鬱崔嵬仙遊實壯哉曉雲連暮捲夜火  
雜星回谷暗千旗出山鳴萬乘來扈從良可  
賦終乏揆天材

蘇頲扈從鄠杜間奉呈刑部尚書舅

崔黃門馬常侍一首

翠輦紅旗出帝京長楊鄠杜昔知名雲山一

唐雅卷西

三

一看皆美竹樹蕭蕭畫不成羽騎將過持袂  
拂香車欲渡捲簾行漢家曾草巡游賦何似  
今來應聖明

祖詠扈從御宿池一首

御宿池在長安城南漢武帝爲離宮別  
館禁禦人不得入往來遊觀止宿其中  
故曰御宿

君王旣巡狩輦路入秦京遠樹低搶壘孤山  
入幔城寒踈清禁漏夜警羽林兵誰念迷方

客長懷魏闕情

王維和僕射晉公扈從溫湯一首

天子幸新豐旌旗渭水東寒山天仗裏溫谷  
幔城中奠玉羣仙座焚香太一宮出遊逢牧  
馬罷獵有非熊上宰無爲化明時太古同靈  
芝三秀紫陳粟萬箱紅王禮尊儒教天兵小  
戰功謀猷歸哲匠詞賦屬文宗司諫方無闕  
陳詩且未工長吟吉甫頌朝夕仰清風

蘇頲扈從溫泉同紫微黃門羣公泛

唐雅卷西

西

渭川得齊字一首

紅旗映綠萐奉使漢豐西侍蹕浮清渭揚船  
降紫泥近臨釣石地遙指釣璜溪岸轉帆風  
疾川平裊舉齊傳舟來是用軒馭往應迷興  
發菱歌動沙洲亂夕鷺

張九齡蘇頲扈從溫泉奉和姚令公  
喜雪共二首

見天文部

張說扈從溫泉宮獻詩一首

溫泉啓蟄地氛氲渭浦歸鴻日數群騎仗聯  
聯環北極鳴笳步步引南薰松間彩殿籠佳  
氣山上朱旗繞瑞雲不知遠夢華胥國何如  
親奉帝堯君

蔡希周奉和扈從溫泉宮承恩賜浴  
一首

天行雲從指驪宮浴日餘波錫詔同彩殿氲  
氲擁香溜紗窓宛轉閉和風來將蘭氣衝皇  
澤去引星文捧碧空自憐遇坎便能止凡託

唐雅卷四

三

仙查路未通

徐安貞侍從遊溫泉宮一首

神女調溫液年年侍聖人試開臨水殿來洗  
屬車塵暖氣隨明主恩波浹近臣靈威自無  
極從此獻千春

李白侍從遊溫泉宮一首

羽林十二將羅列應星文霜仗懸秋月霓旌  
卷夜雲嚴更千戶肅清樂九天聞日出瞻佳  
氣忽忽繞聖君

李白溫泉侍從歸逢故人一首

漢帝長楊苑誇胡羽獵歸子雲叨侍從獻賦  
有光輝激賞擢天筆承恩賜御衣逢君奏明  
主他日共翻飛

李白侍從宜春苑奉詔賦聽新鶯百  
轉歌一首

見鳥獸部

李嶠扈從還洛呈侍從羣官一首

四海帝王家兩都周漢室觀風昔來幸御氣

唐雅卷五

六

今旋蹕雷奮六合開天行萬乘出玄冥奉時  
駕白拒叅戎律後隊咽笳聲前驅嚴罕蹕輝  
光射東井禁令橫西秩帳殿別陽春旌門臨  
甲乙將交洛城雨稍遠長安日邛輦雲外來  
咸秦霧中失孟冬霜霰下是日農功畢天道  
向歸餘皇情美陰隲行存名嶽禮通問高年  
疾祝鳥旣開羅調人更張瑟登源采謳誦俯  
谷求才術邑罕懸磬貧山無掛瓢逸施恩浹  
寰宇展義該文質德澤盛軒游哀矜深禹恤

申歌地廬駭獻壽衢樽溢瑞色抱氣氲寒光  
變蕭瑟宗枝旦與輔侍從王劉疋並緝蛟龍  
書同簪鳳凰筆陶甄荷吹萬頌歎歸明一歡  
與道路長顧隨談笑密叨承廊廟選繆齒夔  
龍弼喜構大厦成慙非隆棟吉

李嶠和周記室從駕曉發合璧宮一  
首

濯龍春苑曙翠鳳曉旗舒野色開煙後山光  
澹月餘風長笳響咽川迴騎行疎珠履陪仙

唐雅卷十四

駕金聲振屬車

蕭華侍從迴鑾應制一首

粵在秦京口議乎封禪難豈知陶唐主道濟  
蒼生安惟彼烈祖事增脩寔榮觀聲名朝萬  
國玉帛禮三壇纂聖德重光建元功載刊仍  
開舊馳道不記昔迴鑾羽騎搖晴日弓戈生  
早寒猶思檢玉處却望白雲端

唐雅卷第十四

唐雅第七冊目錄

卷之十五

省直部

韋承慶直中書省一首

儲光羲奉和中書徐侍郎中書省翫

白雲寄穎陽趙大一首

宋之問和姚給事寓直一首

喬知之 和蘇員外寓直一首

李愔和戶部楊員外伯成寓直一首

唐雅第七冊目錄

魏知古 沈佺期和中書侍郎楊再思

春夜宿直鳳閣懷群公共二首

杜甫春宿左省一首

蘇頲春晚紫微省直寄內一首

沈佺期酬蘇員外味道夏晚寓直省

中見贈一首

庾嶽履溫夏晚初霽南省寓直時兼

尚書郎節度判官一首

寇坦同張少府和庾嶽員外夏晚初

霽南省寓直時兼充節度判官一首

王濟秋夜寓直卽事懷贈蕭令公裴

侍郎兼通簡南省諸友人一首

宋之問和庫部李員外秋夜寓直作

一首

岑參和刑部成員外秋夜寓直寄臺

省知己一首

王維同崔員外秋宵寓直一首

唐雅第七冊目錄

二

杜甫立秋雨院中有作一首

宋之問冬夜寓直麟閣一首

李嶠和杜侍御太清臺宿直旦有懷

一首

沈東美奉和苑舍人宿直曉翫新池

寄南省友一首

張九齡和許給事夜直簡諸公一首

崔顥奉和許給事夜直簡諸公一首

楊炯和鄭仇校內省眺矚思鄉友一

首

上官儀訓薛舍人萬年宮晚景寓直

懷友一首

楊師道中書寓直詠雨簡楮起居上

官學士一首

見天  
文部

楊炯和騫右丞省中暮望一首

杜甫晚出左掖一首

杜甫院中晚晴懷西郭茅舍一首

張說宿直溫泉宮羽林獻詩一首

唐雅第七冊目錄

三

楊浚贈李郎中一首

徐彥伯贈劉舍人古意一首

沈佺期訓楊給事兼見贈省中一首

沈佺期和戶部岑尚書參迹樞揆一

首

沈佺期自考功員外授給事中一首

張九齡酬通事舍人寓直見示篇中

兼起居舍人景獻一首

王維酬郭給事一首

李白翰林讀書言懷呈集賢內諸學

士一首

岑參寄左省杜拾遺一首

岑參省中卽事一首

杜甫洞房一首

岑參西掖卽事一首

杜甫題省中院壁一首

杜甫宿府一首

卷之十六

唐雅第七冊目錄

四

誕辰部

中宗誕辰內殿宴群臣聯句一首

李嶠中宗降誕日長寧公主滿月侍

宴一首

玄宗千秋節宴一首

并序

張說奉和聖製千秋節宴應制一首

張說皇帝降誕日集賢殿賜宴一首

王維奉和聖製天長節賜宰臣歌應

制一首

王維獻壽詞一首

儲嗣部

盧僊上幸皇太子新院應制一首

韓王元嘉奉和同太子監守違懸一

首

薛元超奉和同太子監守違懸一首

婚姻部

高宗皇帝太子納妃太平公主出降

一首

唐雅第七冊目錄

五

郭正一劉禕之元萬頃任知古胡元

範裴守真奉和太子納妃太平公

主出降共六首

高宗皇帝太子納妃一首

胡元範裴守真奉和太子納妃共二

首

宋之問壽陽王花燭圖一首

張光朝天門街西觀榮王聘妃一首

王昌齡蕭駙馬花燭一首



張說安樂郡主花燭行一首

卷之十七

公讌部

太宗春日玄武門宴群臣一首

杜正倫玄武門侍宴一首

太宗宴中山一首

許敬宗奉和宴中山應制一首

以上二首

見山嶽部

喬知之侍宴應制得分字一首

唐雅第七冊目錄

六

虞世南侍宴應詔得前字一首

賈至侍宴曲一首

姚崇故洛陽城侍宴應制一首

孫逖奉和上陽水窓賜宴得春字一

首

張九齡奉和上陽水窓賜宴得移字

一首

張九齡天津橋賜宴得歌字一首

見橋

梁部

李嶠奉和天樞成宴夷夏群寮應制

一首

李景伯沈佺期迴波樂共二首

張說蘇摩遮五首

張九齡集賢書院成奉勅送張說上

集賢學士賜燕序

玄宗集賢書院成送張說上集賢學

士賜宴得环字一首

韋述奉和聖製送張說上集賢學士

唐雅第七冊目錄

七

賜宴得華字一首

源乾曜奉和聖製送張說上集賢學

士賜宴得迎字一首

韋抗奉和聖製送張說上集賢學士

賜宴得西字一首

裴漼奉和聖製送張說上集賢學士

賜宴得昇字一首

李昂奉和聖製送張說上集賢學士

賜宴得催字一首

昇奉和聖製送張說上集賢學士

賜宴得賓字一首

賀知章奉和聖製送張說上集賢學

士賜宴得謨字一首

王翰奉和聖製送張說上集賢學士

賜宴得筵字一首

趙冬曦奉和聖製送張說上集賢學

士賜宴得蓮字一首

李元紘奉和聖製送張說上集賢學

唐雅第七冊目錄

八

士賜宴得私字一首

程行誼奉和聖製送張說上集賢學

士賜宴得迴字一首

陸堅奉和聖製送張說上集賢學士

賜宴得今字一首

蕭嵩奉和聖製送張說上集賢學士

賜宴得登字一首

褚琇奉和聖製送張說上集賢學士

賜宴得風字一首

蘇頲奉和聖製送張說上集賢學士

賜宴得茲字一首

張說奉和聖製送赴集賢院得輝字

一首

玄宗春晚宴兩相及禮官於麗正殿

探得風字一首

并序

張說春晚侍宴麗正殿探得開字一

首

張說恩制賜食於麗正殿書院宴賦

唐雅第七冊目錄

九

得林字應制一首

王灣恩制賜食於麗正殿書院宴賦

得天字應制一首

玄宗同二相已下群官樂遊園宴一

首

崔沔胡皓王翰崔尚趙冬曦張說張

九齡宋璟蘇頲奉和聖製同二相

已下群官樂遊園宴共九首

張說三月二十日詔宴樂遊園賦得

風字一首

王維奉和聖製賜史供奉曲江宴應制一首

酺宴部

楊炯奉和上元酺宴應詔一首聖曆元年

盧照隣登封大酺歌一首

杜審言大酺二首永昌元年

陳子昂洛城觀酺應制一首

張說東都酺宴五首并序

唐雅第七冊目録

十

玄宗御製春中興慶宮酺宴一首并序

張說奉和聖製春中興慶宮酺宴應

制一首

張九齡奉和聖製南郊禮畢酺宴一

首

張九齡奉和聖製登封禮畢洛城酺

宴一首

蘇頲廣達樓下夜侍酺宴應制一首

王昌齡夏月花萼樓酺宴應制一首

王維奉和聖製正月十五夜燃燈繼

以酺宴應制一首見節序部

儲光羲大酺得長字韻時任安宜尉

一首

儲光羲獻高使君大酺作一首

李白流夜郎聞酺不預一首

唐雅第七冊目録

唐雅第七冊目録

十一

唐雅卷第十五

清河張之象編

省直部

韋承慶直中書省一首

清切鳳凰池扶疎雞樹枝  
唯應集鸞鷟何爲宿  
驕雌大造乾坤闢深恩雨露垂  
昆蛟旣含養駑駘亦驅馳  
木偶翻爲用芝泥忽濫窺  
九思空自勉五字本無施  
徒喜逢千載何階答二儀  
螢光向日盡蚊力負山疲  
禁宇庭除闊閒宵鍾箭移  
暗花臨戶發殘月下簾欹  
白鬢隨年改丹心爲主披  
命將時並泰言與行俱危  
寄謝登巢客堯年復在斯

儲光羲奉和中書徐侍郎中書省翫白雲寄潁陽趙大一首

青闕朝初退白雲遙在天  
非關取雷雨故欲伴神仙  
泛艷鵷池曲飄颻瑣闥前  
猶多遠山意幸入侍臣篇

宋之問和姚給事寓直一首

清論滿朝陽高才拜夕郎  
還從避馬路來接珥貂行  
寵就黃扉日威廻白簡霜  
柏臺遷烏茂蘭署得人芳  
禁靜鐘初徹更疎漏更長  
曉河低武庫流火度文昌  
寓直光輝重乘秋藻翰揚  
暗投空欲報下調不成章

喬知之和中蘇員外寓直一首

自昔重爲郎伊人練國章  
三旬登建禮五夜直明光  
墨草尚書奏衣飄侍御香  
捫軒竹氣靜拂簾蕙風涼  
曉漏離閭闔鳴鐘出未央  
從

唐雅卷十五

二

來宿臺上天子貴文強

李愔和戶部楊員外伯成寓直一首

落日彌綸地公才畫省郎  
詞驚起草筆坐引護衣香  
雙闕天河近千門夕漏長  
遙知臺上宿不獨有文強

魏知古和中書侍郎楊再思春夜宿

直鳳閣懷羣公一首

拜門傳漏晚寓省索居時  
昔重安仁賦今稱伯玉詩  
鴛池滿不溢雞樹久逾滋  
夙夜懷山

甫清風詠所思

沈佺期和中書侍郎楊再思春夜宿

直鳳閣懷羣公一首

西禁青春滿南端皓月微直廬宵駕合五夜  
曉鐘稀星斗橫綸閣天河度瑣闥煙花章奏  
裏紛向夕郎飛

杜甫春宿左省一首

花隱掖垣暮啾啾棲鳥過星臨萬戶動月傍  
九霄多不寢聽金鑰因風想玉珂明朝有封

唐雅卷五

三

事數問夜如何

蘇頲春晚紫薇省直寄內一首

直省清華接建章向來無事日猶長花間燕  
子棲鳩鵲竹下鶯鶯繞鳳凰內子通宵承紫  
誥中人落晚愛紅粧別離不慣無窮憶莫誤  
卿卿學太常

沈佺期酬蘇員外味道夏晚寓直省

中見贈一首

並命登仙閣通宵直禮闈大官供宿膳侍史

護朝衣卷幔天河入開窻月露微小池殘暑  
退高樹早涼歸冠劒無時釋軒車待漏飛明  
朝題漢柱三署有光輝

庾狄履溫夏晚初霽南省寓直時兼  
尚書郎節度判官一首

薄宦因時忝涼宵寓直初沈沈仙閣閉的的  
暗更徐霽色連空上炎氛入夜除星迴南斗  
落月度北窻虛待漏殘燈照含芳襲氣餘寐  
來冠不解奏罷草仍書幕府慚良策明曹媿

唐雅卷五

四

散樗命輕徒有報義重更難踈燕厦欣成託  
鵷行濫所如晨趨當及早復此戒朝車

寇坦同張少府和庾狄員外夏晚初  
霽南省寓直時兼充節度判官一首

黃綬歸休日仙郎復奏餘宴居當夏晚寓直  
會晴初露散星文發雲披水鏡虛高才推獨  
唱嘉會喜連茹月色搖春闥香煙靄暝廬千  
門傳夜警萬像照階除少儒嘉能賦文強閱  
賜書兼曹謀未展入幕志方摠爲奉靈臺帛



恭先侍漏車貞標不可仰空此樂樵漁

王濟秋夜寓直卽事懷贈蕭令公裴

侍郎兼通簡南省諸友人一首

聖主萬年興賢臣數載升古靈傳岳秀宏量  
稟川澄幾旬舉長策風霜秉直繩出車遙俗  
震登閣滿朝稱賦簡流亡輯農安政理憑還  
家新長幼巡壠舊典騰忠鯁大勲立宸瀛墮  
業懲焚香兼御史懸鏡委中丞旗隼當朝立  
臺驄發郡乘司徒漢家重國溝潁川徵雲路

唐雅卷十五

五

俄平入台階忽上凌秉鈞調造化宣綽慰黎  
蒸金省方秋作瑤軒直夜凭中書贈陳準右  
相簡王陵三傑賢更穆百僚歡且兢搖懷及  
賓友計曲辯淄澠閭闔暝陰散鈎陳爽氣凝  
月深宮樹轉河近禁樓冰卑吏夙驅策微涓  
効斗升望厯宵繼火書板曙懷烝彼此雖流  
眄規模轉服膺惠將霄漢隔勞或歲時矜位  
重恩寧濫才輕躡不勝林巒念獨往疵賤苦  
相仍敢忘銜花雀思同附驥蠅平生逐鳥雀

何日似蒼鷹

宋之問和庫部李員外秋夜寓直作

一首

相庭貽慶遠才子拜郎初起草後仙閣焚香  
臥直廬更深河欲斷節勁柳偏疎氣耿凌雲  
筆心搖侍漏車叨榮厠儔侶省已惡空虛徒  
斐陽春和難參麗曲餘

岑參和刑部成員外秋夜寓直寄臺

省知己一首

唐雅卷十五

六

列宿光三署仙郎直五宵時衣天子賜厨膳  
太官調長樂鐘應近明光漏不遙黃門持被  
覆侍女捧香燒筆爲題詩點燈綠起草挑竹  
喧交砌葉柳顰拂窻條粉署榮新命霜臺憶  
舊寮名香播蘭蕙價重蘊瓊瑤擎水翻滄海  
搏風透赤霄微才喜同舍何幸忽聞韶

王維同崔員外秋宵寓直一首

建禮高秋夜承明候曉過九門寒漏徹萬井  
曙鐘多月迥藏珠斗雲消出絳河更慚衰朽

質南陌共鳴珂

杜甫立秋雨院中有作一首

山雲行絕塞大火復西流飛雨動華屋蕭蕭  
梁棟秋窮途愧知己暮齒借前籌已費清晨  
謁那成長者謀解衣開北戶高枕對南樓樹  
濕風涼進江喧水氣浮禮寬心有適節爽病  
微瘳主將歸調鼎吾還訪舊丘

宋之問冬夜寓直麟閣一首

直事披三省重關秘七門廣庭憐雪淨深屋

唐雅卷五

七

喜爐溫月幌花虛馥風窻竹暗喧東山白雲  
意茲夕寄琴樽

李嶠和杜侍御太清臺宿直旦有懷

一首

貂冠朝彩振烏署曉光分欲嘯遷喬侶先飛  
擲地文庭虛麥雨潤林靜蕙風薰嵇駕終難  
仰梁鳧且自羣

沈東美奉和苑舍人宿直曉翫新池

寄南省友一首

傳聞閭闔裏寓直有神仙吏爲三墳博郎因

五字遷晨臨翔鳳沼春注躍龍泉去似登天  
上來如看鏡前影搖宸翰發波淨列星懸旣  
濟仍懷友流謙欲進賢彈冠聲實貴覆被渥  
恩偏溫室言雖阻文場契獨全玉珂光赫奕  
朱綬氣蟬聯興逸潘仁賦名高謝朓篇青雲  
仰不逮白雪和難牽冉冉胡爲此甘心老歲  
年

張九齡和許給事夜直簡諸公一首

唐雅卷五

八

未央鐘漏晚仙宇藹沈沈武衛千廬合岩扃  
萬戶深左掖知天近南窻見月臨樹搖金掌  
露庭徙玉樓春他日聞更直中宵屬所欽聲  
華大國寶夙夜近臣心逸興乘高閣雄飛在  
禁林寧思竊抃者情發爲知音

崔顥奉和許給事夜直簡諸公一首

西掖黃樞近東曹紫禁連地因才子拜人用  
省郎遷夜直千門靜河明萬象懸建章宵漏  
急閭闔曉鐘傳籠列貂蟬位恩深侍從年九

重初起草五夜卽成篇顧已無官次循涯但  
自憐遠陪蘭署作空此仰神仙

楊炯和鄭仇校內省毗瞻思鄉友一首

銅門初下辟石館始沈妍遊霧千金字飛雲  
五色牋樓臺橫紫極城闕俯青田暄入瑤房  
裏春迴玉宇前霞文霏落日風物淡歸煙翰  
墨三餘隙關山四望懸顏峰睽酌羽流水曠  
鳴弦雖欣承白雪終恨隔青天

唐雅卷五

九

上官儀謝薛舍人萬年宮晚景寓直  
懷友一首

奕奕九成臺窈窕絕塵埃蒼蒼萬年樹玲瓏  
下冥霧池色搖晚空岩花斂餘照清切丹禁  
靜浩蕩文河渺留連窮勝託夙期睽善謔東  
望安仁省西臨子雲閣長嘯披煙霞高步尋  
蘭若金狄掩通門雕鞍歸騎喧燕姝對明月  
荆艷促芳樽別有青山路策杖訪王孫

楊師道中書寓直咏雨簡諸起居上

官學士一首

見天文部

楊炯和騫右丞省中暮望一首

故事閒臺閣仙門藹已深舊章窺複道雲幌  
肅重陰玄律葭灰變青陽斗柄臨年光搖樹  
色春氣遶蘭心風響高窻度流痕曲岸侵天  
民總樞轄人鏡辨衣簪日暮南宮靜瑤華振  
雅音

杜甫晚出左掖一首

唐雅卷五

十

晝刻傳呼淺春旗簇仗齊退朝花底散歸院  
柳邊迷樓雪融城濕宮雲去殿低避人焚諫  
草騎馬欲雞棲

杜甫院中晚晴懷西郭茅舍一首

幕府秋風日夜清澹雲疎雨過高城葉心朱  
實堪時落堦面青浩先自生復有樓臺啣暮  
景不勞鐘鼓報新晴浣花溪裏花競笑肯信  
吾兼吏隱名

張說宿直溫泉宮羽林獻詩一首

冬狩美秦正新豐樂漢行星陳玄武閣月對  
羽林營寒木羅霜仗空山響夜更恩深靈液  
暖節勁古松貞文武皆王事輸心不爲名

楊浚贈李郎中一首

仙郎早朝退直省臥南軒院竹自成賞階庭  
寂不喧焚香開後閣起草閉前門禮樂風流  
美光華星位尊榮兼朱紱貴交乃布衣存是  
日登龍客無忘君子恩

徐彥伯贈劉舍人古意一首

唐雅卷五

十一

文牀悶靈鳥文章世所希巢君碧梧樹舞君  
青瑣闥或言鳳池樂撫翼更西飛鳳池環禁  
林仙閣霧沈沈璇題激流目珠綴綿清陰郁  
穆帝言重煢煌台座深風張丹鳳翮月弄素  
琴音雙彩結不散孤英跂莫尋浩歌在西省  
經傳恣潛心

沈佺期訓楊給事廉見贈省中一首

子雲推辨博公理擅詞雄始自尚書省旋聞  
給事中言從溫室秘籍向瑣闥通顧我叨郎

署慚無章奏工分曹八舍斷解袂五時空宿  
昔陪餘論平生賴擊蒙神仙應東掖雲霧限  
南宮忽枉瓊田贈長歌蘭渚風

沈佺期和戶部岑尚書參迹樞揆一首

大君制六合良佐參萬機大業永開泰臣道  
日光輝鐘鳴和鼎食家聲衆所歸漢章題楚  
劔鄭武襲緇衣理識當朝遠文華振古稀風  
雲神契合舟楫道心微廟堂喜容與時物遞

唐雅卷五

十二

芳菲御柳垂仙掖公槐覆禮闈昔陪鵷鷺後  
今望鵬鵬飛徒御清風頌巴歌聊自揮

沈佺期自考功員外轉授給事中一首

首

南省推丹地東曹貴瑣闥惠移雙管筆恩降  
五時衣出入宜真選遭逢每濫飛器慚公理  
拙才謝子雲微案牘遺常禮朋僚隔等威上  
台行揖讓中禁動光輝旭日千門起初春八  
舍歸贈蘭闥宿昔談樹隱芳菲何幸鹽梅處

惟憂對問機省躬知任重寧止冒榮非

張九齡酬通事舍人寓直見示篇中

兼起居陸舍人景獻一首

軒掖殊清秘才華固在斯興因膏澤灑情與  
惠風吹所美應人譽何私亦我儀同聲感喬  
木比翼謝長離價讓陸生減賢慚鮑叔知薄  
遊嘗獨媿芳訊乃兼施此夜金閨籍伊人瓊  
樹枝飛鳴復何遠相顧幸媿媿

王維酬郭給事一首

唐雅卷五

三

洞門高閣霽餘輝桃李陰陰柳絮飛禁裏疎  
鐘官舍晚省中啼鳥吏人稀晨搖玉珮趨金  
殿夕奉天書拜瑣闥強欲從君無那老將因  
臥病解朝衣

李白翰林讀書言懷呈集賢內諸學

士一首

晨起紫禁中夕待金門詔觀書散遺帙掇古  
籍至妙片言苟會心掩卷忽而笑青蠅易相  
點白雪難同調本是疎散人屢貽福促誚雲

天屬清朗林壑意遊眺或時清風來閒倚欄  
干嘯嚴光桐廬溪謝客臨海嶠功成謝人間  
從此一投釣

岑參寄左省杜拾遺一首

聯步趨丹陛分曹限紫微曉隨天仗入暮惹  
御香歸白髮悲花落青雲羨鳥飛聖朝無闕  
事自覺諫書稀

岑參省中即事一首

唐雅卷五

四

華省謬爲郎蹉跎鬢已蒼到來恒襆被隨例  
且含香竹影遮窻暗花陰拂簾涼君王新賜  
筆草奏向明光

杜甫洞房一首

洞房環珮冷玉殿起秋風秦地應新月龍池  
滿舊宮繫舟今夜遠清漏徃時同萬里黃山  
北園陵白露中

岑參西掖即事一首

西掖重雲開曙暉北山疎雨點朝衣千門柳  
色連青瑣三殿花香入紫微平明端笏陪鵷



列薄暮垂鞭信馬歸官拙自悲頭白盡不如  
岩下偃荆扉

杜甫題省中院壁一首

披垣竹埤梧十尋洞門對雪常陰陰落花游  
絲白日靜鳴鳩乳燕青春深腐儒衰晚謬通  
籍退食遲回違寸心衮職曾無一字補許身  
媿比雙南金

杜甫宿府一首

清秋幕府井梧寒獨宿江城蠟炬殘永夜角

唐雅卷五

五

聲悲自語中天月色好誰看風塵荏苒音書  
絕關塞蕭條行路難已忍伶俜十年事強移  
棲息一枝安

唐雅卷第十五

唐雅卷第十六

清河張之象編

誕辰部

中宗誕辰內殿宴群臣聯句一首

景龍二年十一月十五日中宗皇帝降  
誕日內殿宴群臣因爲柏梁體聯句帝  
謂侍臣曰今天下無事朝野多歡欲與  
卿等詞人時賦詩宴樂可識朕意不須  
惜醉大學士李嶠宗楚客等跪奏曰臣

唐雅卷六

一

等多幸同遇昌期謬以不才策名文館  
思勵駑朽庶裨河岳旣陪天歡不敢不  
醉此後每遊別殿幸離宮駐驂芳苑鳴  
笳仙禁或戚里宸筵王門帟席無不畢  
從

潤色鴻業寄賢才

中宗

叨居右弼貴鹽梅

李嶠

籌帷幄荷時來

宗楚

職掌圖籍濫蓬萊

劉兩

司謬忝謝鐘裴

崔

禮樂銓管効涓埃

鄭陳師

振旅清九垓

趙彥

忻承顧問侍天杯

李適

獻壽栢梁臺蘇頌黃縑青簡奉康哉盧藏用鯁生

侍從忝王枚李義右掖司言實不才馬懷素宗伯

秩祀天地開薛稷帝歌難續仰昭回宋之問微臣

捧日變寒灰岑義遠慙班左愧遊陪上官婕妤

李嶠中宗降誕日長寧公主滿月侍

宴一首景龍三年十一月十五日

神龍見像日仙鳳養雛年大火乘天正明珠

對月圓祚遙金篋裏歌奏玉筐前今日宜孫

慶還參祝壽篇

唐雅卷六

二

玄宗千秋節宴一首并序

八月五日爲玄宗皇帝誕辰帝自題序

曰令節肇開情兼感受率題八韻以示

羣臣先是群臣張說等上表請曰左丞

相臣說右丞相臣璟等言臣聞聖人出

則日月記其初王澤深則風俗傳其後

故少昊著流虹之感商湯本玄鳥之命

孟夏有佛生之供仲春脩道祖之籙追

始尋源其義一也伏惟開元神武皇帝

陛下二氣含神九龍毓聖清明摠於王

靈爽朗冠於金天月惟仲秋日在端五

恒星不見之夜祥光照室之朝群臣相

賀誕聖之辰也焉可不以爲嘉節乎比

夫曲水禊亭重陽射圃五日綵縷七夕

粉筵豈同年而語也臣不勝大願以八

月五日爲千秋節著之甲令布於四方

群臣以是日獻甘露醇酎上萬歲壽酒

王公戚里進金鏡綬帶士庶以結絲承

唐雅卷六

三

露囊更相遺問村社作壽酒宴樂名賽

白帝報田神上明玄天光啓大聖下彰

皇化垂裕無窮異域占風同見美俗勅

旨凡是節日或以天氣推移或因人事

表紀八月五日是朕生辰感先聖之慶

靈荷皇天之眷命卿等請爲令節上獻

嘉名勝地良遊清秋高興百穀豐熟萬

寶已成自我作古舉無越禮朝野同歡

蘭殿千秋節稱君萬歲觴風傳率土慶日表  
繼天祥玉宇開花萼金懸動會昌衣冠白露  
下帟幕翠雲長獻壽成新俗朝儀入舊章月  
街花綬鏡露綴彩絲囊處處祠田祖年年宴  
杜鄉深思一德事小獲萬人康

張說奉和聖製千秋節宴應制一首

五德生王者千齡啓聖心赤光來照夜黃雲  
上覆晨海縣銜恩久朝章獻壽新高居帝坐  
出夾道衆官陳檟杖洗清景罄管迎秋旻珠

唐雅卷六

四

囊含瑞露金鏡抱仙輪何歲無鄉飲何田不  
報神薰歌與名節傳代幸群臣

張說皇帝降誕日集賢殿賜宴一首

仲秋金帝起五日上行昭瑞表壬寅露光傳  
甲子宵陰風吹大澤夢日照昌朝不獨華封  
老千年喜祝堯

王維奉和聖製天長節賜宰臣歌應

制一首

太陽升兮照萬方開闔闔兮臨玉堂儼冕旒

兮垂衣裳金天淨兮麗三光彤庭曙兮延八  
荒德合天兮禮神遍靈芝生兮慶雲見唐堯  
后兮稷卨臣匝宇宙兮華胥人盡九服兮皆  
四隣乾降瑞兮坤獻珍

王維獻壽詞一首

宮殿參差列九重祥雲瑞氣奉堦濃微臣欲  
獻唐堯壽遙指南山對袞龍

儲嗣部

盧僊上幸皇太子新院應制一首

唐雅卷六

五

貞觀十七年太宗立子治爲皇太子嘗  
命皇太子遊觀習射太子辭以非所好  
願得奉至尊居膝下太宗大喜乃營寢  
殿側爲別院使太子居之太宗每視朝  
皇太子常侍觀決庶政

佳氣曉葱葱乾行入震宮前星迎北極少海  
被南風祝膳銅樓下吹笙玉座中訓深家以  
正義舉俗爲公父子成釗合君臣禹啓同仰  
天歌聖道猶愧乏彫虫

韓王元嘉奉和同太子監守違戀一

首

永淳元年四月高宗以關中饑饉米斗  
三百將幸東都留太子哲監國使劉仁  
軌薛元超輔之

乾象開層構離明啓少陽卜征從獻吉守噐  
屬元良逃矣凌周誦遙哉掩漢莊地分丹鷲  
嶺途間白雲鄉好士傾南洛多才盛北場儲  
誠虔曉夕宸愛積炎涼珠璧連霄漢萬物仰

唐雅卷六

六

重光

薛元超奉和同太子監守違戀一首

儲禁銅扉啓宸行玉輅遙空懷壽街吏尚隔  
寢門朝地首瞻龍戟空中想鳳鑣飛文映仙  
榜瀝思叶神飈帝念紆蒼陞軋文煥紫霄歸  
塘橫筆海平圃振詞條欲應重輪曲鏘洋韻  
九韶

婚姻部

高宗皇帝太子納妃太平公主出降

一首

太平公主武后所生沈敏多權略武后  
以爲類已愛之傾諸女帝擇薛紹尚之  
假萬年縣爲婚館門隘不能容翟車有  
司毀垣以入自興安門設燎相屬道樾  
爲枯帝與羣臣俱作詩慶婚

龍樓光曙景魯館啓朝扉艷日濃粧影低星  
降婺暉玉庭浮瑞色銀榜藻祥微雲轉花繁  
蓋霞飄葉綴旂

唐雅卷六

七

郭正一奉和太子納妃太平公主出  
降一首

桂宮初服冕蘭掖早升笄禮盛親迎晉聲芬  
出降齊金龜開瑞鈕寶鸞上仙梯轉扇承宵  
月揚旌照夕蜺

劉禕之奉和太子納妃太平公主出  
降一首

少梓光青陞穠桃藹紫宮德優宸念遠禮備  
姻崇萬戶聲明發三條騎吹通香輪送重

景綵旆引仙虹

元萬頃奉和太子納妃太平公主出

降一首

象輅初乘鴈璇宮早結褵離元應春夕帝子  
降秋期鳴瑜合荐響比玉麗穠姿和聲躋鳳  
掖交影步鸞墀

任知古奉和太子納妃太平公主出

降一首

帝子升青陸王姬降紫宸星光移雜珮月彩

唐雅卷六

八

薦重輪龍旌翻地杪鳳管颺天濱槐陰浮淺  
瀨葆吹翼輕塵

胡元範奉和太子納妃太平公主出

降一首

帝子威儀絕儲妃禮度優疊鼓陪仙觀凝笳  
翼畫軸鬱鬱神香滿奕奕彩雲浮排空列錦  
綉騰觀溢皇州

裴守真奉和太子納妃太平公主出

降一首

瑜珮升青殿穠華降紫微還如桃李發更似  
鳳凰飛金屋貞離象瑤臺起婺微綵纓紛碧  
座績羽泛綸衣

高宗皇帝太子納妃一首

雕軒回翠陌寶駕歸丹殿鳴珠佩曉衣鏤壁  
輪初扇華冠列綺筵蘭醕申芳宴環階鳳樂  
陳玳席玳羞薦蝶舞袖香新歌分落素塵歡  
凝歡懃戚慶叶慶初姻暑闌炎氣息涼早吹  
疎頻方期六合泰共賞萬年春

唐雅卷六

九

胡元範奉和太子納妃一首

金閨未息火玉樹鍾天愛月路飾還裝星津  
動歸佩紫極流宸渥清規佇慈誨恩波洽九  
流光輝軼千載列席詔親賢式宴坐神仙聖  
文飛聖筆天樂奏鈞天曲池涵瑞景文字孕  
祥烟小臣同百獸率舞悅堯年

裴守真奉和太子納妃一首

雲路移彤輦天津轉明鏡仙珠照乘歸寶月  
重輪映望園嘉宴洽主第歡娛盛絲竹揚帝



薰簪裾奉宸慶  
蕤雲謁曉光  
湛露晞朝陽  
天文景麗  
睿藻睿詞芳  
玉庭散秋色  
銀宮生夕涼  
太平超邃古  
萬壽樂無疆

宋之問壽陽王花燭圖一首

仙媛乘龍日  
天孫捧鴈來  
可憐桃李徑  
更繞鳳凰臺  
燭照香車入  
花臨寶扇開  
莫令銀箭曉  
爲盡合歡杯

張光朝天門街西觀崇王聘妃一首

仙媛來朱邸  
名王出紫微  
三周初展義  
百兩

唐雅卷六

十

遂言歸鄭國  
通梁死天津  
接帝畿橋成  
烏鵲助蓋轉  
鳳凰飛霜仗  
迎秋色星缸  
滿夜輝從茲  
磐石固應爲  
得賢妃

王昌齡蕭駙馬花燭一首

青鸞飛入合歡宮  
紫鳳嚙花出禁中  
可憐今夜千家裏  
銀漢星槎一道通

張說安樂郡主花燭行一首

青宮朱邸翊皇闈  
玉葉瓊蕤際紫微  
姬妾本來舅甥國  
卜筮俱道鳳凰飛  
星昴殷冬獻吉

日天桃穠李遙相匹  
驚車風傳王子來  
龍樓

月殿天孫出平臺  
火樹連上陽紫炬  
紅輪十二行  
丹爐飛鐵馳炎焰  
炎霞爍電吐明光  
綠屏紺幃紛如霧  
節鼓清笳前啓路  
城隅靡靡稍東還  
橋上鱗鱗轉南渡  
五方觀者聚中京  
四合塵烟漲洛城  
商女香車珠結網  
天人寶馬玉繁纓  
百壺淥酒千斤肉  
大道連延障錦軸  
先祝聖年壽萬年  
復禱宜家承百祿  
珊瑚刻盤青玉樽  
因之假道入梁園  
梁園山竹凝雲漢  
仰望高樓在天半  
翠幕蘭堂蘇合薰  
珠簾挂戶水波紋  
別起芙蓉織成帳  
金縷鴛鴦兩相向  
蜀茵飾地承瑀履  
花燭分階移錦帳  
織女西垂隱燭臺  
雙童連縷合歡杯  
謁謁綺庭嬪從列  
峨峨紅粉扇中開  
黃金兩印雙花綬  
富貴婚姻古無有  
清歌棠棣美王姬  
流化邦人正夫婦

唐雅卷六

十一

唐雅卷第十六

唐雅卷第十七

清河張之象編

公讌部

太宗春日玄武門宴羣臣一首

貞觀七年正月更名破陣樂曰七德舞  
癸巳宴三品已上及州牧蠻夷酋長於  
玄武門奏七德九功之舞魏徵欲上偃  
武修文每侍宴見七德舞輒俛首不視  
見九功舞輒諦觀之

唐雅卷十七

韶光開令序淑氣動芳年駐輦華林側高宴  
栢梁前紫庭文樹滿丹墀袞綬連九夷造瑤  
席五狄列瓊筵娛賓歌湛露廣樂奏鈞天盈  
樽浮綠醕雅曲韻朱絃粵余君萬國還慚俯  
八埏庶幾保貞固虛已厲求賢

杜正倫玄武門侍宴一首

大君臨展暇睿賞狎林泉開軒臨禁籞藉野  
列芳筵參差歌管颺容裔羽旗懸玉池流若  
醴雲閣聚非烟湛露晞堯日薰風入舜絃大

德侔玄造微物荷陶甄謬陪瑤水宴仍廁栢  
梁篇闕名徒上月鄒辨詎談天旣喜光華旦  
還傷遲暮年猶冀升中月簪裾奉肅然

太宗宴中山一首

許敬宗奉和宴中山應制一首

以上二首見山嶽部

喬知之侍宴應制得分字一首

紫禁肅晴氛朱樓落曉雲豫遊龍駕轉天樂  
鳳簫聞竹外仙亭出花間輦路分微臣一何

唐雅卷十七

幸詞賦奉明君

虞世南侍宴應詔得前字一首

芬芳禁林晚容與桂舟前橫空一鳥度照水  
百花然綠野明斜日青山澹晚烟濫陪終宴  
賞握管類窺天

賈至侍宴曲一首

雲陛褰朱屐天墀覆綠楊隔簾粧隱映向席  
舞低昂鳴珮長廊靜開冰廣殿涼歡餘劒履  
散同輦入昭陽

姚崇故洛陽城侍宴應制一首

遊豫停仙蹕登臨對晚晴川鳬連倒影巖鳥  
應虛聲野奏風成曲山居雲作纓今朝丘壑  
上高興小蓬瀛

孫逖奉和上陽水窓賜宴得春字一

首

開元二十年夏四月三日宴百官於上  
陽東州醉者肩輿以歸相屬於路

今日逢新夏歡遊續舊旬氣和先作雨恩厚

唐雅卷七

三

別成春鳳管臨青洛龍輿下紫宸此中歌在  
藻還見躍潛鱗

張九齡奉和上陽水窓賜宴得移字

一首

河漢非應到汀洲忽在斯仍逢帝樂下如逐  
海槎窺春賞時將換皇恩歲不移今朝遊宴  
地莫比天泉池

張九齡天津橋賜宴得歌字一首

見橋梁部

李嶠奉和天樞成宴夷夏羣寮應制

一首

長壽三年則天皇后徵天下銅五十餘  
萬斤鐵一百三十餘萬斤於定鼎門內  
鑄八稜銅柱高九十尺徑一丈二尺題  
曰大周萬國述德天樞紀革命之功貶  
唐家之德天樞下置鐵山銅龍負戴獅  
子麒麟圍繞上有雲蓋下施蟠龍以托  
之高一丈圍三丈金彩煒煌光侔日月

唐雅卷七

四

武三思爲其文朝士獻詩者不可紀惟  
李嶠詩冠絕當時

轍迹銘西嶠勲庸紀北燕何如萬方會頌德  
九門前的的臨黃道迢迢入紫烟仙盤正下  
露高柱欲承天山類叢雲起珠疑大火懸聲  
流塵作劫業固海成田帝澤傾堯酒薰風入  
舜絃欣逢下生日還覩上皇年

李景伯迴波樂一首

景龍二年春正月中宗幸玄武門與近

臣觀宮女拔河又命宮女爲市肆公卿  
爲商旅與之交易因爲忿爭言辭褻慢  
上與后臨觀爲樂上又引近臣宴集令  
各獻伎爲樂張錫爲談客舞宗晉卿舞  
渾脫張洽舞黃顰杜元琰誦婆羅門呪  
李行言唱駕車西河盧藏用効道士上  
章國子司業郭山暉請誦古詩兩篇誦  
鹿鳴蟋蟀未畢李嶠以詩有好樂無荒  
之語止之羣臣酒酣帝又各命爲迴波

唐雅卷七

五

弄辭諫議大夫李景伯獨爲箴規語帝  
不悅蕭至忠曰真諫官也

迴波爾時酒卮微臣職在箴規侍燕旣過三  
爵誼譁竊恐非儀

沈佺期迴波樂一首

佺期曾以罪謫遇恩官還秩惟朱紱未  
復嘗內宴羣臣皆歌迴波樂弄詞起舞  
因是多求遷擢佺期撰此詞中宗卽以  
緋魚賜之

迴波爾時佺期流向嶺外生歸身名已蒙  
錄袍笏未賜牙緋

張說蘇摩遮五首

摩遮本出海西胡琉璃寶服紫髯鬚聞道皇  
恩遍宇宙來將歌舞助歡娛  
繡裝拍額寶花冠夷歌騎舞借人看自能激  
水成陰氣不慮今年寒不寒  
臘月凝陰積帝臺豪歌急鼓送寒來油囊取  
得天河水將添萬壽萬年杯

唐雅卷二

六

寒氣宜人最可憐故將寒水散庭前惟願聖  
君無限壽長取新年續舊年

昭成皇后辛家親榮樂諸人不比倫往日霜  
前花委地今年雪後未逢春

張九齡集賢書院成奉勅送張說上

集賢學士賜宴序

集賢殿者本集仙殿也上不以惟睿作聖而  
猶垂意好學用相必本於經術圖王亦始於  
卿臣及乎鴻生碩儒博聞多識之士自開元

肇建以迄于今大用徵集煥乎廣內而聽政  
餘暇式燕在茲也臣嘉賓得盡心之所聰明  
文思有光被之德故下以道親上亦歡甚即  
於御座爰發德音以爲候彼神人事雖前載  
傳於方士言固不經遂改仙爲賢去華務實  
且有後命增其學秩是以集賢之庭更爲論  
思之室矣中書令燕國公外弼庶績以奉沃  
心之謀內講六經以成潤色之業故得出入  
華殿師長翰林惟帝用臧固天所賴拜命之

唐雅卷七

七

日荷寵有加降聖酒之壘下御厨之膳食以  
樂侑人斯德飽時則有侍中安陽公等承恩  
預焉學士右散騎常侍東海公等攝職在焉  
或尚稷大賢或淵雲諸彥文王多士周室以  
寧武帝得人漢家爲盛而高視前古獨不在  
於今乎咸可賦詩以光鴻烈

玄宗集賢書院成送張說上集賢學

士賜宴得珎字一首

開元十三年夏四月上與中書門下及

禮官學士宴於集仙殿上曰仙者憑虛  
之論朕所不取賢者濟理之具今與卿  
曹合宴宜更名曰集賢其書院官三品  
以上爲學士六品以下爲直學士以張  
說知院事左散騎常侍徐堅副之  
廣學開書院崇儒引席珎集賢昭來職論道  
命台臣禮樂公今古文章革舊新獻酬尊俎  
列賓主位班陳節變雲初夏時移氣尚春所  
希光史冊千載仰茲辰

唐雅卷七

八

韋述奉和聖製送張說上集賢學士  
賜宴得華字一首

修文十禁起改字今名加台座徵人傑書坊  
應國賦詩開廣宴賜酒酌流霞雲散明金  
闕池開照玉沙掖垣留宿鳥溫樹落餘花謬  
此天光及銜恩醉日斜

源乾曜奉和聖製送張說上集賢學

士賜宴得迎字一首

盛業光書府徵人盡國英司綸賢得相羣俊



學爲名寵命垂天錫崇恩發睿情薰風清禁  
籙文殿述皇明日霽庭陰出池曛水氣生歡  
娛此無限詩酒自相迎

韋抗奉和聖製送張說上集賢學士  
賜宴得西字一首

廣庭臨璧沼多士侍金闥英宰文儒叶明君  
日月齊集賢光首拜改殿發新題早夏初移  
律餘花尚拂蹊壺觴接雲上經術引關西聖  
德鴻名遠將陪玉檢泥

唐雅卷七

九

裴漼奉和聖製送張說上集賢學士  
賜宴得昇字一首

問道圖書盛尊儒禮教興石渠因學廣金殿  
爲賢昇日月恩光照風雲寵命膺謀謨言可  
範舟楫事斯憑宴喜明時洽光輝湛露凝大  
哉堯作主天下頌歌稱

李昂奉和聖製送張說上集賢學士  
賜宴得催字一首

偃武堯風接崇文漢道恢集賢更內殿清選

自中台佐命留侯業詞華博物才天廚千品  
降御酒百壺催鵷鷺方成列神仙喜暫陪復  
欣同拜首叨此頌良哉

劉昇奉和聖製送張說上集賢學士  
賜宴得賓字一首

圖書應明主策府宴嘉賓台耀臨東壁乾光  
自北辰網羅窮象繫述作究天人聖酒千鍾  
洽仙廚百味陳成山徒可仰涉海詎知津幸  
逢文教盛還覩頌聲新

唐雅卷七

十

賀知章奉和聖製送張說上集賢學  
士賜宴得謨字一首

西學垂玄覽東堂發聖謨天光燭武殿時宰  
集鴻都枯朽霑星澤翺飛舞帝梧跡同遊汗  
漫榮是拔泥塗三歎承湯鼎千歡接舜壺微  
軀不可答空欲詠依蒲

王翰奉和聖製送張說上集賢學士  
賜宴得筵字一首

承堂起集賢貴得俊神仙首命台階老將

御府員送人鏘玉佩中使拂瓊筵和樂熏風  
解湛恩時雨連長材成磊落短翮強翩跹徒  
仰蓬萊地何階不讓緣

趙冬曦奉和聖製送張說上集賢學  
士賜宴得蓮字一首

淺術方觀海恩深忽見天學開丹殿籍名與  
石渠賢良輔膺休命微生謬採甄春餘仍哢  
鳥夏近未舒蓮牋札來宸禁衣冠集詔筵史  
臣知醉德欲記升中年

唐雅卷十七

十一

李元紘奉和聖製送張說上集賢學

士賜宴得私字一首

碩儒延鳳詔金馬被鴻私饌玉趨丹禁牋花  
降紫墀街恩傾旨酒鼓舞詠康時暫纂群書  
緝盛業丕接筵欣有命擢管愧無詞自驚  
一何幸太陽還及葵

程行誼奉和聖製送張說上集賢學  
士賜宴得迴字一首

聖主崇文化鏘鏘得盛才相因歸夢立殿以

集賢開象繫微言闡詩書至道該堯樽承帝  
澤禹膳自天來禮洽歡逾長風恬暑更迴國  
朝將舜頌同是一康哉

陸堅奉和聖製送張說上集賢學士  
賜宴得今字一首

聖主崇文教層霄降德音尊賢澤既厚式宴  
寵逾深復有夔龍相良哉簡帝心得人惟邁  
昔多士諒推今書殿榮光滿儒門喜氣臨顧  
惟成濫吹徒此接衣簪

唐雅卷十七

十二

蕭嵩奉和聖製送張說上集賢學士

賜宴得登字一首

帝曰簡才能旌賢在股肱文章體一變禮樂  
道逾弘芸閣英華入賓門鴛鴦登恩筵過所  
望聖澤實超恒夏葉開紅藥餘花發紫藤微  
臣亦何幸叨此預文明

褚琬奉和聖製送張說上集賢學士  
賜宴得風字一首

講習延東觀趨陪盛北宮推師恢帝則敷教

叶天工宣室恩堂興金華禮更崇洞門清永  
日華綬接微風蕙降堯厨翠榴看舜酒紅文  
恩光萬宇高議待升中

蘇頌奉和聖製送張說上集賢學士  
賜宴得茲字一首

肅肅金殿裏招賢固在茲鏘鏘石渠內序拜  
亦同時燕賜勤談道文成貴說詩用儒今作  
相敦學舊爲師下濟天光近中來帝渥滋國  
朝良史載能事日論思

唐雅卷七 三

張說奉和聖製送赴集賢院得輝字

一首

侍帝金華講千齡道固稀位將賢士設書共  
學徒歸首命深燕隗通經淺漢常列筵榮賜  
食送客愧儒衣賀燕窺簷下遷鶯入殿飛欲  
知朝野慶文教日光輝

玄宗春晚宴兩相及禮官於麗正殿  
探得風字一首 并序

朕以薄德祗膺歷數正天柱之將傾紉

地維之已絕故得承奉宗廟垂拱嚴廊  
居海內之尊處域中之大然後祖述堯  
典憲章禹績敦睦九族會同四海猶恐  
蒸黎未乂徭戍未安禮樂之政虧師儒  
之道喪乃命使者衣繡服行郡縣因人  
所利澤其可勞所以便億兆也乃命將  
士環介冑矢石審山川之向背應歲月  
之孤虛所以靜邊陲也乃命禮官考制  
度稽典則序文昭武穆享天地神祇所

唐雅卷七 四

以申嚴潔也乃命學者繕落簡緝遺編  
纂魯壁之文章綴秦坑之煨燼所以修  
文教也故能使流寓返粉榆之業戎狄  
稱藩屏之臣神祇歆其禋祀庠序闡其  
經術旣家六合時巡兩京函秦則委輸  
斯遠鼎邑則朝宗所利封畿四塞從來  
測景之都城闕千門自昔交風之地陰  
陽代謝日月相推豈可使春色虛捐韶  
華並歇乃置旨酒命英賢有文苑之高

才有掖垣之良佐舉盃稱慶何樂如之  
同吟湛露之篇宜振凌雲之藻千時歲  
在乙丑開元十三年三月二十七日  
乾道運無窮恒將人代工陰陽調曆象禮樂  
報玄穹介冑清荒外衣冠佐域中言談延國  
輔詞賦引文雄野霽伊川綠郊明輦樹紅冕  
旒多暇景詩酒會春風

張說春晚侍宴麗正殿探得開字一  
首

唐雅卷十七

五

聖政惟稽古賓門引上才坊因購書立殿爲  
集賢開苑彥星辰下仙章日月迴字如龍負  
出韻是鳳嘶來庭柳餘春駐官櫻早夏催喜  
承芸閣宴幸捧栢梁杯

張說恩制賜食於麗正殿書院宴賦  
得林字應制一首

開元十一年五月上置麗正書院聚文  
學之士或脩書或侍講以張說爲書院  
使有司供給優厚中書舍人陸堅以爲

無益徒費欲白罷之說曰自古帝王於  
無事之時莫不崇宮室廣聲色今天子  
獨延禮文儒發揮典籍所益者人所損  
者微陸生之言何不達也上聞遂薄堅  
東壁圖書府西園翰墨林誦詩聞國政講易  
見天心位竊和羹重恩叨醉酒深緩歌春興  
曲情竭爲知音

王灣恩制賜食於麗正殿書院宴賦  
得天字應制一首

唐雅卷十七

六

金殿忝陪賢瓊羞忽降天鼎羅仙掖裏觴拜  
瑣闥前院逼青霄路廚和紫禁烟酒酣空抃  
舞何以答昌年

玄宗同二相已下羣官樂遊園宴一  
首

選日巖廊暇需雲宴樂初萬方朝玉帛千品  
會簪裾地入南山近城分北斗餘池塘垂柳  
暗原野雜花踈帶幙看逾暗歌鍾聽自虛興  
闌歸騎轉還奏弼違書

崔沔奉和聖製同二相已下羣官樂  
遊園宴一首

五日醑纔畢千年樂未央復承天所錫終燕  
國之陽地勝春逾好思深樂更張落花飛廣  
座垂柳拂行觴庾尹陪三史諸侯具萬方酒  
酣同抃躍歌舞詠時康

胡皓奉和聖製同二相已下羣官樂  
遊園宴一首

五醑終宴集三錫又驩娛仙臯崇高異神州

唐雅卷十七

七

覽眺殊南山臨皓雪北闕對明珠廣座鵷鴻  
滿昌庭駟馬趨綺羅含草樹絲竹吐郊衢銜  
盃不能罷歌舞樂唐虞

王翰奉和聖製同二相已下羣官樂  
遊園宴一首

未極人心暢何如帝道明仍嫌醑宴促復寵  
樂遊行陸海披珍藏天河望斗城四關青靄  
合數處白雲生鼎餽調元氣歌鍾溢雅聲空  
慚堯舜日至德香難名

崔尚奉和聖製同二相已下羣官樂  
遊園宴一首

春日照長安皇恩寵庶官合錢承罷飲宴帛  
賜追歡供帳憑高列城池入迴寬花催相國  
醉鳥和樂人彈北闕雲中見南山樹杪看樂  
遊宜締賞舞詠惜將闌

趙冬曦奉和聖製同二相已下羣官  
樂遊園宴一首

爽塏三秦地芳華二月初醑承莫壁罷宴是

唐雅卷十七

六

合錢餘柳翠垂堪結桃紅卷欲舒從容會鵷  
鷺延曼戲龍魚喜氣流空物歡聲來里閭聖  
恩將厚意請直記言書

張說奉和聖製同二相已下羣官樂  
遊園宴一首

漢苑佳遊地軒庭近侍臣共持榮幸日來賞  
艷陽春饌玉頌王篚從金下帝鈞池臺草色  
遍宮觀柳條新花綬光連榻朱顏暢飲醇聖  
朝多樂事天意每隨人



張九齡奉和聖製同二相已下羣官

樂遊園宴一首

實筐延後命供帳序羣公形勝宜春接儀文  
建禮同晞陽人以露解愠物從風朝慶千齡  
始年華二月中輝光遍草木和氣發絲桐歲  
歲爲無事徒知樂九功

宋璟奉和聖製同二相已下羣官樂

遊園宴一首

侍飲終酺會承恩續勝遊戴天惟慶幸選地

唐雅卷十七

九

卽殊尤北向低雙闕南臨賞一丘曲江新溜  
暖上苑雜花稠疊疊韶絃屢戔戔貴帛周醉  
歸填畛陌榮耀接軒裘

蘇頲奉和聖製同二相已下羣官樂

遊園宴一首

樂遊光地選酺飲慶天從座密千官盛場開  
百戲容綠塍際山盡翠幙倚雲重下上花齊  
發周迴柳遍濃奪情紛劍履喧聽雜歌鐘日  
晚含恩散堯人併可封

張說三月二十日詔宴樂遊園賦得

風字一首

樂遊園在杜陵西北亦曰樂遊苑漢宣  
帝神爵三年春起其地多玫瑰樹首崔  
草

樂遊形勝地表裏望郊宮北闕連天頂南山  
對掌中皇恩貸芳月旬宴美成功魚戲芙蓉  
水鶯啼楊柳風春花看欲暮天澤戀無窮長  
袖招斜日留光待曲終

唐雅卷十七

二十

王維奉和聖製賜史供奉曲江宴應  
制一首

侍從有鄒枚瓊筵就水開言陪栢梁宴新下  
建章來對酒山河滿移舟草樹迴天文同麗  
日駐景惜行杯

酺宴部

楊炯奉和上元酺宴應詔一首

聖曆元年

甲子遇災年周隋送上絃祆星六丈出沴氣  
七舌懸赤縣空無主蒼生欲問天龜龍開寶

命雲火昭靈慶萬物覩真人千秋逢聖政祖  
宗玄澤遠文武休光盛大號域中平皇威天  
下驚參辰昭文物宇宙淡聲明漢后三章令  
周王五伐兵匈奴窮地角本自遠正朔驕子  
起天衢由來虧禮樂一戰掃風雨再戰夷屯  
剝清明日月旦蕭索烟雲渙寒暑既平分陰  
陽復貞觀惟神諧妙物及聖符幽贊下武發  
禎祥平諧屬會昌金泥封日觀壁水匝明堂  
業盛勛華德興包天地皇孝思儀罔極易禮

唐雅卷七

三

光前式天渙三辰輝靈書五雲色敬時窮發  
斂卜代盈千億五緯聚華軒重光入望園公  
卿論至道天子拜昌言雷解初開出星空卽  
便元瑤臺涼景薦銀闕秋陰遍百戲騁魚龍  
千門壯宮殿深仁洽蠻貊凱樂周寰縣宣室  
召羣臣明庭禮百神仰德還符日霑恩更侶  
春襄城非牧監楚國有巴人

盧照隣登封大酺歌一首

日觀仙雲隨鳳輦天門瑞雪照龍衣繁絃綺

席方終夜妙舞清歌歡未歸

杜審言大酺二首

永昌元年

聖后乘乾日王明御曆辰紫宮初啓坐蒼壁  
正臨春雷雨垂膏澤金錢贈卜人詔酺歡賞  
遍交泰覩惟新

毘陵震澤九州通士女歡娛萬國同伐鼓撞  
鐘驚海上新粧袿服照江東梅花落處疑殘  
雪柳葉開時任好風火德雲官逢道泰天長  
地久屬年豐

唐雅卷七

三

陳子昂洛城觀酺應制一首

聖人信恭已天命允昭回蒼極神功被青雲  
秘籙開垂衣受金冊張樂宴瑤臺雲鳳休徵  
滿龍魚雜戲來崇恩踰五日惠澤暢三才玉  
帛羣臣醉微章緝禮該方覩升中禪言觀拜  
洛迴微臣固多幸敢上萬年杯

張說東都酺宴五首

并序

先天元祀孟冬十月東都留守常公賁  
奉聖朝述宣嘉旨乃合洛京之五省招

河尹之二縣將吏咸集佩章有序鏘鏘  
濟濟侃侃闔闔供張於興教之門式醕  
宴也原夫樂生於心非因結風之奏和  
達於氣無待陽春之節蓋澤之所及也  
深則情之所感者遠國家天地一統君  
臣百年朝榮舊德之序野賴先疇之業  
玄化漸漬洪恩既久太上功德不宰夏  
后命子之初皇帝孝理無爲漢祖事親  
之日生堯舜於天屬見文武於同時前

唐雅卷七

五

古未逢斯人何幸是日六樂振作萬舞  
萬舞鳥獸徘徊士女踴躍則知衆庶觀  
德之所樂也旨酒絡繹大庖燔炙芳溢  
風烟醉流阡陌又知衣冠之所適也由  
近而視遠萬國之慶皆然自明而察幽  
三靈之欣可接若夫吟詠德澤播越人  
聲斯固雅頌之餘波政教之遺美凡我  
詞客安敢闕如賦詩展事垂列于後

堯舜垂天下同心致太平吾君內舉聖遠合

至公情錫命承丕業崇親享大名二天資廣  
運雨曜益齊明道暢昆蟲樂恩深朽蠹榮皇  
輿久西幸留鎮在東京合宴千官入分曹百  
戲呈樂來嫌景遽酒著訝寒輕喜氣連雲閣  
歡呼動洛城人間知幾代今日見河清  
重華昇寶曆軒帝眇閑居政成天子孝俗返  
上皇初忘味因觀樂歡心寄合醕自憐疲馬  
意戀戀主恩餘

唐雅卷七

五

舞鳳來雕盤裝草樹綺乘結樓臺共喜光華  
日酣歌捧玉杯  
曉月調金鼓朝暾對玉盤爭馳羣鳥散關伎  
百花團遇聖人知幸承恩物自歡洛橋將舉  
燭醉舞拂歸鞍  
凱宴惟今席餘歡殊未窮入雲歌嫋嫋向日  
妓叢叢馭管催酣興留關待曲終長安若爲  
樂應與萬方同

玄宗御製春中興慶宮醕宴一首并序

夫抱器懷才含仁蓄德可以坐而論道者我於是乎闢重門以納之作扞四方折衝萬里可運籌帷幄者我於是乎懸重祿以待之是故外無金革之虞朝有縉紳之盛所以巖廊多暇垂拱無爲不言而海外知歸不教而寰中自肅元亨之道其在茲乎況乎天地交而萬物通陰陽和而四時序所寶者粟所貴者賢故以宵旰爲懷黎元在念盡力溝洫不

唐雅卷七

三

知宮室之已卑致敬鬼神不知飲食之斯薄往以仲冬建子南至初陽爰詔司存式陳郊祀挹夷夏之誠請答人神之厚睠烟歸太一禮備上玄以申昭報之情足以極嚴禋之道然心融萬類歸雷雨之先春慶洽百寮象雲天而高宴歲二月地三秦水汎汎而龍池滿日遲遲而鳳樓曙清門左右軒庭映梅柳之春紫陌東西帶幕動烟霞之色撞鐘伐鼓

雲起雪飛歌一聲而酒一盃舞一曲而人一醉詩以言志思吟湛露之篇樂以忘憂慙運臨汾之筆

九達長安道三陽別館春還將聽朝暇迴作豫遊辰不戰要荒服無刑禮樂新合酺覃土宇歡宴接羣臣玉竿飛千日瓊筵薦八珍舞衣雲曳影歌扇月開輪伐鼓魚龍雜撞鐘角觝陳曲終酣興晚須有醉歸人

張說奉和聖製春中興慶宮酺宴應

唐雅卷七

三

制一首

千齡逢啓聖萬域共來威慶接郊禋後酺承農事稀御樓橫廣路天樂下重闈鸞鳳調歌曲虹霓動舞衣合聲雲上聚連步月中歸物覩恩無外神和道入微鎬京陪樂飲栢殿奉文飛徒竭秋雲影何資春日暉

張九齡奉和聖製南郊禮畢酺宴一

首

開元十一年十一月戊寅有事於南郊

大赦賜奉祠官階勳爵親王公主一子

官高年粟帛孝子順孫終身勿事天下

酺三日京城五日

配天昭聖業率土慶輝光春發三條路酺開  
百戲場流恩均庶品縱觀聚康莊妙舞來平  
樂新聲出建章分曹日抱戴赴節鳳歸昌幸  
奏承雲樂同晞湛露觴氣和皆有感澤厚自  
無疆飽德羣臣醉連歌奉栢梁

張九齡奉和聖製登封禮畢洛城酺

唐雅卷十七

三

宴一首

大君畢能事端戾樂成功運與千齡合歡將  
萬國同漢酺歌聖酒韶樂舞薰風河洛榮光  
遍雲烟喜氣通春華頻覺早天澤倍加崇草  
木皆霑被猶言不在躬

蘇頲廣達樓下夜侍酺宴應制一首

東岳封迴宴洛京西墉通曉會公卿樓臺絕  
勝宜春苑燈火還同不夜城正覩人間朝市  
樂忽聞天上管絃聲酺來萬舞羣臣醉喜戴

千年聖主明

王昌齡夏月花萼樓酺宴應制一首

土德三元正堯心一國同汾陰備冬禮長樂  
應和風賜慶垂天澤流歡舊渚宮樓臺生海  
上簫鼓出天中霧曉筵初接宵長曲未終雨  
隨行纂合月向舞筵空玉陛分朝列文章發  
聖聰愚臣忝書賦歌詠頌絲桐

王維奉和聖製正月十五夜燃燈繼

以酺宴應制一首

唐雅卷十七

六

見節序部

儲光羲大酺得長字韻時任安宜尉

一首

大道啓元命時人居大康中朝發玄澤下國  
被天光明詔始端午初筵當履霜鼓鼙開爽  
氣羽籥映新陽太守卽玄圃淮夷成葆彊小  
臣慚下位拜手頌靈長

儲光羲獻高使君大酺作一首

肅穆郊禋畢工歌賞事并三朝導湛露一道



洽仁明布德言皆應無爲物自成花添羅綺  
色鶯亂管絃聲獨有同高唱空陪樂太平

李白流夜郎聞酺不預一首

北闕聖人歌太康南冠君子竄遐荒漢酺聞  
奏鈞天樂願得風吹到夜郎

唐雅卷第十七

聖卷之八

三

唐雅第八冊目錄

卷之十八

寵錫部

太宗賜房玄齡詩一首

太宗賜蕭瑀詩一首

蘇晉左右丞相太子少傅同日上官

天子作三傑之詩命宴都堂序

玄宗左丞相張說右丞相宋璟太子

少傅源乾曜同日上官命宴都堂

唐雅第八冊目錄

賜詩一首

張說奉和御製說與源乾曜宋璟同

日上官命宴都堂賜詩一首

宋璟奉和御製璟與張說源乾曜同

日上官命宴都堂賜詩一首

源乾曜奉和御製乾曜與張說宋璟

同日上官命宴都堂賜詩一首

宇文融蕭嵩裴光庭奉和御製左丞

相說右丞相璟太子少傅乾曜同

日上官命宴都堂賜詩共三首

玄宗千秋節賜羣臣鏡一首

玄宗賜王公千秋鏡一首

張說奉和聖製賜王公千秋鏡應制一首

席豫奉和勅賜公主鏡一首

王維崔興宗勅賜百官櫻桃共二首

梅妃謝賜玳瑁珠一首

誠勵部

唐雅第八冊目錄 二

玄宗賜諸州刺史以題坐右一首

張說張九齡奉和聖製賜諸州刺史

以題坐右共二首

赦宥部

沈佺期則天門赦改年一首

沈佺期答寧愛州報赦一首

沈佺期喜赦一首

張說和張監觀赦一首

沈佺期赦到不得歸題江上石一首

儲光羲晚霽中園喜赦一首

王維既蒙宥罪旋復拜官伏感聖恩

竊書鄙意兼奉簡新除使君等諸

公一首

奉使部

宋之問奉使嵩山途經緱嶺一首

張說再使蜀道一首

王灣奉使登終南山一首

張九齡奉使自藍田玉山南行一首

唐雅第八冊目錄 三

張九齡夏日奉使南海在道中作一

首

李嶠奉使築朔方六州城率爾而作

一首

鄭審奉使巡檢兩京路果樹事畢入

秦因詠歌一首

胡衡銜命使本國一首

杜審言和李大夫嗣真奉使存撫河

東一首

賈至自蜀奉冊命往朔方途中呈帝

左相文部房尚書門下崔侍郎一

首

卷之十九

祖餞部

太宗餞中書侍郎來濟一首

許敬宗奉和聖製餞中書侍郎來濟

應詔一首

褚亮奉和禁苑餞別應令一首

唐雅第八冊目錄 四

楊思玄李敬玄奉和別魯王共二首

李敬玄張大安劉禕之奉和別越王

共三首

玄宗送李邕之任滑臺一首

張九齡奉和聖製送李邕之任滑臺

一首

玄宗送賀知章歸四明一首

李林甫李白送賀監歸四明應制共

二首

玄宗送忠州太守康昭遠一首

玄宗賜崔日知往潞州一首

張說奉和聖製賜崔日知往潞州應

制一首

賈曾奉勅送張說巡邊序一首

玄宗送張說巡邊一首

張說巡邊應制一首

徐堅席豫崔禹錫蘇晉王翰許景先

韓休袁暉宋璟源乾曜張嘉貞盧

唐雅第八冊目錄 五

從願徐知仁王光庭張九齡崔日

用賀知章奉和聖製送張說巡邊

共十七首

玄宗送王暉巡邊一首

張說張九齡奉和聖製送王暉巡邊

應制共二首

韋元旦李嶠徐堅李適趙彥昭沈佺

期閻朝隱鄭愔武平一徐彥伯崔

湜薛稷馬懷素蘇頲張說劉憲奉

和送金城公主適西蕃應制共十六首

李乂李嶠奉和幸望春宮送朔方大總管張仁亶共二首

劉憲蘇頲奉和聖製幸望春宮送朔方大總管張仁亶共二首

張說奉和聖製送宇文融安輯戶口應制一首

張九齡奉和聖製送十道採訪使及

唐雅第八冊目錄 六

朝集使一首

蘇頲奉制漕橋東送新除岳牧一首

張說洛橋北亭詔餞諸刺史一首

二首見  
橋梁部

王維奉和聖製暮春送朝集使歸郡

應制一首

王維奉和聖製送不蒙都護兼鴻臚

卿歸安西應制一首

宋之問李乂送沙門弘景道俊玄英

還荊州應制共二首

玄宗送趙法師還蜀因名山真簡一首

卷之二十

眺望部

太宗春日望海一首

許敬宗楊師道奉和聖製春日望海共二首

太宗望終南山一首

唐雅第八冊目錄 七

太宗登三臺言志一首

玄宗春臺望一首

賀知章許景先奉和聖製春臺望共

二首  
以上三首  
見四時部

中宗登驪山高頂寓目一首

李嶠劉憲武平一趙彥昭李乂蘇頲

張說奉和聖製登驪山高頂寓目

應制共七首

張說奉和聖製登驪山寫眺應制一

首

王維奉和太常寺主簿五郎溫湯寓

目一首

懷古部

玄宗經魯祭孔子一首

張說張九齡奉和聖製經魯祭孔子

應制共二首

玄宗行次成臯途經先聖擒建德之

所緬思功業感而賦詩一首

唐雅第八冊目錄 八

張說奉和聖製行經先聖擒建德之

所一首

張九齡奉和聖製行次成臯經先聖

擒建德之所一首

玄宗過老子廟一首

玄宗經河上公廟一首

蘇頲張說張九齡奉和聖製經河上

公廟應制共三首

中宗幸秦始皇陵一首

宋之問趙彥昭李乂李嶠奉和幸長

安故城未央宮應制共四首

沈佺期初冬從幸漢故青門應制一

首

張說張九齡奉和聖製過王濬墓應

制共二首

丁仙芝長寧公主舊山池一首

唐雅第八冊目錄 終

唐雅第八冊目錄 九



唐雅卷第十八

清河張之象編

寵錫部

太宗賜房玄齡詩一首

太液仙舟迴西園隱上才未曉征車度雞鳴  
關早開

太宗賜蕭瑀詩一首

貞觀九年四月以光祿大夫蕭瑀爲特  
進復令修預政事太宗曰武德六年以

唐雅卷六

一

後高祖有廢立之心而未定我不爲兄  
弟所容實有功高不賞之懼斯人也不  
可以利誘不可以死脅真社稷臣也因  
賜是詩又謂瑀曰卿之忠直古人不過  
然善惡太明亦有時而失瑀再拜謝魏  
徵曰瑀違衆孤立唯陛下知其忠勁彊  
不遇聖明求免難矣

疾風知勁草昏日辨誠臣勇夫安識義智者  
必懷仁

蘇晉左右丞相太子少傅同日上官

天子作三傑之詩命宴都堂序

惟聖寶賢以齊皇極有若左丞相燕國公右  
丞相廣平公太子少傅安陽侯皆生人碩德  
王國元老道著廊廟績宣華戎由是懋其  
成功錫以元吉咨日于朔擇時于秋俾對命  
王庭受職公府見羣屬揖庶寮禮官辦章掌  
舍陳次工備侑饗獻蒸六卿拜下以成儀三  
事自天而來賀秩賓筵暉暉旅疇玉緯垂文

唐雅卷六

二

南風和雅頌之奏金漿降醴雲天光飫酌之  
宜宰德貴和盡莊敬具瞻之範羣才尚洽預  
周旋宴語之歡方將一心天工勦力帝載寢  
黑山之拆包青海之戈雲雨賢才水火菽粟  
日詠魚藻歲陳由庚願殷趙之年留魯陽之  
景爰命在宴乃賡載歌

玄宗左丞相張說右丞相宋璟太子

少傅源乾曜同日上官命宴都堂賜

詩一首

赤帝收三傑黃軒舉二臣由來丞相重分掌  
國之鈞我有握中璧雙飛席上玳子房推道  
要仲子訝風神復輟台衡老將爲調護人鵷  
鸞同拜日車騎擁行塵樂聚南宮宴觴連北  
斗醇俾予成百揆垂拱問彝倫

張說奉和御製說與源軋曜宋璟同  
日上官命宴都堂賜詩一首

大塊鎔羣品經生偶聖時猥承三事命虛忝  
百僚師右揆謀華碩前星傳重資連鑾求舊

唐雅卷六

三

禮濫點樂賢詩賜金同榮拜擬金宴宰司菊  
花吹御酒蘭葉捧天詞寶曆休明盛頽年啓  
漏衰少留青史筆未敢赤松期

宋璟奉和御製璟與張說源軋曜同  
日上官命宴都堂賜詩一首

丞相邦之重非賢諒不居老臣庸且憊何德  
以當諸厚秩先爲忝崇班復此除太常陳禮  
樂中掖降簪裾聖酒江河潤仙文象緯舒冒  
恩懷寵錫陳力省空虛郭隗慙無駿馮諷愧

有魚不知周勃者榮幸定何如

源乾曜奉和御製乾曜與張說宋璟  
同日上官命宴都堂賜詩一首

睿作超千古湛恩育萬人逋遷俱荷澤同拜  
忽爲鄰道合徽音暢芳馳景命新鼓鐘崇享  
禮鵷鷺集朝倫竊位思官謫凋容謝木春慙  
多無以敘拙備實難陳進綬懷三少承光盡  
百身自當歸第日何幸列宮臣

唐雅卷六

四

宇文融奉和御製左丞相說右丞相  
璟太子少傅軋曜同日上官命宴都  
堂賜詩一首

申甫生周日宣慈舉舜年何如偶昌運比德  
邁前賢寵護元良密榮瞻端揆遷職優三事  
老位極百僚先北極迴宸幄南宮飾御筵飛  
文瑤札降賜酒玉杯傳謬列台衡重俱承雨  
露偏誓將同竭力相與効塵涓

蕭嵩奉和御製左丞相說右丞相璟  
太子少傅乾曜同日上官命宴都堂

賜詩一首

審官思共理多士屬惟唐歷選台庭舊來熙  
帝業昌入朝師百辟論道協三光垂拱資元  
老親賢輔少陽登庸崇禮送寵德耀宸章御  
酒飛觴洽仙闈雅樂長荷恩思有報陳力愧  
無良願罄公忠節同心奉我皇

裴光庭奉和御製左丞相說右丞相  
璟太子少傅乾曜同日上官命宴都  
堂賜詩一首

唐雅卷六

五

樂賢聞往詒褒德偶茲辰端揆升元老師謀  
擇累仁紫庭崇讓畢粉署禮容陳旣荷恩榮  
舊俱承寵命新天文懸瑞色聖酒汎華茵雜  
遯陳簫鼓歡娛洽縉紳掖垣招近侍虛薄廁  
清塵共保堅貞節當期雨露均

玄宗千秋節賜羣臣鏡一首

瑞露垂花綬寒氷徹寶輪對茲臺上月聊以  
慶佳辰

玄宗賜王公千秋鏡一首

鑄得千秋鏡光生百鍊金分將賜羣后遇象  
見清心臺上氷華澈窓中月影臨更銜長綬  
帶留意感人深

張說奉和聖製賜王公千秋鏡應制  
一首

寶鏡頒神節凝規寫聖情千秋題作字長壽  
帶爲名月向天邊下花從日裏生不知懸象  
意誰辨照心明

席豫奉和勅賜公主鏡一首

唐雅卷六

六

令節頒龍鏡仙輝下鳳臺含靈萬象入寫照  
百花開色與皇明散光隨聖澤來妍蚩水鑑  
裏從此愧非才

王維勅賜百官櫻桃一首

芙蓉闕下會千官紫禁朱櫻出上闌總是寢  
園春薦後非關御苑鳥銜殘歸鞍競帶青絲  
籠中使頻傾赤玉盤飽食不須愁內熱大官  
還有蔗漿寒

崔興宗勅賜百官櫻桃一首

未央朝謁正逶迤天上櫻桃錫此時朱實初  
傳九華殿繁花舊雜萬年枝未勝晏子江南  
橘莫比潘家大谷梨聞道令人好顏色神農  
本草自應知

梅妃謝賜玳珠一首

梅妃善屬文最爲明皇所幸嘗作蕭蘭  
梨園梅花鳳笛剪刀綺窓八賦時傳誦  
焉會太真楊氏入侍寵愛日奪後遷於  
上陽東宮妃益怨慕作樓東賦以寄意

不唐雅卷六

七

帝每念之時在花萼樓有夷使貢玳珠  
者至命封一斛密賜妃妃不受以詩付  
使者曰爲我進御前也上覽詩悵然不  
樂令樂府以新聲度之號一斛珠曲名  
蓋始于此

桂葉雙眉久不描殘粧和淚濕紅綃長門盡  
日無梳洗何必玳珠慰寂寥

誠勵部

玄宗賜諸州刺史以題坐右一首

開元十六年帝自擇廷臣爲諸州刺史  
許景先治號州源光裕鄭州寇泚宋州  
鄭溫琦邠州袁仁恭杭州崔志廉襄州  
李昇期邢州鄭放定州蔣挺湖州裴觀  
滄州崔誠遂州凡十一人行詔宰相諸  
王御史以上祖道洛濱盛具奏太常樂  
帛舫水嬉命高力士賜詩令題坐右帝  
親書且給筆紙令自賦賚絹三千遣之  
眷言思共理鑑古想維良猗歟此推擇評績

不唐雅卷六

八

著周行賢能旣俟進黎獻實佇康視人嘗如  
子愛人亦如傷講學試誦論阡陌勤耕桑虛  
譽不可飾清知不可忘求名迹易見安直德  
自彰訟獄必以情教民貴有常恤惻且存老  
撫弱復綏強勉哉各祇命知予眷萬方

張說奉和聖製賜諸州刺史以題坐

右一首

文明遍禹迹鰥寡達堯心正在親人守能令  
王澤深朝廷多秀士鏐鍊比精金犀節同分

命熊軒各外臨聖主賦新詩令若聽薰琴先  
言教爲本次言則是欽三時農不奪午夜犬  
無侵願使天宇內品物遂浮沉寄情羣飛鶴  
千里一揚音共躡華胥夢襲黃安足尋

張九齡奉和聖製賜諸刺史以題坐  
右一首

聖人合天德洪覆在元元每勞蒼生念不以  
黃屋尊興化俟羣辟擇賢守列藩得人此爲  
盛谷嶽今復存降鑒引若道殷勤啓政門容

本唐雅卷六

九

光無不照有象必爲言成憲知所奉致理歸  
其根肅肅稟玄猷煌煌戒朱軒豈徒任遇重  
兼爾宴錫繁載聞勵臣節持荅聖主恩

赦宥部

沈佺期則天門赦改年一首

聖人有天下幽鑰動圓狴六甲迎黃氣三光  
降紫泥籠僮上西鼓振迅廣陽雞歌舞將金  
帛汪洋被遠黎

沈佺期荅寧愛州報赦一首

聖報天中赦人從海上聞九泉開白日六  
起青雲命偶恩先貸情孤枉未分自憐涇渭  
別誰與奏明君

沈佺期喜赦一首

去歲投荒客今春肆青歸律通幽谷暖盆舉  
太陽暉喜氣迎冤氣青衣報白衣還將合浦  
月俱向洛城飛

張說和張監觀赦一首

日御臨雙闕天街儼百神雷方作解氣歲復

本唐雅卷六

十

建寅春喜候開星驛歡聲發市人金環能作  
賦來入管絃新

沈佺期赦到不得歸題江上石一首

客住東京裏身投南海西風烟萬里隔朝夕  
幾行啼聖主謳歌洽賢臣法令齊忽聞銅柱  
使走馬報金雞棄市沾皇渥投荒漏紫泥魂  
疲山鶴路心醉跼鳶溪天鑒誅元惡宸慈恤  
遠黎五方思寄刃萬姓喜然臍自幼輸丹懇  
何嘗玷白圭承言竄遐魅雪枉間深狴墳壠



無由謁京華豈重躋炎方誰謂廣地盡覺天  
低百卉雜殊恠昆虫理賴睽閉藏元不執搖  
落反生黃瘡瘴因茲苦窮愁益復迷火雲蒸  
毒霧陽雨濯陰霓周乘安交趾王恭輯畫題  
少寬窮涸鮒猶閔觸藩抵配宅鄰州解班苗  
接野畦山空觀闢象江淨見遊犀翰墨思諸  
季裁縫憶老妻小兒應離襦幼女未攀笄夢  
蝶翻無定著龜詎有倪誰能竟此曲曲盡氣  
酸嘶

唐雅卷六

七

儲光羲晚霽中國喜赦一首

五月黃梅時陰氣蔽遠邇煙雲連晦朔菰菜  
生隣里落日晚霞明農夫知雨止幾悲衽席  
濕長嘆垣墻毀矚目天宇開家族躍以喜渙  
汗發大號坤元更資始散衣出中國小徑尚  
滑履池光搖萬象倏忽滅復起嘉對如我心  
欣欣豈云已

王維既蒙宥罪旋復拜官伏感聖恩  
竊書鄙意兼奉簡新除使君等諸公

一首

忽聞漢詔還冠冕始覺殷王解網羅日比皇  
明猶自暗天齊聖壽未云多花迎喜氣皆知  
笑鳥識歡心亦解歌聞道百城新佩印還來  
雙闕共鳴珂

奉使部

宋之問奉使嵩山途經緱嶺一首

侵星發洛城城中歌吹聲畢景至緱嶺嶺上  
烟霞生草樹饒野意山川多古情大隱德所  
薄歸來可退耕

唐雅卷六

七

張說再使蜀道一首

眇眇葭萌道蒼蒼褒斜谷烟壑爭晦深雲山  
共重複古來風塵子同眩望鄉目芸閣有儒  
生輶車倦馳逐青春客岷嶺白露搖江服歲  
月鎮羈旅山川長返覆魚遊戀深水鳥游戀  
喬木如何別親愛坐去文章國蟋蟀鳴戶庭  
蟪蛄網琴筑

王灣奉使登終南山一首

常愛南山遊，因而盡原隰。數朝至林嶺，百仞登崑崙。石壯馬徑窮，苔色步緣入。物奇春秋改，氣遠天香集。虛洞策杖鳴，低雲拂衣濕。倚巖見廬舍，人戶欣拜揖。問姓矜勤勞，示心教澄習。玉英時共飲，芝草爲餘拾。境絕人不行，潭深鳥空立。一乘從此受，九轉兼是給。辭處若輕飛，憩來唯吐吸。閑襟超已勝，迴路倏而及。烟色松上深，水流山下急。漸平逢車騎，向晚眺城邑。峰在野趣繁，塵飄宦情緝。辛苦久

不唐雅卷六

十三

爲吏勞生何妄執，日暮懷此山悠然。賦斯什

張九齡奉使自藍田玉山南行一首

征驂入雲壑，情如步金門。通藉微軀幸，歸途明主恩。匪唯徇行役，兼得慰晨昏。是節暑云熾，紛吾心所尊。海縣且悠緬，山郵日駿奔。徒知惡囂事，未暇息陰論。堯武經陳迹，衡湘指故園。水聞南澗險，烟望北林繁。遠靄千巖合，幽聲百籟喧。陰泉夏衍東，陽景晝方暎。懃此高深極，徒令夢想存。盛明期有報，長往復奚

言

張九齡夏日奉使南海在道中作一首

緬然萬里路，赫曦三伏時。飛走逃深林，流爍恐生疵。行李豈無苦，而我方自怡。肅事誠在公，拜慶遂及私。展力慙淺效，銜恩感深慈。且欲湯火蹈，況無鬼神欺。朝發高山阿，夕濟長江湄。秋瘴寧我毒，夏水胡不夷。信知道存者，但問心所之。呂梁有出入，乃覺非虛詞。

唐雅卷六

十四

李嶠奉使築朔方六州城率爾而作一首

奉詔受邊服，總徒築朔方。驅彼犬羊族，正此戎夏疆。子來多悅豫，王事寧怠遑。三旬無愆期，百雉鬱相望。雄視沙漠陲，有截北海陽。二庭已頓顙，五嶺盡來王。驅車登崇墉，顧盼凌大荒。千里何蕭條，草木自悲涼。憑軾訊古今，慨焉感興亡。漠障緣河遠，秦城入海長。願無廟堂策，貽此中夏殃。遁隱前業衰，運開今化

昌制爲百王式舉合千載防馬牛被路隅鋒  
鏑銷戰場豈不懷賢勞所圖在永康王事何  
爲者稱代陳頌章

鄭審奉使巡檢兩京路果樹事畢入  
秦因詠歌一首

聖德周天壤韶華滿帝畿九重承渙汗千里  
樹芳菲陝塞餘陰薄關河舊色微發生和氣  
動封植衆心歸春露條應弱秋霜果定肥影  
移行子蓋香撲使臣衣入徑迷馳道分行接

唐雅卷六

五

禁闈何當扈仙蹕攀折奉恩輝

胡衡銜命使本國一首

銜命將辭國非才忝侍臣天中戀明主海外  
憶慈親伏奏違金闕飛驂去玉津蓬萊鄉路  
遠若木故園隣西望懷恩日東歸感義辰平  
生一寶劍留贈結交人

杜審言和李大夫嗣真奉使存撫河

東一首

六位軋坤動三微曆數遷謳歌移火德圖讖

在金天子月開階統房星受命年禎符龍馬  
出寶錄鳳凰傳地即交風雨都仍卜澗瀝明  
堂唯御極清廟乃尊先不宰神功運無爲大  
衆懸八荒平物土四海接人烟已屬羣生泰  
猶言至道偏璽書傍問俗旌節近推賢秩比  
司空位官臨御史貞推辭執刀筆直諫罷樓  
船國有大臣器朝加小會選將行備禮樂送  
別仰神仙城闕周京轉關河陝伏連稍觀汾  
水曲俄指絳臺前姑射聊長望平陽遂宛然

唐雅卷六

六

舜耕餘草木禹鑿舊山川昔出諸侯爭無何  
霸業全中軍歸戰敵外府絕兵權隱隱帝鄉  
遠瞻瞻肅命虔西河偃風俗東壁挂星躔井  
邑粉榆社陵園松栢田榮光晴掩代佳氣晚  
侵燕雨霽鴻私滌風行睿旨宣惇嫠訪疾苦  
屠釣採貞堅人樂逢刑措時康洽賞延賜踰  
秦氏級恩倍漢家錢擁傳咸翹首稱觴競比  
肩拜迎彌道路詠舞益郊廓殺氣西衝白窮  
陰北暝玄飛霜遙渡海殘月迥臨邊緬邈朝

廷問周流朔塞旋興來探馬策駿發抱龍泉  
學總八千卷文傾三百篇澄清得使者作頌  
有人焉莫以崇班閔而云勝托指偉材何磊  
落陋質幾翩翩江海寧爲讓巴渝轉自牽一  
聞歌聖道助曲荷陶甄

賈至自蜀奉冊命往朔方途中呈韋

左相文部房尚書門下崔侍郎一首

胡羯亂中夏鑾輿忽南巡衣冠陷戎寇狼狽  
隨風塵幽公秉大節臨難不顧身激昂白刃

唐雅卷六

十七

前濺血下沾巾尚書抱忠義歷險披荆榛  
扈從出劍門登翼岷江濱時望挹侍郎公才標  
縉紳亭亭昆山玉皎皎無緇磷顧惟乏經濟  
扞牧陪從臣永願雪會稽仗劍清咸秦太皇  
時內禪神器付嗣君新命集舊邦至德祗遠  
人捧冊自南服奉詔趨北軍覲謁心載馳違  
離難重陳策馬出蜀山畏途上綠雲飲啄叢  
箐間棲息虎豹羣崎嶇凌危棧惴慄驚心神  
峭壁上嶽岑大江下沄沄皇風扇八極異類

懷深仁元兇誘黠虜肘腋生妖氛明王信英  
武威聲共殊隣誓師自朔方旗幟何繽紛鐵  
騎照白日旄頭拂秋旻將來盪滄溟寧止蹴  
崑崙古來有屯難否泰嘗相因夏康續禹績  
代祖復漢勲于後各勤王驅馳拱紫宸豈惟  
太公望往昔逢周文誰謂三傑才功業獨殊  
倫感此慰行邁無爲歌苦辛

唐雅卷第十八

唐雅卷六

六

唐雅卷第十九

清河張之象編

祖餞部

太宗餞中書侍郎來濟一首

曖曖去塵昏  
灞岸飛飛傾  
蓋指河梁  
雲峯衣結  
千重葉雪  
岫花開幾  
樹粧深悲  
黃鶴孤舟  
遠獨嘆青  
山別路長  
聊將分袂  
沾巾淚還  
用持添離  
席觴

許敬宗奉和聖製餞中書侍郎來濟

唐雅卷九

應詔一首

萬乘騰鑣警岐路  
百壺供帳餞離宮  
御溝分水聲難絕  
廣宴當歌曲易終  
興言共傷千里道  
俯迹聊示五情同  
良哉既深留帝念  
沃化方有贊天聰

褚亮奉和禁苑餞別應令一首

大藩初錫瑞出牧  
邇皇京暫以綠車  
重宣承朱邸榮舒  
桃臨遠騎垂柳映  
軍營惠化宣千里  
威風動百城禁籞  
芳嘉節神襟餞送  
情金

徒催別景玉管切離聲  
野花開更落山鳥啼  
驚微臣夙多幸薄宦奉  
儲明鈞臺慙作賦  
伊小濫聞笙懷德良知  
久酬恩識命輕

楊思玄奉和別魯王一首

元王詩傳博文后寵靈  
優鶴蓋動宸眷龍章  
送遠遊函關踈別道  
灞岸引行舟北林分  
苑樹東流溢御溝鳥  
聲含羽碎騎影曳花  
浮聖澤九垓普天文  
七曜周方徒獻雅樂  
簪帶奉鳴球

唐雅卷九

李敬玄奉和別魯王一首

綠車旋楚服丹隄佇  
秦川珠臯轉歸騎金  
岸引行旂一朝限原  
隰千里間風煙鷺喧  
上林谷鳬響御溝前  
斷雲移魯蓋離歌動  
舜絃別念凝神展崇  
恩洽玳筵顧惟慙叩  
寂徒自仰鈞天

李敬玄奉和別越王一首

飛蓋迴蘭坂宸襟佇  
栢梁別館分涇渭歸  
路指衡漳關山通曙  
色林籞徧春光帝念  
紆千



里詞波照五潢

張大安奉和別越王一首

盛藩資右戚連萼重皇情離襟愴睢苑分途  
指鄴城麗日開芳甸佳氣積神京何時驂駕  
入還見謁承明

劉棉之奉和別越王一首

周屏辭金殿梁驂整玉珂管聲依折柳琴韻  
動流波鶴蓋分陰促龍軒別念多延襟小山  
路還起大風哥

唐雅卷十九

三

玄宗送李邕之任滑臺一首

漢家重東郡宛彼白馬津黎庶旣蕃殖臨之  
勞近臣遠別初首路今行方及春課成應第  
一良牧爾當仁

張九齡奉和聖製送李邕之任滑臺一首

眷言感忠義何有間山川徇節今如此離情  
空復然皇心在勤恤德澤委昭宣朞月成功  
後明年或勞還

玄宗送賀知章歸四明一首

知章年八十有六卧病冥然無知疾損  
上表乞爲道士還鄉明皇許之捨宅爲  
觀賜名千秋命其男曾子會稽郡司馬  
賜鑑湖剡川一曲詔令供帳東門百寮  
祖餞御製送詩并序云天寶三年太子  
賓客賀知章鑒止足之分抗歸老之疏  
解組辭榮志期入道朕以其年在遲暮  
用循挂冠之事乃命六卿庶尹大夫供

唐雅卷十九

四

帳青門寵行邁也豈惟崇德尚齒抑亦  
勵俗勸人無令二疎獨光漢冊乃賦詩  
贈行

遺榮期入道辭老竟抽簪豈不惜賢達其如  
高尚心寰中得秘要方外散幽襟獨有青門  
餞羣寮悵別深

李林甫送賀監歸四明應制一首

挂冠知止足豈獨漢疎賢入道求真侶辭恩  
訪列仙睿文含日月宸翰動雲烟鶴駕吳鄉

遠遙遙南斗邊

李白送賀監歸四明應制一首

久辭榮祿遂初衣曾向長生說息機真訣自  
從茅氏得恩波寧阻洞庭歸瑤臺含霧星辰  
滿仙嶠浮空島嶼微借問欲棲珠樹鶴何年  
却向帝城飛

玄宗送忠州太守康昭遠一首

端拱臨中樞緬懷共子理不有臺閣英孰振  
循良美分符侯甸內拜首明庭裏誓節期飲

唐雅卷九

五

水調人方導水嘉聲馳九牧惠化光千祀時  
雨侔昔賢芳猷貫前史佇爾頌中和吾將令  
卿士

玄宗賜崔日知往潞州一首

潞國開新府壺關寵舊林妙旌循吏德特悅  
庶氓心禮樂中朝貴神明列郡欽揚風非贈  
扇易俗是張琴藩鎮謳謠滿行宮雨露深會  
書丞相策先賜潁川金

張說奉和聖製賜崔日知往潞州應

制一首

聖情留重鎮佳氣翊興王增戟雄都府高車  
轉太常川橫八練關山帶五龍長連帥初恩  
命天人舊紀綱餞塗飛御藻闔境自生光明  
主徵循吏何年下鳳凰

賈曾奉勅送張說巡邊序

王者大司馬制軍詰禁封國正朔惠綏綏  
刑齊猶復其儀尚矣天子道穆三象功清六  
合截海來威窮荒撥教將以靜流服度蕃畿

唐雅卷九

六

削憚凌暴昭蘇寡弱乃命元宰兵部尚書燕  
公專節朔方授律羣帥涉河之外距關之西  
公皆統之重分閫也公智以開物精以造微  
文爲一變之英武有萬人之敵歷登庶尹王  
猷載寧三宅台衡帝采惟亮雖在堂足以制  
勝而勤國志其定居闕茂次年仲臯貞閏拜  
手東洛馳輅北闕備官而行成旅以從是日  
也景風司至星火殷宵伯趙鳴而戒陰爽鳩  
習而揚武禮可以升高遠望詩可以出宿餞

行有詔具寮爰開祖宴且申後命寵以繁錫  
天章賦別御札題牋副衣勉挾纊之誠兼壺  
喻投醪之旨筐篚以將其貺筆硯以表其文  
前載天書今策斯覩侍中安陽公以仁體國  
中書令河東公以德熙朝翼贊功成訐謀景  
暇恭采薇之恩典悵伐木之明思詢彼甸師  
卜茲郊候鼎門右轉岐路傍分當關塞之斷  
山接華林之高樹幕人宿設重幣雲平太官  
饗舉百羞霞錯四夏六胤之變朱干皇羽之

唐雅卷九

七

容雷殷川原雷掃林薄朝傾多士巷無居人  
接蓋陰衢揚袂風野羽觴遽進列座酣而不  
譁清銑間發將士激而逾厲視日知其吉氣  
吹律驗其商聲則已景列穹都風騰漠野西  
域輕郅支之使北胡息冒頓之虞顧夫南仲  
于征古甫薄伐不甚遠也若木還照前茆啓  
行聽闐闐之去鼓目悠悠之轉旌歌事者每  
懷靡及念離者鼓予望之成志在心發言同  
唱天子作式敘清風請編出車之什以繼蒸

人之雅

玄宗送張說巡邊一首

開元十年夏四月己亥置朔方軍節度  
使領單于都護府夏鹽等六州二軍三  
受降城以宰相張說兼領之閏五月壬  
申張說巡邊秋九月康待賓餘黨康願  
子反自稱可汗張說發兵追討擒之其  
黨悉平徙殘胡五萬餘口於許汝唐鄧  
仙豫等州空河南朔方千里之地先是

唐雅卷九

八

緣邊戍兵常六十餘萬人說以時無彊  
寇不必多擁冗卒奏罷二十餘萬人使  
還農

端拱復垂裳長懷御遠方股肱申教義戈劒  
靖要荒命將綏邊服雄圖出廟堂三台入武  
帳八座起文昌寶胄匡韓主華宗輔漢王茂  
先軫博物平子謝文章盡節恢時佐輸誠禦  
寇場三軍臨朔野駟馬卽戎行鼓吹威夷狄  
旌軒溢洛陽雲臺先著美今日更貽芳

張說巡邊應制一首

禮樂逢明主韜鈴用老臣恭憑神武策遠御  
鬼方人供帳榮恩餞山川喜詔巡天文日月  
麗朝賦管絃新幼志傳三略衰材謝六鈞瞻  
猶忠作伴心故道爲隣漢保河南地胡清塞  
北塵連年大軍後不日小康辰劒舞輕離別  
歌酣忘苦辛從來思博望許國不謀身

徐堅奉和聖製送張說巡邊一首

至德撫遐荒神兵赴朔方帝思元帥重爰擇

唐雅卷九

九

股肱良累相承安世深籌協子房寄崇專斧  
鉞禮備設壇場鼙鼓喧雷電戈劒凜風霜四  
駢將戒道十乘啓先行聖錫加常錫天光曜  
龍光出郊開帳飲寅餞盛離章雨濯梅林潤  
風清麥野涼燕山應勒頌麟閣佇名揚

席豫奉和聖製送張說巡邊一首

聖帝重兵權分符屬大賢中軍從執政丞相  
復巡邊翕習戎裝動張皇廟略宣朝榮承睿  
禮野餞轉行旃亭障東緣海沙場北際天春

冬見嚴雪朝夕候風煙已勒燕山頌猶聞遺  
戍篇五營將月合八陣與雲連經略圖方遠  
懷柔道更全歸來盡麟閣藹藹武功傳

崔禹錫奉和聖製送張說巡邊一首

供帳何煌煌公其撫朔方羣寮咸餞酌明主  
降離章關塞重門下郊岐禁苑傍練兵宜雨  
洗卧鼓候風涼炎景寧云憚神謀肅所將旌  
搖天月迴騎入塞雲長赫赫皇威振油油聖  
澤滂非惟按車甲兼以正封疆叱咤陰山道

唐雅卷九

十

澄清瀚海陽虜垣行決勝台座佇爲光

蘇晉奉和聖製送張說巡邊一首

方漢比周年興王合在宣亟聞降虜拜復覩  
出師篇祈父萬邦式英猷三略傳算車中夏  
政芟舍啓戎田嚴問盟胡苑軍容濟洛川皇  
情悵關旆詔餞列郊筵路接禁園草地分御  
井蓮離聲軫去角居念斷歸蟬三捷豈云尔  
七擒良信然具寮誠寄望泰凱秋風前

王翰奉和聖製送張說巡邊一首

紫綬尚書印朱駟丞相車登朝身許國出關  
將辭家不憚炎蒸苦親嘗走集賒選徒軍有  
令誓卒爾無譁帝樂風初起王城日半斜寵  
行流聖作餽餞照台華騎歷河南樹旌搖天  
北沙柔懷應盡服嚴殺已先加業峻靈祗保  
功成道路嗟寧如鑿空使遠致石榴花

許景先奉和聖製送張說巡邊一首

文武承邦式風雲感國禎王師親賦政廟略  
久論兵漢主知三傑周官統六卿四方分閫

唐雅卷九

十一

受千里坐謀成介冑辭前殿壺觴宿左營賞  
延頒賜重宸贈出車榮龍武三軍氣魚鈴五  
校名郊雲駐旌羽邊吹引金鉦訓旅方稱德  
安人更克貞佇看銘石罷同聽凱歌聲

韓休奉和聖製送張說巡邊一首

一德光台象三軍掌夏卿來威伸廟略出摠  
叶師貞受餞辭金殿憑軒出鼎城曙光搖組  
甲疎吹繞雲旌左律方先凱中鼙卽訓兵定  
功彰武事陳頌紀天聲祖宴初留賞宸章更

寵行車徒零雨送林野夕雲生路極河流遠  
川長朔氣平南轅遲返旆歸奏謁承明

袁暉奉和聖製送張說巡邊一首

出師宣九命分閫用三台始應幕中畫言從  
天上來丹青不獨任韜畧遂雙該坐見威稜  
洽彌彰事業恢旌旗曉雲送鼙鼓朔風催虜  
氣銷殘月邊聲送落梅羽書雄北地龍漢寢  
南垓寵戰黃金盡輸誠白日迴離章宸翰發  
祖讎國門開欲識恩華盛平生文武材

唐雅卷九

十二

宋璟奉和聖製送張說巡邊一首

帝道簿存兵王師尚有征是關司馬法爰命  
摠戎行畫閫崇威信分麾盛寵榮聚觀方結  
轍出祖遂傾城聖酒江河潤天詞象緯明德  
風邊地偃勝氣朔雲平宰國推良器爲軍挹  
壯聲至和常得體不戰卽忘精以智泉寧竭  
其餘海自清遲還廟堂坐贈別故人情

源乾曜奉和聖製送張說巡邊一首

匈奴近河朔漢地初戎旅天子擇英才朝端



出監撫流星下閭闔寶鉞專公輔禮物生光  
輝宸章備恩詔有征視劔戟制勝唯樽俎彼  
美何壯哉桓桓擅斯舉聲華振臺閣功德標  
文武奉國知命輕忘家以身許安人在勤恤  
保大殫襟腑此外無異言同情報明主

張嘉貞奉和聖製送張說巡邊一首

天錫我宗盟元戎付夏卿多材兼將相必勇  
獨橫行經緯稱人傑文章作代英山川看是  
陣草木想爲兵不待河水合猶防塞月明有

唐雅卷九

圭

謀當繫醜無戰且綏氓閫外專三略雲中冀  
一平感恩同義激悵別屢魂驚直視前旌掣  
遙聞後騎鳴還期方定日復此出郊迎

盧從願奉和聖製送張說巡邊一首

上將發文昌中軍靖朔方占星引旌節擇日  
拜壇場禮樂臨軒送威聲出塞揚安邊俟帷  
幄制勝在巖廊鼓作將軍氣膠投壯士觴戒  
途遵六月離贈動三光槐路清梅暑蘅皋起  
麥涼時文仰雄伯耀武鎮遐方衽席知無戰

兵戈示不忘佇聞歌杖杜凱入繫名王

徐知仁奉和聖製送張說巡邊一首

聖德膺三統皇威被八埏大明均照物小醜  
未寧邊國相台衡重元戎廟略宣紫泥方受  
命黃石乃推賢問罪陰山下安人屬國前度  
關行照月乘障坐消烟北闕紆黃藻南橋列  
祖筵耀威當夏日殺氣指秋天鼙鼓鼉鼉振  
旌旗鳥獸懸由來詞翰手今見勒燕然

王光庭奉和聖製送張說巡邊一首

唐雅卷九

圭

賢相德符充朝推文武雄海波先若鏡關草  
預從風鉞助將軍勇威成天子功瓊章九霄  
發錫宴五衢通玉輶龍盤帶金裝鳳勒驄虎  
貌紛凝凝河洛震熊熊戈劍千霜白旌旗萬  
火紅示刑夷夏變流惠鬼神同寇息軍容偃  
塵銷朔野空用師敷禮樂非是爲獯戎

張九齡奉和聖製送張說巡邊一首

宗臣事有征廟筭在休兵天與三台座人當  
萬里城朔南方偃革河右誓揚旌寵錫從仙

禁光華出漢京山川勤遠略原隰軫皇情爲  
動薰琴唱仍題寶劍名威風六郡勇計日五  
戎平山甫歸應疾留侯功復成歌鍾旋可望  
枕席豈難行四牡何時入吾君憶履聲

崔日用奉和聖製送張說巡邊一首

軒相推風后周官重夏卿廟謀能允迪韜畧  
又縱橫吉日四黃馬宣王六月兵擬清雞鹿  
塞先指朔方城列將懷威撫匈奴畏盛名去  
當推轂送來佇出郊迎絕漠蓬將斷華筵橫

唐雅卷十九

五

正榮壯心看舞劍別緒應懸旌睿錫承優旨  
乾文復寵行暫勞期永逸赫矣振天聲

賀知章奉和聖製送張說巡邊一首

荒憬盡懷忠梯航已自通九功雖不戰五月  
尚持戎遣戍徵周牒恢邊重漢功還車命元  
宰授律取文雄胄出天弧上謀成帝幄中詔  
旂分夏物專上錫唐弓帳宿伊川右鉅傳晉  
苑東饗人藉賁寶樂士理絲桐岐陌涵餘雨  
離川照晚虹恭聞詠方叔千載舞皇風

玄宗送王駿巡邊一首

開元十一年五月己丑王駿持節朔方  
軍節度大使六月王駿巡邊

振武威荒服揚文肅遠墟金壇申將禮玉節  
受軍符免胄三方外銜刀萬里餘昔時吳會  
靜今日虜庭虛分閫仍推轂援桴且訓車風  
揚旌旆遠雨洗甲兵初坐見台階謚行聞祓  
禊除檄來雖插羽箭去亦飛書舟楫功須著  
鹽梅望匪疎不應陳七德欲使化先敷

唐雅卷十九

六

張說奉和聖製送王駿巡邊應制一首

六月歌周雅三邊諗夏卿欲施攻戰法先作  
簡稽行禮樂知謀帥春秋識用兵一勞堪定  
國萬里卽長城策有和戎利威傳破虜名軍  
前雨灑道樓上月臨營別藻瑤華降同衣錦  
褭榮關山由義近戈甲爲恩輕絲竹路傍散  
風雲馬上生朝廷謂吉甫邦國望君平

張九齡奉和聖製送王駿巡邊應制

一首

漢相推人傑殷宗伐鬼方還聞出將重坐見  
卽戎良上策應爲豫中權且用光令申兵氣  
裕威勝虜魂亡樹比公孫大城如道濟長夏  
雲登隴首秋露泫遼陽武德舒宸睴文思餞  
樂章感恩身旣許激節膽猶嘗祖帳傾朝列  
軍麾駐道傍詩人何所詠尚父欲鷹揚

韋元旦奉和送金城公主適西蕃應  
制一首

唐雅卷九

七

景龍四年二月一日金城公主和蕃中  
宗皇帝送至馬嵬羣臣賦詩命御史大  
夫鄭惟忠及周利用護送入蕃學士賦  
詩以餞徐彥伯爲之序

柔遠安夷俗和親重漢年軍容旌節送國命  
錦車傳琴曲悲千里簫聲戀九天唯應漢西  
月來就掌珠圓

李嶠奉和送金城公主適西蕃應制

一首

漢帝撫戎臣絲言命錦輪還將弄機女遠嫁  
織皮人曲怨關山月粧消道路塵所嗟穠李  
樹空對小榆春

徐堅奉和送金城公主適西蕃應制  
一首

星漢下天孫車服際殊蕃匣中詞易切馬上  
曲虛繁關塞移朱帳風塵照錦軒簫聲去日  
遠萬里望河源

李適奉和送金城公主適西蕃應制

唐雅卷九

六

一首

絳河從遠聘青海赴和親月作臨邊曉花爲  
度隴春主歌悲顧鶴帝策重安人獨有瓊簫  
去悠悠思錦輪

趙彥昭奉和送金城公主適西蕃應  
制一首

聖后經綸遠謀臣計畫多受降貽漢策築館  
許戎和俗化烏孫壘秦生積石河六龍今出  
餞雙鶴願爲歌

沈佺期奉和送金城公主適西蕃應

制一首

金榜扶丹掖銀河屬紫閣那堪將鳳女還以  
嫁烏孫玉就歌中怨珠辭掌上恩西戎非我  
匹明主至公存

閻朝隱奉和送金城公主適西蕃應

制一首

甥舅重親地君臣厚義鄉還將貴公主嫁與  
襁褓王鹵簿山川闇琵琶道路長迴瞻父母

唐雅卷九

九

國日出在東方

鄭愔奉和送金城公主適西蕃應制

一首

下嫁戎庭遠和親漢禮優笳聲出虜塞簫曲  
背秦樓貴主悲黃鵠征人怨紫騮皇情眷億  
兆割念俯懷柔

武平一奉和送金城公主適西蕃應

制一首

廣化三邊靜通姻四海安還將膝下愛持副

域中歡聖念飛玄藻仙儀下白蘭日斜征蓋  
沒歸騎動鳴鑾

徐彥伯奉和送金城公主適西蕃應

制一首

鳳展憐簫曲鸞闈念掌珍羌庭遥築館廟策  
重和親星轉銀河夕花移玉樹春聖心悽送  
遠留蹕望征塵

崔湜奉和送金城公主適西蕃應制

一首

唐雅卷九

九

懷戎前冊備降女舊姻修簫鼓辭家怨旌旗  
出塞愁尚孤中念切方遠御慈流顧乏謀臣  
用仍勞聖主憂

薛稷奉和送金城公主適西蕃應制

一首

天道能殊俗深仁乃戢兵懷荒寄赤子忍愛  
鞠蒼生月下瓊娥去星分寶婺行關山馬上  
曲相送不勝情

馬懷素奉和送金城公主適西蕃應

制一首

帝子今何去重姻適異方離情愴宸掖別路  
遶關梁望絕園中柳悲纏陌上桑空餘願黃  
鵠東顧憶迴翔

蘇頲奉和送金城公主適西蕃應制  
一首

帝女出天津和戎轉綺輪川經斷腸望地與  
折支隣奏曲風嘶馬銜悲月伴人旋知偃兵  
革長是漢家親

唐雅卷元

主

張說奉和送金城公主適西蕃應制  
一首

青海和親日潢星出降時戎王子塔寵漢國  
舅家慈春野開離讌雲天起別詞空彈馬上  
曲詎減鳳樓悲

劉憲奉和送金城公主適西蕃應制  
一首

外館踰河右行營指路岐和親悲遠嫁忍淚  
泣將離旌旆羌風引軒車漢月隨那堪馬上

出時向管中吹

李乂奉和幸望春宮送朔方大總管

張仁亶一首

景龍三年七月

初朔方軍與突厥以河爲境時默啜悉  
衆西擊突騎大摠管張仁亶請乘虛奪  
取漠南地於河北築三受降城首尾相  
應以絕其南寇之路六旬而成以拂雲  
祠爲中城距東西城各四百餘里皆據  
津要於牛頭朝那山北置烽候千八百

唐雅卷元

主

所自是突厥不敢度山畋牧減鎮兵數  
萬人景龍三年秋七月上復遣仁亶持  
節赴軍

邊郊草正腓河塞有兵機上宰調梅寄元戎  
細柳威虎貌東道出鷹隼北庭飛玉匣謀中  
野金輿下太微投醪銜酌餞緝衮事征衣勿  
謂公孫老行聞獻凱歸

李嶠奉和幸望春宮送朔方大總管  
張仁亶一首



玉塞徵驕子金符命世臣三軍張武旆萬乘  
餞行輪猛氣凌雲朔崇恩降紫宸投醪還結  
士辭第本忘身露下鷹初擊風高鴈欲賓方  
銷塞北祲還靖漠南塵

劉憲奉和聖製幸望春宮送朔方大  
總管張仁亶一首

命將擇耆年圖功勝必全光輝萬乘餞威武  
二庭宣中衢橫鼓角曠野蔽旌旃推食天廚  
至投醪御酒傳涼風過鳳苑殺氣下鷄田分

唐雅卷九

五

閻恩何極臨岐動睿篇

蘇頲奉和聖製幸望春宮送朔方大  
總管張仁亶一首

北風吹早鴈日夕渡河飛氣冷膠應折霜明  
草正腓老臣帷幄筭元宰廟堂機餞飲迴仙  
蹕臨戎解御衣軍裝乘曉發師律候春歸方  
佇勲庸盛天辭降紫微

張說奉和聖製送宇文融安輯戶口  
應制一首

開元九年二月監察御史宇文融上言

天下戶口逃移巧僞甚衆請加檢括源  
乾曜賛成之勅有司議招集流移按詰  
巧僞之法以聞制州縣逃亡戶口百日  
自首或於所在附籍或牒歸故鄉各從  
所欲過期不首謫徙邊州以融充勸農  
使奏置判官十人分行天下其新附客  
戶免六年賦調

至德臨天下勞情遍九圍念茲人去國蓬轉

唐雅卷九

五

將何依外避征戍數內傷親黨稀嗟不逢明  
盛胡能照隱微栢臺簡行李蘭殿錫朝衣別  
曲動秋風恩令生春輝使出四海安詔下萬  
心歸忤無夔龍佐徒歌鴻鴈飛

張九齡奉和聖製送十道採訪使及  
朝集使一首

三年一上計萬國趨河洛課最力已陳賞延  
恩復博垂衣深共理改瑟共咸若首路迴竹  
符分鑣揚木鐸戒程有攸往詔餞無淹泊昭

聯動天文殷勤在人瘼持乂望茲念克終期  
所託行矣當自強春耕庶秋穫

蘇頲奉制漕橋東送新除岳牧一首

張說洛橋北亭詔餞諸刺史一首

以上二首見橋梁部

王維奉和聖製暮春送朝集使歸郡

應制一首

萬國仰宗周衣冠拜冕旒玉乘迎大客金節  
送諸侯祖席傾三省褰帷向九州楊花飛上

唐雅卷九

五

路槐色蔭通溝來預釣天樂歸分漢主憂宸  
章類河漢垂象滿中州

王維奉和聖製送不蒙都護兼鴻臚

卿歸安西應制一首

上卿增命服都護揚歸旆雜虜盡朝周諸胡  
皆自鄮鳴笳瀚海曲按節陽關外落日下河  
源寒山靜秋塞萬方氛稜息六合乾坤大無  
戰是天心天心同覆載

宋之問送沙門弘景道俊玄奘還荆

州應制一首

景龍三年  
二月八日

三乘歸淨域萬騎餞通裝就日離亭近彌天  
別路長荆南旋杖鉢河北限津梁何日紆真  
果還來入帝鄉

李乂送沙門弘景道俊玄奘還荊州  
應制一首

初日承歸旨秋風起贈言漢珠留道味江璧  
返真源地出南關遠天迴北斗尊寧知一柱  
觀却啓四禪門

唐雅卷九

五

玄宗送趙法師還蜀因名山真簡一  
首

道家真靈簡自昔迎神仙真子迎將命蒼生  
福可傳江山尋故國城郭信依然太室遙相  
望雲迴洞裏天

唐雅卷第十九

唐雅卷第二十

清河張之象編

眺望部

太宗春日望海一首

披襟眺滄海憑軾翫春芳積流橫地紀疏派  
引天潢仙氣凝三嶺和風扇八荒拂潮雲布  
色穿浪日舒光照岸霞分彩迷雲鴈斷行懷  
卑運深廣持滿守靈長有形非易測無源詎  
可量洪濤經變野翠島屢成桑之杲思漢帝

唐雅卷二十

碣石想秦皇霓裳非本意端拱且圖王

許敬宗奉和聖製春日望海一首

韓夷憊奉賁憑險亂天常乃神弘廟略橫海  
剪吞航雷野清玄菟騰笳振白狼連雲飛巨  
艦編石架浮梁周遊臨大壑降望極遐荒蚺  
門通山扑蓬渚降霓裳驚濤含蜃闕駭浪掩  
宸光青丘絢青組丹谷耀華桑長驅七萃卒  
成功百戰場俄且旋戎路飲至肅巖廊

楊師道奉和聖製春日望海一首

春山臨渤海征旅輟晨裝迴瞰盧龍塞斜瞻  
肅慎鄉洪波迴地軸孤嶼映雲光落日驚濤  
上浮天駭浪長仙臺隱螭駕水府泛鼉梁碣  
石朝烟滅之杲歸鴈翔北巡非漢后東幸異  
秦皇塞旌羽林客跋距少年場電擊驅遼水  
鵬飛出帶方將舉青丘繳安訪白霓裳

太宗望終南山一首

重巒俯渭水碧嶂插遙天出紅扶嶺日入翠  
貯岩烟疊松朝若夜復岫闕疑全對此恬千

唐雅卷二十

慮無勞訪九仙

太宗登三臺言志一首

未央初壯漢阿房昔侈秦在危猶騁麗居奢  
遂役人豈如家四海日宇罄朝倫扇天裁戶  
舊砌地剪基新引月擎宵桂飄雲逼曙鱗露  
除光炫玉霜闕映雕銀舞接花梁燕歡迎鳥  
路塵鏡池波太液莊苑麗宜春作暴井泉日  
停非路寢辰念勞慙逸已居曠反勞神所欣  
成大厦寵臨停渭濱

玄宗春臺望一首

賀知章奉和御製春臺望一首

許景先奉和御製春臺望一首

以上三首見四時部

中宗登驪山高頂寓目一首

帝自題序末云人題四韻後罰三杯日

暮成者六七人餘皆罰酒

四郊秦漢國八水帝王居閭閻雄里閭城闕  
壯規模貫渭稱天邑含岐實奧區金門披玉

唐雅卷二十

三

館因此識皇圖

李嶠奉和聖製登驪山高頂寓目應

制一首

步輦陟山巔山高入紫烟忠臣還捧日聖后  
欲捫天迴識平林樹低看華嶽蓮帝鄉應不  
遠空見白雲懸

劉憲奉和聖製登驪山高頂寓目應

制一首

驪阜鎮皇都鑾遊眺八區原隰旌門裏風雲

宸坐隅直城如斗柄官樹似星榆從臣詞賦  
未濫得天衢

武平一奉和聖製登驪山高頂寓目

應制一首

鑾輿上碧天翠帟拖晴烟絕萼紆仙逕層品  
敞御筵雲披丹鳳闕日下黑龍川更覩南薰  
奏流聲入管絃

趙彥昭奉和聖製登驪山高頂寓目

應制一首

唐雅卷二十

四

皇情遍九垓御輦駐昭回路若隨天轉人疑  
近日來河看大禹鑿山見巨靈開願扈封鑾  
駕常持薦壽盃

李乂奉和聖製登驪山高頂寓目應

制一首

崖巘萬尋懸居高敞御筵行戈疑駐日步輦  
若升天城闕霧中起關河雲外連謬陪登岱  
駕忻奉濟汾篇

蘇頲奉和聖製登驪山高頂寓目應

制一首

仙蹕御層氲高高積翠分崑聲中谷應天語  
半空聞豐樹連黃葉函關入紫雲聖圖恢寓  
縣歌賦少橫汾

張說奉和聖製登驪山高頂寓目應  
制一首

寒山上半空臨眺盡寰中是日巡游處晴光  
遠近同川明分渭水柳暗辨新豐巖壑清音  
暮天歌起大風

唐雅卷二十

五

張說奉和聖製登驪山寫眺應制一  
首

洞府寒山曲天遊日旰迴披雲看石鏡拂殿  
上金臺竹徑龍驂下松庭鶴轡來雙童還獻  
藥五色耀仙材

王維奉和太常韋主簿五郎溫湯寓  
目一首

漢主離宮接露臺秦川一半夕陽開青山盡  
是朱旗繞碧磧翻從玉殿來新豐樹裏行人

度小苑城邊獵騎迴聞道甘泉能獻賦懸知  
獨有子雲才

懷古部

玄宗經魯祭孔子一首

開元十三年七月丙申車駕幸孔子宅  
遣使以太牢祭其墓給復近墓五戶

夫子何爲者栖栖一代中地由鄒氏邑宅即  
魯王宮嘆鳳嗟身否傷麟怨道窮今看兩楹  
奠當與夢時同

唐雅卷三

六

張說奉和聖製經魯祭孔子應制一  
首

孔聖家鄒魯儒風藹典墳龍驂迴舊宅鳳德  
詠餘芬入室人如在升堂樂似聞懸知一王  
法今日待明君

張九齡奉和聖製經魯祭孔子應制  
一首

丘門泰山下不見登封時昔有先王法今爲  
明主思恩加萬乘幸禮致一牢祠舊宅千年



外光華空在茲

玄宗行次成臯途經先聖擒建德之所  
緬思功業感而賦詩一首

有隋政昏虐群雄已交爭先聖按劍起叱咤  
風雲生飲馬河洛竭作氣嵩華驚克敵皇圖  
就擒俘帝道亨顧慙嗣寶曆恭承天下平幸  
過剪鯨地感慕仁且英

張說奉和聖製行經先聖擒建德之所一首

唐雅卷二十

七

夏氏階隋亂自言河朔雄王師進谷水兵氣  
臨山東前掃成臯陣却下洛陽宮義合帝圖  
起威加天宇同軒臺百年外虞典一巡風戰  
罷思王業倚馬賦神功

張九齡奉和聖製行次成臯經先聖擒建德之所一首

天命誠有集王業初惟艱翦商自文祖夷項  
在茲山地識斬蛇處河臨飲馬間威加昔運  
往澤流今聖還尊祖頌先烈賡歌安用攀紹

成即我后封岱出天關

玄宗過老子廟一首

老子祠在盤屋東南三十里近有塚及  
說經臺繫牛栢其北又有尹喜祠

仙居懷聖德靈廟肅神心草合人蹤斷塵濃  
鳥迹深流沙丹灶沒關路紫烟沉獨傷千載  
後空餘松栢林

玄宗經河上公廟一首

昔聞有耆叟河上獨遺榮跡與塵囂隔心將

唐雅卷二十

八

道德并詎以天地累寧爲寵辱驚矯然遡寥  
廓如何屈堅貞玄玄妙門啓肅肅祠宇清冥  
漠無先後那能紀姓名

蘇頲奉和聖製經河上公廟應制一首

首

河流無日夜河上有神仙輦路曾經此壇場  
即宛然下疑成洞穴高若在空中烟善物遺方  
外和光繞道邊事因周史得言向漢王傳嘉  
厲膺期聖邦家業又玄

張說奉和聖製經河上公廟應制一

首

河上無名老知非漢代人先探道德要留待  
聖明辰玄妙爲天下清虛用谷神化將和氣  
一用與太初隣靈廟觀遺像仙歌入玉尊皇  
心齊萬物何處不同春

張九齡奉和聖製經河上公廟應制

一首

昔者河邊叟誰知隱與仙姓名終不識章句

唐雅卷三

九

此空傳跡爲坐忘晦言由強著詮精靈竟何  
所祠宇獨依然道在紆宸勝風行動睿篇從  
茲化天下清淨復何先

中宗幸秦始皇陵一首

景龍二年十一月十八日

眷言君失德驪邑想秦餘政煩方改篆愚俗  
乃焚書阿房久已滅閣道遂成墟欲厭東南  
氣翻傷掩鮑車

宋之問奉和幸長安故城未央宮應

制一首

景龍二年十一月三十日

長安城漢之故都本秦離宮也漢初脩

置此城極狹小至惠帝元年更築之周

回六十五里城南爲南斗形北爲北斗

形至今人呼漢京城爲斗城是也未央

宮在長安城高祖七年丞相蕭何建立

東闕北闕前殿武庫太倉上見其壯麗

怒甚何曰以天下未定故可因以就宮

室且天子以四海爲家非壯麗無以重

威且無令後世有以加也上悅自櫟陽

唐雅卷三

十

徙居焉

漢王未息戰蕭相乃營宮壯麗一朝盡威靈

千載空王明悵前跡置酒宴群公寒輕綵仗

外春發慢城中樂思迴斜日歌詞繼大風今

朝天子貴不假叔孫通

趙彥昭奉和幸長安故城未央宮應

制一首

鳳駕移天蹕憑軒覽漢都寒烟收紫禁春色

繞黃圖舊史遺陳迹前王失霸符山河寸土

盡官觀尺椽無崇高惟在德壯麗豈爲謨茨  
室留皇覽薰歌盛有虞

李乂奉和幸長安故城未央宮應制

一首

鳳輦乘春陌龍山訪故臺北宮纔盡處南斗  
獨昭回肆覽飛宸札稱觴引御杯已觀蓬海  
變誰厭栢梁灾代挹孫通禮朝稱賈誼才忝  
躋文雅地先後各時來

李嶠奉和幸長安故城未央宮應制

唐雅卷二十

十二

一首

舊宮賢相築新苑聖君來運改城隍變年深  
棟宇摧後池無復水前殿久成灰莫辨祈風  
觀空傳承露杯宸門千載合睿律九韶開今  
日聯章處猶疑上栢臺

沈佺期初冬從幸漢故青門應制一

首

青門長安城東出南頭第一門也民見  
門色青名曰青城門或曰青門門外舊

出嘉瓜廣陵人邵平爲秦東陵侯秦破

爲布衣種瓜青門外瓜美故時人謂之

東陵瓜本名霸城門亦曰青綺門

漢王建都邑渭水對青門朝市俱東逝墳陵  
共北原荒涼蕭相闕蕪沒邵平園全盛今何  
在英雄復重論故基仍岳立遺堞尚雲屯當  
極土功壯安知人力煩天遊戒東首懷昔駐  
龍軒何必金湯固無如道德藩微臣諒多幸  
驂乘偶殊恩預此陳古事敢奏興亡言

唐雅卷二十

十三

張說奉和聖製過王濬墓應制一首

牛女三分國龍驤一統年智高寧受制風急  
肯迴船有策擒吳皓無言讓范宣授孤因勢  
屈功重爲讒偏舊迹灰塵散枯墳故老傳百  
代達明主何辭死道邊

張九齡奉和聖製過王濬墓應制一

首

漢王思鉅鹿晉將在弘農入蜀舉長算平吳  
成大功與渾雖不協歸皓實爲雄孤績淪千

載流名感聖衷萬乘度荒隴一顧凜生風古  
節猶不棄今人爭效忠

丁仙芝長寧公主舊山池一首

平陽舊池館寂寞使人愁座卷流黃簾簾垂  
白玉鈎庭閑花自落門閉水空流追想吹簫  
處應隨仙鶴遊

唐雅卷第二十

唐雅卷第二十

三

唐雅第九冊目錄

卷之二十一

感舊部

太宗經破薛舉戰地一首

許敬宗奉和聖製經破薛舉戰地應

制一首

太宗過舊宅二首

許敬宗上官儀奉和聖製過舊宅應

制一首

唐雅第九冊目錄

玄宗巡省途次上黨舊宮一首

并序

張說蘇頲奉和聖製巡省途次上黨

舊宮應制一首

張說上黨舊宮述聖頌一首

并序

哀傷部

太宗望送魏徵葬一首

趙彥昭奉和悼右僕射楊再思應制

一首

杜甫行次昭陵一首

杜甫重經昭陵一首

挽歌部

劉禔之孝敬皇帝挽歌一首

賈曾孝和皇帝挽歌一首

盧僎讓皇帝挽歌一首

朱子奢文德皇后挽歌一首

李百藥文德皇后挽歌一首

崔融則天皇后挽歌二首

袁瑰惠文太子挽歌一首

唐雅第九冊目錄

張說惠文太子挽歌二首

王維恭懿太子挽歌五首

沈佺期章懷太子靖妃挽詞一首

張說節義太子楊妃挽歌二首

宋之問梁宣王挽詞三首

宋之問魯忠王挽詞三首

宋之問范陽王挽詞二首

岑參成王挽歌一首

高密江王太妃挽歌一首

上官儀故北平公主挽歌一首

高密長公主挽歌一首

卷之二十二

畋獵部

太宗出獵一首

太宗冬狩一首

玄宗校獵義成宮逢大雪率題九韻

以示羣臣一首

張說奉和聖製校獵義成宮逢大雪

唐雅第九冊目錄

應制一首

魏知古從獵渭川獻詩一首

李白大獵賦一首

軍戎部

太宗執契靜三邊一首

許敬宗奉和執契靜三邊應詔一首

玄宗平胡一首

韓休裴漼奉和御製平胡一首

玄宗旋師喜捷一首



凱樂歌辭

張說皇帝馬上射頌十三首

張說玄武門侍射一首 并序

張說破陳樂詞二首

岑參凱歌六首

儲光義觀范陽遁俘一首

卷之二十三

經史部

太宗賦尚書一首

唐雅第九冊目錄 四

李百藥賦禮記一首

魏徵賦西漢一首

太宗詠司馬彪續漢志一首

字書部

岑文本奉述飛白書勢一首

張說羽林恩詔御書王太尉碑一首

器用部

太宗詠弓一首

楊師道奉和詠弓一首

太宗賦簾一首

太宗詠燭二首

許敬宗歌器賦應詔一首

張九齡白羽扇賦一首

樂舞部

太宗三層閣上置音聲一首

太宗琵琶一首

虞世南琵琶賦一首

李嶠唐國子舞賦一首

唐雅第九冊目錄 五

巧藝部

玄宗觀拔河俗戲一首

張說奉和聖製觀拔河俗戲應制一

首

武平一人日西臺觀打球應制一首

沈佺期幸梨園亭觀打球應制一首

蔡孚打球篇一首 并序

唐雅第九冊目錄終

唐雅卷第二十一

清河張之象編

感舊部

太宗經破薛舉戰地一首

昔年懷壯氣提戈初仗節心隨朗氣高志與  
秋霜潔移鋒驚電起轉戰長河決營碎落星  
沉陣卷橫雲裂一揮氛沴靜再舉鯨鯢滅於  
茲俯舊原屬目駐華軒沉沙無故迹滅竈有  
殘痕浪霞穿水淨峯霧抱蓮昏世途亟流易

唐雅卷三

人事殊今昔長想眺前踪撫躬聊自適

許敬宗奉和聖製經破薛舉戰地應

制一首

混元分大象長策挫修鯨於斯建宸極由此  
創鴻名一戎乾宇泰千祀德化清垂衣凝庶  
績端拱鑄羣生復整瑤池駕還臨官渡營周  
遊尋曩迹曠望動天情離宮面丹浦帳殿矚  
宛城虜場棲九穗前歌被六英戰地甘泉浦  
陣處景雲生普天霑凱澤相攜欣頌平

太宗過舊宅一首

新豐停翠輦誰邑駐鳴笳園荒一徑斷臺古  
半堦斜前池消舊水昔樹發今花一朝辭此  
地四海遂成家

金輿巡白水玉輦駐新豐紐落藤披架花殘  
菊破叢葉鋪荒草蔓流竭半池空紉珮蘭生  
逕舒圭葉剪桐昔地一藩內今宅九園中架  
海波澄鏡韜戈器反農八表文同軌無勞歌  
大風

唐雅卷三

許敬宗奉和聖製過舊宅應制一首

飛雲臨紫極出震表青光自爾家寰海今茲  
返帝鄉情深感代國樂甚燕誰方白水浮佳  
氣黃星聚太常岐鳳鳴層閣鄴雀賀雕梁桂  
山猶總翠蘅薄尚流芳攀鱗有遺皓沐德杼  
稱觴

上官儀奉和聖製過舊宅應制一首

石關清晚夏璇輿御早秋神麾颺珠雨仙吹  
響飛流沛水祥雲泛苑郊瑞氣浮大風凝漢

筑藂烟入舜球翠梧臨鳳邸滋蘭帶鶴舟  
伯歌玄化扈蹕頌王遊遺簪謬昭獎珥筆荷  
恩休

玄宗巡省途次上黨舊宮一首 并序

朕昔在初九佐貳此州未遇扶搖之力  
空俟海沂之詠洎大橫入兆出處斯易  
一揮寶劔遽履瑤圖承曆數而順謳謠  
着天衣而御區夏嗟乎向時沉默駕四  
馬而朝京師今日逍遙乘六龍而問風  
俗爰因巡省塗次舊居山川宛然人事  
無間忽其昇華周遊館宇觸目依然雖  
迹異漢皇而地如豐邑擊筑慷慨酌杯  
流連空想大風題茲短什

唐雅卷三

三

三千初擊浪九萬欲搏空天地猶驚否陰陽  
始遇蒙存身期歷試佐貳佇昭融多謝時康  
理良慙寶劔功長懷問鼎氣夙負拔山雄不  
學劉琨舞先歌漢祖風英髦旣包括豪傑自  
牢籠人事一朝異謳歌四海同如何昔朱邸

此作離宮鴈沼  
餘桂馥長坂舊蘭蕙卽是淹留處乘歡樂未  
窮

張說奉和聖製巡省途次上黨舊宮  
應制一首

慈鬱興王郡殷憂啓聖圖周成會西上漢武  
幸南都歲卜鑾輿邁農詞鴈正敷武威稜外  
域文教靡中區警蹕干戈捧朝宗萬玉趨舊  
藩人事革新豐國俗殊璧有真龍畫庭餘鳴

唐雅卷三

四

鳳梧叢觴祝堯壽合鼎獻湯厨陽樂寒初變  
春恩蠶更蘇三者頒命服五稔復田輸君賦  
大風起人歌湛露濡從臣觀玉葉方願紀靈  
符

蘇頌奉和聖製巡省途次上黨舊宮  
應制一首

潞國臨潞邸天王別駕與出潛離隱際小往  
大來初東陸行春興南陽卽舊居約川星罕  
駐扶道日旂舒雲覆連行在風迴助掃除木

行城邑望臯洛土田疏昔試邦興后今過俗  
僕予示威寧校獵崇讓不陳魚府吏趨宸宸  
鄉耆捧帝居帳傾三飲處閑整六飛餘盛業  
銘汾鼎昌期應洛書願陪歌賦末留此蜀相  
如

張說上黨舊宮述聖頌一首 并序

維開元十有一祀正月皇帝展義于河  
東陝右太行留宴上黨整兵耀武入于  
太原設都建國以崇王業南轅汾睢祈

唐雅卷三

五

穀后土天清日朗神歆如答三月庚午  
飲至長安六軍解嚴四方和會邇觀法  
象遐詠德澤大虞巡之典修美漢祠之  
禮舉人心翕而一變神物效而無方於  
是邠王臣守禮寧王臣憲申王臣撫岐  
王臣範薛王臣業獻書於內開府儀同  
三司臣璟尚書臣駿臣象先臣頊御史  
大夫臣濯抗疏於外僉曰陛下受天曆  
數稽聖典謨道貫三靈仁育萬類掃陰

沴而覩日開闢之功也尊文考而御天  
帝王之孝也天以陛下爲子人奉陛下  
爲君萬殊之福斯應畢臻三代之風頌  
聲咸作今潞人懷代邸詠泗亭採聖崖  
延立石將表潛龍之館勒啓聖之圖勤  
亦至矣陛下推而不報其何以下塞衆  
望上對神休哉臣聞天之所啓人之忻  
戴必憑睿聖玄懿之德元命貞符之紀  
功業見乎變德施加乎時德厚者施溥

唐雅卷三

六

功玄者應速或階晦以彰或由難而昌  
蓋生其德之謂天授其時之謂命天有  
成命其可沒乎陛下昔居是州也紫雲  
在天神光照室白鹿來擾黃龍上昇隴  
出仙洞而神魚躍山開禪穴而靈鍾韻  
謠言合讖巨迹引途嘉李傍連祥著自  
起當此時也金石預變獄訟先歸政殷  
六府人重五教陶無窳器漁有讓泉神  
而化之人不知力昔龍負圖而大舜登

狼銜鈎而后殷畱玄珪錫於夏禹赤伏  
歸於漢光應運協符希代稱寶未有窮  
祥極瑞俶儻瓌異如今之至者矣若玄  
貺集而不彰則神心不悅鴻業成而不  
贊則祝告無聞是掩天休而蓋聖德也  
臣子之罪將何解焉願聽路人以揚丕  
烈帝曰往者中宗遠代國步微艱天祚  
我唐大命集于睿宗大聖貞皇帝朕畏  
天將命不敢怠遑其乾符坤珍皆先聖

唐雅卷三

二

之餘福朕何力之有焉然重遠昆弟公  
卿之請抑以敬從無以虛美重朕不德  
也羣臣遊聖蕩莫能名約乎舊史敢頌  
成績辭曰

帝德廣運乃聖乃神天祚聖兮唐雖舊邦其  
命維新再受命兮帝初正人降居上黨天下  
往兮黃龍晝見攀天而上九五象兮帝適卜  
野紫雲之下求必在兮帝寢于堂變龍有光  
觀者駭兮天迹童謠木連著立揔神異兮空

鍾化允縞鹿赤魚何詭異兮上天無聲託類  
附形覺悟人兮聖皇齋栗在得戒失昭事神  
兮皤皤潞老樂我王道愛舊官兮赫赫頌功  
與天比崇攄無窮兮

玄宗答制曰往者中宗遠代國步微艱天祚  
我唐大命集于睿宗大聖真皇帝朕以寡昧  
嗣守丕業虔奉遺訓不敢迨遑至天地休徵  
神人靈貺皆先帝聖德之餘慶朕何力之有  
焉至若登太行留上黨頌功業建都畿休兵  
太原省農睢上並國之典禮朕奉行之何足  
稱者而羣臣固請紀頌衆心難遠卿藻思菁  
華揚過其實自視虛缺爲媿尤多

哀傷部

太宗望送魏徵葬一首

魏徵寢疾上與太子同至其第指衡山  
公主欲以妻其子叔玉徵薨命百官赴  
喪給羽葆鼓吹陪葬昭陵其妻裴氏曰  
徵平生儉素今葬以羽儀非其志也悉



辭不受以布車載柩而葬上登西苑樓  
望哭盡哀賦此詩自製碑文并爲書石  
謂侍臣曰人以銅爲鏡可以正衣冠以  
古爲鏡可以見興替以人爲鏡可以知  
得失魏徵沒朕亡一鏡矣

閭闔總金鞍上林移玉輦野郊愴新別河橋  
非舊餞慘日映峰沉愁雲隨蓋轉哀笳時斷  
續悲旌乍舒卷望望情何極浪浪淚空泫無  
復昔時人芳春共誰遣

唐雅卷三

九

趙彥昭奉和悼右僕射楊再思應制

一首

兩揆光天秩三朝奉帝熙何言集大鳥忽此  
喪元龜坐歎公槐落行聞宰樹悲整舟今已  
去寧有濟川時

杜甫行次昭陵一首

舊俗疲庸主羣雄問獨夫識歸龍鳳質威定  
虎狼都天屬尊堯典神功協禹謨風雲隨絕  
足日月繼高衢文物多師古朝廷半老儒直

詞寧戮辱賢路不崎嶇往者災猶降蒼生喘  
未蘇指揮安率土盪滌撫洪鑪壯士悲陵邑  
幽人拜鼎湖玉衣晨自舉鐵馬汗常趨松栢  
瞻虛殿塵沙立暝途寂寥開國日流恨滿山  
隅

杜甫重經昭陵一首

草昧英雄起謳歌曆數歸風塵三尺劒社稷  
一戎衣翼亮貞文德不承戢武威聖圖大廣  
大宗祀日光輝陵寢盤空曲熊羆守翠微再

唐雅卷三

一

窺松栢路還見五雲飛

挽歌部

劉禔之孝敬皇帝挽歌一首

上元二年夏四月太子弘薨詔追謚爲

孝敬皇帝

戒奢虛屈輅錫號紀鴻名地叶蒼梧野途經  
紫聚城重照掩寒色展飈斷曙聲一隨仙驥  
遠霜雪愁陰生

賈曾孝和皇帝挽歌一首

新命千齡啓鴻圖累聖餘天行應潛躍帝出  
受圖書禮若傳堯舊功疑復夏初夢遊長不  
返何國是華胥

盧僊讓皇帝挽歌一首

開元二十九年冬十一月辛未太尉寧  
王憲薨上哀惋特甚曰天下兄之天下  
也固讓於我爲唐太伯常名不足以處  
之乃追謚曰讓皇帝其子汝陽王璿表  
述先志固讓不許

唐雅卷三

三

泰伯玄風遠延州德讓行闔棺追大節樹羽  
冊鴻名地戶迎天仗皇階失帝兄還聞漢明  
主遺劍泣陳平

朱子奢文德皇后挽歌一首

神京背紫陌縞駟結行輶北去橫橋道西分  
清渭流寒光向壑沒霜氣入松楸今日泉臺  
路非是濯龍遊

李百藥文德皇后挽歌一首

徘徊兩儀殿瞻望九成臺玉輦終辭宴璫筐

遂不開野曠陰風積川長思鳥來寒山寂  
暮虞殯有餘哀

崔融則天皇后挽歌二首

宵陳虛禁夜夕臨空山陰日月昏尺景天地  
慘何心紫殿金鋪澁黃陵玉座深鏡奩長不  
啓聖主淚沾巾

前殿臨朝罷長陵合葬歸山川不可望文物  
盡成非陰月霾中道軒星落大微空餘天子  
孝松上景雲飛

唐雅卷三

三

袁瓘惠文太子挽歌一首

開元十四年夏四月岐王範卒贈謚惠

文太子

寒仗丹旄引陰堂白日遠暗燈明象物盡水  
濕靈衣羽化淮王去仙迎太子歸空餘燕衛  
土朝夕向陵飛

張說惠文太子挽歌二首

碣館英靈在瑤山美謚尊剪桐悲曩戲攻玉  
愴新恩官仗傳馳道朝衣送國門千秋穀門

外明月照西園

梁國深文雅淮安愛道仙帝歡同宴日神奪  
上賓年旒旒飛行樹帷宮宿野煙指言君愛  
弟揮淚滿山川

王維恭懿太子挽歌五首

何悟藏環早纔知拜璧年仲天王子去對日  
聖君憐樹轉宮猶出笳悲馬不前雖蒙絕馳  
道京兆別開阡

蘭殿新悲切椒宮夕照幽白雲隨鳳管明月

唐雅卷三

三

在龍樓人向青山哭天臨渭水愁雞鳴常問

膳今恨玉京留

騎吹凌霜發旌旗夾路陳愷容金節護冊命

玉符新傳母悲香祿君家擁畫輪射熊今夢

帝稱象問何人

蒼舒留帝寵子晉有僊才五歲過人智三天

使鶴催心悲回祿館日斷望思臺若道長安

近何爲更不來

西望昆池闊東瞻下杜平山朝豫章館樹轉

鳳凰城五校連旗色千門疊鼓聲金環如有  
驗還向畫堂生

沈佺期章懷太子靖妃挽詞一首

彤史佳聲載青宮懿範留形將覽鏡隱魂伴  
鳳笙遊送馬嘶殘日新塋落晚秋不知蒿里  
曙空見隴雲愁

張說節義太子楊妃挽歌二首

西華三公族東閣五可才玉環初受慶金珱  
反逢災桂殿花空落桐園月自開朝雲將暮

唐雅卷三

三

雨長繞望恩臺

昔日三朝路逶迤四望車繡腰長命綺隱髻

連枝花今春戾園樹索然無歲華共傷千載

後惟號一王家

宋之問梁宣王挽詞三首

貴藩堯母族外戚漢家親業重興王際功高

復辟辰愛賢唯報國樂善不防身今日衣冠

送空傷置醴人

金精何日閉玉匣此時開東望連吾子南瞻

近帝臺地形龜食報墳土燕嚙來可嘆虞歌  
夕紛紛綺吹迴

像設千年在平生萬事遶綵旗翻葆吹圭  
莫靈衣隴日寒無影郊雲凍不飛君王留此  
地駟馬欲何歸

宋之問魯忠王挽詞三首

同盟會五月歸葬出三條日慘咸陽樹天寒  
渭水橋稍看朱鷺轉尚識紫駟驕寂寂泉臺  
恨從茲罷玉簫

唐雅卷三

五

邦家錫寵光存沒貴忠良遂裂山河地追尊  
父子王人悲槐里月馬踏槿原霜別向天京  
北悠悠此路長

樹羽迎朝日撞鍾望早霞故人悲宿草中使  
慘晨笳氣有衝天劍星無犯斗槎唯餘孔公  
宅長接魯王家

宋之問范陽王挽詞二首

賢相稱邦傑清流舉代推公才掩諸夏文體  
變當時賓吊翻成鶴人亡惜喻龜洛陽今紙

貴猶寫太冲詞

贈秩徽章洽求書秘草成客隨朝露盡人逐  
夜舟驚蒿里衣冠送松門印綬迎誰知楊伯  
起今日重哀榮

岑參成王挽歌一首

幽山悲舊桂長坂愴餘蘭地底孤燈冷泉中  
一鏡寒銘旌門客送騎吹路人看漫作琉璃  
枕淮王誤合丹

高密江王太妃挽歌一首

唐雅卷三

六

黃鶴悲歌絕椒花清頌餘埃凝寫隣鏡網結  
和扉魚銀消風燭盡珠滅夜輪虛別有南陵  
路幽叢臨葉疎

上官儀故北平公主挽歌一首

木落園池曠庭虛風露寒北里清音絕南陔  
芳草殘遠氣猶標劍浮雲尚寫冠寂寂琴臺  
晚秋陰入井翰

高密長公主挽歌一首

湘渚韶靈跡娥臺靜瑞音鳳逐清簫遠鸞隨

幽鏡沉霜處華英落風前銀燭侵寂寞平陽  
館月冷洞房深

唐雅卷第二十一

唐雅卷三十一

七

唐雅卷第二十二

清河張之象編

畋獵部

太宗出獵一首

楚王雲夢澤漢帝長楊宮豈若因農暇閱武  
出輟嵩三驅陳銳卒七萃列林雄寒野霜氣  
白平原燒火紅瑀戈夏服箭羽騎綠沉弓怖  
獸潛幽壑驚禽散翠空長烟晦落景灌木振  
嚴風所謂除民瘼非是悅秋叢

唐雅卷三十一

一

太宗冬狩一首

貞觀十六年十二月上獵于驪山登山  
見圍有斷處顧謂左右曰吾見其不整  
而不刑則墮軍法刑之則是吾登高臨  
下以求人之過也引轡入谷以避之

烈烈寒風起慘慘飛雲浮霜濃類廣隰冰厚  
結清流金鞍移上苑玉勒騁平疇旌旗四望  
合且羅一而求楚路爭兎殪秦巴角鹿愁獸  
亡樹鴻驚起樂洲駙歛原塵靜戈迴嶺



目收心非洛汭逸意在渭濱游禽荒非所樂  
撫轡更招憂

玄宗校獵義成喜逢大雪率題九韻  
以示羣臣一首

弧矢威天下旌旗遊近縣一面施鳥羅三驅  
教人戰暮雲積成雪曉色開行殿皓然原隰  
同不覺林野變北風勇士馬東日華組練觸  
地銀麋出連山縞鹿見月兔落高矰星狼下  
急箭既欣盈尺兆復憶磻溪便歲豐將遇賢

唐雅卷三

二

俱荷皇天眷

張說奉和聖製校獵義成喜逢大雪  
應制一首

文教資武功郊畋閱邦政不知仁育久徒看  
禽獸盛夜散氛埃滅朝日山川靜綽仗飛走  
繁杼絃筋骨勁帝射叅神道龍馳合人性五  
貳連一發百中皆先命勇爵鈞萬夫雄圖羅  
七聖星爲吉符老雪作豐年慶喜聽行獵詩  
威神入軍令

魏知古從獵渭川獻詩一首

開元元年十一月

帝聞夏太康五弟訓禽荒我后成冬狩三驅  
盛禮張順時鷹隼擊講事武功揚奔走未成  
去翾飛豈暇翔飛熊從渭水瑞雉想陳倉此  
欲誠難縱茲遊不可常子雲陳羽獵僖伯諫  
魚棠得失鑒齊楚仁恩念禹湯雍熙亮在宥  
淳毒匪多傷辛甲今爲史虞箴遂孔彰

李白大獵賦一首

并序

白以爲賦者古詩之流辭欲壯麗義歸

唐雅卷三

三

博達不然何以光贊盛美感天動神而  
相如子雲競誇辭賦歷代以爲文雄莫  
敢詆訐臣謂語其略竊或徧其用心子  
虛所言楚國不過千里夢澤居其大半  
而齊徒吞若八九三農及禽獸無息肩  
之地非諸侯禁淫述職之義也上林云  
左蒼梧右西極考其實地周袤纔經數  
百長楊誇胡設網爲周陸放麋鹿其中  
以搏攫充樂羽獵於靈臺之囿圍經百

里而開殿門當時以爲窮壯極麗迄今  
觀之何齷齪之甚也但王者以四海爲  
家萬姓爲子則天下之山林禽獸豈與  
衆庶異之而臣以爲不能以大道匡君  
示物周博平文論苑之小竊爲微臣之  
不取也今聖朝園池遐荒殫窮六合以  
孟冬十月大獵於秦亦將曜威講武掃  
天蕩野豈淫荒侈靡非三驅之意耶臣  
白作頌折中厥美其辭曰

唐雅卷三

四

粵若皇唐之契天地而襲氣母兮粲五葉之  
歲蕤惟開元廓海寓而運斗樞兮總六聖之  
光熙誕金德之淳精兮漱玉露之華滋文章  
森乎七曜兮制作參乎兩儀括衆妙而爲師  
明無幽而不燭兮澤無遠而不施慕往昔之  
三驅兮順生殺於四時若乃嚴冬慘切寒氣  
凜冽不周來風玄冥掌雪木脫葉草解節土  
囊烟陰火井冰開是月也天子處乎玄堂之  
中滄八水兮休百工考王制兮遵國風樂農

人之閑隙兮因校獵而講戎乃使神兵出於  
九關天仗羅於四野徵水衡與林虞辨土物  
之衆寡千騎飈掃萬乘雷奔稍扶桑而拂火  
雲兮刮月窟而搜塞門赫壯觀於今古業搖  
蕩於乾坤此其大略也而內以中華爲天心  
外以窮髮爲海口豁咽喉以洞開吞荒裔而  
盡取大章按步以來往夸父振策而奔走足  
跡乎日月之所通囊括乎陰陽之未有君王  
於是撞鴻鍾發鑾音出鳳闕開宸襟駕玉輅

唐雅卷三

五

之飛龍歷神州之層岑遊五柞兮瞰三危掩  
細柳兮過上林攢高牙以總總兮駐華蓋之  
森森於是擢倚天之劍彎落月之弓崑崙叱  
兮可倒宇宙噫兮增雄河漢爲之却流川嶽  
爲之生風羽旄揚兮九天絳獵火燃兮千山  
紅乃召蚩尤之徒聚長戟羅廣澤呵雨師走  
風伯稜威耀平雷霆烜赫震於蠻貊陋梁都  
之體制鄙靈囿之規格而南以衡霍作襟北  
以岱恒作陸夾東海而爲壑兮拖西冥而流

渠麾九州之珍禽兮迴千羣以全入聯八荒  
之奇獸兮屯萬族而來居雲羅高張天網密  
布且采縣原峭格掩路蟻蝶過而猶礙焦螟  
飛而不度彼層霄與殊榛罕翔鳥與伏兔從  
管合枝彌巒被崗金戈森行洗晴野之寒霜  
虹旗電掣卷長空之飛雪吳驂走練宛馬蹀  
血縈衆山之聯縣隔遠水之明滅使五丁摧  
峯一夫拔木下整高頽深平險谷擺椿括開  
林叢嗶嗶呶呶盡奔突於場中而田疆古冶

唐雅卷三

六

之儔鳥獲中黃之黨越崢嶸獵莽蒼喑嗥哮  
闕風旋電往脫文豹之皮抵玄熊之掌批俊  
手操挾三挈兩旣徒搏以角力又揮鋒而爭  
先行魁號以鶚睨兮氣赫火而敵煙拳封猊  
肘巨挺梟羊應叱以斃踣猊兪亡精而墜巔  
或碎腦以折脊或歆髓而飛涎窮遐荒蕩林  
藪扼土貊殪天狗脫角犀頂探牙象口掃封  
狐於千里捩雄虺之九首咋騰蛇而仰吞拖  
奔馳以却走君王於是義通天靡星旃奔雷

車揮電鞭觀壯士之効復顧三軍而欣然曰  
夫何神扶鬼標之駭人也又命建變鼓勵武  
卒雖輔驟之已多猶拘怒而未歇集赤羽兮  
照日張烏號兮滿月戎車轆轤以陸離轂騎  
煌煌而奮發鷹犬之所騰捷飛走之所蹉蹶  
攫麀麀之咆哮蹂豺貉以挂格膏鋒染鏑填  
巖掩窟觀殊材舉逸羣尚揮霍以出沒別有  
白貂飛駿窮奇羆貓牙若錯劍鬚如叢竿口  
吞父鉞目極槍櫓碎琅玕攬玉拏射猛氣透

唐雅卷三

七

奔虎金鏃一發旁疊四五雖鑿齒磨牙而致  
伉誰謂南山白額之足數總八校搜四隅馳  
專諸走都盧趨喬林撒絕壁抄衡樹攬貊獮  
囚馳驅於峻崖頰毅獲於穹石養由發箭奇  
肱飛車巧聒更羸妙兼蒲且墜鷗鴟於青雲  
落鴻鴈於紫虛捐鷁鵠漂鷗鷖彈地盧與神  
居斬飛鵬於日域摧大鳳於天墟龍伯釣其  
靈鼈任公獲其巨魚窮造化之譎詭何神惟  
之有餘所以噴血流川飛毛灑雪狀若平高

天雨獸上墜於大荒又似乎積禽爲山下崩  
於林穴陽鳥沮色於朝日陰兔喪精於明月  
思騰裝上獵於太清所恨穹昊於路絕而忽  
也莫不海宴天空萬方來同雖秦王與漢武  
兮復何足以爭雄俄而君王茫然改容愀然  
有失於安思危防險戒逸斯馳騁以狂發非  
至理之弘術且夫人君以端拱爲尊玄妙爲  
寶暴殄天物是謂不道乃命六三而之網示  
六合之仁已殺者皆其犯命未傷者全其天

唐雅卷三

八

真雖剪毛而不獻豈割鮮以燂輪解鳳皇與  
鸞鷟兮旋騶虞與麒麟獲天寶於陳倉載非  
熊於渭濱於是享獵徒封勞苦軒行庖騎酌  
酤輻兵戈火網畧然後登九霄之臺宴八紘  
之圃開日月之扃闢生靈之戶聖人作而萬  
物覩覽蒐岐與狩崤何宣成之足數哂穆王  
之荒誕歌白雲之西母曷若飽人以淡泊之  
味醉時以淳和之觴鼓之以雷霆舞之以陰  
陽虞乎神明徂於道德張無外以爲罝罔大

朴以爲杖頌天網以掩之獵賢俊以御極若  
此之狩罔有不克使天人宴安草木蕃殖六  
宮斤其珠玉百姓樂於耕織寢鄭衛之聲却  
靡曼之色天老掌圖風后侍側是三階砥平  
而皇猷允塞豈比夫子虛上林長楊羽獵計  
麋鹿之多少誇苑囿之大小哉方將延榮光  
於後昆軼玄風於遠古擁嘉瑞臻元符登封  
於泰山篆德於社首豈與乎七十二帝同條  
而共貫哉君王於是迴蜺旌反鑾輿訪廣成  
於至道問大隗之幽居使罔象探玄珠於赤  
水天下不知其所如也

軍戎部

太宗執契靖三邊一首

執契靜三邊持衡臨萬姓玉彩輝關燭金華  
流日鏡無爲宇宙清有美璇璣正皎珮星連  
景廳衣雲垂慶戰武營七德昇文輝九功烟  
波澄舊碧塵火息前紅霜野韜蓮劒關城罷  
那中錢綴榆天合新城柳塞空花銷葱嶺雪

唐雅卷三

九

戰血流沙霧秋駕轉競懷春水彌軫慮書絕  
龍庭羽烽休鳳穴戍衣宵寢二難食肝食三  
懼翦暴興先廢除兇存昔亡圓蓋歸天壤方  
輿入地荒四海池京邑雙河洽帝鄉循躬思  
勵已撫俗愧時康元首佇鹽梅股肱唯輔弼  
羽賢崆嶺四翼聖襲城七澆俗庶反淳贊文  
聊就質已知隆至道共歡區宇一

許敬宗奉和執契靖三邊應詔一首

玄塞隔陰戎朱光分昧谷地遊窮北際雲崖

唐雅卷三

十

盡西陸星次絕軒臺風衢乖禹服寰區無所  
外天覆今咸育竄苗猶有孽戮負自貽辜疎  
網妖魴漏盤數恠禽通髯飛尚假息乳視慙  
稽誅乾靈振玉弩神略運璇樞日羽廓遊氣  
天陣清華野昇暄光西夜馳恩溢東瀉揮袂  
靜崑炎開關納流赭錦帔凌石地華纓羈大  
厦清臺映羅葉玄汴控瑤池駃鹿輸珍貺樹  
羽饗來儀輟餽觀化宇栖籞萃條支薰風交  
闐闕就日泛濛濛充庭延飲至絢簡敷春藻

迎姜已創圖命力方論道背託遊河乘再備  
商山皓欣逢德化流思效登封草

玄宗平胡一首

并序

戎羯不虔竊我荒服命偏師之俘剪彼  
應期而咸殄一麾克定告捷相仍爰作  
是詩聊以言志

維虜忽猖狂無何敢亂常羽書朝斷日烽火  
夜相望將出凶門勇兵因死地強蒙輪皆突  
騎接險盡鷹揚鼓角雄山野龍蛇入戰場流

唐雅卷三

十一

膏潤沙漠濺血染鋒鏑霧掃清玄塞雲開靖  
朔方武功今已立文德愧前王

韓休奉和御製平胡一首

南牧正紛紛長河起塞氛玉符徵選士金鉞  
拜將軍疊鼓搖邊吹連旌暗朔雲杳星乘夜  
落害氣入朝分始見幽烽警俄看烈火焚功  
成奏凱樂戰罷策歸勲盛德陳清廟神謨屬  
大君叨榮逢偃羽率舞詠時文

裴漼奉和御製平胡一首



玄漢聖恩通由來書軌同忽聞窺月滿相果  
寇雲中廟略占黃氣神兵出絳宮將軍行逐  
虜使者亦和戎一舉輶輶滅再麾沙朔空直  
將威禁暴非用武爲雄飲至明軍禮疇勲錫  
武功干戈還再戢文德在唐風

玄宗旋師喜捷一首

邊服胡塵起長安漢將飛龍蛇開陣法貔虎  
振軍威詐虜腦塗地征夫血染衣今朝書奏  
入明日凱歌歸

唐雅卷三

五

凱樂歌辭五首

受律辭元首相將討叛臣咸歌破陣樂共賞  
太平人

聖德期昌運雍熙萬寓清乾坤資化育海嶽  
共休明

闢上欣耕稼銷戈遂偃兵殊方歌帝澤執贄  
賀昇平

四海皇風被千年德永清戎衣更不著今日  
告功成

主聖開昌曆臣忠奉大猷君看偃革後便是  
太平秋

張說皇帝馬上射頌十三首

甘泉頌射飛野雞一隻走狐二走兔十  
四不隔箭連中五隻

一面昭仁三驅示武走則發射伏則不取

中鷹前兔

寒兔滅沒疾鷹逞巧鳴鏑同飛失雋亡狡

福陽頌同日中狗前兔

唐雅卷三

五

狡兔隼犬力奔勢迫持圓束飛捨拔先獲

望賢頌停日射高飛鷹一隻走麋二走

兔三十六不隔箭連中五隻

獸殪山豪鳥落雲雋貫三疊兩血不戢刃

望賢頌中訓狐

夜鳴之鳥是謂訓狐除人之惡應箭而殂

望賢頌隔馬射中麋

趯趯牙麋寒草同色隔馬百步一縱而獲

仙遊頌中麋一走狐三走兔十八不隔

箭連中八隻

天子省斂薄狩岐陽躬射五十以奉蒸嘗

文山頓射麋不隔箭連中二走狐一走

兔二十一隻

我將獻鮮從禽於野一日百中以威天下

武停頓而後射走兔其中射兔十九隻

不隔連中十一隻走狐三走麋

宿兔斗迴雲龍騰過天旋月滿含矢如破

飛林頓分駿射野狐中

唐雅卷三

古

有芄者狐起帝之右分駿遠發應踏于手

鷗子搦鵠不着飛過在後箭發應弦而

落

驚鳶上飛鷲集橫搏矯箭爭中紛然旋落

一箭中兩鹿橫貫走五十餘步方倒

雙鹿並去一箭橫連上思陵寢以獻時鮮

是日還宮苑內用大箭射走四十口分

賜諸王郡王及從人等

帝入靈囿數百應鹿射其四十頒諸羣臣

張說玄武門侍射一首

并序

開元之初季冬其望天子始御北闕朝  
羽林軍禮修事厥后二日乃命紫微黃  
門九卿六事與熊羆之將爪牙之臣合  
宴焉侑以純錦頒以珍器爾其射墉新  
成布侯既設槩仗林立帷軒霧布衆官  
半醉皇情載悅卷珠箔臨玉除唐弓在  
手夏箭斯發應弦中屬羽連飛弧矢已  
來未之有也若夫天地合道星辰獻儀

唐雅卷三

五

端視和容內正外直自近而制遠耀威  
而觀德無不通神無不極用是射也其  
惟聖人乎於時繁雲覆城大雪飛苑天  
人同澤上下交懽退食懷恩賦詩頌義  
凡若干篇

射觀通玄闕兵欄闕御筵彫弧月半上畫的  
暈重圓羿后神幽贊靈王法暗傳貫心精四  
返飲羽妙三聯雪鶴來嘶箭星麟下集弦一  
逢君宴合萬慶武功宣

張說破陳樂詞二首

漢兵出頓金微照日光明鐵衣百里火燔燔  
燄千行雲騎駢駢蹙踏遼河自竭鼓譟燕山  
可飛正屬西方朝賀端知萬舞皇威  
少年膽氣凌雲共許驍雄出羣足馬城西挑  
戰單刀薊北從軍一鼓鮮卑送款五餌單于  
解紛誓欲成名報國羞將開口論勲

岑參凱歌六首

漢將承恩西破戎捷書先奏未央宮天子預

唐雅卷三

六

開麟閣待祗今誰數貳師功

官軍西出過樓蘭營幕傍臨月窟寒蒲海曉  
霜凝劍尾恣山夜雪撲旌竿

鳴笳疊鼓擁回軍破國平蕃昔未聞丈夫鵲  
印搖邊月大將龍旗掣海雲

日落轅門鼓角鳴千羣面縛出蕃城洗兵魚  
海雲迎陣秣馬龍堆月照營

蕃軍遙見漢家營滿谷連山徧哭聲萬箭千  
刀一夜殺平明流血浸空城

暮雨旌旗濕未乾胡塵白草日光寒昨夜將  
軍連曉戰蕃軍只見馬空鞍

儲光義觀范陽遁俘一首

北河旄星殞鬼方彌林胡羣師舞弓矢電發  
歸燕墟皇皇軒轅君贊贊泉陶謨方思壯軍  
實遠近遁生俘車馬踐大逵合沓成深渠牧  
人過棠隴校正引駒駟烈風朝送寒雪霽  
天隅草木同一色誰能辨榮枯四履封元戎  
百金酬勇夫大邦武功爵固與炎皇殊

唐雅卷三

七

唐雅卷第二十二

唐雅卷第二十三

清河張之象編

經史部

太宗賦尚書一首

太宗在洛陽宮幸積翠池各賦一事帝  
賦尚書李百藥賦禮記魏徵賦西漢徵  
落句云終藉叔孫禮方知皇帝尊帝曰  
徵言未嘗不約我以禮

崇文時駐步東觀還停輦輟膳玩三墳進燈

唐雅卷三

一

披五典寒心覩肉林飛魄看沉湎縱情昏主  
多克已明君鮮滅身資累惡成名由積善既  
承百王末戰競隨歲轉

李百藥賦禮記一首

玉帛資王會郊丘叶聖情重廣開環堵至道  
軼金籬盤薄依厚地遙裔騰太清方悅升中  
禮足以慰餘生

魏徵賦西漢一首

受降臨軹道爭長趨鴻門驅傳渭橋上觀兵

細柳屯夜宴經栢谷朝遊出杜原終藉叔孫  
禮方知皇帝尊

太宗詠司馬彪續漢志一首

帝嘗作宮體詩使虞世南賡和世南曰  
聖作誠工然體非雅正上有所好下必  
有甚臣恐此詩一傳天下風靡不敢奉  
詔帝曰朕試卿爾世南亡後帝讀漢志  
作詩一篇述古興亡既而嘆曰鍾子期  
死伯牙不復鼓琴朕此詩何所示耶勅

唐雅卷三

二

褚遂良卽世南靈坐焚之

二儀初構象三才乃分位非惟樹司牧固亦  
垂文字綿代更膺期芳圖無輟記炎漢承君  
道英謨纂神器潛龍既可躍街兔奚難致前  
史殫妙詞後昆沉雅思書言揚盛跡補闕興  
洪志川谷猶舊涂羣國開新意梅山未覺朽  
穀水誰云異車服隨名表文物因時置鳳載  
翼康衢鑾衡摠柔轡清濁必能澄洪纖幸無  
陳觀儀不失序遵禮方由事政宣竹律知時

平玉條備文囿彫奇彩藝門蘊深致雲飛星  
且流風揚月兼至裡類遵令典壇壝資良地  
五勝竟無違百司誠有庇我皇承暇景談叢  
引泉秘討論窮義府看覈披經笥大辨良難  
仰小學終先匱聞道諒知榮含毫孰忘愧  
字書部

岑文本奉述飛白書勢一首

六文開玉篆八體曜銀書飛豪列錦繡拂素  
起龍魚鳳舉崩雲絕鸞驚遊霧踈別有臨池

唐雅卷三

三

草恩霑垂露餘

張說羽林恩詔御書王太尉碑一首

隴首名公石來承聖札歸魚龍生意態鈎劍  
動鉉輝字得神明保詞慙少女微誰家羽林  
將又逐鳳書飛

器用部

太宗詠弓一首

上弦明月半激箭流星遠落鴈帶書驚啼猿  
映枝轉

楊師道奉和詠弓一首

霜重麟膠勁風高月影圓鳥飛隨帝輦鴈落  
逐鳴弦

太宗賦簾一首

參差垂玉牖舒卷映蘭宮珠光搖素月竹影  
亂清風彩散銀鈎上文斜桂戶中唯當雜羅  
綺相與媚房櫳

太宗詠燭二首

焰畏風來動花開不待春鎮下千行淚非是

唐雅卷三

四

爲思人

九龍焰焰動四照逐花生卽此流高殿堪持  
待月明

許敬宗歌器賦應詔一首

臣聞人靈貴損天道忌盈朱火終而炎景謝  
金波滿而哉魄生察迺來於四序揆迭運於  
三精淺知昧於成象通識鮮於未萌務循虛  
而守約處崇高而慎傾爰製有卮勗茲居位  
藏丹楹之峻宇偶清廟之彝器體虛舟之濊



空鑿樸滿之延崇彼游鱗之盤樂咸見亡於  
芒餌此貪夫之死權誠泛駕於明利唯達人  
兮服道執溫恭兮靜志居泰山以思危騁高  
衢而不躋在大明之玄鑒猶垂旒以蔽聰履  
克讓之貞吉尚養正以希蒙矧羣材之小器  
志戒溢而虧冲悟負乘之必蹶敬循崖而飭  
躬由是鳴謙君子卑以自牧如彼景山猶藏  
疾於林麓譬諸巨海亦素王於百谷庶辭滿  
而常正固懷空而靡覆若乃求中軌範流慶

唐雅卷三

五

資源峰潤由於韜玉葉茂本於深根草卷施  
而不死木交讓以俱存梅飛英而歛笑桃絢  
彩而無言燕迎秋兮遁跡鷺移春兮息喧皆  
順序而行止得至之玄門道雅合於斯器故  
保精而養魂

張九齡白羽扇賦一首

九齡在相有謬譖匪躬之誠明皇在位  
既久稍怠廢政每見帝極言得失李林  
甫時同列欲陰中之將加朔方節度使

牛仙客實封九齡稱其不可甚不叶帝  
旨他日林甫請見屢陳九齡頗懷誹謗  
帝遂賜白羽扇以寄意九齡惶恐因作  
賦以獻序云開元二十四年夏盛暑奉  
勅使大將軍高力士賜宰臣白羽扇九  
齡與焉竊有所感立獻賦曰

當時而用在物所長彼鴻鵠之弱羽出江湖  
之下方安知煩暑可致清涼豈無紈素綵畫  
文章復有修竹剖析毫芒提携密邇搖動馨

唐雅卷三

六

香惟衆珍之在御何短翮之敢當而竊思於  
聖后且見持於未央伊昔皋澤之時亦有雲  
霄之志苟效用之得所雖殺身之何患肅肅  
白羽穆如微風縱秋氣之移奪終感恩於篋  
中

明皇御批云朕頃賜扇聊以滌暑卿立賦之  
且見情素詞高理妙朕詳之久矣然佳彼勁  
翮方資利用與夫棄捐篋笥義不當也

樂舞部

太宗三層閣上置音聲一首

綺筵移暮景紫閣引宵煙隔棟歌塵合分階  
舞影連聲流三處管響匝一重絃不似秦樓  
上吹簫空學仙

太宗琵琶一首

半月無雙影全花有四時摧藏千里態掩抑  
幾重悲促節紫紅袖清音滿翠帷駛彈風響  
急緩曲釧聲遲空餘闌隴恨因此代相思

虞世南琵琶賦一首

唐雅卷三

七

若夫巢木爲金門之始轉蓬乃玉輅之先斯  
蓋前古之樸略而後代之精妍是以鼉鼓質  
而罕用箚簫輕而莫傳笛不和於商律瑟見  
毀於繁絃此皆白珪玷以成疾嗟近者之莫  
言歎知音之不述惟皇御極書軌大同鑠矣  
文教康哉武功旣象舞之載設亦夷歌之遠  
通乃定八音論成六樂均弦管之藝制鏗  
鏘之學辨新聲於變徵研竒操於清角鏘管  
咸奏絲桐畢陳有琵琶之妙曲乃越衆而起

倫器便時而適用節每段而逾新謚四座以  
傾耳歎和聲之入神爰詔百辟備序厥因於  
是大司樂進而稱曰臣以末學聞諸前志尋  
斯樂之所始乃絃鼗之遺事強秦創其濫觴  
盛漢盡其深致爰有達人演茲竒器參古今  
而定質凝神明而攄思慰遠嫁之羈情寬絕  
域之歸志旣而班爾運能鈎繩將設求嘉木  
於五嶺取殊材於九折剖文梓而從分割香  
檀而橫裂木瓜貞栢盤根錯節或錦散而花

唐雅卷三

八

開或絲縈而緒結徒觀其爲狀也則象形斗  
極殊姿巧製隨良樸之修短任規模之巨細  
旣異才而合體亦刻方而爲銳惟適道以從  
宜故無取乎凝滯若乃琢玉範金之巧彫文  
鏤綵之竒上覆手以懸映下承絃而仰施帖  
則西域神獸南山瑞枝屈盤犀嶺迴旋鳳池  
開寶撥以更連帶文綬而旁垂體備商角韻  
包宮羽橫却月於天漢寫迴風於洛浦始聞  
絃之旣調乃長弄之徐撫應緩調之踈節隨

輕身之妙舞悲紫塞之昭君泣烏孫之公主  
季倫歡金谷之宴仲容暢竹林之聚至如七  
德昭備六軍凱旋諧戎麾而威遠令金奏而  
功宣詠燕山之已勒美瀚海之方鐫亦有飛  
梁邸遊楚館聞促柱之再調聽鳴絃之踈彈  
叶高文而自飛遠羽觴之舞筭又如長河草  
綠高樓月下入小苑而看花遊上蘭而藉野  
泛澄波而轉鵲息長松而繫馬臨清流而揮  
絃與殊方而俱寫其奇趣則抑揚嘈囋聯綿

唐雅卷三

九

斷續紆餘雙鵲之吟清壯三秦之曲望南山  
之遙翠見西江之始綠少年有長命之詞倡  
女有可憐之調願百齡兮眉壽重千金之巧  
笑逮乎嘉客既醉高宴將闌浮觴劇飲披襟  
極歡乃催絃而急調交酬獻之無端若以河  
而注海亦杯來而始彈蓋感物動神和心悅  
耳豈振木之爲輩奚繞梁之足擬夫道以簡  
易爲尊物以精微爲貴嗟四絃之已約乃包  
含於元氣叶笙鏞之律呂參鍾石之經緯於

是鳳簫輟吹龍笛翻吟玄雲掩影白雪藏音  
故以暢皇風之威武悅大雅之神心者也

李嶠國子舞賦一首

天子欽賢才之地合禮樂之府命宗伯因四  
時之宜教胄子以六代之舞惟德是務以和  
爲主翕左手以執籥就前軒以樹羽方將發  
揮五禮張皇六師忽投步而赴節乍整容而  
自持雖鏘鏘與濟濟必庸庸以祗祗及夫鍾  
鼓鏗訇絲竹宴衍音容間起干旋迭見屹然

唐雅卷三

十

山立欻然風從觀者如堵曷不肅雍實經國  
之洪範蓋訓人以中庸且樂以平其心舞以  
發其貌故無小無大是則是効宜合國之子  
弟實教人於忠孝其儀不忒其德惟馨遠人  
由是以來之故時無違命明神可得而禮矣  
故物無遁形大哉聖人其道可久約我以禮  
樂弘我以孝友覩蹀躞之屢舞實循循之善  
誘文德溫恭則羽籥在歸根之時武士發揚  
則干戈居藁萌之後夫手之舞之有小有大

成童舞象弱冠舞夏並允洽於生靈良克諧  
於風雅莫善於樂執而勿捨聖人若斯須而  
去身則孰能垂拱於天下

巧藝部

玄宗觀拔河俗戲一首

俗傳此戲必致年豐故命北軍以求歲

稔

壯徒恒賈勇拔拒抵長河欲練英雄志須明  
勝負多譟齊山岌業氣作水騰波預期年歲

唐雅卷三

士

稔先此樂時和

張說奉和聖製觀拔河俗戲應制一  
首

今歲好拖鉤橫街敞御樓長繩繫日住貫索  
挽河流鬪力頻催鼓爭都更上籌春來百種  
戲天意在宜秋

武平一人日西臺觀打毬應制一首

景龍  
四年

令節重遨遊分鑣戲綵毬驂驪迴上苑蹀躞

繞通溝影就紅塵沒光隨赭汗流賞闌清景  
暮歌舞樂時休

沈佺期幸梨園亭觀打毬應制一首

景龍四年春二月上御梨園命三品以  
上拋毬拔河常巨源唐休璟袁老隨絙  
踣地不能興上及皇后妃主臨觀大笑  
今春芳苑遊接武上瑋樓宛轉紫香騎飄颻  
拂畫毬俯身迎未落迴轡逐傍流祗爲看花  
鳥時時誤失籌

唐雅卷三

士

蔡孚打毬篇一首

臣謹按打毬者往之蹴鞠古戲也黃帝  
所作兵勢以練武士知有材也竊美其  
事謹奏打毬篇一章凡七言九韻

德陽宮北苑東頭雲作高臺月作樓金鉞玉  
盤千金地寶杖瑀文七寶毬寶融一家三尚  
主梁冀頻封萬戶侯容色由來荷恩顧意氣  
平生事俠遊共道用兵如斷蔗俱能走馬入  
長秋紅鬃錦鬣風駉驪黃絡青絲電紫駟奔

星亂下花場裏初月飛來盡杖頭自有長鳴  
須決勝能馳迅足滿先籌薄暮漢宮愉樂罷  
還歸堯室曉垂旒

唐雅卷第二十三

唐雅第十冊目錄

卷之二十四

寺觀部

太宗過慈恩寺一首

許敬宗奉和過慈恩寺應制一首

沈佺期奉香山寺應制一首

沈佺期幸紅樓苑應制一首

宋之問幸岳寺應制一首

宋之問幸少林寺應制一首

唐雅第十冊目錄 一

上官昭容宋之問劉憲李乂李嶠鄭

愔奉和幸三會寺應制共六首

鄭愔劉憲李乂李嶠趙彥昭宋之問

幸大薦福寺應制共七首

張說奉和同皇太子過荷恩寺應制

一首

劉憲上官昭容張錫岑羲趙彥昭崔

日用李乂盧藏用畢乾太辛替否

解琬翹瞻孫佺李從遠楊廉張景



源馬懷素李迥秀樊忱李恒王景

蕭至忠周利用李適宋之問奉和

九月九日登慈恩寺浮圖應制共

二十六首

宋之問奉和聖製閏九月九日登莊

嚴總二寺閣一首

李嶠奉和聖製閏九月九日幸總持

登浮圖應制一首

玄宗為趙法師別造精院過院賦詩

八庫雅第十冊目錄

二

一首

并序

沈佺期劉憲趙彥昭武平一李乂崔

湜蘇頌李嶠奉和幸白鹿觀應制

共八首

王維奉和聖製登降聖觀與宰臣同

望應制一首

沈佺期再入道場紀事應制一首

張說奉勅撰道家四首

王維奉和聖製慶玄元皇帝玉像之

作應制一首

卷之二十五

祥瑞部

張說奉勅撰皇帝在潞州祥瑞頌十

九首

閻朝隱鸚鵡猫兒篇一首

并序

張說時樂鳥篇一首

并序

張說進白鳥賦一首

丁仙芝越裳貢白雉一首

八庫雅第十冊目錄

三

李義府宣正殿芝草一首

王維觀玉芝慶雲一首

花卉部

太宗芳蘭一首

許敬宗麥秋賦應制一首

太宗採芙蓉一首

宋之問秋蓮賦一首

并序

太宗殘菊一首

張文琮和楊舍人詠中書省花樹一

首

果木部

太宗賦得李一首

太宗採得李一首

太宗詠桃一首

孔紹安應詔詠天桃一首

李嶠蘇頲趙彥伯從臣李义侍宴桃

花園詠桃花應制共五首

張說桃花園馬上應制一首

不唐雅第十冊目錄 四

太宗賦得櫻桃春字韻一首

蕭穎士伐櫻桃樹賦一首 并序

孔紹安侍宴詠石榴一首

王維立爲皇甫冉左掖梨花共三首

李白芍藥花開應制清平調三首

太宗春池柳一首

太宗賦得臨池柳一首

盧僊題殿前桂葉一首

太宗賦得臨池竹一首

虞世南賦臨池竹應制一首

卷之二十六

鳥獸部

太宗鳳賦一首

蕭穎士白鵬賦一首 并序

太宗賦得早鴈出雲鳴一首

虞世南侍宴歸鴈堂一首

太宗詠烏代陳師道一首

李義府詠烏一首

不唐雅第十一冊目錄 五

宋之問詠省壁畫鶴一首

玄宗鵲鴿頌俯同魏光乘作一首 并序

李白侍從宜春苑奉詔賦龍池柳色

初青聽新鶯百轉歌一首

杜甫鵬賦一首

太宗飲馬長城窟行一首

太宗飲馬一首

楊師道詠飲馬應詔一首

楊師道詠馬一首

薛曜舞馬篇一首

張說大唐開元十三年隴右監校頌

并序

張說舞馬千秋萬歲樂府詞三首

張說舞馬詞六首

虞世南獅子賦一首

虞世南白鹿賦一首

杜甫天狗賦一首

昆蟲部

唐雅第十冊目錄 六

太宗賦得弱柳鳴秋蟬一首

張九齡和崔黃門寓直夜聽蟬之作

一首

唐雅第十冊目錄終

唐雅卷第二十四

清河張之象編

寺觀部

太宗過慈恩寺一首

日宮開萬仞月殿聳千尋花蓋飛圓影虹幡  
曳曲陰霞綺遙籠帳叢珠細網林寥廓烟雲  
表超然物外心

許敬宗奉和過慈恩寺應制一首

鳳闕鄰金地龍旂拂寶臺雲楣將葉並風牖

唐雅卷五

送花來月宮清晚桂虹梁絢早梅梵境留宸

矚揆發麗天才

沈佺期幸香山寺應制一首

南山奕奕通丹禁北闕峨峨連翠雲嶺上樓  
臺千地起城中鍾鼓四天聞旃檀曉閣金輿  
度鸚鵡晴林綵萼分願以醍醐參聖酒還將  
祇苑當秋汾

沈佺期幸紅樓苑應制一首

紅樓疑見白毫光寺逼宸居福盛唐支遁愛

山情漫切曇摩泛海路空長經聲夜息聞天  
語爐氣晨飄接御香誰謂此中難可到自憐  
深院得回翔

宋之問幸岳寺應制一首

暫幸珠筵地俱憐石瀨清泛流張翠幕拂迴  
掛紅旌雅曲龍調管芳罇蟻泛觥陪歡玉座  
晚復得聽金聲

宋之問幸少林寺應制一首

紺宇橫天室迴鑾指帝休曙陰迎日盡春氣

唐雅卷三

二

抱巖流空樂繁行漏香烟薄綵旂玉膏從此  
泛仙馭接浮丘

上官昭容奉和幸三會寺應制一首

景龍二年  
十月三日

釋子談經處軒臣刻字留故臺遺老在殘簡  
聖君求駐蹕懷千古開襟望九州四山綠塞  
合二水夾城流宸翰陪瞻仰天杯接獻酬太  
平詞藻盛長願紀鴻休

宋之問奉和幸三會寺應制一首

六飛迴玉輦雙樹謁金仙瑞鳥呈書字神龍  
吐浴泉淨心遙證果睿想獨超禪塔湧香花  
地山園日月天梵音迎漏徹空樂倚雲懸今  
日登仁壽長看法鏡圓

劉憲奉和幸三會寺應制一首

岩窈倉史臺敞朗紺園開戒旦壺人集翻霜  
羽騎來下輦登三襲寒旒望九垓林披館陶  
勝水浸昆明灰網戶飛花綴幡竿度鳥迴豫  
遊仙唱動瀟灑出塵埃

唐雅卷三

三

李乂奉和幸三會寺應制一首

睿德總無邊神皇擇勝緣二儀齊法駕三會  
禮香筵漢闕中黃近秦山太白連臺疑觀鳥  
日池似刻鯨年滿月臨真境秋風入御絃小  
臣叨下列持管謬窺天

李嶠奉和幸三會寺應制一首

故臺蒼頡里新邑紫泉居歲在開金寺時來  
降玉輿龍形雖起剎鳥跡尚留書竹是蒸青  
外池仍點墨餘天文光聖草寶恩合真如謬

奉千齡日忻逢十地初

鄭愔奉和幸三會寺應制一首

鳥籀遺新閣龍旂訪古臺造書臣頤往觀跡  
帝羲來法界山川匝宸心宇宙該梵音隨駐  
輦天步接乘杯舊苑經寒露殘池問劫灰散  
花將捧日俱喜聖詞開

鄭愔奉和幸大薦福寺應制一首

景龍

二年十二月六日

大薦福寺中宗舊宅也在長安城南本

唐雅卷四

四

隋煬帝潛藩唐建爲寺自神龍後翻譯  
佛經並藏于此其東有放生池相傳卽  
漢洪澤陂也一

舊邸三乘闕佳辰萬騎留蘭圖奉葉偈芝蓋  
拂花樓國會人王法官還天后遊紫雲成寶  
界白水作禪流鴈塔昌基遠鸚杯睿藻抽忻  
承大風曲竊預小童謳

劉憲奉和幸大薦福寺應制一首

地靈傳景福天駕儼鈎陳佳哉藩邸舊赫矣

梵宮新香塔魚山下禪堂鴈水濱珠幡映白  
日鏡殿寫青春甚懽延故吏大覺拯生人幸  
承歌頌末長奉屬車塵

李乂奉和幸大薦福寺應制一首

象設隆新宇龍潛想舊居碧樓披玉額丹仗  
導金輿代日興光近周星掩曜初空歌清沛  
筑梵樂奏胡書帝造還三界天文養六虛康  
哉孝理日崇德在真如

李嶠奉和幸大薦福寺應制一首

唐雅卷四

五

鴈沼開香域鶯林降綵旂還窺圖鳳宇更坐  
濯龍川桂輦朝羣辟蘭宮列四禪半空銀閣  
斷分砌寶繩連甘雨焦蘇澤慈雲動沛篇獨  
慙賢作礪空喜福成田

趙彥昭奉和幸大薦福寺一首

珎地龍飛後金身佛現時千花開國界萬善  
累皇基北闕承行幸西園屬住持天衣拂舊  
石王舍起新祠剎鳳迎雕輦幡虹駐綵旗同  
霑小雨潤竊仰大風詩



宋之問奉和幸大薦福寺一首

是日鄭愔詩先成之問後進中宗命昭容上官氏差第甲乙以之問是詩爲冠

乘龍太子去駕象法王歸尤警句也

香刹中天起宸遊滿路輝乘龍太子去駕象  
法王歸殿飾金人影窻搖玉女扉稍迷新草  
木遍識舊庭闌水入禪心定雲從寶思飛欲  
知皇劫遠初拂六銖衣

沈佺期奉和幸大薦福寺應制一首

唐雅卷五

六

梵筵光聖邸仙豫覽宏規不改靈光殿因開  
功德池蓮生新步葉桂長昔攀枝湧塔庭中  
見飛樓海上移聞韶三月幸觀象七星危欲  
識龍歸處朝來雲氣隨

張說奉和同皇太子過荷恩寺應制

一首

朗朗神居峻軒軒瑞象威聖君成願果太子  
拂天衣至樂三靈會深仁四皓歸還聞渦水  
曲更繞白雲飛

劉憲奉和九月九日登慈恩寺浮圖

應制一首

景龍二年

慈恩寺在曲江池側唐高宗爲文德皇

后建

飛塔雲霄半清辰羽旆遊登臨憑季月寥廓  
見中州御酒新寒退天文瑞景留辟邪將獻  
壽茲日奉千秋

上官昭容奉和九月九日登慈恩寺

浮圖應制一首

唐雅卷五

七

帝里重陽節香園萬乘來却邪更入佩獻壽  
菊傳盃塔類承天湧門疑待佛開唐詞懸日  
月長侍御昭回

張錫奉和九月九日登慈恩寺浮圖

應制一首

九州霜景淨千門曉望通仙游光御路瑞塔  
迥凌空菊彩揚堯日萸香入舜風天文麗神  
象竊抃仰層穹

岑羲奉和九月九日登慈恩寺浮圖

應制一首

寶臺聳天外玉輦步雲端日麗重陽景風搖  
季月寒梵堂遙集鴈帝樂近翔鸞願獻延齡  
酒長承湛露歡

趙彥昭奉和九月九日登慈恩寺浮  
圖應制一首

出豫乘秋節登高出梵宮皇心滿塵界佛迹  
現虛空日月宜長壽人天得大通喜聞題寶  
唱受記莫由同

唐雅卷五

八

崔日用奉和九月九日登慈恩寺浮  
圖應制一首

紫宸懽每洽紺殿法初隆菊泛延齡酒蘭吹  
解慍風咸英調正樂香梵遍秋空臨幸符天  
瑞重陽日再中

李乂奉和九月九日登慈恩寺浮圖  
應制一首

瑞塔臨玄邑高層瞰紫微鳴鑾陪帝出攀揅  
翊天飛慶洽重陽壽文含列象輝小臣叨載

筆欣此頌巍巍

盧藏用奉和九月九日登慈恩寺浮  
圖應制一首

化塔龍山起中天鳳輦迂絲旒牽畫剎雜珮  
冒香莢寶葉擎千座金英漬百盃秋雲飄聖  
藻宵極捧連珠

畢乾太奉和九月九日登慈恩寺浮  
圖應制一首

鸚林化塔啓鳳輦順時遊重九昭皇慶大千

唐雅卷五

九

揚帝休耆闍妙法闡王舍睿文流至德覃無  
極小臣歌詎訓

辛替否奉和九月九日登慈恩寺浮  
圖應制一首

洪慈均動植至德俯深玄出豫從初地登高  
適梵天白雲飛御藻慧日煖皇編別有秋原  
藿長傾雨露緣

鮮琬奉和九月九日登慈恩寺浮圖  
應制一首

瑞塔臨初地金輿幸上方空邊有清淨覺處  
無馨香雨霽微塵歛風秋定水涼茲辰採仙  
菊薦壽慶重陽

翹瞻奉和九月九日登慈恩寺浮圖

應制一首

扈蹕遊玄地陪仙瞰紫微似邁銖衣切將同  
羽化飛雕戈秋日麗寶劍曉霜霏獻觴乘菊  
序長願奉天暉

孫佺奉和九月九日登慈恩寺浮圖

唐雅卷三

十

應制一首

應節萸房滿初寒菊浦新龍旗燠宸極鳳駕  
儼香闥蓮井偏疑夏梅渠更若春一忻陪鴈  
塔還似得天身

李從遠奉和九月九日登慈恩寺浮

圖應制一首

九月從時豫三乘爲法開中霄日天子半座  
寶如來摘果珠盤獻攀莢玉輦迴願將塵露  
點遙奉光明臺

楊廉奉和九月九日登慈恩寺浮圖  
應制一首

萬乘臨真境重陽眺遠空慈雲浮鴈塔定水  
應龍宮寶鐸含飈響仙輪帶日紅天文將瑞  
色輝煥滿寰中

張景源奉和九月九日登慈恩寺浮  
圖應制一首

飛塔凌霄起宸遊一屆焉金壺新泛菊寶座  
卽披蓮就日搖香輦憑雲出梵天祥氛與佳

唐雅卷三

十一

色相伴雜鑪烟

馬懷素奉和九月九日登慈恩寺浮  
圖應制一首

季月重陽啓金輿陟寶坊御旂橫日道仙塔  
儼雲莊帝蹕千官從乾詞七曜光顧慚文墨  
職無以頌時康

李迥秀奉和九月九日登慈恩寺浮  
圖應制一首

沙界人王塔金繩梵帝遊言從祇樹賞行玩

菊叢秋御酒調甘露天花拂綵旒  
堯年將佛日同此慶時休

樊忱奉和九月九日登慈恩寺浮圖  
應制一首

淨境重陽節仙遊萬乘來  
插萸登鷺嶺把菊坐蜂臺  
十地祥雲合三天瑞景開  
秋風詞更遠竊抃樂康哉

李恒奉和九月九日登慈恩寺浮圖  
應制一首

唐雅卷五

三

寶地臨丹掖香臺瞰碧雲  
關河天外出城闕樹中分  
睿藻蘭英秀仙杯菊藥薰  
願將今日樂長奉聖明君

王景奉和九月九日登慈恩寺浮圖  
應制一首

玉輦移中禁珠梯覽四禪  
重階清漢接飛實紫霄懸  
綴葉披天藻吹花散御筵  
無因躡蹕暇俱舞鶴林前

蕭至忠奉和九月九日登慈恩寺浮

圖應制一首

天蹕三乘啓星輿六轡行  
登高凌寶塔極目徧王城  
神衛空中遶仙歌雲外清  
重陽千萬壽率舞頌昇平

周利用奉和九月九日登慈恩寺浮圖  
應制一首

出豫乘金節飛文煥日宮  
莢房開聖酒菊花被玄功  
塔向三天迴池將八解空  
叨恩奉蘭籍終愧洽薰風

唐雅卷五

三

李適奉和九月九日登慈恩寺浮圖  
應制一首

鳳輦乘朝霽鶯林對晚秋  
天文貝葉寫聖澤菊花浮  
塔似神功遍龕疑佛影留  
幸陪清漢蹕欣奉淨居遊

宋之問奉和九月九日登慈恩寺浮圖  
應制二首

鳳刹侵雲半虹旌倚日邊  
散花多寶塔張樂布金田  
時菊芳仙醞秋蘭動睿篇  
香街稍欲

晚清蹕扈歸天

瑞塔千尋起仙輿九日來萸房陳寶席菊蕊散花臺御氣鵬霄近升高鳳野開天歌將梵樂空裏共徘徊

宋之問奉和聖製閏九月九日登莊

嚴總持二寺閣一首

景龍二年

閏月再重陽仙輿歷寶坊帝歌雲稍白御酒菊猶黃風鐸喧行漏天花拂舞行豫遊多景福梵宇日生光

唐雅卷西

五

李嶠奉和聖製閏九月九日幸總持

登浮圖應制一首

閏節開重九真遊下大千花寒仍薦菊座晚即披蓮剎鳳迴雕輦幡虹間綵旃還將西梵曲助入南薰絃

玄宗爲趙法師別造精院過院賦詩

一首

并序

秋九月聽政觀風存乎遊息退朝之后歷西上陽入清虛院則法師所居之地

也法師得玄元之法養浩然之氣故法

此仙家特建真宇紫房對綠竹羅生既親重其人每經過其地以怡神洗雪進德修業何必齋心累月遠在順風因而賦詩用適其意云耳

宗師心物外爲道運虛舟不戀巖泉賞來從三禁遊探玄知幾歲習靜更宜秋烟朝巴風湍閑夜流坐朝繁聽覽尋勝在清幽欲更無爲化因茲庶可求

唐雅卷西

五

沈佺期奉和幸白鹿觀應制一首

景龍

三年十二月十五日

白鹿觀在白鹿原周平王時有白鹿遊此故名

紫鳳真人劫斑龍太上家天流芝蓋下山轉桂旗斜聖藻垂寒露仙杯落晚霞唯應問王母桃作幾時花

劉憲奉和幸白鹿觀應制一首

玄遊乘落暉仙宇藹霏微石梁縈澗轉珠旒



掃壇飛芝童薦膏液松鶴舞駢駢還似瑤池  
上歌成周馭歸

趙彥昭奉和幸白鹿觀應制一首

雲駢驅半景星蹕坐中天國誕玄宗聖家尋  
碧落仙玉盃鸞薦壽寶筭鶴知年一覩光華  
旦忻承道德篇

武平一奉和幸白鹿觀應制一首

玉府凌二曜金壇駐六龍縹旒懸倒景羽蓋  
偃喬松玄圃靈芝秀華池瑞液濃謬因霑舜

唐雅卷三

六

渥長願奉堯封

李乂奉和幸白鹿觀應制一首

制蹕乘驪阜回輿指鳳京南山四皓謁西嶽  
兩童迎雲幄臨玄圃霞杯薦赤城神明近茲  
地何事往蓬瀛

崔湜奉和幸白鹿觀應制一首

御旗探紫籙仙仗闢丹丘捧藥芝童下焚香  
桂女留鸞歌無歲月鶴語記春秋臣朔何其  
幸常陪漢武遊

蘇頌奉和幸白鹿觀應制一首

紫虛清吹下藹藹入仙宮松磴攀雲絕花源  
接澗空受符邀羽使傳訣駐香童詎似閑居  
日徒聞有順風

李嶠奉和幸白鹿觀應制一首

駐蹕三天路迴旂萬仞溪真庭羣帝饗洞府  
百靈棲玉酒仙壚釀金方暗壁題佇看青鳥  
入還陟紫雲梯

王維奉和聖製登降聖觀與宰臣同

唐雅卷三

七

望應制一首

鳳扈朝碧落龍圖耀金鏡維岳降二臣戴天  
臨萬姓山川八校滿井邑三農竟比屋皆可  
封誰家不相慶林疎遠村出野曠寒山靜帝  
城雲裏深渭水天邊映喜氣含風景頌聲溢  
歌詠端拱能任賢彌章聖君聖

沈佺期再入道場紀事應制一首

南方歸去再生天內殿今年異昔年見闢乾  
坤新定位看題日月更高懸行隨香輦登仙

路坐近爐烟講法筵自喜恩深陪侍從兩朝  
長在聖人前

張說奉勅撰道家四首

金壇啓曙闌直氣肅微微落月銜仙竇初霞  
拂羽衣香隨龍節下雲逐鳳簫飛暫往蓬萊  
戲千年始一歸

窈窕流精觀深沉紫翠庭金奩調上藥寶案  
讀仙經作賦看神雨乘槎辨客星祇應謝人  
俗輕舉託雲輶

唐雅卷五

六

金爐承道訣玉牒啓玄機雲逐笙歌度星流  
宮殿飛乘風嬉浩蕩窺月弄光輝唯有三山  
鶴應同千載歸

道紀開中籙真官表上清焚香三鳥至鍊藥  
九仙成天上靈書下空中妙伎迎迎來出烟  
霧渺渺戲蓬瀛

王維奉和聖製慶玄元皇帝玉像之  
作應制一首

開元二十九年閏四月上夢玄元皇帝

云吾像在京城西南百餘里遣使求得  
之於鰲屋迎置興慶宮

明君夢帝先寶命上齊天秦后徒聞樂周王  
耻卜年玉京移大像金籙會群仙承露調天  
供臨空敞御筵斗迴迎壽酒山近起爐烟願  
奉無爲化齊心學自然

唐雅卷第二十四

唐雅卷五

九

唐雅卷第二十五

清河張之象編

祥瑞部

張說奉勅撰皇帝在潞州祥瑞頌十

九首

日告帝符王起乘土重光五色四方之主或  
抱或戴氣華暉嫵大明經天豈忘忠輔

右日抱戴頌

維帝潛德受天眷命月之重輪示我金鏡壁

唐雅卷二十五

彩內澈環規外映君心用明神道協慶

右月重輪頌

聖瑞無疆神融氣渙蜿蜒然赤龍垂首據按昔  
有王媪預覩興漢今此潞人亦兆靈觀

右赤龍頌

王者之畋必有天佐逐鹿深水乘躍而過不  
失其馳舍矢如破後騎沒溺乃驗靈迹

右逐鹿頌

靈氣滋液嘉禾族生或分九穗有合雙莖昔

初唐叔歸功太平於今歷試抽此德萌

右嘉禾頌

黃龍土精五方之長在田而見文明厥象軒  
圖瑞來夏匱妖往惟德可應待神難罔

右黃龍頌

災惑降精是爲天使會合齟齬謳謠街肆通  
賢妙識採斷來事山北朝堂此明天位

右羊頭山北童謠頌

憑乘仙穴應吳建號襄垣洞開神亦我報玉

唐雅卷二十五

膏滴瀝石巷幽奧天將宥之陰靈啓道

右仙洞頌

昔望茲山當出天子太武心思歷以軍壘地  
氣雖廢河清有俟三百餘年聖人方起

右大王山三疊頌

王命必有獸勝多無不徵緣錯虛役工徒舊  
山伏氣今聖靈符魏雖穿鑿能遠天平

右疑山鑿斷頌

龍或魚服鯉同國姓躍泉將飛告我天命鱗

昭武德翼贊興慶昔去隨仙今我迓聖

右赤鯉頌

蜿蜒黃龍既見將躍氣動雲擾精流電鏤文明剛健嫵媚纖弱萬物覩焉聖人其作

右黃龍再見頌

天臨壺口露座山眉紫雲來擾如蓋如帷畢景不滅含風自持一人有慶兆民賴之

右紫雲頌

李興帝族寺榜延唐異枝同幹雙名合祥花

唐雅卷五

三

轉瑤萼子綴珠光本枝百代永永蕃昌

右李樹頌

纖纖靈著下有伏龜天生神物以決狐疑一著特起自天立之無卦之卦告帝之期

右神著頌

出郡二里橫路金橋聖人南度駟馬西朝運及誅呂時當渙堯却尋後事一合童謠

右金橋頌

土往京國都城懋惋紫氣浮空七日不敗斐

疊牕戶輪囷臺觀都人係心瞻仰雲漢

右紫氣頌

百神從王一舉西適衆觀空廡連步雲跡躡似郊謀痕同雷澤曠古奇事存乎帝籍

右大人跡頌

天帝下席承常于命王赫斯興撥亂反正擊凶尊主一麾大定神人相歡盼響傳慶

右神人傳慶頌

閨朝隱鸚鵡貓兒篇一首

并序

唐雅卷五

四

鸚鵡惠鳥也猫不仁獸也飛翔其背焉嚙啄其頤焉攀之援之蹈之履之弄之藉之蹒跚然此爲自得彼亦以爲自得畏者無所起其畏忍者無所行其忍抑血屬舊故之不若臣叨踐太子舍人朝暮待從預見其事聖上方以禮樂文章爲功業朝野歡娛強梁充斥之輩願爲臣妾稽顙闕下者日萬計尋而天下一統實以爲惠可以伏不惠仁可以伏不

仁亦太平非常之明證事恐久遠風雅  
所缺再拜稽首爲之篇

霹靂引豐隆鳴猛獸噫氣蛇吼聲鸚鵡鳥同  
資造化兮殊粹精鸚鵡毛翡翠翼鸚鵡延頸  
鸚鵡弄色鸚鵡鳥同稟陰陽兮異埏埴彼何  
爲兮隱隱振振此何爲兮綠衣翠襟彼何爲  
兮窘窘蠢蠢此何爲兮好貌好音彷彿兮佯  
佯似妖姬躡步兮動羅裳趨趨兮踟蹰若處  
子迴眸兮登玉堂爰有獸也安其獸也其忍

唐雅卷五

五

觜其脇距其胷與之放曠浪浪兮從從容容  
鈎爪踞牙也宵行晝伏無以當遇之兮忘味  
搏擊騰擲也朝飛暮噪無以拒逢之兮屏氣  
由是言之貪殘薄則智慧作貪殘臨之兮不  
復躍由是言之智慧周則貪殘囚智慧犯之  
兮不復憂非形陋質雖賤微皇王顧遇長光  
輝離宮別館臨朝市妙舞繁絃雜宮徵嘉喜  
堂前景福內和歡殿上明光裏雲母屏風文  
彩合流蘇斗帳香烟起承恩宴盼接宴喜高

祝七頭金駱駝平懷五尺銅獅子國有君兮  
國有臣君爲主兮臣爲賓朝有賢兮朝有德  
賢爲君兮德爲飾千年萬歲兮心轉憶

張說時樂鳥篇一首

并序

伏見天恩以靈異鸚鵡及能延京所述  
篇出示朝列臣按南海異物志有時樂  
鳥鳴云太平天下有道則見驗其圖丹  
首紅臆朱冠綠翼鶯領文背糝以五色  
今此鳥本南海貢來與鸚鵡狀同而毛

唐雅卷五

六

尾全異其心聰性辨護主報恩固非凡  
禽實瑞經所謂時樂鳥延京雖叙其事  
未正其名望編國史以彰聖瑞臣竊同  
延京獻詩一首

舊傳南海出靈禽時樂名聞不可尋形貌乍  
同鸚鵡類精神別稟鳳皇心千年待聖方輕  
舉萬里呈才無伴侶紅茸揉繡好毛衣清冷  
謳啞好言語內人試取御衣牽喙手瞋聲不  
許前心願陽鳥恒保日志嫌陰鶴欲變天天



情玩訝良無已察圖果見祥經裏本持符瑞  
驗明王還用文章比君子自憐弱羽詎堪珍  
喜共華篇來示人人見嚶嚶報恩鳥多慙碌  
碌具官臣

張說進白鳥賦一首

咨大鈞之播氣在品物而流形有莫黑之凡  
族亦變白而效靈感上仁於孝道合中瑞於  
祥經若夫事出神妙理包舒卷貺集王屋飛  
隨帝輦捧日高翥迎風細轉識句句於召呼

唐雅卷五

七

每啞啞於啄吮以其雪羽霜毛冰精玉狀拔  
奇綠林之下賞異紫臺之上瞰鳩鵲之紗窻  
抱鳳皇之衣桁恐同類之見嫉畏不才之速  
謗願悉命於渥恩豈顧私於閑放維聖君之  
靈囿物何遠而不臻有能言而可重或善舞  
而取珍羞陋軀而入獻與寶羽而爲鄰探朝  
噪之聲樂眷夜啼之曲新無芒距以耀武不  
背鈞以懷仁謝先容而特達却假飾以全真  
鑒深心於反哺移報德於君親

玄宗恩詔批答曰得所進白鳥符彩明媚功  
日揚揮白羽翩翩凌霜比色况乎反哺斯重  
能仁是高對之有懽情不能已又覽所進放  
言體物詞藻瀏亮尋繹研味把玩無厭所謂  
文苑菁華詞場警策也今賞卿金五挺銀十  
挺云

丁仙芝越裳貢白雉一首

聖哲承休運伊夔列上台尋思丹徼遠入貢  
素輦來北闕欣初見南枝顧未迴斂容殘雪

唐雅卷五

八

靜矯翼片霜開馴擾將無懼翻飛幸不猜甘  
從上林裏飲啄自徘徊

李義府宣政殿芝草一首

宣政殿唐大明宮內殿也次北有紫宸  
蓬萊含元麟德等殿殿前東西廊有日

華月華二門

明王敦孝感寶殿秀靈芝色帶昭陽淨光涵  
雨露滋且標仙德重更引國恩施聖祚今無  
限微臣樂未移

王維觀玉芝慶雲一首

大同殿生玉芝龍池上有慶雲百官共  
覩聖恩便賜宴樂敢書卽事

欲笑周文歌宴鎬遙輕漢武樂橫汾豈如玉  
殿生三秀詎有龍池出五雲陌上堯樽傾北  
斗樓前舜樂起南薰共歡天意同人意萬歲  
千秋奉聖君

花卉部

太宗芳蘭一首

唐雅卷五

九

春暉開禁苑淑景媚蘭場映庭含淺色凝露  
泫浮光日麗參差影風傳輕重香會須君子  
折佩裏作芬芳

許敬宗麥秋賦應制一首

臣聞五土異宜四氣分序考宿麥於生類起  
嚴秋於溽暑扇漸秀於梅風潤岐苗於穀雨  
於時陽翹總暢陰呂潛生當隆曦之首節韜  
秋今之初萌雜芸黃於綠野叅肅殺於朱明  
始自天而下降終因地而斯成疇中氣爽壘

際風清引神飈於綺殿指明月於紈扇砌積  
玉兮疑水庭飛花兮似霰矯微陽於脩景溽  
寒露於芳甸棟栳桂兮含丹井雕蓮兮發絢  
雲標峯而勢詭氣澄商而節變若乃葉幄垂  
秀條帷汎光鶯轉枝而裏娜蜂散藥而芬芳  
對銀花而偶穗並金縷而分芒如炎炎之鑠  
石若懔懔之飛霜資高明以納豫順沖和以  
自芳非甘泉而滌景異寒氣而浮涼却冰紈  
於寶笥屏珍簾於披香命載筆於蓬渚贊天

唐雅卷五

十

文於栢梁幸千齡兮此遇奉萬壽兮稱觴

太宗採芙蓉一首

結伴戲方塘携手上雕航船移分細浪風散  
動浮香游鷺無定曲驚鳬有亂行蓮稀釧聲  
斷水廣棹歌長棲鳥還密樹泛流歸建章

宋之問秋蓮賦一首

并序

天授元年勅學士楊炯與之問分直於  
洛城西入閣每鷄鳴後至羽林仗闌人  
奏名請龜契佇命拱立于御橋之西玉

池清冷紅蕖萋萋謬履扃闔自春徂秋  
見其生視其長覩其盛惜其衰得終天  
年而無夭折者良以隔礙仙禁人莫由  
窺向若生於瀟湘洞庭溱洧淇澳卽有  
吳姬越客鄭女衛童芳心未成採擷都  
盡今委以白露順以涼風榮落有期私  
分畢矣斐然願歌其事久之乃述秋蓮  
賦焉

若夫西城秘掖北禁仙流見白露之先降悲

唐雅卷五

十一

紅蕖之已秋昔之萋萋齊秀芳敷競發君門  
闕兮九重兵衛儼兮千列綠蒂青枝緣溝覆  
池映連旗以搖艷輝長劒兮陸離疏瀍兮裂  
轂交流兮相沃四繞兮丹禁三匝兮承明曉  
而望之若霓裳宛轉朝玉京夕而察之若霞  
標灼爍散赤城旣如秦女艷日兮鳳鳴又似  
洛妃拾翠兮鴻驚足使瑤草罷色芳樹無情  
複道兮詰曲離宮兮相屬飛閣兮周廬金鋪  
兮壁除君之駕兮旖旎蓮之葉兮扶疎萬葉

顧兮駐綵旗六宮喜兮停羅裾仰仙遊而德  
澤縱玄覽而神虛豈與夫溪澗兮沼沚自生  
兮自死海沂兮江沱萬里兮烟波泛漢女遊  
湘娥佩鳴玉戲清渦中流欲渡兮木蘭接幽  
泉一曲兮採蓮歌江南兮峴北汀洲兮不極  
既有芳兮莎城長無依兮水國豈知移植天  
泉香飄列仙嬌紫臺之月露含玉宇之風烟  
雜葩兮照燭衆彩兮相宣鳥翡翠兮丹青翰  
樹珊瑚兮林碧鮮夫其生也春風盡蕩爍日

唐雅卷五

十二

相煎夭桃盡兮穠李滅出大堤兮艷欲燃夫  
其謝也秋灰度管金氣騰天宮槐疎兮井桐  
變搖寒波兮風颭然歸根息艷兮八九月乘  
化無窮兮千萬年越人望兮已長久鄭女採  
兮無由緣何深根之能固何穠香之獨全別  
有待制楊雄悲秋宋玉夏之來兮翫早紅秋  
之暮兮悲餘綠禮盛燕臺人非楚材雲霞圖  
兮蘭爲閣金銀酒兮蓮作杯落英兮徘徊風  
轉兮衰衰入黃扉兮灑錦石縈白蘋兮覆綠

昔寒暑茫茫兮代謝故葉新花兮往來何秋  
日之可哀託芙蓉以爲媒

太宗殘菊一首

階蘭凝曙霜岸菊照晨光露濃晞曉笑風勁  
淺殘香細葉彫輕翠圓花飛碎黃還將今歲  
色復結後年芳

張文琮和楊舍人詠中書省花樹一

首

華萼映芳叢參差間早紅因風時落砌雜雨

唐雅卷五

三

乍浮空影照鳳池水香飄鷄樹風豈不愛攀  
折希君懷袖中

果木部

太宗賦得李一首

玉衡流桂圃成蹊正可尋鶯啼密葉外蝶戲  
翠花心麗景光朝彩輕霞散夕陰暫顧暉章  
側遠眺靈山林

太宗探得李一首

盤根直瀛渚交幹橫倚天舒華光四海卷葉

舊三川

太宗詠桃一首

禁苑春暉麗花蹊綺樹粧綴條深淺色點露  
參差光向日分千笑迎風共一香如何仙嶺  
側獨秀隱遙芳

孔紹安應詔詠天桃一首

結葉還臨影飛香欲遍空不意餘花落翻沉  
露井中

李嶠侍宴桃花園詠桃花應制一首

唐雅卷五

四

景龍四年二月二十一日張仁亶自朔  
方入朝中宗於西苑迎之從臣宴于桃  
花園各賦詩一首明日宴承慶殿上令  
宮女善謳者唱之詞旣婉美歌仍妙絕樂  
府號爲桃花行

歲去無言忽顚顚時來含笑吐氛氲不能擁  
棹迷仙客故欲開蹊待聖君

蘇頲侍宴桃花園詠桃花應制一首

桃夭灼灼有光輝無數成蹊點更飛爲見芳

林含笑待遂同溫樹不言歸

趙彥伯侍宴桃花園詠桃花應制一首

紅萼競然春苑曉  
丰茸新吐御筵開  
長年願奉西王宴  
近侍慚無東朔才

從臣侍宴桃花園詠桃花應制一首

源水叢花無數開  
丹跗紅萼間青梅  
從今結子三千歲  
預喜仙遊復摘來

李乂侍宴桃花園詠桃花應制一首

唐雅卷五

五

綺萼成蹊遍籞芳  
紅英撲地滿筵香  
莫將秋宴傳王母  
來比春華壽聖皇

張說桃花園馬上應制一首

林間艷色嬌天馬  
花裏穠粧伴麗人  
願逐南風飛帝席  
年年含笑舞青春

太宗賦得櫻桃春字韻一首

華林滿芳景  
洛陽遍陽春  
朱顏含遠日  
翠色影長津  
喬柯轉嬌鳥  
低枝映美人  
昔作園中寶  
今來席上珍

蕭穎士伐櫻桃樹賦一首 并序

天寶八載予以前校理罷免降資參廣  
陵太府軍事任在限外無舍是處寓居  
于紫極宮之道學館因領其教職焉廟  
庭之右有大櫻桃樹高累數尋條暢蒼  
尉攢柯比葉擁蔽風景腹背微禽是焉  
游息翱翔上下喧呼甚適登其喬枝則  
俯逼軒屏中外斯隔予實憐之懼盜窺  
踰因是爲資遂命伐焉儆夫在位者爾

唐雅卷五

六

古人有言芳蘭在門不得不鋤  
眷茲櫻之攸止亦在物之宜除  
觀其體異修直材非棟幹外森沉  
以茂密中紛錯以交亂先羣卉以效  
諂望嚴霜以凋換綴繁英兮霰集駢  
朱實以星粲故當小鳥之所啄食妖姬  
之所攀翫赫赫闕宇玄之又玄長廊霞  
截高殿雲褰寶吾君聿修祖德論道設  
教之筵宜乎時以芬馥樹以貞堅匪夫  
松篠桂檜茝若蘭荃猗具美其在茲爾  
何德而居焉擢無庸之瑣質蒙本



枝而自庇汨羣林而非據專廟庭之右地雖  
先寢之或薦豈和羹之正味每俯臨乎蕭牆  
姦回得而窺伺諒何惡之能爲終物情之所  
畏於是命尋斧伐盤根密葉剝攢柯焚朝光  
無陰夕鳥不喧肅肅明明曠蕩乎堦軒嗟乎  
草無滋蔓瓶不假器苟恃勢而將逼雖見親  
而益忌譬諸人事也則晉吞并於僭沃魯出  
逐於強季絀峻擅而吳削倫固專而晉墜其  
大者虎遷趙嗣鸞竊齊位由履霜而莫戒聿

唐雅卷五

七

堅冰而荐至嗚呼乃終古覆車之軌轍豈尋  
常散木之足議

孔紹安侍宴詠石榴一首

可惜庭中樹移根逐漢臣且爲來時晚開花  
不及春

王維左掖梨花一首

閑灑堦邊草輕隨箔外風黃鶯弄不足銜入  
未央宮

丘爲左掖梨花一首

冷艷全欺雪餘香乍入衣春風且莫定吹向  
玉階飛

皇甫冉左掖梨花一首

巧解迎人笑偏能亂蝶飛春風時入戶幾片  
落朝衣

李白芍藥花開應制清平調三首

先開元中禁中重木芍藥卽今牡丹也  
得數本紅紫淺紅通白者上因移植於  
興慶池東沉香亭前會花方繁開上乘

唐雅卷五

六

照夜車妃以步輦從詔選梨園弟子中  
尤者得樂十六色李龜年以歌擅一時  
之名手捧檀板押衆樂前將欲歌之上  
曰賞名花對妃子焉用舊樂詞爲遽命  
龜年持金花牋宣賜翰林學士李白立  
進清平樂詞三篇承旨猶苦宿醒因援  
筆賦之龜年捧詞進上命梨園弟子略  
約詞調撫絲竹遂促龜年以歌妃持玻  
璃七寶杯酌西涼州蒲萄酒笑領歌意

甚厚上因調玉笛以倚曲每曲遍將過  
則遲其聲以媚之妃飲罷歛繡巾再拜  
上自是顧李翰林特異於他學士會力  
士終以脫靴爲恥異日妃重吟前調力  
士戲曰始謂妃子怨李白深入骨髓何  
翻拳拳如是耶妃子驚曰何學士能辱  
人如斯力士曰以飛鸞指妃子賤之甚  
矣妃深然之上嘗三欲命李白官卒爲  
官中所捍而止

大唐雅卷十五

元

雲想衣裳花想容春風拂檻露華濃若非羣  
玉山頭見會向瑤臺月下逢

一枝紅艷露凝香雲雨巫山枉斷腸借問漢  
宮誰得似可憐飛鸞倚新粧

名花傾國兩相歡長得君王帶笑看解釋春  
風無限恨沉香亭北倚闌干

太宗春池柳一首

年柳變池臺隋堤曲直迴逐浪絲陰去迎風  
帶影來踈黃一鳥呀半翠幾眉開縈雪臨春

岸參差間早梅

太宗賦得臨池柳一首

岸曲絲陰聚波移帶影踈還將眉裏翠來就  
鏡中舒

盧僊題殿前桂葉一首

桂樹生南海芳香隔遠山今朝天上見疑是  
月中攀

太宗賦得臨池竹一首

貞條鄣曲砌翠葉負寒霜拂牖分龍影臨池

大唐雅卷十五

辛

待鳳翔

虞世南賦臨池竹應制一首

蒼翠稍雲質垂彩映清池波泛含風影流搖  
防露枝龍鱗漾嶰谷鳳翅拂漣漪欲識凌冬  
性惟有歲寒知

唐雅卷第二十五

唐雅卷第二十六

清河張之象編

鳥獸部

太宗鳳賦一首

有一威鳳憩朝陽晨游紫霧夕飲玄霜資  
長風以舉翰戾天衢而遠翔西翥則烟氛閔  
色東飛則日月騰光化垂鵬於北裔訓羣鳥  
於南荒彌亂世而方降膺明時而自彰幸賴  
君子以依以恃引此風雲濯斯塵滓披蒙翳

唐雅卷三

一

於葉下發光華於枝裏仙翰屈而還舒靈音  
摧而復起盼八極以騰翥臨九天而高峙度  
廣德於衆禽非崇利於一已是以徘徊感德  
顧慕懷賢憑明哲而禍散記英才而福延荅  
惠之情彌結報功之志方宣非知難而行易  
思令後以終前俾賢德之流慶畢萬葉而芳  
傳

蕭穎士白鵬賦一首

并序

白鵬羽族之幽奇也素質黑章爪觜純

丹體備冠距頗類夫雞翟神貌清閑不  
雜於衆禽栖止遐深與人境罕接固莫  
得而馴狎也上聞而徵焉處以雕籠致  
以驛騎將集長揚游太液行有日矣天  
寶辛卯歲予旅泊江會流宕逾時秋八  
月自山陰前次東陽方議夫南登西泛  
極聞見之義諒褊懷所素蓄而未之從  
也會有命自天台赴京闕適與茲鳥偕  
至于會稽之傳舍觀其宛頸旁睨徊徨  
掩抑往往孤鳴音韻淒涼如慕侶而不  
獲因感而賦之曰

唐雅卷三

二

鳥之生矣于彼江山彩之玄素文不綺班備  
文武之玉飾微妖姬之殊顏情莽眇以耿潔  
貌軒昂以安閑無馴擾之近性故不慙於人  
窠遊必海裔栖必雲間翼養拙以自保祛未  
萌之憂患不然豈陋彼都邑之佳麗顧投身  
乎阻艱以其標自然之靜故名之曰白鵬者  
歟何天聽之緬邈辱微禽之瑣細偶一日之

見羈委微軀以受制望層城以斂翼懷衆侶  
而孤唳從厩置之駿奔仰君門以遐逝君門  
兮九重洞杳窅兮穹崇池太液兮島方壺萬  
族翔泳乎其中晝聒未央之繁絃夕警長樂  
之靈鍾顧踈野之賤迹豈敢求一枝而見容  
越水清兮鏡色吳山遠兮天逼窺淺深以颺  
影逗杳冥兮一息謂杉松可得永日而噪聚  
尊荇足以窮年而啄食一與心賞兮睽違念  
歸飛兮何極鸚能言而入座鸛善舞而登軒

唐雅卷三

三

殊二者之俗態諒慚惶於主恩是以雖信美  
而非其志獨屏營而兢覓者焉

太宗賦得早鴈出雲鳴一首

初秋玉露清早鴈出空鳴隔雲時亂影因風  
乍含聲

虞世南侍宴歸鴈堂一首

歌堂面綠水舞館接金塘竹開霜後翠梅動  
雪前香鳬歸初可侶鴈起欲分行刷羽同棲  
集懷恩愧稻梁

太宗詠烏代陳師道一首

凌晨麗城去薄暮上林棲辭枝枝暫起停樹  
樹還低向日終難托迎風詎肯迷只待纖纖  
手曲裏作宵啼

李義府詠烏一首

義府初遇以李大亮劉洎之薦太宗召  
令咏烏義府作詩

云

帝曰與卿全樹

何止一枝

日裏颺朝彩琴中伴夜啼上林多少樹不借

唐雅卷三

四

一枝棲

宋之問詠省壁畫鶴一首

粉壁畫仙鶴昂藏真氣多騫飛竟不去當是  
戀恩波

玄宗鵠鵠頌俯同魏光乘作一首

并序

朕之兄弟唯有五人比爲方伯歲一朝  
見雖載崇藩屏而有睽談笑是以輟牧  
而各守京職每聽政之後延入宮掖申  
友于之志詠棠棣之詩邕邕如怡怡如

展天倫之愛也秋九月辛酉有鵲鴝千  
數棲集于麟德之庭樹竟旬焉飛鳴行  
搖得在原之趣昆季相樂縱目而觀者  
久之逼之不懼翔集自若朕以爲常鳥  
無所志懷左清道率府長魏光乘才雄  
白鳳辯壯碧雞以其宏達博識召至軒  
檻預觀其事以獻其頌夫頌者所以掄  
揚德業褒讚成功顧循虛昧誠有負矣  
美其彬蔚俯同頌矣云

唐雅卷五

五

伊我軒宮奇樹青葱藹周廬兮冒霜停雪以  
茂以悅恣卷舒兮連枝同榮吐綠含英曜春  
初兮蓐收御節寒露微結氣清虛兮桂宮蘭  
殿唯所息宴棲雍渠兮行搖飛鳴急難有情  
情有餘兮顧其德涼夙夜兢惶慙化疎兮上  
之所教下之所效實在予兮天倫之性魯衛  
分政親賢居兮爰遊爰處爰笑爰語巡庭除  
兮觀此翔禽以悅我心良史書兮

李白侍從宜春苑奉詔賦龍池柳色

初青聽新鶯百轉歌一首

東風已綠瀛洲草紫殿紅樓覺春好池南柳  
色半青青紫烟裊娜拂綺城垂絲百尺挂雕  
楹上有好鳥相和鳴間關早得春風情春風  
卷入碧雲去千門萬戶皆春聲是時君王在  
鎬京五雲垂輝耀紫清仗出金宮隨日轉天  
回玉輦繞花行始向蓬萊看鶴舞還過萑石  
聽新鶯新鶯飛繞上林苑願入簫韶雜鳳笙

杜甫鵬賦一首

唐雅卷五

六

天寶九載杜甫進鵬賦上表云臣甫言  
臣之近代陵夷鼎銘之勲不復照耀於  
明時自先君恕預以降奉儒守官未墜  
素業臣幸賴先臣緒業自七歲所綴詩  
筆向四十載矣約有千餘篇今賈馬之  
徒得排金門上玉堂者甚衆矣唯臣衣  
不蓋體常寄食於人奔走不暇祇恐轉  
死溝壑安敢望仕進乎伏惟明主哀憐  
之儻使執先祖之故事拔泥塗之久辱



則臣之述作雖不足以鼓吹六經先鳴  
數子至於沈鬱頓挫隨時敏捷而楊雄  
枚舉之流庶可跂及也臣甫誠惶誠恐  
頓首頓首死罪死罪以爲鵬者鷖鳥之  
殊特搏擊而不可當豈但壯觀於旌門  
發狂於原隰引以爲類是大臣正色立  
朝之義臣竊重其有英雄之姿故作此  
賦謹投延恩匭進表獻上以聞謹言

當九秋之淒清見一鶚之直上以雄材爲已

唐雅卷三

七

任橫殺氣而獨往梢梢勁翮肅肅遺響杳不  
可追俊無留賞彼何鄉之性命碎今日之指  
掌伊鷖鳥之累百敢同年而爭長此鵬之大  
略也若乃虞人之所得也必以氣稟玄冥陰  
乘甲子河海蕩涌風雲亂起雪汨山陰冰纏  
樹死迷向背於八極絕飛走於萬里朝無以  
充腸夕違其所止頗愁呼而蹭蹬信求食而  
依倚用此時而掇杙待尤者而綱紀表狎羽  
而潛窺順雄姿之所擬歟捷來於森木固先

繫於利觜解騰攫而疎神開網羅而有喜獻  
令之課數備而已及乎閭隸受之也則擇其  
清質列在周垣揮拘攣之掣曳挫豪梗之飛  
翮識攷遊之所使登馬上而孤騫然後綴以  
珠飾呈於至尊搏風槍梟用壯旌門乘輿或  
幸別館獵平原寒蕪空闊霜仗喧繁觀其夾  
翠華而上下卷毛血之崩奔隨意氣而電落  
引塵沙而晝昏豁堵墻之榮觀棄功效而不  
論斯亦足重也至如千年孽狐三窟狡兔恃

唐雅卷三

八

古塚之荆棘飽荒城之霜露迴惑我往來趁  
起我場園雖青青駸駸戴角白鼻如瓠感奔跡  
而俯臨飛迅翼而遐寓而料全於果見迫寧  
遽屢攬之而穎脫便有若於神助是以嘒々  
其音颯爽其慮續下繡而繚繞尚投跡而容  
與奮威逐北施巧無據方蹉跎而就擒亦造  
次而難去一奇卒獲百勝昭著夙昔多端蕭  
條何處斯又足稱也爾其鷓鴣鳴鵲之倫莫  
益於物空生此身聯拳拾穗長大如人肉多

奚有味乃不珍輕鷹隼而自若託鴻鵠而爲  
隣彼壯夫之慷慨假強敵而逡巡拉先鳴之  
異者及將起而復臻忽隔天路終辭水濱寧  
掩羣而盡取且快意而驚新此又一時之俊  
也夫其降精於金立骨如鐵目通於腦筋入  
於節架軒楹之上純漆光芒掣梁棟之間寒  
風凜冽雖趾躋千變林嶺萬穴鑿叢薄之不  
開突杓枓而皆折又有觸邪之義也久而服  
勤是可吁畏必使烏攫之黨罷鈔盜而潛飛

唐雅卷三

九

梟怪之羣想英靈而虛墜豈非虛陳其力叨  
竊其位等摩天而自安與槍榆而無事者矣  
故不見其用也則晨飛絕壑暮起長汀來雖  
自負去若無形置巢截窠養子青冥倏爾年  
歲茫然闕廷莫試鈎爪空迴斗星衆雛儻割  
鮮於金殿此鳥已將老於島扁

太宗飲馬長城窟行一首

塞外悲風切交河水已結瀚海百重波陰山  
千里雪迥戍危烽火層巒引高節悠悠捲旆

旌飲馬出長城寒沙連騎跡朔吹斷邊聲胡  
塵清玉塞羌笛詠金鉦絕漢干戈戢車徒振  
原隰都尉返龍堆將軍旋馬邑揚麾氛霧靜  
紀功銘玄石荒裔一戎衣靈臺凱歌入

太宗飲馬一首

駿骨飲長涇奔流灑絡繹細文連噴聚亂荇  
遶蹄縈水光鞍上側馬影溜中橫翻似天池  
裏騰波龍種生

楊師道詠飲馬應詔一首

唐雅卷三

十

清晨控龍馬弄影出花林蹀躞依春澗聯翩  
度碧潯苔流染絲絡水潔寫彫簪一御瑤池  
駕詎憶長城陰

楊師道詠馬一首

寶馬權奇出未央彫鞍照曜紫金裝春草初  
生馳上苑秋風欲動戲長楊鳴珂屢度章臺  
側細蹀輕向濯龍傍徒令漢將年年去宛城  
今已獻明王

薛曜舞馬篇一首

星精龍種競騰驤雙眼黃金紫艷光一朝逢  
遇昇平代伏阜銜圖事帝王我皇盛德苞六  
羽俗泰時和虞石拊昔聞九代有餘名今日  
百獸先來舞鈞陳周衛儼旌旄鍾鐃陶匏聲  
殷地承雲嘈囋駭日靈調露鏗鉉動天駟奔  
塵飛箭若麒麟躡景追風忽見知咀銜拉鐵  
並權奇被服雕章何陸離紫玉鳴珂臨寶鐙  
青絲綵絡帶金羈隨歌鼓而電驚逐九劍而  
颺馳態聚踣還急驕凝驟不移光敵白日下

唐雅卷三

十一

氣擁綠烟垂婉轉盤跚殊未已懸空步驟紅  
塵起驚鳬翔鷺不堪儔矯鳳迴鸞那足擬衡  
垂桂裊香氛氲長鳴汗血盡浮雲不辭辛苦  
來東道祇爲蕭韶朝夕聞

張說大唐開元十三年隴右監校頌

并序

周禮校人掌王馬之政天子十二閑馬  
六種閑爲一廐馬二百一十六應乾之  
策也六廐成校五良一駑是之謂小備

校有左右閑成十二合月之道也駑馬  
三良馬之數凡三千四百五十六是之  
謂大備秦并一海內六萬騎之國馬盡  
歸之帝家則周制陋矣漢孝成富文景  
儉局之積雄衛霍張皇之勢勒兵塞上  
廐馬有四十萬疋及東漢魏晉國馬陵  
夷不可復逮武帝時矣後魏胡馬入洛  
蹴踏蹋千里軍陣之容雖壯和鑾之儀  
亦闕大唐接周隋亂離之後承天下征

唐雅卷三

十二

戰之弊鳩括殘燼僅得牝牡三千從赤  
岸澤徙之隴右始命太僕張萬歲輯其  
政焉而奕世載德纂修其緒肇自貞觀  
成于麟德四十年間馬至七十萬疋置  
八使以董之設四十八監以掌之跨隴  
西金城平涼天水四郡之地幅員千里  
猶爲隘狹更析八監布於河西豐曠之  
野乃能容之于斯之時天下以一縑易  
一馬秦漢之盛未始聞也張氏中廢馬

官亂職或夷狄外攻或師國內寇垂拱之後二十餘年潛耗太半所存蓋寡開元神武皇帝登大寶受靈符水瑞感而河龍出星精應而天駟下二年春帝乃簡心拊善畜之將福祐宜生之長俾領內外閑廐使焉卽開府霍國公其人也公名毛仲姓王氏開元佐命之元勲東國亡王之後裔四百輔禹與治水之謨四七興漢在經星之列清明虛受察含

唐雅卷三

三

水鑑籌謀先覺慮出著龜竭無私之忠而善歸天造輸不懈之力而玄同日用故得騰躍風雲攀附日月策功第一承恩莫二庭羅魏絳之鍾鼓第賞京邑之山林文馬蕃息於晉侯御衣推分於韓信庶姜如玉則降榮彤管衆子垂髻則抱拜朱第聖人之見也必猶爾爲之四顧而滿志聖人之不見也乃恤然若無與樂其天下仲尼所謂是必才全而德

不形者也夫處其身則立無跛正也視無還端也聽無聲誠也言無遠慎也國有憂未嘗不戚國有慶未嘗不怡其御下則明利害之鄉阜財求之務使之趨善而避惡懷德而畏威身不離於闕庭令遠行於坰牧亦有不學而於古未更而懸辨其事然其從政必問於遺訓而資於故實者也若夫春祭馬祖夏祭先牧秋祭馬社冬祭馬步敬其本也日中

唐雅卷三

四

而出日夕而入焚原燎牧除葍豐廐時其事也潔泉美薦痒涼棧濕翹足而陸交頸相靡宣其性也攻駒教駢講馭臧僕刻之剔之羈之策之就其才也不反其性故親人樂藝節樂如舞之心自生不窮其才故闔扼驚曼竊轡詭銜之態不作爾乃舉其神異則望駟駢騶褭乘黃茲白來儀外廐呈伎內櫪朝刷閭風夕洗天泉聖皇一馭長壽萬年別其種





其政七也五侯長戶數盈三萬墾田給  
食糧不外資以勸農却輓其政八也敢  
問郡牧之事孰能加於此乎然則稱伐  
計功前典所貴上以美聖主擇才之得  
人下以贊忠臣受任之盡節末以道官  
屬承風之成事竟以示後代照前之令  
聞是四烈者不可廢也既而大君有命  
舊史書功吟咏懷奇篆刻金石秦汧渺  
渺尚想非子之風魯野區區猶傳史克

唐雅卷五

七

之頌試從此而觀彼夫何足以言哉頌

曰

皇天考牧兮聖之君四十三萬兮馬爲羣  
灋汧渭兮垣隴拔飛黃皂兮昆蹄苑山崆峒兮  
水嗚咽泉噴玉兮草汗血聚如花兮散如雲  
性旣馴兮文物備維皇帝之七德總戎馬兮  
威萬國彩髦翻兮金介冑有霍公之掌政擇  
張氏之舊令天皇駕兮仗黃髦太僕駟兮展  
輅儀舞月駟兮蹀雲螭神倜儻兮態權奇騏

驥溢野兮牛羊日多子孫策立兮恩寵如何  
頌皇靈兮篆石鼓萬斯年兮羣玉府

張說舞馬千秋萬歲樂府詞三首

金天誕聖千秋節玉醴還分萬壽觴試聽紫  
騮歌樂府何如騶驥舞華觴連騫勢出魚龍  
變蹀蝶驕生鳥獸行歲歲相傳指對日翩翩  
來伴慶雲翔

聖皇至德與天齊天馬來儀自海西脫足徐  
行拜兩膝繁驕不進踏千蹄髣髴鬐鬣時蹲

唐雅卷五

八

踏鼓怒驪身忽上躋更有嘶杯終宴曲垂頭  
掉尾醉如泥

遠聰明君愛逸才玉鞭金翅引龍媒不因茲  
白人聞有定是飛黃天上來影弄日華相照  
耀噴含雲色且徘徊莫言闕下桃花舞別有  
河中蘭葉開

張說舞馬詞六首

萬王朝宗鳳宸千金率舞龍媒盼鼓凝驕蹀  
蹀聽歌弄影徘徊

天鹿遙徵衛叔日龍上借羲和將共兩驂爭舞來隨八駿齊歌

綵旄八佾成行時龍五色因方屈膝嘶杯赴節傾心獻壽無疆

帝阜龍駒沛艾星蘭驥子權奇騰倚驤洋應節繁騎接迹不移

二聖光天合德羣靈率土可封擊石駟驪紫燕縱金願步蒼龍

聖君出震應錄神馬浮河獻圖足踏天庭鼓

唐雅卷三六

无

舞心將帝樂踟躕

虞世南獅子賦一首

惟聖王之御曆乃承天而則大治至道於區中被仁風於海外通鳳穴以文軌襲龍庭以冠帶舍夷言於藁街陳方物於王會眇眇地角悠悠嶂表有絕域之神獸因重譯而來擾其所居也巖磴深阻盤紆絕峻翠嶺萬重瓊嵯千仞馬頓轡而莫外車摧輪而不進伊方服之君長召積風而奉進爾乃發烏戈過白

狼踰絕巘跨飛梁越流沙而遙集超積石而

高驤其爲狀也則筋骨糾纏殊文異質闊臆

修尾勁毫柔毳鈎爪鋸牙藏鋒蓄銳弭耳宛

足伺間借勢暨乎奮鬣舐唇倏來忽往瞋目

電曜發聲雷響拉虎吞貔裂犀分象碎隨兕

於斷鬕握巴蛇於指掌踐藉則林麓摧殘哮

呼則江河振蕩是以名將假其容高人圖其

盾鏖其威以交厲美其風而贊述鑒倚伏以

榮身乃有識之高軌彼白猿之騁妙終取斃

唐雅卷三六

无

於弧矢雖玄豹之幽棲亦隕軀於巖趾並同亡而異術豈行藏之足紀何茲獸之明智獨出處以殊倫雖奮武以馴摯乃知機而屈伸去金方之僻遠仰玄風之至淳服猜心與猛氣遂感德以依仁同百獸之率舞共六擾而來馴斯則物無定性從化如神譬鱗羽變質於淮海金錫成器於陶鈞當是時也兆庶欣瞻百僚嘉歎悅聲教之遐宣屬光華之在旦臣載筆以叨幸得寓目於奇翫順文德以呈

祥乃編之於東觀

虞世南白鹿賦一首

惟皇王之盛烈表帝德之休符有金方之瑞  
獸乃曜質於名都既馴狎於郊甸亦騰倚於  
山隅素毳呈彩霜毫應圖宴嘉賓於雅什偶  
仙客於天衢故能著美祥瑞流名典謨

杜甫天狗賦一首

天寶中上冬幸華清宮甫因至獸坊怪  
天狗院列在諸獸院之上胡人云此其

獸猛健無與比者甫壯而賦之尚恨其

與凡獸相近

澹華清之莘莘漠漠而山殿戍削縹與天風  
岨乎迴薄上楊雲旂兮下列猛獸夫何天狗  
嶙峋兮氣獨神秀色似狻猊小如猿狖忽不  
樂雖萬夫不敢前兮非胡人焉能知其去就  
向若鐵柱欹而金鎖斷兮事未可救弊流沙  
而歸月窟兮斯豈踰晝日食君之鮮肥兮性  
剛簡而清瘦敏於一擲威解兩闔終無自私

必不虛透嘗觀乎副君暇豫奉命于畋則蚩  
尤之倫已脚渭戟涇提挈丘陵與南山周旋  
而慢圍者戮實禽有所穿伊鷹隼之不制兮  
呵犬豹以相纏乾坤之翕習兮望麋鹿而飄  
然由是天狗捷來發自於左頓六軍之蒼黃  
兮劈萬馬以超過材官未及唱野虞未及和  
罔辭天與流星兮圍要害而俱破洎千蹄之  
迸集兮始勃怒以相賀真雄姿之自異兮已  
歷塊而高臥不愛力以許人兮能絕甘以爲

唐雅卷三

三

犬旣而羣有噉咋勢爭割據垂小亡而大傷  
兮翻投跡以來預劃雷殷而有聲兮紛膽破  
而何遽似爪牙之便禿兮無魂魄以自助各  
弭耳低徊閉目而去每歲天子騎白日御東  
山百獸踈踰以皆從兮四猛仡銛銳乎其間  
夫靈物固不合多兮胡役役隨此輩而往還  
惟昔西域之遠致兮聖人爲之豁迎風虛露  
寒體蒼螭軋金盤初一顧而雄材稱是兮召  
羣公與之俱觀宜其立闔闔而吼紫微兮却

妖孽而不得上干時駐君之玉輦兮近奉  
之渥歡使臭處而誰何兮備周垣而辛酸彼  
用事之意然兮匪至尊之賞闡仰千門之峻  
嶒兮覺行路之艱難懼精爽之衰落兮驚歲  
月之忽殫顧同儕之甚少兮混非類以摧殘  
偶快意於校獵兮尤見疑於躋捷此乃獨步  
受之於天兮孰知羣材之所不接且置身之  
蒸露兮遭縱觀之稠疊俗眼空多生涯未愜  
吾君儻憶耳尖之有長毛兮寧久被斯人終

唐雅卷三

三

日馴狎已

昆蟲部

太宗賦得弱柳鳴秋蟬一首

散影玉階柳含翠隱鳴蟬微形藏葉裏亂響  
生風前

張九齡和崔黃門寓直夜聽蟬之作

一首

蟬嘶玉樹枝向夕惠風吹幸入連宵聽應綠  
飲露知思深秋欲近聲靜夜相宜不是黃金

飾清香徒爾爲

大明嘉靖辛丑歲刊于長水書院

唐雅卷第二十六終

唐雅卷二十六

三

唐雅二十六卷

內府藏本

明張之象編是集取唐君臣唱酬之作二千餘篇  
分部五十有三以類編次自武德訖於開元以天  
寶而後風格漸卑故不與焉其論似高而無當蓋  
是時七子之派方熾故遵其詩必盛唐之說也且  
賦雖古詩之流而自漢以來體裁久別雜入喜雨  
諸賦亦爲例不純



國雅二十卷續國雅四卷國雅品一卷

〔明〕顧起綸輯

中國社會科學院文學研究所藏明萬

曆顧氏奇字齋刻本

附《四庫全書總目·國雅二十

卷續國雅四十卷》提要

國雅序

勾吳顧儒林君仲氏

漢書

國雅

序

明詩彙次之題曰國雅

朝更十三歲踰二百品列總若干人備體

凡若干首例準貫鄭評覈殷高銓昉舍人

標符常侍勒為二十卷富哉精矣請序於

司勳氏嗟乎余豈敬仲流哉詩由孔公刪

後斷自三百系之風者采民間男女相和

國雅序

之謠用之閨門鄉閭者也系之雅者采文

人學士詠歌之辭用之讌饗朝會者也王

風哀以思大雅久不作昔人蓋傷之矣下

輟陳詩之典上罷采風之使出於摛藻揆

天者多而興於擊轅相杵者少也存雅庶

可以回風否則詩不幾於亡乎矧我

明大一統四海同風皇雅攸作滌衽俊雍

紛紛乎沈蕭不顯其美烏詩教云邈作之

惟艱學力困而才情嗇也匪作之艱知之  
惟艱而言之尤艱世乏師消我心蘊結時  
罕商賜誰與晤言夫人盡盲也盲於心者  
妄為鳴噪盲於目者謬為雌黃今選者徐  
黃張俞而下無慮數百家咸靡當焉非身  
入堂與審音協律者持衡以平劑量秉鑑  
以燭鬚眉妍醜眩而輕重乖矣吳札深於  
獨觀梁昭折於羣好其庶幾哉仲氏誕秀

皇清同治八年國雅序

二

華宗遊神藝圃余宦滇臬君忝幕僚文以  
飾吏政不廢詩為序昆明集而太史楊用  
修並加甄賞辟登彼岸爰諦阿含若超上  
乘聿研小品有本者類如是爾余謂南威  
議媛龍淵操割明曷失焉或嗜甘忌辛好  
丹非素公曷睚焉片瑕既掩尺璧亦捐乃  
持兩可斷曷徇焉蓋世鮮兼才人挾長伎  
取其所長棄其所短就其人而得之已不

與焉使執少陵之艷者比而索李殆無李  
矣取太白之雄者泥而索杜亦無杜矣猶  
之孚尹非可論珠圓媚難以求玉也三百  
之外逸詩往往見於載籍卒莫可入孔公  
其精矣東哲乃欲補亡淺哉茲編足以宣  
盛世之雅音立詞壇之赤幟也何幸御  
勅屑於西子蘇蕙壤於申椒為斯集累讀  
之未竟良自慙焉

皇清同治八年國雅序

三

萬曆改元歲在癸酉秋八月朔

賜進士天官大夫

勅僉憲使吳郡皇甫汈子循撰



大江之南山川幽奇發為人文止論古昔即  
今時登壇建幟提舉抽毫顯融者振藻上林  
其巖穴棲遯之流無不窮載籍而發天籟決  
決乎東海之風也僕弱冠時結客燕肆希心  
此物已乃放逐瘴鄉棄捐舊業頃領大方之  
侵則文牘填委意興奇減然於境以內高人  
未嘗不博求名德將有所待以修晤言之適  
承使者貽我四詩並及

張中丞

八書國雅

四

癸酉冬刻

國雅益見巖穴名流用情斯文以揚

一代文明之音意甚善矣往得俞氏百家集  
雖稱廣收已勤而汰揚未力讀足下所為書  
可謂精核史牒以巴人下里之曲夾雜  
其間將無踰俞氏之轍乎使去具謝美意臨  
紙惶恐張佳胤頓首九月廿七日具  
刻中錯數字乞

易之



國雅勒成上之 大中丞張公撫率手報伏而讀之仰見  
公敷文淵遠弘亮佳度報忘軒冕矜持落昔賢吐哺揚烈延  
攬垂聲命受之風復振於今惟 公為司保覽燕屬藝苑宗範  
大雅藻餘不敢例附敬式之簡端為是編流響云顧起倫謹識

國雅品者品

國朝之風雅也夫詩固難而知之為尤難  
品何容易蓋唐以音律選士一時登壇唱  
和之篇爛然盛矣殷芮姚高諸君子咸有  
編選識者不無偏駁之議至高新寧品彙  
考究宗始分別材情而有唐一代吟詠遂  
收定價然要之則正聲精矣夫知詩如高  
湯士且追悔曩日之濫觴也詩之難品謂  
非自古患之乎

施邦公

八國雅品序

五

明興世運更新元聲再振自高楊張徐以來  
至弘德嘉隆之間作者無慮數百家而關  
西獻吉濟南于鱗杰然尤稱宗匠顧卷帙  
繁湧孰收詮次之功而甲乙雌黃未覩要  
渺之旨如明音選約矣而病於弗該百家  
刻弘矣而苦於未釐其他管窺蠡測可無  
論已自非鍾子期善聽高山流水之調能  
無逸聲哉錫山九華顧君華宗玉樹博覽  
縹緲遊達之暇哀我

明雅韵類而品之非意興高遠音韻清致者  
弗得入彀於諸名流鉅匠輒加評隲摘其  
極工之句以見大都其選輯之勤品藻之  
確予以為高廷禮以後此其再觀者有裨  
於

昭代風雅豈淺鮮哉蓋顧君清標逸致脩然  
水竹之居清境會心必見之詩與予往來  
諸作予心醉焉伯子中翰元濬尤工吟札  
方以文章向用於

施郡公

國雅品序

六

清廟明堂予雅重之則是編也豈徒品之云  
乎知詩能詩君父子蓋兼之也豈不為尤  
難哉刻成樂雅道之流布不揆僭為之序  
賞音君子亦以予言為然乎  
萬曆二年夏閩王融施觀民誤



國雅凡例

句吳顧 起綸玄言 撰次

卜商序詩曰言形於四方謂之雅雅者正也蓋政有大  
小故有大雅易有小雅易大抵極藻麗之辭得情性之  
正斯雅在其中矣楊雄亦云詩人之賦典以則沈約又  
云啟心開體典正可採然而則也正也非雅之謂歟余  
也采方國之盛音纂 明代之正始乃祖述二三子者  
於是乎名之曰國雅復論次其例凡一十條見諸左  
論本例 按徐氏風雅黃氏類選張氏文纂俞氏百家  
凡我 明詩人無慮數百家徐所編詳於成化前而畧  
於成化後黃所編詳於正德前而畧於正德後黃稍敘  
世次變體節目準品彙例也張俞二氏則存沒兼收中  
無倫次張復分類瑣屑殊失詮次本義鈞之乎浩漫未  
核也余就故篋中手筆諸名家愜意詩若干卷并平生  
所積名集得商畧而采之復大搜未備隨適裒帙  
論體例 古詩稱風雅頌今體稱古近絕正變雖殊理  
趣頗合今從原本編次故不立格分門各備一家言準  
姚極玄殷英靈二集例也

論采例 赫奕有明 列聖宸章 宗藩藻什具

在中秘弗錄凡巖廊鉅公海岱名士暨閨秀方伎旁流

無論今昔只從世次詮定 國初元季名人已編入元音體要及雖未盡編或聲調欠雅者悉畧之自洪武初高楊諸公倡為正始此 明之初音也歷永成間假無姚曾李石數公稍振頽風幾亡詩矣故采中不敢廢至弘嘉間諸名公作而大暢風雅此 明之盛音也故文與時遷雖高下異習揆之閑不踰檢而雅得餘風者亦在斯采昔莊生啜梨甘可其口楚女紉蘭鮮裁于中世當亮之余無所諱

論題例 凡當題字上空三字次空二字又次空一字準唐顏魯公題玄宗御碑例也

論例

八國華元例

二

論纂例 編中間有卓然名家如高楊李何輩二卷是余篋中故所編業已付梓稍不拘世次洪弘之初三家有錯雜後先是準唐詩錢劉入高岑例也至四邊甫暨我諸府君并山人之同里者並以類敘蓋互有倡和得了然便覽亦準聯珠篋中例也

論稱例 稱以今官尚矣其謫官猶故稱者何也蓋稱所習聞如省郎左遷於外久而歷仕至大夫則從大夫稱矣不然且從故稱易識抑又厚之道也惟楊鐵崖仕元 國初應聘未授官而卒既不一 耕故官又不可稱聘君今稱字亦安其嘗好薄游者則稱山人高尚者則

稱隱君稱居士稱子稱生之屬並雅之也庶乎不謬

論更例 諸名家詩間有累字舛韻者隨筆謬更一二輒附篇末嗣知言者詮定故文為公器諱是私機直諒之士寧無可否由芻蕘之徑造大雅之堂幾何人哉

論例

八國雅元例

三

論遺例 海內故多作家偶未錄者特未見其詩耳錄之少者猶未得其集也中有佳篇偶值累句惜乎棄之初俞氏新編往往借閱於姚山人所愜余意者即鈔之是編成而俞之後編出遂不及鈔至名賢鄉達並有風德鴻業故不假文辭錄也余識乏興公差可斟酌品名慚殷浩奚足獻酬屏心故汲冢魯丘寧無未譯之

下王交珠致有見遺之嘆

論闕例 諸家姓氏畧具里爵世次以便覽者其大畧稍詳於品中前無所考者姑置闕文焉

論續例 國朝之詩如墳林藻海非衰耗能窮編中有一二首佳者凡百餘家未輯當續而廣之作續國雅惟閨品以下旁搜殆盡以品中乏此輩耳故士品種種弗能悉不可謂瑣瑣瑟瑟非寶也

論品例 余觀唐六家詩并品彙並以宮閨置之仙釋後是遵史例也惟我 明統志則列女在仙釋前少別方內外也於義頗

例終



國雅品

勾吳顧 起

詩韻

韻

夫韓嬰作傳聿興觸感之情匡鼎說詩頗適解頤之趣  
彼荆筑悲歌而燕丹變色嵇琴雅奏惟向秀擅聆豈同  
聲起余合志發憤耶余作國雅既成復就選中若干名  
家遡自洪初以迄嘉末憐高哲之既往嘉英篇之絕倒  
輒一賞譽之偶有所得僭附鄙見祇從世代編次非敢  
謬詮甲乙迨今名達鄉閭固多闕文特標品目尚俟知  
言為之揚確蓋采音吳札鄭得無譏藻品梁嶠政者斯  
撰例當竊比於是名之曰國雅品若夫品之源流前賢

國雅品

國雅品

一

敘論代有高鑒惟嚴儀卿一家頗稱指南至我 盛明  
弘嘉間又諄諄啟迪如昌穀談藝足起膏肓茂秦詩說  
切於鍼砭用修詩話深于辨核子循新語詳析品彙元  
美卮言獨擅雌黃五家大備將何復云

士品一 國初迄洪武凡二十有五人

高侍郎季迪

始變元季之體首倡

明初之音發

端沈鬱入趣幽遠得風人激刺微旨故高楊張徐雖並  
稱豪華惟季迪為最其古體咀嚙劉楨近體厭飲李頎  
如長門怨云君明猶不察妬極是情深薊門行云中國  
多荒土窮邊何用開少年行云寶刀不敢輕輸卻明日

沙場欲報恩猛虎行云猛虎雖猛猶可喜橫行只在沙  
山裏郊墅云僧來雙屐雨漁臥一船霜秋興云梁寺鐘  
來殘月落漢宮砧斷早鴻過寒山寺云船裏鐘催行客  
起塔中燈照遠僧歸佳在實境得句足以嗣響盛唐宛  
如霜隼摩空風翮捷捷卮言云季迪如射鵰胡兒仇捷  
急利往往命中亦是名鑒集中諸作如咸關月落聽雞  
度華嶽雲開立馬看兵馳空壁三千幟客宴高堂十萬  
錢松風吹壁鶴鳴墮梅雨過溪魚子生簾外鐘來初月  
上燈前角斷忽霜飛各臻高妙例不能多采

楊廉訪孟載

才長逸蕩興多雋永且格高韻勝渾

國雅品

二

然無迹如挂劍臺江村郊居岳陽樓過豐城無題諸作  
全篇幽暘方之錢劉或未迨元白斯有餘五言如石枕  
支頤冷江瓢漱齒腥斷甕沉沙嘴殘碑露石稜空濶魚  
龍舞娉婷帝子靈七言如六朝舊恨斜陽裏南浦新愁  
細雨中又髣髴唐中興語矣

張司丞來儀

體裁精密情喻幽深頗似錢郎其送

僧還日本云杖錫去隨緣鄉山在日邊徧泰東上法頓  
悟止乘禪呪水歸龍鉢翻經避浪船本來無去住相別  
與潛然字字沈著至遊山寺句有松老知僧臘禪空悟  
佛心或譏其剽竊韓偓僧臘禪心語也昔子卿有明月

照高樓想身

光輝子美有落月照屋梁猶疑見顏色

原信有落花與紫蓋齊飛楊柳共青旗一色王勃即防  
濤飛一色成句不以為病今來儀用老知空悟虛字轉  
妙余近題南林禪院亦云門前流水經行意湖上青山  
宴坐心寓目得句偶與此合豈有意述古邪

徐方伯幼文

詞彩迢麗風韻淒朗殆如楚客蕭蕭

湘君芳杜每多惆悵辜亭山作全佳處當似耿漳余嘗  
愛其折蓮子絕句云柔絲零落芳心苦未及秋風已斷  
腸讀之頗增悲慨集中有送曾伯滋赴西河將暮云上  
將初分閭儒官解習兵風旗春獵野雪帳夜歸營洮水

士品

八國雅品

三

從岷下祁山入隴平知公能載筆草檄報邊聲中二聯  
並佳亦足入選特起句不切幕職惜之仍附于品

倪隱君元鎮

高風潔行為我明逸人之宗讀其

詞足以陶性靈發幽思至俞子過荆南精舍與江南曲  
諸篇振秀絕響不忝韋柳及集中所載贈王生云君其  
慎語默世事豈余聞秋夜賦云恬然斯寡欲榮名非所  
忻可想見清節豈徒老一丘之士哉

楊聘君廉夫

才高情曠詞雋而麗調悽而惋特優

于古樂府而近體不免無元人風氣故元音所載者悉  
畧之廉夫為元進士仕奉訓大夫提舉建德路總管嘗

策蹇視事江南德之歷陞江西等處儒學提舉會洪武

一統應聘修史抵京僅百日遂謝病還雲間後臨華撰  
歸全堂記授筆曰九華伯招我當往及逝聞空中百人  
步履聲詎不怪哉張外史天雨敘廉夫集云今代善用  
吳才老韻書以古語駕御之惟李季和楊廉夫稱作者  
廉夫上法漢魏出入李唐其古樂府有曠世金石之聲  
宋文憲公景濂亦稱鐵崖君聲光殷殷摩夏霄漢吳越  
名士競歸之比東海倪元鎮崑山顧仲瑛雲丘張仲簡  
吳興鄒九成皆其客也廉夫之跡頗類陶靖節讀其買  
妾云買妾千黃金許身不許心使君自有婦夜夜白頭

士品

八國雅品

四

吟則其不百日引去者所指微矣至俠客詞云太阿飛  
出匣欲取賈充頭又夜宿倡樓酒未醒飄風吹落鴛鴦  
瓦何其雄偉豪邁邪老鐵以余為知言否

張學士志道

境入清瑣未脫風武如野烟喬木晚

江雨落花深鹿跡閒行見松香獨坐聞鳥影似猶見猿  
聲疑或聞此例思深且幽非元調也

汪忠勤朝宗

詞新調閒不失唐人大檢至如倒藤

懸宿鳥絕壁挂晴霓嶺樹垂紅葉汀沙聚白鷗樹密巢  
歸鳥溪迴響暗泉並稱幽致也危言云汪如胡琴羌管  
雖非太常樂琅琅有致余謂較之朱絃路鼓故不足蘆

寶土鼓尚有餘耳

孫翰籍仲衍黃待制庸之李長史仲修 舊稱廣中

四傑並有盛才特開於七言如孫之蔣陵兒次武昌黃

之戰城南李之秋晴等篇能自迴出常境綺漸處亦類

初唐語楚騷云南州炎德桂樹冬榮三君子之謂也至

五言近體非其所長故只有所短耳惟王給事彥舉係

河東籍廣初出元調因無所取姑置再續

劉文成伯溫 公伊呂之佐文其緒餘耳故駿才鴻

調工為綺麗古風如思歸引思美人近體如古戍並出

騷雅亦足以追步梁父憑陵燕公矣

士品 國雅品

宋文憲景濂 文既綜緯詩稍平易余所取祇二三

篇句亦清拔不失崇雅思致

林員外子羽 才思藻麗如游魚潛水翔禽薄天高

下各適情性廬陵劉子高序其集云已窺陳拾遺之奧

大有開元之風余所選五言全佳者如芙蓉峰出塞送

高郎中讀書臺其句有苦霧沈旗影飛霜濕鼓聲似戰

餘落日黃軍敗鼓聲死又燈影秋雲裏書聲晚磬中似

塔影挂青漢鐘聲扣白雲七言如堤柳欲眠鶯喚起宮

花下落鳥銜來並稱警絕信不在大曆下也

素侍御景文 才情道拔往往有奇語尤開于詠物

其題白燕聞笛頗為時口膾炙蓋七言律不易得元和

以還千百年之中僅見高侍郎一家何其寥寥也昔王

獻之調季琰曰弟書如騎驢駸駸欲度驪駒前素之追

風尚遠騁思頗逸得次之接武

王叅軍元章 才瞻思新善繪梅竹得意處輒題往

往奇拔尤長于七言如雲合紫駝開虎帳天連春草入

龍沙海氣或生山背雨江潮不到石頭城千峰回影陷

落日萬壑欲盡松風聲抽思雖奇搗詞未秀

顧居士仲瑛 聲調遒秀綺綴精密頗任俠清狂一

時名士李楊諸公多樂與之游晚年嘗寄居吳下名刹

士品 國雅品

更號金粟居士其小像首戴一笠自贊云儒衣僧帽道

人鞋到處青山骨可埋遙憶少年豪俠興五陵裘馬洛

陽街讀之想見其曠達豪邁超然峯距隆慶間余在吳

門偶得一白玉印方可寸許上有回首左盼龜紐文曰

玉山草堂極精且工若獲拱壁適史太僕恭甫至把玩

持去今不知流落誰手故高士神物附識之

甘二守彥初唐翰林虔敬 思頗清僻甘如一瓢風

外樹雙屐雨中山白草交河道清笳捕虜營錦衾成獨

旦羅扇覺先秋唐如山色元來蜀江聲直到吳月到翻

經榻苔綠挂壁琴亦是高唱其唐尚書劉太宰方翰博

三公聲調若虎步鴻苑並有氣緊特之健彩耳

趙山人景哲郭掾史子章 興洽清真並是逸才趙

如殘雨挂空江濛濛若千里暝色夕鳥前寒聲暮猿裏

又飛花香度樓前幙高柳涼生仗外峰郭如落日平淮

樹春潮帶皖城又東鄰茅屋新如入南澗石橋春水生

此例佳甚又郭有宿雨云宿雨蕭蕭客心高齋連日

滯秋陰一枝未遂鵲鵲志四壁寒愁蟋蟀吟家在淮南

青桂老門臨湖水白蘋深鯉魚風熟香粳早釣艇誰移

近竹林五十六是唐韻結是元調偶無所取

高翰籍廷禮 才識博達嘗輯唐詩品彙世稱精鑒

士品二 永樂迄成化凡二十有一人

及閱其集文多而意少且乏新興至擬古諸作頗擅雕

蟲往往青於藍者

姚恭靖廣孝 性空思玄心寂語新其興彌僻其趣

彌遠如籠馴傳信鶴池蓄換書鸞翠低承雨竹綠碎受

風蕉過林纔見日到渡不逢山此例已到彼岸惠休法

振不得專譽禪藻矣且公以慧智 翊贊靖難勲極公

階乃蕭然緇衣以終其身了無慢幢不賢于悻悻功名

之士乎

曾少唐子啓 該博逸蕩其才長於七言

補 15—334

神挺為工頗以繁靡為累故永成間多效其體先輩于

肅愍楊文貞諸公互相宗尚亦一時藝林風氣使然也

其行路難燉煌二作頗不失唐家聲袁氏獻實云曾公

浩如懸河所乏嚴潔此是確喻

王翰檢孟陽 典雅清拔綽有天寶俊聲如諸天花

雨遍雙樹慧燈懸夜月桓伊笛秋風驟騎營孤帆乘吹

發一雁渡江遲江路猿聲早山城榕葉涼一燈今夜兩

千里故人心並是司空皇甫之餘

劉孟熙 洪之子恕之弟為會稽名家其才思雄健

長歌頗放誕如馬嘶秋草濶鵬落暮雲平野雪消不盡

春江流山色與豪華非鄙促語今選中所遺七言早

寄白唐室云帝城佳氣接烟霞草色芊芊雨斜斜

雪未消雙鳳閣春風先入五侯家歌鐘暗度新豐樹

騎晴驕上苑花獨有揚雄才思逸應傳離句滿京華頗

道麗自是方表家範也

浦舍人長源 詞彩秀潤初遊閩中訪林員外子羽

自誦荆門詩云雲邊路繞巴山色樹裏河流漢水聲於

是林始驚嘆遂延入社元美品浦林為小乘法師言未

到佛境界也又云聽雞曉關疎星白走馬春郊細柳黃

永上暮寒吳苑雨馬頭秋色晉陵山亦是相中色語時

補 15—334



王學士達善王舍人孟瑞為同邑名人學士有路分京  
口樹帆渡月中潮舍人有臘釀多醴酒春禽半竹雞並  
稱秀句湛李之後錫中三賢稍嗣中落

王翰籍安仲 思多悽怨託喻頗深如塞下云嘶馬

邊塵黑鳴笳隴日昏昭君云身隨胡地遠心是漢宮愁

寒村云古路無行客閒門有白雲鷓鴣云長沙有遷客

莫向雨中啼老馬云只今棄擲寒郊路猶自悲鳴向主

人讀此例數篇俱堪淚下昔班姬寫扇怨應瑒託雁

書懷良有以也公才高不遇嘗隱於長樂山中自稱白

雲樵者竟淪於幕職悲夫

士品 八國雅品

九

張學憲節之 寓目成韻風彩醞籍如秋聲兩岍葉

晚色萬山云積水浮仙嶼寒舟伴使舟水螢飛不定沙

鳥宿還驚陵逼少陵美至與朱千戶夜話云瀚海地荒

龍駕遠交河風急雁書沈微臣愧乏安邊策北望胡天

淚滿襟此政 英廟北征時也情之發於忠愛不

渝能自慨切唐句山本林此作與

郭忠武元登 楚堂詩話云公詩為 國朝武臣之

冠余鈔其戰場壯人二作平易渾厚直言賦 言之兵

法正而無奇循守編墨者也句有黃河白骨斜陽裏衰

草連天戰血腥將無突圍破敵有平吞疆場之志公嘗

謫戍甘州時送岳正云青海四年羈旅客白頭雙淚倚

門親莫道得歸心便了天涯多少未歸人又甘州城南

河水流甘州城北胡雲愁玉關人老貂裘故苦憶平生

馬少游其激烈壯志可想初公以拒 北狩 駕見謫

當時或謂公曰城旦夕且破何空自苦乎公曰吾誓與

此賊存亡不使諸君獨死及擁 上皇去公登城

大慟則非無歸 駕意故社稷為重也商文毅為公誌

曰廉潔尚謀善撫士卒有古良將風余觀公節概頗奇

所取不顯文辭也

桑別駕民懌 狂士也少有辯才以孟軻自任目

士品 八國雅品

韓愈文為小兒號稱曰江南才子不羈慢世丘文

莊公每屈節下之其文詞多 咏厄言云桑詩如家無

儋石一擲萬錢談其俠而涉也其鄉之先輩偶武孟歲

暮有云山響鼙鼙嘯江空鷗鷺飛百年渾潦倒底事未

能歸亦稱勝語送使嶺南云七閩南去路迢迢五色雲

中遣使輶持節好宣 天子命觀風嘗采野人謠鷓鴣

啼處山將兩椰子吹香酒滿瓢記取都門相送日高秋

木落正蕭蕭頗佳偶偶錄脫此今識之

李文正賓之 學既該博詞頗弘麗且老於掌故其

詠史樂府乃所優也當時如丘正文注吳文定石文



隱諸縉紳先生倡酬多作七言律甚至疊和累篇每以什計昌穀謂先輩便於七言者以聲長字縱可以牽合成章也今京師縉紳每謂七言律書軸廢不寥索遂失作者之意殊不知律者以古雅沈鬱為難而七言尤不易往有誦先輩七言律句各減去二字亦成章譽座大笑故在句句字字不可斷為五又以句句字字直屬為病在氣貫節續如脉絡然所謂圓如貫珠者即衲子數珠若減截一二子便不成串矣雖盛唐諸公惟王維李頎二三家臻妙太白浩然便不諳矣 明興自高侍郎以還七言律流而極弊文正公以大雅之宗尤能推轂

士品

八國雅品

十一

後進而李何徐諸公作矣庖言曰長沙之於何李其陳涉之起漢高乎頗善比興讀公之花將軍歌丘之羅都御史吳之送武靖西征邵之胥門石之契苾兒諸篇稍頡頏馳驚矣

張汀洲清之

縱調騁情頗稱作者其采蓮昭君風

力丹彩俱備堪以陶寫幽心至林葉經霜盡河水近午開是前賢未振語殷璠所謂意新理極斯得之

張修撰亨父陸叅政文量

齊聲競爽聞於海上張

之送廷珍憂歸云千里征途徒哭盡啼痕終比線痕稀漢官云一樣玉壺傳漏點南宮夜短北宮長陸之楊妃

云烽火照人輦鼓急尚疑燒燭夜催花微宗盡云翠輦北巡將不去只應留與蔡京看調雖短而意頗長可羣可怨二公有焉

士品三

弘治迄正德凡三十有三人

李獻吉何仲默二學憲

氣象弘濶詞彩精確力挽

頽風復臻古雅遶材兩漢嗣響三唐如航琛越海輦賁踰嶠琳闢珠房輝燦朗映各成一家之言繼而海內翕然景從為 明音中興之盛實二公倡之也二公古體

並出楚騷詞漢樂府而憲章少陵者近體尤酷擬杜李

古勝何如屯雲出峽驚風湧湍波濶幻變層彩疊出何

士品

八國雅品

十二

近勝李如石門寒瀑劒閣朝霞空中聲色高遠難攀薛君采云俊逸終憐何大復粗豪不解李空同則何似勝李耶國寶新編曰李朗暘玉立傲睨當世何身不勝衣賦陵作者二公皎然風度又可想矣直說云李作詩一句不工即棄而弗錄何深惜之李岑是自家物終久還來豈非良工獨苦邪二家詩大率多佳者例不悉采李如黃塵古渡迷飛輓白月橫空冷戰場又日黑魚龍逐夢澤草青麋鹿上姑蘇何如伏波銅柱衝炎塞橫海樓船出瘴沙又日月盡懸滄海樹龍蛇春壓九河流此例數篇亦奇盡懸將作時懸方安

昌穀 國寶新編曰博士神清體弱雙瞳燭

人幼精文思不由教迪文徵仲序其焦桐集云昌穀古

體合作近體非所好而為之輒工亦是賞識余觀迪功

二集豪縱英裁格高調雅馳騁於漢唐之間婉而有味

渾而無迹尤長於賦頌其反騷已馮陵班揚矣足冠

盛明名家素氏所刻鸚鵡五集稍纖華似齊梁語偶無

所采采中嘗耽玩久之備極諸體高妙都無累句可刪

皇甫子安云徐詩可以繼軌二晉標冠一代子循亦云

徐集獨綜菁英莫可瑕額王元美云如飛仙游天不染

塵俗三公可謂知言矣至獻吉猶譏其守而未化蹊徑

士品 國雅品

存焉仲默云論文亦直取舍筏誠為精確余讀李何集

中之筏蹊有甚於徐者豈力與志違邪然李何非不見

賞抑昌穀詞藻雖富情性或猶未開故強年偃蹇冷署

閒適之興其寥寥乎余獨悲夫長轡既驟窮途忽蹶顧

未盡肆力耳假天老其才而追述大雅則有唐大家不

當北面邪

邊司徒廷實 袁氏獻實曰李何徐邊世稱四傑李

雄健何秀逸徐精融邊朴質故並負盛名輝映當代四

公殆藝苑之菁英也邊稍不逮祇堪鼓吹三家耳其集

中篇章頗富所選如綠水關門道青山建業城地入河

源渺天連塞日曛又魯連箭滅遺書在微子城荒故地

留千盤島道懸雲上五色龍江抱日流應是豪華語厄

言云廷實如五陵裘馬千金少年信然

顧司寇華玉 體裁變創工於發端斐然 盛明之

羽翼也如經旬謝賓客春草當門生鹿飲紅泉細猿啼

翠壁重綠樹邀行騎青山擁寺門又御前却輦言無忌

衆裏當熊死不辭足使文通變色彥升失步矣

祝京兆希哲 公之腹笥奇僻出入史漢其俠少云

艷妓掌列盤變童口承唾郭氏族盡滅銅山死猶餓歸

舟云高嘯迎風轉低眼看樹行隱者云琴傳雷氏斷書

士品 國雅品

足汲丘藏其筆力殆能扛鼎者國寶新編曰似子傲睨

不細遊戲文史蓄之海匯發也雲蒸信哉

王吏部敬夫 才雋思逸銳於綺靡之湖外碧草

海東紅雲流彩奪目其五言如雲壓嶺頭樹草連烟際

村金馬當朝彥銀魚隔歲焚山雲晴見楚烟樹遠浮秦

飛鳥三峯外孤城落照前七言如天外行雲難入夢手

中團扇易驚秋此語直造盛唐佳境矣

熊侍御士選 才華警拔一句一字酷尚初唐如野

寺孤雲沒春山猶馬蹄雞鳴岩下寺犬吠洞中春已得

王楊風彩特小深哉

新建伯安

博學通達詩非所優然亦有幽逸

致余讀其陽明先生集疏義侃侃詞切理約自是經國大手

朱大叅升之

情過其才亦時出新語其函谷歌全

効高常侍稍有蹇礙麗處對雪有風急仍含雨天低欲隨雲始佳句也國寶新編曰叅政落筆一掃千言傍觀者往往奪氣可謂詩豪矣其子子价才藻豪爽頗與公等故高巖競秀流水迴合殆山澤通氣也丁酉間余嘗與子价同舍鷄籠山房及旅都下子价尤善書屢為余走筆題蓮面上頗多嘉句乃集中所遺今散失不可

不國雅品

十五

得矣惜之

王司馬子衡

學古才辯其為文章多漢晉人語特

閑於古體如關里孔檜秦嶽秦松蒼秀挺鬱王元美譏其稍露本色不無有之其南昌行亦足以發其忠憤激烈之思余讀其居家集公所自序即張魏公辟蘇雲事曰古今人好尚其不齊也有如是哉以野處為適則視官守為樊籠以閒散為樂則視軒冕為桎梏於是乎可以觀公矣豈惟文哉

鄭驗封繼之

才賦

往往有新語如瞑烟分

意山鬼習人聲馬上琵琶曲

漢宮二作並佳

編贊云靈運樂游嵇康慕仙超矣驗封千載同分

余讀鄭詩末卷載海內名公哀輓惟方公豪哭詩最多偶無佳句余伯父與新先生有備見前賢體高垂一代文祝公鑒有才名聞海內氣舉邁儒流林公春澤有病多憂國累出為薦書行足以見公之槩

湛司馬元明

先生為一代鴻儒宗望綸束髮列第

子之座事先生最久初若崖岸終無町畦其為文章平易質實詩詞頗醞藉逸秀每曰須發得自家意思出乃佳嘗好登臨必謂諸生且領畧山水真趣明日補詩率意如此余丙辰間隴嶺外一造先生之門所處故榮盛

不國雅品

十六

蕭然几榻從事文翰不以耄耄少替睹然渭濱一老叟也今選其集中十餘篇頗得唐人古澹處此老胷中仍無宿物

嚴相公惟中

先輩評公詩者頗多如儀封王司馬

曰冲邃間遠成都楊修撰曰冲澹朗秀蘭溪唐文襄曰澹而達長洲皇甫司勳曰調高律細四公其知言哉其靈谷云窈然深谷裏疑與秦人逢澗底歲餘雪窓間列秀峯登嶽云仙家鳥道迴莫到石壁猿聲清忽聞幽泉樹杪飛殘滴瑤草巖中吐異芬真境與秀句競勝雜之極玄亦足矜賞其集大率多類錢劉語

錢臨江公良 余仲父少參府君居嘗論詩稱同榜中  
惟方思道風好品藻以風裁自持每嘆嘉州之曠中錢  
氏以文獻世其家公良既富藻藝尤閑於詩余續其篇  
得之俞氏後編殊未愜也一日其季子懋教雅余通家  
見寄家藏東舍先生全集若干卷卒業至再其辭冲秀  
彌曠菁多天茁蔚然警絕如夜涼天有雨秋晚樹無花  
雲飛山鳥白鷺啄渚沙明草深山隱路風急水行沙烟  
雨壅前盡清虛靜裏心花發年年好最深處幽巖花  
煙外落金屋夜深聞寺深雲度紫羅幃林梢鳥斯倒佳  
境信非思道能闢其際何忝錢吳興之華曹邪

士品

八圖陸品

五二



入理望之 調雅詞綺高標奇絕彷彿天台石梁  
羅浮水簾如鵲翔知浦樹人語辨江船暗處猿聲斷愁  
深攪夜眠日銜天際樹雲動水中山亂帆何處去風浪  
不知還又脩竹濃花田舍裏亂山流水寺門前長橋晚  
落千尋影高閣晴含萬里秋邊嶠梅花愁聽角郡庭榕  
葉憶鳴琴其滿湘行尤稱警拔李何不為之却立也或  
譏其澹薄者甚爾

殷給事近夫

青溪時髦才情道麗如波喧偏怒石

山暗欲生雲溪靜千峯倒雲歸衆壑昏又狂龍歌舞晚  
潮外芳草歷亂新晴中稍得鳳池一毛龍淵片甲如惜

士品

八圖陸品

十七

六

柳云鳴雨既過漸細微江風颯颯吹客衣晴雲雨雲自  
紛錯山禽水禽相逐歸三年羣盜衰疾甚千日歸帆皆  
書稀丹崖夜夢桂樹發清尊共惜梅花飛亦清勁可誦  
特重歸字未工前作雲連雲斷後作千里孤帆稍曷王  
允美謂其如越兵縱橫江淮終不成霸蓋惜其蘭馨風  
焚桂叢忽折不足悲夫

顧宗伯與成少參與行憲副與新

三先生論之伯

仲叔父也並負才藝鍾靈五澤競爽三吳弱齡馳聲臺  
館一時名家如李何徐薛倡酬具在薛君采堂寓書云  
伯仲擅藝名流並繼風雅豈惟顧氏多文抑亦詞林增



重登而後先謝政居常與世父與明先生翁奏壇苑殆  
是花萼餘輝吳都賦所稱高門鼎貴顧陸之裔千載而  
下吾宗故多賢乎哉綸所選若干實正始雅音協然合  
作非敢輒肆誇譽賞識家當有定鑒

唐文襄佐

風度瓌瑋學該左史頗臻古雅集為

蔡子木所編輯元美云虞佐如苦行頭陀終少玄解余  
選中數首有百草牽柔風秋峯駐落日長淮接江水千  
里映空色夜雨分芝草晴天落蠹魚聲格既峻步驟更  
捷亦作公嘉靖乙巳秋召起復大司馬冬加  
太子太師

八國雅品

十六

先休忤

世宗皇帝削官竟卒於都門謁舍後五

年有子汝楫及第獲請復官贈少保并謚公歷部院

得謚文出殊卹也余嘗著公感知篇有曰公鎖鑰邊

鎮勵王臣之大節錯綜術藝冠館閣之諸賢於是乎曰

文曰襄斯稱矣夫

方憲副思道戴學憲仲鵬韓叅議汝慶

同榜齊軌

並有節氣才譽其為詩多出少陵蹊徑方稍安穩戴韓

道暘時有新語其鷓鴣採蓮方故墮其雲霧中

孫山太初

初號吟嘯更太白山人朗姿美髯飄

然風塵外物也其才清趣逸頗擅詩名曾寓先公蓉

別墅時與殷靖江道夫游先公每論其高致一日費閣

老訪之竟日曠談率就偃臥去不相顧其落魄多類是

費大奇之曰我接海岱奇士多矣未有此人後浪遊西

湖若溪間一時名士咸欽其風其佳句有山根晴亦濕

湖氣夜難昏長天下遠水積霧帶巖扉僧歸虹外雨雲

抱水邊樓浪花迎棹尾山影上人衣清流梳石髮遠霧

著山中酒醒燈暈裏秋隨葉聲邊又百年知己長鏡在

萬事無心拄杖間遠江天入星河濕高木谿迴風露稀

嚴儀卿曰詩有別才非關書也詩有別趣非關理也豈

不然哉大都孫詩五言得孟襄陽幽處七言得張句曲

士品

八國雅品

十七

曠廢遂致遲庭與絕故獻吉恒云讀書斷自漢魏以上

蓋取諸上乘庶得中乘

楊修撰用修張進士愈光

世開駿英魏科雄望爵

咀搜玉咳唾成珠其為詩楊如錦城雪棧險怪高峻張

如蘭津天橋騰逸浮空故並鍾山川之靈平卮言又云

楊乃銅山金埒張乃拙匠斧鑿是譏其未融化也楊之

羅衣香未歇猶是漢宮恩石帆風外蕭沙鏡雨中明入

汀洲春雨寒芳杜茅屋秋風帶女蘿夜夜月為青塚鏡

年年雪作黑山花張之鴻雁不傳雲外字芙蓉空照水

中花銅柱蕪葭鴻雁響鎮城烟雨鷓鴣啼此例數篇



雕飾曼語往余在滇中以吏局經高曉一訪升菴故墅  
適至自瀘會於安寧曹溪精舍留連信宿其落魄不檢  
形骸放言指據鑿鑿驚座應是超悟人張嘗與啟札神  
交詞多敦素亦是恬雅人後余過沅州慈谿馮公觴余  
督府憐及楊之才器故博識特好臧貶先輩輒攻人沿  
襲之短氣象遂砭削矣斯言其長者哉

薛考功君采

七歲能文弱年擅藝大為儀封王公

判毫時所奇文徵仲評其詩云古風追躡漢魏近體有

王孟風唐應德云薛從瞿老書來得虛靜語余讀其集

古體如江南曲從軍行甚佳近體如咏燭云珠簾照不

士品

入國雅品

二十一

隔羅幌映疑空又餘花飄近渚衆鳥喧深竹征鳥不返

顧浮雲相背馳渚花戲笑語沙鳥亂歌聲翠帷低舞燕

錦薦踏鷺鴻飛蓬來曠野啄木響空林並是驚句辟之

馬飾金羈連翩蹀躞穩步康莊了無跼蹐之跡王元美

云如倩女臨池踈花獨咲特言其秀拔處

蔣泰政子雲 才豪朗邁頗好激賞一時名士多延

致之其詩五言學杜無幽閒奇語大婚如千行燭起駕

鶯合萬樹花開鳳鳥來南京云疊嶂千重過洛邑澄江

九派勝秦川足稱勝句

夏相公公謹馬侍郎仲房

二公並稱雋才夏優於

自成別調頗多葩藻馬優於律取法初唐尤多華整  
並少情性耳至馬之盤危門入斗嶠迴成通煙香氣蒸  
雲上鐘聲度漢迴是江光祿未授聿時語聞馬有全集  
何元朗處

陳行卿魯南

才與顧司冠華玉王太僕欽佩並稱

如鳥聲林葉暗山影石溪寒縣燈動星月傳梵起魚龍

漏轉雲車急花深月殿開鵲觀月華還映雪龍池水色

已含春恍乎臨蓬山而俯瞰閬洲深遠鬱然

王給事穉欽

調高趣新頗多奇句如深谷綿蠻冷

然幽響其少年行云金羈及狡兔珠繒落高鴻江上言

士品

入國雅品

廿一

懷云岸東清聲急軒疑野色重還蜀云峽東秋江怒雲

盤石棧懸弔道士云海田猶有變洞壑豈無京春畫云

絮飄蕪鶴毳花落罨蛛絲夜坐云把燭秋蛾集開簾夕

鳥過聞箏云思繁纖指亂愁劇翠娥顰曲終仍自序家

世本西秦殆與高岑方軌矣穉欽本高才不羈嘗謫裕

州為監司督過罷職還益自放誕或衣緋酣歌或跨犢

浪跡作慢世之狀讀其述遂賦其志有足悲者

士品四

嘉靖迄今凡五十有三人

張文肅文邦

才雄思瞻抽緒錯彩道繹華曠江漢

橫流岌然衡嶽之秀也公長於古風其豪縱處如孫武

將兵甲隊嚴整鼓而為氣窮力破敵特沈機輕襲非所  
屑也初署宮坊素崇獎少雋嘗游其門往往式我旅  
舍晤言彌日及其入相欵洽如一日頗雅厚公深知公  
七歲誦書該博典籍達通今古虛懷高朗論人貴實臨  
事果斷庚戌策士多中時要弗之諱至西北大計尤究  
心焉是秋虜犯京師猶力疾疏乞決白河禦之一夕夢  
跨鶴凌空竟逝悲夫神驥當軸長轡俄絕綸嘗哭之以  
律後作平原客散多遺刺新隴山深斷掃門想見墓前  
留鳥象幾人慟哭受知恩及署感知編後詠曰張公副  
相日慷慨問遺賢天津噓舊閣南麓鬱新阡赤牘三朝  
士品

國雅品  
事青編四海傳何當中道絕麟喪魯人憐  
黃唐事才伯 性尚冲和韻含芳潤玄覽鰲洲藏珍  
瓊海為一代名家其詩譬之龍躍懸河鳳鳴阿閣輝映  
高絕屠諭德謂其利名刺刃光如巨貝故詞林宗匠也  
如虎丘云夫椒先自敗於越遂能軍月落苧羅冷花深  
麋鹿聲興安道云密雲虛殿馬芳草遠隨人夜坐云野  
色入河漢鐘聲連翠微洞庭云未央月轉芙蓉殿太液  
波涵翡翠樓棟連云青山亦有飛來日何事蕭郎未見  
還並頭花云十年不到芙蓉關坐對雙紅曉曙雞並得  
開元風格大曆情興足以接武曲江追駕嶺表矣余蚤

歲羈旅都下嘗因張文肅交公其風度弘朗閒素超脫  
丙午間少宰員缺廷推忤忌者一日罷二侍一唐公  
與少宗伯崔許二公也公遂不旋踵飄然解龜去都余  
追至通會送之把余臂曰子有勝致他日能訪我羅浮  
之顛乎後十有三載余自鬱迂道一造其門值颶風大  
作遂觴余五層之樓遙覽羅浮秀色死在浮白間爾日  
而別公雅有古誼將無以言掩之

高叅政子業 負奇氣博雅情其為詩若磊磊喬松  
凌風迴秀響振虎谷如莫作空山臥令人望白雲貧家  
滿座客閑戶一牀書以我不得意憐君同此心磨滅名  
士品

國雅品  
題柱海濱賦賣金暖雲蒸海氣殘月吐洲暉又連山楚  
雨迷官舍隔縣鄉音認故園一官已謝於陵後百載纔  
開莘野西殆秀句也大抵高詩有情興通篇讀去頗沈  
鬱王元美謂其高山鼓琴沈思忽往者是也

文翰詔徵仲 吳中佳哲如公之博鑒雅步藝苑者  
宜冠林藪矣其文恬靜整飭詩亦從實境中出特調稍  
纖弱王元美謂其如小閣踈窓位置都雅眼界易窮似  
或有之余所取數篇亦是唐韻其字法畫品尤得三昧  
故是一代逸品若顧以文詞尚論則蔡允達之整秀黃  
勉之之腴麗王履吉之華蔚顧行之之灝約陸子玄

清潤彭孔加之精彩並得蜚聲凌駕邪

張山人子言傳山人夢求

二山人咸工詩張以興

豪傳以才豪合而有之故不足以凌崑崙誇商嶧而並稱詩豪哉尚論其志則張賢於傳不同日語矣

陸給事浚明屠諭德文升袁學憲永之王翰林汝化

同榜入館並有盛才其集各長於古風至近體陸集

云無夜不成寐有書空道歸郡古留銅狄堂深繡土花

虎應窺日沒鳥亦倦天長又無因得似官前柳時有長

條拂御衣屨集云飛閣秋光入層城紫氣來樓空吳楚

盡江闊雨雲多又霏霏絳霧爐烟合片片輕雲雉扇還

士品

八國雅品

廿

啼鶯日送千門曉宮柳晴含萬井烟繁花白日俱含笑

幽鳥逢春亦異啼雙觀月臨鳩鵲度五樓春先鳳凰樓

袁集云迎風桂子落照水芙蓉繁蚪蛇晴挂樹射蜃畫

含沙屋覆湘君竹山紅蜀帝花又行天驛蹕馳清道合

殿爐烟散彩雲蜃氣朝蒸疑是霧潮聲晝湧忽如雷王

集云楸繞千林秀花分兩岸飄西風金雀冷南海荔枝

來寶月臨窓白慈燈照榻紅客難東方朔人嘲揚子雲

浮生聊寄適幽意祇鳴琴有句如此亦李唐四傑之選

此輩是層漢疎星朗朗輝映未足多也

日學憲叔禾

學古才瞻網羅舊聞多所著述應德

唐公嘗目之曰文昌星精余讀其詩古體出入騷選

沈鬱豪縱如探珠合浦夜光迫人往往眩目故不當以

一篇一句觀所蘊也余素與公游聽其言若艾艾不出

口者一日觴於湖上多多許余澤秀集即席口授千言

序之故不竄一字燦然龍雕鳳咀是捷悟偉人

施少府子羽

余友卓行博學雅有詩名所著詩文

嘗效齊梁之浮靡涉曹謝之高華稔年從父施平樂之

任過楚紀行之作有巴雲青洞庭鄂水寒夢澤又千里

月明來楚峽五更猿斷憶巴城桃花浪濶三江水楊柳

絲長百尺樓邵文莊公見而大奇曰風雅之源也平生

士品

八國雅品

二十五

安貧樂志海內名公咸慕其風謂句吳有施子矣其詩

如春竹積雪浮翠欲滴寒松含籟空濤勁發危言又云

子羽如寒鴉數點流水孤村景物蕭條余采中多佳篇

送余遊蘭亭云靄靄深竹林林深阻脩澗清川派其間

懸崖俯可辨春蘭日以芳風氣日以變君往對山人如

逢昔人而遊天竺寺云綠湖始忻往遐覽歷幽尋山到

不容路雲巖猶有林惜前寒澗落榻下白雲深積雪千

峯寒寥然空世心各詣妙境殆蕭條而風趣冲寂者學

士華子潛公哭之有云世上交游安足多丈夫從來貴

知己憐君家徒四壁立中歲罷官常不給生前獨行殊

寡諧歿後遺文更誰輯余感知編亦云皎皎武陵不直  
聲誦其書樂志無輕世論詩常起余一丞何足陋柱下  
不容居到國但觀海浩然賦歸歟爾尚終躊躇時哉良  
可歎又哭云憶昔南塘別嗟君如逝川浮雲無俗累秀  
句有人傳高壠生秋草空山響夜泉知音不可作長嘆  
絕悲絃并悼之以見其素

陳隱君鳴岐陸文學一之 並負詩名倡酬交歡頗

適閒居之興亦我錫中逸流陳有悼鶴陸有蕩子婦二  
作和新拔為篇什之秀陸尤長於古體

王山人僅初 蚤歲英爽讀書經目成誦畫心不忘

士品 國雅品 三六

且捷於稟撮舊聞余嘗鼓其腹云何便便作經笥乎卒

稱博覽家特受知於華學士公公為藝林宗匠多與倡

和載之集華所贈王有云達人能固窮朝夕恒晏如願

言日相過多聞時起予又客子本大雅主人亦好文藝

殮以養賢無勞事耕耘故不足以觀僅初邪其佳句有

撫琴聊永日藝圃任無藩於樹春連夏樓臺水雜山落

日霜漸寒秋高夜彌永亦足以發雋逸之思

唐中丞應德 詩稱名家蚤居翰苑便躋貞觀武德

華躅及還毘陵直造開元大曆妙處並足派響詞林其

古體如雲津躍龍幻變莫狀近體如風澗鳴琴幽逸

致選中佳句故多五言至陽羨送白尉金山寺清溪庄  
贈陳千戶七言至寄周中丞張相公趙州懷古樊賢水  
燈吳山人諸篇格高韻勝詞雅興新無句不秀無字不  
穩此即李何亡蹊舍筏喻也庖言所指不減定山語之  
作其晚年率意偶落宋套選中岳將軍燕二作並佳韻  
用寒字次句押作身危亦自甘非沈韻也直說云不用  
沈韻便非唐詩殆是名品古詩間有協用者如西北有  
高樓上與浮雲齊又灼灼園中葵朝露待日晞僅見於  
漢人亦騷體之濫觴也至近體則盛唐人無出韻句今  
甘字將作安字稍似理愜意完不更深乎

士品 國雅品 廿七

陳學憲約之 庖言云約之如青樓少女月下篴篥

余讀其集篇篇都秀潤句句少警拔亦就色象中自然

寫出如波擎菡萏淨麗天茁尚未舒笑至石灘云石劣

不受鑿水歸時礙行卻令無競性翻作不平鳴逆折聲

猶壯崩騰色自明我行殊昧險於此獨嬰情詞少意多

不只比類切象抑又深斥劣行

萬都督民望 才清思逸稟履高曠言行無俗韻其

詩如空巖曲瀨宛轉寥夏時復滴瀝得幽閒真趣即浮

雲看世遠短褐覺身輕深曠市塵隔蕭條墟里同五侯

延士少數口向誰存海雲朝數變山鳥暮雙還又我已



出家惟帶髮君來連榻與同心並得車應物深致仰止  
言氣骨稍弱耳乙卯間丁倭變公倡義集僧兵為捍子  
婿死之遂鬱鬱負疴多寄跡蘭若間平生苦空事佛豈  
夙世高僧輪化邪余為作感知傳後云萬公屬文藻多  
著鹿園書好道事齧缺用兵師穰苴素所厭軒冕蕭條  
只泊如雲峯隨處宿香飭淨齋居出世比丘者應修法  
喜廬寂寥甘被褐尚論在冲虛殆是實錄

陳山人鳴野

余目山人落落如行長松之下風槩

頗勁其為詩初擬貞觀以還體晚得大曆中意興五言  
如天遠龍門敞山空石鼓鳴遠月隨長棹殘潮自到門

士品

八國雅品

廿八

七言如愁連天漢無鴻雁夢到關山見戍樓水落盡如  
雷電過山迴俱作鳳凰飛並造彼境余浪游都下時山  
人寓言招致入社句有永和真蹟依然在遙遲逋翁續  
品題余報中有十年漂泊成狂客千里招尋識古心之  
句永懷舊致便為之愴

皇甫司直子安

吳中雅雅有四皇甫盛稱才藻司

直公所著頗富今司勳子補公為藝苑宗望觀其序少  
玄集云馳驟魏晉李唐間其汪洋浩渺譬之觀海者斯  
可以見公詩矣如西湖云丹杖遠隨金轡轉錦帆齊拂  
石鯨迴簡子循云江色似迎張翰遠漸聲憶傍伍胥多

此句宜嗣冉曾

吳少恭純叔

詞垣妙選風有雋才自負雄捷特明

於七言古每臨觴鎔調綺靡驚座當服其偉五言如齋  
鉢蠹絲集經幢鳥跡多流水迷松徑閒雲滿石牀珠纓  
蠻女謁毳布梵人迎風櫪悲窮驢秋砧亂候蟲亦是國  
秀中語

趙督察元實

志尚豪邁頗事詠諧嘗與酣酬藻千

言不加點綴故捷才也筵中偶得其三篇偕余席上一  
揮而成稍無俗韻亦稱正平之流也舊著感知云趙公  
嘗未遇落落若何親讀書適已好飲酒陶其真一朝受

士品

八國雅品

廿九

眷顧假鉞誰當迂親煩南面尊赫赫震斯怒伐海督  
都戎露板薦胡公淮陰能滅楚此是鄭侯功感激罷官  
去牖下恩所予位高奚足言悵矣雲埋處

周唐吳三山人

二子言子充乃吳下清流周既冲

寂吳亦流暢唐稍平遠並幽夜之流光

傅山入木虛孫漁人可宜

二公各有新聲奇調我

明河嶽隱淪之夏秀者傳句云林缺呈江練泉香長石  
英崖色斜移樹泉聲半出山野樹鳴乾葉晴潭響暗魚  
月疑加鏡彩雲似助衣嬌又百里川原平入眺九霄星  
斗倒垂文孫句云嘯裏驚山鬼談中有谷神堊霧峯



暝湖烟渚半昏白石孤村合青山萬樹齊角應江聲起  
雲兼海氣浮其品當在李唐二孟之間

蔡司空子木

聲調淵雅情興高朗其集為楊用修

所選者為堯林珍賞晚歲率意應酬似出二手所選五

言云綠幃影合香舒藥苗肥三江看雁盡五嶺入雲

深泉落雲碓溪迴樹杪船踈鐘搖落葉細雨帶秋蟲

石樓近斗山郭樹浮天七言云羣鳥繞樹飛無定黃

葉從風落正繁無復山門訪支遁獨留徑草待王孫秋

色總歸紅葉寺楚江還見白蘋洲此例酷似劉長卿極

玄處至門徑近連馳道樹池塘遙接漢官流是諷體子

士品

八國雅

三十一

美贈花卿有此曲只宜天上有人間那得幾回聞詩話

云蜀中伎女競唱之爭謂花卿在蜀頗僭也公前作不

無風人之旨

孔方伯汝錫包侍御元達

余識二公殆忠憲偉流

未竟其才輒以文抒其意鬱方之玉琢鼎夷材良器重

款識工緻特之弘綽耳孔云窓垂巖樹庭昏帶野烟

石室排雲上松門閃霧重蘿幌晴峯色花鐘夜磬空又

一室盡攢雲裏樹空圍全遶石中溪包云坐淹十日飲

興洽五陵豪雁歸砧響急烽至角聲多蔡琰降胡日王

嫺出塞時逕才通鳥山深祗嘯猿濕寫漁陽捺鶯調

陌上結竹箭灘聲駛燕支石磴危又岸柳藏鶯侵坐

園花隱麝隔溪分石一秋龍不起松枝將暝鶴初歸

當筵解語調鸚鵡隣吟笙寫鳳凰二家意象都新融

煉並工令人傾炫心目斯江鮑之流歟

白司直貞甫

余讀公集未嘗不增慨何高才而沒

沒也品所稱王翰檢敬夫康修撰七涵廖學士鳴吾高

叅政子業王祭酒允寧咸與齊聲以好乃調不諧世卒

老於詞垣藩屏間故名之為身累也如此公嘗語余遊

關西形勝不但山川而人物尤偉康王作杜於鄆里既

工新詞復擅音律酷嗜聲伎王每倡一詞康自操琵琶

士品

八國雅

三十二

度之字不折噪音落檀槽清嘯相答秦中士林風流

之豪余讀白詩如明月等篇出建安風骨無貞觀思致

故宗子相謂總之詩不離唐五言者最平亦足振響長

慶繼軌太傅矣公與余有僚壻之姪舊為感知小傳中

有曰司直嘗師事陽明先生學該羣籍蚤擅時名及游

北雍士大夫之賢者無不枉造焉其意氣高邁論思雅

飭慨然有孔北海之風達時播謫者一十六年竟淪於

一卽悲夫余詠曰白公洛下才弱齡擅詞賦五遷仍一

佐廿載卽如故平生抗其行寧免時所妬誰知高門中

延納多韋布一言必見賞揮金復何顧意氣內踈悲

詩名未遇

吳中丞峻伯俞廉憲汝成

二公初官西曹比余

為社每憐其高才深致及歸田吳每自豐中相訊不廢  
俞同里廣唱尤密倏爾後先觀化撫茲遺編重余嗟慨  
吳句云聯鐘微出塲澗水曲穿林猿愁巴峽夜草暗洞  
庭春驛路峯腰折江流雪後深又花月九衢澄夜色關  
山一雁動秋聲俞句云花密藏谿路峯危帶石樓戎苦  
寒花發庭閒露草深並堪大曆十才羽翼

沈隱君子羽姚文學本修

清陽閒整丘園之雅也

選中沈如林鳥啼仍歇若雲去復還姚如馬嘶中禁樹

士品

八國雅品

二二

花發五陵烟黃雲連去路青嶂出孤城詞之婉麗頗了  
了解人意沈姚少時同學分題變童沈云珊瑚枕上墮  
犀簪滿抱溫香襲翠衾花有並頭連並蒂帶宜同挽結  
同心姚云席地張燈送酒籌百壺春醪散愁難忘花  
月清歡夜半捲風簾不上鉤並有思致

高光州文中

材致清瞻聲調道捷平平寫出亦自

沈淨如黃鳥歌聲悲秦亡從此始濤捲海門山雪橫天  
際島暮湖平野渡遠樹帶斜陽經聲出院少草色上堦  
多許多蕭瑟意總是亂離心是中唐語並流麗有情  
交公頗深其器度率多類此

何補部叔皮

不惟才高抑又誼古

烈亡遂終身不續其詩詞博思銳乃連翩絡屬參錯史  
漢故是大手筆見公詩頗多余篋中僅得所贈以歌一  
篇乃慷慨任俠語其伯兄翰目元朗公著作尤富即藝  
林所稱大何小何也二陸以還雲間復以為匹

蔣戶部維忠

才情綺麗頗任俠氣

浪自適築山穿池徧列舞臺歌榭是游燕名處每臨賞  
輒酣暢忘還所憩閣貯書頗富與荆川素雅過必酬論  
竟日攻難不乏余所采乃歌想見豪爽

李武選應禎

性尚放誕傲世寡群

士品

六國雅品

三三

酒為名官非所樂其在留博時開戶獨飲朗吟自造門  
者聆其音急呼而扣之勃然答曰勿廢我酣眠假令作  
陳屍亦復相尋耶竟弗顧自若於時風舉以晉中興  
流目之余與應禎同學其束髮便能詩嘗集余東林有  
不辭竹葉朝來碧却訝蓮花秋自紅之句輒文戰不利  
乃銳意舉業其集中皆擢第後所輯並前秀冲閒之辭  
已造中唐佳境當續之李晏開以不多讓  
顧提饒玄緯 伯兄自少穎秀博覽過目不忘及長  
肆力編纂手抄若干家靡非奇彙姚山人舜言為里中  
耆儒聞風頗博洽學士大夫往往咨訪山人山人偶不

備者伯兄了了能解時人以為康成子玄之儔也其差  
詩如蟾蜍月關忽吐異輝直冲層漢弟與兄也故同涉  
龍淵而兄獨探驪頤者也惜哉玳瑁夜盤光照月梁悲  
能已已集中朝雲墓云影沈歌扇月香散衣風拜表  
云璧月沈蛟窟丹雲以鳳城仰忠祠云竹聲鳴勁節潭  
影照丹心香山署云庭下閒羅雀岩頭時報猿山池云  
石表到公興池高習氏名建德以云參如列戟沙溪  
不容船送吳別駕云隔窓江水秋添碧夾岸猿聲夜報  
愁送徐瓊州云蛤滿蜃飛天外月歷來樓結海還雲接  
之諸父前編則五言聯珠奚足為譽

一國雜品

三四

沈山人子登 脩然高朗以藝游湖海間如九皋鳴  
鶴時有清音頗事俠興多浪迹於遠裔貴客間時過余  
邸舍必淹留青翰每得山人詩有絕佳者輒為好事者  
索去零落無幾於殘牘中得一二如野日寒如月河水  
聚若刀宛見曠思至俞氏所編是其敗乘耳

李觀察于鱗 卮言云五七言律至仲默而嘔獻吉  
而大千鱗而高又云古惟于美今或于鱗余觀李何之  
詩如良暖又田辟草統禾油然生矣若夫勃然之機  
至觀察而始化今督府張公序其詩文以左遷高岑輩  
目之云代不數而得之 明人不數而得之李惟是言

此則天寶以還千載之下僅得觀察一人而已其為一  
時學士大夫所推崇如此不足以厭服羣心耶余嘗品  
其七言函思英發聲調豪邁如八音鳳奏五色龍章開  
闔鏗鏘純乎美矣至五言似有不盡然者乃稍之幽逸  
情性觀察故有唐選行於世五言乃止於劉長卿自序  
謂唐詩盡於是矣雖儲韋錢即並削之其取指頗示嚴  
峻余選中五言將無為準的否其迭諸光祿云芙蓉天  
鏡曉風雨石帆利 雲樓云千家寒雨白雙閣晚烟青  
送張比部云風雲千騎動雨雪二陵寒 郭云溪流紫  
去馬山路 燕集云酒柰柳花妬人堪桂樹憐天

一國雜品

三五

并序云 本堪知午迎峰欲隱天七言送人云樽中十  
日平原酒袖裏三年薊北書寄王云上書北朔風雲變  
灑淚西山雷雨寒送 云書上梁王還寢獄賦成揚子  
不過門雙塔云雙闌星河秋色 千家烟雨夕陽沈蚤  
春云揚舲巫峽江聲合立馬岷峩雪色來梅花云笛裏  
春愁燕塞滿梁間月色漢宮來眺望云 苑春生多雨  
雪薊門晴色滿寒烟歌行如金谷刁斗送謝茂秦擊鹿  
尋篇一一高唱足以感蕩心靈豈直氣吞儲韋輝掩錢  
郎邪其集中附載海內名家哭公詩甚富如張督撫云  
生來語出千人廢死後名從四海知王觀察云文許先

東上詩卑正始還王儀部云天地論才盡文章與數奇  
又青山一慟哭流水名爲音俞山人云句陳恥重襲文  
奇秘難通張太學云齊以天下士漢失濟南生並追宗  
大雅之句因并識之

梁比部公實宗學憲子相

嘉中海內崛然奮有七

雋即梁宗暨字吳徐三憲副張中丞王庶訪七公也梁  
與宗相繼中折若夫文麟方角冢而避世靈鷲旣苞彩  
而閼却覽茲遺書未嘗不掩帙而吁也余采中如梁之  
七言云八涯尺素經殘臘客裏分陰似小年雲暗故關  
聽角斷日殘壘見孤鴻吳楚地當瓜步折東南山擁

士品

八國雅品

三六

秣陵高石樓積翠臨海鐵柱飛泉落紫虛候蟲聲起  
燈花落社燕巢空木北疎宗之五言云路迷頻勒馬塵  
起一彈冠羊裘寧負漢龍劍不游秦七言云昨夜羈縻  
胡市馬西風蕭瑟漢臣纓瀟湘天濶春歸楚雲澤風高  
曉入吳鵲鵲昔悲湘客賦鵲鵲初典漢臣裘錦水即從  
巫峽去青山定向劍門開驟雷似有蛟龍怒落日愁聞  
虎豹喧推是句也才情競秀已入開元二李妙乘宗  
句悉載卮言所稱屏間者惟梁間有累字多未采故瑣  
金屑玉不可謂棄者非寶也宗哭梁云形容疑好在消  
自見誰傳又倉皇不可問傾渾五噫篇吳哭宗云修泚

如詩還字字一構傷往獨時時由來腐骨無今昔宿  
寧嫌醉墓遲又金馬玉珂俱往事青門黃土竟斯人誰  
堪多病馮唐老更少平生鮑叔親峴山碑陰將復識此  
陸淚語

盧少樞

晉渡江來賦幾亡矣自茲而作有盧生焉

涉屈宋之華津步班揚之高衢弘音夕振恍乎漁陽搥  
槌淵淵有金石聲眇觀創製亦一代之賦手也至所爲  
詩稍有短長余嘗評之其古體如寒派出谷婉若調軫  
音隨意適近體如夕禽觸林矯於避繒象逐思馳所取  
諸篇頗無累句格高韻雅亦駸駸乎元嘉之境矣及讀

士品

八國雅品

三七

蟻蝶集所載幽鞠則并獄中所上諸書跡類韓囚情同  
魏械攬憤鬱之辭於杜預之頃號哀迫切良亦勤矣竟  
大困十餘年而始脫斯人也乃有斯厄平反甫釋而年  
算靡永卒槁概於空門此天之未定者也假令置之金  
馬石渠間則上林羽獵不足潤色鴻業耶嗟天世之不  
遇者豈特一盧生哉余嘗一識生於邑之南濠因詳附  
王元美嘗悼其亡之什生也遺與頗復賞此否王云北  
風吹松栢下與飛蘿會詞人厄陽九盧生亦長逝桐棺  
不斂脛寄殯空山寺螻蛄與烏鴉耽耽出奇計酒家惜  
餘負里杜忻安食孤女空抱影寡妻將收淚著書盈萬



言一往恐失墜惟昔黎陽獄弱羽因毛鷲幸脫維經辰  
未滿鬼薪歲途窮百態攻變觸新語至詞場四五俠往  
往走餘銳大賦少見賞小文僅易醉醉後罵坐歸還為  
室人詈我昔報生札高材虛見忌自取造化餘何關世  
途事嗚呼盧生晚竟無戢身地哭罷重吞聲皇天有深  
意

馬司業負圖

少負遠才風偉志邁雅談玄理率多

勝致嘗好祈仙作玉華館極備弘麗為江左創觀晚歲  
解龜策墅方山間益擴前業為藏修真境冠蓋服覽神  
超形越時人望之為翩翩霞舉中人也尤善書法往往

士品

八國雅品

三

子

對客揮灑俄得數紙一坐驚賞自謂得張長史李嗣山  
豪處荆楊大賈競購之不可其詩不尚遠僻才管持言  
著象亦朗朗可誦故莊生寄指鵬鷃遠近雖差各任真  
性豈以遙然路曠矜爾靡適哉余辱公忘年交其平生  
著作每見示為好事者所奪僅錄此備一家言耳余哭  
公詩曰忽聞笙鶴返翩翩北院先生已作仙聲價琳琅  
增歿後風流醞藉在生前茂陵遺稿猶稱疾長史嘗題  
自謂顛想像方丘讀書處平生涕淚荷忘年

張太僕有功

羅峰公為嘉中賢相有功以穎拔英

特世續承家弱齡振纓即雅好賓客時出為士林

嘆賞風譽日茂及左遷輒有少王放乃寄意氣於歡酌  
竟夭折志惜哉所采為亂牘殘篇非完璧也不獲  
寄張二有云問君謫宦下揚州葉落淮南值蚤秋尺牘  
欲緘初鴈寄一得常為故人留到官不廢義之草乘興  
還登白也樓偶讀當時賢相傳何人曾為叔教謀

士品目

自弘治迄今凡六十八人

徐少師子升

見八

張司馬惟靜

華學士子潛

見九

姚山人壽

卷八

人在衡

見十

皇甫司勳子循

見十

朱司空士南

見十

王九江維禎

王駕部子裕

見十

周太僕子顯

尹宗伯崇基

薛學憲仲常

見十

品目

八國雅品

三十九

即

莫方伯子良

萬侍郎懋卿

茅副使順甫

馮光祿汝言

陸符卿子傳

周聘君公瑕

陸宗伯與吉

見十

何翰目元朗

萬禮侍

即

張錄憲玄超

秦方伯子成

謝山人茂秦

見十

俞山人仲蔚

王觀察元六

王儀部敬美

黃文學瀉父

張中丞肖甫

見十

徐兵憲子與

見十

吳學憲明卿

洪山人從周

張選部助甫

余憲副德甫

黎員外惟敬

見十

王大名陽德

見十

歐司訓楨伯

梁中舍思伯

陸山人無從

沙山人素則

郭山人次甫

李禁直惟寅



潘白嶽象安 康山人裕卿 梁文學伯龍

張太學幼于 鄭山人順卿 陳山人濟之

王太學百穀見十卷 莫文學雲卿 童太末子鳴

丘戶部謙之 張少恭安甫 華比部起龍

翟進士德甫 王戶部用懷 殷進士無美

朱光祿在明 黃伯子吉甫 葉山人茂長

張文學仲立 成季子玄復 孫太學齊之

俞伯子希顏附 管山人建初 鄔季子汝翼

顧季子嗣海 安仲子茂卿

右品後凡稱目者即前所序開文例也乃按卷

編次本集偶多同詠輩合作一卷間有一二家

互入不次特便緝閱耳此昉史氏同傳附例

閨品 洪武迄嘉靖凡十九人

郭國嬪善理 宣宗間其賢聘至都竟病卒封國

嬪事在淑秀集其自哀古體酷效蔡文姬尤得情性之

正屬墮辭於淹訣之頃春容永懷非聞道超悟者儔能

之推其恒居所必多雅詞僅見此篇惜哉古之宮閨

里巷之語頗關政化今閨品中刑於內範者自嬪始

王司綵 明音所載司綵宮詞一首頗道麗亦極庭

之艷發者惜乎不多見耳

中給事沈氏 按淑秀集沈聰慧善屬文入宮為中

給事 孝宗時試守宮論惟沈文最佳擢為第一

其送弟就試云朝迎鳳輦歸青瑣夕捧鸞書入紫微又

年來望爾登金籍同補華蟲上衮衣較之李唐更續裁

鑠之句故雅衛懸絕矣非直宮閨中語

閩州婦 明音作宋氏女子其題郵亭歌是自序體

殊悽惋剴切不詳其夫之姓字為僚佐所嫉監司坐

減被繫竟餓而死仍籍其母子婦置之金齒子復暴死

中野其婦一身奉老姑萬里之成狼狽甚矣歌末云妾

心汪汪澹如水寧受饑寒不受恥幾回欲墜江魚腹姑

存未敢先求死又姑亡妾亦隨姑亡地下何慚見夫面

說罷傷心淚如雨咽咽垂頭不成語讀此至再不覺潛

然獨悲其遭迴窮荒饑寒至困猶能從容文辭深得情

性之正蓋凜乎有烈丈夫風節者當續之古列女

而女郎鐵氏 鐵方伯禦靖難之師 成祖籍

其兩女郎於教坊輒獻二詩長云舊曲聽來猶有恨故

園歸去已無家次云骨肉相離舊業荒一身何忍去歸

倡並悲而婉稍稍開 上獲赦歸於良家

方氏 父從軍初為偽男子偕之還鄉值父卒即依

主舍劉氏子奇同學及長覺方女郎也奇作燕巢詩調

之方答云有雄兮將雌故不知句竟諧伉儷

孟居士

荆山居士其自號也孟論朱淑真云作詩

貴脫凡化質僧詩貴無香火氣鉛粉亦然余采中詩春

歸云無情最是枝頭鳥不啻人愁管啼書懷云天邊

莫看如鈎月鈎起新愁與舊愁不但無鉛粉氣且雅善

用虛字六魚去機之亞

陸寡婦

志尚端嚴觀其賣宅冠子二絕可見視今

純綺子曄盧揮金竟墜業傾緒死而不悔何歎

李夫人陳氏

中丞公昂之配道州士魁之母其集頗

富如綠繞郊原外青回遠近中又引泉竹溜穿雲入墮

周品

八國雅品

四十二

粉松花遠舍香深院雪消芳草綠小園風過落梅多情

致幽絕足為女郎之秀

朱靜菴

昔劉長卿謂李季蘭為女中詩豪余亦稱

朱為閨品之豪者或譏其配周非偶每形諸吟咏落梅

云可憐不遇知音賞零落殘香對野人余讀其鶴賦云

何虞人之見獲遂羈絡於軒墀蒙主人之過愛聊隱迹

而棲遲其與周偕老已見乎辭所詠虞姬又云貞魂化

作原頭草不逐東風入漢郊詞義頗烈意者周無叱咤

之狀何遂抵為野人耶斯窺之也薄矣

濮孺人賽貞

費文憲公敘外母集謂聰慧博雅詩

奇思無媿於士因號士齋其寄妹三四云寒栗侵肌

玉秋蓬亂鬢蟬

即所稱奇處

陳少卿妻 相傳少卿棄而取妻作寄夫云新人貌

如花不如舊人能績麻績麻做衫郎得着眼見花開又

花落晚唐葛鵲兒寄良人云胡麻好種無人種正是歸

時不見歸稍與同調

碧天道人 潘學使女歸裴氏采中五言云夜久人

未眠碧水蕩秋月未開雲外戶先聽水邊松七言云不

知燕子樓何處此際東風依舊回明月曉光移檻白芙

蓉秋色映江紅故玉階之賦純扇之詞詎足誇邪

周品

八國雅品

四十三

俞節婦

俞廉訪之母早起一首汝成自敘謂得之

先君稿中斷為吾母詩即其發端云喔喔者傲賓王詠

鸞體末作誰道天未明簷前見紅旭或云未若窓前掩

殘燭為佳

王素娥

錢唐喜晴云試看小舟輕似葉載將山色

過西陵思朗致新季蘭之後又得一俊媛

楊孺人黃氏

用修公歿後奉 改元詔得稱孺人

和孺人能詩余見南中少年多習孺人所為小令黃

鶯兒非只一闋及見劉安寧有用修手書卷亦有曰歸

其兩之句似用修代內修以其思多深僻也若出孺人

更當流亮故天分所限俞氏所纂春日即事一首

是祝英臺譏梁山伯而作余少時便聞梨園人唱此斷

非孺人所作為附證之恐傷閨體也文纂作張九亦非

陳孺人馬氏 魯南公繼室也俞氏所刻有並居集

如苦雨云嶺雲生屋角野水沒籬根謝寄鞋云無限巧

心勞遠寄露多不忍下階墀新致可誦昔之謝媛捷詠

鄭姬屬辭出自文士門風漸靡使然

孫夫人楊氏 文恪公志高繼室也夫人三子皆進

士列卿曹翰苑其寄諸子詩感喻兼到得箴規體不有

此母焉有此子忠烈世家文憲作於內範殆見國風之

國品

國雅品

品

子

盛其間鴈兩聯云川原萬里來何遠關塞千重度更多

曾寄尺書歸上苑還拖秋影落寒波以秋影寒波自對

即右丞東家流水入西隣例也此非深於詩不可得文

纂署楊夫人作非也

閨品目 自嘉中迄今凡二人

姜舜玉

趙燕如

王文卿

仙品 洪武迄嘉靖凡七人

張外史伯雨 外史清真高逸當時庶夫仲瑛輩咸

欽其風其詩如深谷幽蘭芬芳遠襲亦品中靈秀也

張真人無為 國初來真人稱詩者僅師一人其春

曉云弱柳搖烟落絮輕綠陰初長小池平思亦幽閒特  
非霞外語

盧大雅周養真

並羽流高逸周嘗被

文皇

帝所眷盧又為張外史所知知非恒人矣余觀盧之懷

古周之游仙鈞有思致周致在方內興在方外盧興在

方內致在方外古之沈冥無此累心處

張全一

世稱選過張即三丰也

成祖在藩

邸嘗遇三丰所與言多奇驗及即位遣胡忠安公訪

之且追及見張大雪中戴笠披簑尋復無踪時人得其

策草一莖烹而食之遂却疾永年其家故有沈香所雕

仙品

國雅品

品五

之

小像可只許嘉靖丙午間獻之 永禧仙宮其瓊花詩

云便欲載回天上去擬從博望借靈槎便負超凡氣

鄧羽 國初嘗為青陽令後棄官入武當山為道士

不知所終其寫懷云山頭月落虎長嘯海面風生龍自

吟亦自寓得道意嘉靖辛酉間茅山有秀頭者相傳時

有一虎隨之先公嘗延致之錫山三茅行宮壁上秀嘗

手題一聯云陟山驚虎嘯渡海挾龍吟句率類前余見

秀之談頗文似亦工於詩者恒有怪語載知非歷

錢月齡

錫中遺人有丹丘漫稿頗多吟咏其皴紅

榴破顰新粉竹含香之句如金盞酒深小閣幽致

仙品目

自嘉中迄今凡一人

笑道人少君

釋品洪武迄嘉靖凡十三人

福慧僧宗泐

泐公博達古雅寔當代弘秀之宗

高皇帝嘗奇之

賜令號其詩如乘蘆涉江雪浪凌空

步步超脫塵埃選中有不辭闕死多但限生男少心非

檣上帆隨風豈舒卷青山白雲際綠樹幽人盧松響風

忽來泉流雨初歇高帆天際遙獨鴈雲邊沒群動夜方

息白雲亦孤還都從陶韋乘中來

來復

復公富於題咏並多感慨所乏幽淨永惠蘭

釋品

聖六

若云楓林不驚虎臥石山兩忽來龍聽經頗頗驚拔

一初 仁公嘗供事

高皇帝其為詩秀麗夏

拔如鷄鳴谷口風木落溪上雨又夜輕有聲都是雨春

山無處不啼鵲風度鐘聲來北固帆將燈影過楊州虎

石半銷金氣盡翠崖中斷劔池開溪雨初晴雲更白湖

霜未落草猶青可並淨土蓮花是綽約含空之語

機先妙聲

並洪永間高僧明音所載機有虎丘聲

有榆城各一二首未脫元調聊備品中一流

良琦溥洽道源

文纂所載琦題贈顧玉山二作其

與仲瑛游亦是高逸沙門也至洽之應制東橋源之吳

江晚泊又琦之亞矣

明秀 秀公所游皆王陽明孫太白鄭少谷沈石田

輩知是高流其雪江集句如朔風吹斷鴈斜日照荒荆

津亭然夜火江市贈鱸魚世難還看劒家貧不廢書又

海郭清砧寒近搗山樓短笛夜深吹絃裁勦淨如空際

風幡迴出凡境不減道林思致

魯山

獻吉云魯山秦人也喜儒嗜聲音仲默亦云

讀書好咏嘆懷善談余觀其樓閣集頗事行脚嘗歷終

南太行峰巒以多勝致其越平吳亦盡劒去水空流

寒煙疎樹自秋蕭上階生之句亦自閒雅

釋品

八國雅品

聖七

果斌 余辛酉秋寓半峰竹亭中與斌公嘯咏者月

餘嘉其欣欣不愧得遠公雅致其為詩多在中夕沈思

苦索得之就應揮毫亦所能也余謂公作詩如南能

石碓米已熟但欠篩在雖出一時調語今觀集中尚堪

播揚其七言是元調意勝於格往往有遠趣五言多有

佳者如鳥栖雲外樹龍飛鉢中蓮谷響珠泉落巖危草

閣懸是神駿語亦恍然靈一之選

方澤方益

二方並小品藻才初不詳歷澤集中有

寄同學怡師任天自殆即此是山僧也其燕坐云物虛

城是經心遠地皆山味其音旨是頓悟語蓋初居聽松



嘉中住惠山寺先生嘗有買其山作宅兆者訪益於泉  
上曰師有新咏符誦之益率意答云道人偶得題竹有  
新句聽松無舊廬之句遂撫然傾意咸嘉其深致余少  
時屢與益劇談其辭理俱爽指靡不韻才辯足以弘教  
者不徒工為詩惜其稿盡零落靡舉附於品末

釋品目 自嘉中迄今凡一人

希復

雜品 嘉中凡二人

谷郎准

釋而秀特頗好博覽兼善音律日以文翰

為業酷昉文徵仲書法輒備書為計其家詆為書癡初

雜品

八國雅品

四九

識准於澄江張學士舟中嘗出一帙示余曰即此郎之

詩殊有雅致余憐其文而中折乃錄其數章五言如逝

水去不返歲月寧異茲歲易愁還盡窮途病復多十年

江上病千里客中懷七言云此夜美人何處所若非為

雨定為雲數日積陰氣候變薄暮飛雨半成霰此例輒

寓栖栖疚心悲哉其為之也俞汝成稱計有功唐詩紀

事末載傑品郭捧劍朱戟門二家因及歐博士書記李

生余按梁嶠詩品便載惠作長即顏師伯幹者則計亦

昉於此乎矧准之詩始出捧劍戟門之右寧可廢哉

王芳遠答黑麻

朝鮮大首長元永樂初 詔諭本

國芳遠詩以獻之至黑麻西湖之作頗見慕華真切其  
詠文藝絕句相傳是成化間日本夷人入貢所作不詳  
姓氏二辭雖未工實 列聖右文八荒向化丕緝  
我 明之盛斐然光烈故初唐新羅之頌不足顯美於  
永徽云

雜品目 嘉隆間凡一人

李生英

國雅品終

歲癸酉二月月幾望雨閣清燕藝香淪茗細細覆校

雜品

八國雅品

四九

一過似無訛舛矣斯編信可傳之百世當與殷璠高

仲武元結姚合輩頡頏匪倭匪倭先是同校友人周

天球童珮朱在明俞淵葉之芳成瀉其從子道瀚子

祖源祖河祖漢也并列之同里皇山人姚咨識

勾吳武陵郡  
奇字齊新雕



國雅卷之一

勾吳顧起

高侍郎名啟字季建號青丘生長洲人洪武間歷官戶部侍郎有在鳴集時稱高楊張徐四家

燕歌行

清商變節朱火連嚴霜塗庭井木腓邊城早寒未授衣  
念君遠征不能歸涼風時來動中開蟻蛸在戶熠燿飛  
賤妾宵興歎無依簪珥不施滅容輝欲寫憂思撫瑟微  
君今不在聽者稀啓明未出燈已微愛而不見徒歎秋

長門怨

憎寵一時心塵生舊屋金苔滋銷展迹花速度鑿立暮

國雅卷一

一

何

雀重門迥秋螢別殿陰君明猶不察妬極是情深

雨雪

雨雪暗桑乾深愁沒馬鞍臨關將月認覆積作沙看不  
阻胡兒獵聊供漢使餐春風消不得三月戌袍寒

王明君

都門塵拂春風面臨別看花淚如霰君王惆悵惜蛾眉  
不似前時畫中見白髮呼韓感漢恩寧胡謾號關支尊  
璽裘肉食本異俗不如但嫁巫山村黃沙白雪無城關  
手冷鳴弦夜彈歇相隨萬里到穹廬只有長門舊時月  
妾語還憑歸使傳妾身及虜不須憐願君莫殺毛延壽

留書商巖夢裏賢

行路難

君不見盤中鯉暫失風濤登俎几君不見枝上鶯繞出  
糞壤凌雲霄推移變化詎可測勿謂明日同今朝出乘  
高車入大馬半是當年徒步者范叔曾逃客溺餘衛青  
亦在人筭下悠悠行路莫相欺爲雌爲雄未可知  
逢雲巖僧元實將赴湖上

早懷塵外想每訪林間踪空齋哦夜雪共聽雲巖鐘西  
澗已久別東城忽相逢還當衣袈裟去坐湖上峰喧寂  
既殊調無因復追從倚閣一遙送秋山紅樹重

國雅卷一

二

何

蘭門行

行行光祿塞望望單于臺天寒水草盡萬里孤軍來中  
國多荒土窮邊何用開

堂上歌

堂上歌歌南山主人爲歡仰客顏翠帷夜卷出兩鬟移  
尊更飲花樹間花樹間有明月客不醉歌不歇

隴頭水

人間何處無流水偏到隴頭愁入耳夜雜羌歌明月中  
秋驚漢夢空山裏隴坂崎嶇九迴折聲隨到處長嗚咽  
欲照愁顏畏水渾前軍曾洗金創血回頭千里是長安

征人淚枯流不乾

少年行

下直平明出禁門笑提博局伴王孫寶刀不敢輕輪却  
明日沙場欲報恩

長安道

長樂鐘聲動平津樹色開中郎長戟衛丞相小車來新  
成賜將第更築候神臺誰念公車客空懷作賦才

猛虎行

陰風吹林鳥鵲悲猛虎欲出人先知日光燿燿當路坐  
將軍一見弧矢墜幾家插棘高作門未到日沒收猪豚

高侍郎

八國雅卷一

三

猛虎雖猛猶可喜橫行只在深山裏

野田行

白楊樹下誰家墳火燒野草碑無文路傍尚卧雙白馬

行人指是故將軍當時發卒開陰宅千車送葬城東陌  
子孫今去野人來高處牧羊低種麥平生意氣安在哉  
棘叢暮雨棠梨開百年富貴何足恃雍門之琴良可哀

虞美人曲

明月帳中泣悲風營外歌彷徨夜驚起何事楚人多迴  
燈擁綠髻向劍斃青蛾效命自無恨君王其奈何

大梁行

天際四面平如砥西去咸陽一千里魏王此地昔爲都

宮闕中天碧雲起車聲鞦韆夜未休帶甲十萬名蒼頭  
撞鐘列鼎宴上客奉金走幣連諸侯信陵真是賢公子  
富貴不驕天下士已訪侯嬴到里門復迎朱亥經屠市  
傾身折節世莫同緩急竟賴斯人功邯鄲秦軍一椎破  
七國震動聞英風古城重過爲搔首幾度秋風落楊柳  
沼上應無鴻鴈來苑中只有狐狸走立馬塵沙日欲昏  
悲訝感慨向夷門豪華多少同銷歇獨有高名今尚存

春江行

春江南北疑無岸綠草綠波連不斷一女紅粧出浣紗

高侍郎

八國雅卷一

四

恰如鏡裏見桃花袂衣猶冷過寒食雲度春陰半江黑  
浦口風多潮正深輕舟搖蕩似人心鵲鳴暮啼歸路遠  
飛絮茫茫楚王苑

聞角吟

驚起黃榆塞下鴻一聲鳴軋戍樓空此時吹動關山意  
十萬征人歸夢中玉帳尋弓夜初起月白不知霜似水  
餘聲散作滿天愁風吹不入單于壘

打麥詞

雉雛高飛夏風暖行割黃雲隨手斷踈莖短若牛尾垂  
去冬無雪不相宜場頭負歸日色白穗落連枷聲拍拍

呼兒打曬當及晴雨來怕有飛蛾生卧驅鳥雀非愛惜  
明年好收從爾食

憶遠曲

楊子津頭風色起郎帆一開三百里江橋水柵多酒鑪  
女兒解歌山鷓鴣武昌西上已陵道聞郎處處經過好  
櫻桃熟時郎不歸客中誰爲縫春衣百頭空問琵琶卜  
欲歸不歸在郎足郎心重利輕風沙在家日少行路多  
妾今能使烏頭白不能使郎休作客

賦得桃烏送別

何地芳菲滿吳趨曲陌西藏經非漢壘種樹似秦溪未  
曙忽霞起過春猶雪迷葉開渡江唱花憶映門題折時  
或傍水邊處每成蹊偶來因送客腸斷有鶯啼

聞張著作值雨宿陳山人園因寄

芳月抱深惻佳遊關迫攀聞君獨命駕遠造幽人開春  
園花絮稀啼鳥池上閒留連宿煙閣尊酌解離顏遙想  
清夜徂鳴絃竹林間非因雨成滯興慙自忘還

宿幻住樓雲堂

窓白鳥聲曉殘鐘度溪水此時幽夢迴獨在空山裏松  
巖留佛燈葉地響僧履余心方湛寂無使羣動起

送程校理遊江上

風亭裏離管草綠江水暮送此南浦人孤帆雨中渡別

觴足自緩前驛花滿路春叢戀山鶯晚絮迷汀鷺我今

獨愁居芳月誰與度佇立望遙波相思積烟霧

僧齊聞雨

寂寂初罷語悠悠未成眠高齋有春雨夜半落燈前已  
傷花委樹復念水盈田老衲獨無聽繩床方坐禪

獨酌

白日下午遠山風孤高柯蕭條掩關卧暮雀忽已過我  
有羈旅愁如拖沉痾起坐呼清尊獨飲還獨歌一斟

解物累再酌起天和數觴竟復醺翻恨愁無多所以古

達士但飲不顧它回頭向婦笑戚戚終如何

晚臥丁校書西軒

窓月澹欲失曉曉過初曙屋外鳥聲多應知有嘉樹殘  
香掩幽寢未事澄紛慮頗似宿東巖僧齋竹深處

黑河秋雨引賦趙王孫家琵琶蓋其名也

胡天夜裂天再泣雲壓鴈低翔翅濕羣王醉影抱寒驚  
龜殿嘈嘈箭鳴急紅冰淚落哀燈下倒卷河流入絃瀉

瘦駝臥磧歇鈴車朴朔陰沙鬼行野漠魂私語黃風淒  
都護營荒咽凍盤蘭山木葉連愁起散入塞門塵萬里

夢斷金蟾隔煙小青塚埋聲秋不曉

初入京寓天界西閣對辛夷花懷徐七記

去年寺裏開辛夷君來憶我曾題詩今年我  
已去

思君還對花開時欲尋花下君行迹日暮  
古苔碧

殷勤把酒問花枝看過春風幾行客

與客飲西園花下

一壺酒正滿一樹花仍新傾壺對花樹  
西園春不

愛枝上花愛此花下人相逢莫學花無賴明日分飛隨  
路塵

路塵

吳中逢王才隨朝京使赴燕南歸

江南草長蝴蝶飛白馬新自燕山歸燕山歸不堪說易

水寒風蕭門雪朝邸空隨使者車禁闌不受書生謁一

杯勸君歌莫哀歸時應過黃金臺不見荒基秋來上花

紫伯圖已歇昭王死千載無人延國士

晚次西陵館

晚次西陵館

匹馬倦嘶風蕭蕭逐轉蓬地經兵亂後歲盡客愁中晚

渡迴潮急寒山舊驛空可憐今夜月相照宿江東

早春侍 皇太子遊東苑池上呈青坊諸公

銅輦出紆徐春宮畫講餘戟煩郎將衛簡授大夫書草

長園鳴鹿水開沼躍魚從遊伴  
皓豸竊愧何如

春日退直呈禁署諸公

詔直東華歸休每日斜職連詞客苑俸入酒胡家  
簷網長縈絮庭磚欲過花知君未出院應草侍中麻

送曾主簿之平樂

路出桂江東鄉音想未通蛇飛山苦霧鵬運海多風木

魅長欺客花蠻少學農縣廳何處在桺葉晚陰中

送思上人

名林雖盡廢南去只隨緣野飯晨留鉢城鐘夜到船虎

馴應畏法鳥喚不驚禪它日期相見高峯舊塔前

客館秋懷

獨卧愁空館墻陰野荳開暑將潮氣歛秋與竹聲來身

賤多違志時清少棄材慙非張仲蔚門戶有蒿萊

喜了上人見過

幾時西澗別忽喜過家園澹泊林間供虛空世外言荳

花零晚架瓜蔓絡秋垣莫厭頻相顧衡門久息喧

郊墅雜賦三首

幽事向誰誇孤吟對晚沙浣衣江動月繫艇岸垂花行

蟻如知路歸鳥自識家一尊茅屋底隨意答春華

入夜潮侵戶經秋雨壞垣里人淳少訟田父醉多言稻

蟹燈前聚莎蟲機下喧  
應就野趣不是戀鄉園

野色迴蒼蒼開門葉滿塘僧來雙屐雨漁卧一船霜靜



香傳聞中錄酒方平生當世意到此坐成忘

京師秋興次謝太史韻

柳外秋風起 御河京華客子意如何伎同北郭知應  
濫俸比東方愧已多梁寺鐘來殘月落漢宮砧斷早鴻  
過不材幸得同趨 闕幾度珊瑚候曉珂

送石上人還四明育王寺

解夏還尋舊寺棲滿船黃葉過長溪袈裟影入秋山遠  
舍利光懸夜塔低鶯識講時常繞聽猿知定後不驚啼  
却慚擾擾塵中客覺路如今去尚迷

夜聞吳女誦經

高侍郎

六國雅卷一

九

全

雲窓月帳散花多聞讀金經夜半何嬌舌乍彈鶯學語  
芳心已定井銷波尼師曾教青蓮偈女伴徒爲白苧歌  
聽處若迷空色相應須愁殺病維摩

送隣僧淡雲歸竺澤

往來海上獨離群雅稱身名是澹雲經院葉深秋講散  
香臺鳥下午齋分坐間山偈曾同說別後隣鐘不共聞  
竺澤剎時尋舊業菱池漠漠月紛紛

賦得寒山寺送別

楓橋西望 微寺對寒江獨掩扉船裏鐘催行客起  
塔中燈照遠僧歸漁村寂寂孤烟近官路蕭蕭衆葉稀

須記姑蘇城外酒烏啼時候與君違

聞朱將軍戰歿

江浦戈船赤幟稀孤軍落日陷重圍鏡中蛇虺占應驗  
牙上梟鳴事已非殘卒自隨新將去老親空見舊奴歸  
聞雞此夜誰同舞西望秋雲淚灑衣

登涵空閣

滾滾波濤漠漠天曲欄高棟此山顛置身直在浮雲上  
縱目長過去鳥前數杵秋聲荒苑樹一帆暝色太湖船  
老僧不識興亡恨只向遊人說往年

陪臨川公遊天池

高侍郎

六國雅卷一

十

全

騎馬尋幽度嶺遲老僧不識使君誰門開紅葉林間寺  
泉浸青山石上池殘果已收猿食少枯松欲折鶴巢危  
壁間不用題名字無限蒼苔沒舊碑

江上晚眺懷王著作

渡頭西望足離情晚水寒山雪後清鷗立斷水流漸遠  
鴉隨殘照去還明漁人笛過風生浦估客帆迴樹隔城  
范蠡祠前春意動思君欲放酒船行

西寺晚歸

遠寺別僧歸隨鐘出烟嶺犬吠竹林間斜陽見人影  
龍門飛來峰



風吹峨眉雲東依此山住我來不敢登只恐還飛去

送人游湘中

離恨掛帆檣隨君遠入湘飛花蕩春影江水不勝長

蔡村田家

田中耒聲坎烟火西林起獨立候歸人柴門夕陽裏

聞舊教坊人歌

渭城歌罷獨悽然不及新聲世共憐今日岐王賓客盡

江南誰識李龜年

江上偶見

阿姬不畏晚寒多綠舫紅衣柳下過滿浦秋荷已零落

高郵即  
楊訪

十一

如何猶唱采蓮歌

楊廉訪

名基字孟誠吳郡人洪武間  
歷官山西按察使有眉卷集

結客少年場行

情如飛絮任悠揚心與遊絲共短長花底若教連日醉

坐中猶可少年狂新調錦瑟爭傳譜巧製羅裳別貯香

衣以鳳翎分縫織帶將蛇角遍鞭粧豪名獨擅鞦韆社

俠氣平欺蹴鞠場白壁一雙酬劍客明珠百斛買胡娘

金丸挾彈章臺左寶騎聞爭太液傍梅子短牆羞擲果

桃花深戶笑求漿每嘲春比人先老不信愁如海巨壘

猶有舊時桃李夢尚隨蝴蝶到遼陽

漠漠山中雲

漠漠山中雲豈是山上石天風一飄蕩雲與山俱碧白  
雲嵯峨不出山道人心與山雲閒明朝我亦乘雲去相  
遇蓬萊縹緲間

挂劍臺和黃子邕

語諾諾尚淺死諾諾更深當時季子意卽是徐君心嗟  
嗟徐君骨已朽寶劍摩挲在吾手正擬臨岐解贈君不  
意挂君墳上柳挂劍果何益聊以明不欺當時讓國心  
肯使徐君疑於乎劍可折臺可墮死生之諾不可虧

淮陰祠

楊訪

一作卷二

十二

全

朝登信城暮謁淮陰祠荒祠屋瓦落古木聲差差當  
時握漢兵劉項交相持舉足有輕重不負高帝知區區  
假王封何足遽見疑全齊七十城寔爲陷穽機廬縮且  
稱王耻與絳灌隨居常猶快快握手逢陳稀事起倉卒  
間不意咸誅夷呂后固不仁鄭侯亦忍爲先王重報功  
無乃此道虧至今淮水南落日啼鳥悲津頭有漂母一  
飯竟哀誰

懷舊業

春館坐微雨午堦蘭氣清以茲魚鳥性遂適園林情嘉  
樹細花落清池圓葉生芳辰與幽真欣此一來并

新開值雨

殘虹曉落西陂岸雨脚斜飛鷗鷺亂扁舟盡日畫中行  
荷葉荷花香不斷船頭老翁一尺鬚斗量菱角蕪賣魚  
兒能鼓枕女蕩楫何用聰明多讀書

詠七姊妹花

紅羅關結同心小七並參差弄春曉盡是東風兒女魂  
蛾眉一樣青螺掃三姊妹四姊妹嬌綠窓虛度可憐宵  
八姨秦國休相妬腸斷江東大小喬

題長江萬里圖

我家岷山更西住正見岷江發源處三巴春霖雪初消  
百折千回向東去江水東流萬里長人今漂泊尚他鄉  
烟波草色時牽恨風雨猿聲欲斷腸

江村雜興二首

春塹一鳩啼橋危懶過谿徑苔都上壁野菜不分畦倚  
杖妨花密看山碍竹低欲知幽隱處風雨白門西  
將雨山光黑初晴樹色青賣薪沙店遠占穀瓦甕靈石  
枕支願冷江瓢漱齒腥醉餘春睡熟長得鳥呼醒

懷翟好問

愛爾山城隱柴門對縣衙酒貲千畝芋生計一園瓜雨  
步荷巾濕風吟蓆帽斜時時扶短杖看竹到東家

秋日郊居雜興

落葉擁柴扉村深客過稀曉車分轂去晚笛飯牛歸漁  
負雨蓑立鳥銜霜果飛此中真小隱予亦久忘機

送王中公之上海

薄宦依東海孤城隔戍烟花疎寒食後人遠暮帆前深  
巷編蒲履斜岡種木綿毋煩厭荒寂微祿有畬田

沙河雜詩

舊說盱眙縣居民不掩關雞聲啼鳥上人影落花間簾  
幙層層雨樓臺面面山惟餘孤塔在秋蘚綠斑斑

雪中燕

燕雪兩差池相兼拂繡幃玉樓迷故壘珠箔見烏衣斜  
訝衝花落輕疑掠絮飛曉寒人未起還認畫梁歸

岳陽樓

春色醉巴陵闌干落洞庭水吞三楚白山按九疑青空  
濶魚龍舞娉婷帝子靈何人夜吹笛風急雨冥冥

示楊水西

親老更家貧將歸未有因相逢難說與君是故鄉人

咏眉

笑學畫得勻烟柳闌輕翠莫對初生月姮娥妬殺人

殘雪

庭雪半消殘猶存舊臘寒春風如有意留待隔年看

鬪草

珠玉賭牙籤爭奇手自拈一籌矜獨勝袖有謝公髯

春草

嫩碧柔香遠更濃春來無處不丰茸六朝舊恨斜陽裏

南浦新愁細雨中近水欲迷歌扇綠隔花遙襯舞裙紅

平川十里人歸晚無數牛羊一笛風

國雅卷一

八國雅卷一

主

全

賣袍

鷓鴣行中舊賜緋團花分縫織秋葵齊宮夜直鷄前着

內殿春朝馬上披仙露滴身猶點點御香薰袖尚離離

山中無復瀛洲夢換取金錢作酒貲

過豐城

雲樹參差接遠汀隔沙誰識是豐城芙蓉不禁行人採

薜荔多依古樹生寒店雞聲烟寺遠江鴻影暮川晴

欲將三弄桓伊笛吹向船頭喚月明

詩作

春暮西園雜興

疎簾影漾微波庭戶無人鳥自過一樹楊花三日雨

沈氏春水綠萍多

登宋宮故基

上皇宮殿碧參差嗟我來登見廢基盡道河邊金線柳  
腰肢猶似李師師

無題和唐李義山

夜合花邊待月來宮中軋轆響春雷笙調恨譜參差度  
錦織愁紋宛轉迴樓上綠珠知報主座中紅拂解憐才  
傷情兩炬絳羅燭吹作銀荷葉上灰

張司丞名利字來儀海陽人洪武間  
歷官太常司丞有解居集

雨夜

國雅卷一

八國雅卷一

十六

寂閣去門遠春雨荒園夕誰謂在人境死似空山客禽

歸暗竹喧風斷疎鐘寂戚戚寒懽良宵端可惜

始聞早砧

寂寂秋景晏蕭蕭涼吹生閨人感寒至一軫遠人情嘹

亮清砧動紆徐雙杵鳴微茫帶烟遠蕭疎出林輕此時

離居客單眠夢亦驚披衣一惆悵斜月滿山城

飲酒桂花下

端居無所娛賞心寓草木亭亭巖中桂開花慰幽獨對

月延清芬憑風遞輕縷千林向搖落對此聊自足攀條

懷舊隱玩芳華駐蹕一囊黃金花泛此芳樽醉

望西山懷子文

竹色悅朝雨鳥鳴人正閒  
拄頰信手板遙詠西樓山  
企彼巢居士高眠石林間  
團團青桂樹歲晏待予攀

寄中竺泐季潭

師從鍾山來遺我故人書  
一入白雲去相思秋雨餘  
徒慙塵土迹來擬竹林居  
遙想中峰月清梵滿空虛

暮歸聞許文學枉顧

留連東齋飲迢遞獨歸遲  
忽逢山僧話知枉故人期  
月華窓上動禽響竹間移  
不遇君閒咏悠悠清夜思

題胡玄素畫

國雅卷一

十七

我有一區宅寄在匡廬山  
香爐起戶外瀑布落簷間  
梅老花空發草芳人未還  
惟有藤蘿月夜夜照松關

咸陽宮行

客言咸陽宮亦廢有民種瓜其上感而述賦

百二山河蒙祖力六雄仰開不敢敵  
金人十二高崢嶸天下甲兵從此息  
天子曉御咸陽宮樓閣高低複道通  
千石之鐘萬石簷遙聞天樂在虛空  
宮車隱隱春雷起渭川曉漲胭脂水  
六宮粉黛漫如雲不救明年祖龍死  
榮華奄忽何可論千門萬戶無復存  
遺墟久被民家占四望空餘瓜蔓根  
行人爲問瓜田老地上揮鋤休草草  
荆軻昔日猛如狼曾來此地見秦王  
百夫之勇猶披靡

唐突可取爾

趙魏公竹枝歌

趙魏公宋王孫風流白晢更能文  
丹青自比董北苑書法蕪工王右軍  
至元詔書徵草澤召見廷中推第一  
三府趨朝賀得人萬乘臨軒賜顏色  
殿前落筆侍臣驚雞林象郡總知名  
夫人通籍宮中宴兒子承恩內裏行  
一家三人書總好天子頻稱古來少  
疏廣歸來有賜金張芝閒處多章草  
全盛須臾那可倫百年喬木易成塵  
淒涼故宅屬官府零落諸孫隨市人  
空留遺跡傳身後一紙千金爭欲售  
屏風畫絕爲誰收團扇書工亦何有  
唐

張司丞

國雅卷一

十八

送客還山

乍見卽言還望雲歸遠山舟行白鳥外  
路出綠陰閒隣父開松徑家童掃竹關  
世途方擾擾誰復似君閒

遊山寺

紅塵飛不到一寺倚巖陰松老知僧臘  
潭空悟佛心古碑蒼蘚合踈蘿白雲深  
坐久生幽思斜陽下遠岑

贈僧還日本



去隨綠鄉山在日邊遍參東土法頓悟上乘禪  
水龍歸鉢翻經浪避船本來無去住相別與潸然

### 秋夜臥病

清齋夜方寂臥病誰相親秋螢如有意殷勤來照人

### 雪川舟中

兩岸茗花水一溪白沙浦口放船時斜陽目送南飛鴈  
過却好山都不知

### 取勝亭感舊

綠雨微消紫陌塵湖光冷落似無春朱門記得曾遊處

楊柳青青不見人

國朝卷一

徐方伯

名貴字初文吳郡人洪武間歷官河南左布政有北郭集時稱十才子初文其一也

### 古別離

清晨戒嚴裝送別河之干北風塞土起黃沙浩漫漫  
雪日以繁徒旅日以寒不悲道路遠所愁衣裳單  
義不可頓使摧心肝流光信奔馳君歸有時待但惜  
年去坐令顏色改

### 名都一何綺

名都誇綺麗千門爭向開射熊舊開館迎鳳新築臺  
鼓金吾過駿馬玉璫來縱橫九衢裏日日逐塵埃

別離曲一作送主簿之華亭

小風吹霜榆葉老城鴉傳聲天欲曉征徒出門駕行裝  
斗杓倒懸月無光我停露車客停馬荒烟蕭蕭暗平野  
一盃濁酒且須傾九月垂楊不堪把歌聲感激絃聲繁  
坐土醉人爭笑喧相逢相別皆草草心事如絲向誰道

### 長歌復短歌四首

長歌長短歌短百歲人生那得滿昔不樂今何如少年  
馬用多讀書系樞璫為窮儒

短歌短長歌長男兒有足行四方數在馬輪在車請君

莫言道路賒安能局束長在家

長歌短歌短歌起春風吹入行人耳壯年少老日多人生

國朝卷一

短歌短長歌續百年碌碌復碌碌交者多知者少取次

論心皆草草志士樓遲眼中老

農父謹送顧明府由吳邑陞常熟

我家茆屋臨官道前種桑麻後梨棗年年力作不違時

人有餘糧牛有草官長下車今五年老身不到州縣前

鄉無吏胥門戶靜家家盡稱官長賢大男入郭買田具

始知官長移官去來時憶向官道迎今日去時須送行

攀轅欲留留不止我民倉惶彼民喜殷勤再拜官道傍

願獻三江一杯水



同高記室訪虎丘蟠菴二上人

林下曾相見重來記往年笑談俱是法去住本無緣山溜泉通脉簾陰竹護烟暫忘人世事得此

兵後過翠亭山

翠亭西去遠一過一凄然鴈宿蘆中月人歸草際烟漁家多近水戎壘半侵田尚喜餘民在停舟問昔年

題春江雲舍

舍遠深藏樹沙虛暗宿雲春江孤艇度迷幾家分出澗泉皆雨當門草是芸花時重相約載酒此逢君

馮山人湖上別業

宅近南湖口青山盡在門田卑嘗冒水鄰少不成村住久諳農事耽閒悟道言如君避地者今有幾家存

送思上人

一瓶與一錫遊越復遊吳到寺長逢舊看山每過湖飯緣隨處有法意本來無南地多猿鳥還驚梵語殊舊作鹿佳

送袁伯貞之湖廣

尋常送別自堪憐君去那能不悵然客路有蘭知楚地驛亭多雨憶吳天離鴻一一風檣外寒水迢迢雪嶂前後夜相思千里隔江鄉梅柳是新年

咏芙蓉送朱仲垣歸越

南晴送客柳塘西野水芙蓉滿大堤一畝看花何處好樓船直到若耶溪

折花背立美人圖

繡罷春衫出閣遲辛夷花下立多時內園盡日無人到不省含羞怕見誰

折蓮子呈孟載

落盡紅衣見綠房折來猶帶水雲香柔絲零落芳心苦未及秋風已斷腸

上青山尋王張二山人不值

此日尋君竟不逢閒行直到最高峰歸時已是斜陽後

惆悵荒山寺裏鐘

倪隱石名璣字元鎮別號雲林子無錫人生於元季性行高潔洪武初徵徵不起詩畫擅於時俞子中見過

積雨參芳歇新晴生綠陰獨眠方不悵多子復相尋鳴鹿在春野啼鶯聞遠林余懷良已罄咏嘯罷清琴

悼朱高士

秋日高人逝微霜蕙草摧鶴羣空碧沼鶴影自層臺應馭冷風出疑隨密霧來松杉蒼蕭瑟撫事有餘哀

寄庶夫

吳淞江水春汀洲多綠蘋彈琴吹鐵笛中有古衣巾我

欲載美酒長歌東問津漁舟獨鷗鳥花下訪秦人

又贈道益并似陸明本

作賦雲間陸能詩鄴下劉悲秋多遠思挾枕慙遊竹  
冷侵衣屨窓虛見斗牛燈前一杯酒漂泊更維舟

題元朴上人壁

蕭條江上寺迢遞白雲橫坐待高僧久時聞落葉聲  
夷懷往躅張翰有餘情獨棹扁舟去門前潮未生

七月十四日對雨

雨簷驚瀉瀑江漲忽通渠古砌羅秋草荒畦綴晚蔬  
稍開雲表月還掩篋中書欲話幽貞意忘言已久如

不國雅卷一

三三

貽文舉

波光浮翠閣苔色上春衣楊柳鶯啼速櫻桃鳥啄稀  
榮名非所慕登覽意忘歸泐水宜脩禊重來坐釣磯

雨儿

雨儿唯生睡村醪不解愁泥塗深溺象身世渺浮漚  
逕草紛披濕林扉慘淡秋何人富春渚五月被羊裘

賦德機徵君荆南精舍圖

結廬溪水南勝處足幽探夏果沿山雨春衣染夕嵐  
石欹招鶴磴門俯射蛟潭日日繁歸夢蕭條雪滿簷

徐氏南園對雨

櫻桃花欲落春雨暮淒淒忽憶車園日竹林通磻西  
苗滋野逕蘭葉長芳畦念我當時友蒿萊沒舊蹊

泊舟

泊舟嘉樹下開牖碧江潯慨然念黃落悲景息清陰  
多暇觀魚鳥容與一登臨蛻跡塵喧久欲寒天機深

奉和虞學士賦上清劉真人畫像

君向積金峰頂住長年高臥聽松風蓬萊雲近瞻天闕  
劍佩春明下漢宮歸去長謠紫芝曲翩然遠挹黃眉翁  
標名合在諸天上何事置身巖壑中

留別王元用

不國雅卷一

三四

秋蛩唧唧雨蕭蕭楮穎陶泓伴寂寥此去不能期後會  
清言聊以永今朝濕雲窓裏初溫酒白鳥汀前又晚潮  
故國何人賦招隱桂花零落更停橈

吳中

望中烟草古長洲不見當時麋鹿遊滿目越來溪上水  
流將春夢過杭州

聞竹枝歌因效其聲二首

鈿山湖影接松江橘葉青青柿葉黃要寫新愁寄音信  
西風斷鴈不成行

江流不住楚山青船到潯陽幾日程不忍寄將雙淚去

潮落又潮生

田家

山鳥下窺窓牖春風時過柴門避世何須鄭谷作書已絕巨源

題畫

畫盡溪頭喚渡銅棺山下尋僧水榭汀橋曲曲風林雲磴層層

畫贈呂志學

掩書臥空林白鶴飛來獨冥心想廬霍畢願栖天目寂寞竟何言陂塘春水綠

倪隱君

大國雅卷一

三五

成

江南曲

春風顛春雨急清淚泓泓江竹濕落花辭枝悔何及絲桐哀鳴亂山碧嗟我胡爲去鄉邑相如家徒四壁立柳花入水化綠萍江波搖蕩心怔營

懷古

仙人悲世換宴景在清都寒暑自來往英雄生釣屠錢塘江畔柳風雨夜啼烏

楊廉夫

名維禎字廉夫號錢崖會稽人元季儒學提舉洪武初聘應修史隱于雲間

筆策吟

贈別客杜寬用趙季文韻

春風吹船下揚州夜聽遠聲江月流故宮搖落楊柳秋

於邑山陽愁明朝此聲不可求乃知朔客杜寬

手持悲策尋南遊胡笳拍中愁未休龜茲角筦親編收王門歷盡及五侯翩然鴻飛不可留蓬材既訪柯椽鏤更協鳴鳳崑崙丘卷蘆易地鳴隴頭城南思婦詞牽牛欲絕未絕一縷抽劃然石裂千丈湫叫噪鵲鵲飛蛟蚪洞庭之水天東浮杜寬杜寬藝絕優藝隱豈比閔張作推津儔爲君賞美酒不惜千金裘和我君山鎮郭遂與爾同登黃鶴樓

張猩猩胡琴引有序

胡琴在胡爲二絃子在北爲今名亦古月琴之胡琴在胡爲二絃子在北爲今名亦古月琴之

張猩猩

人張猩猩者絕妙於是時過余索金剛

五六

才

張猩猩嗜酒復嗜音春雲小宮鸚鵡吟猩猩帳底軋胡琴一雙銀絲紫龍口瀉下驪珠三百斗劃焉火豆爆絕弦尚覺鶯聲在楊柳神弦夢入鬼工秋湘山搖江江倒流玉兔爲爾停月日飛魚爲爾躍神丹西來天官坐栲栳老絲啁啾聽者惱張猩猩一曲獨當筵乞與五花金線襖春風殘絲二十年江南相見落花天道人春夢飛胡蝶手弄金瓢卽金剛合黃葉張猩猩手如雨勸爾更盡雙巨羅白頭吳娥年少詞金剛悲啼柰樂何

雉城曲手洗一作手挹

盪舟橫塘去塘上野鶯鶯鶯鶯忽飛去相見雙女郎齊  
唱雉城曲共製夫容裳手洗藕花露勸君荷葉裏何以  
報永好解佩雙明璫妾住雉城裏不是雉城倡

采桑詞

南史徐妃淫妬私通左右帝疾之賜死又製金樓子以述其淫行

吳蠶孕金蛾吳娘中夜起明朝南陌頭采桑釐不理使  
君從何來調妾桑中意不識秋胡妻誤認金樓子

采菱曲

東坡一作未過

若下清塘好清塘好若耶鶯鶯飛鏡浦鵝鵝睡銀沙兩  
槳夾蠅臂雙鴦大牙照波還自惜艷色似荷花袖惹  
紅萍濕似翠蔓斜大堤東過客背面在蕙葭日落江

國雅卷一

二十七

邵

風起清歌襟咲咲

虎丘篇

銀河或作銀海

路出女瀆湖警蹕霸王驅霧池飛霹靂枯塚走於菟老  
禪猶點石仙鬼只疑狐祖龍來發闕銀河又飛鳬

要離塚

金昌亭下路春草沒荒丘云是要離塚令人生古愁侏  
兒三尺幹不佩雙吳鉤中包猛士膽白日照高秋忍死  
屠骨肉視身若蜉蝣荆軻不了恨慶忌成身謀如何五  
噫客死與爾同仇

大風謠

大風起不終朝如何三日夜日夜夜旋扶搖捲水  
我舟卷土覆我壑烏乎太平玉璫將誰調五日一風不  
鳴條

吳農謠

董賢或作俱賢

吳農竭力畊王田王賦已供常餓眠鄧通董賢何爲者  
一生長用水衡錢

國雅行

兩雄勇銳誇匹敵老距當場利如戟鼉鼉鼉刺張  
怒咽龍鬚心一動碎花冠口血相汚膠絲翼  
何處作啼聲埭上梨花春露滴

國雅卷一

二十八

春俠雜詞三首

柘林縱獵金毛鷹花街行春銀面馬夜宿倡樓酒未醒  
飄風吹落驚鶯瓦

昨日布衣行九州今日繡衣拜冕旒馬前清道一千步  
當街不敢闢高樓

西江美人久不見手把新題合歡扇鯉魚憑送相思書  
霸王門前水如箭

燕子詞

燕子來時春雨香燕子去時秋雨涼鶯鶯一生不作客  
夜夜不離雙井塘



白頭吟

長夜白頭吟新絲理故琴莫將一日意誤結百年心

楊柳詞

楊柳董家橋鵲黃幾萬條行人莫到此春色易相撩

採蓮曲

同生願同死死葬清冷注下作鎖子藕上作雙頭花

續弦言

麟角煮為膠續弦弦在弓丁寧弦上箭莫射孤飛鴻

買妾言

買妾千黃金許身不許心使君聞有婦夜夜白頭吟

楊柳詞

國雅卷一

三九

宮詞二首

十二瑤樓浸月華桐花移影上窓紗簷前不插鹽枝竹

臥聽金羊引小車

金屋秋深露氣涼宮監又不到西廂丁寧莫竊寧哥笛

鸚鵡無情說短長

小遊仙二首

麻姑今夜過青丘玉醴催斟白玉舟莫向外人矜指爪

酒酣為我擘篋篋

日落海門吹鳳匏須臾海水沸如炮船頭處女來聽曲

知是洞庭千歲蛟

聆聆唐張翥封制武寧納妓詩

塚上白楊今十年樓頭燕子尚留連銅臺多少丁寧恨

誰向西陵望墳田

雜咏五首

阿琰胡笳不足傳離鸞別鵲意凄然請郎為洗箏琶耳

不惜為郎彈絕絃

右學琴

鴛鴦舌巧言猶獠字字使君親口教今日金錢初受賞

倚聲同合鳳凰巢

笙名 右演歌

十六天魔教已成背反蓮掌苦嫌生夜深不管排場歇

尚向燈前踣影行

右習舞

夜搗守宮金鳳蓋十尖盡換紅雅背閒來一曲鼓瑤琴

數點桃花汎流水

右染甲

漏減良宵晝日遲困人天氣酒中時東家女伴太嬌劣

偷解裙腰竟不知

右甘睡

張學士名以寧字志道福之古田人元末仕祭酒洪

七夕吟同張士行賦

銀河迢迢向東注玉女盈盈隔秋渚金梭飛飛擲烟霧

織作青鸞穿幽素青鸞織成不飛去仙郎脉脉愁無語

無語相望朝復暮白榆搖落成秋樹藕花香冷露淒淒浦

天上銀橋寶車度風清蕊殿開瑤戶雲屏霧縠芙蓉吐



經年香夢遙相許一夕離腸爲郎訴  
弄姬妬人留不住  
天雞角角扶桑曙龍巾荏苒啼紅露  
亂點雲開逗飛雨  
伯勞西飛燕東翥河乾石爛愁終古  
翠樓乞巧娉婷女  
鏡裏青螺掃眉嫵博山沉烟裊雙縷  
不識人間別離苦

閩關水吟

閩關之水來隴頭排山下與閩溪流  
閩溪送客東南走  
直到嵩溪始分手客居溪上雲幾重  
烏啼月出門前松  
天風吹雲數千里飄颻直度長江水  
清淮浩蕩連黃河  
碧樹滿地黃雲多夢中長記關山路  
隴水潺湲似人語  
覺來有書不得將海潮不上嵩溪陽  
平原春晚生芳草

張學士

入國雅卷一

三十一

九

杜鵑聲裏令人老行人歸來動十年  
潺湲隴水聲依然  
安得湘弦寫嗚咽彈作相思寄明月

舒嘯軒

幽居蒼竹林永嘯白雲岑自吐虹蜺氣  
人間鸞鳳音  
野烟喬木晚江雨落花深亦有東臯興  
何當一抱琴

峨眉亭

白酒雙銀瓶獨酌峨眉亭不見謫仙人  
但見三山青  
秋色淮上來蒼然滿雲汀欲將五十弦  
彈與蛟龍聽

無錫道中

疊橋隨港直聯水護堤偏村落皆通水  
人家半繫船

花香曙露楊葉淡寒烟中土何寥廓  
黃沙人種田

送劉素軒作守

使君持節西南去漢水東邊十萬家  
每與儒生陳俎豆  
閒隨野老問桑麻雙旌曉出千原雨  
五馬春行幾縣花  
耆舊只今能有幾一麾莫道遠京華

秋景

秋嶽白雲晚霜林紅樹多野橋山郭外  
行子暮來過  
爲問小搖落江南今若何

題劉君濟青山白雲圖

野性以所忻青山無垢氛落花一夜雨  
幽樹滿川雲  
鹿跡閒行見松香獨坐聞殷勤招白鶴  
子亦離人羣

題山水圖

山水坐來見脩然無俗氛碧巖虛夜月  
江樹靜秋雲  
鳥影似猶見猿聲疑或聞自憐歸未許  
遙憶武夷君

吳門懷古

曾見吳王歌舞時遺臺廢苑不勝悲  
春風鴈唳孤蒲葉  
夜月烏啼楊柳枝有客買舟尋范蠡  
無人穿塚近要離  
館娃宮外繁花落遊女長歌白紵詞

安南使令上頭翰林校書阮法獻詩次韻二首

窮髮雕題已一家日南使者觀京華  
君王親校燕山


籍駕出金根白象車

十月南荒暑氣微  
汧河驛外葉初飛  
遙知夾岸人爭看  
入貢中朝使者歸

過杞丘

江邊三月草淒淒  
綠樹蒼烟望欲迷  
細雨孤帆春睡起  
青山兩岸畫眉啼

國雅卷之一



國雅卷之二

勾吳顧起綸玄言選

汪忠勤

名廣洋字朝宗高郵人洪武初官中書以從征功遷爵忠勤伯

朝日何曠曠

朝日何曠曠  
澄輝麗華嶼  
衆鳥欣已集  
交交互鳴語  
緬懷當來遊  
旌麾戒炎者  
樓船渡烟霧  
弭節章江渚  
章渚隘卑濕  
又氣暎蒸雨  
偃仰憑危閣  
何以浣襟宇  
適茲涼飈至  
高蟬振鳴羽  
清芬散川原  
微瀾動浦溆  
誰云披景光  
寧不感時序  
獨立悵余懷  
馳思更延佇

遠遊陪師西征

國雅卷二

朝發庾公樓  
夕扣滕王閣  
長歌奮激烈  
清風蕩寥廓  
張帆江水秋  
伐鼓關月落  
予亦將遠遊  
明當造黃鶴

豫章南閣臨眺

章江澄夕景  
杞樹集涼颼  
臺閣連雲起  
凝笳帶月悲  
因茲懷舊感  
登覽獨移時

楊白花

楊白花爾何白  
蕩漾春心易  
南北嫩人深  
官愁捧心擊碎珊瑚爲  
誰惜大江東  
流烟霧深  
欲往從之思如織

月夜同諸友酌

休撥紫檀槽  
且傾黃濁醪  
涼天燕得月  
我輩復持螯

盡一杯大匡廬半壁高竹林瀟灑地應有醉山濤

登徐孺子亭

高士不可得茲亭幸爾留偶來逢暇日况復及清秋湖水當門落松雲傍枕浮幾時閒歷覽乘月放扁舟

西掖聞鶯

粉署春已晚黃鸝時復鳴落花蕩輕吹繁木翳新晴好語多聯續餘音入紫清鳳凰池上客一曲送新聲

賴城水東

烟嶼水花淨風潭雲樹齊倒藤懸宿鳥絕壁掛晴霓岑寂坐忘返空冥思欲迷塵纓如可澣予亦賦幽棲

嶺南道中

過盡梅關路難行喜順流滙江元到海橫石不容輒嶺樹垂紅葉汀沙聚白鷗從來交廣地還是古揚州

夜分

好雨滌煩暑夜分渾是秋沙明疑見雪月上可行舟涼氣侵床榻清風入柁樓浣花村裏客只合住滄州

宿宣城山家

委曲疑無路幽深別有天偶披青嶂入得與白雲眠樹空水自流溪迴響暗泉草堂終夜寂高枕聽鳴絃

廣德懷

中柳陰陰鎖汴橋暖催晴綠上蘭橈花迎後主依然在人去東風不可招紫陌漸稀春試馬青樓殊絕夜鳴簫

回看烽火連雲起應使江淹笑寂寥

對竹

我家湖水上長與竹爲隣今夜月明裏相看如故人

過叢山關觀孫炎題壁

空翠深深啼竹雞叢山塞口日沉西數行大字光如漆知是孫炎醉後題

嶺南雜錄四首

石門微熏茉莉香柳瓢滿貯荔枝漿木綿花落雨風起

五月交州海氣涼

吉貝衣單木屐輕晚涼門外踏新晴相逢故舊無多語

解說邊疆骨董羹

誰跨鯨鯢斬斷虹海波飛立陣雲空聞婆真臘船收澳

知是來朝起颶風斷虹見乃颶風之兆

花覆禪房刻漏遲妙香浮動碧蓮池月明風細菩提落

想是南能出定時

孫翰籍名黃字仲衍號西菴廣中人洪武間官翰林典籍

行行重行行

一尊酒送君今遠行交持未及竟絲管激哀聲

中庭華暮悠悠雲氣征馳車戒往路惻惻傷我情我情  
默已傷歡愛不可忘昔爲春花妍今爲秋草芳秋草芳  
有時夫君見無期獨宿坐長夜淚落如縷縷白日儻回  
照孤懷君所知

西北有高楼

華月散高樹列曜何參差流光射結綺思婦懷中閨良  
入涉遠道感嘆夜何其清聲發妙曲宛轉有餘哀妙曲  
固可聽餘哀知爲誰春至桃李妍歲暮華色衰居然獨  
處廓顧影久徘徊

明月何皎皎

八國雅卷三

四

九

歡愛夏日短憂愁春夜長房帷敞虛白對此華月光薄  
寒凄以至入我羅衣裳悄悄感心目欲寐還徬徨良人  
遠行役三載滯遠方別時木葉落今已花卉芳無由達  
衷曲悵望隔河梁

期羅浮蕭鍊師不至

石室松桂秋涼風滌殘暑柴門敞空曲曠夕懷山侶巢  
笙久不至鶴馭今何許朗月流清輝山中幾延佇

紫駟馬

紫駟馬黃金羈兒家夫婿金陵兒金陵正值繁華時日  
與遊俠相追隨追隨遊俠金陵下長跨金羈紫駟馬賄

勝初登蹴鞠塲縱酒還來關鷄社越羅楚練照晴空  
輕揚鞭去似龍卻轉端門回輦路斜穿夾道過行宮行  
宮夾道通三市長使傍人誇意氣紫陌春融錦繡連青  
樓日暮簫笳起青樓娼女研羅裙清歌宛轉駐流雲歌  
闌陌上春風度舞罷樓前璧月新陌上樓前相識多相  
陪相引經過房櫳寂寞交疏裏雲鬢粧成奈爾何

行路難

龍門西接崑崙丘中有一帶黃河流風雷噴薄不可以  
利涉危浪吐雪龍爲愁我行欲濟無方舟長吟澤畔成  
久留暮天搖落對羈客白石楚楚清楓秋行路難歲將

八國雅卷三

五

全

夕靈槎八月秋風生安得乘之沂空碧

白紵詞

館娃宮畔風蕭蕭芙蓉墮香楊柳凋銀河影淡烏鵲橋  
熒熒雙星麗碧霄美人微醉臉紅潮筵前舉袖吹玉簫  
齊歌白紵關妖嬈越羅楚練風飄飄此時奉君情欲絕  
銅龍夜深宮水咽銀牀低轉梧桐月

蔣陵兒

蔣陵健兒身手捷青年好遊仍好俠錦衣繡帽綵絲  
綠鬃葱龍映朱顏春風三月蔣陵西柳暗秦淮花  
窈窕金鞍搖日出輕盈紫燕踏花嘶佳人執扇和

上客金瓶帶酒携上客留連正及時佳人妙舞關腰肢  
舞回璧月當空見歌罷楊花似雪飛楊花似雪紛紛落  
酣醉人前誇浪譚自然不分揖金張况肯低頭拜衛霍  
意氣由來凌七貴豪華豈必資三畧五侯宅裏聽啼鴛  
廷尉門前彈羅雀揚雄寂寞掩柴扉草得玄成髻若絲  
歲歲年年書閣底惟應羨殺蔣陵兒

送翰林與籍張敏行之官西上

燉煌城下沙如雪燉煌城頭無六月關西勁卒勇防秋  
羽書夜半飛龍樓九重下詔徵貔虎推轂上將開都府  
黃旗捲日大軍行旄頭化石夜有聲燉煌迢迢五千里

國雅卷三

八

七

十月卽渡黃河水上將翩翩才且雄平戎不數貳師功  
叱咤猶在輪臺北走馬已入渠黎國左校偏裨晚射鵰  
倚鞍醉索單于朝西山黑風吹墮瓦霜角啾啾塞垣下  
太平今見遠宣威君往從戎幾日歸幕下文儒兼解武  
詞林從此有光輝

次武昌

大風吹船如馬走船頭水聲作牛吼挂帆初發岳陽磯  
轉舵俄灣武昌口武昌城頭黃鶴樓飛簷遠映鸚鵡洲  
漢陽樹白烟景濕行人如鷗沙際立江南風土寒氣遲  
居人九月着絺衣酒旗臨江開竹屋當墟小姬能楚曲

船尾旋回風今夕停船酒家宿  
羅浮遊息

四百峰巒列海圖飛雲絕頂敞玄都丹砂五色時光焰  
紫翠中天半有無觀裏松栢皆佳鶴山山竹葉盡成符  
鐵橋歸去尋清賞爛醉仙人白玉壺

出蜀

白帝秋高木葉黃蜀中長是雨浪浪瞿塘水落漩渦小

黃待制名哲字庸之號雪蓬南海人  
洪武初待制翰林有雪蓬集

國雅卷三

七

七

君不聞陰山敕勒川胡兒飲馬來翩翩狼頭大纛三萬  
落驚弧注禦雄燕然烏桓古道黃沙塞青塚荒原白骨  
田漢將鷹揚遙度磧戎兵獸駭復窺邊烽火照甘泉  
殿殺氣浮空白如練右地連營夜合圍左賢鳴鏑朝馳  
戰聞道嫖姚新築城先令都護出奇兵三門八陣百經  
繞萬衆一心同死生偏裨轉關血凝肘箭鋒流星餒鴟  
吼卷甲連舉大校旗橫戈怒落單于首愁雲慘日共亡  
胡敗馬號鳴霜草枯金裘寶玦青珊瑚閼氏花顏泣路  
隅含悲掩袂辭穹廬彫盤跪進紫駝酥軍中椎牛日高  
會蒲萄寒香濃不醉振旅先論衛霍功  
疾未數金張



封侯意氣本雄豪誰識沙場汗馬勞惟有城南征戰  
地矚懷京觀長蓬蒿

弔陳思王祠墓在東阿

鄴都雄盛日英才妙七賢夫君照乘珠五色麗且鮮西  
園倡華藻東洛賦嬋娟游鸞翔朝旭芳蕖映碧漣始協  
棟華美寧虞箕豆煎桐圭空錫社銀海閉陰泉白楊翳  
荆榛狐兔穴其阡喟然兼山嘆肯企淮南僊

舟次靈洲候鄭雄飛使回不至

湛露晨未晞秋華被原隰征途風已戒承命履遐邑桂  
水寒悠悠揚帆望不及川鱗想同泳羈羽尚云戢維楫

黃待制 國朝卷二

八

全

乖素期臨流重於邑睠然沮溺耦詎灑楊朱泣惆悵芳  
菲情日暮空佇立

與伯貞或華二友會

二妙聯英標瞻言顧榛莽良晤諧夙心玄談慰幽愴江  
靡澹新綠谷鶯聞遠響感此離索情浩蕩烟霞想夷白  
抗浮雲臨清延素賞何因繼芳躅一丘同偃仰

贈錡仁仲昆季還浙東

沈憂自多緒復此送歸人昨夜淮南雨不知芳樹春竭  
來持別酒相與慰茲晨日暮行艫渺東南瀾越津

寄道士蕭止菴

寓朱洞神游碧洞阿庭臨樓鶴樹衣拂桂猿  
吹青雲曲龍琴白雪歌仍懸勾漏令塵夢入槐柯

青宮哀詞懿文皇太子也

前星光隕太微間雲闕龍歸不可攀悽結玄雲迷海嶽  
淚揮寒雨遍戎蠻清都鶴駕翔翔遠緱嶺鸞笙縹緲還  
遙想 皇情哀慟處萬年松柏紫金山

游洪範池與劉文正

洞門斜日照金潭千尺藤蘿挂石龕騎馬獨來高處望  
蒲山松栢似江南

李長史名德字仲修號易菴南海人洪武初授洛陽長史有易菴集

李長史

國朝卷二

九

孟夏三日感興

春陽舍我去四序無時停鬱鬱當軒柳珍禽時一鳴素  
琴寓我適濁酒陶我情顏髣雖云改寸心有所憑偃仰  
東窓下聊以寄吾生

宿栖雲菴

衆壑忽已暝遠近響清湍山中對僧定疎雨掩柴門柳  
暗猿狖集氣交風露寒攬衣中夜起蘿月在巖端

亭亭水上菴

亭亭水上菴皎皎沼中藕花落子亦成色衰心不朽中  
藏千萬緒處污恒自守不學楊白花隨風入窓牖

寄孫典籍仲衍

南園草色參差綠，忽憶佳人美如玉。玉堂揮翰事成陳，草屋懸燈照幽獨。江湖狂客未言歸，翹首東南淚濕衣。何時淨拂青溪石，與爾橫竿釣落暉。

秋晴

熾炬搖紅紗隙，凍沉香帳底。鴛鴦夢芙蓉，波冷薄霜凝。一夜離鸞憶，單鳳梧桐金井啼。曙鴉夢郎封侯歸，妾家開門自掃枇杷花。

塘上行

露濕藕花香，花折藕絲長。豈無鳬與鴈，不似錦鴛鴦。

李長史

八國雅卷三

十

劉文成

名基字伯溫，莆田人。洪武初官御史中丞，兼學士，封誠意伯。正德中追贈太師，并諡。

思歸引

山高高兮可以望四荒，胡躋爾顛兮而不見我故鄉。歲云暮兮無衣裳，車罷馬羸兮僕夫頓僵。水有蛟鰐兮陸有虎狼，于嗟奈何兮惟懷永傷。

思美人

雨欲來風蕭蕭，披桂枝拂陵苕。繁英墮鮮葉，飄揚烟埃靡招搖。激房帷發綺綃，中髮膚情寂寥。思美人隔青霄，水渺茫山崑崙雲中鳥。何條條欲寄書，天路遙東逝川不可邀。芳蘭花日夜凋掩，瑤琴閒玉簫。魂蒙蒙心搖搖。

明月歌且謔聊逍遙永今宵

長安道

長安道送芳菲到枯槁，人生衰盛苦不常。何異長安道傍草，漢家將軍初拜官。門前上客車班班，一朝世衰烟燄歇。車輪無聲馬蹄絕，明年有詔封冠軍，依舊車馬來如雲。

大李子庚韻

風落餘花春事非，愁心烟雨共霏霏。溪雲不作從龍起，山石何須學燕飛。籬下舊存彭澤菊，林間新長首陽薇。夜闌忽漫聞啼鳥，腸斷天涯信使稀。

旅興二首

窮巷异人跡，開門見青山。青山似故鄉，客子何當還。蟋蟀日夜鳴，綠樹亦已殷。白日駛西征，浮雲不可攀。安得生羽翼，奮飛出雲間。

雨來群山暗，雨過群山明。山明後鳥喜，山暗後鳥驚。歲暮陰風起，白日西南傾。寒蟬枝上號，阜螽草間鳴。人生非草木，能無感中情。

旅夜

月光天上來，入戶清如水。遊子忽思家，披衣中夜起。徙倚步回廊，烏啼夜未央。欲飛無羽翼，零淚濕衣裳。

次韻和王文明絕句漫興

芙蓉湖上夕陽低  
楊柳枝頭一鳥棲  
獨倚闌干看山色  
白雲飛過若耶溪

過蘇州

姑蘇臺下垂楊柳  
曾為張王護禁城  
今日淡烟芳草重  
暮蟬猶作管絃聲

次韻和石末公

徒聞彈鋏怨無魚  
未見兼程貢蠟書  
四海城池總完壁  
只今誰是蘭相如

憶昔

劉文成

八國雅集

上二

F.

憶昔上林花發時  
黃蜂掠亂蝶參差  
如今花落枯枝在  
付與秋蟲挂網絲

發景州

澹澹夕風作蕭蕭  
蘆葉鳴林間衆鳥息  
河上一舟行海近  
雲常濕天虛月更清  
神京看漸近且緩望鄉情

古戍

古戍近山尖  
新城殷地第九州  
猶虎豹四海未桑麻  
天迴垂草江空雪覆沙  
野梅燒不盡時見兩三花

宋文憲

名瀛字景濂別號潛溪  
浦江人洪武中仕翰林學士承旨至正德間追謚

寄遠曲四首

沈盡愁難盡燕歸人未歸  
遙知君念妾似妾憶君時

憂心不可寫天際望歸舟  
江長望不極更上一層樓

妾有五字詩寄君君勿忘  
十朝成一字字字九回腸

開河勞夢魂欲見香難憑  
照君文繡帳相近不如鏗

涼夜曲

紅爵綠疏回曉光  
翠眉雪肌凝白肪  
蟬衫麟帶結寶璫  
吳絲蜀桐啼鳳凰  
盤龍蘭閣生暖香  
桃笙豹枕展曲房

林貞外  
名鴻字子羽閩人洪武間歷官比部貞外

遊芙蓉峰

密竹不知路渡溪微有蹤  
懸知石上約定向松間逢  
物候變黃鳥葛蒲花蒙茸  
相望不可即裊裊霜天鐘

金鷄巖僧室

遠公青蓮宇百尺構雲闕  
一徑入松蘿山泉濯苔髮  
石房彈玉琴清響在林樾  
夜來滄海寒夢遶波上月微吟

白雲篇高興了未輟未能悟  
聲聞安得離言說

指佞草

元氣殊萬類惟人最通明  
夫何此靈草亦識謫謫情揚  
揚吐奇芬母乃太微精  
孤根寧獨立不與凡卉并  
宵衣朝百辟丹陛秋風生  
姦回既屏迹利口亦潛形  
周禾徒同穎漢芝空九莖  
雖能誇美瑞曷足資治平  
寄言持斧

可與同令名

寄龍大潛效韋體

夙負偃蹇志共懷林下心誰言塵事縻以茲曠幽尋夏  
火方云始索居念朋簪薄携一樽酒命駕來城陰湛湛  
晨河流依依嘉樹林晤言有時閒揮觴共鳴琴久要或  
可冀希哲信難任君懷諒不乖惠我瑤華音

富春釣臺

維舟富春渚舒嘯登崔嵬不見羊裘人空餘垂釣臺苔  
色石上古秋聲松際哀清風猶可仰落日滿蒿萊

秋夜憶周模

林外

國雅卷二

十四

傾蓋一分手沉思長在襟况茲離居夕復此秋城砧露  
下葉初落草根蟲又吟雖云感物候終念曠幽尋劒水  
東南流故人千里心無因達尺素夢遶青楓林

送吳士顯

吳生跌宕人脫畧當世事欲識平生心悠悠江海是布  
衣何飄飄孤劒千里至斗酒未及歡看雲起歸思長風  
吹古城寒日下秋水分手從此辭車塵望中起

江閣秋雲圖

山客初歛夕雲氣已歸壑何以散冲襟孤琴坐江閣美  
人期不來天寒楓葉落

雲林清隱

夙性抱一 端居厭華簪羣泉鑿石壁結宇依雲林經  
鋤有時閒班荆坐樾陰清飈引長嘯白雲勸孤斟處默  
謝流俗任真曠冲襟惟應同調者聽我丘中琴

出塞曲二首

單于秋近塞驃騎遠臨邊吹角風沙動揚旌日月懸驚  
鵬防獵箭戰馬識烽烟昨夜旄頭黑前軍得右賢  
十五薊門行能擐黠虜情潛兵秋度磧牧馬夜歸營苦  
霧沉旗影飛霜濕鼓聲昨來承密詔東築受降城

月

林外

國雅卷二

十五

玉宇淡悠悠金波徹夜流寂憐圓缺處曾照古今愁風  
露孤輪影山河一氣秋何人吹鐵笛乘醉倚南樓

送高郎中使北

漢使臨邊日天驕已請和看花辭紫陌犯雪度交河水  
草留行帳雲沙想玉珂誰知清漠北婁敬策居多

題福山寺陳鉉讀書堂

窮經不出戶一室古珠宮燈影秋雲裏清磬晚磬中開  
窓明竹雪散帙落松風盡日無人到焚香對遠公

送陳鍊師歸龍虎山

鶴書歸未久秋思夢瑤峰海上看山別人間何處逢烟



蘇深見月洞府暗藏龍辟穀方無術憑師問赤松

### 送蔡大往汝州尋第

落葉正紛紛秋城客路分知君從此去遙念鵲鳩群楚水帆飛雨荆山路向雲懸知孤館夕離鴈不堪聞

### 憶浮丘生

瘴海民風異炎荒客路難午深猶見霧臘盡不知寒蚌月開晴島蛇珠射暗灘居夷雖可學懷土淚闌干

### 送韋戶侯伯俊

青山猿猴印石劒挂南陲月滿能帳雲開翡翠旗林

國雅卷三

十六

### 春日遊東苑應制

長樂鐘鳴玉殿開千官步輦出蓬萊已教旭日催龍馭更借春流泛羽杯堤柳欲眠鶯喚起宮花乍落鳥銜來宸遊好把簫韶奏京國于今有鳳臺

### 春日陪車駕登蔣山

鍾山月曉樹蒼蒼鳳輦乘春到上方馴鳥不隨大仗散曇花故落御衣香珠林霽雪明山殿玉潤飛泉近苑牆自愧才非枚乘匹也陪巡幸沐恩光

### 得雷楊送客

客路楊柳最有情暖風吹綠漸冥冥雨深楊柳帝宮前

恒伊笛裏聽葉暗未堪藏乳燕花飛終恨便江分携欲折長條贈愁絕河橋酒幔青

表侍御名凱字景文華亭人洪武間御史

### 門有車馬客行

主人堂上坐門前車馬來車馬一何廣遠近生塵埃好客不厭多惡客胡爲乎寄言主人道結客何草草

### 古意

茫茫古人中我愛原子思食粟豈云飽衣裘豈應時憔悴衡門下彈琴唱逸詩大夫適何來駟馬行駢駢入門卽長嘆念子病何危貧病因不同發言忽若斯誰謂同

案補

國雅卷三

十七

門生白首不見知

病阿連阿連蒙古別號也

杭州阿連病可傷况復四體多金創口糧開除但乞丐終日哀鳴行路傍自言家在雲中住兄弟旣死惟爹娘往年江南妖賊反聖旨差我隨平章同行二千五百輩輩輩選用皆精強孰知江南風土異不比中原盡平地中原地平好馳逐一人騰驤萬人廢江南地卑山林密泥深馬滑無由立角弓着雨軟如綿咫尺相看不能射九月十月歲將暮賊兵突入觀音渡平章脫身向東去大半盡死無人顧我幸不死病已危丞相被逐無依歸



里鄉此日誰相慰只似天邊孤鴈飛時丞相答識帖木兒為張士誠所逐

### 老夫

老夫避兵三江口江中夜夜蛟龍吼  
砉然一聲腦欲裂千尺長堤忽如走  
須臾海門風雨來江水震蕩如奔雷  
同行百船半沉溺無力救之空歎息

### 白燕

故國飄零事已非舊時王謝見應稀  
月明湘水初無影雪浦梁園尚未歸  
柳絮池塘香入夢梨花庭院冷侵衣  
趙家姊妹多相忌莫向昭陽殿裏飛

### 聞笛

花發吳松江上村隔花吹笛正黃昏  
風塵遠道歸何日燈火高樓合斷魂  
夜靜幾家無別淚雨聲終日過開門  
天邊楊柳今無數短葉長條非故園

### 京師歸至丹陽逢侯生大醉

白下西風吹夜涼五湖秋草動微霜  
千家砧杵初凌亂獨客關山正渺茫  
歸去定應殘臘盡飄零猶幸此身強  
丹陽郭裏盈尊酒且為侯芭發醉狂

### 京師得家書

江水一千里家書十五行行行無別語  
只道早還鄉

### 寄家書

### 淮安道中

白髮時時異青山處處同人行千里  
外書到五湖東山陽城中細雨廣陵陌  
上飛花估客時時吹遠行人處處思家

### 客中夜坐

落葉蕭蕭江水長故園歸路更微茫  
一聲新鴈三更雨何處行人不斷腸

### 趙山人

名典字景初吳興人洪武初與林氏外齊名有鳴秋集

### 幽人獨愁圖

幽人遺世氣心與浮雲薄  
薜蘿寒可衣山泉時自濯白

### 幽山人

名典字景初吳興人洪武初與林氏外齊名有鳴秋集

十九

雲林下來黃葉衣上落高風不可攀  
迤邐在林壑

### 題雨竹

黃陵日已昏蕭瑟涼颼起殘雨挂空  
色夕鳥前寒聲暮猿裏應知葉上秋  
盡入湘潭水

### 塞下曲

朔北寒風起春來雪作花黃雲愁隴水  
白骨怨胡沙柳暗邊塵營空塞日斜  
故園芳草綠歸夢幾還家

### 擬和唐人勅借岐王九成宮避暑

驚興逢幸驪泉宮深入烟蘿翠幾重  
雲掩畫屏迎舞袖風清水殿動歌鐘  
飛花香度樓前幙高柳涼生仗外峰

自是此中多勝景群仙何處更相逢

### 題山水二首

幾家茅屋水邊村花落春潮夕到門溪上數峰青似染  
居人說是武陵源

九疑如黛暮雲間帝子何年去不還唯有清猿聽不盡

蕭蕭寒雨萬重山

郭稼史

名奎字子章舉縣人洪武間相府掾史有望雲集

### 贈別

蟋蟀悲歲暮起視夜何其淒淒霜露降黃一蠟以衰薄  
言子當往軒車發何遲聊因一盃酒慰此平生知采采

郭稼史

國雅卷二

李下

西澗蘋悠悠懷我思我思詎能一君心諒不違

### 鳥夜啼

石頭城上烏遙夜鳴相呼紫清道士有兩樹烏啼不離  
樹高處千聲啞啞復萬聲中堂酒闌夢未成呼童把燭  
起開戶照樹惟恐鄰人驚庭前再拜爲爾說我家舊住  
長淮北慈親已老反哺違零落猶爲異鄉客嚴霜滿天  
江月輝東方未白群星稀明朝日出當早飛莫使涕淚  
沾衣

### 夜坐吟

江風蕭蕭吹古樹開月蒼茫海生霧北斗漸落明河微

蟋蟀在戶歲將暮洞庭霜白芙蓉稀男兒生當百戰死  
不執金吾卽挾匕閉門勿用長夜歌騶騶終能致千里

### 留別王指揮

銀鞍寶馬青連錢風雨夜吼雙龍泉我乃公子無忌客  
因知平原君最賢五千甲士猛如虎地裂山摧振金鼓  
島夷率服西南清右軍門前奏歌舞

### 送孫良玉還同安

送君江上去山路雨初晴落日平淮樹春潮帶皖城酒  
因今日醉人是故鄉情莫說王孫怨芳洲綠草生

郭稼史

國雅卷二

主

### 重憶西巖訪舊

鷓鴣聲中宿雨晴白雲閒傍馬頭生東隣茅屋新烟起  
南澗石橋春水平野鳥見多還問姓山花開盡不知名  
故人宅近青松下未到柴門已出迎

高翰籍

名棟字廷禧三山人洪武間翰林典籍有湯士嘯臺集撰唐詩品彙

### 擬孟襄陽浩然宿業師山房待丁公不至

夕止雲際宿山光忽西沉松間待清夜孤月愁人心落  
葉響空谷驚鳥繞前林佳期曠何許相思勞夢吟

### 擬韋蘇州應物西郊燕集

原野敝雨霽熙陽麗芳辰良遊出西郭集我平生親野

酌藉芳草飛花落衣巾時聞幽鳥弄復眺羣山新曉此  
不盡歡行當念徂春同心忽睽離願言葆其真

擬岑嘉州參函谷關歌送劉訐事使關西

函關月出照秦山秦時明月漢時關秦漢蒼茫幾千載  
唯有關山明月在此地曾經幾戰爭天平設險尚嚴兵  
君不見至今古道人行處草木猶纏戰血腥故人去作  
關西客驛樓官樹連秋色華岳雲來漢時青首陽日出  
秦陵白正是關門一葉飛送君此去幾時歸到處知君  
有知己關西詞客未曾稀

擬岑補闕參奉和早朝大明宮之作

高齋  
八國雅卷二  
明光滿盡曉寒催長樂疎鐘度鳳臺月隱禁城雙闕迴  
雲迎仙仗九重開旌旗半掩天河落閭闔平分曙色來  
朝罷珮聲花外轉回看佳氣滿蓬萊

擬高常侍適送王李二少府貶衡巫

曉鐘寒亮雁聲哀候館鳴雞曙色催兩地送君雙別淚  
西風駐馬共銜杯巴山落月啼猿斷楚水孤帆片雨來  
莫怨異鄉成久隔漢庭還憶賈生才

西山爽氣樓

飛構對西巘翹居山廬喧空林夜來雨秋氣生高原卷  
幔看晴翠澄光散朝暾齋心白雲外拄頰欲忘言

野橋春水

野色歛晴翠春江澹無波空原絕行人青峯天際多  
榜繁宿葦荆扉閉煙蘿余亦掉頭者投簪偃巖阿

王參軍

名晃字元章會稽人  
洪武初官諸議參軍

寫懷

世情多曲折客况目堪憐聽雨愁如海懷人夜似年  
草肥燕地馬花老蜀山鵲冷澹無歸計蒼苔滿石田

閒題前元舊事

樓臺盡草莽京華金玉重重護帝家雲台紫  
天連青草入龍沙春風小殿看飛燕夜雨重城散落花

甲乙流蘇

八國雅卷二  
甲乙流蘇僊夢好莫教方士問丹砂

金陵懷避亂作

三  
堦墻幽徑草青青何處園林是舊京海氣或生山背雨  
江潮不到石頭城英雄消歇無人語形勢周遭夕照明

回首長干思無限

水風楊柳作秋聲

趙千里

去年夜渡西陵關待渡元立江灘灘頭潮來倒雪屋  
海面月出行金盤水花著人如散霰過耳斜風快如箭  
昨霜鴻雁零亂飛政侶今年書中見寒煙漠漠天冥冥  
展玩此覺心神清便欲吹簫騎大鯨去看海上三山青

寄大素高士

戰昔扁舟上耶溪尋君直過丹田西長松月冷啼子規  
春風滿地芳草齊樓殿玲瓏金碧湧鐘聲不出松雲重  
老猿掬澗山影亂翠禽啄露巖花動此時相見不作難  
握手笑上松花壇壇下十萬青琅玕空陰漠漠常風寒  
我對青山論今古青山茫茫無一語知其與我忘爾汝  
石瓢酌我雲根乳冷然使我肝膽清飄裾欲度浮雲輕  
千峯回影陷落日萬壑欲盡松風聲回首溪山忽成別  
幾見江梅飛白雪洞庭湖上聽夜雨仲宣樓頭望明月  
乳竈對景傷古情寸心欲吐書難憑何當相晤一抵掌

王全卿

八國雅卷二

二十四

與君細看真蘭亭

大醉歌

明月珠不可櫛連城壁不可鋪世間所有皆虛無百年  
光景駒過隙功名富貴將焉如君不見北邙山石半石  
虎排無數舊時多有帝王墳今日纍纍蟄狐兔殘碑斷  
碣爲行路又不見秦漢都百二山河能險固舊時官闕  
亘雲霄今日原田但禾黍古恨新愁迷草樹不如且買  
葡萄醅携壺棹閒往來日日大醉春風臺何用感慨  
生悲哀

顧居士

名瑛字仲瑛號玉山晚號金粟居士崑山人  
洪武初隱於吳中名利間有玉山稿草堂集

花游曲同張貞居遊石湖和楊廉夫韻

真娘墓下花溟濛碧梢小鳥啼春風蘭舟搖搖落花裏  
唱徹吳歌弄吳水十三女子楊柳門青絲盤髻鬱金裙  
折花賣眼一回步蛺蝶雙飛上春墓老仙醉弄鐵笛來  
瓊花起作回風盃與酣鯨吸瑤碗立按鳴箏促象板  
午光小落行春西碧桃步題新題西家忽遣青鳥使  
致書殷勤招再四當筵才不展頭牋大寫仙人踟躕篇  
看雲

青山與浮雲終日淡相守山爲雲窟宅雲爲山戶牖無  
心成白衣有意變蒼狗人情亦如雲寄與看雲叟

顧居士

八國雅卷二

二十五

甕牖圖

道之不行謂之病財之不給謂之貧賜也能言心未識  
虛勞結駟踏清塵

題白衣大士渡海圖

白衣頻現補陀山欲見無緣一往還勝境幾年勞夢想  
覽圖今禮大悲顏蛟龍獻供波濤裏獅象駝經島嶼間  
安得金仙共飛錫旃檀林下聽潺湲

自贊

儒衣僧帽道人鞋到處青山骨可埋還憶少年豪俠興  
五陵裘馬洛陽街



唐尚書名同字同文婺源人武昌籍洪武初官學士承旨兼尚書

前有等酒行

前有一尊酒後有三尺墳墳前兩樹花墳中不知春分明記得墳中叟曾共當年飲春酒

題水殿納涼圖

湖上闌千百尺臺臺邊水殿倚雲開紅橋人隔荷花語玉盤金盤進雪來

入峽二首

黃牛廟下水如弦白狗峽中數尺天百丈牽春上巴蜀巖花無數照江船

唐書

國雅卷三

二十六

歸州女兒採薪歸荷葉遮頭雨濕衣不怕山邊石路滑竹籃在背走如飛

寄方壺道人

海上神僊館天邊處士星卧雲歌酒德對雨著茶經石洞龍噓氣松巢鶴隱翎都將金玉句一一寫空青

送黎蘭谷遊永州

舟子開帆日天風吹雪時關河歲將晏荆楚客何之水接三苗國雲迷二女祠經過逢北鴈應有寄來詩

甘二字

名璉字彥初餘干人洪武間官嚴州府同知

題何梅閣山居

不到城市逢人無厚顏一瓢風外樹雙屐雨中山流水春喧確歸雲暮掩關憂時心未已祇茲髮毛斑

題張氏竹園別業

避難踈狂客長貧少定居採芝空有曲種樹豈無書擬製東山屐看馳下澤車肯容踈懶迹來與狎樵漁

送防秋將

玉帳秋風動邊塵颯颯驚射鵰輕漢將收馬過秦城白草交河道清笳捕虜營戰裝宜即換已及蚤寒生

秋閨怨

月影沈錦衾成獨日羅屏覺先秋火

唐書

國雅卷三

二十七

煖薰籠煥泉寒汲綆脩祇憐雲、馬傳得玉關愁

唐翰林

名璉字彥初餘干人洪武間官嚴州府同知

登蜀阜寺閣

同登梵閣孤往事問浮圖山色元六蜀江聲直到風簷鈴半落雨壁畫全無萬法具一寂何煩起嘆吁

宿真慶菴

落日古城陰蕭蕭竹樹花知佛境流水識禪心月到翻經榻苔綠挂壁琴不因支許舊那得遠幽尋

送王生從軍

羽箭風含鐵雕旗雪半分將知將勇選士屬才難容



為籌邊借碑因紀續刊少年相贈意別把劍花看花佳

劉太宰名崧字子高泰和人洪武間官吏部尚書

張氏溪亭雜興

草閣經秋泮柴扉近水開霜林收橘柚風磴坐莓苔釣艇寒初放樵歌晚獨回城南車馬地欲往更徘徊

宮詞和歐陽原之

金屋秋風起銅盤夕露深水花紅萼舊宮樹碧沈沈却望鸞旂影微聞鳳吹音月明璫殿冷香夢杳難尋

贈別鄭同父

冥冥陽靈司百緣髮仙世人不可見出入藥紫煙時

劉太宰

三八

來拾瑤草獨立青山前繁然發皓齒玉井開紅蓮我欲往從之茲事今千年似聞九州外碧海迴青天願携兩玉笛吹向崑崙顛

歎息行贈別胡思齊

歎息復歎息志士恒苦辛少日不得意暮年媿其身前有尊酒清且旨酌酒奉君君莫止人生最樂在相知莫徇虛名輕跡施沛中屠販還封侯楊雄草玄空白頭浮雲不盡萬里意白日長懸千古愁南山之陰多心府十年不歸歎脩短一難芳草澹風煙君獨胡為在塵土五雲館前花滿津紫蟠蹠蹠青春春時禽鳥各自適燕

予低迴還附人江風蕭蕭吹水急江寺鐘殘野鳥集口中吟詠眼看山細雨蒼茫愁獨立鄧溪漉漉秋水泥見爾令我惟相携酒酣燕坐石盤嶺明月正在松林西近聞煙塵起閩廣官軍驅馳日南上郡邑無人豺虎行道路蕭條竟安往我思舊遊湖水東昔者登臨人不同常年九月章浦淨吳霜夜落青芙蓉芙蓉花開日欲暮美人娟娟隔煙霧一段愁心化綵雲至今飛繞河橋樹今夕果何夕別君還憶君古來賢達常坎壈慎爾出處超其羣

秋夜詞

劉太宰

大國雅卷上

二十九

林鳥夜啼金井西蟋蟀在戶聲相齊中天無雲白露下漸見梧桐青葉低幽居一室時愁獨曉蘭燈雙照蛾眉小歌聲思逐迴風高掩抑冰絃破清悄絃中語語心自傷低頭却看明月光羅衣一夜惜顏色庭草明日霜秋霜甘心霜下草抵在階庭好不作白易花飛飛各陽道

織女吟贈黃進賢

憶昔束髮初嬌倚雲錦機折花事戲劇笑罷身上衣一從十五時學向機中織絲短愁苦長梭緩心轉急永夜蘭燈懸洞房門前梧葉零秋霜霜寒手凍絲緒亂絡緯悲啼金井牀春花更疊黃金縷花底青鸞蹴煙霧東風

何日上天來，儼奉瑤池宴。歌舞十日滿，疋恒苦遲。

停梭生網絲，持刀沈吟剪。秋水粉淚欲落，愁風吹遠懷。  
素心人邈在千里道，何由托交歡。持此永相保，東隣小  
姬昔同年。至今盛飾爲母憐，幾回月高鳴杼軸。正是他  
家夜彈曲。

### 題秋江小景畫

美人鳴弦思瀟湘，斜飛金鴈不成行。夜深彈徹烏栖曲，  
月照寒江萬樹霜。

### 昭君

承詔辭金闕，銜悲入塞城。可憐沙上月，渾似漢宮明。

國雅卷二

方翰博

名希直，海寧人。洪武間官翰林院文學博士。

### 閒居感懷二首

鳴鳩知天雨，乾葉落。風蟋蟀最無知，亦悲年運窮。云  
何當世士，憤憤溫飽中。疾疢如波濤，浮沈淒淒所終。  
賢有四海志，家無一金貲。言高力不足，舉世皆笑之。不  
如豪俠子，錢刀散孤嫠。閭閻稱行義，赫赫名聲垂。

### 次鄭好義見貽韻

山中一尊酒，慰此離別腸。清夜步廣庭，大星吐寒芒。向  
來負奇氣，舉目空四方。栖遲盛年至，留滯天南荒。君看  
升帝闕，不必真榮貴。

### 江山萬里圖

我昔奉敕辭，金闕西下巴川。持使節，仙槎二月出龍  
河。萬里春風棹晴雪，吳天茫茫入杳冥。棹歌初過峨眉  
亭，錦袍不見李供奉。白雲遮斷三山青，煙蕪漲綠知何  
地。白鳥雙雙沒淮樹，片帆風滿疾如飛。矯首驚看沂流  
去，大孤小孤橫雪波。匡廬五老青，我九江秀色歎奇  
絕。半空飛瀑懸銀河，推蓬竟日間吟倚。瞬息移舟洞庭  
水，君山如黛壓中流。十二煙鬟鏡光裏，好山遠自蛾眉  
來。瀟湘練明天際開，疑峯九點落空翠。重華孤墳安在  
哉，武昌地轉多遺跡。隔岸鳥鳴瞻赤壁，煙焰旌旗魏武  
在。綸巾羽扇周郎策，扶醉曾登黃鶴樓。漢陽城對鸚鵡  
洲，卽從鄂渚權明月。沂流直上窺荊州，夷陵山勢多重  
疊。楚樹巒雲遠相接，欲向夔城入錦城。還於巴峽穿巫  
峽，神女峯前路欲迷。瞿塘灘瀨瀨，猿啼五溪越盡見雲  
嶺。但覺鳥道青天低，萬里橋西看立馬。足跡經遊半天  
下，愧無草檄擬相如。笑擲橐金輕陸賈，今年詔許臨丹  
丘。夢中往往驚鷗愁，江上誰人寫圖畫。眼中歷歷如經  
遊，岸巾一覽發長嘯。蒲襟爽氣高堂秋。

### 國雅卷之二

勾吳顧

起



姚恭靖

名道衍吳郡相城、永樂中太子少師贈榮國公并諡有謚

人之松江得曙宇

潮來沙磧下月落海門曙汀蒲轉風葉堤柳搖烟絮江頭春可憐天涯人獨去有歌送君行無酒留君住雪浪沒沙鷗雲帆出江樹回首讀書聲青山不知處

蠡口夜歸

日沒渡口水風著人熱漁燈帶螢火微光互明滅舟人報水程路遠行欲歇故山不分明目盡心力絕遙想

不圖雅卷三

一

成

山中人待人仍待月

鳴琴礪

同上松瑟瑟礪下水涓涓山人來礪阿宴坐拂冰絃秋風共流水一奏一泠然

題寶巖

高閣凌虛如履地長江萬里來無際世人可到不可留只許禪僧深夏住亂帆空往逐雲飛隔岸淮山擁翠微大士巖間常宴坐一燈夜照客船歸

題張山人適樂圃林館二首

巷僻無車馬閑扉掩薜蘿傳信鶴池青換書

逕曾妨竹移梁欲避荷子雲偏好古載酒屢相遇

開牖依林樾迢迢去市遙翠低承雨竹綠碎受風蕉夕

嶺還侵戶春流欲斷橋主人緣愛客時爲出山瓢

秋日重遊寧隆山海雲精舍

遠遶青村外崎嶇紫邏間過林才見日到渡不逢山一室依巖險雙扉傍竹閑曾看雲際鶴向暮獨飛還

登惠山觀泉

古寺連西郭尋泉步磴苔爲憐僧獨迂因喜客重來晴鳥臨流集秋花夾岸開盤桓須盡興隨處有茶杯

題平坡寺

不圖雅卷三

二

九

平坡杳杳挹西湖徑斷樵行敗葉鋪泉落石河深愈急雲歸沙樹遠疑無夜堂風靜紆帷幔曉井霜寒響轆轤那得餘生辭世網捲衣來此日踟躕

寄虎丘蟠書記

聞道蟠公似贊公一瓶一鉢寄山中雲封蘿屋長疑雨泉響松巖半是風屐破只緣行脚久囊空非爲作詩窮遙思短簿祠前夜共聽寒鐘出礪東

鷄鳴歌

金壺漏殘霜滿屋鷄鳴喈喈烏尚宿征夫纔起促行裝馬爲駕鞍車整轂鷄罷俄聞鼓角悲別婦出門雙淚垂

婦牽夫袂話歸日願學鷄鳴不失時

洛陽陌

垂楊散微曉流鶯來早春相逢騎馬客半是看花人華  
屋紫膏馥青樓揚綺塵縱山一回首荒陵臥石麟

轉應詞二首

新柳新柳掩映溪頭渡口長條未絆遊人正是江南早  
春春早春早風雨獨行古道

斜日斜日門外馬蹄聲疾林栖鳥盡飛還霞彩紅銜遠  
山山遠山遠莫怪行人歸晚

楊白花

楊白花

國雅卷三

三

之

楊白花雪同色最是無情况無力西蕩東飄意難必斷  
送春光何太疾薄暮和烟點綠漪化作浮萍自不知願  
托春風回故處為伊吹入深宮樹

公莫舞

公莫舞公莫舞沛公個個真英主隆準龍顏絕代無二  
尺清霜奮神武天命有在成大功况爾良平作臣輔區  
區范增何足取嘆目起來撞玉斗世稱人傑未為公我  
謂不及王陵母豈似當年屠狗人怒髮裂眦氣欲伸  
請斗酒快意啖但知有主忘其身公莫舞公莫舞項王  
即日為亡虜秦軍來歸萬國朝六合之中皆漢土

壯士吟二首

一劍重千金曾托生死不知燕趙間何人是知己  
相見便知心時聞擊筑吟懷思在一飯不用酒杯深

曾少詹名榮字子啓永豐人永樂初及第官  
少詹事兼翰林侍讀學士有集

酒壚行

東家酒壚大道中百尺酒旗垂暮風少年兩姬何窈窕  
當壚一笑顏花紅道傍遇者頻回首駐馬停車更呼酒  
壚頭酒薄渾不知笑勸相歡坐來久西家酒壚相向開  
壚中酒徒多重色愛此紅顏在壚側暫時過眼寧盡歡  
囊中有錢應不惜誰將此意報兩隣坐中無客且莫  
東隣兩姬一朝去門前亦無呼酒人

行路難

繡簾窄地蘭房深猩紅蜀錦芙蓉衾翠鬟二九腰肢小  
楊柳嬌春時媚媚羽林少年輕薄兒相逢盡道歡娛少  
華觴半酣滅紅燭合歡寶帳連環玉楚雨巫雲夢未闌  
水咽銅瓶漏聲促瑞弓白羽誰家郎射鴨忽中雙鴛鴦  
錦翎繡臆半摧落顧影含悽空自傷只言比翼成歡侶  
中道分飛却愁苦從此飄零失故樓寂寞銀塘鎖烟雨  
不見東家女兒嫁夫婿寶鏡雙鸞照珠翠畫得蛾眉



八字新朝朝暮暮不相棄

燉煌曲

吐蕃健兒面如赭走入河湟放胡馬七關蕭索少人行  
白骨戰場縱復橫燉煌將士抱泣泣四方胡笳聲轉急  
烽煙斷絕鳥不飛十一年來不解圍傳檄長安終不到  
借兵回紇何曾歸愁雲慘澹連荒漠捲地北風吹雪落  
將軍錦韉暮還控壯士鐵衣夜猶著城中正綏換斗麥  
決戰寧甘死鋒鏑朝胡虜忽登城城上蕭蕭羌笛聲  
當時左衽從胡俗至今藏得漢衣服年年寒食憶中原  
還著衣冠望鄉哭老身幸存衣在篋官軍幾時持獻捷

龍支行

國雅卷三

五

龍支行

龍支城頭暮吹角黃雲蔽天沙草薄虎髯使者長安來  
持麾擁蓋邊塞開城門盡是胡兵守城外老人多白首  
拜迎使者雙淚流問云天子今安否自言世家豐州住  
少小辭家隸軍戍吐蕃昨日犯蕭關胡騎長驅涇隴間  
將軍戰敗鼓聲絕棄戈遺鏃填丘山自從陷沒身為虜  
五十年來在邊土依棲部落作蕃人生長兒童盡胡語  
朝看烽火望中原夜聽鳴笳思故園頽垣破屋誰家宅  
斷磧荒谿何處村奉使還時報天子蚤遣官軍復清水  
假令老身歸即死已免遊魂作胡鬼

蓮花燈次胡庶子韻

絳蠟爭燒夜景新芙蓉何事獨先春恍疑金炬初歸院  
不借清漣已絕塵光映若耶溪上女影隨太華井頭人  
若教真可浮波去太乙乘舟便脫巾

訪竺臺琇上人故居

琇師歿後已經年古殿陰廊亦悄然西去竺天還不遠  
南來衣鉢竟誰傳風旛不動空中影塵榻曾過醉裏禪  
歸客豈堪愁絕處西風黃葉寺門前

海子橋

鯨海遙通一水長滄波深處石爲梁平鋪碧甃連馳道

國雅卷三

六

六

倒瀉銀河入花牆晴綠乍添垂柳色春流時泛落花香  
微茫迴隔蓬萊島不放飛塵入建章

得周編修書兼柬兩京諸同年

別離易久覺情疎旅舍幽閒嘆索居遠客每勞千里夢  
故人初寄一行書滿城山色晴雲外近海潮聲過雨餘  
禁裏昔年同學者班揚文字竟何如

元夕午門觀燈侍宴和鄒侍講韻

宮筵合樂戲魚龍此夕承恩在禁中鰲戴神山來絳闕  
鸞隨仙馭下瑤宮星河影轉千門曙羅綺光搖萬燭紅  
願奉宸遊歌在鎬長陪歡宴樂無窮



項羽廟

百戰休論蓋世功，鴻門宴罷霸圖空。  
虞歌慷慨孤燈下，楚業銷沉一炬中。  
露濕古墻秋薜荔，霜含老樹夕陽紅。  
英魂若到彭城路，忍聽高臺唱大風。

送彭巡檢子韶赴關清兼示光澤舍弟

送君南去片帆歸，五月薰風白紵衣。  
路遶閩山征騎遠，月明蠻徼邏兵稀。  
桃榔綠暗經殘雨，荔子紅垂映落暉。  
小弟杉關煩寄語，客心長伴鵲鴒飛。

冬日扈從獵龍山同遊牛首山佛窟寺和胡學士

數聲清磬遠微微，始覺塵踪到此稀。  
僧向定時聞葉落，客從坐處見雲歸。  
佛居華藏那營窟，心會真乘卽悟機。  
賜得宮袍新製錦，未應還羨五銖衣。

蟬

性潔應知飲露清，翠綃爲翼蛻來輕。  
高槐殘雨淒清韻，疎柳斜陽斷續聲。  
逐髻巧添歌女媚，製冠偏助上公榮。  
長吟不獨能驚夢，更恐秋來動旅情。

送陳郎中重使西域二首

雕輪華轂擁鳴騶，幾欲停鞭記舊遊。  
赤嶺晚雲連雪積，黃河春水帶冰流。  
旌麾行處羅諸部，金帛頒時列衆酋。  
却笑虎頭班定遠，身親百戰覓封侯。

帝官 恩詔向窮邊，蕃落依天。  
昔年酋長拜迎，張

兒羌姬歌舞，散金錢。葡萄夜醉，毼毹月驪。  
曩晨嘶首宿，烟百寶嵌刀珠飾。靶部人知是漢，張騫

卽事

片片飛花逐水流，傷春何處最多愁。  
紅粧獨倚闌干上，望盡征帆不下樓。

楊文貞名寓字士奇號東里廣饒人永樂間官太師無華蓋殿大學士諡文貞有東里先生集

巫山高

巫山高，高高十二峯。連崖疊嶂如游龍，當時陽臺下神女。  
翠歛紅銷空處所，朝朝峽裏望氛氲。可憐猶儂作行雲。

相思已下露裳淚，況復猿聲不可聞。

高郵

四顧無山色，蒼茫極遠天。  
水雲涵郭郭，杭稻被湖田。  
草舍津頭市，菱歌柳外船。  
羈愁念前路，非爲別離牽。

野亭

秋日野亭上，四望盡青山。  
飛鳥去無極，白雲相與還。

七夕送丁侃吳江教諭

玉露下青冥，銀河會兩星。  
故人當遠別，獨步下前汀。  
曉月滄洲詠，秋風泗上亭。  
菱荷香欲過，楊柳翠將零。  
小邑近吳郡，青山滿洞庭。  
官居自有適，况乃坐譚經。

題鄂渚贈別圖送人歸廬陵二首

鷓鴣江中紅樹鳳凰城裏青山借問來遊幾日秋水蘭  
舟獨還

客遊黃鶴磯畔家住金魚浦前心似波間明月隨君直  
到螺川

三十六灣

湘陰縣南江水斜春來兩岸無人家澤林日午鳥啼歇  
開遍蒲山紅白花

胡祭酒名儼字若思號龍巖南昌人永樂間官太子賓客國子祭酒兼翰林院侍讀

遠將歸

國雅卷三

九

去年與郎別楊花飛白雪今年候郎歸楊柳綠依依聞  
郎買船下湘渚日日門前望行人過盡乳鴉啼徘徊  
日暮空延佇攬衣回洞房對鏡下新妝那知清漏短  
但愛月明光月光照席涼於水帳裏燈花撒紅蕊好事  
從來不浪傳明日升堂報姑喜

妾薄命

妾薄命聽妾歌夫婿輕別離妾心當奈何山有虎豹水  
有蛟螭川塗邈悠曷云能來朔風吹衣雨雪霏霏洞房  
慘慄神悽色衰吁嗟乎妾顏雖改兮妾心不移

出雷港

江水碧如鏡晴空無垢氛青山遙隔浦白鳥自成羣  
落春纔半潮平日欲曛歸期應不遠消息未相聞

韻次胡學士春日陪駕遊萬歲山

鳳輦宸遊日祥雲夾道紅香風傳別殿飛翠繞行宮徑  
轉千巖合波迴一鏡空忽看鸞鶴起聲在半天中

竹枝詞

船頭煙暝浪花飛船裏風來浪濕衣獨棹蘭橈下蓮渚  
迎郎不見又空歸

王翰檢名儼字孟揚閩人永樂間官翰林檢討有虛舟集

感寓三首

國雅卷三

十

羸皇越威武漢帝非仙才玄闕秘靈府何處求蓬萊終  
遺鑄池壁空獻新垣杯但見金泉下寶衣變寒灰  
艷色不足貴所貴在適時昭君傾國容遂爲丹青欺蛾  
眉嫁驕虜一往不可追至今青塚月夜夜令人悲  
富貴千里合貧賤促膝離骨肉尚云爾何況他人爲不  
覩寶門士請看蘭庭葵

詠史

狐白僅一腋勝彼千羊皮壯士出片言萬語空奚爲毛  
生奉平原自脫囊中錐提携十九人咤彼猶嬰兒一語  
定縱盟不待日易時英風被賸座磊落誠可奇知人豈

不難長鉞聲同非

水亭夜懷黃八舉杯六敏

孤亭水雲深入境自幽絕七絃罷鳴彈桐陰初上月偶  
酌尊中醪高望雲闕荷露清角巾松飈濯毛髮更寥  
天籟寒吟詠了未輟志偕南阜隱興藉東山  
離居中夜思超忽

入西山訪張隱士

西崖噴飛瀑絳屋煙霞裏山人不冠屨客至同隱几獨  
鶴海上歸孤雲澗中起淨掃白石牀風來墮松子

送陳貢士

王翰校  
入國雅卷三

十一

陳生江海士跋履當豪門五侯少知己倚劍思平原海  
國一相訪別余歸故園杯銜霜夜月挾拂秋山雲四望  
大野空蕭蕭鳴鴈羣意氣但自許離懷何足論

寶山蘭石

山門隱松桂花雨浮半空金仙青蓮居乃在煙霞中石  
竹覆紫苔四壁泉濛濛因窺一燈影宴坐萬劫同衆籟  
清梵音浮塵愧微踪願言別苦海永矣投禪宮

小垂手

秦女騁妖嬈春風步翠翹只疑花作臉更訝柳爲腰燭  
暗花鈿墮風輕羅帶飄自矜纖弱態不羨掌中嬌

白雲寺贈僧

道院說梵處應在白雲邊燕坐度小劫冥觀入大千諸  
天花雨遍雙樹慧燈懸何日東林社相期種白蓮

送李校尉致仕還江左

雄劍委龍鳴關河白髮生功成百戰後老去一身輕夜  
月桓伊笛秋風騁騎營燕歌何處寫曲罷有餘情

送人之毘陵

興盡一杯酒相看欲別時孤帆乘吹發一鴈度江遲千  
古蘭陵令秋風季子祠勝遊多感慨爲爾寄遐思

舟中贈司馬秀才

王翰校  
入國雅卷三

十二

才子茂陵客何年賦遠遊家藏封禪草身著鸛鷖裘未  
贈王祥劍先同邵泰舟明朝霄漢上一鶚看橫秋

具行不寄

欲拂更紛紛空香寂不聞亂迷芳蝶夢輕護錦苔紋襯  
月籠書幌因風颺舞裙莫移庭下步蹴碎一階雲

送沙予進赴祿州別駕

客舍酒初香都門柳色黃一官仍別駕萬里赴炎荒江  
路猿聲蚤山城榕葉涼遠人勞撫字且勿厭殊方

短歌行

東風吹花墮錦筵綠楊半鞦韆青樓煙主人自爲鸛鷖舞

小妓更奏鴛鴦絃當杯入手君不醉落日已在西山顛  
短歌一曲心茫然請看明鏡高臺上何須白髮悲芳年

### 飲牛潭

洗耳在潭下飲牛在潭上白鷺飛復來煙中立相向

### 送夏廷簡怡山蘭石

別路繞珠林秋來落葉深一燈今夜雨千里故人心已  
覺空門幻還驚旅况侵坐聞鐘鼓曙離思轉沈沈

### 怨歌行

絃奏鈞天素娥之寶瑟酒斟流霞碧海之瓊杯宿君七  
寶流蘇之錦帳坐我九成白玉之仙臺臺高帳暖春寒

王學士

十三

薄金縷輕身掌中托結成比翼天上期不羨連枝世間  
樂歲歲年年樂未涯雅玄粉白澹相宜卷衣羞比秦王  
女抱衾誰賦宵征詩參差雙鳳裁筠管不謂年華有凋  
換楚園未泣章華魚漢宮忍聽長門鴈長門蕭條秋影  
稀粉屏珠綴流螢飛苦生舞席塵蒙鏡空傍閒堦尋履  
綦宛宛青陽日將莫惆悵君恩棄中路妾心如月君不  
知斜倚雲和雙淚垂

### 長歌行

有淚莫泣鮫人珠有足莫獻荆山玉赤心徒使按劍猜  
至寶翻令笑魚目千金蹈海稱達人五噫出關西去秦

寶劍不復遇知己空歌白石南山春楚卿棄相復何有  
於陵甘作灌園吏雜縣偶集魯東門惆悵胡能事杯酒  
長風蕭騷百草殘長歎悲歌涕沱瀾金臺駿骨人已化  
瑤水風波不可攀長途半勝能折軸絨書爲謝雲間鵠  
海上三花久負期醉歸謗託平原宿

### 王學士

名達字達善號耐軒無錫人永樂中官侍講學士有文游集

### 精衛操

按述異記炎帝女溺死東海化為精衛日銜西山木石以填東海悲其溺死也

海之水今靡可量余之怨今既綿且長志殊苦兮力日

傷西山木石有時盡海不枯兮愁不忘

### 前旌操

衛宣公納伋之妻是爲宣姜生朔公令伋殺之齊使伋先待於隘而殺之壽知之以告

王學士

大國雅卷三

十四

伋殺之伋至日君命殺我壽有何罪賊又殺之  
飛旌兮影單白刃兮光寒兄之去兮路湯湯弟之心兮  
悲且酸天昭昭兮理實難兄生弟死兮心何安

### 後旌操

前旌操昔人有之而無後旌故用補焉

血漣漣兮載途嗟吾弟兮何辜弟之死兮實爲吾君不  
死兮心愧諸失親所愛兮兒罪當誅

### 梁溪

波皺綠迴輕風溪流直與南湖通人家兩岸幾興廢  
影蕭蕭夕照中孤槁欲發臨溪口澹煙寂歷明疎柳  
水清月落正愁人鐘鳴先是僧歸後芙蓉隔溪十里多



白雲滿牕生薜蘿  
聲啞軋剪寒月去去其如離思何  
送友從軍

煙浦綠迢迢離人酒易消  
路分京口樹帆渡月中潮夜  
靜聞清柝風寒試黑貂  
漢家方討虜好事霍嫖姚

題子昂畫

關下歸來覓釣舟  
黃金帶重雪盈頭  
鯉魚風起芙蓉落  
一縷絲懸玉鏡秋

劉孟熙 名維字孟熙號西江會稽人

送王內敬成遼水

應誇萬人敵耻作一書生  
塞外隨弓滿胡霜拂劍清  
馬

劉孟熙 名維字孟熙號西江會稽人

嘶秋草闊鵬沒暮雲平  
蚤逐征遼將飛車奏罷兵

送魏仲房往上高省親

新年思定省理權別家林  
野雪消不盡春江流正深  
伯魚方學禮子賤只彈琴  
記取臨岐處清言抵贈金

送友人歸鄱陽

芳草綠尚淺故園春未殘  
平生爲客慣今日別君難  
短棹吳郎曲哀絃楚女彈  
江花正滿眼且莫下長干

大堤曲

春風起大堤歷亂樓前柳  
樓頭多女兒解勸襄陽酒  
襄陽酒裏陽估客足黃金  
百千爭買女兒心紫萸帳薄燈光透翡翠

金重蘭氣深蘭氣未銷  
燈未滅合歡交結丁香結  
良宵一刻惜如金黃金易擲  
情難歇前船南商去後船北  
商來不知妝鏡匣今夕爲誰開

題宋院人畫盤車圖

大車盤盤牽不住小車碌碌推還去  
上阪下阪日千迴不離太行山側路  
吳鹽蜀米塞蒲箱烏犍耳濕筋力強  
商人重貨不畏虎飯牛夜夜宿車傍  
妻孥不須念行旅橐中有金皆樂土  
星餐露櫛逐隊行但願利多無所苦  
道傍往來多折軸誰人肯戒前車覆

詠筆鴈

絃絃相近不相離入調頻將玉手移  
最恨曲終人散後影分行斷各參差

浦舍人

名源字長源號東海無錫人洪武中官晉府引禮舍人有長源集

題青山白雲圖

青山欲轉綠溪迴古木春雲掩復開  
不識桃源在何處但看流水落花來

送王濟民歸盤谷

官亭酒香柳花白下馬持觴送行客  
客歸江上愁更多春水雨中生綠波  
青樓遙對揚子渡殘日微明廣陵樹  
渡江酒醒傷別離夜半舟人歌竹枝  
烏啼月落海



驛程已過淮陰縣楚鄉旅飯食有魚宵征在鞍宿在市  
中原漸近太行麓不知何處通盤谷一逕縈紆萬壑深  
始知舊宅隱雲林昔年泉谷渾無恙猿鶴猶存松桂長  
遺老家懷故情相邀雞黍話平生尊前不問宦遊好  
只說山中農事蚤數畝何須負邵田郡中太守正求賢  
知君不肯入城市日逐漁樵向山水江南故人那可逢  
有書應寄南飛鴻

送人之荆門

長江風颭布帆輕西入荆門感客情三國已亡遺舊壘  
幾家猶在住荒城雲邊路遠巴山色樹裏河流漢水聲

王舍人

國雅卷三

十七

若過旗亭多取醉不須弔古謬題名

寄袁二

長安年少羽林郎騎射能事武皇弓影醉開孤月滿  
刀頭新買百金裝聽雞曉關疎星白走馬春郊細柳黃  
應募玉門關外去請纓生繫左賢王

王舍人

名緩字孟端自號友石無錫人永樂間官中書舍人

送楊得昂

我適桑乾歸君猶五溪去飄流若萍梗何由復相遇迢  
迢江上山歷歷煙中樹後夜月明時相思渺何處

寫竹寄贈顧教授禔謹中

聲起巫峽暝色迷湘渚悵望千里遙佳人渺何許幽  
期邈難值欲往復延佇中夜獨遐思西應颯風雨

題青山白雲圖

我曾九龍山下住結廬正在雲深處日日看山還看雲  
長教剪却當簷樹無端一別猿鶴羣馬蹄南北徒紛紛  
塵途底事拂衣晚回首愧負山中雲

送張知縣

作宰麻陽去民戶維五溪世傳繁瓠後地接夜郎西臘  
釀多藤酒春禽半竹雞到官應有便莫惜寄緘題

送陳尚賓還靖州

王舍人

國雅卷三

十八

嗟余湖海度年華爾復飄零更可嗟舊業甞歸翻似客  
異鄉重到卽爲家江連雲夢孤帆遠日落衡湘斷鴈斜  
行行月明何處泊相思回首各天涯

王翰籍

名恭字安仲號皆山閩中新寧人永樂中爲薦內閣纂修有白雲樵唱集

塞下曲

寶鑑

百戰皋蘭北長驅入塞垣陰雲橫虜陣朔雪度營門牧  
馬邊塵黑鳴笳隴日昏辛勤看玉劍猶未答君恩

夏夜曲

月照迴廊鳴璫出洞房竹清一氣荷汎小池香雪  
几官羅潤雲鬢夜月涼庭前有梧葉蚤晚落銀牀

宮人入道

雨露恩寧薄，煙霞思獨迷。  
向人披鶴氅，無分捲龍衣。  
女伴愁將別，君王夢亦稀。  
他年青鳥使，銜表到金扉。

昭君怨

掩淚向邊州，君恩此日休。  
身隨胡地遠，心是漢宮愁。  
鴈塞春難度，龍堆草易秋。  
玉容何足貴，翻作羽林羞。

寒村訪隱者

谷口微霜度，寒村獨見君。  
西風正蕭索，落葉不堪聞。  
古路無行客，閒門有白雲。  
爲憐幽處好，不忍便離羣。

賦得白鴈送人之金陵

王翰詩  
八國雅卷三

十九

乙

燕山榆葉望秋稀，雪羽蕭蕭向楚微。  
雨夜蘆花看不定，夕陽楓樹見初飛。  
影隨漢騎營邊落，夢遶胡兒笛裏歸。  
君到石城霜漸冷，暮雲聲斷欲沾衣。

新燕

海燕雙飛下柳塘，主家臺榭已荒涼。  
玉窻繡戶春雲外，不忍翻飛過別牆。

鷓鴣

綠樹殘春外，雙飛錦翼齊。  
長沙有遷客，莫向雨中啼。

長信宮落花  
深宮花謝使人愁，片片隨風滿御溝。  
妾命自憐花共命，

思那似水東流

老馬

百戰沙場老，此身長楸宮。  
草幾回春只今棄，擲寒郊路猶自悲鳴戀主人。

山窗夜雨

深澗垂蘿暗竹房，半枝殘燭雨聲涼。  
蕭條樹葉千峰裏，不獨啼猿斷客腸。

詠白頭公鳥

竹下棠梨花漸稀，白頭相對語依依。  
五陵年少多金彈，莫戀殘春忘卻飛。

王翰詩

八國雅卷三

乙

題梨花斑鳩圖

繡頸欄斑錦翼齊，梁園春樹好栖遲。  
樂遊年少偏嫌雨，莫向花間自在啼。

李方伯

名補字昌俱廬陵人永樂間官河南左方伯

送友人南歸

維絃無楚調，忍向醉時聞。  
連歲長爲客，他鄉更別君。  
鷗波明夕照，鴈字寫秋雲。  
迢遞還鄉夢，相隨過海門。

周原幽居

山色蛾眉秀，江流燕尾分。  
亂蟬吟落日，獨鶴引歸雲。  
黃溪邊樹青，帘雨外村興來。  
留客坐隨意，倒芳尊。

送周秀才遊長沙

迢遞長沙道蕭條歲晏遊亂山黃葉寺孤棹白蘋洲夕  
鳥衝船過寒波背郭流毋論卑暑地賈傅昔曾留

宿廢普濟寺

青山行欲盡深樹見僧房雲氣千峯暝秋聲一院涼長  
藤懸破柏脫葉覆空廊龍象黃金地蕭蕭蔓草長

送陳生歸吉水赤岸

清砧無落葉總是別離情去路千程遠歸舟一葉輕秋  
雲連樹暗寒日映川明亦有滄浪興何時共濯纓

喜張進士叔豫見宿旅舍

窮巷寂無隣青燈共故人遙聲霜下聲孤影客邊身露  
冷蛩相吊庭寒月自親殷勤一瓢酒更與話酸辛

春日山中尋泉

春泉試獨尋度壑微穿林忽見流紅遠方知入翠深色  
渾因悟雨聲澹只疑琴瑟弄忘歸去窮源空有心

千肅愍

名謙字廷益號節菴浙江錢塘人官  
天間官少保兵部尚書贈太傅并諡

南國有佳人

南國有佳人皎皎冰雪姿恒恐汗繁白臙粉不敢施奉  
身事君子服勤忘燕私一朝成遠別千里長相思願托  
雙飛翼辛苦良不辭歸來侍君側恩義兩無虧永言執

箕帚盡瘁以爲期可望不可卽翹首空望客

楊花曲

垂楊飛白花飄飄萬里去多情蜂蝶亂追隨不問依樓  
向何處人生漂泊無定蹤一似楊花趁暖風今朝馬足  
西邊去明日車輪又向東可憐不識歸來路一去江山  
千萬重楊花本是無情物懊惱人生在客中

出塞

健兒馬上吹胡笳旌旗五色如雲霞紫髯將軍挂金印  
意氣平吞瓦剌家瓦剌窮胡真犬豕敢向邊疆撓赤子  
狼貪鼠竊去復來不解偷生求速死將軍出塞整戎行

千肅愍

八國雅卷三

二五

十萬戈矛映雪霜左將纔看收部落前軍又報縛戎王  
羽書捷奏上神州喜動天顏寵數優不願千金萬戶侯  
凱歌但願蚤回頭

落花吟二首

昨日花開樹頭紅今日花落樹頭空花開花落尋常事  
未必皆因一夜風人生行樂須少年老去看花亦可憐  
典衣沽酒花前飲醉掃落花鋪地眠風吹花落依芳草  
翠點臙脂顏色好韶光有限蝶空忙歲月無情人自老  
眼看春盡爲花愁可惜朱顏變白頭莫遣花飛江上去  
殘紅易逐水東流

點依芳草多情還似未開時分付家信

掃掃却明朝又落來來年依舊見花開莫口開落

驚喜且向花前飲一杯

### 古意

妻顏如花命如葉嫁得良人傷遠別別來獨自守空閨  
夜夜焚香拜明月月缺重圓會有期人生何得久別離  
願將身托蟾蜍影照見良人不寐時

### 夏夜步月

明月入我戶清風吹我衣散步下瑤階仰看星斗輝萬  
籟寂不聞羣動成息機嘯歌振林藪鳥雀爭分飛興盡

却歸來此意知者稀

### 夜聞鶴唳有感

齋居無匹匹空篆煙冷明月揚素輝脩篁散疎影雙  
鶴向我鳴鼓翅復引領靈風振縞衣華露漙丹頂清響  
徹雲霄萬籟悉以屏芝田在何許遙遙隔塵境欲去還  
未能蹉跎駐光景聽此融心神令人發深省

### 暮春行

外東風捲塵土紅雪隨風掠亂舞看來春去本無情  
景傷心良獨苦人生安得常少年花開花謝兩堪憐  
顏色好明日花殘春已老白頭未得返丘園

六日大南憶芳草憶芳草岐路多江湖浩蕩浮春波春  
波只解東風去不送歸舟可奈何

### 題山行小畫

青山無數重掩映門前樹飛鳥伴孤雲時時自來去避  
近林下人相看久延佇

### 題山中日暮

落日照樹梢飛鳥投林稀郊園迷遠近溪山帶餘輝疎  
鐘何處發雲外一僧歸

### 到澤州

信馬天將暮離山路轉平川紫太行驛樹繞澤州城落

日翻旗影長風送角聲孤雲在天際回首若爲情

### 題古寺

古寺知何代荒涼倚翠微凝塵生佛面落葉擁禪扉殿  
迴香燈寂廊空鳥鵲飛塔鈴風外語應似怨斜暉

### 送平江侯出鎮臨清

鼓笳載道出神州鐵騎連雲擁列侯綵旂行穿花外路  
紫騮嘶近驛邊樓寸心深慰黎民望一面全分聖主

憂千里桑麻齊魯地呻吟從此變歌謳

### 春日登樓

柳條如翠線萬縷識春愁遮斷東風路無緣入畫樓



秋閨二首

散步瑤階下庭空不見人回頭顧明月惟有影隨身  
莫向池邊去芙蓉花正開近來憔悴甚因是被風猜

張學憲

名和字節之號係菴崑山人正統間官  
浙江廉憲無督學政有篠菴先生集

期友人金河橋上納涼不遇

涼月鑑廣津微風集高樹翻翻栖鳥驚杳杳流螢度蕭  
條旅中懷悵望橋東路有約君不來無言獨歸去

登泰山

昔聞泰山高今上拱北臺剛熒振六合曠望無塵埃日  
觀一峯立天門兩壚開瀑流注空谷響轉萬壑雷似聆

張學憲

八國雅卷三

三五

五

笙鶴音縹緲雲中來羽節分上下長煙共徘徊馳車杳  
難接自愧非仙材

夜宴曲

余應江西校文聘至蘇適會錢內翰劉沈  
盛陳諸子飲徐汝節所酬有述景泰元年

銅盤絳蠟流晴虹蜀絲步障圍香風瑤釵寶髻光玲瓏  
紅牙按腔白苧舞仙袂翩翩欲輕舉驚鴻翻雲雉鳳語  
水晶簾箔搖寒星金鴨腦麝流芳馨蘭芽玉茁春娉婷  
鈿簧悠悠歌宛宛鯨吸流霞恨杯淺曲闌露寒斜月轉

送劉文羽赴京

臨岐一杯酒爲君歌遠遊人生若流萍聚散焉能謀落  
日照大江長風吹去舟江花與江水離恨同悠悠

儀真別越客

落日照芳草長風吹斷雲滄洲送歸客遠道惜離羣  
酒何年共江帆此路分蓬間獨回首鳴鴈不堪聞

題江湖勝覽卷贈李彥暉

萬里一孤舟常年事勝遊星河三峽夜煙樹五湖秋跡  
擬玄真子名齊博望侯翻憐蓬萊士白首卧林丘

蘭陵秋夕

碧樹鳴秋葉步踏欽夕波漏長稀箭刻樓迥逼星河候  
鴈迎霜蚤啼螢傍月多懷人不能寐彈鋏起商歌

過桐君山

張學憲

八國雅卷三

三六

六

雲斷山疑合川回路忽分秋聲兩岸葉曉色萬峰雲旅  
鴈衝帆度寒蟬隔水聞嚴陵遺跡在我欲問桐君

聞繼耕兄有病作

南北事驅馳頻年在別離兩鄉空積夢雙鬢各八絲海  
路瞻雲斷音書附鴈遲急難心耿耿愁賦鵲鴒詩

送行人劉諭使滿刺加

華髮漸盈頭誰憐萬里遊佩辭天闕曉帆挂海門秋積  
水浮仙嶼寒星伴使舟歸來建奇策博望擬封侯

度嶺

疊磴盤盤上溪流曲曲通馬嘶青嶂外人度碧霄中



石奔狂獸梁臥斷虹驅馳奉 明詔焉敢惜微躬

### 雙溪晚行

落日雙溪暝南風一舸輕水螢飛不定沙鳥宿還驚捲  
暢灘聲遠披襟露氣清千峰互迴合何處望 神京

### 遊方山

目觀山中勝神遊物外天一塵飛不到千嶂迴相連磴  
道盤危壁禪宮近瀑泉馬嘶紅樹裏人度白雲邊洞穴  
龍吟水香臺鶴舞煙竹深纔辨路松偃不知年閨苑  
難馭滄溟石可鞭經過暫成趣何必問神仙

### 泰山絕頂作

俯視羣山小方知岱嶽尊峯高礙星斗勢遠壓乾坤  
嶂紛開闔閭風互吐存形霞橫御帳碧落近天門絕壁  
唐銘在穹碑漢刻昏石屏當道擁雷瀑下雲翻禪祀時  
方啓明堂跡尚存登封七十二我欲問軒轅

### 擬劉長卿過賈諒宅和友人韻

少年流落到湘濱當世何人更惜君身類楚囚非達宦  
書陳漢室祇遺文空林落葉分秋靄廢井寒蕪映夕曛  
又弔忠魂無覓處嶺猿回首不堪聞

### 賦得柳送人

暖風披拂暫葳蕤色映鵝黃淡落暉煬帝宮前春漠漠

闔閭城外晚依依青驄每綰長條繫紫燕遙衝落絮飛  
有客河橋欲分袂一枝相贈惜相違

### 與朱千戶夜話

客裏相逢感慨深劍歌時復動悲吟清尊坐對三更月  
紫塞遙馳萬里心瀚海地荒龍駕遠交河風急鴈書沈  
微臣愧乏安邊策北望胡天淚滿襟

### 南山清隱爲宣城洪鉉作

遁跡甘從鹿豕羣南山深處隔羣氛屋前流水連青嶂  
堦下寒松護白雲栗里自翳元亮酒草堂不厭稊珥文  
紛紛車馬塵中客高節能無愧隱君

### 蚤朝

白玉欄杆近綺疏絳羅宮燭映金鋪仙韶未作班初定  
試聽雞人第一呼

張僉都名楷字式之四明人  
宋天閣官僉都御史

### 遊少林寺

步入金沙地相邀坐竹林僧歸青嶂寂龍卧碧潭深石  
澗流春乳松堂落午陰高懷殊未已臨別更沈吟

### 賦得暮雨送李胃

微雨滄波路孤舟薄暮時鴈迷歸浦蚤雲濕渡江遲白  
日青山暝芳洲碧草滋紛紛對華髮相看總成絲

。晚次樂鄉縣

故國二千里他鄉此獨征亂山依遠戍寒日下孤城燈  
火瞻程近川原入望平不堪回首處孤鴈入雲鳴

贈張將軍

百戰功何在荒城夕照間角聲千騎盡弓影一燈閒見  
月思臨塞因風想出山當年青海上曾記突圍還

送人遊塞

別淚墮如絲含情折柳枝晚風花落處寒日馬嘶時記  
里知前路占程定後期百年能幾日強半惜分離

李陵詠

國雅卷三

二八

五

李陵入匈奴自恃將家子眼空沙漠羣氣弱天下士轉  
戰耻懦兵貪功入深壘殺氣慘雲日笳鼓昏未已決死  
鋒鏑間失身脫穢裏堂堂漢將軍夫豈穿廬侍遠意欲  
有爲偷生以令耻對案不能食殊方忍居此霜寒胡鴈  
鳴雪凍白草死迢遙望妻孥滅沒誰與理

老將行

少事武皇親幸時天閑赤驃尋常騎當關一箭落雙雉  
萬口噴噴稱男兒天山夜擣單于壘葱嶺朝傾頤

琵琶帳底金鑿落刀斗營前缺蒺藜穰且豈解知令變  
孫武何曾識偶奇當時只擬名不朽誓向棠街懸賊

相如白璧還奉君晉鄙兵符奪懸肘謗說三出草萊

誰誇百步穿楊柳運籌不數張文成決計浪傳陳戶牖

長笑廉頗惟善飯也知樊噲徒誇酒蹉跎世事若浮雲

閭外傳宣寂不聞帳下爭趨新號令道傍誰識舊將軍

對客龍鍾羞講武逢人磬折學談文壁上螭螭雙劍

門前烏雀散三軍願得子房憐老馬還同魏尚叙前勛

隴頭吟

玉門將軍秦隴客十載不歸頭半白夜聞隴水憶秦關

曉上城樓聽羌笛笛聲嗚咽送邊愁隴水滔滔日夜流

壯士三千豪氣盡家人翹首望封侯年年虛建平胡策

國雅卷三

三十一

五

依舊黃沙隴水頭

。竹枝詞

浮雲日日蜀山頭石灘年年蜀水流家住瞿塘三峽下

慣經風浪不知愁

。江南春

滿川啼鳥怨殘紅水部春園柳絮風春雨一番江水闊

草痕將綠到吳中

寒下山

風急陣雲高胡人不敢逃當關縛虜來試礮鞬刀

。江南曲

忽得三巴信郎歸未有期只緣風浪險不是薄情兒

鄧忠武

名登字元登籍濠州廣德人永樂天順間封定襄伯成化中贈侯并諡

洞庭君廟

停舟一拜洞庭君古廟荒涼對夕曛鳥跡下庭書作字  
蝸前侵壁篆成文江通巴峽風濤壯山過寧陵楚蜀分  
簫鼓不來鴉陣散滿堦黃葉自紛紛

經舊戰場

一夜西風捲漢旌連營兵甲散如星孤臣獨抱終天痛  
諸將難逃誤國刑自恨中原無猛士誰知高廟有神靈  
黃河白骨斜陽裏衰草連天戰血腥

鄧忠武

八國雅卷三

三十一

哀征人

天連離水鳴咽戰馬無聲寶刀折冤鬼慘酸啼夜月  
青燐熒熒明又滅照見征夫戰時血

客中春晚

遠塞書難寄空庭花自開舊巢雙燕子今歲又歸來

偶州目

名桓字武孟太倉人永樂間官荊門州吏目

雜詩

衡茅日岑寂嘉樹生繁陰風興挹朝爽翛然澄我心如  
彼倦飛鳥冀得栖故林抱經味道言且復理鳴琴惜哉  
鍾子歿曠世誰知音

忽忽歲云暮朔風吹客衣雖云鄉井近轉覺信音稀山  
榛既蕃蕪余蓼亦滋長幽蘭獨憔悴况復纏草莽不因  
馨香發豈獲君子賞

歲暮

忽忽歲云暮朔風吹客衣雖云鄉井近轉覺信音稀山  
響鼙鼙嘯江空鶴鶴飛百年渾潦倒底事未能歸

送陳民初先生歸廣州兼問訊趙知事公傑

靜江遙帶五羊城官舸乘風畫鷁輕客館鄉人秋送別  
高齋弟子日相迎枕柳接葉蠻煙暗螺蚌含珠海月明  
到郡爲詢賢贊府幾時鞍馬定朝京

偶州目

八國雅卷三

三十二

桑別駕

名悅字民懌號思玄居士太倉人宣德中官長沙倅改移柳州有思玄集

同丁秋官鳳儀夜坐

哦詩北斗下清夜蘇未央長天振孤影一鴈東南翔我  
心如風露煩襟亦清涼况對秋月坐肌骨徹寒光夜氣  
如何駕同君游八荒

感懷

東園有奇花容姿鮮灼灼雖是春風開亦是春風落甘  
霖被郊原蔓草輕蘭葯所以高岡松無言樹寥廓

和朱文公讀道書二首

塵世難縱步眷焉思十洲躡履登碣石濯纓臨弱流折

玉樹無春秋太虛一回首歲月空悠悠

萬仞日落風淒淒雲駢駕牽牛良夜同安期織

濯銀河顧盼生容姿相看不得語步月興遐思

招賢里

公卿薦士久不作此地舊有招賢名誰知燕臺一抔土

可直全齊七十城魏闕遙遙楚天碧滿眼白雲江水急

小山叢桂不聞歌秋空月冷黃金泣

贈蕭時清

十里螺湖外

開門正挹滄浪清偶逢道士贈丹訣

閒課山童抄酒經畫長燕子飛入戶春盡樹陰鋪滿庭

蕭蕭

國雅卷三

三三

近來聞說有奇事賣藥修琴曾到城

詠佛桑花

帝無麗卉關猩紅淨土門傳到此中欲供如來嬌色重

謂藏宣聖訝株同葉深似有慈雲擁藥折偏禁慧日烘

賞玩何妨三宿戀只愁燒破大虛空

題畫

浮雲出沒春逢岑小亭日日巢秋陰美人如玉不可見

似子自落空山深

國雅卷之四

勾吳顧起綸玄言選

丘文莊名濬字仲深瓊山人景成間官少保武英殿大學士贈太傅諡文莊有丘瓊臺集

擬古

依依重依依不忍生別離別離已可悲況值秋風時柳

衰不堪折情悲不堪說願妾爲小星君身化明月明月

青天飛小星恒相隨月出星亦出月歸星亦歸莫學秋

胡妻相逢不相識生者固可慚死者亦何益

題李都督虎

陰風颼颼振林木百獸覓飛草中伏舉首爲麾尾作旌

丘文莊

國雅卷四

白晝橫行誰敢觸汝虎雖猛不如人慎勿夜逢李將軍

將軍射石尚沒羽薄肉淺毛何足數

春閨怨

舊歲花殘今又開去年人去幾曾來不知明歲花時節

人在天涯回未回

采蓮曲

蓮花紅蓮葉碧紅似妾容粧碧如妾裙色輕紅易落碧

易衰情人道來尋不來停撓轉頭已過午藕絲斷盡蓮

心苦

挽南海羅都御史正統己巳北平人累官至兵部尚書



京城衆欲焚城走時羅公爲都御史巡撫  
乃毅然仗劍當門拒之且下令曰敢有出者手  
斬之衆遂定宜  
府至今能言之

六龍北狩無消息邊城四望狼烟赤胡馬長驅去復來  
何人却建捐邊策鎮朔將軍生入關北門鎖鑰空餘鐸  
強兵走馬盡南走黃塵蔽日天漫漫白首憲臣南海客  
手抄

知當門立誓與孤城同死生怒髮衝冠氣千尺  
車輪生角馬駐蹄居人不動行人歸叱咤之間樓櫓具  
金城鐵壁湯爲池雲州失守赤城破胡兒躡足城邊過  
老妻稚子盡登堦公亦援袍雪中坐山前山後無數城  
此城迄立如巨屏虜騎南來資扼塞王師北出恃屯營

五文班

八國雅卷四

二一

文

屏蔽京師功卓偉設有長城長萬里江淮果賴張真源  
河朔僅餘顏御史憂國勞邊兩鬢霜 成色骨歸故鄉  
肘金腰玉光塞路無人上書訟陳湯一葉扁舟五湖水  
漲海邊頭亂山裏折簡不通朝貴書抱膝長吟聊爾爾  
羅浮山崩天墜星乾坤一夜以英靈公今生死已無愧  
邊人至今嗟未平邊人能言不能紀慚我鄉生官太史  
聊述人言作此詞書罷長歌淚如洗

除夕

節序三冬盡鄉關萬里遙一年餘此日百歲幾今宵天  
暝雲垂地春回斗轉杓孤鐙半岑寂坐待五更朝

客中對月

萬里思歸客傷心對月華願憑今夜影回照故園花

山居晚宿

地僻夜沈沈愁雲結暝陰隔林燈火起照見並棲禽

李文正

名東陽字實之號西澗茶陵人天正間官少  
師華蓋殿大學士贈太師并諡有懷麓堂集

屠兵來

兒勿啼屠兵來趙宗一綫何危哉千金買兒兒不死真  
兒却在深山裏妾今有丈夫有子死兵易立孤難九原  
下報無慚顏趙家此客還此友穿何故亡盾何走誰言  
趙客非晉臣當時嬰杵爲何人

五文班

八國雅卷四

三

文

鴻門高

鴻門高高屹屹日光盪雲霧寒燄舞劍三示決壯士入  
目皆折謀臣怒玉斗裂網彌天龍有翼龍一去難再得  
。牧羝曲

嗟汝陵咄汝律羝可乳節不可屈咄汝律嗟汝陵寧爲  
我死不作汝曹生生入朝身已老有淚猶沾茂陵草天  
遣生還入畫圖不然誰識冰霜貌

馮婕妤

閨門畫開熊不守婕妤當前衆嬪走荷君恩寵捍君節  
不然安用賤妾爲君身如山妾如葉君有不虞安置妾



亦知倉卒非賈恩恩多妬深翻在睫馮嬖好背非勇  
非怯掖庭佞兒何喋喋

### 嚴陵山

劉文叔加我足侯君房贖我目平生若遺吾喪我有目  
如盲足如跛安能城市復山林朝往暮還無不可君不  
見嚴陵山水高復深誰哉更識先生心

### 鸚鵡曲

大兒孔文舉小兒楊德祖餘子碌碌不足數身著岑牟  
前擊鼓禰生狂呼老瞞沮我辱衡衡辱我我欲殺之猶  
雀鼠一投荆再送楚黃鶴磯頭賦鸚鵡鸚鵡才多爲舌

李正

國朝卷四

四

誤舉世何人不相如生莫逢仇主簿

### 聞雞行

城頭雞鳴聲不惡祖生夜舞司州幕南來擊楫向中流  
殺氣橫秋盡幽朔手提一劍刷兩龍黃河以南無戰鋒  
十州父老皆部曲誰遣吳兒作都督中原未清壯士死  
遺恨吳江半江水

### 伯仁然

呼伯仁百口累卿卿不聞伯仁出醉叱羣奴殺諸賊卿  
負我我負公軍中應對聲如鐘三言不答二賢死義未  
滅親先殺士君不見王彬哭友不拜兄幽冥未必無知

### 送攸縣陳醫官

雨過洧江綠春深楚客歸岸花隨路發沙鳥背船飛門  
對孤峯秀庭餘寸草暉杏林多舊樹應長去年圍

### 立春日 車駕詣南郊

煖香和露繞蓬萊彩仗迎春曉殿開北斗舊杓依歲轉  
南郊佳氣隔城來雲行複道龍隨輦霧散仙壇日滿臺  
不似漢家還五時甘泉誰羨校書才

### 西山樵詩

路遠山根斷却連亂藤深竹寺門前貧憐白屋蒸藜餉

李正

國朝卷四

五

倦愛青溪枕石眠載酒欲陪狂客醉留詩聊結野僧緣  
深山六月無炎暑一榻清風萬樹蟬

### 南風嘆

夕陽亭前車不發南風吹塵暗城闕凌雲醉客噤不言  
蛙聲亂起華林園城頭鹿車走轅轅洛陽少年美如玉  
宮中夜半牝雞啼千門萬戶皆翻覆金墉城城近遠朝  
來暮去誰能免九原若見楊家姑應問婦來何太晚

### 掛劍曲

長劍許烈士寸心報知己死者豈必知我心元不死平  
生讓國心耿耿方在此

寄王丹徒公濟

美人別我來贈我冰絃絃直似君操絃清似君言一  
彈不成調再鼓不成歡舊曲不復記離愁莽無端山高  
水復遠君去何時還我琴不必工雖工向誰彈古人知  
音少今人知音難

虞美人

按劍孤營落日昏楚歌聲裏漢兵屯當時國士無存者  
獨有虞姬不負恩

花將軍歌

花將軍身長八尺勇絕倫從龍渡江江水渾提劍躍馬

李文正

八國雅卷四

六

走平陸敵兵不能逼主將不敢噴殺人如麻滿川旂徧  
體無一刀鎗痕太平城中三千人楚賊十萬勢欲吞將  
軍怒呼縛盡絕罵賊如狗狗不信擣頭萬箭集如蝟將  
軍願死不願生作他人臣部夫人赴水死有妻不辱將  
軍門將軍侍婢身姓孫收屍葬母抱兒走爲賊俘虜隨  
風塵寄兒漁家屬漁姥死生已分歸蒼昊賊平身歸竊  
兒去夜宿陶穴如生墳亂兵爭舟不得渡墮水不死如  
有神浮槎爲舟蓮爲食空中老父能知津孫來遇連  
行在哭聲上徹天能聞帝呼花雲兒風骨如花雲手摩  
膝置泣復嘆雲汝不死猶兒存兒年十五官萬戶九原

拜君王恩忠臣節婦古稀有嬰杵尚是男兒身英靈  
在世竟不朽下爲河嶽上可爲星辰君不見金華文  
章石室史嗟我欲賦豈有筆力回千鈞

荷鷺圖爲薛御史作

秋山次寥秋水闊一夜天風起蘋末萬籟凋餘錦樹空  
繁花落盡紅衣脫鵝鵲鵲俱無聲沙邊白鷺如有情  
幽禽相呼落日暝尺鯉下避寒潭清寒潭直下幾千尺  
落羽回波共蕭瑟獨立遙憐海嶼青低飛不礙江雲白  
詩家畫格還相宜却憶江南初見時雍陶池上風雨集  
蔣詰田中烟火遲吾生頗似巢籠鳥十年塵土長安道

李文正

八國雅卷四

七

文

萬里滄浪一片秋安得閒身此中老

劉松年山水

九曲闌干十丈泉隔溪幽樹轉蒼然攜童莫道尋師晚  
猶秋山落照前

桔槔亭

野樹桔槔懸孤亭夕照邊閒行者流水隨意滿平田

姚侍御

名綬字公綬號九丘嘉善人正統間官監察御史有雲東集

秦女卷衣

秦女衣袂春雲卷眼中之人望中遠衣輕雲薄春淡蕩  
笑不成歡空婉孌莫恨人路孔遙莫卷衣心煩勞

作陰晴江皋不如陽臺真行雨飄飄襟佩空中舉

和韻桐村小隱

河流南入市逕路北通村新結草堂好舊栽桐樹繁兒  
童知稼穡鷗鷺識琴樽有客問奇字乘舟直到門

枯木竹石圖

秋風吹空古樹葉白雨壓低新竹枝淨掃石頭看暮色  
滿襟涼影與絲絲

張汀州名寧字靖之號方洲海寧人正統間官汀州太守

。張靜婉采蓮曲

蘭橈桂檣橫江浦玉露金波花正吐蓮步初從掌上升

張汀州名寧字靖之號方洲海寧人正統間官汀州太守

八國雅集四

柳腰新罷盤中舞腰纖步窄不勝衣露縠烟銷颺欲飛  
雨歇朝雲降巫女月明秋水現湘妃蓮房已實蓮莖短  
幽思傷心悄停腕弱腰羞看翠梅圓柔腸暗逐水絲斷  
眼前歌舞易淹留只恐風光不到頭翠袖香銷紅艷冷  
無人重上採蓮舟

題姚公綬山水

幽意寫不盡萬山深更深白雲無出處綠樹漫成林啼  
鳥醒人夢流泉淨客心何當隨釣艇

袁可筠風木永懷

皇魚感風木立哭悲其親八哀千載下予復同茲辰林

木一何多天風一何疾木是無情吹能令有情泣風木  
有時息逝者無歸期依微耳中響綢繆心內思心思不  
暫緩歲月忽已遠落葉下庭闌山荒夕陽晚

趙松雪昭君圖

白登閼急神龍驚風雲變態和親成爾來一百七十載  
漢宮幾輩匈奴行豪街懸頭郅支斬呼韓欲落單于膽  
自陳欲作漢家壻故事相沿應不遠掖庭待詔方少年  
玉顏花貌當三千征夫不復顧鄉井天子豈肯私嬋娟  
誰言粉黛能傾國淑女從來無媚色琵琶再上莫皐絃  
畫圖莫怪毛生筆往事悠悠已若茲佳人一去古今思

張汀州

八國雅集四

九

文

共憐青塚蛾眉怨不記烏孫公主詞

。烏棲曲

烏柏樹上夜烏棲黃茆舍裏曉雞啼雞啼未了烏飛去  
錦帳佳人不知曙

襄陽樂

襄陽女兒夜行遊牽衣把袂大堤頭歌聲未歇笑聲起  
唱處無情聞處愁珠璫玉珮搖春綠北渚南湖相間屬  
至今荆楚宦遊人猶唱襄陽大堤曲

常林歡

桃林花落臙脂香宜城酒熟珍珠光峴山漢水時時來

不及常林長晨雞唱歇啼驚曉錦薦牙牀春  
天寒日暮未還家夢中猶怯荆蠻道

重遊金粟寺有作

溪深通小艇山峻露層臺林葉經霜盡河水近午開  
雲僧出定舊雨客重來擾擾浮生路經過知幾迴

楊妃荒塚

幸極多生變恩深不到家寧歸掖庭獄得附後宮斜  
鬼火消寒雨竟香散落花猶勝莫臯婦青塚亂胡沙

吳文定

名寬字原博號龜菴長洲人成化間官宗伯兼翰林學士贈太子太保并諡有吳文定集

秋日閒居

吳文定

八國雅卷四

十一

委巷寡人跡杳無塵俗侵虛牕對高樹日午落疎陰玄  
蟬響方斷好鳥復一吟俯首越陳編直窺古人心抱冲  
世味薄處寂佳境深涼風滿衣袖自起彈吾琴琴聲和  
以暢永日有餘音

渡口驛遇風

黃沙障天天半昏砲頭風急萬馬奔何人去塞上囊口  
天與河流一色渾曠野寥日纔尺許只見風來不見雨  
雨師風伯不相能彼蒼高高奈何汝

高州周烈婦行

烈婦高州人隨其夫赴瓊山訓導婦以爲死干水矣遂抱其幼子亦赴水死人多作詩哀之其鄉太學生吳耕爲余道其事賦此

西江水深浪如屋有婦船頭仰天哭哭聲遶江江水  
玉顏一擲鴻毛輕想當盈盈雙淚眼只見良人不見水  
抱兒語兒勿啼妾身不是河伯妻倉皇魚腹期同葬不  
道良人固無恙良人無恙去作官妾身雖死心則安願  
身莫化爲精衛願夫善射如后羿願身化作金僕姑一  
時射殺荏苒徒

送趙武靖西征

火雲六月燒長空曠野旌旗相間紅王師未渡盧溝水  
先聲一撼燕然峯大將臂彎明月弓錦袍銀甲豪且雄  
前年一箭定兩廣去年匹馬平遼東四夷瞻若在眼底

吳文定

八國雅卷四

十二

不知何物爲西戎西戎跳舞真狂童此輩置之譚笑中  
飛芻輓粟走千里到日且欲蘇疲瘵利兵堅甲何足說  
自有十萬藏吾曾黃河東偏結巢穴鼯鼠五技依然窮  
沙場半夜無馬蹟捷書曉入明光宮此行本爲報  
天子豈意子孫皆上公史臣載筆鸞坡下願紀周宣薄  
伐功

咏南司新柳

綠嫩遙看夏非烟非霧曉難收牆高不使花飛過  
却化浮萍出御溝

張修撰

名泰字亨父太倉人天順中官翰林修撰有滄洲集



長門春思

露重花垂泣烟深柳暗聲如何清禁裏有此斷腸春

砧聲

誰家寒意蚤夜急擣衣聲少婦閨中力征夫馬上情野風吹斷續關月伴淒清願與將軍聽開邊暫息兵

送戴進士廷珍憂歸

目斷南雲哭母歸時還着母終衣千里征途從哭盡啼痕終比線痕稀

仲夏早朝

仲夏趨朝蚤微涼清素襟闕燈星共散官漏月俱沈露

張翥撰

國雅卷四

三

洗天街淨烟含苑樹深老郎無吏計馬上得閒吟

金臺懷古

燕昭昔好士高築黃金臺卑身事郭隗賢路從茲開豈不得幸銜樂毅乃雄才感激東破齊呼吸成風雷信義傾諸侯其如惠王猜特超失神駿委師任駑駘兵額火牛下宿耻除復來荒哉築臺意長使後賢哀

採蓮曲

翡翠樓臨瀟瀟水朱簾曉捲香風起靚粧搖蕩湖色澄一樣芙蓉鏡光裏蒲深柳暗人跡稀菱歌聲裏雙鳬飛攀紅採綠日易晚夕燈愁對文君機金羈白馬誰家嘶

挂機迎秋減芳意荷葉經霜缺舊圓藕腸欲斷絲還繫

用韻答陳克敬杏花下和坡公之作

春來幾花開過春幾人復爲花主人臨流問花花不語一片已墮青谿蘋我有春詞爲花發韶華瞥見春三  
花時不抱花影眠孤負青天送明月謫仙披老一生中吟花醉月愁樽空風流亦欲追清賞來赴君家山杏紅  
立秋前一日望夕

殘暑避朝雨新涼歸晚晴大星迎夜出高月先秋明桂

樹青山思芙蓉綠渚情年芳時未歇鷓鴣莫先鳴

漢宮詞

張翥撰

國雅卷四

十三

被寒燒盡鬱金香侍女無言立近牀一樣玉壺傳漏點  
南宮夜短北宮長

陸叅政

名容字文量太倉人  
成正間官浙江叅政

楊妃上馬圖

女奴扶力上龍駒玉頰酣春寶髻斜烽火照人聲鼓急  
尚疑燒燭夜催花

過公主廢宅

金屋重重鎖翠苔東風依舊燕飛來鳳簫聲歇春無主  
牢落宮花幾度開

徽宗閱畫



中原風景宋江山寫出新圖墨未乾翠輦北巡將不才  
只應留與蔡京看

出居庸關二目

五軍旗幟影紛紛鳥雀高飛避陳雲戎馬漫言非我事  
棄經今已慕終軍

魯連曾爲解時紛白首讐書笑子雲聞道胡兒南牧馬  
旋磨長劍學從軍

送孫教授山西主試

莫愁大行之路凌層巒僕夫將軍如走丸莫愁黃河之  
水多狂瀾津吏戒船如捧盤賢才得失休否關行路豈

陸叅政

八國雅卷四

十四

文

若知人難知人覲面有遺憾況爾想象文辭間子雲相  
如行不逮勃也可似炎劉安乃知生才各有限淑女未  
必傾城顏邇來程公尚穿鑿四海頗有遺珠歎先生識  
鑑不瑣瑣晉陽豪傑當彈冠君不見驚駒剪刷披錦鞍  
俗眼已作非常看孫陽掉首不回顧渠黃綠耳登天閑

夜聲

微醺醒中夜獨寤當逆旅心清聽斯聰聲動臆可舉輕  
噫疑林颺斜侵覺曉雨琤琮塔鈴幽軋隣家杵杵擊  
喧邏兒剪擲鏗縫女隆隆暝行車索索宿春杵軒睡人  
已酣嬌啼兒欲乳悲酸或孤嫠咳咯將病愁布裂僮視

金盆泣奴竊次梁泥落樓燕巢果啗饑鼠拂樹鳥驚移  
舍芻馬歎咀火煎蘭藥膏槽消玉缸醕腹枵雷殷春耳  
眩蟬吟暑宮壺沈此時巫鼓來何許趨朝傳鳴騶話舊  
接偶語百蟲薨然飛靈雞振其羽衆音等天籟真韻謝

律呂

陳山人

名蒙字允德太倉州人  
成正中遊燕齊間

宿遷

古邑臨河水昏鴉噪縣門四方垂集市三戶自成村禾  
黍秋風隴牛羊落日原客愁千萬種辛苦向誰論邑作

京城游俠詞

陳山人

八國雅卷四

十五

軟金鎖甲龍鱗黃寶蓋鳳翅緋纓裝珣弓開弦箭飾羽  
繡鞍玉勒爭輝光虎頭團牌蒙古篆日高退直麒麟殿  
官銀賞出富京娼御酒頻來設家宴功勳買得錦衣郎  
足跡何曾到戰場聞道西戎肆猖獗倩誰生縛左賢王

聞笛

落盡梅花雪滿庭故園楊柳夢中青羌兒馬上傳來曲

今夜關山月裏聽

寄晚香居士

公妻也

何處砧聲月漸高故鄉千里夢寬勞遙思此夕深閨裏  
切切寒風入剪刀

深秀亭

雲深巖穴暝山靜石瀨響春雨土膏肥紫芝大如掌

邵文莊

名寶字國賢號二泉無錫人成嘉間官禮部尚書卒謚

山人歸

白衣山人入山去黃衣主人留不住臨別無言還有心  
有言不似無言深山深人遠心咫尺雲去雲來本無跡  
相見無期兩相憶

屯田寄吳用晦

邊塞少雨雪歲豐亦如荒相逢莫相問豐荒兩無望荒  
歲固饑餓一死何足當幸或遇豐年誅求益遑遑有生

邵文莊

八國雅卷四

一

不如死長慟天蒼茫

符門

臣奢無事爲君戮臣胥敢怒不敢哭朝辭楚疆暮吳國  
還兵入郢亦太酷憤憤心還未足楚何怨吳何恩豫讓  
死王哀存是邪非不必論一片鴟夷皮裹骨難裹竟北  
風莫遣向越奔向越奔無不可只恐仇吳似仇楚

孫翊妻

夫死矣妾何敢生夫讐爲重身爲輕賊尚生妾何敢死  
舊門幸有諸君子號召如風赴如水奉賊頭祭夫墓白  
日下高天何處黃泉路

過馮公嶺

衣濕纔知馬入雲隔峯人語半相聞前行共指桃花紫  
巨石如碑不見文

題王敬止使朝鮮卷

玉樹挺高標緋袍敕度遼風傳箕子國星動漢官輶沈  
斤春回蚤封疆曉望遙清名滿東裔匹馬自還朝

哭李徵伯

信也還非信東來近有書病憐秋省誤吟想夜齋虛標  
格風塵外珠璣咳唾餘不須論舊事淚滿故人裾

石文隱

名珪字邦彥號熊峯萊城人成化間官少保吏部尚書武英大學士卒謚文隱

邵文莊

八國雅卷四

十七

道院

山中逢道士尊酒坐逍遙草色連天綠雲香入幔飄古  
潭龍夜語紫府鶴晨朝應有飛僊侶倚樓吹玉簫

雙鴈傷翮育于庭中有感

自是排雲侶秋深被網羅耦行猶作字長恨不成歌北  
望燕山月南思楚水波忽驚樓外影愁絕定如何

過牛頭山寺故韓師院

古寺高僧去荒林但鳥歸鐘浮石潭月苔滿盡廊衣世  
事驚春夢西風冷宦機坐看秋葉下惆悵昔人非

夏夕

暮色蒼然至涼思澹盈襟坐閱古人編稍見古人心  
岑出天末薄靄凝夏林羣動各有息衡門幽且深

。遠別離

秦雲隴樹高復低君去臺輪西更西亦知此別經歲月  
臨岐素手牽衣啼山長水深覓無處妾心如茶中自苦  
玉容顚顚金縷裂猶憶徘徊出門語春冰易消雲易斷  
妾意如何不零亂人生難得駐朱顏空帷夜長淚潛潛  
。契苾兒曲 垂拱朝民間歌契苾兒詞曲多嬌態亦樂之妖也契苾兒為張易之小字

君歌契苾兒妾按龜茲舞酒盡燈欲滅堂前鸚鵡語光  
順門宣供奉郎蓮塘水暖雙鴛鴦象牀犀簾伏熊枕春

石文隱

八國雅卷四

十八

風夜簌花枝狂誰家少年眼如虎犁斷并州杏花雨

。會昌宮詞

羽節貂裘謁內庭太和公主髮初星御前細說和番事

六院都來墮淚聽

顧司寇

名璘字華玉號東橋吳郡人弘嘉間官南京刑部尚書

白苧詞

玉房圍水夏氣清黃金作柱橫鳴箏風紉霧縠麗且輕  
君王近前嬌不迎牽儔顧侶若有情情有餘言不足團  
扇掩唇揚妙曲五花繡茵坐相促

擬宮怨二首

金罍入內家擬將新寵屬鉛華君王自信圖中貌  
靜女虛迎夢裏車帳殿秋陰生角枕厭厭空響應琵琶  
含情獨倚朱闌暮滿院微風動落花  
漢皇宮殿月明時曾侍宸游百子池舞馬登牀春進酒  
盤龍銜燭夜觀碁御前卻輦言無忌舉東宮照死不辭  
舊恨飄零同落葉春風空遶萬年枝

擬古

涉江采芳桂日暮且徒還豈無葳蕤色所往固迷端人  
生多憂患白露凋朱顏盛年失道路皓首空長歎

贈黃秀才省曾見訪

顧司寇

八國雅卷四

十九

負病伏園廬東來顧微養藝苑慨荒落賓階緬虛曠黃  
生大雅流金玉振高響念我來何遙澄江迤吳舫霞標  
汎秋塵羽爵洽朝餉披襟神倍暢析疑道彌廣繡纈淹  
旬留契合終古賞臨岐重解携佇立增悵悵

客居憐言

瞻瞻都城隅流雲泛春陌餘寒散林莽羣芳展佳色頽  
此清樽酒慰我遠游客獨酌臨高堂清吟遲華月

東鄉生

即足娛幽客多管經旬謝賓客春草當門生白

山寺獨坐蕭蕭樹上孤雲飛渡風具鳴

延平

古道

日昔人經此地離別已非一江

市改水淺新洲出君當樹榮名其關非所恤

答徐昌穀博士

前年共飲燕京酒高樓雪沁三尺厚酣歌徹夜驚四隣  
世事浮沈果何有一爲法吏少書來心結愁雲慘不開  
昨傳少移新籍坐嘯空齋日幾回

山

鹿飲紅泉細猿啼翠壁重仙雲氣舞舜塚王氣拂秦松地  
接金椎道山藏玉檢封鼎湖長在望何處仰宸容

國雅卷四

示

飯普惠寺

綠樹邀行騎青山擁寺門不勞鐘磬響久厭市朝喧解  
帶榆烟午鈎簾竹日暄老僧鋤菜甲隨意具盤餐

祝京兆

名允明字希哲號枝山長洲人弘正間官應天府通判有祝京兆集

俠少

三游本蒙武七貴元驕情腰間血七耀頭上金九過艷  
妓掌列盤變童口承唾高樓沸歌鍾王侯日盈座殺人  
不須仇睚眦家立破郭氏族盡滅銅山死猶餓

漂母祠

子胥逢擊絮遂爲鞭屍人淮陰遇漂母終亦去亡秦豪

傑與嬋媛萬年共

壁清淮映古廟月明空沄沄

閭市上復問哀王

自末春入初夏

舟即事

往往花移色交交鳥換鳴雲將京國遠水別衛河清高  
嘯迎風轉低眠看樹行

足夢中句

遠公蓮作社陶令柳爲門

用卿法攢眉吾不言白

雲時或出黃菊故應存二芳皆寂寞千秋誰共論

隱者

白石薜蘿房青山雲水鄉琴傳雷氏斲書是汲冢藏鹿

國雅卷四

文

友同無我蜂分亦讓王枕中藏雅道一臥即羲黃

王吏部

名九思字敬夫號洪陵鄆縣人弘嘉中官翰林檢討改吏部

北遊

僕夫夙嚴駕曰予徂渭陽出郭縱遐眺原野何茫茫是  
時春氣浮雪融塵不揚條風應候至征鴈復北翔汨汨  
水泉鳴岸柳柔且黃感茲悅心意寧知道路長因思在  
環堵俛仰徒面牆安得長出遊撫景以徜徉

鴈門途中

驅車出鴈門風景異中原雲壓嶺頭樹草連烟際村牧  
童歌牧勒行客屬囊鞬世道今堯舜龍沙是外藩



三島篇贈汝修

蓬萊幾闕盤雲起宮牆近接瀛洲水瀛洲仙子白玉堂  
搖影宛在水中央花前兩雨兩騎玄鶴樓上時時咏鳳凰  
鳳凰玄鶴棲瓊島春風翠長金光草公孫東閣許重開  
旌陽拔宅不難到夾道氤氲紫氣通龍池碧蘸明光宮  
青瑣夕郎鳴珮入烏臺柱史諫書同柱史夕郎氣勃烈  
須臾叱咤風雷別一水瀛洲咫尺間並遊霄漢稱三絕  
霄漢仙人扶紫宸雨露能爲四海春萬里越裳來翡翠  
近時帝苑麒麟明良千載賡歌發灑翰平分漢宮月  
臯陶已目天工山甫偏能補袞闕袞闕年年補綴齊

王吏部

八國雅卷四

三

方壺落落五雲低雲裏羣仙回首望一仙新起太行西

濟西莊春日行樂詞

金馬當朝彥銀魚隔歲焚高樓丹鳳籠閒臥碧山雲湘  
瑟春風度泰箏月夜聞太平無一事只合醉朝曛

鸚鵡

嗟爾雕籠閉何如碧樹棲早知羅網密安用語言啼啄  
玉香杭碎梳風翠羽齊故山應有夢咫尺隴雲迷

哭康氏女

弱息拋吾蚤衰年痛爾深強收啼後淚忽破靜中心紫  
閣連郤嶽清潏入渭潏山川風物舊不寄舊時音

白髮

白髮江湖外閒愁虎豹前戶庭真懶出風雨足高眠劍  
氣還衝斗龍吟或在淵馮唐雖易老漢文憐

聞盜賊至壽州南城樓野望二首

極目川原外無言口恰神雲山暗見樹遠浮秦平  
地干戈滿臨風羽頻西飛美歸鳥隨意過城闌

寇盜東南近吾生去住難舉頭惟見日何處是安野  
迴愁多壘樓高獨倚闌佩刀逢郡吏垂涕說凋殘

官兵至盜去有作

聞道仇元帥行兵捷有神嫖姚真漢將王翦是秦人父

王吏部

八國雅卷四

三

老持牛酒兒童識虎臣窮愁憐白首懸望息黃巾

入關

客子來何暮關門媿昔賢陽祠未遠南洛路依然飛  
鳥三峯外孤城落照前終軍今白首非復棄繻年

無題

寂寞西風翡翠樓黃昏斜抱玉壺寒彩鸞影逐秦簫斷  
紅葉新隨御水流天外行雲難入夢手中團扇易驚秋

愁來只恐嫦娥笑明月不照上鉤

壬戌元宵應制

瑞靄燒空駕彩轡清平調裏樂聲高東風早散霓裳舞



只恐宵衣聖體勞

龍池春蚤月華新  
烟霽香生禁路塵  
一夜六宮歌舞倦  
晨朝還有聽難人

數日不至園亭寄鶴

一與胎僊別  
塵居十日過樓知  
竹頃聲憶入雲多萬  
里心  
三山路幾何  
洞簫明月夜來看舞婆娑

送白真夫

君家毘陵郡我家終南山  
相去四千里那能識面顏  
君今持使節乘輅入秦關  
取道漢陂涯訪我林壑間  
徘徊執我手慷慨發浩歎  
苦言阻隔遙神交時往還  
嗟我構

國雅卷四

三五

標姿誤爲杞梓看  
感激靡所贈贈君明月環

熊侍御名卓字子中官監察御史

送許給事中啓

春明發車騎合沓集川原  
美人使絕域相送東郭門  
君去豈徒然能令中國尊

和何仲默遊靈濟宮韻二首

乍識花源路蕭然世外居  
玉壇秋雨冷紫閣晝陰虛  
餐玉傳奇訣抄方檢異書  
却憐城市客羈束未能疎  
拂馬依垂柳城隅擁道居  
露霏琪樹密雲鎖玉牕虛  
逸度緱山曲清風太乙書  
仙源不可問宦迹本來疎

送王衍之還陝和廷實韻

遶遶郊門道沙寒驛路微  
烟花行客晚京洛故人稀  
野岫孤雲沒春山獨鳥歸  
秦川隱關塞一望一沾衣

散步

憩馬野田外  
萋迷碧草原  
雞鳴巖下寺犬吠洞中村  
遠水遙空色殘陽過雨痕  
野情雲共逸中歲向林園

送人赴道州任

月照河臺酒離情那可消  
衡陽飛鳥盡君去更迢迢

憶京中諸友

孤鴈自北來哀哀求其侶  
聲入暮天雲影落寒江水

國雅卷四

三五

王新建名守仁字伯安號陽明子餘姚人弘治間官南京兵部尚書以宸濠功封新建伯

懷汪抑之二首

一日彼一口去予日以遠  
惠我金石言沈鬱未能展  
人生各有際道誼尤所眷  
嘗嗤兒女悲憂來仍不免  
緬懷滄洲期聊以慰遲晚

遲晚不足嘆人命各有常  
相去忽萬里河山鬱蒼蒼  
中夜不能寐起視江月光  
中情良自抑美人難自忘

赴謫次北新關喜見諸弟

扁舟風雨泊江關  
兄弟相看夢寐間  
已分天涯成死別  
寧知意外得生還  
投荒自識君恩遠  
多病心便吏事閒

江耕熊應有日好移茅屋傍雲山

去婦嘆

楚人有問於新娶而去其婦者其婦無所歸去之山問獨居懷緒不忘終無他適予聞其事而悲之

為作去婦嘆

空谷多淒風樹木何蕭森浣衣澗水合採苓山雪深離  
居寄巖穴憂思托鳴琴朝彈別鶴操暮彈孤鴻吟彈苦  
思彌切巔屹隔雲岑君聰甚明哲何因聞此音

羅舊驛

客行日日萬峯頭山水南來亦勝遊布谷鳥啼村雨暗  
刺桐花暝石溪幽蠻烟喜過青楊瘴鄉思愁經芳杜洲  
身在夜郎家萬里五雲天北是神州

王新定

見王次子

王六

舟中除夕

遠客天涯又歲除孤航隨處亦吾廬也知世上風波滿  
還戀山中木石居事業無心從齒髮親交多難絕音書  
江湖未就新春計夜半悲歌忽起予

從吾登爐峯絕頂戲贈

道人不要登山癖日暮猶思絕棧雲巖底獨行穿虎穴  
峯頭清嘯亂猿羣清溪月出時尋寺歸棹城隅夜欵門  
可笑中郎無好興獨留松院坐黃昏

龍潭夜坐

何處花香入夜清石林茅屋隔溪聲幽人月

孤生

棲鳥山空時一鳴草露不辭芒屨濕松風偏與葛才重  
臨流欲寫清瀾意江北江南無限情

秋夜

樹暝棲翼喧螢飛夜堂靜遙穹出晴月低簷入峯影宵  
然坐幽獨怵爾抱深警年徂道無聞心違迹未屏蕭瑟  
中林秋雲凝松桂冷山泉豈無適離人懷故境安得駕  
雲鴻高飛越南景

夜宿浮峯次謙之韻

日日春山不厭尋野情原自懶朝簪幾家茅屋山村靜  
夾岸桃花溪水深石路草香隨鹿去洞門蘿月聽猿吟

王新定

八國雅卷四

王七

禪堂坐久發清磬却笑山僧亦有心

朱大叅

名應登字升之號凌雲南叅政應人弘正間官雲南叅政

樟樹詞

樟樹鎮前江水流羅山脚下稻花秋青樓少婦不知愁  
捲上珠簾看客舟

擬古巡幸詞二首

微行小幸居庸天馬新調玉臂弓不是繡衣能直指  
即教黃蓋出臨戎

張潯潯縣總離宮衣宿民間似禁中莫遣逸熊攀檻入

曾聞複道與天通

送王公爵北上

北風吹沙慘如霰長途落日汗八面南人瑟縮不敢行  
北人馬上角弓鳴去去燕都春應節九衢車馬花如雪  
袖將董子策一通持之上謁日光宮侍臣物色先遠喜  
男兒得意乃如此

雨谷關歌

朝出洛陽城暮投函關道函關日落行人稀滿目黃雲  
暗秋草此地古來西屬秦崩城敗壁猶嶙峋牛車冉冉  
行不盡更愁惟石摧車輪關門老子去已遠吾生學道  
嗟何晚紫氣猶經舊路迷青牛不見當時返只今豺虎

宋大雅

國雅卷四

二九

正縱橫羽檄日馳大點兵徵巡司隸督責苦關下居民  
日夕驚疎林漸指新麓夜火人歸茅店宿雞鳴客起  
四散分令人忽憶孟嘗君

對雪

對雪饒幽思清吟酒半醺撲簾寒未起灑葉細先聞風  
急仍含雨天低欲墮雲晚看庭篠色漸喜白紛紛

褒城道中

蒼莽盡難分嵌嵌昔聞巖居低附谷磴道波雲馬  
踏經寒雪鴉翻未夕曛西夷通蜀路因詫長卿文

憑虛閣餞別劉元瑞校書

禪林高閣散烟霏灌木陰陰燕子飛酌酒共憐爲別易  
乘桴誰謂遠遊非白蘋洲畔心先到綠草湖南路不違  
世事浮沈河足問願言長自保音微

大駕東巡野語

聞說天王西狩頻翠華今日又東巡泰山重被登封頌  
梁父親承羽獵塵曉日霏煙開帳殿朔風寒雨暗楓宸  
江都十月花零落莫遣龍舟望幸新

國雅卷之四

宋大雅

國雅卷四

二九

國朝卷之五

勾吳顧 起綸玄言 選

李學憲弘名夢陽字獻吉號空同慶陽人寓大梁弘正中官江西提學副使有空同集

君夷猶

登樓兮送君日盈盈兮將落曖昧鬱兮帶長薄君夷猶  
兮吹間作巢燕兮既辭又鳴兮蟋蟀紛軒蓋兮總總君  
胡爲兮南都若有人兮被杜蘅帶薜蘿兮蕙纓中有懷  
兮荃不知臨脩路兮悵天涯悵天涯兮望煙渚信予美  
兮誰與龍城兮貝闕君慕趨兮朝謁采芳芷兮江中寄  
佳人兮天北

李學憲 國朝卷五

騁望

送佳人兮江渚嫋嫋兮雲氣下鳥翩翩兮戾止蟬暮吟  
兮獨苦余逌逌兮隱軫寥中洲兮偃蹇心相親兮口難  
言目不覩兮日以遠風濤兮浩蕩涉浦兮騁望蘭被江  
兮歲蕤杜參差兮夕漲君稅楫兮前坻復容與乎中渚  
惝恍兮將從憺淹留兮誰與

公無渡河

公無渡河河深不可渡中有白石齒齒漸漸兮我我蛟  
龍九頭戴角崢嶸峯嶺兮水鱗鱗兮衝素波公無渡河  
吹沙暮多風河伯築梁結兩螭汝無羽翼墮水中涉水

雖可樂不如登山阿噫嗟嗟公無渡河

擬燕歌行

銀河耿耿秋夜長牽牛織女長河梁終日弄杼不成章  
延頸北望涕沾裳自君別我之他方錦衾燦兮獨空牀  
北風發發天雨霜鴻鵠垂翅不能翔谿谷天寒林樹蒼  
道路欲歸多虎狼人煙斷絕乏資糧爲君憂愁斷肝腸  
思策良馬逝君旁中道失路河無航攬衣踟躕夜未央  
願爲浮雲歸故鄉

雜詩

昔有玩世士乃處匡山阿其人久已瞑春林發煙蘿故  
址栗里旁見者不忍過荷鋤豈不苦刈薪行且歌詆毀  
日來加醉酒良靡他沈冥在一時千載固難磨小兒爲  
督郵磬折將如何

雜詩

汎汎河上舟搖搖靡攸止我欲維此舟川廣不可浹振  
振鳧與鴈棲食在波水豈不恨幽寞夙心耽樂此

李廣

李廣昔未遇射獵誰見稱君王猶未識他人寧不輕目  
從田間飲夜止灞上亭醉尉前呼呵小吏亦見凌一朝  
剖郡符飛蓋赴北平凭軾覽百邑樹羽寧丰城亭障不

設機樞馬躍頻纓彎弓射虎歸淡淡黃雲生自從結髮  
戰舍鏑無虛鳴威懾五單于胡人寤寐驚孰知身運乖  
數奇竟無成壯顏逐年衰白髮忽見嬰寄言雄圖者俟  
命莫吞聲

### 從軍

從軍日已遠備茲途路艱驅車太行道北度鴈門關天  
寒雨雪凍指墮層冰間登高望虜境白沙浩湯湯單于  
數百騎颯颯獵西山殺我烏玉弓赫然熱肺肝安得奮  
長劍一繫名王還

### 俠客行

幽并豪俠地燕趙稱悲歌千金市駿馬萬里向交河公  
卿贈寶劍君王賜玉戈指軀赴國難常令海不波

### 從軍行

棄家從上將報主掃胡戎弩滿常隨月旗翻數起風右  
指昆邪盡左盼月支空馳名紫塞外開府玉關東不逢  
百戰日誰識萬夫雄

### 湘江吟

對酒歌綠綺歲晏懷佳人山寒翠袖薄微霞沾衣巾空  
持紫鸞簫欲致愁無因日暮湘江曲浩蕩烟波春

### 贈魏子

霖潦久廼歇晨興送還輶野寒泥淖盛念茲途路脩人  
生苟相許豈不曾綢繆踟躕東路岐贈子雙吳鉤

### 寶刀篇

我有吳王雙寶刀龍鱗雪花爛照地奉君清宴可君意  
佩之十年不曾離黃金盤帶白玉鈎出入魍魎魑魅愁  
功高見疑友遭怒此物地擲今兩秋丈夫生世輒軻亦  
如此終日戚戚何爲爾

### 雨燕醉歌

迅雷擊城鴉欲翻黑雲壓天白晝昏展席斜對城南門  
長安大雨如傾盆我馬已惜錦障泥主人况具黃金尊

李學憲

八國雅卷五

四

睥睨將將下萬瀑龍蛇繚繚動高壁出門半馬不復辨  
炎霧毒蒸靜如拭酒酣爲君如意舞夕雨轉急風轉怒  
祇恐谿壑受不得海倒江翻亦難測

### 哀才公

正德己巳年作此公嘗  
薦余故有國士之感

仲冬東南天鼓鳴我軍滅胡功可成道之將行歲在巳  
星落轅門悲孔明尚書頭顱血洗箭馬革纏屍亦堪羨  
夷門野夫國士流痛哭天遙夜雷電

### 送仲副使赴陝西

驄馬白玉鞍長鳴下雲端今朝發汴水何日到長安  
上臺前雪如山垂楊掃地春風還使君不帶冰霜色



帶春風入漢關相思明月樓西望古秦州河南咫尺  
可見何況千山萬水頭西望秦州是我鄉隴樹秦雲空  
斷腸塞帷杖鉞經行地欲寄雙魚到慶陽

龍州歌送沈編修使安南

龍州南接六那溪白鵬黑猿相間啼烏蠻灘頭苦竹密  
伏波廟前春日西揚旌走馬迎天使擁節封王壯漢儀  
試向殊邦觀禮樂交南元是舊邊陲

楊花篇

洛陽三月東風起楊花飛入千門裏只見朝繁上苑煙  
那知暮逐東流水苑煙流水無休歇暖日輕盈度仙闕

李賀集

國雅卷五

五

金

趙女瑤臺貯綵霞班姬團扇啼明月綵霞明月幾沈輝  
陌上行入亂撲衣征夫柳塞愁看鴈少婦香閨懶上機  
柳塞香閨萬餘里草色連天度隴水玉門關外雪猶飛  
章臺樹裏風先起誰家浪子千金馬平明挾彈章臺下  
頭上羅巾玳瑁簪腰間寶鉞珊瑚把踏絮來尋賣酒家  
持香坐調當爐者當爐美人怨嗚春笑掇楊花襯繡裙  
青樓薄暮難消遣白雪湯天愁殺人冥冥漠漠春無極  
此時惟有楊花色一朝風雨蘼蕪爛獨慘垂條三嘆息

漢京篇

漢京臨帝極複道衆星羅煙花開甸服錦繡列山河山

河自古稱佳麗城中半是王侯第峻閣重樓夾道懸雲  
房霧殿森虧蔽牧豚賣珠登要津樊侯亦是鼓刀人時  
來叱咤生風雨奄見吹噓走鬼神平津結兄蓋侯弟杯  
酒相看何意氣執鞭盡是虎賁郎中門不說長安尉長  
安烽火入邊城挺劍辭君萬里行去日千官遮馬餞歸  
來天子降階迎朱弓尚抱流沙月寶鉞常飛瀚海星不  
分燕然先勒石直教麟閣後標名豈知盛滿多仇忌可  
惜榮華如夢寐地宅田園奪與人丹書鐵券成何事霍  
氏門中後世無其池館長蓬蒿三千劍客今誰在十  
二珠璣散後高後車不戒前車覆又破黃金買金谷洛  
陽亭榭與山齊北邙車馬如雲逐陰部豪華真可憐雲  
臺將相耳貂連當時却怪桐江叟猶著羊裘伴帝眠

送李帥之雲中

黃風北來雲氣惡雲州健兒夜吹角將軍按劍坐待曙  
紇干山搖月半落槽頭馬鳴士飯飽昔無完衣今繡襖  
沙場緩轡行射鴈秋草滿地單于逃

候輓

冬月初圓夕含悲候輦東閣門猶掩雖松柏已新宮象  
衛悲風入龍旂白霧中有髯渾欲挽雲墮聞湖弓

寄錢水部榮

雪時揮袂別見雪卽懷君河館冬難暮沙洲晚更清  
爲蒼水使靜對白鷗羣昨夜尋君夢微茫路不分

聞吳郡黃山人將遊五嶽寄贈

昨報三吳客將尋五嶽遊薛蘿應製服春水正宜舟二  
室雲中峻三花煙外浮住居吾幸適先肯到嵩丘

上元滕閣登宴

陽浦通新霧陰城帶古樓君王罷歌舞棟宇白雲留草  
色歲年換客心江水流暮中仍一望燈火萬家洲

讀直道陳公祚遺事

上主能容直當言敢顧身累朝傳諫劄萬死作歸人古

李學憲  
國雅卷五

廟穠花晚孤墳勁草春從來汨沒士特筆在詞臣

游兵

聞道新關口游兵未解圍只須殊死戰莫放隻輪歸漢  
月已自滿林鳥常夜飛早將書插羽天子日宵衣

古意

內廐飛龍馬君王賜玉鞭長鳴彩仗下立在紫駟先放  
逐緣何事飄零竟不旋如蒙蔽帷顧萬里爲君前

下吏  
弘治辛酉年坐翰林河間縣令乙丑年坐劾  
滿寧侯正德戊辰年坐劾劉瑾等封事

十年三下吏此度更沾衣梁獄書難上秦庭哭未歸  
墻花自發鎖館燕還飛况屬炎蒸地憂來不可揮

閒居寡營忽憶開塞之游

往年趨北路今繞秦陝以西晝黑垂羅密山青禁木齊獨  
僧攀杪出怪鳥趁陰啼寂寞黃華堞遙臨古塞溪

桂殿

桂殿芝房曙色通垂垂苑柳綠煙中桑乾斜映千門月  
碣石長吹萬里風已有金吾嚴御陌遙傳玉輅下齋宮  
侍臣肅穆松陰裏時倚紅雲望碧空

東庄藩司諸公見過

少年湖海老中原萬里誰期共一尊邂逅路岐須盡醉  
向來離合敢重論桑麻事業陶公徑鳥雀人

李學憲  
國雅卷五

懶散廢書瓜可種夜來時雨足吾園

夏口夜泊別友人

黃鶴樓前日欲低漢陽城樹亂烏啼孤舟夜泊東遊客  
恨殺長江不向西

雲中曲送人三首

季冬飲馬長城窟沙磧飛揚帶白骨榆臺嶺邊鬼啼  
猶是今年戰亡卒

黑帽健兒黃貉裘匹馬追胡紫塞頭相逢不肯通名姓

但稱家住古雲州

白登山寒低朔雲野馬黃羊各一羣月頓曾聞漢天子

胡兒惟說李將軍

送人之南郡

鼓刀朱亥本微寒白首侯嬴是抱關不爲千金增意氣  
祇緣一諾重丘山

楊白花二首

三月大路旁綠楊弄芳春可憐雪白花來往送行人  
寧唱采菱曲休歌楊白花菱生猶有蒂花去落誰家

當晚

曉曉夢中迷流鶯碧樹西起來紅日照已度別枝啼

寄詠徐學士園池三首

李長吉

國雅卷五

九

芳園綺繡荔水石非人間昔聞西洞庭今爲學士山

洞口薔薇密山花壓雪濕曉來枝上露不知鶴飛出

落英汎流水點點如飄霞爲有問津者不敢種桃花

何學憲

名景明字仲默號大復信陽人弘治間官陝西提學副使有何氏集

落葉哀蟬曲

寂寥兮哀鳴蟬兮悲鳴兮低若有人兮感羅衣魂恍惚兮

往復來兮風飄飄兮吹玉階秋葉颯兮鳴蟬哀有鳥嗟

嗟永離非雙棲比翼兮何時諧

明妃引

明妃絕色世無鄰粉黛那數三千人咫尺宮門接前殿

君王只向圖中見當時自恃如花容美醜誰知由畫工

單于日近漢日遠萬里風沙魂不返琵琶馬上再三彈

翠袖朝啼關塞寒皓齒明眸葬胡地千秋遺曲猶悲酸

燕支暮云白浩浩胡兒吹笳雪飛早山前孤塚高差我

歲歲春風長青草古來抱節本難遇况復蛾眉人所妬

君不見長門宮不用黃金買詞賦縱有朱顏君不顧

俠客行

朝入主人門暮入主人門思殺主仇謝主恩主人張燈

夜開宴千金爲壽百金爲秋堂露下月出高起視廐中

有駿馬匣中有寶刀拔刀躍馬門前路投主黃金去不

顧

國雅卷五

十

顧

竹枝詞

十二峰頭秋草荒冷煙寒月過瞿塘青楓江上孤舟客

不聽猿聲亦斷腸

易水行

寒風夕吹易水波漸離擊筑荆卿歌白衣灑淚當祖路

日落登車去不顧秦王殿上開地圖舞陽色沮那敢呼

手持匕首擣銅柱事已不成空罵倨噫嗟燕丹寡謀

當滅身光也自刎何足云惜哉枉殺樊將軍

自武陵至沅陵道中雜詩

古兼葭夕堂空蟋蟀寒幾回青瑣闥朝罷想鳴鸞

平溪

徙倚平溪館天高秋氣清水螢光不定山簾響難平夜  
火雲間戍寒楓江上城終宵無夢寐高枕聽灘聲

郢中

荆門雨下接平疇蕭瑟風煙似晚秋衰草茫茫楚宮廢  
荒城寂寂漢江流人亡異代空遺宅歲暮他鄉獨倚樓  
最是陽春音調古至今歌罷少人酬

豔曲二首

御溝連上苑大道接平沙紫陌三千騎青樓十萬家城

何遜  
國雅卷五

十二

中楊柳樹風起蒼飛花

翩翩五陵兒籍綺冠華簪常懷雙寶劍詎惜千黃金馳  
馬章臺下紅塵不可尋

寄李空同

黃河臘月冰十丈縱有鯉魚那得上楚天鴻鴈避霜雪  
未得逢春難北向康王城邊沙草曛梁王臺上多暮雲  
野人晚歲誰相對桐栢山中空憶君

歲晏行

舊歲已晏新歲逼山城雪飛北風烈徂夫河邊行且哭  
沙寒水冰凍傷骨長官叫號吏馳突府帖連催築河卒

一年徵求不少蠲貧家賣男富賣田白金縱有非地產

一兩已值千銅錢往時人家有儲粟今歲人家飯不足

饑鶴翻飛不畏人老鴉鳴噪日近屋生男長成聚比鄰

生女落地思嫁人官家私家各有務百歲豈止療一身

近聞狐兔亦微及列網持矰偏山城野人知田不知獵

蓬矢桑弓射不得嗟吁今昔豈異情昔時新年歌滿城

明朝亦是新年到北舍東鄰聞哭聲

垓下行

咸陽原上失秦鹿戍夫入關競馳逐君王自負十尺軀  
傍人更訝重瞳目橫行按劍一何威叱咤四海隨指揮

何遜  
國雅卷五

十二

諸侯西向受金印壯士東歸盡歸水陰陵道中夜失長

垓下孤軍獨迎戰自萬王師來震天八千子弟隨重

自百戰當一身寧知一敗損威神美人帳下有無主

駿馬江邊棄與人楚歌聲高暮雲竹孤燈對酒慘不語

盡世英雄力拔山一夕悲哀淚如雨君不見三軍縞素

行負戈烏江不渡愁風波古來失道衆所棄父老雖憐

將奈何

漢將篇

漢家西北煙塵起烽火夜照西京裏胡虜崩騰一萬騎  
塞遠迤邐五千里飛符插羽暮精強連雲列陣掃邊



已見將軍屯細柳更聞天子獵長楊長楊羽獵兵威振  
疊鼓鳴鉦聞遠近龍虎逢分天上軍魚蛇偏閱雲中陣  
長安驄馬俠少年金鞍玉轡鐵連錢共看拔劍追驕子  
自許彎弓射左賢驚風盡起邊沙漲踈勒黃雲迷所向  
飲馬寒臨月窟傍驅兵夜度天山上降旗款節樹戎城  
老旆迴旌入帝京征人半死龍庭戰壯士俱慄麟閣名  
麟閣功名不易得青丘良相徒顏色威胡盡道李飛將  
還漢誰言蘇武國主關外朔雲愁燕領書生亦白頭  
君上白頭應頗壯我上羞稱萬戶侯

晚歸自溪上

八國雅卷五

十四

秋到城西樹綠深溪落葉多數家連水竹一逕入煙蘿  
井寒蟬聚閒窓暮雀過澗纓開稚子燈下亦悲歌

十四夜

水際浮雲起孤城日暮陰萬山秋葉下獨坐一燈深白  
露兼葭落西風蟋蟀吟關山今夜月橫笛有哀音

登堅山寺

西峯插天起絕頂寺門開雲裏一僧住山中無客來落  
花平講席積草遍香臺我欲聞清梵焚香坐不回

病馬

老向關山裏龍媒世不知思欲斷力盡淚空垂首

不辭天苑塵沙別月氏東郊望春草生意在何時

吹笛

橫笛高城弄色碧空如水鴈來時關山月落腸應斷  
樓閣秋生響易悲楊柳天邊渾折盡梅花江畔故開遲  
武陵回首南征路一曲那堪馬上吹

無題

豔舞嬌歌出絳紗黃金不惜教琵琶鴛鴦本是雙棲鳥  
舊昔元開帶花紫玉豈忘韓重侶綠珠寧負季倫家  
多情自古還多恨腸斷春風巷柳斜

宮詞

八國雅卷五

十五

微霜淒淒金井欄城頭月出凍雲殘玉樓高對蓬萊雪  
誰道宮中夜不寒

贈王文熙

行子夜中起月沒星尚爛天明出城去暮泊長河岸草  
際人獨歸煙中鳥初散解纜忽以遙川光夕凌亂

柳絮歌

長安三月百花殘滿城飛絮何湯湯千門萬戶東風起  
陌上河邊春色闌美人高樓鎖深院白花濛濛落如霰  
晴窓窈窕朝日遲亂入簾櫳趁雙燕遊絲相牽時裊裊  
也飄廊不須掃君不見江頭綠葉吹香綿隨波化



浮萍草

寄空同子卜居襄陽

爾定襄陽宅雲山好傍誰草鄰王粲井花醉習家池蟹  
滯悲江漢驅馳感歲時扁舟空悵望未有鹿門期

夜歸昌化寺

日落歸山剎松風處處聲幽深不易到昏黑更多驚  
斷尋溪入峰迴截微行茲遊藉朋好奇絕冠平生

贈權僧過昌化寺見訪次韻

問爾湖邊寺微鐘響數千巖一徑轉落日亂藤迷數  
見談天竺相從過虎溪山中送客罷獨禮白雲低

何遜客

八國雅集五

十六

鑑公房石鏡

石鑑何年鑿瑤鏡此夕然雲流自五嶽月色近諸天  
定裏金輪轉光中玉鏡懸西來不滅影常照法筵前

張侍御送弓

繡服意和親雕弓把贈新獨憐投筆志未老據鞍身  
盡控鳴風滿月彎抱月輪倚天時一望西北有胡塵

奉和太史謁恭陵

敬皇十八載四海一何安鼎成棄萬國子墜哭千官  
白日園陵閔秋雲松栢寒遊龍萬歲後寂寞葬衣冠

銅雀臺

美人望陵處無復翠華過殿冷閒歌吹宮春龍綺羅  
花嬌曆盡芳草怨魂多日暮漳河水東流空白波

送曹瑞卿南歸

逐客滇南郡雲天此路長高秋行萬里落日淚千行  
賦投湘水題書寄夜郎殊方氣候異去矣慎風霜

送以道次君卿韻

汝到河西日常令消息聞風塵暫把袂霄漢忽離羣  
帆轉天邊樹樓停海上雲飄飄岐路側何地復逢君

鏡光閣

峻閣岩堊上層城眺望中風鈴齊送響雲磴曲盤空  
海色搖窓碧蓬萊映日紅翠華無復到長鎖翠微宮

何遜客

八國雅集五

十七

色搖窓碧蓬萊映日紅翠華無復到長鎖翠微宮

慈恩寺

海子橋西寺高樓御苑花中流自日月平地有煙霞  
客至開金殿宸遊想翠華十年復到此朋輩各天涯

得獻吉江西書

近得潯陽江上書遙思李白更愁予天邊魑魅窺人  
過日暮龍鍾傍客居鼓柁襄江應未得買田陽羨定何如

他年淮水能相訪桐栢山中共結廬

送蔣冬官病還揚州

卧病長安不出門話歸南國暫尋春來日日風塵色

海畔冥冥天地昏坐傍桃花停岸舸行隨楊柳到江村  
楚山亦有薜蘿草遊子空傷萬里魂

### 江南思一首寄曹毅之

細雨寒城催棹夕陽孤嶼鳴鐘到寺莫題蕉葉渡江爲  
採芙蓉

### 閨情

秋風嫋嫋吹羅衣美人夜泣紅燭微郎騎白馬臨邛去  
樓上年年燕子歸

### 柴關

連峰入冥雨絕壁閃餘霞水認秦人洞林疑謝客家石

何事感

八國雅卷五

十八

成

門踐苔鮮源口滅桃花他日求棲息無言此路賒

### 昭烈廟

漂泊依劉計間關入蜀身中原無社稷亂世有君臣峽  
路元通楚岷江不向秦空山一祠牢寂寞翠華春

### 過華清殿故址

偶駐華清殿千秋憶翠華青山無帝宅荒草半人家雪  
下涓泉樹春回繡嶺花長安望不遠誰見五陵霞

### 盤屋清明日

獨樹桃花自發高樓燕子誰家可惜年年春色催人白  
髮天涯

徐博士名禎卿字昌穀吳縣人弘正間官國子博士有徐迪功集

### 猛虎行

上山晨採樵下山逢猛虎深林叢薄不可度熊羆曉  
今向我怒虎欲食我低頭據地而長號使我心悲淚如  
雨舍中無人言父與妻囊下又無食使我孤兒啼拔劍  
前致詞爾胡不仁至此爲凌身鋸齒食人之肝拒骨而  
擗屍膏血布川谷烏銜其肉倒挂東南枝惻惻草野中  
行哭聲正悲嬌女行採桑道逢野虎搏食之滄浪之天  
更不慈猛虎瞑目若搖尾便復舍我置道傍我欲東歸  
河無梁縣縣邈邈思我故鄉嗟爾行路人猛虎當關慎

徐博士

八國雅卷五

十七

莫行思我父母多苦辛吁嗟猛虎白額羶瑛而黑文何

不渡河而去從彼豺狼羣城中咆哮竟夕聞吾將訴汝

泰山君猛虎行且莫歌泰山之君奈若何

### 榆臺行

按榆臺戰在弘治乙丑年

榆臺高以臨匈奴匈奴桀驁當夷戰不利師被圍師被  
圍士無糧渴無漿拔劍仰天訣壯士餓死亡素尸不保  
蹂藉道傍嗟爾從軍之人行不來歸奈之何心傷悲

### 白紵歌三首

三星燦燦花蒲堂素腕盈盈出洞房垂羅映靨耀明妝  
嫩若雲中開月光流情態若君莫忘停歌節舞進玉觴

願君安坐夜未央

中庭桃枝連理傾瑠卮含霞玉醴盈歌舞君前流目成  
絲桐順耳感人情持觴把袂君不違願作梁間雙燕飛  
旨酒千壺列東廂美人如花嬌北堂齊歌合舞聖世昌  
願得歡娛永未央脂車秣馬且踟躕百年之會忽須臾  
東流之水西飛鳥今我不樂何爲乎

魚瑤膏擊素鮮金弁戔戔賓四筵趙瑟高張調蜀絃長  
袖翩翩陵七盤華歌妙舞及春妍蘭若參差桃欲然上  
天明明降醴泉 皇帝陛下壽萬年

江南樂

樂博士 國雅卷五

生長在江南不愛江北住家在閭門西門垂雙柳樹

從軍行

調笑胡王坐玉鞍蛇矛丈八躍如湍天子戎衣遙按劍  
將軍直爲斬樓蘭

擬古宮詞二首

興慶池頭漏未闌梨園弟子曲將殘花前更進涼州伎  
無邪西宮月色寒  
狗監離宮承宴歡掖庭通晚不迴鑾那能夜夜長門裏  
銀燭薰衣待漏殘

雜謠 按此皆紀正德五年八月之變也

爲虜妻爲囚少婦出門走道逢爺娘不敢收東市  
西市街黃符下使者來狗觥觥雞鳴飛上屋風吹門前  
草蕭蕭

古意二首贈劉子

空爲郢中客不見郢中吟美人高堂上自奏山水音帝  
子葬何處瀟湘雲正深寂寥誰共賞江上獨傷心  
楚妃一失寵獨宿楚江陰雖念容華落終憐繾綣心聞  
說章臺畔昨欲自滌今日宮中事不言讒妬深

署中贈顧與成別因酬李獻吉

芳辰奉良會高署散重雲檐楸蔚春藹候禽鳴夕殷雖

樂博士 國雅卷五

同樽酒意邈此離緒紛余指金荆邁子往越江分脩途  
美通契瑋清潛離羣李于散別愛復爾接慇懃未嘗生  
流耀篇翰鬱騰芳投瓊軫遙念嗣聲慚靡文幸保千金  
願風塵浩相聞

訓過太常於燕山見憶之作

故人惠思我百里寄瑤音獨在山中宿松齋清道心霜  
鐘流夜壑曲淵入幽壑寂寞悲千古橋陵梓橡深  
贈王淵之 淵之故游漢落廿年頃來京師將從  
君不見十月狂風吹白雪長安城中地欲裂朱門酒壚  
紅炙天空裏璠花旋消滅由來都國盛繁華青雲結綬

之

王烈持洞章茫然不能讀石氣銷紫煙十年秘空麓從  
來楚史識三墳阮籍焉能辯赤文一自華陽窺妙訣歛  
山夜夜鶴相聞

在武昌作

洞庭葉未下瀟湘秋欲生高齋今夜雨獨卧武昌城重  
以桑梓念淒其江漢情不知天外鴈何事樂南征

晚下廬山

下山聽鼠啼藤竹使人迷多謝東林月殷勤過虎溪

登支硎山樓遇遊侶

八閩雅卷五

三

谷中憐幽密茲樓表麗觀煙雲連壑動竹樹入門寒  
往迹前徑憑高遲所歡時聞有清磬遙出暮林端

長陵西望秦陵

昔送宮車出長悲西雍門今來寒食節獨望灊陵園杳  
杳仙城閉萋萋甘樹繁當時侍從客慟哭幾人言

秋日過故尚書吳公池館

不見尚書屐階陰空綠苔菊荒三徑在棗熟衆禽來跡  
爲憐幽駐圖因好事開秋風懸劍處落日首重回

晚過獻吉齋所

端居聞子蕭蕭修吏散鴉啼省署幽芳草不知人獨

空山何意鳥相求開軒歷歷明星夕隱几蕭蕭古木秋  
自昔風塵堪吏隱浮生莫遣有離憂

贈普上人

接屋槐陰乳鳥啼重扉夏日敞招提清齋慧遠頻招社  
多病維摩愧有妻野葵侵石室水邊叢竹入清溪  
幽懷卽此堪怡悅何用深山事遠棲

浙江驛下作

自嘆南浮客崎嶇驛嶺遙川途澹斜日鉦鼓送揚橈水  
勢含滄海山形折落潮夷墟不可問徒使旅心搖

雨興

八閩雅卷五

三

文

日夕茲樓望青山復舊林溪雲戶外合鄰竹雨中深  
生幽興時禽貽好音從來蕭散意不是爲登臨

過梨雲精舍

遠師耽宴寂趺坐石牀深留客開香積談玄就竹林煙  
藤結暝翠雲磬下空音淨現青蓮色懸知出世心

送士選侍御

壯士樂長征門前邊馬鳴春風三月柳吹暗大同城蘆  
溝橋下東流水故人一樽情未已胡天飛盡隴頭雲惟  
見居庸暮山紫羨君鞍馬速流星余亦孤帆下洞庭塞  
北荆南心萬里佩刀長揖向都亭

范靜之遷威州

范靜之巨卿惆悵不邀名作吏竹林下清風訟獄平與君同得罪獨竄夜郎城萬里巴江水相思猿狖鳴

送許補之還丹徒

憐君揮手去匹馬向南天旅病青山外鄉心落日懸燕關變積雪淮柳動新煙驛路重雲裏相思易隔年

送蕭若愚

送君南下已渝涪余亦迢迢湘水心前路不知何地別千山萬壑暮猿吟

青門歌送吳郎

餘

卷五

五

子

吳郎醉嗜長安酒落魄自言爲客久走馬頻看上苑花回鞭幾折青門柳青門曉曉魚鑰開乳燕游絲相逐來柳下雕鞍留別袂花間酒盞覆蒼苔浮雲去去辭城闕芳草連天那可歇野店春風聽燕鶯關河曉樹殘星月千里淮流雙畫橈廣陵驛前逢暮潮落日帆歸揚子渡青山家對伯通橋吾家流水元非隔宛轉胥臺通巷陌草長難尋仲蔚居林深不辨幽潛宅清溪屋下可垂綸復有尊羹足獻親君歸倘食冰絲鱸爲念羈棲塞北人

送友人還吳

陽月隨陽鴈遙從塞上來北人江北望不見隴頭梅坐

下楊朱淚吟爲莊舄哀聊傳數行劄千里送君同鴈佳

送盛斯徵赴長沙

昔愁越鳥千峯久轉入巴渝萬里賒豈料聖恩憐賈誼猶煩佐郡出長沙蠻中瘴遠三湘水江畔春逢十

月花遙聽岳陽樓上笛可能回首憶京華

送方山人

嚴子灘頭花落時水清雲碧淨連漪孤舟相逐飛花去一日看山到武夷

偶述

雙馬黃鸝白玉羈蕃王遙貢立形輝

聖恩俄許歸

八國雜錄五

五

天廐內使牽來不敢騎

邊司徒

名貢字廷實號華泉山東歷城人弘嘉間官南京戶部尚書

秋郊別意爲汝南孟翁補作

桑梓在何許藹藹汝南村綠叢帶長薄清川映柴門言別上春時當秋始來還禾黍一已穫撫撫見高原落日樵牧歸涼風散雞豚登堂見鄰叟呼兒具盤飧依依丘中情款款醉後言卽爾足爲樂安用乘華軒

送沈仁甫歸省

瞻夕臨廣郊歡宴良須臾之子駕言返登高轡踟躕不前形影瀾所悲歲月踰三江曠綿邈悠悠限東隅征途



須臾保千金軀

別湯子

彈子匣中琴寫我心曲悲我悲良自諳子琴知者誰不  
惜去日蚤但恨來日遲何當假羽翼送子川之湄

贈友

春陽初獻歲芳樹日以青送遠及近郊何由申我情我  
情方鬱紆君駕不可停瞻彼飛鴻翼聯翩共遐征奕奕  
雲中河爛爛川上星中願渺難遂佇立以屏營

答石岑見懷之作

露井梧桐凋杳杳秋夜涼眷言懷美人展轉何能當纖

月挂西牖微明照我牀皎皎瓊樹姿寤寐如在傍近離

已不堪况乃途路長誰其繫子馬慰我心徬徨

寄弟賦

憶爾別我時日照河邊柳痛哭別我去上馬猶回首知  
爾愛我心不殊足與手徘徊望行塵佇立沙上久

入錐石口

西登錐石口鳥道不盈尺連山樹如繡雲中日將夕不  
聞樵采音但見虎行跡

八詠送方丈下峽

何來江上早風多春濤不可渡連船戶來何

河有間外有灘斷篙折纜愁轉般夜舫蟲鼠日舫  
泥糧冊分明算升斗官家但恨倉廩貧不知淮南人食  
人官家但知征戍苦力盡誰憐運船戶運船戶爾勿哀  
司農使者天邊來

題金谷園圖賦得綠珠怨

誰言妾命薄結髮承主恩誰謂妾身輕寵冠金谷園  
園中桃李千萬樹對妾妍華避無處徘徊歌舞曲未終門  
外戰鼓聲逢逢當時只倚紅顏貴豈料紅顏為主累主  
家高樓天與齊妾身不惜委黃泥他生願作銜泥燕長  
傍樓中梁棟棲

謝同依

八國雅卷五

三

送馬敬洲赴湖南提學

征馬帶落日出門君已遙層城不隔夢夜夜蘆溝橋蘆  
溝橋邊車簇簇故人却在城南宿誰令相見轉多情翻  
恨遲行不如速江漢風煙遲蚤春關山雨雪暗邊塵臨  
岐莫動殊方感余亦東西南北人

贈周文都

君棄別駕車南征千里餘余爲燕市客歲杪意何如日  
隱川原暮江涵雲水虛新春見回鴈知有秣陵書

懷昌穀大理

齋房隱薜蘿野外少人過向月復誰語看山空自歌城

孤戍火亂地迴北風多惆悵離居夕相思奈爾何  
送都玄敬

驅馬別君處秋陰當暮生林柯無靜葉江鴈有歸聲綠  
水閨門道青山建業城未能同理揖延佇獨含情

送陶良伯使魯

天馬玉花驄騎來天廐中言經汶陽道却 簪王官岱  
嶽浮雲外蓬萊台海東飄飄鸞鶴侶仙駕與誰同

次韻看別張西麓大參

清江別後醉未行先憶君山城稀見菊關樹不開雲地

天連塞日曛那堪北來鴈偏向別時聞

國雅卷五

二十九

清

九日登千佛山寺次西峯韻

窈窕寺門敞蒼蒼山徑微風輕不 帽雲近忽疑衣刺  
嶺丹楓直垂巖紫菊肥晚途喧葆吹興醉出林扉

送顧明府之聊城

上春行縣出東時桑葉萋萋喚乳鳩道左壺漿迎父老  
雲中冠蓋識君侯魯連箭滅遺書在微子城荒故堞留  
攬轡可應空弔古土風先爲達宸旒

送柴廷相少尹之無錫

北客南行路幾何宦情鄉思渺煙波舟中暮雪經吳苑  
江上春水試越羅懷遠湯愁山閣迴課耕應愛水田多

弓如浦月向江開箭掃寒潮捲浪迴水上鼉鼓莫深避  
我皇元爲射蛟來

習池

習家池上草萋萋流水成渠稻作畦山簡不來遊客散  
居人猶唱白銅鞮

國雅卷之五

國雅

國雅卷五

三十一

雅卷之六

勾吳顧

起

起

康修撰

名海字德涵號對山陝西武功人弘正間官翰林修撰

和六甥石室納涼

老境百慮息所好在山林况此洞室闕塵氛安可侵開  
簾見芳碧迤邐聞鳴禽因之感宿好笑歌梁甫吟丈夫  
志四海何人識此心所以夷與惠曠世懷高襟日夕涼  
風發逸興拂西岑沽酒共斟酌慚無絲竹音掃石卧煙  
霧聽子廣陵琴

石上小酌

雅

六國雅卷六

一

才

沿流歷層壑攀蘿下迴磴雖有芳草心未博遠遊興沈  
瀜憫中流截業怛旋徑酌酒坐石上夕陽更輝映薄言  
呼兩君音響動相應始信空谷聲果叶靜者聽酒酣連  
袂歸悠悠心靡定

從象峯北崦下望晉緣

陟山披叢薄覽景愜幽素降觀崖壑介平臨千嶂赴宿  
愛彌見欣新賞豁相聚未覩赤城遊彷彿與公賦

靈寶縣北渡解州遙望餞送諸君子作

春遊過名里覽眺窮幽壑將邁苦匆促振袂惟太息執  
手河梁間徘徊意安極衰年多酒癡緣興輒強食節

素心親故難屢值因之趣解梁不謂路咫尺佳辰  
熙陽良晤悲古昔疾舟若轉疾相望忽相失

送袁解夫還盤屋

吾愛袁解夫飄飄古狂客勁風凌千人高情協金石雖  
爲羣小排豈繫丈夫厄自古浮天雲焉能蔽白日酌酒  
發浩歌憑君永今夕

從軍行

烽火西傳虜騎來天王按劍雪山摧將軍裂眦奮一戰  
旌旗蔽日雲氣迴朔風獵獵天山遠層冰齧石交河斷  
材官爭取可汗頭諸君肯放名王返功成不日詔承明  
賞賜先推飛騎營驍騰俱封二千戶錦衣朱纓義氣橫  
聲名絡繹傳鄉邑第崢嶸開上京回頭笑殺魯連子  
白髮龍鍾空一生

秋風詞

長安道上秋風起吹入青門草靡靡客子携琴燕趙來  
一感秋風心欲死鳴鞭躍馬過我前那堪杯酒重留連  
酒酣氣發百志奮談笑須臾空百年坐中歎爾壯士心  
人事何勞問古今張蒼亦能論刑法平徒然卜六壬  
仲尼治國苦不稱曾參事毋猶難信時勢摧人著處生  
英雄遇抑常遲鈍南山磊磊雲氣橫寒泉蕭蕭終日鳴

請君拂袖謝人世與爾常爲谷一耕

寄李宗易

許西多逸興日日白鷗來種竹忽遮屋看山豈用臺有時調舞鶴終夜醉新醅何爲蘇門客招邀不可回

覽鏡

愁裏窺明鏡驚看白髮多行年自驅迫服食護如何有相終巖穴無機任薜蘿平生憂國志何惜酒中過

次張開夫見過之作

獨好中林隱因家清渭川園開溪盡處山合水西邊曲藝明時棄長歌稚子傳已深疎曠志不是欲遊仙

王司馬

名廷相字子衡號汝川儀封人弘治間官左都御史

別後再贈德涵

浮嵐曷晴嶽驚風振華林枉節迴峻坂高興出遙岑層丘既窈窕鬱木亦蕭森君子薦芳酌晤言開素襟憂時富危論探道生遐心悲帝蒼梧遠弔屈湘水深嗟余秉幽尚及茲成滯淫徒擬孫公嘯猶帶鍾生音事變靡常塗達機古所欽陶令耻折腰三嘆歸來吟栖栖茲倦遊邈矣行抽簪

燕中懷古

日出北平甸隱隱川塗分南臨古帝臺悵望遙天雲不

寄滕子冲先馬

江離被南浦采之將遺誰故人青雲端聊以慰相思校文直廣內侍講入崇闕大雅補衮疏飛龍應宸詞永謝澗水空音微何離離落木滄洲寒迴鴈關山遲行子悵離索慷慨秋風時三嘆白頭吟絃促情無涯

龍谿

龍谿秋漲縮石嶼峭江門天氣十月交岸木落以繁窈窕古城曲寒露錯朝昏遡洄缺舟楫空憶桃花源官事已及暇聊爾得寤言學子寡聞道風氣安足論我遊巴

王司馬

東西歲月歷涼溫暑雨浩川塗僕僕傷旅魂仲尼歿也

久環轍日復湮天心協道軌庶以謝崩奔

赤壁亭宴集謝蔣子胡子

適志在丘林所嗟嬰宦籍雖偶登嶽謠終爾煙霞隔日來有所期蘭尊荷時哲虛館俯江郊况覽豪賢跡鳴雷輕隔浦涼風近將夕遊禽度嶠嶠落木方戚戚瑤草未堪贈佳人徒良覲遠心入洞庭曠覽狹夢澤事往情彌牽年衰感迫已悲王子車終返原生宅賞心非外慕懷賢亦屢積且逐俄頃歡爲君謝行役

汎湖篇

秋滿天河水，滙作平湖二千里。郢東之山海上步，  
山人飄飄羨門子。我乘素舫一帆懸，鵬舉風飛欲上天。  
棹歌不盡江南調，落日滄流生紫煙。

南昌行

豫章妖星蝕太白，飛入鈎陳關。光赤欽天博士不敢奏，  
遠臣見之空噴噴。周公卜鼎八百春，漢代親募邊秦。  
山東諸侯自破滅，淮王雞犬安能神。白洲老子中臺長，  
何用文章諛新莽。慶陽鄙夫稱雄特，學得兵書翻助賊。  
南風不用北人力，東門黃犬嗟何及。君不見河南許汝，  
登皎皎真丈夫。口中舌可斷，萬歲不肯呼。匣裏寶刀光，  
雷電悔不先發梟賊。願報國心丹，不言苦甘死。寧能效  
囚虜已拚魂，作太湖雲。何惜血染洪州土，黃龍塞天白。  
日昏長風翻江帝，心怒鄱陽未接勤。王師坐令狂奴氣，  
先阻汝登汝。登振古豪衣聲，苟免蟬蛸曹。

夢方思道

中宵星漢朗，片月墮西林。枕簟露華積，軒庭涼意深。行  
藏安一水，江海夢同心。南國無來使，鴻飛倘嗣音。

大浦口

渺渺風波裏，悠悠今古情。行到滄海處，幾合隔浦見新城。水  
無葭港秋寒，鴈驚沙草綠。休道不緣名。

雨

常時憂旱魃，今夕詫鳴雷。急雨翻空下，長雲駕海來。龍  
腥觸牖入，電火燭林迴。明發行南畝，三農爾莫哀。

望峽

揚舲巴峽外，幽絕未能言。薄采秋江芷，時聞芳樹猿。驚  
波白帝險，暮雨楚峯昏。謝客能來此，應憐勝石門。

秋夜宿朱山人林亭

木葉已下地，淒然秋意深。對君明月夜，寫我素琴心。河  
渚迷歸棹，關山起暮砧。客愁淹不散，枉自宿青林。

春草謠

塘上草離離，照妾春羅衣。待君君不來，滿庭螢火飛。

皇上平南凱還歌

詔下團營大點兵，我皇親作冠軍行。九河歷地樓

船去八月橫天劍，戟明

鄭吏部

名審夫字繼之號少谷蒲陽人弘  
正中官南京吏部驗封郎中有鄭詩

今夕

新門城下月，今夕定如何。白骨凌沙磧，黃塵控駱駝。羽  
書飛傳置胡馬，失關河。天子方宵旰，孤臣淚已多。

白下尋方山人

山人不是方外客，十載江湖桑梓悲。爲饑寒歷辛苦



教詞藻歛瑰奇南征却道如司馬老去終傷失惠施  
白下風煙得見否憶君長誦考槃詩

猛虎行

玄陰冥冥天欲雨蒼兕嗥風劈林莽磨牙下山天爲愁  
白日殺人如捕鼠我忽聞言仗劍出彎弓却射白石入  
吁嗟鳳麟無時來故使此輩爲民災不然驅汝渡河去  
河北蒼生非草萊

孤山寄太白山人

爲問山人孫太初交情歲晚莫教疎孤山梅萼春相惱  
滿地松苓日自鋤江夏肯容爾處士茂陵初卧馬相如

鄭吏部

七

知君不廢茗溪釣書帛能無寄鯉魚

宿象山西塢

亂木藏幽鳥清商集古城冥煙分野意山鬼習人聲未  
把桐川釣聊爲穎水耕嚴棲備寂寞倘得遇初平

上毘盧閣

閣迴臨虛曠秋高入渺茫燕歌動易水駿骨望昭王日  
落城笳起天寒塞草黃揚雄輟扈從空自賦長楊

同晉陵諸子遊水西

共有煙霞想言過西水潯薜蘿迷遠近魚鳥入高深花  
氣含風蒲山堂附郭陰宴酣忘主客誰賦越鄉吟

讀孫太初潯陽歌

青春寄我潯陽曲長路思君鸚鵡洲此日江湖須遠志  
浮雲西北有高樓嵇康竟少神仙分尚子仍牽兒女憂  
居洛何曾定蹤跡終南渭水入鄉愁

明妃曲

明妃初出塞宛轉意何窮馬上琵琶曲流悲入漢宮自  
言妾薄命萬里去和戎今日蘼蕪草青青向隴中

湛尚書

名若水字元明號甘泉增城人弘嘉  
間官南京兵部尚書有甘泉先生集

過玉山望懷玉觀我感興有作

步出草萍關舉首見懷玉超然動遐想中有綵雲屋山

深尚書

八國雅卷六

八

高天宇空安知白日速翩翩青鳥使暮歸玉臺宿

贈人遊南雍

遊子涉江去采采南澗芹采之欲何爲歲暮寄遠人懷  
人自不遠歲暮行當返

秋懷二首

涉園採桃李持以贈所知非貴桃李顏不言自成蹊豈  
無蘭桂好質以香自虧默默牛醫子心期浩無涯  
封書寄燕鴈鴈不過衡陽封書寄江魚魚沈江水長江  
水亦有竭封書永不滅耿耿無由宣心緒自中結  
過錢塘江將訪大冢宰王先生有懷陽明兄

迢迢涉江去江畔生淒風涉之將至爲南湖采芙蓉美人  
在遠道我心憂冲冲登山足夔魅蹈海多魚龍俯仰  
天地內去子誰余從

訪陽明洞天

道經蓬萊館溪窺到陽明下看東南峯蒼蒼入青冥不  
詣此真境焉知非虛名踧踖步巖石山高豈無靈子喬  
不可見佇立魂屏營草木如有識欣欣向余榮采之欲  
誰寄歲晏難爲情

武溪吟懷俞忠襄

武溪溪水深欲往隔雲濤美人在何許風采空遺音憂

思滿南北託之被絃琴惟有江門石可以寫我心

九

文

同潘仲魯黃門諸友遊金華雙龍赤松諸洞

曉出蘭谿門逍遙望名山望之已可愛而况遊其間窈  
窕藏境勝夷曠令心閒白雲晝冥冥溪流

牧羊子化石只依然心跡俱寂寞悵望未能還

過波羅三首

片帆出扶胥潮打虎門開正愛遠山青白鳥閒飛來  
舉手望飛雲鳴撓過黃木巖舟江上亭虛空觀日浴  
在山月色好出山月色微山月合多少還載滿船歸

市橋道中

早氣蒸行李朝花露滴征衣悵望平原山濕欲尋舊  
路雲迷

答邕州別駕鄧誠之

美人昔別藤江湄藤江山前雲滿溪騎門關外春草萋

王孫王孫歸不歸

嚴相公

名高字維中號介溪分宜人弘治間  
官少師華蓋殿大學士有鈴山堂集

山塘

山塘深且廣迤邐抱山麓隔浦見人家依依桑柘綠日  
落煙水寒遠塘飛雁王

尚書顧公於省還惠山贈別

昔登居柱下公乃隱金門遇合非偶承恩謁

無荷宸劄宸劄奉綸言溫介來沐優寵宸劄假歸舊園

輝耀着賜衣遙運動行軒重經釣遊處鷗鳥應飛翻千  
里見明月幽期誰與論

夜讌歌

瓊酒清蔥肴盈錦鐙瑤席張四檻華歌妙舞百技是夜  
行遊兮悅明生奉君玉觴前致誠上天垂休惠我明

漁父

滄洲漁父人不識日暮移舟煙水寂沙頭野飯野維梢

天涼自吹笛笛聲嘹亮度江門荻花楓葉滿秋村  
溪邊明月常相待世上功名安足論

仰山置酒

春遊入古寺息駕在山阿不飲杯中物其如山色何泉  
聲間鍾磬草色上煙蘿向夕嵐霏起諸峯猿嘯多

塔山望

玉山縣

初明流泉響漸入深林間靈峯窺寶塔竹徑款禪關曉  
暖花覆谷空濛雨映山回看萬壑裏雲霧渺人寰

靈谷寺

蓮宮青嶂合松門石逕通窈然深谷裏疑與素人逢澗

藏初公

八國雅卷六

十一

之

底藏餘雪窻間列秀峯寂寞支公宅惟聞朝暮鐘

元夕侍宴曲風亭觀燈

壬寅正月

節值燃燈夜金宮賜御筵千年逢此夕萬壽願齊天瑞

擁堦萋雪芳含苑樹煙無窮太平曆長奉聖人前

曉入天壽山馬上作二首

迢遞橋陵路逶迤松栢林水流千澗合雲起四山陰享

殿陪祠入行宮扈蹕臨十年三到荏苒歲華侵

黃覆依岡殿青連夾路松憑一駐馬望氣欲成龍信

與入境隔帷看雲壑重甯宵雨足飛瀑滿千峯

鍾山遊眺

可憐春岸飛鷗鳥又見春山長薜蘿峯勢插江谿路小  
峽門橫石水聲多蘋洲看雨維舟坐松嶠穿雲躡屐過  
見說此谿多釣伴月明來聽扣舷歌

登嶽憩半山亭

孤亭翠嶺上層雲煙靄微茫曙欲分仙家鳥道迴莫到  
石壁猿聲清忽聞幽泉樹杪飛殘滴瑤草巖中吐異芬  
看拂丹霄朱鳥近焚香先禮祝融君

虎丘寺侍少傅守谿公遊奉次高韻

潭渚逶迤草樹重上方臺殿隱孤峯清輝夜吐吳城月  
虛籟寒生梵院松窓瞰浦雲空引望石留僧講謬遺蹤

藏初公

八國雅卷六

十一

之

移舟更欲歸城市惆悵青山日暮鐘

山顚有閣名千頃雲寺前千人石生

公說

蚤入承天門見鴉次韻

喧鳴早入帝城飛曉霧翻林颺曙暉宮女乍聞鶯夢

起省郎紛逐散朝歸聲傳萬井含鐘杳影落千門帶月

稀還向昭陽自來去綠窻凝望重依依

無逸殿直舍和少師夏公韻

燈燭通宵晃禁廬霧窻雲閣近宸居瑞煙入座香浮苑

寒影窺簾月到除綵嶺乍聞丹鳳吹穀城先訪赤松書

歸來未向人間說天語親承燕對餘

次襄陽

朔雪荒臺獨鴈飛楚鄉凝眺轉依依天連浦淑惟寒水  
山隱城皋已夕暉旅客競尋淹口住釣船閒傍鹿門歸  
龐公舊隱巖扉在悵望無因得息機

元旦詣永明殿上香

複道金屏度幾重漏聲猶在未鳴鐘司閤老監迎相待  
燭影開堂宜滿松

賜太液東丹

蘭舟清漾水雲空花葉田田島嶼風棹入瓊波最深處  
玉樓金殿影西東

孟大理

名洋字望之初號無涯更有涯  
信陽人弘治間官南大理卿

別李獻吉

悠悠歲暮暮去去將何之三年不見面後晤安可期盤  
桓杯酒間勸君飲莫辭強歌暫成懽蟲鳴及秋時嚶嚶  
黃鳥音四顧求所依豈無上林枝余意多乖違幸有同  
明月慰我長相思

顧全州見邀江水漲不能赴

桂林山深晝啼鵲一春三見紅日出鳴雷達曙雨浪浪  
洪濤平堦仍入室江間浪湧蛟螭翻鯉魚安得窺龍門  
渡頭行子立惆悵徒繫扁舟不可上美人只在水一方

客有爲余道京師故事者感而賦傷歌行

百迴千迴道轉長雨中空見枇杷落飛盡楊花更斷腸  
君不見長安富家種花竹綺窓蘭樹如金谷四時留客  
宴常開齊絲燕管日追陪酒酣賓主皆傾倒盡道結交  
苦不蚤醉倚佳人池水邊腥膻厭厭出時鮮促歌索舞  
從君欲風度青林明月懸可憐今夕同歡譙人事明朝  
有更變家破亭臺日漸非園荒桃李花如霰主人辭舍  
燕分飛送葬無人弔者稀諸兒道上有饑色舊客相逢  
不相識莫笑素絲車博徒人生緩急誰所無叩門不以  
親爲解信是昂藏一丈夫

瀟湘行

歲暮浮瀟湘天空豁心目瘳日千林開高雲萬峯簇江  
色巖霏水部隈重蘿飛幌隱樓臺疎松野寺鐘磬響枯  
葦沙洲鴻鴈哀風煙奕奕紛奇狀海賈湖商日流盪浣  
婦新粧映綠波漁人家罾拋洪浪年年歲歲此江津今  
日人過非昔人曾聞埋沒屈原骨亦復飄零賈誼身楚  
王宮中罷歌舞十二峯頭泣雲雨岸上誰家越女謳珠  
簾羅幕桂堂幽江南本自山川勝日暮其如客子愁當  
昔孫吳漢昭烈衡湘轉戰江流血功臣名將已寂寥石  
碑銅柱俱淪滅秦皇威力震羌胡仍迴車駕偏寰區馳

至今瀟水上秋風惟見白雲孤白雲孤以飛湘水  
南下安得從之亦北旋東園種竹耕西野

煙

湘流落日外沙迴暮生煙杳杳千峯失霏霏萬壑連鵲  
翻知浦樹人語辨江船暗裏猿聲斷愁深攪夜眠

黃刺史同登魯陽樓

此地昔曾過危樓今始攀日銜天際樹雲動水中山津  
驛趨三楚江門控八蠻亂帆何處去風浪未知還

懷張仲儒

聽馬風流客戀河意緒賒千人窮稷下一辯屈田巴別

八國雅集六

十五

憶燕門柳心傷漢苑花謫官猶內郡不似賈長沙

光州道中卽事

草根霜耀日沙際浪吹雲野色時時見鄉音處處分寒  
鱗深避餌凍羽不成羣無限村居樂樵歌隔水聞

遊張園有懷申臺少卿

地主歸何日吾遊復此亭渠深新更鑿蹊滑舊曾經竹  
墅留卿月花簷帶客星不知門外柳別去幾回青

荅何仲默見寄

人世百年常異處帝鄉爲別動三年頻頻入夢見顏  
色日日杜愁多醉眠脩竹穠花田舍裏亂山流水寺

蘭幽居不省何時訪好句虛勞萬里傳

過海印寺

傍湖臺殿何年起遶寺煙波望不窮樹裏逶迤銀漢接  
宮前宛轉玉河通長橋晚落千尋影高閣晴含萬里風  
滄海湯求人世外蓬萊今在帝城中

荅顧全州華玉見貽

隱几高齋冬日深叩門何處素書臨美人近隔清湘水  
使者空傳白雪吟邊嶠梅花愁聽角郡庭榕葉憶鳴琴  
春風好慰同遊興夜月應憐異地心

殷給事

名雲霄字近夫號石川山東薛張人弘正  
間官南京工科給事中有瀛洲芝田二集

殷給事

八國雅集六

十六

再游梵宗寺次前韻

故鄉千里外獨立此峯孤雲起風飄泊鴈來書有無出  
處心多感登臨興每殊江山盡搖落松柏尚支吾

聞太初出游

江風散微雨重峯生遙碧林端浮新青梅遲見殘白地  
僻爭訟簡吏散庭宇寂煙水澹孤城齋閣坐成久忽念  
同懷人清光隔咫尺溪舟時載酒野步或携策靜躁心  
詎異鶯歌聊自釋

行路難

少年白馬珊瑚鞭游冶長安大道邊歸來暫向青樓卧



千金買醉不論錢，窮巷老生亦何爲。經年讀書只下

漢朝天子方好武，頭童齒豁憐者誰。明眸皓齒誰家女，蹇脩幾度不相許。一朝誤嫁游俠郎，經年不歸游何處。長安隨處有笙歌，不念深閨空綺羅。覽鏡不堪頻下淚，紅顏一去奈吾何。

### 石門洞憶太初

孤舟三伏道亭午，氣氤氲小憩石門洞。風涼已薦薰波，喧偏怒石山暗欲生。雲漁父濯纓處，寒流可共君。

### 晚酌石門懷太初

舍櫂緣芳澗，披蘿入石門。秋風正蕭瑟，林木亦飛翻。溪

淨千峯倒，雲歸衆壑昏。佳期曠何許，獨酌念彌敦。

### 杜楊劉三君子携酒過官舍次杜韻

縣齋微雨過蒼苔，越客芳樽向晚開。池畔好風驅暑去，松間明月逐人來。三年戎馬身無定，千里鄉書鴈未回。

痛飲狂歌聊復爾，不堪愁病兩相催。

### 顧宗伯

名可字子與成陵惠嚴無錫人弘嘉間官官保禮部尚書有覆瓿餘集論對錄

### 都門別李獻吉徐昌穀

悵悵燕都門，星裝戒清曉。擁蓋集華筵，枉爾臺中妙。禮時所望文舉特，英少惠我以璫。青臨觴見懷，抱車非不歡。聯蓬眷同好，願因雲中翰。殷勤勿草草。

### 太白山人寓別墅因贈分韻得興字

結屋向南山，日夕有佳興。耻爲桃李顏，不逐狐兔徑。跼坐山雲不行吟，山嶺應與君忘形。骸歲久神亦定。

### 雨晴放舟蓉湖同太白山人用韻

青山入虛舟，蓮蓉照湖水。東瀛有仙居，華景寧似此。忘機逐鷗羣，容與滄洲裏。散髮白日光，誰識鷗夷子。

### 雨中同鄭繼之顧九和孫太初登泉亭再用前韻

亭上起白雲，我心如止水。所以煙雨中，屣履仍過此。爾欲泝其源，聲在翠微裏。達生見化理，莊生與惠子。

### 方棠陵見過

使節傳呼至虛齋，起白雲病餘仍伏枕。歲晏忽逢君曠積一以慰忘言，乃至文酒深愁遠。別把臂重殷勤。

### 夏日與羣從山行

散襟侶羣從，紆曲此山過。夕照下平丘，水雲交綠禾。靜言時共適，撫念意常多。何似青谿子，翛然訪薜蘿。

### 華陽洞

鬱鬱華陽洞，仙傳直至今。松含千歲色，雲卧半山陰。玉柱玄關闕，琅函禹穴深。鶴鳴初月上，獨闕風岑。

### 惠山寺與孟無涯話別

携樽同野寺，降節憩重陰。悵別山雲起，遐思江水深。名

廟重病廢歲年侵空谷還來日楚然聽足音

秋初方西樵閣老枉駕園亭偕舍弟作

座對星辰列棧分霄灤迴高陽千里駕河朔故人杯開  
榻迎薰入臨軒遲月來清輝當燕昭涼夕共徘徊

秋夜趨 召清虛殿恭述

召對清虛夜仙臺凌紫煙翠華珠樹擁碧殿絳河絲  
密諭褰幃授 綸音造膝傳佇聽行漏遠罷直下瑤天

元且 賜召詣 永明殿上香經 南內恭述

翠林曉曙色珠斗拂銀標翔鳳金鋪迴飛玉砌邊

御爐迎碧靄宸陛接青霄 聖主崇儒典榮叨展今朝

奉 命恭詣泰和山祭告

九天絳節拂雲行飛磴千盤逼太清海底日窺初倒景

山腰雨隔半空晴香臺縹緲朝元境鵠馭扶搖降赤城

慚愧禮臣封禪草祇祈河嶽萬年靈

西直紀恩七首

西宮入蹕擁飛龍 清問時時下九重一劄兩頭鈴

勅璽 御題濕處紫泥封

諭對纔從秘殿來龍函猶帶 御香開停燈五夜頻回

奏朱榻 宸章手自裁時恩賜 進封宸章奏

司文內監畫傳來特遣 南郊建禮回會見漢家全盛

日當時封禪彼何猜時初 郊禮

仙壇縹緲絕人寰香霧氤氳白晝閒向夕 翠華清

道下月明遙聽珮珊珊時在書局候直

御前絳蠟引回鑾中使擎來諭禮官感激恩私惟俯伏

皇壇馳祝萬年安時奉諭 遣高近侍忠 皇壇

層閣蕭臺半縹雲金栴絲索兩行分遙攀龍綬千盤上

中秘那令下界聞無上 殿中 利金銀諸天 聖上崇 特命臣上香殆殊恩也

仙門初日耀曉暉寶殿光搖翡翠紅恭捧香幢當

帝座賜綬與神欲乘風時初 遣高玄殿 賜綬

贈陳海樵

我欲入山馴虎豹爾能浮海狎魚龍莫將山海分形迹

那識漁樵趣本同

願少參名可適字與行號蒼峯無錫人正嘉 同廣西少參有華峯先生遺稿

閒居

閒居

閒居豈違情政以慵且癖卻掃謝送迎投軼偃驅策有

耳聾聞器有目瞽分白病狂不願惺習苦孰知易三徑

懽歸來一枝聊棲息中園薦嘉蔬虛庭脩柏客來酒

共斟獨坐忻所得素懷本若斯吾願不求濫演鵬諒為

遼瀋鶴亦云適雖然與物疎幸免為形役此外儻有營

誠恐六合窄

門傍植梧

亦近長安市栖林藉所餘敢妨車馬客直傍里仁右梁  
棟何能用柴桑詎久虛漸看高蔭處棲鵲意何如

輓內姪女二首

爲妻弟王靜山作

孩提曾見髻堆螺又向笄年贊斧柯桃核但傳室室信  
薤晞忽聽振鈴歌燕巢泥濕收功近蠶箔絲寒抱恨多  
爾祖泉臺煩致語搏沙骨肉竟如何

深閨不負少年妝擬采蘋花薦晚香底事芳春竟零落  
却緣生命有存亡池娥弄影空留月簫鳳吞聲合斷腸  
脩短由來皆定數不須哀些起巫陽

韻少參

八國雅卷六

二五

贈倪雪軒

袁安門前雪不開五馬從繁奚用來惟宜東郭曳破屨  
踐爾東橋蒼苔苔

金臺行送友人

金臺差幾起千尺一時賢豪何赫奕駿骨真成千里雄  
長驅百城俱辟易燕齊戰爭兩茫茫嘉圖漢策摠陳跡  
臺上登臨高以軒四方珍獻多璵璠君懷至寶莫復落  
且學東方金馬門

游仙詞二首

讀龍泉公憲翁  
月賦諸作因賦

莊生隨蝶化列子乘風遊飄飄九垓外六合爲虛舟海

臨不可玩浩蕩住滄洲白羽揚皓彩潔身漾清流  
瑤樓十二重銀闕三千尺素娥霓爲裳皎皎如練白玉  
兔藥長年萬斛貯瓊液極聊鬱差我安得凌風翮

題扇贈華西樓

西樓一以眺南都亦嬉遨碧渭滋瓊液丹崑炳鸞毛何  
云識君晚翻令笑我曹不見任公子綸垂掣六鰲

和彭別駕石屋登錫山觀五湖之作

錫縣披前蹟丹丘出上方七盤凌絕磴千仞俯滄浪鳥  
道浮霄朗鯨波遠色蒼玄珠遺罔象白石起羣羊陵谷  
推遷外蓬瀛縹緲鄉雲謠惜荒宴萬里泛瑤觴

韻少參

八國雅卷六

二五

壽心竹華君

茂苑迎春色高城歛夕霏笙歌花底按燈火柳邊輝行  
樂真能事長生解息機綵衣娛舞地並奏鶴南飛

屋隱鄭翁屈六旬司諫張君靜思索詩壽之

夏日朱明景瑤華席以張薰風動舜樂銀露湛堯觴壁  
潤連城價蘭滋九畹芳時應北窻下爲爾論羲皇

贈洪川

洪川住涇里小隱卽安流海月浴溶上江雲藹藹浮山  
青看去鳥沙白任眠鷗羨爾真懷舊悠悠何所求

和元老方樵翁園亭喜雨之作

露殘暘輕飈汎蚤京卽看台極近已動少微光  
鯉知遊樂翔禽學舞長赤松千載事此道未應忘

月潭贈夏友人

明月行中天寒潭見虛白寓物偶成形一過本無跡道  
人得禪心卽性定真魄爲魚浴天光湛然隨所適

贈張懷亭歸山東

張伯昭姑之丈夫偕自山東來省吾姑因有此贈

春來風日陰復晴懷亭言歸將北征繁梅紛紛笛中落  
弱柳裊裊橋畔榮齊關迢遞三千里胡不少留且緩行  
驪駒歌發太遲久坐客聞之皆動色知子高堂綵服新  
曠之實難心孔棘子昔產也金華之山雲霧而出雲歛

六國雅卷六

全

見山上之白石崛起皆年羣韶年隨侍返汝父母國學  
詩學禮其有聞斯文未墜神在天壁中漆經烈焰毋得  
然齊魯專門厥有以伏生年九十而遺編復傳泰山義  
我世宗仰睇視危峯挂霄漢不知其幾千萬丈曲道盤  
雲歷天門之層層今下界凡愚那會上七十二君後有  
繼之者玉符金籙昭百代而晃朗茲來惠山之下飲泉  
水洗兮清潤曷足多乎亦云美何以貯之雙玉瓶併取  
澗中累累之石子懷乎懷乎重我懷行將北遊直上黃  
金臺天邊鴈過南征便好爲書傳一劑來

讌秦太保鳳山公園池分賦得驚架亭歌一首

洪荒之世昔尚蒙崇丘下谷氣始通茫茫大地曷爲限  
粵有五山嵒嶸而穹窿誰其置之潏潏瀦瀦潢潢乎大壑  
之東洪流滔滔下安底亦恐歸墟沃釜幾若銓玄宰念  
絃絃八極之表將爾也與閨闈爲始終媼皇煉石莫施  
巧海神驅梁難爲工不有巨靈奮其鼎肩其訛也而任  
乃躬軋網坤維一以定屹然峙立乎其中山河南紀奠  
大界百代挺生有我公廟堂棟梁需巨木江河砥礪迴  
奔洑五辰咸若凝庶績三朝弼亮熙百工洞庭鈞天聽  
廣岫石室至道探高嵩成功不居謝寵利世皆仰挹上  
東門外漢傳之高風黃石授書拯時畧赤松從遊蓋世  
雄午橋野堂九龍峻灘流潏潏巍峩冠若今衆  
迴列中有亭兮下瞰百人之平波演濤乎冲瀾東欄晨  
看陽鳥拂桑葢西閣夕觀玉兔升桂宮絳霞的爍今丹  
闕銀潢湛澄兮碧空一鑑昭兮晃朗八窗啓兮玲瓏偃  
仰今興嶠嶠敖兮佳儔日有餐兮紫芝燁燁將事今商  
巖之阿四翁

赤鯉行

琴生昔日騎赤龍兀然矯首高出洪濤中旣來月餘復  
飛去萬人觀之皆茫然竟不知其向何處爾家楊河澄  
潭百尺深中有神物冥棲而陸沈歛然揮霍澎雲浴霧



抱蕊汲流還灌畦清川疎雨輕帆轉高岸和風好鳥啼  
忽枉高文來問訊呼兒燃竹餽蒸藜

爲陶侍御翁封君醒老題壽圖

聞君獨醒意杳與世相違山間薜荔屋松下艾荷衣紫  
泥不驚寵辱堅自生輝探得長生藥朝朝和露晞

蚤春溪上

蘭舟溪上來春意此中裁水色和煙動山容東霧開青  
看連野燒白草隔林梅荏苒風花思陶然一舉杯

題月村謳飲圖

篇篇明月麗于林臯驪言孔洽爰命同胞忘葵及菽酌

國雅卷六

彼松醪坎坎擊鼓躡躡執翽旣色旣笑載奴載號匪無  
友生莫如宗祧永此清夕其樂陶陶

君山江亭與張司成燕集

二月春水江潮到縣城煙青山岫出沙白柳條明鳥  
向雲中没人從渡裏行坐來情自曠對酒與君傾

臨川同年陳惟濬遠惠嘉橘答謝

多君頌橘意手植臨川湄長友不自已故人還念之馳  
函情眷眷傾筐實離離安得園廬並停雲重我思

丹青行

君不見唐時曹將軍下筆寫真妙入神曾奉開元天子

詔圖畫凌煙閣上之功臣顏面倏皆動生色心神亦  
開風塵今之作者誰復似落落宗工見吳子來遊句吳

二十年往往好事爭延致大夫退食羔羊皮逸士逍遙  
白接羅路人見之道姓字儕輩驚呼嗟絕奇余也飄蓬  
衰朽質拂綃展綢煩君筆倚席睨睨纔經營酒毫惟肖  
何超忽稿容旣丹青手我有瘁營君知否昔在顏行  
上疏辭兩掖逆鱗蒙鞭笞痛連五內瘡懷管卧踰三月  
始生肌前賢曾湜四余亦至今殘半肢平生苦心  
固如此向來奉職惟自持何如執柄多忤鑿說言易動  
曾不疑吳君吳君勿誼聽我更僕竟此言水鑑何由

國雅卷六

王

能照物自是正直無私援君亦取貌有何意一一物色  
分硃璠商王繪夢巖中老求賢曷不由斯道公論從來  
祇慨然愛憎之口徒便便妍媸豈識真狀何異仗馬  
鳴則捐志士能不死道邊噫乎此意誰可語展圖尚吁  
吾愛汝

擬落葉哀蟬曲

葉何落兮蕭蕭蟬何鳴兮悒悒彼秋風兮動容使我心  
兮增憂悵羅袂兮乖離時之逝兮如斯曲房閒兮壁立  
流蘇冷兮空帷望姍姍兮安從鬱悲思兮何其

寄高傳二生



吾聞閩有魯兩生懷貞養潔俱高名問經不肯學奇字  
遺書詎顧收聊城凌雲獨對三山氣採藥常多五嶽情  
却愧微纒何自繫解龜欲共赤霄行

深青道中

歷歷過治都村村曠平陸春田屬歲收在野多種稂鄉  
氓聞車音扶老出山谷長跼謁道周驢言被清穆顧茲  
川原靖更以郊鄙樸不知居庭時訟牘何煩促儻有君  
子風會見民同俗秋滿空歲年閭然愧司牧

贈俞汝成會試

憐君干將劍結客少年場秣陵戰一捷英聲馳四方歸

國雅卷六

三八

來養精銳灼爍芙蓉光匣中時自動鉅鹿豈能忘

酬麻衣洪汝濟

暮什欲居東海上子房自愛赤松遊爲報麻衣莫浪語  
吾今已具五湖舟

次方閑老秋日重過家兄園亭之作

公來自殿閣猶帶薰風涼頓覺山林氣還生霄漢光題  
留青竹遍嘯引白雲長遊仙更何許莫令忘帝鄉

珠崖雜詩

訊此岐黎俗猶存遠古初創形體刻前代文書始  
載羣椎鼓吹遊共搏狙向來漸化熱強半附州閭

秋懷二首

異域滄溟上孤城斥鹵中經過稀漢使托處雜黎戎日  
遠天何際雲荒秋不窮誰能忍羈旅轉泊逐飄蓬  
傳道西來詔官車禮七陵輦塗紫氣藹仙馭白雲乘扈  
蹕千官肅靈光百祿憑周南恨留滯踈踈曷能勝

題王仲山寶界山莊

王子幽棲地真能謝世緣湖藏深壑裏門掩衆山前窈  
窕循花徑崎嶇瞰水田一坐吟亭上都令思入玄

遊著溪上

城市苦煩促言過水墅村遠山當野徑高樹映蓬門終

國雅卷六

三九

日坐無語深林蟬獨喧溪傍有夾澗取意濯清源

送寶林僧歸杭二首

上人安禪寶林裏還持衣鉢玉泉遊夜來剎解曹溪偈  
一日歸來般若舟

江村處處皆此岸彼岸摩訶若箇邊歸從長老菩提說

恒河故在寶林前

再答華學士

來章有結廬清溪上生對寒山陰  
卽此是丹窟松期何處尋

獨卧清溪上端諸佚老心堦庭蒔苒苒門巷柳陰陰高  
野時言駕平阜或租襟松期殊可問欲共隱君尋  
四月廿五日卽事

倭來馳突疑飛雨過去須臾若反風鼓譟疾登能奪  
弩機連斃已摧鋒燎煙猶是迷郊外屠脔仍多暴野中  
可嘆江南安樂土不堪垂老見兵戎

和迂泉秋日農居之作

愛君解組謝塵事食眠常在谿田居草屨牧豨足不機  
葛巾枕簪頭忘梳春風桃柳陰陰徑秋水菰蒲淺淺渠  
對人那作青白眼偃然長歲復何如

唐文襄

名龍字虞佐號漁石蘭溪人弘嘉間官官保  
冢宰贈少保并諡有黔南江右關中諸集

斗湖書屋登山聽風對月講學懷友晏坐二首

日沒綠煙泯林叢起陰肅涼月生海澨亭亭照茅屋清

唐文襄

國雅卷六

三十

直

樽幸相對山中影不獨

清溪映欄庭白雲宿柴關百食亂書短燭燒將殘燭

殘不必續明月已在山

長淮行送張員外還金陵

河上相見遲河下別何亟百草牽柔風孤峯駐落日長  
淮接江水千里映空色旌旗耀文雉舟艦飛綵鷁丈夫  
意氣多中流楫長擊

胡不歸

秋氣日以高明月流素輝銀河朗如綃織女弄杼機蟋  
蟀鳴堦除北鴈向南飛茲遠游子歲邁胡不歸

伏羌

肫羌山出雲寒羌水清干戈經百戰燈火聚孤城雪  
岸飛霞色風營鼓角聲將軍功伐在馬革快平生

龍渠春水次平田韻

白雨千巖落春渠百尺深漲前魚行直波外酒尊陰荇  
葉藏家鶴楊花逐渚禽扁舟遲未去空抱水雲心

送少華許子督學湖南

昔爲柱下史還讀祕中書夜雨分芸草晴天落蠶魚傳  
經問劉向作賦陋相如光滿湖南地文星照太虛

鎮西樓次邃翁韻

縹緲危樓百尺雄雕甍丹柱映崆峒月明青海烽煙息  
雲隔天山箭栝通清夜角聲流遠塞高秋旗影拂長空

輕裘緩帶時登眺胡虜長驅一嘯中

錢臨江

名琦字公良號東舍海鹽  
人正德間官臨江知府

登獻花巖

獻花巖畔路游子數登臨花發年年好岩深處處陰風  
前收落果坐久換鳴禽世路何多事看山偶會心

歌風臺

古壘存苔碣荒臺闕白波英雄起亭長父老說蕭何  
寒泉夕閒庭落木多登臨懷猛士撫劍一高歌

憶三弟病

天涯聞汝病忽漫兩經春地僻來書少情深覺夢頻未  
須方外藥擬養谷中神許踐看山約俟舟淮水濱

哭萱兒

今日我哀爾他年誰我哀影孤雙淚墮身在寸心灰夕  
照依依短晨星故故催死生無限恨長札不勝裁

詠鷹

萬里青冥映碧秋翎翎鉤爪恣飛游但今搏擊除兇鷲  
何事虞羅效巧謀霧裂雲披山月白風迴日陷楚天愁  
京師多少材官第尚父鷹揚近有不

戰馬江

國雅六

三

宮柳

青眼纖腰袅娜粧托根常得近 君王春遊簾戶晴  
煙透曉拂旌旗王露灑禁鼓聲中眠漸足乳鶯啼處恨  
偏長東風須著慙慙意時散清陰覆未央

晨星

曉鐘聲裡聽烏鳴正是星辰落落時殘影漸消江上水  
疎光微隱道傍枝征人相戴行偏急宿鳥頻窺意尚疑  
牛女畏看河漢滅宵衣暫爾待朝曦

金陵懷古

落木蕭蕭鴈影稀秋風江上立斜暉三山二水依然是

萬戶千門盡已非商女有花歌白下謝家無燕認烏才  
城南城北經行遍獨傍秦淮古月歸

蒙山禱雨

蒙山律光臨城北臨之環聳皆其支崖尖徑昇飛鳥避  
峰危石亂行人悲古來受牧義其死我今歷險勞奚辭  
道首靈神應賜雨赤子正在皇皇時

括蒼道中

四顧崦嵫山後山只疑蓬島馬蹄間煙霞洞僻無人到  
松竹巖深有鳥還問俗徒憐官稅重分居欲買小溪灣  
野夫荷簣脩然去何地幽棲獨閉關

歐陽文

國雅卷六

三

游開元寺

借得公家一日閒却來林下訪名山白雲飛盡僧歸院  
忽聽鐘聲杳靄間

西湖草堂

疎林不礙目小水自成景白馬喙晨曦主人夢未醒起  
居湖聲華飲食却鍾鼎我題草堂詩悠然心獨領

卷之七

勾吳顧 起綸玄言 選

方憲副

名豪字思道號棠陵衢州人正德間官湖廣副使

留別選禪師

分

幽徑石苔封却笑此時別更於何日逢敲

門思一解榻愛聽松明發孤舟在江雲千萬重

雲溪驛

溪風不息山路未堪行古驛疎燈影空廊落葉聲薄

雲猶自理齒髮揔相驚歸去仍他國毋勞數問程

尋王桀樓故址

國雅卷七

仙子棄雲去不還空餘詞賦落人間高樓試問今何處

故老相傳是此山極目平原同悵望側身塵界欲飛攀

漳沮秋淨征鴻下越客悲吟鬢已斑

開河

一月開河驛垂楊綠發堤征人嘆蕭索未有一鶯啼

戴學憲

名冠字仲鵬號蓬谷信陽人正嘉間官廣東提學僉事

喜張舉之至

幾月無人到新秋獨爾逢雲山如有待杖屨忽相從不

寒把明燭無言啼暗蛩一樽高閣裏終夕對元龍

曉發

不難喔喔啼取火照行李隔籬謝主人出門渡溪水豈

送應邦昇

凱風自南來遊子去何之歸心切吳會片帆疾如馳欲

攬不可得誓將從此辭古人重生別況乃新相知臨岐

聊躑躅執手道所思所思不能盡仰視紅日頽問子何

時返春風以為期

訪陳邦器不值寄之

朝出江東門暮出江東門美人棄我去望望江色昏君

行向何許君家在江渚我心逐江水見君不能語

國雅卷七

贈甘惠州二絕

日出羅浮面面來使君花底放衙回人生何必二千石

只看羅浮也合來

憶友

園林鬱鬱暮鴉棲惆悵王孫日已西孤枕夢魂無着處

江南春草又驚啼

送何希漢遊羅浮

聞君有意覓丹砂晨飯朝來海上槎倘見葛洪煩問訊

洞天曾共胡麻

寄張舉之



我病朝朝卧北樓思君不見見羅浮夜來海上玄雲  
不見羅浮使我愁

韓參議名邦靖字汝慶號五泉陝西朝邑人正嘉間官山西參議

### 臨高臺

東鄰鬪雞罷南山射虎回且定繫驄馬復此臨高臺複  
道千尋直長安九市開香室街前流紫霧青城門外翳  
紅埃紫霧紅埃碧玉堂可憐朱戶映垂楊袁氏池塘桃  
作塢田家甲第杏爲梁鐘聞隱約天雞動香引盤旋海  
鶴翔城中寸金如寸土高臺千尺還千堵紋石行行龜  
背裁瓊瑤歷歷魚鱗數千重階級玉麟排十二闌干金

韓參議

八國雅卷七

三

鳳舞丹碧遙從海上至岩巖那向人間覩萬戶紛紛在  
眼中雙闕巍巍插兩峯煙迷宮樹綠風落御溝紅遊子  
春何劇佳人晚更逢霓裳時月驚帶曉疑虹來往春  
風開翠幃宛轉秋波上玉驄此時京國信繁華此日侯  
門氣轉奢公子遙遊貴蓋王孫更引七香車雙雙丹  
轂長楊柳兩兩金銜死花久已引隊雲錦亂門上爭  
馳意氣加青蓮風轉金吾漏翠竹煙分貴戚家人間不  
信清波逝自謂能揮白日斜白日西山已半沈開簾更  
宴妓如雲金盤膾玉鮮鱗出霞帳連雲彩翼分楚舞秦  
聲迴趙瑟吳姬越女剪湘裙似玉容何絕如蘭氣更芬

曾向月中見一曲還應入上闌天上人間不可知  
王陵豪邁正當時還看葉落終辭樹那得花開常在枝  
世事傷心歲月遷一朝滿目生秋煙若拋白日看歌舞  
且貯黃金禮俊賢

### 送謝屯部之湖廣

念汝辭京國何時到漢州山川富形勝使者足風流地  
入麗公宅江深謝朓樓懸知多惠愛好共峴山留

### 送二兄赴平陽席上

同何仲默孟望之劉子靜分韻

白髮雙親待青春故里過豈能忘弟妹况復有干戈歲  
序水霜劇關河涕淚多無因同去住奈爾鴈行何

韓參議

八國雅卷七

四

### 寄舍弟

吾弟年猶少遙知氣尚疎家貧懸磬後親老白頭餘豈  
解愁衣食何能慰起居更聞秋稼廢甘旨復何如

### 席上贈歌者

風柳官前並曉花花外深主人市燕酒留客聽吳音

### 聖上西巡歌一首

海日遙凝上將袍胡霜不及侍中刀兵臨瀚海冬無雪  
騎射陰山馬正驕

邊軍隨駕盡騰揚馮上文臣亦武裝雲繞旌旗來五柞  
春過蕭鼓到長楊



得棹歌

一月河開河水流去年麥豆未曾收好去城中賣兒女  
鮮船明日過徐州

採蓮曲

江南七月蓮花開江上兒女採蓮來桃頰雙垂映秋水  
菱歌一曲望春臺春臺一望隔千山征客秦關更楚關  
妾意如舟元不定郎行似水何時還若邪溪雲門島江  
水何茫茫江風何浩浩暮雨朝雲江上樓春蘭秋蕙江  
邊草遠樹千重歸帆一片憂心擣一片歸帆望  
不來誰家簫鼓畫船開還看舵底鴛鴦宿又見墻頭鴛

國雅卷七

五

鴈回一溪還一曲採蓮採未足水清石磊磊採蓮意已  
怠越女長歌不肯休吳姬輟棹猶相待去年儂採運今  
年運復採年年江上花朵鮮歲歲花中苦心在中有苦  
心君不知請君但看並頭枝可憐片片同心並偏作悠  
悠藕內絲官道採桑勞妾身西湖採蓮傷妾神雲牕織  
罷愁長日煙嶼歌殘望遠人遠人不可見且唱採蓮歌  
桂楫蘭橈下極浦青樓朱箔此山阿芙蓉花外金鞍度  
楊柳堤邊玉騎過紅塵駐馬非無意白露沾裳將奈何  
將奈何採蓮歸明月前溪一鏡飛珠翠綺羅紅照羅吳  
語越吹相因依明年倘若蓮花發蕩子關山莫更

九月八日同張子登高

佳節明朝是邊寒花未開愁心看極寒鄉思上高臺對  
酒清筵發當歌白鴈來天涯難會面風雨後相催

孫山人

名一元字太初號太白山人關中人正  
嘉中嘗游吳越隱于西湖苕溪之間

雜感二首

白日下悲泉瑟瑟寒風鳴羣芳悴中野豈不懷孤英冥  
運有興沒主者亦何情竭來南榮越還當抱此生  
棘岡生廣庭出入良嶮巖驚驚不遐顧崑崙安可期偏  
側居人世感此末歲悲去去勿復道悠悠祇自知

訪樵者

孫山人

國雅卷七

六

遠尋山中樵不識山中路隔林伐木聲遙憶林深處不  
見竟空歸日墮西陵樹

同韻又過蓉湖別墅分韻得禾字

龍山知有舊樵密野京多湖氣薰晴日雲光淨綠禾茶  
瓜隨地覓村徑與君過竹愛幽居晚兒童竹裏歌

種松

種松滿崑丘眼中生蒼鱗松根一為石松葉不受塵中  
有結廬者長年事隱淪入雲荷長身  
有奇志乃與天為隣放歌白雲裏去去空山春

田舍蚤春作

初解凍遠望田苗稀日出會羣情鳥雀相喧飛  
婦荷鋤至隔舍煙火微阿童三尺筆驅羊散柴扉風來  
廣郊陌春事正依依

我愛陶弘景

我愛陶弘景不受萬乘束挂冠事棲遯歸來卧空谷青  
山讀王書白鶴下高木乃知悟悅心長日雲相逐

紫陽山中徐步

窮壑卧孤松寒風生杖屨幽人獨往來鳥哢自成句因  
山賸得秋欣然有餘趣片雨弄江光孤雲起汀樹望中  
水似天嘯坐漁舟去

卷山人

八國雅卷七

七

女

春前五日大雪

一夜雪飛石徑齊清晨壓我茅屋低小奴開門抱甕出  
赤脚汲水愁衝泥墻頭饑鳥太無賴繞我堦上啞啞啼  
南山黃獨寒無苗長鑣歸來風怒號

睡起

睡起散幽躅荒岡春日西野雲飛不起寒壓竹枝低

春日遊慧山

閒撫溪邊石坐談竹下門殘霞不作雨遠水欲浮村

寄青空道人

斗酒長歌對夕曛相思無那隔重雲夜來夢到西湖路

灘頭鶴足君

同施邦且棹舟西湖寒月登孤山拜和靖處士墓  
向晚南屏路相携上釣輪山根晴亦濕湖面夜難昏月  
色留吹笛鷗羣迴洗樽來尋林處士地下有知言選作

晚霽

晚來雨初霽煙火隔林微一徑牛羊入孤村桑柘稀長  
天下遠水積霧帶嚴扉月黑聞人語溪南種樹歸

西湖

十里山如拭西湖背部流僧歸虹外雨雲抱水邊樓春  
事多逢醉歌聲半是愁獨憐垂釣者吾欲共滄洲

卷山人

八國雅卷七

八一

荆溪道中

樹夾蒼崖立遙遙溪路微浪花迎棹尾山影上人衣饑  
鵲鳴將下頽雲凍不飛還尋舊遊處日暮漁樵稀

幽居

自得窮通理幽居不誤身清流梳石髮遠霧看山巾竹  
上僧留偈庭前鶴近人科頭坐終日吾自愛吾真

石林

亂石生寒雷殘林帶晚曦松涼供聽穩山靜與詩宜入  
洞隨猿跡登崖割蜜脾歸來天壤內此地可棲遲

常評事

名倫字明卿號懷素子山西  
沁水人正嘉間官大理評事

怨情

金屋貯阿嬌掖庭非寵顧賂金愧顏色持扇悲執素徒  
使濃華歇坐惜芳時度繡帶緩春愁玉屏隱朝霧在昔  
妬嬋娟妾身豈永慕所嗟按圖人多爲圖者誤

銅雀妓

慘慘西陵望悠悠夜壑深纔惟朝夕卷陵樹鬱成林薄  
質非曩顧悲歌徒至今別有承歡者椒蘭異寸心

去歲

去歲偶來遊燕趙不謂留滯長安道半年館穀長安道  
自笑謀身何草草買舟復作壽春行南北相望雲浩渺

臨事

國雅卷一

九

千里遨遊類轉蓬百年悠悠不自保古稱沈憂令人老  
攬鏡似覺容枯槁男兒三十亦不少浩歌歸去誰云蚤

琵琶

紅袖揮金撥朱絲繫玉肩圓關懷夜月幽咽瀉春泉  
雪調終宴青雲過遠天悠悠時斷續引恨似當年

和王玉溪過韓信嶺

漢代推靈武將軍第一人禍奇緣蹕足功大不容身帶  
礪山河在丹青祠廟新長陵一抔土寂寞亦三秦

倚樓

徙倚重樓上脩然一望開亂鴉棲樹合百雉接雲迴  
徒倚重樓上脩然一望開亂鴉棲樹合百雉接雲迴

月與不淺臨風賦勿哀蕭條懷郭隗騰踏愧燕臺

沁水道中

處處人家蠶事忙盈盈秦女把新桑黃金未遂秋卿意  
駿馬驕嘶官道傍

浮橋

楊修撰名慎字用修號升菴四川新都人正  
嘉間官翰林修撰諫議譴成漢南

千尺長虹卧錦波懸樅度索笑牂牁玉環金鎖隨開闔  
木客鮫人雜嘯歌漫道玄龜梁碧海虛傳烏鵲架銀河  
堪憐來往驚鴻影步步香塵襯襪羅

無題

楊修撰

國雅卷七

十

沛江歌舞艷巫風烽火驪山笑臉紅楚峽雲邊迷下蔡  
梁家花裏沒秦宮成橋欲起吳臺鵲秣駟遙驚洛浦鴻  
擣素無心團扇却空懸明月玉奩中

關山月

迢迢賤妾隔湘川杳杳征人戍朔邊分寸營對珠龜缺  
挂鏡臺臨玉兔圓紫塞風煙白登接黃河波浪黑山連  
何時空外嬋娟影還照樓前歌舞筵

寶珠寺

遙望瀑布泉徙倚雙杉樹繫馬幾度遊徘徊不能去

懷歸

星橋南望沈屏渚雪嶺西連抱珥河關塞渺茫魂夢隔  
山川迢遞別離多汀洲春雨零芳杜茅屋秋風帶女蘿  
心事未從詹尹卜生涯聊聽樊童歌

古艷曲

掩翠來玉塞顧影戀金門翠燭勞光采銀屏役夢魂羅  
衣香未歇猶是漢宮恩

崇聖寺

塵劫非人境煙霞是佛都山開銀色界海涌玉浮圖追  
蠶形猶壯伽藍跡已蕪經函飄粉蠹畫壁剝天吳零雨  
頽墻草驚風廢井梧禪心隨夜寂旅望對秋孤遠目窮

國雅卷七

十一

在

千里傾懷倒百壺狂歌意無極感此歲云徂

宿積翠巖

曉色動香城天風雜梵聲雞鳴關樹白龍卧海波清湘  
浦行捐佩滄浪坐濯纓思歸還引望懷古若爲情

浩然閣舟汎同李仁夫作

莽蒼野色杳無津湖翠波光欲蕩人空籟迴聞王子吹  
非煙遙起洛妃塵明朝君上仙槎去也憶狂夫夢海濱

滇海曲二首

沙金海貝出西荒桃竹檀花貢上方香象渡河來佛子  
白狼槃木拜夷王

西去草閣瞰夷庭側島懸崖控絕陁雞足已窮章亥步  
驚嶺空入梵王經

送周子籲工部北還

潘岳賦西征江淹黯別情羊腸繁臨坂龍角繞吳城晚  
眺澄江靜晨浮洞浦清石帆風外矗沙鏡雨中明愁聽  
丹楓落勞歌白芷生杪秋逢夕夢殘月伴長庚

效古塞下曲

長榆塞上接龜沙碎葉城邊建虎牙夜夜月爲青冢鏡  
年年雪作黑山花蘇武白頭持漢節文姬紅淚泣胡笳  
可憐苜蓿迷征馬誰見蒲桃入內家

國雅卷七

十一

哭徐用

子卿還絕漠賈誼返長沙共喜天才定俄驚日已斜  
峯紫九折逝水繞三巴挂劍應無地飛蓬慘淚笳

流螢篇

沈沈鴈沼鬱樓連隱隱龍宮燭耀然濛濛零雨東山下  
颼轉薰風南陸邊可憐合暈暉玄夜可惜分華簇絳天  
絳天玄夜景微茫米蕚銀牀漏未央誰家院落非天燭  
何處園林不夜光夜光灑露下天燭涼氣瀉陰火逢穿  
翡翠簾流星近度驚鷺瓦此時蟋蟀罷宵征此際鷓鴣  
啼沸聲長門團扇班班秋扇怨長門秦石屏餘燭下機



必不理卓女當爐酒半醒爲見流螢思遠道爲感流年  
惜芳草暝看雙星炯不眠曉望長河白如掃蕩子從軍  
向月文閨人對影滯秋期蠶書宛轉連環字鴈帛殷勤  
織錦詩願得逢君拾光彩不教賤妾歎愁眉

寒夕

璧月寒星暈銀河凍欲冰簷花穿霧淞窗紙戰風稜桂  
火噓難燄蘭膏坐自凝新梅如姹女妝束待興晨

秋晚

婢喜蚊催露帳兒誇蠅篆風極片雲片雨送暑殘日殘

霞閃晴二句秋風口占

國雅卷七

上

秋夕

月暗螢頭點草露涼蚊咬噉開花病懷不寐達旦歸夢何  
由到家

寒朝蚤起卽事

離頭感稟競發蟪心梢拙通紅蝦香踴鵬已熟流漸凍  
醴方融小窻一枕殘月影在梅花樹東

夏日抱病幽居

抱病閉門誰與同隱几焚香長夏中槐花細灑綠黃雪  
芭蕉斜翳青鸞風蚊雷無賴鼓昏黑螢火多情流曉紅  
是池過雨積新溜一部鳴蛙何太雄

張進士

進士名宇允光

題昭君畫

玉顏常恨漢宮鴉朔漠風煙轉是家寂寞龍庭歸老上  
流連鳳闕出昆邪紫雪滿還聞鴈青塚春深不見花  
魂夢渺茫環珮冷流年雙淚落琵琶

讀亡友何仲默無題詩繼作

曉日照陽燕子斜香塵不到綠珠家翠梧楚岸江離葉  
紅袖唐宮石竹花寶鏡玉龍羞佩璫檀槽金鵲滿琵琶  
洗妝夜拜瑤池月悵望神僊萼綠華

秋夜獨坐寄升菴

張進士

國雅卷七

上

不斷蛩聲不得眠起看何處是連然月當秋夜牽愁緒  
琴奏商飈對別絃鴻鴈不傳雲外字芙蓉空照水中天  
寂寥隨分揚雄宅白首傳經有太玄

寄升菴

高堯深夜雨濛濛靜坐遙聞古寺鐘山館懷人驚首夏  
海樓分袂是初冬祇於果畧歌寒鳳不見南陽起卧龍  
浮世夢中多少事欲憑雙劍倚長松

己亥秋月寄升菴

金馬秋風十載餘芙蓉深巷閉門居登樓莫作伏劉賦  
奉使曾傳蜀書卧病可憐天一柱獨醒無奈楚三閭



北來消息風塵動白首滄江學釣魚

寄衡山文太史徵仲

翰墨聲名宇宙間行空龍馬出天閒官從北闕辭東觀  
門對吳江近越山剡曲雪船乘興去衡陽霜鴈寄書還  
藏身丘壑交遊絕綠樹丹霞祇閉關

寄升菴

東觀聲名北斗齊鳳凰踪跡戍雕題八千里外潮陽馬  
十九年來海上貳銅柱蕪葭鴻鴈響鏤城煙雨鷓鴣啼  
連宵數有懷人夢記得分明錦水西

爲升菴題昭君障子

張道士

國雅卷七

十五

避風辭鳳殿犯雪卧龍庭環珮翻胡淚琵琶咽漢聲雲  
龍籠髻出冰馱隱鞞鳴湯憶椒房好君王未唱名

花夢歌

綺窻女兒塗質鴉晚起手將鈴護花對花無語向花笑  
花枝愛妾常年少結東長安五陵客醉騎腰裏黃金勒  
翻愛路傍楊白華搖風蕩日不歸家只恐繁華易消歇  
妾心獨寄與明月

離人贈效垂拱體

仙子武陵溪春深歸路迷翠翹迎露濕羅袖避風啼留  
化龍工分釵月印犀金盃延落日酒醒各東西

寄西林

天外浮雲日暮開逍遙來上薛公臺昆明西嶺層層樹  
照見連然紫玉盃

薛考功

名憲字君采號西原亳州人  
正德中官吏部考功郎中

洛陽道

鳳闕正中天龍池帶洛川層城三市列複道兩宮連錦  
障藏歌伎半車戲少年更逢阮輩長嘯酒壚前

劉生

劉生喜輕俠關輔遍經過新市蹋鞠戲高樓擊筑歌駐  
車訪朱亥爭博叱荆軻不爲微名譽惟矜意氣多

陳孝功

國雅卷七

十六

江南曲

江南光景殊無賴水如碧玉山如黛吳王舊苑芳草多  
鴛鴦飛過斜陽外船頭醉岸烏紗巾與來看遍江南春  
五湖倘遇范少伯奪取當時領國人

從軍行

驕虜南侵寒嫖姚北出師連營羅組練分道引旌麾躍  
馬爭前列摧鋒肯後期鼓行趨上郡席卷向邊陲虎旅  
聲先振龍庭勢已危追奔忘遠近轉戰決雄雌漢將功  
成日胡兒數盡時孱王逃絕幕窮寇聚降旗獻捷歸雙  
闕揚威耀四夷從今橫吹曲增入凱旋辭

効阮公詠懷四首

生才良不幸處世誠獨難揚蛾與妬階懷璧買罪端靈  
均既見放韓非亦自殘奉身失所從慷慨使我嘆

茲年忽將逝我心愴以哀日暮不遑食空堂獨徘徊駕  
言出西城中有池與臺清渠夾阡陌寒露被蒿萊慨念  
昔時人零落安在哉玄象無淹次四序倏如摧自非藉  
榮名一日等塵埃

朝逢遠遊子車馬一何閒問君安所之道路方獨難人  
情惡特立世態好纏綿一身欲誰從多門易生怨行行  
保子軀歲暮當來旋

薛孝功

國雅卷七

十七

詩

啾啾野田雀徘徊丘中阿上飛有鷹鷂下飛有網羅人  
生誠未易禍福豈在他譽者日已少惡者日已多感彼  
恭士言悔恨將如何

荅何大復

宵懷不繼晨朝游豈延夕款念未云周勞心彌已積篤  
好追昔悰興言撫今戚纏綿金玉音參差翰墨跡開帙  
虛雲閣臨觴闕瑤席惠思荷來章塞裳奉良覲

詠燭

客醉北堂上花生夜戶中色亂歌梁月影暗弄芳風珠  
簾照不隔羅幃映疑空願得暗長譙相看曲未終

江猿

舟行轉江峽處處響哀猿極浦雲方合連山雨正昏  
條時自挂飲水復相援不待三聲盡先傷遊子魂

首夏

寥寥塵外意更對蕭然境竹竦檀藥葉雲起嗟峨影跡  
幽疑避喧神虛匪耽靜塔爾此端居惟知晝方永

齋夕

觀書每成倦徙倚憑齋閣煙景翳山池春陰斂花萼衰  
侵迫惆悵節變乖行樂不有恬然想何因堪寂寞

游城南園林二首

薛孝功

國雅卷七

十八

詩

崇丘亘中野逶迤似層臺斜攀陰磴上下見涼雲開對  
酒已拚醉無勞歌管催

徙倚薦蘿逕徘徊松桂林尋雲延遠步窺水瑩幽襟微  
子共行樂終爲孤賞心

夕詣郛外

久瘳積幽抱端居乏謹趣日夕覽郊園俯仰增愁慕林  
靜動風颺川迴來雲霧征蓬駛且斷棲鳥驚還聚感物  
悟時變憂生測年暮衰顏漸已迫稚齒誰能駐淹留歲  
方晏沈吟日云屢有懷空若茲無聞良可懼

舟中看雨

登照下亭臯輕雲翳川曲一望春波上蕭條煙雨綠  
花飄近渚衆鳥喧深竹借問同行子何處停舟宿

雨中姚氏園候客

朝日變陰靄滿園啼鳥聲坐看微雨至彌憐芳樹清綠  
波洗沙嶼碧鮮翳山檻此時遲嘉客臨觴無限情

石假山

君家洞庭畔猶嫌去山遠園隈構石岫林際開雲嶽迤  
邐帶華池崎嶇入層苑不載扁舟來臨流詎能返

鄭繼之館內積雪爲小山戲作長句

君不見少谷子饑寒卧病長安裏長安臘月雪一丈恠

爾朝來何技癢陵晨掃雪爲小山數峰突出牕戶間我

九

時過門訪子入子也階前荷鋤立亂垂散髮雜塵垢斜  
挽短衣半沾濕憶子前年覽吳越東游四明尋禹穴慣  
矜赤脚踏層氷苦覓黃精斲山雪平生好奇心未已今  
朝作戲聊復爾斷氷積雪止俄頃走海驅山死相似久  
崖崩壁色悽愴玉膏乳竇陰森爽磊砢初驚大禹鑿成  
削龕疑巨靈掌君不見五侯甲第當此時紅羅斗帳流  
蘇垂銅盤燒蠟絲雲散玉袖拂面香風吹吁嗟如子何  
爲爾低眉蹙額凍欲死

送馬伯循

城隅飲餞地日暮朔風吹征鳥不反顧浮雲相背馳踟  
躕意何極嘆息涕空垂世路今如此焉知後會期

二月八日趨事山陵出鄆有述

出鄆雲沙靜迎人谷鳥喧春行趁風日野望極川原山  
翠晴偏近林芳暖欲繁登臨吾所好幽興忽飛翻

觀舞

妙伎出秦中纖腰學楚宮翠帷低舞燕錦薦踏驚鴻宛  
轉歌相似嬋娟態不同無因逃酒去懊惱白頭翁

村居

寂寞村居僻荒蕪草徑深飛蓬來曠野啄木響空村薄

暮聊凝望清江正苦吟此生甘落魄自笑果何心

贈繼之

長安城中不可宿風塵日日使人愁上書解印我將去  
拔劍出門君且休五岳登臨幾兩屐三江來往一扁舟  
東西南北好行樂與爾相隨萬里遊

孫氏沱西別業

巴陵西來沱水深水邊樓閣自陰陰鼉鼉夜出洞庭岸  
虎豹晝啼雲夢林鼓柁乍逢漁父笑簪丹時聽越人吟  
卜居何日從公去擬向桃花深處尋

皇帝行幸南京三首

君王駕馭六龍來

憶昔高皇定鼎年鍾山龍馭已登僊八葉神孫因

耀武衣衣親得拜陵前

淮水南邊是俠邪蛾眉臨水折江花日暮龍舟泊何處  
玉牀拋在五侯家

邯鄲道中

門對不意靜城臨睥睨斜愁人倚高閣清夜動悲笳月  
暗雲生葉風寒露作花徘徊望牛斗髮髩辨京華

詩考功

八國雅卷七

五

五

秋堂慘別酒夕幌傷離弦酒停弦亦闌乍瞻望舒圓窈  
窕度清漢空濛浮素煙此時一弭思再從風中筵  
筵徙杯復傾風罷衣猶冷懽懽始依依憂心終耿耿茲  
遊並偶坐後別侶孤景婉孌惜流光攜手夜方靜  
靜夜未遽央華月出尚蚤微氛映脩竹皓露散芳草殷  
勤遲暮日緬邈平生好及茲暫晤語安能寫懷抱  
懷抱不可寫徘徊詎云已漸聆寒漏促屢顧清陰徙宵  
深河歛素曙近雲成綺願子引餘觴為別悵伊邇  
邇別非久淹征駕憩南館黯黯金波沒離離玉繩斷緒  
言殊未竟積思俄已滿行矣念相慰裁章冀無緩

臺上

臺迥通風榭牕虛近水城捲簾殘暑去攜手晚涼生碧  
樹藏雲暗銀河度月明醉來愁髮第只在畫中行

望湖亭

陰磴穿雲上天窻繡霧中蒼茫玉泉水指點翠微東坐  
石牽蘿蔓攀崖憩桂藂何當避炎暑几杖待秋風

送周侍御子賢

一作送周子賢按貴州

萬里牂牁路炎州百越南懸梯穿鳥道流沫下龍潭赤  
阪龜鼉出古崖日月含虹霓蒸海氣煙霧洒春嵐飛欄  
緣篁竹垂猿墮石楠楠花香細細藤刺綠甍甍嶺外青

詩考功

八國雅卷七

五

五

驄馬臺中白筆簪素冠高鎮柱漢節照金函行邁應多  
暇登臨素所耽江山增藻思物色坐清談送遠方無緒  
憂時且不堪安危託諍地遲子促朝參

元夕篇

皇都佳麗地春日艷陽年共愛元宵好爭歌明月篇元  
宵明月滿蓬萊春色先從上苑來千門宛轉銀屏隔萬  
戶參差金鎖開千門萬戶連雙闕綠女新妝踏明月映  
牖窺牕態轉含嬌凝睇情無歇正逢春日愛芳菲復  
值春宵縫舞衣燈光斜照珊瑚枕香氣空薰翡翠屏此  
時天子盛邀遊離宮別館是風流纔開鳳帟燈架更



起鰲山結綵樓綵樓若帶鰲山側複道交衢對南北  
燭翻疑白日光千燈却亂春星色春星暗藹迷煙霧仙  
藥分明見天路空裏翩翩翠蓋飛雲中冉冉鸞輿度翠  
蓋鸞輿千萬騎伐鼓縱金動天地御仗層層錦繡圍廣  
塲隊隊烏龍戲就中別有王侯客三三五五長安陌夜  
夜經過許史家朝朝遊戲金張宅金張許史關驕奢金  
燈玉帶剪春紗鸞鴛比翼玫瑰樹翡翠雙棲菡萏花龍  
膏鳳炬列千行蕙火蘭煙百和香月華照耀琉璃障霧  
影氤氲玳瑁梁可憐豪侈誰能似可憐行樂心無已曲  
罷頻移歌舞筵醉後重遊燈火市月市星衢行未遍東

蘇軾

八國雅卷七

二十三

城南陌時相見妖童繡勒五花馬倡女銀車九華扇妖  
童倡女繁華子雙去雙來帝城裏粉色偏從月下明衣  
香故向風前起調笑行歌懽未闌浮影流光夜遽殘朝  
來試過狹邪路墮靨飄花那忍看

蔣參政

名山卿子子雲號南冷儀真人  
正嘉間官廣西參政有南冷集

江閣對雨

空江明復暗曉雨疎更密木葉共紛飛園林轉蕭瑟秋  
至倏已半歲去一何疾高閣坐沈沈憂來還散帙

潮縣晚行

漠漠平沙闊荒荒白日低朔空孤鴈度昏樹乳鴉棲

聽得隔村煙火欲迷關山有六馬橋爾正征西

長洲

停舟暫依渚此嘉樹陰涼處時落木幽澗忽鳴禽叢  
竹長新篁疎花開晚林曉茲風景異重感平生心逍遙  
坐日夕聊用消煩襟

黃長史園亭

獨卧園林裏王門懶曳裾春風三月酒白日一牀書柳  
細鶯喧燕苦新客到疎相看共青眼感慨識君初

詠芙蓉贈張微伯

南國佳人絕代姿秋風遲爾楚江湄可憐別院無顏色

蘇軾

八國雅卷七

二十三

全

翻信長門有怨思羞把紅妝窺水鏡強將翠羽掩蛾眉  
莫言薄命終成棄舉縣人獨費詞

嘉靖大婚禮詩

偃輿遙下敞蓬萊輦道逶迤接帝臺翠節移雲供奉  
引金函照日上公開一行燭起鸞鴛合萬樹花開鳳  
來總擬周南歌之從漢曲望昭回

留客亭

登眺山水亭深翠微處日下鳥亦遊人不知去

南京歌

樓閣起中天繡戶朱窗萬井連風嶂千重過洛邑



江九派勝秦川

夏相公

名言字公謹號桂洲貴溪人正嘉間官上柱國少師華蓋殿大學士有桂洲集

扈蹕 陵下恭述二首

玉騎陪天仗文裾侍 聖顏 七陵瞻曉殿萬乘駐春

山松栢蕭森裏雲霞杳靄間時時近清蹕巖袖極躋攀

馳道迴雕輦行宮列羽林青山留王氣白日散春陰一

代朝 陵典千官扈蹕心媿非詞賦手虛沐 聖恩深

過滕與諸君話舊

路入齊東野風煙古邑存龜鳧歷空翠洙泗浥清源薄

暮初弥蓋深宵更引樽中丞迂節鉞柱史枉轡軒促召

夏相公

八國雅卷七

三五

之

新恩重論交舊語溫蒼生望霖雨白首媿台垣

西苑 進呈詩

西苑門前渡彩舫龍池煙水漲冥冥碧山故繞承光殿

綠樹新藏寶月亭

臨瀟亭子玉闌干太液池頭汎曉瀾神鯉跳翻青荇帶

雲龜飛上綠荷盤

迎和門外柳堤平日照菰蒲煙霧生小殿南山蒙濕翠

方亭臨水瞰空明

天池瓊島翠栽栽玉洞虹橋隱薜蘿萬歲峯頭瑤殿古

席寒清影照山河

馬侍郎

名汝驥字仲房號西玄陝西綏德人正嘉間官禮部侍郎有西玄詩集

出遊福田寺

城喧坐不憚野寂行能侶寶刹雲散炎赤崖日停暑名

香藹藹識仙苑微微佇西眄鬱龍盤北瞻俄鳳舉松泉

琴近鳴蘿洞鐘遙阻作禮山中僧超然無一語

碧雲寺洞中聞歌

瑤宮既弘敞石洞亦幽陰旨酒始曲水清歌忽振林輕

梁塵一動虛穴風再吟空裏畫花色山中夜樹音和傳

白雪寡聽入玄雲深恍惚夢天樂珊珊飄驚岑

江子席上觀白雲

馬侍郎

八國雅卷七

十六

天畔騰白雲徘徊照君席影從玉杯墮氣向瑤臺積波

蕩練欲飄風輕蓋疑圻氛氤星月掩蒼蔚山川隔鱗葉

既露茅雪膚初觸石高城詰屈變層閣虛無闢書物非

煙漸改容行雨迫龍翔藥九重鶴舞迴阡陌皓質迎帝

鄉鉛華落仙宅願言奏芳歌精彩停今夕

邵園行

君不見漢家八葉神靈主繼世承平身好武誇胡隄獵

長楊宮廣苑還開上林土上林奢麗帝城東勅號新莊

錦繡叢連袤雖無百里大嘯噪亦有三山崇雄模遠勢

爲京闕萬戶千門通日月松閣平臨北斗迴蓮池倒映

西山沒周流一水錦帆揚瑤草瓊花夾岸長蛟龍畫舞  
丹青洞翡翠春巢金玉堂天子八鑾時不御匹馬奔馳  
歎風霧回旌駐蹕人豈知伐鼓撞鐘日云暮五營萬騎  
羅九旒掃除閣道雲霄近侍誰陪柏梁宴將軍獨拜  
富平侯哀歌少壯秋風起北伐南征心未已雷驅火衛  
出三邊虎驟龍騰歸萬里自從七寶棄人間桂楫蘭橈  
那復攀鼎湖只挽遺弓泣銀海難從賜劍還一朝天地  
成翻掌七貴上書要上賞丁傳忤懷肺腑深金張園沼  
恩波廣寂寞長思萬樂臨龍文赤日轉銷沈翠亭想像  
團華蓋綵仗虛無排碧岑四海爲家元不異泰山之封

馬詩四

八國雅卷七

二十七

十

七十二意氣崢嶸父老嗟年光變化兒童戲登臨此地  
莫悲哀請看昔日黃金臺千金駿骨葬何處滿目荒丘

迷草萊

候駕

綵仗發青巖瑤壇禮帝歸闕開雙鳳轉輦入六龍飛曉  
霧爐香合春霄珮玉圍鵷班閭闔裏咫尺佇垂衣

駕幸西壇

龍墀鼓角傳鳳駕出春田芝蓋晴團日霜戈曉拂天壇  
開仙陌草幄引御爐煙瀋賦今誰奏遙聞賜綺筵

望居庸關

立壁千峯斷開闢一徑懸盤危門入斗跨迴成通煙北  
控龍沙外南標鳳闕前時平閑鎖鑰王氣拂青天

雪霽登雲巖寺閣

寺閣城隅出河山雪後開檻危懸粉堞塔峻倚瑤臺香  
氣蒸雲上鐘聲度漠迴所嗟文賦筆不及大夫才

四月四日遊蘆灣

礪背孤城曲川吞萬嶺偏乍晴沙日澹首夏野雲鮮酒  
灑花間石琴揮樹裏泉獨哀公子廟遺像卧蒼煙

郊壇燕集

北極冠纓紫氣分南郊樓閣坐氤氳驚啼苑樹瓊筵合

馬詩四

八國雅卷七

二十八

燕蹴壇花錦瑟聞二月衣沾星殿雨九天杯覆露盤雲

莫言詞賦甘泉絕欲向仙都誦赤文

陳太僕

名濟字魯南號石亭山人以醫稱世居南都嘉靖中官山東參政改山西行太僕卿

孺子亭

漢季數多艱南州有高士五詔不就官三聘不肯起不  
與浮沈存不逐黨錮死太守名陳蕃下榻待孺子當時  
無與齊後世復誰似步至東城隅率彼東湖水清風亭  
上來亭下百草靡

重別行送李川甫

帝城門外揚車塵盡日勞勞行路人人生離別重續繼

况復送君當暮春昨日花開復欲落黑髮幾時不爲樂  
我今向衰君少年我少年時亦如昨燕臺黃金照日邊  
古人已往今誰在世事多悲更難語繫馬躊躇樽酒前

觀音山江閣與顧英玉中秋看月

驚嶺宿龍宮凭闌一望中天遙滄海盡月小大江空亂  
石穿寒溜虛廊度晚風只疑銀漢渚偶爾客槎通客作使佳

經牛頭山寺

落日牛頭寺攀緣嶺七盤鳥聲林葉暗山影石溪寒清  
梵空中聽丹樓畫裏看到門僧公僧滿秋垣

與華玉登金山

入國雅志

壬元

江心擁驚峯金界出芙蓉僧向空中定人從水上逢懸  
燈動星月傳梵和魚龍浪說蓬瀛鯨波更幾重

幸南海子

春旂出太沼不馬入長楊赤羽驚風落雕弓抱月張橫  
驅視沙塞縱發擬河湟未嘗征胡議誰爲諫獵章

內苑涵碧亭

花入黃金塢橋迴碧樹灣龍池觀九島驚龍覓三山潛  
轉雲車急花深月殿閒從來人罕至御榻在中間

元瑞永寧寺

梵宇幾聲鐘梵宇幾聲鐘入舊殿四壁暮煙人欲靜

滿林寒磬鳥初棲實同世語同僧寂樹裏星光向客介  
此際對牀那易得出門岐路各東西

乘輿在北狩立春日京府進各官春感興

青陽殘臘報芳辰五夜仙宮滿眼新鵲觀月華還映雪  
龍池水色已含春近呈花勝爭寒巧遙頌椒盤獻壽頻  
今歲條風先朔地宸游無乃重邊民

正旦卽事

帝輦時巡久未回天門遙拜重徘徊封箋自向慈宮進  
方貢還同異國來春轉青旂開羽仗日臨金榜上樓臺  
惟城尚在燕山外誰獻正元萬壽盃

入國雅志

三十

放內苑諸禽

多年調養在雕籠放出初飛失舊羣祇爲恩深未能去  
朝來還繞上陽宮

東林寺

東林初日訪禪宮天外孤峯憶遠公今過虎溪惟自笑  
向修蓮六誰同苦粘折屐山中雨花落高壇樹杪風  
坐久佛前香亦滅始知人世本來空

華蓋殿入候

侍從趨中禁天閣夜暫開星辰宿飛棟風露下層臺設  
煇火初動傳香駕欲來聯行肅裳佩未敢更徘徊

龍舟塢

帝舸頻催發初開水殿時蒼龍出海國紫鳳浴天池奪  
錦星橋斷穿楊月樹披于今芳塢閑聞自內家知

凭江閣

紺殿臨高處丹梯接下方浮雲山歷亂落日水微茫岸  
濶遲帆影天遙沒鴈行虛闌初怯倚凝望忽相忘

獻花巖

古臺秋晚客閒凭渺渺寒原思不勝巖日乍沈鳴遠磬  
野煙初暝出疏燈山分僻路惟聞鳥寺轉空廊不見僧  
入境已離人世界此身應宿翠微層

陳太僕

八國華卷七

三

直

泉沐寺前觀泗上諸泉

陟嶽來陪尾看泉到水頭競穿林麓遍分繞寺門幽巖  
竇衝雲下沙虛漾月流隱雷千壑霽急雨四山秋砂穴  
鎔初透珠淵散不收鼎喧湯沸起簾捲雪花浮巨溜崩  
崖去微涓過坎留寒聲漱石齒哀響咽溪喉鯨吼爭丹  
峽虹垂飲碧溝跳丸神物弄出縷化機抽土潤諸津溢  
山映百脉周欲永還霧釀當暑倏風颺過鹿羣難濁遊  
魚眇美度側聞蠲穢耳俯瞰拭眵眸未忍巾纓濯寧容  
唾涕投達川知有本伏地索無由混混生殊派汙汙向  
漚偶然臨泗上造物與同遊

王給事

名廷陳字稱欽號夢澤黃岡人正嘉間官禮科左給事

少年行

長安本俠窟烈士多英風殺人帝輦側射獸上林中金  
羈及狡兔珠彈落高鴻歸就博徒飲酣歌意難窮  
應募去幽燕長驅出酒泉樓煩既已破休屠亦復殘耻  
隸驃騎部豈屑輕車官歸來見天子長纓牽左賢

送夏大行奉哀詔使南紀

我亦天涯客看雲萬里行浮湘遷史跡喻蜀馬卿情雲  
氣蒼梧野楓林白帝壯遊茲不忝海內蚤知名

江上言懷

岸束濤聲急軒疑野色重山懸神女雨江進楚王風舟  
楫先涉閭閻急暮春平生壯遊興潦倒對魚龍

秋園酬謝子而贈之以詩

待汝頻扳桂棹余久繫匏無嫌一日長願締百年交啓  
戶驚華葉同樽藉白茅自無奇可問何怪世

宿龍蟠磯寺中

龍象開靈囷鼉鼉戴法蓮石間攢寶樹鏡裏湧紅蓮香  
氣潭煙接燈光岸火連房風浪逼永夜不成眠

送王知事還蜀

佐郡已三載還家無一錢苦心成白首達命任皇天峽



秋江怒雲盤古棧懸歸來揚子宅寂寞守吾玄

過倪道士故居

寂寞雲君錄摧殘鳳女臺海田猶有變洞壑豈無哀始  
學藥牛去終期化鶴來室餘金甌火千古不成灰

夜坐

生事日蹉跎將如落景何馬蹄持自誦牛角扣仍歌把  
燭秋蛾集開簾夕鳥過長風自寥濶颺颺振庭柯

聞箏

花月可憐春房攏映玉人思繁纖指亂愁劇翠蛾顰授  
色歌頻變留賓態轉新曲終仍自叙家世本西秦

王給事

八國雅卷七

三三

贈張子

自念歸田計何曾入部行比鄰稀識面州郡祇知名但  
結漁樵侶寧關婚嫁情溪潭垂釣處日見白鷗迎

贈別上人兼欲有貸

畏途殊倚藉岐路暫相看生死交情見飄零客計難原  
思寧是病范叔果非寒有玉嗟三獻無金報一餐涸鱗  
斗水活窮鳥一枝安莊舄吟何切馮驩歌未闌平生流  
水引不惜向君彈

國雅卷之七

牙卷之八

勾吳顧起綸

張文肅

名治字文邦號龍湖茶陵州人嘉靖間官官  
保尚書文淵閣大學士初謚文隱改今謚

薊哀王輓歌四章應制

鳳雛何翩翩頡頏翔天關悲風起中路竟去不復還九  
苞既零落竹實空摧殘惟餘青霄月千古照丹山  
曉發黃金屋暮歸北山岡蕭蕭薊門路白日慘不光寒  
風厲廣野素旄隨颺揚鴻名照金石脩短寧足傷  
嚴霜度中夜悴此瓊瑤柯芳華悲萎質逝水感顏波松  
栢古原上落日青我我物理有摧折憂傷竟如何

張文肅

八國雅卷八

三

宮煙散輕彩笙斷鳳凰樓獨憐王子晉一往無春秋蘭  
殿寒雲泣椒房明月愁蛟龍盤玉匣寂寂掩山丘

夜過洞庭

曉發吳閶門夕度廣陵汜日暮江帆遲洞庭三百里微  
風澹無波明月照天水隱隱見君山鐘聲翠雲裏樓船  
坐中流長歌白波起

雲作佳

贈山人歌

之山山人來武夷自言曾上看天池層巒沓嶂不可數  
香爐五老青嶺疊丹梯千丈倚空出下有三級泉倒垂  
奔流直瀉落絕壁龍跳虎躍猿猱悲攀蘿杖策訪白鹿



林深石滑顛崎樓賢橋頭弄明月醉歌擊斷長松樹  
聽之發我胸中奇凌風欲呼黃鶴騎周遊六合覽八極  
南窺衡嶽窮九疑羅浮四百總煙霧岷峨積雪連須彌  
西躡太華尋紫芝三花少室紛披離太行王屋幾千里  
漁陽上谷黃塵起沙磧雲寒胡馬嘶日暮殘兵哭遼水  
蓬萊碣石遙相通泰山齊魯青不窮坐觀日出扶桑東  
海上萬點金芙蓉石梁鴈宕排長虹會稽下瞰神禹宮  
沃焦天姥俱濛濛却捲九曲胸懷中歸來濯髮晞天池  
竹林洗別顛僊碑九華潛霍相追隨倒蹴彭蠡掀鯨鯢  
上扶乾軸迴赤曦下盤鰲足寧坤維天吳九首僵不飛

八國雅卷八 二

頓令四海還清爽吁嗟丈夫志氣吞五嶽安能跼蹐徒  
爾爲金焦夜深老龜語洪河浪沸蛟螭舞山人山人且  
莫歸長嘯與爾傾金壘

秋懷酬泰泉學士

花下疎簾靜天涯獨客愁功名揚子閣詞賦仲宣樓杜  
若令雨春潮野渡舟有懷耳共汝雙鬢又逢秋

謫仙樓

太白仙魂何處招峨眉亭下草蕭蕭青山舊宅自春雨  
落日寒江空暮潮朱瑟遺音三歎絕炎荒歸夢一身遙  
玉魚金盞終塵土紫極丹丘謬寂寥

南岳詞

南岳仙人髮滿肩獨騎黃鶴踏青蓮朱陵洞在諸天上  
十二玉樓生紫煙

雜詠

望湖亭上小如天曾是 宣皇賜幸年玉輦不來

鳬鴈冷一湖楊柳鎖春煙

和介翁師相憶慈山送顧長治

昔聞慈山幾千尺崖石蒼蒼倚天壁煙雲合沓霽漢開  
石上懸蘿挂流月中有幽人棲鶴羣赤函時誦玉虛文  
無因飛鳥凌仙嶠笑折瑤華遠贈君

八國雅卷八 三一

送顧九華下第還吳

昔聞東吳顧文學今見尚書之子才清標向來惠我百  
字令字字句句諧蕭韶嗟爾之才有如此何不蹕足昇  
雲霄去年挾策臨燕甸驅黃牝牡誰能辨今年投牒入  
天曹寶刀未試金精號且移書劍歸江東翩翩白馬依  
寒風牀頭新詩三萬軸梁谿月夜吟蛟龍阿翁曳履朝  
元閣何日重看綵衣樂蓬萊玄圃遲爾遊願攀瑤樹騎  
黃鶴

黃符事 名佐字才伯號泰泉廣東香山人嘉靖中官嘉事無補學

湛子宅夜讌和昌 仲木邊廬詩

爐坐寒夜嘉賓憫以肝朱火光吐日陽和滿前除  
肴歸一器變化斐然殊食美且需熟充實諒由虛妙悟  
得同志攬環臂相於

遊李將軍梅園呈同遊張廖童三子

招尋出秋郎蕭晨恣游冶涼颼動天末紫翠滿平野  
言稅梅園水竹自幽雅方舟散鷺鷥通川入桐櫓興乘  
虛籟發目送驚湍瀉雲飛客流諷川泳避揮竿盤紆極  
展眺塵襟儵滿酒微茫高嶼外隱映暮霞赭管懼恨壯  
速顧景不能舍今日迺何日勝引得陶寫達士謝溟滓  
浮榮譬風炮文案苦纏糾况復役車馬緬懷區中人亮

八國雅卷八

四

文

志良已寡

泰泉山中

流水出深澗和風送啼鳥邂逅問樵客薇蕨今多少行  
歌去不顧倏在煙蘿求鷗鵬各有適耳目暫無擾緬懷  
區中人營營自昏曉

詠志三首

栖遲衡門下向夕絕來軼輕風蕩微月玄景振清響  
心觀物化閒庭恣偃仰蒼蠅以翼鳴營營在蛛網鴻雁  
隨陽飛一覽八紘廣

端居發深省怵悵莫予語松喬鍊金質永爲萬象主

遊凌霞嶺寰宇榮於桃李花  
耀人目所得能幾許

大道久已隱中情末由  
欣青陽動庭槐綠盈把仲  
尼亦可歎匪虎率曠野  
望長川誰爲問津者

北風篇贈文衡山

輕陰漠漠飛朔鴻雪崖水柱連煙空銀缸入夜照瑤瑟  
坐擁青綾閣北風北風浩浩吹南極飛蓬滿天堪歎息  
銅龍錯落誤昏曉朱鳳威垂失顏色騷屑屑斷復連  
據梧細聽寒不眠鯢鰲變化搏碧落虎兕叫嘯愁蒼煙  
有時揚入寥廓嶺奇音相聞作碧梧翠竹競竿籟

黃卷

八國雅卷八

五

漢女胡姬合絃索又如鮫室鳴機萬壑洶湧乘潮歸  
老蛟怒掀片雲立海水瀟瀟皆倒飛吾聞風自土囊起  
搖蕩青蘋千萬里蘭臺詞客謗雌雄大塊何心乃如此  
憶昨與君同燕娛瓊簾繡幕圍形爐坐中酬勸不知暮  
門外寒威何處無出門勢以捲平地幽棲咫尺何由至  
褰衣似怯寒浪湧刮面不數錐刀利歸來大笑行路難  
豈知跬步成關山百年鼎鼎貴行樂何用跋履摧心顏  
君今未得揚帆去歸夢飄蕭滿煙霧浩歌一曲江南  
北風吹落三花樹

中秋登樓賞月分得寄字

形樓十二連斗杓層軒珠綴臨岩堯象筵綺俎相招邀  
繡茵文轂停華鑣兕觥釂銀燭銷香雲雙疊開碧寥  
圓輝炯若英瓊瑤出自金樞行玉宵重輪五色成錦幪  
兔宮桂斧如可徵霓裳羯鼓和僊韶浩倡妙舞生神飈  
穀羅山立香澤飄素女卷二下身含輝流盼心志搖  
絃裝重整雙鳳翹夜身翠柵蘭若清元難盈花易凋  
人生行樂須久要願言百歲同今宵

驄馬行送劉憲伯喬

驄馬驅何悠悠月題染朱汗倏與飛電流昔驅長安陌  
今在粵海陬外臺手執天子法兒能學語皆知劉翽

八國雅卷八

六

翻鳴珮觀帝旒祖筵衣冠行道周酌金罍羅玉羞吹  
長笛彈箜篌莫奏折楊柳清霜滿炎洲

月夜贈張子文邦

獨榻依蕭寺清尊散暮愁疎鐘聞上苑片月在飛樓天  
地雙龍劍江湖一釣舟壯懷吾共汝搖落歲云秋

虎丘懷古

寂寞吳王國笙歌入海雲夫椒先自敗於越遂能軍月  
落苧蘿冷花深麋鹿羣千年金虎去誰守闔閭墳

凍開初發

萬里圖南翼逢春始計程彤雲辭魏闕綠樹出秦京鼓

批江天豁流淅野岸平因風傳尺素應慰倚門情  
興安道中

放浪滄洲客遲迴桂水春密雲虛礙馬芳草遠隨人野  
闊啼鶯樹山多佩犢民戍歌愁聽汝荒服幾時新

草堂避暑

林壑藹蒼蒼層厓曲抱塘閉門蛙鼓競欹枕鶻鈴長霞  
珥混斜照炎威連大荒冥心對鷺鷥將爾共滄浪  
隱几消永日薰風搖紫薇鈎簾一以眺綠水近巖扉塔  
爾煙光夕居然塵事稀翩翩松上鶴遙帶白雲歸

粵臺懷古

八國雅卷八

七

勝地經秦漢高臺近斗牛片雲浮鬱水孤月滿靈洲事  
往市朝變秋來林壑幽霸圖何足問吾得采真遊

草堂夜坐

性僻羣魚鳥家貧足蕨薇偶尋瑤草去時共暮樵歸野  
色入河漢鐘聲連翠微雲鵬有奇翼不爲稻梁飛

雪後蚤朝

北風吹雪靜芳塵雪霽千門麗景新丹地祇聞鳴一步  
碧天疑有散花人寒光掩映龍樓曉遲日熏成鳳沼春  
歸向柳邊凝立久試裁巴曲和韶鈞

張

蕭蕭聞曙雞春來長憶碧山栖煙開籬落花光動  
日暖園林菜甲齊入饌江魚供白髮潑醅芳酒對青谿  
刺桐枝上紅如錦自在流鶯盡日啼

初秋

玉河楊柳已蕭蕭羈思逢秋轉寂寥親舍每疑雲外近  
長安翻覺日邊遙浮名肯似蓴鱸美壯志寧隨髀肉消  
自笑行藏渾未卜巫陽堪問竟誰招

送顧少參進表之京

殊方長走畫熊車薇閣松牕月色虛喜見西山歸戰馬  
愁聞南海進明珠風生閭闔陳金鏡雲擁皋魚拜玉除

八國雅卷八

後夜若逢牛斗使前星應有鳳凰書

夢遊洞庭作

內申秋秋夢軒韓奏樂洞庭之野迺  
余以彩舫之舟仰往觀之及度湖則  
荷香襲人余謂曰此西湖景也及登龜臺而上  
星月之下金樓玉闕輝映在望宛然皇城也官  
娥環列羣仙騰詩俾余繼作覺  
而忘其弟七句枕上足成之

瑤臺今夕侍宸遊五色雲中駕彩虬銀漢有章回紫極  
碧天如幕護皇州未央月轉芙蓉殿太液波涵翡翠樓  
欲奏霓裳先按舞鳳笙吹徹洞庭秋

題倭扇畫鼠

喜遇秦丞相悲逢漢大夫不知當磔日猶記太倉無

文淵閣登望  
嘉靖乙酉

八柱高擎遠漢四簷長約明霞渺渺碧山雲樹重重  
禁煙花

採蓮歌二首

江北江南機杼多誰家兒女不停梭笑渠不似蜘蛛巧  
能向虛空織網羅  
清遠峽連黃木灣採蓮來往不爲難青山亦有飛來日  
何事蕭郎未見還

湯文明惠並頭葵花二株口占

五夜彤庭絳節齊火城如畫散烏栖十年不到芙蓉闕  
坐對雙紅聽曙雞

八國雅卷八

廖學士

名道  
中  
台滿圻人嘉  
待滿學士

燕會岳陽樓

韓守邦彥  
繫予錫嘉名自幼好青服興懷慨鬪熊驕情追力牧改  
歲辭朔易茲晨赴南陸崇樓俯江險傑構屯雲覆張樂

臨夢野開筵敞靈谷鉅浸日月暝層瀟天地澳飛雨洗  
塵氛奔景蕩心目淵龍儵隱見沙鳥時迴復恍疑玉華  
宮良覲金娥淑贈我屈子蘭報之湘妃竹

望泰山

岱崇高龍從羣峰凌紫穹日觀影扶桑月嶂煙朦朧飛  
泉走其下宛然雙白龍上有玉女池銀河瀉長虹玉女



花萬朵青芙蓉仙人王子喬絳節朝 遺我公

檢書期我遠相繼我欲從之遊雲路險且重何當謝塵

鞍騎髮感池東

張學士 名安字誠之號水南江陰人嘉靖間官翰林 讀學士

歲云徂矣

歲云徂矣子將曷征天寒木落鴻鴈悲鳴汎汎舟楫湖水不平瞻望弗及涕淚如零

哀冲太子挽詞

新上青宮冊猶餘錦標聲遽辭千歲祝痛結 九重情

葆鐸寒風引霓幢夕霽紫宸冲思未歇湖海淚同傾

八國雅卷八

十

遊木末序

兜率何年寺亭舍萬里風春深花雜錦雨霽水流虹苔

薛穿難盡松竿聽不窮祇應投寂冥結宇向瑤空

自詠

松劍愁無術誅茅作隱居臨風弄璫軫坐樹檢農書麥

隴朝雲合瓜田春雨餘隣翁真不忝吾意獨躊躇

和方棠陵

長憶金鑿供奉年煙霞逸興故飄然高天遠樹揚雄宅

落日清秋范蠡船不是山林輕組綬祇緣服食誤神仙

卽看南下龍江月弔古應懷太白賢

徐少師 名暉字子升初號少湖晚更存齊華亭人嘉隆間官少師史部尚書兼大學士

夜行安山道中

木落山蕭蕭殘燈照寂寥病驚時日暮愁厭客途遙

澗聽逾響荒村語不歸月明如有意深夜伴歸橈

送顧起元甥婿之京

病中愁送客况復是殘年雨雪三更夢江湖萬里船天

垂龍塞沒星接鳳城懸到得燕山路應書數字傳

示張生巨川

蟋蟀鳴前除白露沾我衣東園桃李花冉冉委芳姿日

月各異行會合諒有時功虧在一簣九仞安爾爲中夜

八國雅卷八

十一

耿不寐玄覽紆遐思渴飲白石乳饑餐青雲芝至寶不

自愛棄置通路衢悠悠荆山泣千載有餘悲

弔淮陰侯

予泊淮陰觀漂母祠傷侯之功而生不獲善其終死不獲祀於鄉以爲侯不負

漂母必不負高帝其與陳豨陰謀特一時刀筆之吏文致之詞非侯忠信所爲作詩哀之

忠信豈不美際會良獨難功高不峻賞乃有見疑患盡

哉淮陰侯功業多苦艱誰云龍準知甘心變譴頑遂令

忠與信棄置不復言我觀千金贈慷慨一擲間托身全

盛時忍爲稀布顏身死心亦晦吏文恣雕鐫是非難罪

案千載誰能刪惜無一寸椽得與漂母存天命苟如此

壯士徒悲歎



送李南原邦伯

矯矯陳仲舉高標謝時流室中有懸榻獨爲孺子留兩  
賢適相遭茲事良其倚悲哉從此別對酒不能酬

送顧長治下第還吳

獻賦金門屢未逢暫歸應悔業屠龍趣庭夢繞南宮履  
戀國心驚北闕鐘朔雪下時聞旅鴈楚雲開處識江峯  
豫傳春色能流轉莫謂長楊思已慵

高廉憲

名叔嗣字子榮號蘇門洛陽人嘉靖中官湖廣廉憲

再調考功

豹冠發大梁慷慨多奇志師事鳴臯子擔簦竊自異幾

高廉憲

八國雅卷八

十二

文

窮柱下策頗識壁中字雖非國士才通人嘗予器始辱  
狗監知終奉龍門贊弛負歸中朝持戟備末位孤根難  
爲容名過易生累一官歲再移彌取簡書忌眷然懷夙  
昔回首日增愧

秋日贈別諸進士

別館敞秋晴離筵蕩客情致身付公等分手使人驚陽  
鳥迎霜動陰蟲候夕鳴贈言何以歎虛薄愧吾生

病起偶題

空齋晨起坐懽遊罷不遑微雨東方來陰靄倏終夕  
自不知春茫然怨行役故園芳草色惆悵今如積

晚出都門登寺閣

柳葉桃花雨夜乾今年寒食在長安淹留不爲依雙樹  
踰蹬合應笑一官行出都門常日暮到來客舍已春殘  
芳菲滿眼心無奈祇上昆盧閣上看

雨中簡子仁員外

積雨曠朝暮層城苦沈沈端居誰與言抱此懷人心一  
爲軒冕拘遂使名跡侵長媿玄豹姿隱霧南山岑君通  
微妙理佇想開塵襟

送別永之

憐君方遷成况我嬰愁疾一別若流雲相從竟何日平

高廉憲

八國雅卷八

十三

生託交游弱冠弄篇帙書願藏名山功期銘石室安知  
事不就跌宕情如一已矣復誰陳今亦返蓬華

送別德兆武選放歸

燕郊秋已甚木葉亂紛紛失路還爲客他鄉獨送君罷  
歸時共惜棄置古常聞莫作空山卧令人望白雲

送皇甫博士重補曲周

辭邑初耽寂攻詩每晏居貧家滿坐客閉戶一牀書撲  
被情何忝腰章意已疎問君趨府處高興復何如

贈送蔡蘇州考最還郡

漢家存舊令侯國有斯人統緒諸生貴金貂帝族親

名朝賈誼少拜郡孟舒頻半刺官猶薄全吳化已馴才  
憐同舍屈情以異鄉伸臨路何如贈期君樹德新

歲暮答許武部廷議懷歸

掩閣日愁晚他鄉歲已深未能逃世網豈是戀朝簪以  
我不如意憐君同此心故園春事及歸路儻相尋

送抑之侍御謫興國

別離無奈客心煩直道南遷荷主恩臨路加餐好自  
愛平居握手更何言連山楚雨迷官舍隔縣鄉音認故  
園君到江州定回首同游霄漢幾人存

春夕同李考功道舊

八國雅集八

十四

下鳥春庭夕明燈夜雨深人多新歲感日有故園心磨  
減名題柱淒涼賦賣金十年同省舊誰念各如今

初去都夜

汎舟當日落解佩及春歸病比相如是情方叔夜非暖  
雲蒸海氣殘月吐洲暉今夕孤懷客誰云伴少微

延津縣立春

征路日纔幾客心時已煩春風花鳥處回首憶田園

呈劉西陂先生將按部洛陽道出小園

喧言洛陽去皂蓋首行春尚枉柴門步應憐伏枕身柳  
條簇官騎雪色沒征輪公問袁安事平生解避人

霍開府載酒見過

列坐青郊映容門畫戟雄晴原獵騎外春草舞筵中玉  
珮邀皆至金樽狎與同下將灌園意錯訝楚三公

答谷司僕九問

幸自返中國非門逃微祿方因疾病餘龜勉供樵牧春  
至東郭田夏來北林木時從遠原上日縱平郊目野老  
逢與言道書閒能讀何爲共世人無事相追逐勞君問  
出處日暮掩茅生

紫園山人歌贈上黨栗陳州弟

紫園高山傑青雲生賢吐瑞合氤氲二馮卓犖不可睹

八國雅集八

栗家兄弟殊不羣陳州一出驅五馬令弟二十窺三墳  
博物自識顯陵策對人能讀嶧山文今日漢家方貴少  
歸來結綬朝明君

與客集和氏園

惟君遊每接自余居多暇連上客筵款曲中園駕賦  
詩芳泉側舉爵茂陰下放心安知憂攜手不能罷日氣  
澹將夕雲影垂方夏爲農信可懼世自薄躬稼

夏日林枋田家二首

手疏偶然辭上腰鎌率爾爲農今日田園自許平時車  
馬相從

雨後千家競作雲中萬木齊高路口來過杖策牆頭方  
挂桔槔

得張子家書

晚日照餘晴荒亭暗復明歸雲度深樹飛雨過高城寒  
劣慚當代栖遲嘆此生空持一書札長嘆故人情

東原晚望答李鴻漸

東原晚望草煙齊又卧無心出路迷閒立秋風看木落  
獨行斜日聽烏啼一官已謝於陵後百畝纔開莘野西  
此地故人應念我逢人昨有數行題

張司馬

名時藏字惟靜號東沙野人嘉靖  
間官南京兵部尚書有芝園集

郭城行

朔風吹枯桑原野莽蕭疎煙火杳不接十室九逃遁鄉  
土豈不戀官司急徵輸上有貪令尉下有黠里胥膏血  
寧幾何浚取乃及膚親戚不得顧豈復念田廬空囊攜  
破釜黑夜牽妻孥白晝但伏匿奔走不遑舒亦知死不  
免且復緩須臾頽垣栖鼠雀長隰翳榛蕪隣里亦以然  
王賦將誰需寄與長民者爲牧不爲屠

秋懷

屢興墜衣裳驅車驚長薄幽壑屋洞公厓阿瓊繁絡赤  
坂蒸陰雲叢林隕飛籜栖栖城樹烏統統野田鶴形影

不相弔臨風長踟躕

中秋對月雜詠

零露瘁百草金風振柔條層霄月亭午寒光映沈寥  
數被八極俯檻析秋毫豈不盛靈曜履盆終不昭閭  
闔蔽誰誅蕢棗傾申椒靈均與賈傅泣涕徒爲勞

送陳子文之官廣西

城中月明齊擊鼓城頭日出朝樹羽駟馬馳驅南楚雲  
嶺猿長嘯炎交雨道傍三月柳如旌攀折慙慙送子行  
白水蒼梧天萬里登臨不厭伏波城

渡黃河

黃河迴九曲適郅作經過積雨初添漲無風亦自波人  
行沙岸小樹近夕陽多爲愛滄浪曲因之鼓枻歌

訊雨疇

豈是文園病兼旬不出門蟪蛄封几席風雨長蘭蓀已  
負東山屐空餘北海樽獨憐枝上鳥偏自款朝昏

秋日村居

結茅滄海澨日日看雲生豈是隆中卧聊從谷口耕愁  
來歌白石病起飯黃精四望窮瘵部臨風一振纓

閭閻曲

穀熟不到釜絲成不上身莫道江南樂江南愁殺人

田家樂

茅舍東方日出鄰家何處朝春黃鸝喚起春睡猶在芳洲夢中

汪中丞

名文盛字希周號白泉湖廣崇陽人嘉靖中官都御史

贈別顏惟喬

密雲翳陽景微雪生春寒斗酒相爲別劇飲不成歡促席執子袂共歌行路難路難非遠道吁嗟在長安白日昏風塵舉足何蹒跚棄且黃金臺虛拘青雲端嗟彼伐檀子豈不慚素餐揚帆向河洛驅車出邯鄲希世無正始素琴誰爲彈行行志高遠當筵聊自寬

汪中丞

國雅卷八

十八

贈龍長史五首

玄景薄陰霾朔風吹我裳草木黃已落鴻雁載南翔之子適萬里迺獲仕故鄉昔來舞春服今去結嚴霜處者式微行者歌滄浪踟躕道路側中心悲以傷悲傷將何念駕言出京畿京畿多風塵寧不染素衣與子非異向而今不同歸長袖無短舞脩翼無卑飛欸然乘駟馬里閭有光輝渺渺燕與楚悵望各依依依依離別間酒盡曲未終吳牛喘夜月胡馬依朔風驅車國門北揚帆洞庭東芳草日已長故園春正融親戚展燕婉執手叙曲衷

何所爲旦夕念桑梓譬彼江南橘過江化爲枳

性各有宜人情戀故里樊籠無高鳥曲徑無方軌方軌豈不遵駕言三湘涖因子有行役嗟茲葛與藟

葛藟在松栢大小相勾連膠木有榮柯長蔓無斷纏附托一得所萬物性以全莫采松上葉莫采葉下藤藤以結綢繆葉以蔭本根

贈王君俊

歲晚苦爲客尋幽偶一過欲辭明月去無那故人何戎馬堪垂淚王師未凱歌泉山迢遞在咲殺舊烟蘿

過圓覺寺

汪中丞

國雅卷八

十九

寺散天花雨經翻貝葉林寒龍長護法幽鳥不聞音海上一燈在雲邊雙樹深今朝好風日公暇偶追尋

送黃鄉友還崇陽

伏劍出長安休歌行路難共別此樓月獨凭何處關楚國入芳草燕山生早寒天涯有知己早晚慶彈冠

中秋夜直對月呈東隅兼懷諸友

東署謾吟哦南樓若若何人憐今夜遠月負故山多蟾魄明丹樹霓裳落素娥乘槎不可到孤影對星河

駕回次日早朝奉天殿誓戒

千里巡游迴玉輦九重闔闔御金鑾掖垣花氣春先動



寒光雪正殘樂令蕭韶開九奏禮嚴郊祀勅  
委蛇朝罷歸南省宮漏沉沉夜已闌

石洲席上贈忠州得歌字

海邊白日轉蓬科天外青峰送玉珂此會獨憐風雨夜  
故人將柰別離何洞庭天闊雲歸遠巴峽春來水正多  
攜手河橋重惆悵贈君徒有竹枝歌

濟寧登太白樓

高城斜日度藍輿城上蕭森振客裾孤寺塔形標海嶽  
萬山雲氣擁青徐酒樓夜月杯重把澤國秋風髮易疎  
江漢文聞傳露布將軍未見罷兵書

注中丞

八國雅卷八

十一

秦淮夜興

逗簷涼露坐多時徙倚中宵倍有思海內盡傳輸貢賦  
汀邊猶見閃旌旗荒庭日暮人過少御苑天高月度遲  
終歲驅馳無寸報愁來徒詠北山詩

贈旗峰

白首燕臺士憐君不棄予匪才難附驥多病本同樗歲  
計嚴商枕雲輅下禁廬清連滄海水風動博平墟別去  
誇龍劍年來乏鯉魚故人皆散漫吾道重躊躇豈意連  
床雅相逢一咲餘酒杯傾夜午行李帶星虛落木霜前  
淨幽花雨後舒畏途秋正暮客鬢晚宜疎天闕浮機宿

軍中揮羽書江淮愁戰壘郡邑苦兵儲自分愚憤慣惟  
鮑水竹居何能堪侍從此去獨次且採藥吾將往尋山  
興已俱朝廷賴公輩早見許謀撫

文翰詔

名璧後更徵明字徵仲號衡山嘉靖初官翰林待詔

內直有感

天上樓臺白玉堂白頭來作秘書郎退朝每傍花枝入  
僦直遙聞刻漏長鈴索蕭閒青瑣靜詞頭爛熳紫泥香  
野人不識瀛洲樂清夢依然在故鄉

春雨

春雨蕭蕭草滿除春風吾自愛吾廬高情喜誦閒居賦

文翰詔

八國雅卷八

十二

老眼能抄種樹書金馬昔年貧曼倩文園今日病相如  
焚香燕坐清如水一任門多長者車

聞雞

乍鳴滄海日東昇再唱長安萬戶醒風雨何曾迷曉漏  
霜天還解散疎星誰憐半夜燈前舞嘗自衝寒馬上聽  
此日山窗呼不起壯心回首憶凋零

經西苑平臺有作

日上宮牆霏紫埃先皇閱武有層臺下方馳道依城  
盡東面飛軒映水開雲傍綺疏常不散鳥窺仙仗去還  
來金華待詔頭都白欲賦長楊愧不才



奉天殿蚤朝

月轉蒼龍闕角西建章雲歛玉繩低  
碧簫雙引鸞聲細綵扇平分雉尾齊  
老幸綴行班石陛謬慙通籍預金闈  
日高歸院詞頭下滿袖天香折紫泥

寄王永嘉

曾携書策到東甌此際因君憶舊遊  
落日亂山斜帶郭碧天新水淨涵洲  
從知地勝人偏樂近說官清歲有秋  
西北浮雲應在念寒閒一上謝公樓

暮春遊石湖

邵外南湖一鏡開吳宮煙草暗荒臺  
遊人不與興亡事

只記溪名是越來

見新燕

杏花飛飛春燕來主人花下新堂開  
花間相見驚相識綠樹東風捲簾入  
漠漠疎煙碧草齊斑斑小雨春泥濕  
城中甲第連雲起畫棟朱甍春旂旄  
故壘空無繡幕思多情却向茅簷底  
茅簷日暖繡幕寒古來只作尋常看  
乃知物性無新故世情自爾分貧富  
我家舊宅經幾遷僅有此屋三年前  
人言禽鳥得氣先主人貧病何當痊  
人生未怕常貧賤但願年年見新燕

蔡翰目

名列字九遠號林居吳之洞  
庭人嘉靖中官翰目

初得南翰官舍

短牆依老樹土屋稱寒官  
池涵秋無藻蔕深草結壇竹  
陰鄰舍近山色過城看  
病起無公案方知吏隱安

公事 禁門

龍輅金鋪麗蜚廉貝闕懸燕窠  
朱戶網花隔綺疏煙剌  
弓虛銀箭宮槐積翠錢  
瑤臺夜月不復妬嬋娟  
立秋日客去與啓之靜坐

蟬噪新涼江雨輕芙蓉沼上  
午陰生東家樹影屏間綠  
北澗泉聲雲外清履齒乍臨  
驚夢破苔痕新長與堦平  
漢庭侍從今虛曠不是文園  
懶送迎

秋日

楓疎暎天遠草蔓護門深  
砌亦朱華冒簾常綠蘚侵園  
香三夜雨鴈過一城砧已畏  
洞庭晚休添楚客吟

懷山樓

縹緲峯前銷夏灣吳王去後  
屬郎官千家簾幕圍潭上  
百尺闌干起霧端飽飯勿令  
方朔誚著書渾似鄭虔寒  
黃花徑裏秋光蚤却笑東門  
不挂冠

春去

萍藻經春高石牀水亭終日柳  
花香坐忘屋裏青山近  
卧起天涯綠草長  
楚國登樓空作賦梁園啼鳥苦思鄉

東蘭芍藥三年別誰護西湖夜雨狂

登縹緲峯絕頂

莫訝登高不用扶手招鸞鶴興如何環來島嶼人間小  
側去陽烏寒色多巖下雨來浮碧靄杖頭霞去落蒼波  
千年石上仙人迹爲問王喬幾度過

秋日

清秋山色淨簾櫳八月芙蓉滿鏡中醉任嶺雲連海綠  
愁禁楓葉接天紅養魚好伴鴟夷子飲水無如桑苧翁  
江上美人期不到吹簫獨自向虛空

玉河橋曉行

蘇軾詩目  
國朝卷八

二十四

文

太液新波出建章曉鐘聲近想宮牆殘星拂對天橋淨  
隔岸啼鶯禁禦長紫氣凝香開北極蒼龍乘日起東方  
君王垂拱臨朝蚤銀燭光中散鷺行

黃進士

名省曾字勉之號五嶽山人吳縣人嘉靖間鄉進士

送皇甫百泉

滾滾滄江許孤舟此送君殷勤楊柳色揮袂更氤氲春  
自吳宮見鶯將漢句聞如何丈夫淚今日獨紛紛

張儀部維靜觴予朝天宮

紺殿枕丹丘珠林啓宴遊雨飛仙觀午雲入冶城秋青  
鳥臨杯度長江抱席流國華逢上彥西日任淹留

田家樂

茅舍東方日出鄰家何處朝春黃鸝喚起春睡猶在芳

洲夢中

文翰詔

名璧後更徵明字徵仲號衡山嘉靖初官翰林特詔

內直有感

天上樓臺白玉堂白頭來作秘書郎退朝每傍花枝入  
僦直遙聞刻漏長鈴索蕭閒青瑣靜詞頭爛熳紫泥香  
野人不識瀛洲樂清夢依稀在故鄉

春雨

春雨蕭蕭草滿除春風吾自愛吾廬高情喜誦閒居賦

文翰詔

國朝卷八

老眼能抄種樹書金馬昔年貧晏傳文園今日病相如  
焚香燕坐清如水  
聞雞

聞雞

乍鳴滄海日東昇再唱長安萬戶醒風雨何曾迷曉漏  
霜天還解散疎星誰憐半夜燈前舞嘗自衝寒馬上聽  
此日山窗呼不起壯心回首憶凋零

經西苑平臺有作

日上宮牆霏紫埃先皇閱武有層臺下方馳道依城  
盡東面飛軒映水開雲傍綺疏常不散鳥窺仙仗去還  
來金華待詔頭都白欲賦長楊愧不才

答岳子山中見贈

隱尚貪成癖幽尋愛石門帶簾室有花披歌  
好游仙賦杯清問竹期子真君不愧谷口慰相於

庚辰仲冬月詠三首

有地皆含影無山不駐光河明娥耀色天遠桂流香上  
下催時變盈虧與世長蟬蛸人盡爾聊復進吾觴  
雲動衡門月清樽祗獨看旅鴻千里白樓鳥一枝安露  
外桂應濕風前兔自寒忍孤清影落歌入漏聲闌  
初夜蟾疑沒三更桂喜生趣光求綠綺乘影拭青萍鴈  
赴明河影風虛白屋聲不知瀟灑興誰得伴孤城

黃連士

八國雅卷八

二十五

天

樓上對月

圓靈澄水鏡白露暖秋城影動關河迴光含竹樹清絃  
桐陽阿曲彈處一成聲對此素娥色其如紆軫情

冬日夙興與舟行至婁門田廬

整冠宵燈微雞聲動鄰樹出門霜盈瓦理棹月在路蒼  
茫露蘂城泱泱翻羣羽日出縱顧覽青松誰家墓寒空  
蕩明豁澄江蚤迴泝冉冉稅田廬蕭條草間步

春日田園言懷

玉衡指春暮鷓鴣鳴以時此鳥自何來棲我綠楊枝  
蘭華滋發愴惻朱顏移海內誰不逝余衰亦何悲

秋夜醉起言志

桃花解春開鴈亦識秋鳴不知三五時兔魄胡為盈江  
海結黃土何代無人耕人生果何來沒也又何征歎忽  
自可哀誰能懸空名

雞鳴高樹顛

雞鳴高樹顛聲繞羅幃前起視夜何其素月蒼穹圓人  
生少小輕歲年芳鬢一編不復玄逝如東流川盡若秋  
空煙卷衣出門歷海嶽願餐靈藥爲神仙黃山並數百  
白日齊三千竦身綠雲中控鶴升九天揮手謝鄉國攬  
涕心茫然

黃連士

八國雅卷八

二十六

歲暮述志

揚雄草玄閉環堵夜夜青藜徒自苦荒徑三條翳草萊  
仙經一帙披驚虎綵綬浮雲昔已看黃金北斗何須數  
世務紛紛不可干寸心獨抱羲皇古

郊外醉吟嘲徐子

蘭塘翠苑春遊勝笑指平康酒家我把蘇臺一片月  
樽前照爾顏如花吳宮西子枉傾國綠雲已散歸塵沙  
紅妝對汝不銜酒徒看寶鏡生咨嗟

友人宅聽琴

當時自聽龍子琴驚聲調思不禁江魚一可一發

我來榴花然竹林飲酒何嫌落紅日結交不論無黃  
酒酣拂拭七絃動奏我淒清梁甫吟

詠鴈

夜靜聲流枕涼秋影在雲一時同北盡萬里向南分雨  
急風沈字江深月斷羣余心自有淚孤館况紛紛

寒蘆落鴈漁舟圖

吳榜暮乘鳬寒流漾碧湖青山聲入鴈綠水影含蘆月  
下看聯集雲中聞斷呼故人天末在寓有尺書無

金陵詠

舊聞天爲府新看錦作州草芳非晉苑淮曲是秦流國

黃進士

國雅卷八

二十七

有千秋壯雲皆五色浮六龍銜曉日常吐鳳凰樓

白公堤送別

白公堤邊綠楊樹北上行舟攀此去拂送征人每不還  
搖斜紅日留難駐千古悲歌散紫雲片時帆影迷江霧  
莫向河梁愴別離人生總是浮萍聚

題士女圖

秦女翠華裾花間駐彩車玉顏行月滿香機步蓮徐意  
結同心草恩多比月魚文君嬌不柰琴意赴相如

哭岳處士

昔日秦山客今秋魯嶽行卧雲過白首栽竹是平生

小齋貴家餘草木清瀟頭會共酒悽斷不勝情

哭李公獻吉

往歲楊園餞涼風七月樓不言躬再拜爲別淚雙流鴈  
引鄉河遠霜催旅鬢秋黃泉何底急令我泣藏舟

金山

圓嶠長江裏攀遊拂斗槎潮吹香殿草泉闕寶林霞四  
集帆檣色中盤日月華龍宮開法藏蒼界出蓮花矚海  
紅樓複沿濤紫磴斜不須三島問宛爾入仙家

與陳郡推乞丹砂牀子

桃花空望列仙家芳草難回兩鬢華雲裏未逢青鳥使

黃進士

國雅卷八

二十八

山中空想白牛車居林膳薄惟餐蕨買藥囊空只餌霞  
不老近看劉向錄從君寫詠乞丹砂

虎丘詠

芙蓉近倚闔閭城眺閣觴樓逐勢成珠寺翻爲歌舞地  
青山盡是綺羅情巖花吐學紅妝麗谷鳥啼兼鳳管聲  
十里垂楊芳草岸四時常映彩舟行

子夜歌二首

出門復出門致辭問老翁郡縣如猛虎可與嚙昔同  
喚郎郎不應郎自城中回縣官加糧稅面色如上灰

閨情二首



片行雲女紅愁太可憐不如閑裏月猶得向人圓

駢羽燕流聞同心花滿溪借問青華上何時雙鳳樓

王貢士名龍字慶吉號雅宜長洲人嘉靖間貢士

入於屋洞

白鶴已仙去碧山遺寶符齊心扣靈關企石窺清都雲  
堂裏撐拄百人可踟躕白玉斷陸棟青蓮綴流蘇昔人  
鍊液處牀第鬱金鋪石乳累而長文錯如冊胡虵行屢  
迴互盤折窮有無恨乏嵇生識鳥篆空林樾時聞神鉦  
鳴地底越江湖冥濛翳日月窈窕通廷壺悠然遂雲卧  
心將天與徒羽毛如可就千歲有龍徂

王貢士

飲酒

昔掌川符今賦竹林賞解佩當年及樂日非外獎偶  
會禽心彌肆雲蘿想經始口園廬蘭棹蔭閒敞清池  
過庭激然以緣籬上薑芋抽新萌蒲萄牽宿莽幾凡喧  
鳥覆澆漚驚魚警息陰聊舉爵臨涯時抱杖英英白雲  
游纓纓鮮飈蕩興遠集蕭晨真真吾黨蟬蛻迹已冥  
鷺翔意俱往方敦霞外

養病山莊袁氏伯

永一不作來次一首

三簾閣神馳憑几觀芳華養病山中移學樓近部夕  
遲西園謫亦非山語是時春

欽柴扉梧楹携茗酌野服初製荷山冠始裁簪憐君佳  
伯仲翩翩集鸛鶴對此羣玉林餌我萬金藥已諧伐木  
期更賞臨濠樂願君散久要古道今寂寞

憶故園作

山空鳥聲樂日晏病客眠憂憩白雀院輟耕石湖田遙  
想蠶事作桑者日閒閒綠竹粉猶膩紅櫻爛欲然游條  
泳綠水戴勝鳴高天飛絮乘風颺新荷貼水圓故園風  
日好嘆息此芳年

七夕戲作白苧詞

舞衣初裁如白雲滿堂香氣吹氤氳游龍驚燕迴不羣

朱顏微酡酒半醺銀箏促柱斜斜分鸞吟鳳語未始聞

秋風蕭蕭水沄沄玉杯澹瀉青霞文餘光翻映桃花裙  
高陽酒客心如焚瑤釵挂纓日欲曛邯鄲才人懶足云

徐將軍第牡丹障子歌

長安甲第如雲起千門萬戶煙花裏玉砌朝朝折錦叢  
碧窗夜夜添珠藥中有名花出上林不數姚黃與魏紫  
赤日蒸成海嶠霞香雲亂颺秦淮水濃妝淡掃各不同  
腰支朵朵如游龍似向沈香亭北見遙疑姑射嶺頭逢  
狂蜂游蝶都雙隊舊恨新情劇萬重公子王孫解惜春  
秋愁黯黯隨風塵生綃窗出窺珠態絕是當時



風神已寄丹青外筆法難將形似論橫斜向背意自  
暗想春光錦屏側紅燭高懸舞袖翻銀華促柱歌聲急  
張以草聖應露頂淳于先生可一石不嫌狂客吐車茵  
花時來醉長干陌

楞伽山夜同何子掃雪烹茗作

楞伽一夜三尺雪疾風頽洞茶磨裂五湖粘天疑不流  
虎豹咆哮萬木折短衣蠟履寸衣帶絕壁巉巖力抖擻  
支撐挑竹杖兩莖快斲藍田玉數斗何吳二子皆好奇  
一僧顛倒袈裟披十步回頭五步叫複磴懸崖相把持  
歸來急試煮玉法夜半紅爐炙天熱中冷惠麓浪得名  
金液瓊漿果奇絕嵇康自是餐霞人管城食肉骨相屯  
且須痛飲盡七盃鐘鼎山林安足論

去年此日

去年此日雞籠山卧病禪林長掩關今年此日越溪上  
窈窕岩楊柳灣負劍行遊多苦辛何如只作灌園人  
東巖桂發露華白北渚荷翻秋色新秋色盈盈動秋水  
一井琉璃澄見底雙雙鸕鷀隱蘆洲隊隊鯉魚戲蘭芷  
後有秋山千疊青穹窿靈巖羅畫屏繚繞如圍謝公墅  
虛無遙對揚雲亭少年在汙洛京塵費盡黃金季子貧  
乃知窮達皆由命負却山莊雞黍春

白虎寺詩

長沙無那濕河朔好銜杯落日歌輕風舞袖迴金  
塘披菡萏冰檻出楊梅處處燃紅燭仙舟未擬回

聽琵琶

紫塞傳胡語崑丘學鳳鳴春風吹白雪總是斷腸聲司  
馬千行淚明妃萬里情當杯愁側耳天外暮雲橫

送泉上人住持西山天王寺

建幢開福地飛錫下青天呪嶺紅泉出懸燈白石燃太  
湖航寶筏林屋扣金仙爲訪毛公在相携入紫煙

劍池

伏檻窺奇壑輕身搏翠屏山虛雲裊裊石闕水泠泠錯  
落金鳬影翔翔鐵鳳翎風胡去已久神劍泣精靈

顧進士

名聞字行之號九變長  
洲人正嘉中鄉進士

晚

岸幘秋堂小臨流暮雨清羣峯傾鳥背落葉帶谿聲林  
日高低下川虹斷續明棹歌何處發應是采蓮行

拂水巖

風有丹丘想徘徊繡嶺西遙瞻赤林氣共攬青雲梯石  
仄風泉上山寒霧磴迷攀崖弄流水吾欲寄冥栖

夜宴樊駙馬第

家標玉柱客座引瑤觴甲第青雲上華燈白日光  
移屏搖翡翠春柱激官商暫醉朱門賞千秋樂未央

步園中

落日荷鋤倦涼風衣上吹圓無辟疆勝心有漢陰知山  
橘分青葉墻瓜綴綠絲自憐生計拙靜結白雲期

寒食山中作

萬柳歸寒食雙峯倒夕陽飛花渾客思流水是年光山  
抱雲霞宿鶯交蒨荔房春風且尊酒對景一徜徉

夜泊崔鎮聞笛

雲落清河夜天橫片月涼江樓莫吹笛明日更山陽

八國雅卷八

南歸道中

沙前入高潮正長扁舟今日渡山陽笛聲吹落黃河月

淮北淮南總斷腸

陸太學

名采字子玄號天池吳郡人嘉靖中太學士

感事二首

東城有佳人艷色動隣里家貧寡脂澤不爲蕩子戲終  
年守荆扉空懷憐維嶺煌煌青樓倡妍華詎容比珠綺  
成或車馬日如市世事誰不然美玉淪泥滓所以抱  
含悽自沈水

春風動高林柔條夜忽落客心感歲華一洗肝膽

心良悠悠世事恣皆謔抱玉詣明庭乃自刎其足傷  
夷吾子三戰而三北不有鮑子知鄙行委泥壑丈夫未  
升達誰辨龍與蠖

燈夕辱諸友見過

中夜添尊賞華時得侶遊笙回火初炙歌罷月西流鳳  
蠟香薰幕瑤花醉眩眸何妨催玉漏明發更淹留

春遊虎丘

閶闔東風楊柳柔萬家絃吹水西樓蘭橈夜逐桃花浪  
明月歌殘下武丘

張山人

名詩字子言號崑崙山人嘉靖中曾遊吳楚國越間

八國雅卷八

聞南峯道人度關入雲中賦此寄贈

聞爾崆峒下青牛已度關金經誰爲草紫氣我何攀獨  
把雲中酒長看海上山飄飄霞彩幾日復當還

同冷泉沈常侍陪謝嵩南遊玉巖山寺

玉巖迢遞接三天萬壑虛無生彩煙絕勝蓬萊青海上

遙同台嶽赤城邊殿當寶月南山近牕控珠林北斗懸

共喜高秋陪妙躅興酣還賦白雲篇

真定登大悲觀音閣

花城宛轉金宮麗珠樹玲瓏綺閣環風磴萬盤回北斗  
江河千里俯南山人天陡接煙霞祕龍象平臨日月閒

劍倚星辰流妙矚彩毫長振白雲間

栗太行

應宏字道甫嘉靖  
中舉人隱居太行山

昭君詞

俄出遠從戎沈洲寶自輕可憐金屋貯憔悴玉關行官  
月窺絃慟胡沙拂面驚芙蓉任搖落那得雜榆生

雜詩

驅車出秋郊禾黍倏以黃鳴蜩喧我側野鳥棲其旁悵  
望陟高巖煙樹鬱茫茫荒塚何累累遊子渡河梁人生  
如遠行前路安可量白日當空麗奄忽入陰涼呼朋酌  
斗酒百慮除我腸

國雅卷八

一覽樓夜眺

三五

微月照空林悠然傷我心人聲四壁靜夜色一川陰野  
寺看燈遠山堂入霧深村邊歌吹發聽罷更蕭森

游城南池

偶下南山岑瀟然諧風心漳干一徑入煙景四圍深秋  
水浸枯木夕陽明遠林相期自難即漁浦晚沈沈

寄牛遜敏文

冀北霜寒雪欲垂并州西望使人悲誰堪旅食經時久  
猶恐鄉書到客遲都柳折殘常怨別塞禽飛盡尚多違  
山中此日應勞憶何處看花對酒卮

香山寺

法色敞招提空香處處迷曹溪一水曲羅舍五燈齊夕  
鉢藏龍影春沙印虎蹄何期踏芳草靈境得攀躋

訪仇處士東谷隱居

聞有餐霞客端居盤谷陰薜蘿緣徑入山水蔭亭深疑  
我攀珠樹因君理玉琴冷冷緒風起彌動白雲心

傅山人

名起嚴字夢求號正峯無錫  
縣人嘉靖初嘗游吳越間

出塞二首奉送遼翁相公專征西夏

九重徵鼎輔六月動王師南仲往城日西人破膽時魚  
鱗開甲冑鳥翼盪旌旗鑠趨天策因懷聖主知

國雅卷八

薄伐遵周典長驅出漢關

三五

氣雄三輔天威震百蠻直教平磧石梟取月氏還  
奉送遼翁相公西夏功成再徵入閣疊前韻

天上徵書急江門酒數行廟堂諸老棟草木八公兵夾  
岸喧簫鼓前驅抗旆旌尊賢王者事聞說議郊迎

戎王出獵圖

九月西風草木黃燕山飛兔白於霜驍騰已合三軍勢  
猛利猶思百戰場金鼎割鮮供貴將玉甌和血飲名王  
關支小隊穹廬出亦向天邊射鴈行

國雅卷之八

國雅卷之九

勾吳顧 起綸玄言 選

華學士

名察字子清號鴻山無錫人嘉靖中官翰林寺讀學士

遊善卷碧仙巖

落日下空門  
齋鐘出林莽  
偶茲叩梵廬  
再宿年徵上  
舊遊不知處  
但見松杉長  
巖虛靈氣清  
坐覺心氣爽  
月白山隱高  
夜靜風泉響  
遂令寐中起  
然脫塵網雲  
壑永可棲願言從師軌

夏日山中述懷

恬曠適意在  
罷官取涼喬  
林下晝日恒  
不冠白

六國雅卷九

臥峯杖行獨  
有山近鄰更  
公葵共邀歡  
山田

國云薄歲入  
亦人貴止足  
吾小永相安

譚僉憲見過

空山惟白雲  
日夕少客至  
高枕游羲皇  
忽枉外臺使  
霜威六月寒  
驄馬行路避  
入門相問勞  
遂談平生事  
荊榛蔭松蘿  
野酌薰荷芰  
別促難爲辭  
情深易成醉  
去去復何言  
願畢澄河志

送施少府子羽之海鹽

悠長安來風  
塵色憔悴永  
辭山中人獨  
往佐縣事下  
斗安足云一  
官聊自試艷  
色處空閨高  
才淪末位命  
數

不齊造化亦何意  
張旭稱草聖  
梅福乃仙人  
蓬生元職未嘗棄  
祿秩無崇卑  
所貴在適志

秋日觀稼樓曉望

日出天氣清  
山中悵幽獨  
登高一眺望  
風物淒以肅  
流水映郊扉  
炊烟散林屋  
秋原一何曠  
薄陰翳叢竹  
時聞鳥雀喧  
因念禾黍熟  
悠悠沮溺心  
千載猶在目

送秦節推赴南昌

落葉滿窮巷  
秋風掩蓬蒿  
客子入我門  
携一歡未畢  
駕言遠徂徠  
軒車去何疾  
憶在長安時  
夢子如昨日  
山中復相送  
感慨情非一  
念子本儒生  
讀書未讀律  
佐郡試

華學士

六國雅卷九

明刑五教賴以弼  
民不冤一徒事刀筆

心菊詩為施醫官作

物情慕春榮  
雅志耻諧俗  
寧無桃李蹊  
愛此潭上菊  
閉門誦丹經  
悠然想遐躅  
落英如可餐  
年命無短促  
歲晚何蕭疎  
秋風悵幽獨  
遲迴三徑中  
所願良已足

歲暮訪陸浚明

故人久棄置  
白首悲離羣  
山居遠城市  
終歲一見君  
悠吳關道  
雪暗日復曛  
闊命酒開爐  
熏夜堂對寒燭  
衰顏照微燭  
欸曲平生言  
依依詎能分  
人事多乖迂音書  
幸常聞春風  
倘乘興湖上  
花氛氤



秋日施子羽姚山人見過

掃徑秋色佳衡門遲來客  
山厨薦園蔬饗淹日夕荒  
臺陰叢桂徙倚對巖壁  
夜靜人意閒潭空月華白  
信宿愜所期去住欣自適  
養志慕彭聃學道窺莊易  
願言保微尚歲晚成三益

贈高南豐

君家草廬一何窄門對城隅  
不盈尺蕭然四壁空圖書  
兀坐牀頭僅容膝平生孤  
介人未知及至爲官性猶僻  
莊叟曾經傲漆園陶潛畢  
竟辭彭澤數畝躬耕負郭田  
十年夢斷長安陌惟余意氣  
獨相投海內論交稱莫逆  
挑燈聽雨秋堂夕有時江上  
東風來吹遍村中杏花白  
春深閉戶興轉幽日暮携筇  
句堪索誰憐老去偏苦吟  
晚歲詩名重高適

贈顧長治

憐君本是烟霞侶漢落風塵  
幾千里曾從馬上度滇雲  
却向江南望桑梓君家正對  
九龍峯朝朝但見白雲起  
虛堂習靜垂簾帷密室通明  
展圖史已看花萼映高槐  
更愛草書留曲几興來携客  
恣遊遨永夜然燈如日裏  
年來浪跡半天涯況復新詩  
滿人耳閒身那事涉蒼黃

落魄何心戀青紫願將素尚謝微名  
同向深山隨鹿豕和巡撫陳中丞得告歸韻

洞庭一葉驚秋早束帶何如掛冠好  
白露宵分鴈渚寒青天雪滿蘆洲曉  
中流已幸息風波末路安能殉機巧  
南嶽由來多隱淪歸伴漁樵可終老

早春園居次僅初韻

樗散任吾真幡然蚤乞身不辭爲國  
閒聊結罷官貧荷鋪初經雨開畦正  
及春猶憐聞道晚應媿漢陰人

僅初以詩見寄次韻答贈

地僻長風入春衣掩扉一從還山後  
又見梨花飛世

多貝錦故人猶布衣瑤琴勿輕奏  
山水知音稀

寄尤郡博

遙聞授經處正對錢塘門白鳥出  
遠沒青山朝復昏家貧常自足官拙  
詎須論爲問相如賦何年達帝閣

翁正郎見過

長夏掩衡門忽聞人吏喧如何小山  
桂亦在大夫軒草色上朱綬桐陰浮  
綠尊相看詎忍別未盡平生言

送顧二守玄言之德

春風吹別路天盡西南陬黃鳥啼  
津柳青山對驛樓官稱吏隱萬里  
恣遊遨况是春和景和共相與



組上翁

廣武城邊列旗鼓重瞳拔山氣如虎手提老翁坐高組  
漢王嫚語項王怒組上老翁心獨苦心獨苦兒不聞兒  
言但索杯中羹兒自生翁自死三軍縞素爲何人幸有  
君臣無父子由來久假終必歸機心一發不自知匆匆  
數語殊可悲漢家創業何草草誰云雜伯真雜夷君不  
見當日陰山沙磧中胡兒鳴鏑親射翁

擁篲行

漢困楚阿翁忍死登高組楚和漢阿翁歸來依舊戰吁  
嗟翁歸方立炎漢基三年爲虜生無幾功成不記翁危  
辱但記曾嘆無賴兒泗上亭長作帝王宮中老翁猶布  
衣翁生不知皇帝貴家令一言翁始畏兒來朝翁擁篲  
須臾趣詔尊上皇家令歸來金滿牀昔爲田舍公今爲  
天子父擁篲一迎真有助嗚呼擁篲何足嗤猶勝當年  
組上時

憶家君

白髮人千里朱門月半扉燕山雲去遠澤國鴈來稀無  
夜不成夢有書空道歸遙憐北風勁尋便寄寒衣

寄葛太守子中

憶爾投荒日依依戀翠華亦知行萬里不是爲丹砂那

送祝參政之雲南

古留銅狄堂深繡土花勿須憂瘴癘意遠卽烟霞  
官高仍外省地遠更南荒十月繁霜白千山落葉黃虎  
應窺日沒鳥亦倦天長夷落知迎候單車見祝良

長門怨

金屋承恩事已非玉顏憔悴度春暉無因得似宮前柳  
時有長條拂御衣

屏春坊

名應峻字文升號漸山平  
湖人嘉靖中官春坊翰德

高陽行

青山先生請傳保定保定古高陽  
也于是門人皆應峻爲作高陽行

君不見高陽酒徒氣若虹酒酣仗劍謁沛公襲衣側注

屠春坊

六國雅卷九

七

反遭罵豎儒瞋目稱而翁軍門拾謁使者入應才雪足

來趨風儒冠自昔爲人下豪士纍纍走中野公卿半屬

鼓刀人塵埃誰是彈冠者侯門義義仁義存金貂白玉

多殊恩九達車馬若霆擊中臺咳吐如春溫丈夫風雲

不自致寧能呶嘵離趨華軒青山先生真崛奇文章

垂世光陸離懸黎結瑤世莫識陽春白雪和者誰憶昔

予爲門下士諸子森森並蘭峙白晝行歌泰駐雲醉後

清心越溪水卽今已及十年餘人事升沉豈堪紀鳳儀

未上金門書呂甥尚曳東郭履逢也雖負鴻漸翼失勢

青雲未能舉去年有詔收駿骨沈成十蹶始一起先生

百里才驥伏鹽車垂兩耳幾年臥遊湘水東洞戶  
雲夢清若空青蠅營營營營露曉曉摧孤桐長安  
春半氣猶烈上林木水柳條折潞水方舟不得行匹馬  
蕭蕭踐水雪高陽客舍行人疎糜珠斧柱爲晨舖天寒  
首宿芽未茁夜深颼颼時相呼鵲袍諸生半僵臥玉署  
談經能聽無君不見黃金我我千尺臺昭玉樂毅俱蒿  
萊漸離擊筑已絕響荆卿易水歌空哀吁嗟乎人生得  
失何須數尊前俛仰成今古時來北關繫金魚歸去南  
山射猛虎

君不見贈錢子

唐書房

八

君不見驂騑自負千里足蹴踏鹽車猶噴玉慙下驚駘  
飽芻粟古來達士多賤貧高文瑰瑋能謾身姑蘇錢郎  
三十餘去年獻賦承明廬爭傳綺麗似相如今年宰邑  
向山郭東帶逢人氣蕭索雲峯合杳洪峒孤石瀨潺湲  
合江閣山水蕭蕭亦堪樂落魄寧受簿書縛我勸君  
君莫嗟誦君秀句凌層霞左持干將右鏌鋌東游青海  
西流沙秋風會振雲中鳥春城不種河陽花此去若逢  
勾漏令爲予長揖問丹砂

贈吳山人擴

人出山何所適來作長安新客攜藻朝飛北海

昨夜泣南山石長安二月花滿烟意氣翩翩俠少  
千場博戲章臺下百發烏號細柳前山人敝衣不役老  
拾謁欲向何人憐投珠委玉盈尺箋儀來不售囊中錢  
短歌爲君君自慰且拂琅玕謝時貴王生解襪只自嗤  
世間那有張廷尉

馬上贈武舉生金寶

金寶以歲庚辰舉武試時年  
士石公珪爲考官今廿年

翩翩飛騎突且雄案垂七尺高麗弓向予長跪馳素封  
來自天津陳長公感君來絨重君使汝才且雄者誰子  
云是能峯門下士緋衣已隨塵土縉壯心尚逐風雲起

唐書房

九

長公好士輕黃金求才不憚幽與深幕下立談收劇孟  
堂中飛檄行陳琳白髮自知無長物清商猶自有哀音  
我聞其言感且嘆古來相士輕貧賤驕驕豈無伯樂少  
世上紛紛寧足羨層冰皚皚黃河枯旄頭西指當滅胡  
策勲報恩真丈夫插貂橫玉盈上都封侯之骨汝有無  
贈汝腰間金僕姑

秋日宴馬都尉第

爲識天人貴雲中別館開聞簫度鸞曲觴客在瑤臺飛  
閣秋光入層城紫氣來月林歸騎擁疑傷鵲橋回

甘露寺次韻

甘露千年寺羣公攬轡過樓空吳楚盡江闊雨雲多層  
氣連蒼海琳宮隱碧蘿更聞幽絕處白日走鼉鼉

### 送唐生

伏策欲誰親侯門不重賓空彈馮氏鋏莫濟范睢貧玉  
露凋紅樹金風起白蘋蕭蕭南去鴈飄泊自爲鄰

### 病中東張郎中臬

閉閣經時思悄然緣階芳草欲芊芊啼鶯日送千門曉  
宮樹晴含萬井煙東第綺羅淹白晝西園桃李照芳年  
何時試共張京兆走馬章臺垂柳邊

### 駕幸西山

六國雅卷九

行宮迢遞接仙臺郭外驂驪羽騎來山護皇輿千嶂合  
天臨宸極五雲開春雷翠柳供行帳香引繁花獻壽杯  
獨愧周南流滯者侍臣遙羨柏梁才

### 遊城東觀

病起尋遊強杖藜琳宮寂寂枕廻溪繁花向日俱宜笑  
幽鳥逢春各異啼雲滿客衣庭樹合氣薰山酌芷蘭齊  
郊行亦有桃源在明日重來路不迷

### 再和嚴相公 詔賜直廬有作次韻

台垣奕奕紫庭西地近蓬萊瑞色齊雙觀月臨鵲鵲迴  
五樓春見鳳凰樓層霄夜永傳仙漏中使時臨捧御題

爲說履聲天上聽錦袍猶有異香携

袁學憲名泰字永之號齊臺長洲人嘉靖中官廣西提學副使

### 移居峴山精舍

山寺闕精廬移居性所適寧知賓客稀漸與城市隔岡  
戀何秀美蒼翠還日夕夏木密以陰幽鳥來几席開窓  
見漁舟湖水清且碧焚香日晏坐遺興在篇籍余本迂  
散人禪林亦靜僻茲焉遂吾好已矣思屏跡

### 夏雲篇 館試

禁城佳氣接丹丘層巒疊嶂夏雲稠初從火井溫泉起  
復向蒼梧赤水流炎帝龍旂來曉曉祝融驕駟鳴秋

六國雅卷九

九疑突兀開三輔五嶽繽紛列十洲乍看仙掌蓮花動  
復見天都太乙浮聚散長依鵲鵲觀卷舒時繞鳳凰樓  
漢家宮闕排雲上飛軒曲榭紛相嚮桂嶺遙連北斗高  
瑤臺互對西山爽翡翠翩翩戲錦波芙蓉處處迷蘭葉  
禁殿披香望翠華行宮避暑迎仙仗永檻風簾六月秋  
炎蒸不到鳳池頭誰憐塞外征人苦揮汗褰帷戰未休

### 飲芙蓉桂花下

幽居屏人事散步窺西園愛此池上坐獨開花下尊迎  
風桂子落照水芙蓉繁日入且歸去沉冥誰共言  
病瘍初愈文太史過訪

門成市隱習靜好樓居不以文園病寧來長者車  
閒喧鳥雀竹翠淨琴書客散玄言罷蕭然掩敝廬

自柳至平樂書所見

鬱白方言似潯潯瘴氣賒蜉蝣蛇睛掛樹射蜺蜚含沙屋  
覆湘君竹山紅蜀帝花夷堅收未盡博物待張華

送邵仲德成漳州

遠戍投蠻府孤舟送逐臣危言難悟主直道豈防身共  
下悲岐淚誰憐折檻人賜環應不久無用愁沉淪

送文一壽承王九祿之卒業治平寺

告我非遠別言從湖上居劇知山水癖無奈友朋疎竹

六國雅集九

十二

徑觀碁局雲門讀道書太玄如就草不惜寄吾廬

次電白觀海

電白城高海上開飛樓千尺俯蓬萊三山隱見從空起  
八極溟濛入望來蜃氣朝蒸疑是霧潮聲晝湧忽如雷

遙思驅石當年事直欲乘槎去復回

迴鴈峯作

北鴈不南去南人今北歸故鄉愁尚遠欲與鴈同飛

王參政名煥中字道思號南江一號蓮巖晉江人嘉靖中官江西大參有遵巖文集

書懷答彭石屋

已悔爲人學還因世網留行雲散岫逝水偶乘流

簡知無術交疎悟寡儔方將齊外物竊比我蒙周

送郭世重出守南寧

朗寧荒絕不堪樓游客懷鄉夢轉迷千嶺驟昏知瘴起  
四時不斷有猿啼居人半是梯巖峒行路相言避毒溪  
十載播遷仍置遠好憑鬼卜問蠻雞

將至毘陵一首

本乏敷言策翻成懷牒行未能違世網聊得免躬耕人  
吏遙相候江山若有情負愆還佐郡感激荷仁明

由撫州之建昌道中宿山寺

客行亦已倦投足秋山深月色空香徑清宵宿道林蒼

王參政

六國雅集九

十三

松多古意流水有餘音釋子一相偶聊忘生滅心

德安公署雨中書懷

荒齋掩夕景倦跡易淹留細雨同寒意空山向暮愁逢  
迎還自懶執掌祗增憂抱此微軀病何能爲世謀

王翰林名格字汝化號少泉湖廣京山人嘉靖中官翰林庶吉士

過獲嘉

漢帝昔東行城邑多改變新中獲嘉首賜名遂爲縣王  
者本耀德之人乃好戰海內竟虛耗奇功豈足美

報恩寺卽席分韻送谷宜興

送君江上去今夜宿誰家王子雙飛鳥潘郎一縣花江



門莫停轍竹馬待歸車思爾不能置秋風落日斜

閉門

閉門常理盡開苑自裁芸客難東方朔人嘲揚子雲丹  
經多爲病青綬未離羣時一揮霜簡銜恩欲報君

經修武弔嵇叔夜

中散山陽隱曠然其類心浮生聊寄鍛適意祗鳴琴慷慨  
絕交語淒涼幽憤吟至今日中奏猶自有悲音

冬日登望言志

寒山蒼翠擁城樓樓上遙看河水流楚澤誰堪千里望  
梁園已是一年遊潘郎鬢髮人空訝揚子玄成世未投

王維詩

八國雅卷九

古

心事生涯兩落莫夜來清夢但滄洲

田學憲

名汝成字叔禾號豫陽河南人籍  
錢塘嘉靖間官廣中提學副使

發潮音樓峻崖西越永清塢獅子峯同黃勉之

望望入名山行行卽佳境日永思俱遲地邇遊堪并霄  
外憑飛櫺雲端度懸磴鹿苑息蕭騷獅峯閱雄勝江暄  
樹影重風疾潮聲勁霽景益高朗清暉互窺映身世欲  
兩忘眺聆亦交瑩玉度婉良儕瑤音振廢詠樂道匪清  
狂宅心屏華競真想安所期濠梁緬同興

贈子木

達人思精妙甄陶括緯象山水滌玄襟琅玕振清響天

天春藥舒潑潑秋蘭爽愛子獨步才愧我一日長樂善  
豈面諛忘年廼心獎居鄰桑梓間契託雲霄上北懷箕  
穎期南結羅浮想但恐搏扶搖枋榆空悵惘

冬夜宿省中懷應邦材

寒月滿空除清霜零碧樹但切懷遠憂轉展不可曙飄  
忽柰歲何佳人渺何處泠泠渙秋瀾矯矯孤鳳羽炯炯  
來夢思忽忽不得語安得凌晨風奮飛從此去

登月潭寺東閣

流覽披高閣探奇挹秀岑棟雲合宿潤簷木敞秋陰滴  
乳滋丹壑飛淙散碧林庭虛朝鹿至潭黑夜龍沈仙窟

王維詩

八國雅卷九

十五

功

窺天近禪扉映雨深遐踪驚鷺嶺孤嘯振鸞音已躋真  
如境仍慚大隱心異方違夙願偶勝慙幽尋

瑪瑙山居

高閣迴層氛迢迢積翠分漁歌湖上起梵唄谷中聞終  
夕惟清簫諸天多白雲儻逢鸞鶴侶從此便離羣

湖上春行

滿目展韶華行遊處處嘉野橋春澗水古寺曉園花柳  
浦歌船集烟村酒旆斜三堤紛若市爭看玉人車

烏鵲灘

一葉中流下千山兩岸開鼉鼉吹浪轉燕雀受風迴奔



峭迎船出啼猿近客哀從來輕險絕涉此寸心摧

### 家計

避竹深開徑牽蘿短結屏捲簾延草色啓戶納山青花  
氣蒸人睡溪風吹面醒倚欄聊一眺雙鷺下蒲汀

### 曉雪寫懷因寄京國舊友

雨雪霏霏曉漏遲天門忽憶放朝時光凝紫陌搖銀燭  
花點朱衣照玉墀此夜枕衾人倦起殊方牢落歲頻移  
應從上苑看梅發不向湖南寄一枝

### 山居雜興

深居簡出意如何一任頽垣長薜蘿  
月閉門無客到

八國雅卷九

上六

花時對雨有鶯過  
經欲定名方少  
琴譜曾翻雅調多

淺碧溪頭閒白鷺  
近人那復畏虞羅

芙蓉窈窕月朦朧  
草閣遙憐玉殿風  
曾從龍舟西苑裏

正聞蓮漏百花中  
珠簾捲霧搖波綠  
寶扇雲開射日紅

恍向九霄重浪跡  
卻忘身世一飄蓬  
時公以祠部  
賜遊西苑

施少府  
名漸字子羽號武陵無錫人嘉  
靖中官海鹽丞有施武陵集

### 示兒陽得

嘈然真琴書白日閒如此共以蓬蒿身相去南北里高  
樓多遠心流雲過如水有意不能言  
愁來但思爾

### 贈顧長治遊蘭亭赴陳山人約

蘭日以芳風氣日以變君往對山人如逢昔人面

### 晚步池上

弄翰乘暇日池上步適  
魚翻在藻落葉亂鳴條流  
序忽如此寸心久  
沮溺輩躬耕趣

### 寄顧太常先

一官贈賂今幾年  
當朝公卿盡知己  
白下清名滿人耳  
早晚爲雄

八國雅卷九

上七

低頭未必常如此故園桑陰餘十畝  
新落草堂堪樹柳  
明時事業或應車  
仍許彭宣及門否

### 贈吳送

山人爲客吳門久白髮蒙茸將被首  
興到青山不問家  
笑來花肆常沽酒  
行路蕭然滿篋詩  
徧於海內覓相知  
自言身似陶弘景  
說與世人何必疑

### 觀華從龍舊蒲歌

愛君種植本無心一草一木皆成陰  
盡道人間蒲葉細  
如君豈是性幽沈  
滿庭青青翡翠色  
細看蒙茸不勝摘  
縱使金刀剪未齊  
假令比羣猶光澤  
噴石飛流作霧集

葉一珠清露漙漙不見神農著藥經食之不死通僊  
靈君今未學長生術對此觀書亦眼青

贈金山智公

四顧水皆繞所居幽出塵齋鏡不到岸漁火自來隣心  
共寒潭徹經翻貝葉新住山知有道一叩了無因

贈陳鳴野

達士不遺世名滿貴游少年棄劍術中歲學浮丘去  
後多懸榻見來常敞裘吳門豈久客祇爲故鄉留

送萬隱君歸南昌

遠遊因返駕別子去河陽琴裏將流水山中製薜裳跡

從巖桂隱機共海鷗忘他日聞徵士知君在豫章

贈姚山人

但說藏修密迳信不如往來山館僻形跡世人疎滿  
壁揚雄字經年在史書莫嫌居巷陋常是駐高車

謁邑宰萬楓潭

久耽山館僻偶出豈開尋不見彈琴亭空懷流水音鹿  
鳴廳事靜鐘歇臥齋深不敢題門去春風將此心

自白氏別業歸齋中

自喜茅齋僻經時草木深見人稀側旋抱膝或長吟疎  
雨喧庭雀閒牕澄夕陰會心方在寡碌碌豈知音

初授官東友人二首

舊說東南尉不才今試爲舌存安足問絲染始堪悲  
梓連山谷魚鹽到海湄將因詣世務一使作農師  
懶散宜卑秩逍遙比漆園幽庭訟事簡靜夜海音繁  
福元爲尉陶潛已較文都門謝知己此別復何言

和萬吳二明府夜集俞汝成讀書園

去市未爲遠到門終是幽小池皆下滿嘉木雨餘柔鳥  
影高臺近春香各逕浮不妨車馬客暫此共林丘

寓白氏溪莊

常規晤君疎清溪偶近居扁舟纔出汶高樹是精廬別

院連絃誦聞房貯道書晚來聞下榻莫誤姓爲徐

辛丑初春再至南都

客衣又見染緇塵纔到京門是蚤春舊寺逢僧已隔歲  
同隣問友半歸人寒輕遠岫烟中綠水滿平湖雪後新  
自嘆不如沮溺輩不忘畎畝去尋津

荆川罷官歸去

意在忘言絕問音別來終是憶君深校書史館還携藥  
謝謁私門久卻金將謝藏新闢徑伯牙山入舊鳴琴

世途翻是身閒好高門將名跡侵

蘭溪唐君錫新江上夜會華明伯席作

時首相聞已有情竭來一見各心驚笑言千里不自意  
霜露滿衣猶欲行江口鴈飛逢歲暮渡頭人去赴潮平  
看君到處多迎送定向王生叩論衡唐摭所著時務論示余

送萬侯應 召之京

如君爲政豈謀身 當宁知名有幾人解權猶餘五湖  
興匣琴方見一官貧楚山偏是淮南綠舊友何如  
帝里親却望清班隔塵世秋風茆屋更誰論

雨齋自述寄王駕部

始知蓬藿蔽門深豈是幽居避物心舊業盡荒秋雨裏  
一身閒臥碧溪陰園空三徑人稀到名在諸生老半侵

集解 八國雅卷九

幾度憶君相共語高山無伴只囊琴

舟次淮上寄唐荆川太史

離心祇爲故交存長路蕭條豈足論身在楚中書未達  
舟行海畔氣常昏雪深正憶橫經講夜靜還疑對榻言  
近日天官動太史知君不久臥江門勸仕

出京後寄酬華學士

遠別惟君屬意頻塞翁解事見偏真文無可薦羞逢友  
道不投時悔入秦高館琴書侵薜荔間門衣帶絕風塵  
故園轉憶漁樵伴應信山人未厭貧

病臥縣齋呈諸僚長

豈是官卑易去留未能高蹈媿林丘公庭積夏常虛訟  
弱質逢秋已製裘雨帶潮聲偏傍枕山連鴈影恰當樓  
世途轉覺蕭疎甚始信嵇康薄宦遊

賤齒六十仲山僉憲有詩投贈和韻酬謝

同方謬許出人羣今日蹉跎却媿君官畏折腰偏作尉  
門嫌近市欲棲雲勞生已悔雕蟲技習靜翻耽貝葉文  
且喜東風轉暮春和隴草漸堪耘

寓居寺閣晚坐遣興

高閣東林出翠微萬家烟樹晚依依涼風入院僧初定  
片月臨牕烏獨歸學道但今知我少逃空始覺足音稀

集解 八國雅卷九

社中何用求玄度久住深山自息機

張氏溪中倒浸九龍山影作詩贈君順

開門看山不嫌遠青山却在清溪底風定常窺雲氣生  
波搖疑是蛟龍起咫尺嵐光不染人丹青誰是此中真  
汎舟欲問張衡宅一帶書聲近水濱

冬日遊天竺寺

緣湖始忻往還覽歷歷幽尋山到不容路雲藏猶有林  
前寒澗落榻下白雲深積雪千峯裏寥然空世心

姚山人名杏字舜齊號潛坤無錫人正德萬曆間隱于濠北

桂亭爲豫章萬隱君賦

南山鬱秋香重樹花白高人愛崑樓踏攀理輕策覽  
彼雲木秀悠然縱所適結亭青林端幽賞非矯迹冷風  
吹霞裾涼月挂石壁襲芳和天倪餌實駐顏色淮南詎  
可招此意良自得願貽瑤華音一憫山中客

月夜重過盧氏園

幽人厭畫喧清夜到盧園池暗柳初長林香花正繁孤  
亭抱曲水明月浸芳尊況有求羊侶時來一晤言

寄碁士

坐隱自成癖清秋掩竹扉君方求決勝我意欲忘機花  
裏日多暇橘中人已非更期風雨夜相對說玄微

山人

八國雅集九

三

蚤春過武陵齋中論往事盡日

中歲隱南郭超然似子綦寥營知繕性抱藝耻干時才  
屋春流繞花畦淑景遲與君論風志卽此愜幽期

送陸肅龍改教台州

前北鳴琴政已成談經又向越中行始知風雪盧龍塞  
不及烟霞古赤城

雨後湖上卽事次答僅初

深樹隱荆扉朝來人跡稀閒聽水禽語遙見山雲飛采  
蕨聊供餌裁荷欲襲衣君心游物外吾亦久忘機

春夕同鴻山學士宿虎丘僧舍

春水方舟疾清言相梵宮偶從金馬客來宿翠微中一  
榻慈雲淨諸天慧月同未能留半偈應自愧生公

屢訪李戶部不遇

君爲薇省吏何事戀空山麋鹿因知性松蘿日抱關機  
忘飛鳥外跡厭市聲聞豈是龍門遠常懷敝刺還

子鳴還太末葬母

愁看衣上線濕處是啼痕未上青山宅空懷白日恩三  
年牽遠夢此夕返游魂獨有鼻魚恨逢人未忍言

與僅初酌花下

交親盡零落此地又逢君技絕雕龍辯才高石鼓文自

山人

八國雅集九

三

能消鄙吝不復嘆離羣日醉芳林下花殘未忍分

北濠捕魚歸舟卽事次是翁韻

落日餘光映斷霞數株衰柳倚風斜漁舸並繫荒洲曲  
隔水青帘是酒家

次答俞伯子若餘亭燕集

芳亭池水上玩物對朝曠拾級盡奇石四簷生片雲煖  
薰花氣入風散鳥聲聞況有烟霞侶清談吐異芬

陳隱君

名鳳字鳴岐號石村無錫人正嘉興隱于東郭

九日顧少參招遊翠微閣

美人啓芳約駕言登翠微遊茲風日佳山水揚靈輝采



牙更花冉冉芙蓉旂相携猿鶴侶載欸神仙寮中有  
綠髮翁披雲茹金芝形骸一似蛻高踪良所希願言示  
真訣霞舉世可遺

拂水歌

與王仲山姚潛坤陳近思陸具區同作

海上之山七十有二峯一峯飛落天南東兩崖千仞忽  
中斷靈泉秀出青蓮宮豁豁石勢虎豹怒奔淙吼瀑日  
夜吹長風有時明月劒門吐素娥雜珮來瑤空珠簾倒  
映花玲瓏忽驚雷雷起絕壁咫尺洞府生蛟龍白虹迸  
地銀河通會看霖雨萬里歡春農

悼鶴

陳隱君

八國雅卷九

五

之

青山愁燕鶴仙侶若爲分影斷華亭月魂歸遼海雲松  
庭空獨立蓮漏不堪聞忽忽秋來夢清宵幾見君

留客

積雨江村百草蕃雄心寂寞長卿園涼秋有客山當座  
晚色開尊月滿軒漫有葡萄供野興何妨首肯具盤餐  
杖藜不厭幽棲處明夜還來蘿薛門

寄秦甥子成

關河千里路微茫一月無書寄草堂天外忽傳青鳥使  
花前如對紫薇郎佳期已負西樓月珍賜還分別聚香  
真向臺端念鄉國好持風裁拂秋霜

宿尤村渡同呂思齊

寒烟蒼蒼溪路昏月出斷岸溪光分孤舟畏險不復渡  
兩人對酌皆成醺苦憐白日易華髮所喜青天無片雲  
權歌漁父杳然去縱橫野水蘆花村

陸文學

名九字一之號修吉一號具區子無錫人嘉靖初邑博士弟子

荆溪上

東風靜捲游絲長桃花半落流水香美人照水芙蓉裳  
蘭橈玉腕擊波去欲來不來空斷腸

晴海行贈吳廷綸

氣竭東南地維缺百川歸墟尾闕洩陰霾腥風

唐文學

八國雅卷九

五

之

高濤亂捲夜不乾日華穀轉咸池紅曜靈下燭魚龍宮  
青霞倒射飲無迹珊瑚欲透玻璃碧天吳海若如燃犀  
容光直徹崑崙西明明中天不私照河山大地虛朗曜  
正明大潤被海隅坐令昏暘昭且濡海上主人樂觀海  
披雲揭日挹光彩我歌得似彷彿無誰哉移入丹青圖

劍口行

巖巖飛光犯天關玉龍出山山石裂天丁卷土驅入海  
芙蓉萬丈如壁立兩山夾天天亦低愁雲泣霧晝不飛  
組龍變華亦何有把劍欲淬青鸞鵠束封南渡或一至  
睥睨霜剛那敢試怒來盡截千松頭泉聲猶含灑天淚



鮪氏不識神之功至今猶詫仙人峯

蕩子婦

兔葵齊齊燕麥黃吳蠶欲老空春桑蕩子在遠道青蘿  
當鹿場願作五色線綴君芰荷裳八月秋風歸蟋蟀將  
在堂

道中

六月南湖道東風看水生柳深藏夢鳥沙白引孤城歌  
扇晴薰薰望初落日輕牀頭有雙劍忽復作龍鳴夢作去佳

夢不歸人歌

九尾綵綵向南坐道君出關符錄火思陵趙九虛席左

陸文學

大國雅卷九

三六

五

僊經不錄貴仕意衣仙人戴三朶門生天子尚徒裸  
牌曉賜真人可金牌夜開壯士鏤五城梓宮誰解裹  
百年莫挽匡山柁蓼衣真人得因果玄都青草青無那

橫塘曲

東南風溪水深西北風溪水落水淺舟楫遲水深波浪  
惡深淺妾自知郎心無用薄青絲挽舟河柳長驚驚夢  
冷芙蓉香雞頭葉嫩菱角短寶鸞香動遊人滿玉釵金  
珮越羅襦紅香汗滴青葱裾君子貴在無非儀妾亦豈  
慕歌大隄春風東來鴈北去來問橫塘雙鯉魚

夢不歸人歌

妾心如柳枝郎心如柳絮風枝空依依花飛復何處夢作

席上分韻得歌字送楊將軍

江門開祖帳其柰別情何勝國消金甲樓船擁素娥明  
花青玉案細雨鐵錢驛泗水旌旄灑汾陽開濟多長年  
催去鷁落日奏靈龜萬里春風道離歌亦凱歌

石村阻風望虞山

楚天風雨夜不斷行帆盡染花間雲寒沙走白江岸折  
陰壑散青蘿竹分草堂飛管已信宿春山隱几空氤氳  
淥酒明燈亦自喜雷聲無那隔溪聞

二胡曲

陸文學

國雅卷九

三七

五

金刀泮剪青天雲東風百丈桃花津醉拍銅斗出青門  
吳歌越歌湖上聞南帆北帆柰落暝

湖上有僧號西問者因贈

白馬寺前飛赤鳥滿月優花老苾芻游子東來問江水  
袈裟濕雨上春艫

半山

山深翠微寒飛花亂如雨輕風吹白帆落日在江樹

顧舍人

名可文字與文號慧崖無錫人正德中官興藩引舍人

與萬侯王侍御登大石作

遙攀香磴入寺到翠微逢一片林間石千尋湖上峯僧

來因汲澗鶴下欲巢松長嘯匡山曲都忘去住蹤

酬陳鳴野移樽見枉東林園亭

陳常郡人籍山陰

有客自於越故鄉烟水深披圖訪海嶽載酒造園林驚嘯發清籟虬髯足朗吟極知稽叔夜頗愜呂安心

宿華藏寺

寺古垂藤暗林香滿徑幽孤亭千嶂暝雙鴈五湖秋僧是青蓮藏經從白馬郵浮生無住若何必問嵩丘

移菊

散步下東臯寒花沒秋草彷彿對南山荷鏡見幽抱永懷漉酒翁聊以見孤操

八國雅卷九

二十八

遊香山諸寺

飛磴躋難到幾林度幾重樓臺逼層漢縹緲接高峰白下巢雲鶴青連覆殿松翠華臨幸處時說有參龍

侍宮保兄西內上香恭紀

太液浮仙島凌空玉作橋苑花連鳳渚宮柳拂龍船寶殿琉璃合珠林翡翠饒不因鴻鴈翩那得到瓊霄

對菊

叢叢黃菊繞畦栽日日清溪抱甕來政是滿林霜葉落幽花偏對隱君開

國雅卷之九

國雅卷之十

勾吳顧

起

給事

國雅卷之十

唐中丞

名順之字應德號荆川武進人嘉靖中官都御史

寓城西寺中標言五首

金馬違朝謁雲林久臥疴瘳寒鳴蟬蛩庭古陰藤蘿束帶知聞減觀書厭帙多無人來問疾獨坐似維摩少年好疎懶遂與性相安經月宿慈林逢人或不冠鼎裏金將化藥中玉可餐解言股屣易豈憚拂衣難緇塵坐自染白社偶相尋俗子慚玄度名僧卽道林三生空有偈五蘊本無心說法何須難忘言悟已深

唐中丞

國雅卷之十

一

十

誰言龍藏遠亦在鳳城旁塔湧金銀界筵開功德場常明瞻慧月利涉藉慈航沈痼還能遣齊心奉藥王秋來不覺早落葉忽已繁物化每相代吾生尚何存微材同榜檣僻地當丘園竊慕東方子一官堪避諠

同孟中丞游龍泉寺

寶地風塵絕琳宮日月偏鴈來還繞塔龍去尚留泉戶裏天花落空中梵樂傳遠師休禁酒客醉欲逃禪

普濟寺同孟中丞作

宛轉雲峯合微茫鳥路通照來竹林下醉臥石房中陰礧泉先凍陽崖藟尚紅攀蘿探虎穴憩石俯鯢宮上

留帶山僧不避曉夜深清嘯發流響入寒空

### 秋夜

捲帷望秋月月皎心亦清牀下寒蟲響庭前落葉盈漢  
陰鮮機械河上多道情一適萬事畢棲棲何所營

### 禁中遇雨

紫閣蕭陰陰重門寒意深忽看百里霧來作九秋霖灑  
道先清蹕霜花度禁林樹即方夾陛立雨濕衣簪

### 十五夜旅懷

暫假明光草首從洛下遊塵沙兩河夕風雨二陵秋鏡  
有清郎髮鬢無季子裘更堪三五夜獨自下西樓

唐書

八國雅卷十

二

才

### 山行即事

息馬依叢薄寒棠涉淺沙桃源無俗轍雲谷有人家凍  
整合朝雨晴峯聚晚霞相期白社裏共聽演三車

### 送程翰林松溪謫居潮陽

窈窕玉堂仙漂零瘴海邊烟花達北署鴻鴈隔南天水  
暗疑藏鯉峰高欲跼鸞應聞前席召誰道去經年

### 送孔上公助祭太學歸闕里時賜袞衣一襲

國喜嘉賓至人攀上客行來觀周室禮去入魯王城新  
袞山龍炫餘堂金石鳴聖朝稽古意待爾示諸生

### 輓張舍人

少小侍中郎人稱張辟疆方隨雞樹息忽是鳳毛亡劍  
歌雲間氣珠沈掌上光一經何所托重為相君傷

### 登孫登嘯臺

晉時肥遁士長嘯此山陰自遠龍蛇跡能為鸞鳳音清  
淨同河上沈冥異竹林坐超惟默理妙契守雌心逸駕  
應難返荒臺尚可臨俯看恒衛水遙見太行岑砌冷疎  
花發扉扇落葉深寧知千載後更有阮生尋

### 銅雀臺

玉筵從茲闕銅臺空自寒分香留故愛同聲罷新歡急  
管銷魂易輕絲續命難何因作雲雨彷彿夢中看

唐書

八國雅卷十

二

才

### 嵩陽宮柏

嘉樹植崆峒年長勢更雄已無秦帝幸尚有漢皇封餘  
比孤生竹根猶半死桐靈泉玉女灌甘雨猗神通葉密  
鶯難度枝樛葛易蒙垂陰九華帳弄影五雲宮色掩重  
巖翠聲含衆竅風賓來虬蓋偃仙去鶴巢空非因不材  
壽春秋自無窮

### 皇陵行

皇陵鬱鬱標淮甸泗上諸峯盡相面衣冠月出鬼前驅  
劒璽晝局人不見銅井沈沈碧砌寒綵霞隱映紅闌干  
碧砌紅闌松栢裏迢迢複道中天起石馬陰嘶萬歲

山靈風暗捲長淮水深山大澤雨纏綿元氣氤氲幾日  
年憶昔元朝赤縣裂爭雄逐鹿俱豪傑一朝此地黃龍  
飛蜿蜒鯨鯢徒濺血已聞帝王自有真更說南陽多貴  
人戈矛貔虎三千士礪帶河山十八臣江左金陵扶地  
軸漢家豐沛還湯沐復戶蠲租父老歡重門列戟園陵  
肅羽騎千屯護玉魚藏封數仞堆金粟御碑突兀表  
勛勞百里無人敢樵牧流傳八葉到神孫孝敬先知  
重本根伏膺承晉時不後清明寒食常澆酒貂褕中使  
日焚香豸黼黻中夜朝斗新遣撫臣茂祭君不見驪山北印盡  
秦蕪五陵佳氣空模糊壯哉茲陵從古無天長地久垂

鴻圖

六國雅卷十

四

十

從軍行送呂兵曹募兵遼海

匈奴十萬入雲中烽火照耀甘泉宮戰士三春不解甲  
天王一怒欲臨戎追奔盡還流星騎併敵齊分明月弓  
虜氣憑陵恒候月漢兵超忽若乘風已聞舊戍黃花口  
復道新屯細柳中飛沙颯沓迷亭障組練繽紛皆北向  
赤羽朝徵六郡材白茅夜拜五丁將呂郎磊砢似劉生  
許國從來氣不平匣裏雄韜藏豹變腰間寶劍作龍鳴  
救散萬金收猛士身騎匹馬出長城行踏結遼西  
角六情開海上營誓同奮仲熊飛箭甘學終軍漫

建節行行通大漠檄書馬上時能作瀚海雲連太白  
燕然雪照旄頭落知君意氣坐相邀五百神兵集一  
漁陽突騎蛇矛銳幽并俠客鐵騎驍車上礪人常買  
帳前戲稍屢爭標共道百年胡運息直教一戰虜塵  
歸來奏凱獻天子功名絕勝漢班超

歌風臺

我來擬上歌風臺豈意臺空只平地琉璃古井亦崩壞  
斷碑無字苔蘚翳當年此地說豪華富貴歸鄉多意氣  
粉榆社裏列黃鸝泗水亭前張赤幟里中父老競來窺  
昔日劉郎今作帝共談曠昔帝一喙季固大言少成事

唐詩

六國雅卷十

五

文

椎牛張宴里閑空進錢今日幾萬計坐中只戴竹皮冠  
眾裏長呼武媚字酒酣擊節帝起舞樂極欲殘更流涕  
遊子誰不悲汝鄉萬歲吾竟猶樂沛賜名此朕湯沐邑  
世世田疇免私稅風起雲飛又一時往事蕭條復誰記  
樵人不識斬蛇藪行客還歸貫酒市臺下黃河盡日流  
瞬息人間幾興廢

寄周中允備禦關口

牙旗高建白羊東鼓角殷殷瀚海空雪後錦裝行塞外  
月明清嘯滿樓中幕府且部思歸義前北諸軍盡立心  
燕領書生人共羨筆事平戎



張相公壽詩

惟中運策九州清共說留侯在漢京賜第近連平樂觀  
天朝新給羽林兵儒生東閣承顏色酋長西蕃識姓名  
却望上台多氣象年年長傍紫宸明

朱仙鎮觀岳將軍廟

丹青畫壁閃旌旂想像勤王轉戰時黃屋未歸南狩駕  
金牌已罷北征師平蕪漠漠前朝隔曠野陰陰暮鳥悲  
惟有西湖原上樹春來猶發向南枝

暮春遊陽羨南山

洞四石縱橫流泉復有聲柴門何處入雞犬自相迎靈

國朝集卷十

六

草知昏曉時禽識雨晴非因罷官久誰得此閒行

花落已成蹊村村綠葉齊一園通蝶戲千嶂隔鶯啼澗  
草多名惠山人舊姓嵇窮歡猶未返忽是夕陽西

送白尉往湖州

君家太湖北作吏太湖南驛路雞鳴近山城樹影含萬  
川疏沃野百室競春蠶幸此猶吾土微官也自堪

送林宜興遷官南部

移家偶愛山中靜地主何煩重相敬吾生耻學茂陵郎  
如君豈是臨邛令誰言陋巷不容車勞君擁蓋常造廬  
誰言簿書日紛糾勞君爲我頻置酒五月清溪暑氣微

淡留竹裏共忘歸乍看朝霞初冒嶺忽驚夕露欲沾衣  
清才自合翻飛蚤一朝西上金陵道請君別後無寄書  
山中相識日應少

題龍圖

世人盡能得龍皮叔也盡龍得龍髓當其停手凝思時  
青天颯颯生風雨却怪三年不點睛那知一日飛騰去  
山莊閒居

身名幸自謝龍樊白首爲農誓不諉慣住山中知鹿性

數行樹下識禽言市中車每許隣翁借書帙閑同道士翻

醉後漸看松月上滿村雞犬寂無喧

八國朝集卷十一

七

廣德道中

蒼山一轉見炊烟市屋高樓古樹顛細雨薜蘿侵石徑  
深秋稷稻滿山田雲中望影迷遙岫草裏聞聲覺暗泉  
倘遇秦人應不識只疑誤入武陵川

聞復官報寄京師友人

姓名不復挂朝參魚鳥由來性所耽遠裏符經都已廢  
山中藥草漸能諳疎狂自分三宜黜懶病其如七不堪  
深謝故人推轂意莫將陽羨比終南

代東寄京中舊游

莫須彈劍嘆無爲自愛山中舊日廬雨後亂蛙生散電



秋涼落葉伴閒居身隨老圃偏能慣論學潛夫愧不如  
故人休訝無相訊中散從來懶作書

寄題顧東橋侍郎載酒亭

後世還門有子雲爲耽寂寞臥江濱門前卽是尋山路  
座上偏多載酒人祿位已非執戟賤文章真與太玄鄰  
石月候芭應自笑不知何日望清塵

送樊醫歸南昌

山人自小愛遊方尚說懷歸意不忘別友因留隔歲藥  
還家試解百金裝澄江盡處聞鄉語暮雪深時到草堂  
願爾常如秋後鴈一年好是一來翔

國朝雅集

八

送王翰林浙江兵備

同時詞客不如君一劍還將靜海濱雞舌盡從香署吏  
虎符新領伏波軍帆檣萬里輸紋纈樓閣三秋吐蜃雲  
自笑馮郎將白首欲從幕下策奇勲

聞石屋彭君置生棺有感爲賦

隱几嗒然安疑君是鵲冠道書肘後繫人世鏡中看家  
本無千橘生常臥一棺不因茲下淚任爾門彈

李文選藏書歌

中麓子最好奇平生苦心只自知  
山欲出禹王碑鳥篆蚪文焚後予白雲黃竹刪前詩  
藏

匡及海窟神物守護誰得窺自從撥取歸君屋

胡山鬼夜哭汗牛詎止盈五車插架應知滿萬軸開  
函几席生雲烟五色紛紜耀人目家中綾綺割截盡更  
剪朝衣作裝束中麓子幾歲讀書長閉門自信中郎能  
一目還輕左氏識三墳邇來下筆詞賦絕似先年石  
鼓文却憶射策來京國此時才士紛如雲雕龍白馬爭  
先後一日逢君皆閉口試問鼯鼠君已知解對黃熊誰  
更有共看飛騰遁等倫蚤排閭闔上麒麟遂令統禔生  
嘆息公卿元是讀書人老大無聞予自憐論交多愧十  
年前可道壯心猶未已時復從君乞一編

國朝雅集

八

九

送鄒東郭掌南院

最憐江左風流地暫作周南太史公通籍總稱鸞掖吏  
分曹獨向鳳臺東香携漢署沾新綬花近秦淮瞰故宮  
此去談經門下客幾人相對坐春風

贈吳山人歸自京師

山人不解機心事蚤歲藏珍學鹿門住傍巖崖惟四壁  
賦成金石幾千言偶遊卿相多懸榻歸去蓬蒿正滿園  
京洛豈無知已在看君終是厭煩喧

次韻贈湯將軍

將軍故中山侯之孫也

將軍妙算古人同料敵常如在目中鐵騎連營寒映月

舟跨海夜乘風玉門烽火今猶急  
却笑封侯應有種看君百戰立奇功

宿遊塘書懷

雨過草木好夜來池館清  
露蟲疑燭影風樹客書聲似  
飴甘無用爲羶厭有名且師河上叟  
毋使慮營營

遊陽羨南山

到處暗杉松多言路不通  
却從青嶂外轉入綠園中  
谷口逢茶女溪邊狎釣童  
勿嫌疎散甚吾亦是愚公

題金山寺與僧惠傑

何處尋龍藏停橈聽梵音  
中流一塔影遠樹萬家陰  
僧

六國集卷十

十一

正

定潮來去月明江淺深  
試將空水相堪比慧公心

隱隱帆檣外分明見法幢  
川光孤斷石井脉割寒江  
折

筆僧歸渡觀潮容倚牕  
一窺龍女偈坐使戰心降

憑虛面而面秋坐據三生石  
心隨萬里流龍

龍爭出沒樓館定沈浮  
向夕烟氛歛珠光似可求

過清溪莊值主人不在

岸岸夾叢竹清溪幾許深  
君從城市隱余向碧山尋  
騎驢孤村景刀刀泉木吟  
還看題壁字想見閉關心

題清溪莊

城無往來久獨憐湖上居  
素封千樹橘白首一牀書  
山

名秋分蜜溪吐夜捕魚橫  
金豈不貴此舉復何如

贈山陰陳千戶病臥毘陵三首

聞子來何處云從剡水陰  
越吟多病客吳語故鄉心  
尺牘人爭美一言余所欽  
由來絕絃意今日爲知音

到處能驚座知君是姓陳  
小言工作賦大隱不違親  
倒

篋酬寒士投書絕貴人  
吾將從汝去共醉若耶春

高牙將門子何事老蓬蒿  
坦蕩從吾好浮沈任所遭  
行

第五名岳家住一漁舸  
尚覺雄心在逢人脫寶刀

岳將軍墓二首

國耻猶未雪身危亦自甘  
九原人不返萬壑氣長寒  
豈

唐詩

六國集卷十

十一

之

恨藏弓早終知借劍難  
吾生非壯士於此髮衝冠

誰將三字獄墮此萬里城  
北望真堪淚南枝空自榮  
國

隨身共城相與虜俱生  
落日松風起猶聞劍戟鳴

日本刀歌

有客贈我日本刀魚鬚作  
靶青綵綆大海茫茫浮度來

身上龍文襍藻行悵然提  
刀起四顧白日高高天炯炯

毛髮凜冽生雞皮坐失炎  
蒸日方永聞道倭夷初成

幾歲埋藏擲深井日淘月  
煉火氣盡一片凝冰關清冷

持此月中斫桂樹願鬼應  
知避光景倭夷塗刀所人血

至今斑點誰能整精寶與  
刀相隨清宵恍見夷鬼影

邇來韃靼頗驕黠昨夜三關又聞警誰能將此向龍沙  
奔騰一斬單于頸古來神物用有時且向囊中試韜穎

題龍池菴

相傳伏虎禪  
僧開山處

遠遊爲訪白雲巖轉盡孤峰路更南龍見小身時出井  
虎馴大士舊開菴禪心客思俱潭水古佛寒松共石龕  
坐對老僧無一事夜深相與說楞嚴

贈龍池菴老僧

僧解相人術少嘗遊  
歷江南晚歸菴中

蚤從祝髮事棲巖爲禮名師每向南用華嚴事業淨六根成

幾龕若使焚香能證道前身應說是香嚴

唐集

國朝卷十

十一

之

贈司訓壽詩

白頭博士蚤懸車鳩杖扶身八十餘甲子暗占絳老歲  
今文口授伏生書清尊只許通門客隱几何心出里閭  
應笑贏金無所用仙郎才藻更誰如

贈袁御醫

家本東南海上村翻因避世向金門熊經自信窺真訣  
鴻寶還將獻至尊鳴珮偶隨供奉侶下簾長對道  
家言山人不厭少生事種橘年來滿故園

趙州懷古

千秋霸業消沈盡風俗猶傳趙武靈市上笑人揮錦瑟

場中俠客舞青萍鴈門北去通沙磧烏道西來入井陘  
欲向平康訪公子蕭蕭賓館戶長扃

元夕詠水燈

正憐火樹關春妍忽見清暉映夜闌出海蛟珠猶帶水  
蒲堂羅袖欲生寒花不礙空中影暈氣疑從月裏看  
爲語東風暫相借來兒還得盡歡歡

羅贊美

名洪先字連夫號念菴吉  
米入嘉靖中官奉坊贊善

萬應園總戎臥病臨江邀晤天王寺

別君淮水上歸臥一丘閒時見白雲起如同滄海間遠

書來昨歲離思滿秋山何意輕千里扁舟恣往還

唐集

國朝卷十

十三

文

饒同年薛畏齋

送君不忍別酌酒暫爲歡寒雨誰論失江鱸今可餐買  
田多種秫養竹自裁冠倘遇南來鴈因風托素翰

安慶弔余忠宣公墓

淮南兵甲正紛紜不爲酬恩始立勳城上女牆頻易主  
池邊神道獨憐君一身自許生無負數口還從死有聞  
此後觀風求國士不知誰屬似將軍

書永慶寺壁次荆川

城陰背流水遠樹夕含風避客溪橋外逢僧野竹中問  
名無以答齋食偶然同更向忘歸處方知過去空

逸女兄夫周龍岡

結茅依野樹巷僻少來車落葉滿庭下寒山半雨餘忽  
言京邑去因憶貴交疎問訊休相及爲農久廢書

竹林寺

了無俗事臥松陰起共閒僧訪竹林丹藥不傳留塔影  
白雲猶在見禪心石如佛手摩僧頂谷轉禽言學梵音  
本是化城無住處被誰迷妄到如今

權生行

昔遊燕趙訪奇士廉頗已老荆卿死 君門羽林十  
萬師惡裳羸馬長安市倦客來窺古北口黃花白檀夜

八國雜卷十

十四

\*

不守將軍立虎印空懸部曲首鼠城頭走傳聞下詔選  
材官南畿東郡多凋殘已典衣糧給弓箭更賣田園裝  
馬鞍權生何年挾長技挺身六尺埋名氏天王寺中霜  
葉黃一見臨風增意氣運矛橫槊百莫當飛步怒視哮  
聲長出奇逞變不可測燈前天地俱低昂酒酣拔劍爲  
起舞頓挫掩抑尤雄武三十六勢手法強不遇張顛誰  
爲數臨江節士古有名嗟我無力搖公卿 天子初  
聯十二營鞭撻四夷方洗兵權生權生休自輕

自佛手巖入慈雲菴

結茅應未久初地暫相尋偶誦蓮花偈因憐祇樹深嶺

雲垂佛手巖石對禪心莫作楞伽鳥終朝學梵音

石峯僧

石耳峯前古寺秋逢僧留宿話裴休有人問汝因緣事  
莫道前生是石頭

夢同程松溪蚤朝

白雲終日滿青林無復人間百慮侵誰信牛衣當戶臥  
尚懷 鳳閣聽鐘心故人此夕寧相憶暫語臨岐杳莫  
尋不是年多翻喜獵從來犬馬念恩深

沈太僕

名愷字舜臣號鳳峯華亭人嘉靖中官太僕卿

園中禱言二首

沈太僕

八國雜卷十

十五

之

中歲不自好營慮相糾纏寧如返初服停策倚林泉豈  
不羨松喬生本無僊緣鍊形得長生此事終茫然有溪  
亦可漁有山亦可田營已良已足踰分詎自全青陽不  
再御朱華苦易捐欣然命卮酒且以娛天年

地僻仍寥落避人居更深閒雲常戀石倦鳥不辭林偶  
見碧湖水澹然空我心抱琴從所好悵矣渺知音

秋日野興

漸遠風塵迹殊深湖海心京颺疎古木流水散幽琴鴈  
落浮寒影鳥樓下夕陰姓名人憶少應合謝朝簪

蘇臺弔古



草寒烟日欲斜孤城落木無歸鴉  
不記當年曲麋鹿時依廢苑花  
范蠡湖邊應識主子胥山外更誰家  
相逢莫問興亡事越水吳山並可嗟

### 登釣臺

天上徵書至先生只釣磯  
翻疑輪壁意不似故人時

### 高郵夜泊

兼葭淅淅吹行舟芳草萋萋動客愁  
漁火影浮吳苑夕棹歌聲入楚江  
秋邊淮木落寒無賴出浦潮平淨不流  
一渡維揚便惆悵那堪回首望南州

### 陳學憲

名東字約之號後岡鄞縣人嘉靖中官河南學憲有後岡集

北漢

八國雅卷一

十六

之

### 和王員外首夏遊南內

皇家秘苑自逶迤  
標境烟霄迴蔽虧  
綈翠千重繁樛樹  
輕綵百丈戀交枝  
當軒支石天潯取  
遶徑瓊花月影移  
不羨汾陽風景麗  
爲觀今日長卿詞

### 銅雀妓

銅羽遡秋風金樓夜帳空  
舞鸞君詎見調鳳妾猶玉淚  
竹愁難減采菱歌易窮  
翻憐秦帝寵驪下許相同

### 漳水別唐太史之洛

漳河流不極離思眇難裁  
可堪今夜月復照別時杯路  
向銅駝去人傳金馬來  
南征能作賦遲爾一班才

### 高陽行

高陽年少事橫行重俠由來不重生  
奪得雕刀搖雪色騎將飛馬撼風聲

### 返趙懷唐一學何體

蕭疎秋欲晚辛苦客情違  
龍分雙劍遠鴈阻一行歸月  
色明疑見風期邈難依  
霜交白野合露罷青林稀  
羈候朝朝別寒雲處處飛  
茲時軫遠念憶爾倦游非

### 詠神樂觀梅

素質舒玄圃清芬最碧紗  
自將幽獨意不逐豔陽華  
避暖遲開葉凌寒蚤著花  
瓣輕飄易墮枝曲影從斜  
襟雪

陳學憲

八國雅卷一

十七

直

明春初隨風入暮笳何須飛寶曆  
長此奉仙家

### 春郊晚行

遲日出郊圻悠然塵事稀  
野陰堪結蓋溝水欲流衣  
俠客探丸返佳人抱瑟歸  
喧喧四鄰夕徙倚向斜暉

### 端午侍宴闕下

天中佳節盛歡娛闕下平明式  
犬醺官采初傳長命縷  
中官競插辟兵符饌分玉食調仙桂  
酒酌瑤杯泛苑蒲  
爲問寰中浴蘭者得如天上沐恩無

### 禁中對雪

禁裏霏霏朔氣饒  
縈風飄度薊門遙  
初翻金馬疑飛絮



漸集銅龍似薄綃百子銀題全合色萬年花發半封修

蘭齋詔賡黃竹佇待東曹染赤毫

### 送焦提學之貴州

長安車馬紛轟闐分達逐勢稱豪賢閣下上書苦煩熱  
侯門玃履爭腥羶西川焦君何崛強高情獨在雲霄上  
銜杯那復顧尚書發言不肯容丞相值今 天子重  
興文羨君藻思如雲屯大腹便便作經筵小言落落空  
人羣南去南中烟霧多五溪徭犵充山阿禹王文教故  
不迄至今學士半諸羅君乘使者雙龍馬未到聲名已  
先寫穎拔初分佐理憂才高肯是優游者我聞大賢之  
門進夷狄中原禮失求諸野澤教應開自遠人策名可  
在文翁下

送李郎中謫守吳興兼簡毘陵王別駕予與李邦

良王道恩同館獲罪二君相繼謫請而予塊然歔

居京師情見乎詞

投轄本適意何言吏道侵謫承 明主惠別感故交

心垂耳君如驥同鞍我異禽毘陵如問訊道有式微吟

### 過聊城

茲地幾興沒猶傳昔受圍城危困子用將殺魯生歸一  
矢能成信千金未易揮潮圖已銷歇曾是戀音微

### 贈汪侍御山居

小山上築背孤城大隱青春早謝名門長綠蘿時掛簾  
溪分流水幾投纓霜前鳥去收遺菓雨後鷗肥拾野蕒  
寂歷山亭無一事時從羽客話長生

### 秋日武昌逢江良能談卦數

間居寡營慮野客遠相過駐馬俗情少談犧玄意多秋  
雲滿山郭寒葉下湖波未卜沈冥理因君問若何  
公安得應德村居詩酬贈

相期丘壑意悵憶海雲深更落淮南葉愁聞吳會吟祖  
生先著策貢禹未投簪言草蓀尊酒歸來共竹林

國朝雅集十

八國雅集十

九

齋亭新理牖壁暇日晝眠翛然見林山因而成咏

省齋日休暇煩抱罷營牽繫牖通嶺氣分池注谷泉青

林遙侍衛好鳥並譚言木闕經時務賴茲靜者便朝三

受公令滿百遭吏愆白石搗牀下黃庭投枕邊因言無

事貴長對北山眠

### 過武溪楊隱君草堂

清溪幽隱處白首情閒鶴起開松逕風歸閉竹關道  
書堆几上畊耒挂牀間坐悟忘言理令人不解還

### 入關

海國深秋別山關入 窮人家青壁裏鳥道綠蘿中地

癸收菊葉天寒折桂叢嵐蒸晴亦雨瀑落靜還風靈  
縉經識訛言待譯通問畊留野老賦食與山童直是忘  
機甚非將大隱同

### 石灘

石劣不受鑿水歸時礙行卻令無競性翻作不平鳴逆  
折聲猶壯崩騰色自明我行殊昧險於此獨嬰情

### 夜泊羊原

瘴溪南盡見蒼林獨宿蕭然生遠心臥聽潮生驚海近  
起看嵐黑恨山深

### 晚望有懷

高閣罷餘霧曠然見遙岑依微夕明滅窈窕寒雲深隱  
几獨成趣據梧時自吟惟當草玄者寂寞知予心

病後還朝毘陵唐編修兄弟携舟相送醉中話舊

因懷任二考功次韻作時唐方應命起廢

舟迎浦樹綠參參笑傲逢君僻性耽陸氏弟兄元莫逆  
龐公主客自來諳病中握手愁能奈廢後還朝思豈堪

惟有同袍應問訊定言幾日發江南

### 任文選

名漸字少海號忠齋四川南充人嘉靖中官吏部文選郎中

### 宿州陳愚猛士歌

君不聞夷門老生破萬卷白首不入明光殿南陽屠

數兵轉盼揮戈下百城挑袁國士兩丘土鄧霍元功  
千載名清朝明主重文事 七聖臨軒親賜制暉章坐  
閱董南書國簿導歸燕許第 武皇末年收官軍上意  
不喜談空文江東諸兒始講武燃箭颯沓愁胡雲宿州  
陳愚萬人敵陰山射鴈回霹靂野戰才空百將壇名家  
世捧降王檄腥風西吹酒泉郡胡沙犯月三重疊安得  
突出一騎殺萬虜生奪班超虎頭印

### 聞邊報

青雲鼓角振邊畿紫塞烽烟赤羽飛北道將軍揮戰血

中興 天子御戎衣三秋瀚海風傳檄萬馬陰山夜

破圍願奪單于不受賞功成歸隱釣魚磯

### 留別岐州翟千戶

岐侯拔劍舞清宵秋滿樊川萬木凋老去自吹秦箏策

西征曾比漢嫫姚玉關許割桓伊郡宣室難容賈誼朝

莫遣音書太寥落世情人事正蕭條

### 邯鄲姬

十四聖紅妝十五侍王昌王昌故蕩子轉戰出河陽舞

袖閒春綺歌鍾虛夜堂不落平原龍空令文信傷愁見

關山道遠蔓草長

### 次閬州滕王臺

蕭秋陰陰王子臺秋濤冥冥猿嘯哀黃雲古戍踏歌  
落日千帆賈客來江鶴倒窺如意舞岸花斜映接離開  
月明水深不可渡石壁繫纜魚龍迴

陳使君招飲閬州王宮

使君張樂前王地廢殿秋生淨綺羅蟲網階除聞玉馬  
棘林風露見銅駝霓裳響屧雙成舞畫舸鳴榔百丈過  
正是獨愁愁不歇江關蕭瑟聽驪歌

萬都督

名表字民望號鹿園一號九沙山人鄧縣人嘉靖間歷官南京後府都督僉事

山寺襟懷二首

借榻青蓮舍叢雲碧樹林  
沍寒人寂寂明月夜沈沈幽

國雅卷十

三

文

獨身忘旅虛閒自適心猶嫌不諱姓漸有客相尋

多病因辭宦山中每獨行浮雲看世遠極覺身輕出  
處會何定衰榮已數更不須除老病吾欲悟無生

山中酬唐太史見訪

山齋寂寂臘初深披衲朝朝聞梵音我已出家惟帶髮  
君來聯榻與同心天涯避地因多病幻跡隨緣即故林  
明月滿庭殘雪在那堪孤櫂返山陰

自然亭一首

亭在清府後園

孤亭臨水上竹裏小橋通  
深曠市塵香蕭條墟里同  
平蕪城列障枯木鳥爲叢  
吏隱吾何有悠然覺性空

東答馬石渚方伯

衰年一構疾形神索然殊解印還明郡親朋亦因疎  
投迹來山中但與木石居有懷薇垣客契闊今何如  
顧勤垂問意頓令沈抱舒崇教自多政詎復存遐隅  
是以君子交悠悠靡終初相思不相見因風致尺書  
量力避城府豈爲形迹拘況當趨曠秩焉能安一區

贈古牧雲

三晉家何在問居金馬門  
五侯延士少數口向誰存  
賣藥朝依市掩扉時灌園  
還將萍水意與爾醉芳樽

靈巖寺

歌舞易消歇千秋一寺宇  
日斜寒塔影僧閉薜蘿門

南濠寄居言志

吳門避跡掩郊扉衰柳寒塘客到稀  
鏡裏青絲愁盡變人間白日病長違  
蕭條祗擬填溝壑懶慢誰能計是非  
旅况自隨禪味淡佛龕燈火夜依依

夏日飲許員外山亭卽景

一亭梧竹裏迴出市塵間  
石逕緣蘿入江峯對座閒  
海雲朝數變山鳥暮雙還  
別去衡茅下思君懶閉關

宿應仙山樓

窈窕蒼霞裏樓心隱翠  
水聲孤枕近山色四時

靜朝看鹿心閒夜對書獨將耽寂意覺與世情疎

曉發靜海值雪

朔風吹曉騎飛雪滿征鞍一望川原合孤城鼓角寒寧知裘帶濕唯念僕夫難應有袁安臥蕭然世不干

過德州同葉洞菴顧九華夜飲戴戶部清署

遠駕晏方息猶懷戴子居芳尊先有待林雪未全疎清話夕忘寐煩襟時暫舒眷茲嘉友集明發意何如

憶子二首

毘陵携汝從師日草布蕭然意味嘉三載漕樞成底事祇應添得夢中華

八因雅卷十

三

汝因婚娶向明州漂泊天涯結百憂千里相思空極目托書魚鴈亦沈浮

寄內

童時與子聯姻久薄宦同遊三十年別後飄零千里外屏軀難料定生旋

病中夜坐

敝榻蕭然偶息塵孤燈明暗坐相親還思山閣禪棲夕不謂天涯一病身

金山人

名鶴宇在衡號白嶼廬西人正德隆慶間嘗遊吳楚寓金陵

明妃曲

鐘騎暗邊塵紅顏惜此身雖爲胡地婦勝作漢宮人

泊淮上

愁輕遊冶興老重別離情野戍寒更盡河橋春水生斷雲疎鴈影殘月亂雞聲明發應千里蕭蕭過楚城

登滄州城

渤海高人去仙臺古跡存風沙吹不斷天地與同昏野水添新綠空烟集暮村故園桑柘裏悵望一銷魂

洪上

潺湲疑峽道彷彿似江聲亂石衝湍起高帆壓浪行關河南北險舟楫往來輕日暮臨淮水蒼茫萬里情

金山人

八因雅卷十

三

哭湯沂東開府

赤手揮戈日丹心報主時不曾辭力盡那復計身危夜雨藏兵峽秋風墮淚碑惟餘舊戎馬汗血至今垂

出塞

躍馬走胡塵將軍不顧身黃沙一萬里赤幟五千人天子猶稱漢匈奴豈畏秦不知蘇屬國何日畫麒麟

入塞

積雪滿天山三年度玉關單于猶未滅漢將可生還寶劍迎霜利琬弓映月彎白頭班定遠始覺破愁顏

石湖



呼吳市酒老作楚人狂良會催遲暮青樓尚理妝

早春酬東園徐錦衣招集

平樂春風客王孫宴獨殊十千能換酒五白慣呼盧長  
嘯中天立酣歌清夜徂從來寬禮數應不厭狂夫

酬保定總兵招遊鳳凰臺

小隊出花遲啼鶯恰恰時鳳臺春正迴虎帳日初移一  
水通梁苑千峯繞謝祠舊遊俱在眼濫醉不須辭

田家

村墟隔市廛處處種湖田鷗鷺洲邊宿牛羊道上眠遙

金山人

八國雅集

青嶂合近與白雲連除却催科吏無人更索錢

北河道中

叢臺北向通燕谷曲渚西流繞薊門歸鳥亂啼原上樹  
夕陽多照水邊村因悲俗吏趨三輔曾有新詩寄陸渾  
歲歲別來春又暮幾回芳草怨王孫

寄酬大中丞可泉胡公自秦安以諸集見貽

長安日日想風神一束魚書萬里身西去文章推兩漢  
北來風雅變三秦陸機自笑遺先達鮑叔元知有故人  
慙愧十年門下客青袍依舊白頭新

再過界首哭薛東山

湖上重來訪隱君亭邊獨立見遺文漫因白髮悲山簡  
空對玄心憶子雲失路烟霄元是夢放形鷗鳥自爲羣  
秋蕪萬井荒原隔老淚無聲不可聞

淮上送唐池映別駕赴部

與君南北漫相期惆悵東風楚水涯萬里辭家身是夢  
三年作郡口爲碑重將直道干明主肯負初心答故  
知芳草接天春望迴一尊相對復何時

泊孟城驛簡仲朝莊

孟城驛口射陽西水國風烟似五溪萬井落花春後發  
幾家垂柳雨中齊時臨野店炊晨黍漸入荒村報午雞

金山人

八國雅集

二十

見說輞川多勝事經過原許一相携

牛首

先皇曾此駐龍旂一夜空山擁六師春鳥尚思巡幸處  
野花不似樂遊時遙聞寺外江聲落倒見天邊塔影垂  
若問南朝昔年事廢原荒井有封碑

與荆園凌掌教話舊君時謝病歸自福州

十載儒官一病餘歸來猶自賦閒居秋風會逐荷衣盡  
社雨時驚蕪子疎負郭幸存三畝業探囊惟有一牀書  
白頭零落山陰久遙想風流總不如

小景

探囊作  
到家佳



雨過更添山色水流偏帶花香啼鳥聲連遠樹行人影  
度斜陽

竹枝詞

春雨春風花意狂誰家溪上浣花娘水流不管花心亂  
花落能教水面香

陳山人

名鶴字九皋武進人籍山陰嘉靖間嘗遊吳楚卒于金陵有陳山人寶林二集

麗人篇

雲爲蟬鬢霞爲裳文軒繡戶逞新妝白蓮未作風中色  
丹桂先移月裏香洛川立處花橫水楚館歌時哭在梁  
傷春半倚同心扇留客雙飛並蒂觴楊柳垂絲空繫念

陳山人

國朝卷十

五

風雨望焦山

立馬對山寺隔林聞慧香未能超苦海徒欲禮空王天  
影連沙白濤聲帶雨長儵然懷彼岸何處覓慈航

明妃二首

望望復行行風沙蔽漢旌但將才退虜不惜貌傾城羅  
綺霜前色琵琶塞外聲心如隴頭水日夜向西京  
恩遠三殿寵貌取一朝憐獨以無窮恨遙征不盡天胡  
雲愁裏度漢月夢中圓芳意無人達年年托鴈傳

九里涇訪王駕部

欲過王維宅獨行川上沙水邊尋隱處竹裏問人知  
葉疑無路枯藤尚有花入門忘款曲攜手說年華

過慧崖老丈園亭

惟君愛嘉遯久無塵市喧幽居傍東郭綠水繞名園偶  
共山雲出因逢道者言坐來溪欲噴落葉滿柴關

送熊磨溪憲副之關中

岐道雙江別玄霄萬里征長風隨代馬落日引吳旌天  
遠龍門敞山空石鼓鳴知君弦浦上作賦弔秦京

過唐荆川太史隱居

惟君愛嘉遯結屋向江村遠月長隨棹殘潮自到門心

陳山人

國朝卷一

五

無時事累家有古風存已得川中樂都忘河上言陳作

古意

千家砧杵亂城頭新月微明江水流林外鳴蛩偏出夜  
風前白苧不宜秋愁連天漢無鴻鴈夢到關山見戍樓  
芳草不青蓮子落征夫何事好長遊

與駱行篤呂兩丈張候中沈純甫瞻山晚宴

巖邊樹色隱丹扉日下仙輿度翠微水落盡如雷電過  
山迴俱作鳳凰飛星臺似結仙人掌雲路疑通織女機  
幽賞不殊椒酒會合歡須並月驂歸

訪九華顧丈話舊時顧還

長安爲客屢經春共說文章滿搢紳  
傲世豈隨彈鋏士  
還山甘作灌園人居藏寶錄探玄理  
門有安車問隱淪  
江上別來無鴈至思君幾度柳條新

吹笛懷友

玉笛橫吹入夜分中天華月度流雲  
蒼川兩岸春風起  
飛盡梅花不見君

池上聽陳老琵琶

夜深池上弄琵琶萬里銀河月在沙  
莫向樽前彈出塞  
只今邊將未還家

送張伯純還關中

八國雅卷二

三十

憐君獨棹渡黃河西北山川入雍多  
料得到家春未至  
馬蹄半在雪中過

送王諫議北上

東去春潮到驛門半江風雨近黃昏  
由來知己難爲別  
不是殷勤戀酒樽

國雅卷之十一

勾吳顧起綸玄言選

皇甫進士名冲字子漢號華陽長洲人嘉靖初鄉進士

送劉朝甫還吳

同遊心事已成非忍向都亭復送歸  
二月渾河水尚冷  
三春禁柳色猶微舊來道路愁能記  
此去音書憶到稀  
極目輕舟雲水上別君那得不沾衣

寄內二首

曾炊戾戾飯送我北遊燕爲惜年華暮  
牽衣倍黯然文  
軍人共棄貧賤自須憐因報龐公婦  
相携只隴田

補注

八國雅卷十一

不斷青雲念來看上苑春忍將雙短髮  
去作折腰人已  
識名爲幻今知隱是真多慚下機者  
曾不厭身貧

答表兄黃得之

當時何事策征車恨不同君守敝廬  
客路青陽催鬢改  
故園芳草正愁餘談經只自成家法  
作賦無人解子虛  
身世升沈今已定空將青淚濕長裾

皇甫司直名津字子安號少玄長洲人嘉靖中官春坊司直兼翰林檢討左遷浙江僉事

春日隱居

從宦寒無成竭來務田畝悟身一虛幻  
萬事夫何有昭  
曠始自茲逍遙野長阜遠墟絕行塵  
東風搖谷口

鶴清川雲霞生散牖隱几忘吾言嗒焉喪其偶

留殷憲使酌

我罷金陵棹北山歌採薇梅影照芳尊枝頭春欲歸急  
雪灑虛牖園色淨雲輝酒闌爲別處悵望暮禽飛

雜詩

芳蘭馥朝露淒淒茂幽谷貞心持自比采之欲盈掬嗟  
我懷所思道遠去日速會面不可期沈憂終自蓄

初秋月夜作

玉露零始微金盞淪未息疎星耿清漢徘徊芳樹側迴  
榭聆棲籟長天望歸翼蓬鬢古人心桂輪新夜色

國雅卷上

城西歌

吳王城西萬家市江霧黃開日照水烟樹微茫歌管中  
樓閣參差畫船裏穠花艷紫發江梅雨色千溪春正來  
年年麋鹿遊荒草至今空憶錦帆迴

廬山行贈子允

廬山秀出南斗傍錦屏繡谷遙相望五老峯連紫霄裏  
飛流瀑布搖天光披雲摘星結遐想安得鶴駕隨蒼茫  
洞前桃杏幾千載東風遙遙不相待匡君已逝留此山  
蘿月冥冥至今在香鑪赤日春草生瓊藥蕭條爲君哀  
青天不動九江明我欲因之朝玉京石梁對指金銀

山空無人猿夜啼他時肯策千部杖與爾長吹子晉笙  
與周子

坐對芳尊不辭滿酹聊憑慰孤抱笑向故人各盡歡  
激昂且自矜文藻生事久已甘沈冥非世胡然擊枯槁  
況復時對青山雲心無所知一何好

自溪口歸

朝來醉別酒溪上孤舟還遙村轉江路落日迷松關平  
波望烟樹百里蒼茫間坐愛丘中事春雲留碧山

銅雀妓

帷牀棲累榭椒鶴鎖深宮花月常如昔君王不可同綺

羅芳愛盡點御遊空惟有西陵樹時時入夢中

寒夜獨坐

宵陰自虛寂獨鶴林中歸行度桂華晚坐令心事微洽  
洲閒處是青瑣夢來非無客慰孤影悠悠寒月輝

包元達祀陵歸不以詩示貽此索之

爾揖仙曹侶行行曉霧侵蒼梧望不遠白露感何深奉  
禮唐臣事原陵漢主心元知枚叔賦倚馬待知音

靈巖溪口招范生不至

倚棹待幽客蕭蕭風滿林遙知雲盡處猶隔洞門陰岸  
靜渚花落溪閒山鳥啼真成獨往趣自入武陵深

送包子元遠

攬袂眷茲別徘徊路臨歧初日照平原千里黃塵飛憑軒不能進征馬聲相依願瞻悵有失流淚霑裳衣

楓橋中與子循別

落日下離津江天引望頻黯然對尊酒惜爾向風塵白海迷來鴈清霜畏旅人從知北柯葉信是共沈淪政理操刀殺交情贈綺新班荆懷雨露投壁謝縉紳阮籍窮途淚平原世網何能亦漂泊谷口正逢春

宴東湖流杯亭送歐陽大參赴蜀

流杯亭上酌脩竹亂溪沍樹烟常春山雨不分別

八國雅卷十一

四

情依去鳥客路八重雲懷舊仍傷遠勞歌夜獨聞

皇甫司勳

名詩字子循號百泉長洲人嘉靖中官南京吏部司勳郎中左遷雲南僉事

承天候駕恭述

東幸方過沛南巡乃近衡翠華臨楚地黃屋駐樊城雲以朝歌白河因夜渡清寧知天子貴別有故鄉情

出門行

君不見李生出門仰天笑仗劍直走長安道又不見蘇季遠家人盡輕敝裝載入咸陽城丈夫意氣橫雲海跼促寧爲轅下態白璧雕磨美益光黃金百鍊精還在身若燕牛觸未安心同塞馬達能觀人情路壑非云險世

路風塵本自難魏尚朝聞起代門夕看持節擁朱軒解道聖明能使過須知感激爲銜恩

雨夕重悼張子同少玄理山作

細雨空堂暮孤雲冉冉陰逢人話山水茲夕痛人琴南國梅花落西園芳草深何須聞楚奏始有淚霑襟

寄答鴻山華學士

自予辭漢省君亦解文園鴈信猶能達魚焚可重言風塵江上淚花月夢中寬不及秦淮水西流向國門

古沙汪君嘗遠謁崆峒子詩以贈之

上宅近仙源晴沙別有村花時遊洛水雪後訪梁園買

八國雅卷十一

五

笑黃金盡耽詩白髮繁李膺門下客歎息幾人存

弔唐荆川

矢心懷北闕扶病起東山迢遞胡關外驅馳戎馬間龍韜聊自試鶴馭竟無還落盡淮南桂悲來可重攀

贈晁翰檢

金馬沈方朔文園隊長卿何如狎鷗鳥暫此返柴荆草

編年目花餘愛日情庭闈自可戀詎是厭承明

託宿報恩寺

平野新秋入長干舊寺存青蓮非世界綠竹是山門塔火看生滅鐘聲悟靜喧迷方欲有問暫對遠公言



寶光寺

西山樓梵處一境杳然深歲久惟看樹臺荒半宿禽遠  
江橫落日寒殿下秋陰獨坐觀冥理寧知靜者心

木末亭送談二茂才還吳

驅馬憐同役乘舟念獨歸孤亭一眺望千里思翻飛螢  
火車生帳秋聲樂子機坐來雙樹下那得繫殘暉

惠應寺胡秀才讀書處

支公禪誦處却有董生帷地僻聞鐘遠林荒下鳥遲持  
經殘雪映閉戶白雲垂辛苦真儒行還應靜者知

東黃生志淳

作賦頻遊洛持書似謁秦長干連大道淮水是通津月  
下花愁客霜前鴈報人爲君題贈婦惟有素衣塵

吳山人見訪寺居

逢君遊岳返訪我空林居香氣禪後金聲賦就餘淹  
留舊京在零落故人疎爲說名山勝塵心了自除

送王子亮卿入州訪蔣南泠

歲暮三山路江通一水津舟寒初載雪榻暗舊生塵靜  
夜開潮慣荒城落葉頻懸知蔣訓宅開逕遲幽人

同盛二過永福寺

偶然同素侶來此訪緇流古寺鳴鐘處空山落木秋跡

隨青嶂滅心共白雲留秋隔秦淮水寧知是沃洲

始發滇

荒外倦遊日南中歸去情春心同社燕旅迹任江萍自  
恨拂衣晚誰云脫屣輕獨憐山太宰門下絕嵇生

贈龍沙宗藩父子

偶作洪都客因承清燕私秋風蘭被坂夜雪竹交池授  
簡何能賦吹竽謝所知傳家自有學並善楚元詩

寄羅念菴太史於雪浪閣

一自看花罷俱爲泛梗人余棲吳苑月君臥洞門春道  
在惟宗魯文成欲過秦關山戎馬後何處嗣音塵

寄鄒東郭祭酒

曾覽先朝籍君家名姓通著書稱馬走問道得鴻蒙歲  
月別來久雲山歸去同幽居應不遠負郭卽墻東

三衢道中

村居無別業民俗半爲農樹杪開山閣溪灣置水舂採  
薪朝候艇乞火夜聞鐘歲晏收霜橘猶堪比戶封

和伯氏過何山懷二何之作

靈山徵往跡居士葬何年哀壑蒼烟斷空林落日懸禪  
關二隱地花路五雲天共盡悲千古淒涼夜鶴旋

三岩洞



峭石何年斷飛泉竟日聞虛堂秋易入晴樹雨難分夜  
似觀廬瀑朝疑帶楚雲坐深羅袖冷猶自戀氤氳晴作  
佳

### 晚造祖堂山

別島通幽徑叢林隱法堂逢僧龍樹後携客虎溪傍帆  
影帶江盡鐘聲過嶺長從知探賞累一遣坐來忘

### 山中贈白石蔡子

華省非常翫青山聊對君心將守空寂跡許謝塵氛竹  
磴晴鳴雨松關晝偃雲倘逢名嶽去禽向得同羣

### 泊丹陽

日暮丹陽郭維舟旅思違蟬隨江柳斷螢帶野烟飛練

八國雅集十一

八

之

水乘秋滿天關入望微寧知垂翼鳥猶畏弋人機

### 月潭寺

瘴嶺鬱風烟迢遙路八千羅施稱鬼國兜率見人天幽  
洞穿雲際危樓架水邊澄鮮因悟寂照朗自通圓有客  
嗟行役逢僧叩業緣皈心無別旨委順卽安禪

### 顧玄言參軍於板橋驛贈別寄憶

昔感驪駒賦辭君金馬關河橋相送處猿月共荒山烽  
火猶傳警田園未遂還梁溪如借問芳草夢魂間

### 蚤春五華寺

淑氣南中蚤春遊上界清寺緣雙樹建山識五華名積

霧隣滄海餘霞似赤城沈灰如可辨浩劫在昆明

### 訪周子顧小酌水木軒

愛爾官齋裏居然隱者同遠山當戶入瀑水隔溪通蔓  
草牽風碧薇花墜紅故園經亂後翻不似南中

### 夢少六兄作

一爲生死別獨宿尚懸白首荒外青山值亂中九  
原人豈作萬里夢猶通今夜看草池舊意不同

### 送董道夫還大梁

歸心年不待高蹈古來聞牽世俱爲客辭官獨見君到  
家春草合度嶺烟分去去嵩山迴何由紫白雲

八國雅集十一

八國雅集十一

九

### 報恩寺浮圖

明光九極盡琉璃爲報玄功詎惜寶地是赤烏開教後  
基同白馬賜名時驚峯直與諸天接鳳闕翻從下界窺  
登罷欲書多寶事奈言江總善題碑

### 金陵懷舊

平生踪跡半京畿別去秦淮歲屢違道上投珠多按劍  
市中擊筑幾沾衣寺尋白社僧猶在宅訪清溪客已非  
莫學隴西逢醉尉夜深愁向酒尊歸

### 普德寺

古寺城南訪六朝高臺一望幾蕭條門前黃葉催年暮

外青山覺路遙塔影盤圓沙苑月鐘聲靜帶楚江潮  
老僧宴坐耽禪定送客何曾過虎橋

題考功池亭

地即謝公堤

名園十畝與城鄰日夕風烟逐眺新山學翠屏開作畫  
水從金谷瀉成春憑軒不斷啼花鳥閉戶應逢看竹人  
兒說玄暉池尚在知君元是謝家身

開戶作掃徑佳

先春一日金壇道中

窮途明日已逢春殘夜題書報密親吹笛曾爲行市客  
解衣聊作刺船人蒼蒼樹色雲連郭寂寂江聲月滿津  
豈是才華應取忌却令王粲在風塵

八國雅集十一

十

成

早春寄子約弟

舊京東望已春歸禁苑城邊藹曙暉名在曹郎皆是累  
酒酣身世兩相違還叩有賦淮司馬入洛無心陸機  
淮柳青時江水闊知君將欲理朝衣

送王戶曹擢九江守

昔泉獻賦早知名才子爲郎在兩京閣下承符出守  
郡中列戟已相迎空庭廬嶽晴雲色燕坐潯江水聲  
試覓古來循吏傳幾人年少寄專城

贈萬督府

看君被服似儒生不獨能文慣論兵三十擁麾當外閫

一朝開府在西京雅歌樹下留賓醉清嘯樓中料敵  
更道深山尋羽士功成應有赤松情

別何吉陽中丞

獨携書劍客南州蚤見章江樹色秋閣上題詩思帝子  
門前修刺謁君侯亦知地隔猶風馬忽漫星分在斗牛  
徐孺才名誰得似無煩解榻欲相留

寄許夢州

城開白帝錦江連見說僊郎出守年虎患已從隣境去  
猿聲偏近郡齋前相如文藻流巴蜀黃霸功名在潁川  
應是漢廷求吏治非關相府賤英賢

八國雅集十一

十二

文

古意

奉帚長門二十年慵施脂粉取人憐聊開秋扇閒題罷  
校是春心薄似前

永興寺散步

帝城西覓古叢林萬木寒垂六月陰庭下閒花發後偈  
門前空水定時心

泊池陽晚眺秋浦

名漢字子糾賢理山長洲人嘉靖中  
爲同知官工部都水主政左遷至興化二守

泊池陽晚眺秋浦

化落池陽館天深白苣陂昔人美酒曠斗酒進佳期  
山色晚愁情猿嘯時惟堪秋浦月猶挂女蘿枝

春日園林啓百泉兄

世事投綸外長懷隱几中青門情易別滄海思難  
草初含碧原花半欲紅歲華能不惜寧<sub>但書空</sub>

別業觀新竹

自謂郊居日悠然雲臥心結芙蓉謝客種竹遂成  
葉分池色脩枝落遲陰平生和阮憲對此足幽尋

清明日上方樓眺

禪宮峯勢<sub>遠眺</sub>在烟屏竹暗蒼波映溪寒野燒微水  
流看日暮山疊見雲飛人境桃花外聊從漁父歸<sub>波作</sub>

送子循家兄赴嚴相公召修志袁州二首

皇清同治

八國雅卷十一

十二

文

江水去悠悠征帆不可留一尊相送盡千里共含愁雲  
樹依殘日霜笳動蚤秋猶憐寬風物書記在袁州

邊城方戒武宰相獨崇文<sub>已時</sub>仍郊壘萊菔斷澤雲九

江天外落孤劔斗前分悵矣臨流思兼秋憶鴈羣

長安月

漢宮闕夜氛氤一片<sub>光</sub>裏分秘苑珍臺長浥露  
華林玉桂半侵雲鳳凰城下疎鐘動翡翠樓邊急管聞

直是長門對秋色霜寒清影薄餘分

酬朱公子上元燈宴歌

公子朝回金埒邊夜傳膏火照芳筵霞棟虹檠啓懸薄

龍珠鳳藻輝相鮮朱輪萬片嬋娟色綺綴千條蘭麝烟

翔枝珍鳥翠交下雜樹瑤花紅更然仙靈盡出蓬萊伎

妖冶紛將屏帳妍直取芳菲雕檻側會誇嬌艷玉臺前

玉臺雕檻臨華夕結組<sub>子</sub>貂走珠鳥五色漿搖琥珀杯

千重錦襲琉璃席新作笙歌學鳳聲姱舞侏僂宵驚跡

星女遙窺桃李姿月娥暗墮芙蓉幄暫持春夜勝黃金

顧影傾壘未虛擲<sub>崇陵</sub>氣坐相將子夜忘疲箭刻長

瓊樹開時凝絕艷<sub>玉繩</sub>低處溢流光梅花歌匣潘郎駕

寶篆春留荀令香欲去還憐對卿月鐘聲烟外轉朝陽

吳少參<sub>名子孝字純叔號海峯長洲人嘉靖間官湖廣參議有玉涵堂集</sub>

吳少參

八國雅卷十一

十三

文

贈張詩

張生<sub>牛</sub>車書毫飛爛雲起睇髮華山阿濯足吳江水悲

歌眺遺臺晴洲擘芳芷談笑輕黃金傾家結豪士

寄懋上座

富貴須臾石間火聲華一霎樹頭風與師共笑紅塵客

開眼不知空是空

明妃怨

漢宮愛惡信盡工明妃絕世難為容耻薦黃金空自惜

漢女宮中日矜寵昔日琵琶非怨嗟身遠胡沙心漢

漢女宮中日矜寵昔年情肯塚至今誰問宮人怨

送陳給事使琉球

聖明新詔賁窮荒玉節金符下建章萬里春風隨斗柄  
九天帆影落扶桑山川盡入周王貢笈鼓先令海若藏  
暫慰遠人歸欲早紫除青瑣待徊翔

太原行

清寧張守素德談太原往年被兵事憤感而作

雲冲亂兵越塞走導虜寇邊無不有太平解甲日晏眠  
詎料千里驅腥膻居庸失守關將死太原虜騎紛如蟻  
老弱俱劉血作河可憐少婦隨干戈口時遭禍二百萬  
白日慘澹悲風多雞犬無人盧杞燕棲林木啼新鬼  
烽火無光半月餘猶望捷書呈 麟展犬牙相戰徐歸  
窟牛馬連山笑馳突安得強兵猛將恣橫行盡掃漠北  
無王庭 今皇神武如雷霆一怒萬里奇功成周宣漢  
武不足儼願磨陰山之石嶺嶠鑄新銘

送陸審理之榮藩

高才稱別駕曾聽趙州歌詠志長得左官今若何坐  
推梁苑客門對洞庭波寒江一鴈去離思繞山河

光祿出參楚藩提督太和宮

暮畫樓臺縹緲間金符玉敕領仙山松蘿初慰烟霞  
癖劒履遙升虎豹關雲擁萬峯穿霄霧水流七澤聽潺  
湲紫霄真境今飛躡日月宮中自往還

送九華顧丈還吳

俊美郎君方少年玉顏寶馬金連錢仙人樓閣雲霄裏  
帝子笙歌日月邊三歲歡游大都地長聽步虛窺綠字  
金芝千葉擁蓬萊瑤殿九重開玉筍愛爾逍遙不爲名  
一朝長揖謝公卿已見詞章凌小謝共誇冠蓋過東京  
冰雪不辭燕北遠庭闈欲慰江南情江南倘憶鈞天樂  
還駕飛鸞遡紫清

尋松隱僧不遇

花落嗟春晚尋僧石院過逕迷新蔓草門掩舊烟蘿  
齋鉢蟲絲集經幢鳥蹟多竹間留姓字歸去悵如何

虎丘閱兵歌

吳王夜壑藏豪膽化爲白虎蹲山椒殺氣千年尚不泯  
鄂國萬騎紛旌旄木鯨無聲響刁斗浮圖瞭遠明秋毫  
一朝滅虜享茅土誰哉繼此勲名高我今病廢伏草莽  
短衣白髮甘漁樵忽聞海上烽烟起漫集義旅防江臯  
荒村啼泣走婦女佛宮喧沸鳴鉦鼓暑雨終朝濕下土  
却假臺石陳弓刀圯上兵書未能讀豈識烏陣兼龍韜  
亦知七代有綱紀誰使九地驚猱猱大黃忘歸惜不發  
太白似可懸鵝臯山僧覩看盡皇駭顧我豈是真嫖姚  
須臾閱畢寺門閉山空禽鳥鳴林梢



橘溪僧院

蟬聲不出寺鐘斷  
祇聞香流水迷松  
逕閒雲滿石牀無  
言忘寂寞宴坐得  
清涼欲謝人間事  
冥心叩藥王

送顧九華參軍之滇南十韻

歲寒雲色慘言赴  
河營披籍螺山遠  
登車寶劍橫謝庭  
親禮樂漢苑狎公  
卿綠髮仙姿少青  
箱世業成顧雍殊  
重晉王粲始之荆  
飛檄驚諸詔紆籌  
偃五兵珠纓蠻女  
浴毳布楚人迎贈  
策添雄氣持祛悵  
別情柴門稀過轂  
雪路有鄰聲他日  
相思苦汀洲芳草  
生

秋日與子浚子約小集子循甫赴日南

莫問銀河淺須憐  
玉竿空洛雲三歲  
隔楚月一宵同風  
櫪悲窮驥秋砧亂  
候蟲新涼有離思  
萬里憶征鴻

燕

數見沙頭燕翩翩  
故傷人定知巢已  
就偏愛語相親  
樹江波闊烏衣故  
國春捲簾誰爲汝  
飄泊數沾巾

周山人

名詩字以言號虛巖崑山人  
嘉靖中隱于海隅有虛巖集

詠史

虞卿解相印迺從  
魏齊匿奔迫投信  
陵詎意有難色  
慨出高言侯嬴特  
深識清風激萬古  
烈士仰遐式此道  
今已湮扼腕空歎  
息

春日子浚置酒登盤門城樓縱眺

出遊躡城闌聊使  
殷憂廓迴瞰樓闕  
重周覽河山錯候  
禽音尚微初林蔭  
猶薄密烟生近堤  
傾曦澹遠落潛盤  
狎勝引且復娛斟  
酌快意當遺形所  
在卽丘壑

子約避暑竹亭見寄次答

阮生能抗俗嵇子  
得長林僻境寡人  
跡閒牕多鳥音蒼  
藤挂赤日短榻臥  
重陰美爾忘機事  
雲山意已深

集海虞山堂

招侶尋幽境移尊  
欵夕曛竹林人避  
暑蘿薜鳥啼雲山  
氣仙臺合松陰野  
席分玄心從此會  
歸思暮風飄樓佳

謁岳鄂王墓

將軍埋骨處過客  
式英風北伐生前  
烈南枝死後忠山  
河戎馬異涕淚古  
今同悽斷封丘草  
蒼蒼落照中

靈隱寺

靈隱何年寺青山  
向此開礪流元不  
斷峰石自飛來樹  
覆空王苑花藏大  
士臺冥探有玄度  
莫遣夕陽催

寄唐太史

遼闊分携後音微  
空爾思風塵遠俗  
遠歲月著書遲蘿  
逕閒居日雲山獨  
往時何年入蓮社  
負笈一相隨

同子浚遊上方



紅紗躋禪界諸天在白雲樓虛峯影亂湖淨日華分  
草壇邊集遷鶯谷口聞逢君縱杯酒落景任氤氲集作色佳

### 虎丘

闔閭遺跡白雲隈載酒江城拂曙來水抱一丘藏澗壑  
山連萬樹擁樓臺川原眺望村邊合風景徘徊鏡裏開  
不覺寫歡樓鳥後月明溪上棹歌回

春日皇甫仲都置酒虎丘觀音殿同王少參宴集

靈丘一上思泠然共醉春光啼鳥邊郭裏風烟窺萬井  
雲間鐘梵出諸天香林遍遶生公石法境長寒陸羽泉  
不道塵襟從此滌頓令超悟締空緣

國山人

國雅卷十一

十八

### 時事二首

寒山寺外絕行蹤何意蘇臺有夕烽月照雲房僧散後

江村夜半不聞鐘

不道慈林有陸沈夷來四日罷啼禽堪憐一片千人石

化作輪王滅度心

傳山人

名汝舟字本庵號丁戊一號太夢山人閩人嘉靖中遊吳越齊楚間

同陳明水鼓山詩

入洞風初定乘橋日半明斷巖流水轉低樹濕雲行林  
缺呈江練泉香長石英誰憐去國者猶聽暮猿聲

夜雨鄭給事宅

慈闕未毀車還山祗結廬暫中千日酒還上萬年書野  
樹鳴乾葉晴潭響暗魚別君何所望占氣斗牛墟

### 閨情代寄遠書

征婦起長嗟登樓見狹邪銀鞍繫楊柳夫婿是誰家裂  
素裝衣篋添鍼繡箭行尋木蘭伴拾死送胡沙

### 七日夜女會文

雕鵲駕銀橋靈孫步玉霄月疑加鏡彩雲似助衣嬌燕  
樂方牛渚驚歌已鳳簫但知天地久詎歎別離遙

### 止止菴舊棲處

鐵嶂瓊仙館丹峯玉女隣十年如一日八月似三春秋

國山人

國雅卷十一

十九

去雲光亂林登鹿跡勻再來因鶴馭非是問漁津鹿作佳

### 舞

舞筵初艷燭粧鬢欲飛鴉顧影驚分鏡迴眸燕蹴花天  
魔愁入俗月姊笑離家珍重交親意黃金未足誇

### 續老兵行

十六戍遼東六十移大同身手使氣黑顏容飲血紅燥  
髮盈磨短懸弧矢射窮肯從叛帳下逃竄犬羊中

### 題武當後山玄關

適越復遊楚維舟漫扣關往來從日月臨眺用江山風  
門束峽急天磴逗雲彎蓮開疑華頂芝出類商顏百道

片身深千限一竹班近榻眠黃兔牽衣引白鵬猜菓大  
士化祕意小兒聞日斜歸路動真與斷人窠

豔原

寶屋札丹霞金一仅合花誰言綠珠賤生死石崇家

吳人

名補字十充號之山吳郡崑山人  
同流寓金陵有長吟閣集

天待棲鶴士不至

嚴洞何處天門一振林樾飛鶴下蒼烟幽花坐來發嘯  
故寄雲端殘月餘日沒仙翁期不來松間望新月

勝山

松峯幾杖春雲翠巖懸書氣風泉相噴薄無分

八國雅卷十一

招知日編四卷胡塵綠干此鍊丹藥

子陵釣

康樂愛名山此意初肥解因之遂不還雲

埋溪溪

落溪溪木石隨吾分逍遙且閉關

陪

周八宿淨院

長安分手後忽忽兩年餘起開地藥愁中偶得書青

雲上帳望華髮

疎世路嗟飄梗何人慰索居

贈將軍元昭

希真隱逍遙紫蓋接知君謝鋒鏑終日俯滌洲白

社招元亮青門業故溪閑身漸散處應與鹿麋遊

贈上人

高僧持律久坐臥此山房洗鉢泉生塢翻經月在牀觀  
心衆妄滅覆面兩眉蒼已悟西來意前身是鴈王

桐江夜泊

繫舟人語靜纖月映江波木葉秋交下山烟晚更多隔  
雲孤磬杳照水一螢過漁子閒相狎中宵發浩歌

春日山中訪無取禪師

幽期竟遠公古寺白雲中一徑接羅合連山躑躅紅馴  
猿窺淨業慧鶴御真風不到經行處那知世念空

崔駙山遊宴

八國雅卷十一

三

平陽池館接青霄閨苑瀛洲路不遙帝女巧將霞製錦  
仙人長以鵲爲橋樓前疊石雲生座洞裏探梅雪滿條  
取醉幸同詞客賞月明還聽鳳凰簫

春日訪時川姜憲副山莊

鹿門高臥謝塵氛春日乘舟一訪君楊柳千林綠結露

梅花萬樹雪和雲間中歲月還堪賦病後尊壺却易醺

携我夕陽飛鳥外劃然清嘯四山聞

詩作  
冷佳

漂母祠

賢哉一飯恩千載猶廟食如何漢諸陵寂寞生荆棘

過彈琴峽

生峭壁磴千盤峽裏天光一線看繞澗琴聲聽不  
分明流水曲中彈

唐山人名詩字子言號石東無錫人正嘉中隱于吳越間

橫江曲

家住橫江口年年傷暮春落花隨水去不爲待歸人

采蓮曲

風微波不起日暮未迴船貪看鴛鴦鳥時時誤采蓮

吳下竹枝詞二首

雙袖蹁蹁舞越羅小娃十五解吳歌酒壚休說臨邛好  
閭闔門前花柳多

唐山人

三

儂家住向越來溪五月荷花路欲迷郎若來時休用問

門前楊柳一行齊

對主人牕前竹

隙地不盈丈修竹有數竿清風亦徐來仍作六月寒野  
人方困暑永日留盤桓豈期免俗態聊合傾幽懽高節  
願不改歲晚當相看

游墅

綠樹千家市青山百里程昔年幾留戀今日獨經行海  
舶來蠻貨河橋聚客旌臨風數回首孤棹更南征

姑蘇懷古

蘇城上月如霜姑蘇城下青草荒可無麋鹿遊空花  
仍有啼鳥來女墻鴟夷扁舟去浩蕩閭閻誰劒埋精光  
伯業千年已陳迹客心中夜徒悲涼

聞雷

白龍祠下雲不開白鶴峯前雨欲來冥冥不覺千山暮  
隱隱俄驚十月雷江城木葉下更急洲渚鴻鴈聲俱哀  
閉門抱病可憐客人事天時愁併催

聞錢寒齋詩

憶昔移家遠慚吾出餞遲那知別離意竟作死生期詎  
恨無從涕誰傳有道碑空餘詩草在讀罷不勝悲

唐山人

三

藥谷題號

心遠已忘世山空久索居足音真可喜長嘯豈應虛有  
木遷黃鳥無人咏白駒春回鄒子律惟待借吹嘘

孫漁人名宜字仲可號洞庭漁人華容人

折楊柳

從軍飲馬長城口下馬來折春楊柳欲藉東風寄意  
愁看北雁離邊土憶昔垂鞭初別家家園綠柳飛白花  
九秋戰鼓眠中抱萬里歸途夢裏賒坐來此柳成三折  
銀鞍寶劍猶霜雪傳與垂楊樓上人青衫幾娜何曾絕

夏日有懷家君大夫作

良時詎恒處近節復以過薰風扇朱夏積雨生綠波  
車陟峻嶺馳馬臨盤河夙行歷露霽暮往披煙莎迢迢  
草 餘毒熾復坎軻上事不得辭況在南天阿清水見  
白石 松紫紫蘿青蒼訖云固今懷良獨多人生總長  
別安能久咨嗟轉蓬念本根驚鳥思故柯九霄在高志  
捐佩近如何

送兄

丈夫志四海一別焉足悲屬言之期方骨肉從此辭紅  
顏落日望白髮高堂思所貴慎服食無使霜露欺弱齡  
重遊適行役非所宜同心藉賓友畏路多嶮巇寸誠緬

八園雅集十一

二十四

雲翰北望良在茲

石山寺同李子

佛園森翠律禪林莽迴護雲樓結綺煙霞殿紫朱霧塔  
鏡寶光垂簷鈴金響度既往遠公跡尚躡支公步飛錫  
凌天花開山辯祇樹法以三車駕僧緣一杯渡窺峯色  
相隱參定禪心悟妙陟石林幽勝攬廬嶽素領偈欲高  
蹤焚香息塵務卽此偕風盟永言謝他鶩

湖上

湖上秋色半經年吾始來 泊磯口聊訪垂綸臺水  
光蕩菰蒲鷗鷺相與回沙明白石岸日麗青霞杯漁父

舸中棹歌聲相催片月出遠空蒼茫碧雲開北斗揮  
波落天河低野迴露下涼吹生颯然動秋懷杖藜謝隣  
叟斗酒明當偕

竹圻墓域書先大夫石櫛有述

儉親有前誠貴朽非善謀事以恒豫立志藉果毅酬繫  
昔聆遺言俄今惟殷憂肅虔慎所將副答恐莫由披崖  
費躬閱採石遵匠籌宏規協往制鉅艦馳深流掩厝行  
九原錮藏擬千秋念玄代謝殊矧爾興廢周陵遷谷寧  
俟世遠人競求濡翰咨良工揮毫託荒丘高銜盛敷列  
永迹煩銘鏤非取逝者誇欲詔來者留寄言百世下斯

孫海人

八園雅集卷二

三五

意誠綢繆

水

物以人始神智緣力斯運風開水軸轉瀾熈雲盤順鳴  
咿野際謳脾呖山中吟以食良我慚藜藿訖斯塵

寄兄二首

春風已綠章臺柳遊子西行隔湘口故國繁華又一時  
天涯日月空回首南來尺素憐蕭瑟北望關河重淒楚  
去鴈歸鴻會有期人生作客誰能久

漢陽道路千里過深秋白日常風波漁人鼓柁不得渡  
估客維舟當柰何此時兄亦發燕京不日吾趨漢口城



東歸歲月倘相及，振舵揚帆更共行。

得李子啓孝書寄贈

西江路遙消息阻，盡日風濤亂江浦。天邊過鴈秋氣深，  
海上傳書客心苦。翡翠高樓金作梯，玉欄朱箔美人啼。  
白頭尚有臨邛婦，莫向成都戀故妻。

題李廣射石圖

草深日暮邊塞黑，將軍紫駟行蹊蹊。巉巖惟石虎也似，  
彷彿踞之昏林側。擬鞍掣馬怒更雄，猿臂隨挽三尺弓。  
弦奔矢發疾過風，將軍從來射不空。近前扼虎虎爲石，  
雙翎迸透歿之迹。異事翻增後代疑，英名合遣匈奴斥。  
孫漁人  
鴈門秋高息虜塵，旌旗出獵馳射頻。百聲命中一矢鏃，  
今也何拙前何神。壯士意氣難久憑，畫工顏色徒若新。  
君不見結髮善戰終殞身，又不見瀾陵亭中尉怒嘆數。  
奇射石亦何補，不如長射南山虎。

武陵行送李君

武陵落日啼猿合，洞口雲深鎖崖壑。夾岸桃花暮寂寥，  
綠溪草色春蕭索。憶昔漁人行放舟，孤舟暝踏溪水流。  
境奇詎記歸路遠，林盡偶得連山幽。山開路豁平原見，  
茅屋桑田此中徧。白髮衣冠識避秦，赤劉歲月驚過漢。  
武陵之事幾經春，叩柁携舟誰問津。荒涼雞黍相留。

想象園黃共逝身，李君今尋武陵去。釣竿直拂溪頭柳，  
碧蘚蒼蘿迹或存。仙源會有重逢處。

過徐元伯寺居

細竹禪房靜幽花，拂寢深人慚孺子榻。地卽遠公岑久，  
定同僧力長齋異世心。坐憐流水意時爲拂瑤琴。

贈台峯逸士

鄂渚同遊伴，台子獨卧身。久開丹竈術，時問赤松人。嘯  
裏驚山鬼，談中有谷神。仙踪行五嶽，吾已愧迷津。

湖上雜興

地遠山圍宅，城孤市遶村。菰蒲侵草閣，鷗鷺到柴門。塋

霧峰全嶼，湖煙渚半昏。坐憐漁父過，隨意倒芳樽。

揚州

舊日維揚地，於今上郡開。鶴隨仙馭去，花送客舟來。廢  
館龍帆歇，蕪城雉堞摧。更誰歌玉樹，腸斷數聲哀。

秋日園居

江上年華九月過，端居幽獨奈愁何。輕霜晚色移蘭芷，  
細雨寒聲到芰荷。彭澤豈妨沽酒數，茂陵無厭著書多。  
他時擬更尋高隱，只在青山舊薜蘿。

金進士

名大年字子有號方山江甯人嘉靖中舉進士

行路難



不見滄溟水，棄河流入污渠裏。君不見荒苑蓬山，  
銜墮名花叢。人生窮達無定跡，百年悲歡嗟何益。五陵  
驪馬去不還，簪前白日空朝夕。

### 贈別鄭三

鄭家兄弟如羣玉，扁舟來遊衛水曲。扶筇携屐恣幽尋，  
旅舍蕭條數竿竹。伯也獻賦志未酬，翩然遁世蒼山陬。  
醉中忘梳頭，熟睡不知春與秋。仲也瀟灑炯雙眸，  
粃糠人世棄虛舟。道逢仙人號浮丘，同騎黃鶴恣天遊。  
憲前窮竹素，况復冥搜無妙悟。子雲靜草太玄經，  
相如夙構長門賦。江西野客疎且迂，騎驢出入常與俱。

金鑑上

八國雅卷十一

三六

十年別去洛城裏，二仲輒輒伯兄死。遠道消息真無  
此日逢君在京邸，風塵滿面華髮生。夢裏相看浪驚喜，  
君懷寶劍猶蹉跎。我亦拂枕歸山阿，江海放浪幾風波。  
醉來還爲叩角歌，強顏于世計益訛。丈夫未遇柰若何，  
呼盧擊筑且縱飲。他日重逢白髮多。

### 牧羝行

杖節漢關道遠叩單于，門朔風吹沙白草沒。海狼浴日  
黃雲昏，臣年未老身爲虜。此生踪跡湮塵土，大窖牧羝  
不足嗟。未報君恩心獨苦，朝牧來青海，海水滔滔節常  
在。暮牧遊燕山，憑高不見玉門關。節旄易落心難變，尺

無傳上林鴈，壯年荏苒空白頭。生還北闕歲將晏，歸  
來空館闐無人。土花蔓草秋復春，手持舊節謁明主。蕭  
蕭空對茂陵樹，長安復覩漢官儀。回首胡天淚如雨，嗚  
呼憶爾黃鵠不同征，死生一別難爲情。

### 漂母祠

王孫去不返，淮水亦東流。宿草封遺塚，行人說故侯。荒  
祠黃葉暗寒渚，白蘋秋一飯猶懷德。空悲雲夢遊。

### 途中送鄉子桂奇還嶺南

落羽同棲息，相逢湖海間。余從江左隱，君向嶺南還。獨  
夜猿聲苦，千峯鳥道艱。兩都如已賦，遲爾入燕關。

金鑑上

八國雅卷十一

三九

### 遊楷上人山亭

病起身猶健，登臨興不孤。石泉當戶瀉，山鳥入雲呼。敗  
葉秋皆墮，寒煙晚欲無。此中堪閉戶，還擬著潛夫。

### 游能仁寺

落葉迷幽徑，垂藤鎖斷垣。溪深晴浴鷺，樹老晝啼猿。海  
氣庭前障天花，雨外翻坐來清梵。未盡日不開喧。

### 山行遇雨

野鳥鳴山館，江流抱石門。松楸千嶂雨，煙火數家村。石  
灘水聲碎，龍涵水氣昏。衝泥情不惡，下馬倒芳樽。

### 朝陽洞題

和尚

解空界上緣穿林松  
八飛鶴潭龍泉鱖  
探松枝露林達  
滿煙相逢仍綠  
定自何年

經廢寺有作

金身山出紺戶籍  
風開德法龍辭樹  
經石掩苔藤  
花簷深  
不題  
中  
公  
滿道千年  
檜山僧手自栽

遊天壽寺

清磬虛巖迴疎燈古殿陰  
慈雲籠梵刹法雨淨禪心  
霧濕青林重龍潛  
碧澗深無生嗟未悟  
華髮日相侵

陪徐子仁宿瑤上人房

平野千林雨衰年七尺藤  
獨衝青嶂暑來訪白頭僧  
受

草荒禪榻虛堂耿佛燈  
勿嫌山館寂長嘯對孫登

徐氏西園集

王孫高館碧溪濱  
池畔笙歌隔岸聞  
珍鳥春鳴雕檻樹  
珠泉曉澣石樓雲  
鶴翻松露簷前落  
風引天香席上分

幾向華林醉長日夜歸雙袖帶餘芬

金文學

名大興字子坤江寧人  
嘉靖中應天府博弟子

固湖城

片月挂湖上清光獨夜看  
山城晴自濕水國晚多寒  
靜  
覺鄉心急貧知客路難  
欲將江海意都付一漁竿

懷心宗大士

長途行脚挂三衣  
錫響空山白鶴飛  
摩子彌天傳法遠  
兵戈滿地故人稀  
何方乞食堪持鉢  
幾許歸心共息機  
行止本來非有意  
任他春草自芳菲

懷陳元甫

聞居獨梓往揚州  
幾處煙花入酒樓  
行有新詩應自遣  
世無知己莫輕投  
法雲舊寺迷青草  
瓜步寒潮漲白鷗  
翹首雲山獨不見  
晚風斜日長離憂


國雅卷之十一

國雅卷之十一

國雅卷之十二

勾吳顧

起



蔡司空

名汝楠字子木號白石浙江德清人嘉靖間官南京大司空有中臺樞筦南省諸集

中山公子東園宴

中山亭館勝上客駐驂驂一雨暑初盡新秋葉未稀水  
衝池霧落雲向石林歸秉燭正高飲隔花宵漏微

山中立夏卽事

一樽開首夏獨對落花飛幽僻還聞鳥清和未換衣綠  
幃槐影合香飯藥苗肥盡日柴關啓盤家過客稀

遊徐公子西園

蔡司空

八國雅卷之二

二

西園飛蓋月中遊隨意登攀自可留門徑近連馳道樹  
池塘遙接漢宮流坐看虛牖明朱轡行見深松間畫樓  
一自王孫開別第鳳臺花鳥不知秋

大宗伯鐘石費公以卷徵詩兼致稱許因呈

南宮切近紫宸居學士銜恩綰綬餘舊史校成藏石室  
新儀草定下丹書論思每賜惟中坐問字頻回巷外車  
最是平生憐賦客淺才猶薦似相如

自題前山草堂

草堂舊結北山阿逋客還家洽薜蘿遶院松林嵐翠重  
滿庭蕉葉雨聲多清樽自對叢花發高枕無如啼鳥何

若道世情堪澹處門前終日俯滄波

送陳郎中出守廣川

戀別南州守聊爲越客吟三江看鴈盡五嶺入雲深風  
氣通蠻落人烟接海陰炎方將帝命併切飲冰心

祖堂同徐公子夜宿

侵晨逢出郭薄暮共依禪榻似迎徐日花如獻祖年山  
空鐘乍響僧定月初圓爲接慈燈照深懷妙偈傳

雞鳴寺

龍山開古寺長傍紫微天地近多來客心空不礙禪虛  
牕遠岫出上界一燈然落日迴廊轉松關深暮烟

蔡司空

八國雅卷之二

二

晚晴

山晴欲暮天山色轉蒼然泉落雲中碓溪迴樹杪船斜  
明沙野日遠遍綠蕪烟還見鳬鷗伴閒飛秋水前

題峴山濟公房

禪榻澄湖上山光似鏡中疎鐘搖落葉細雨帶秋蟲峯  
竹虛牕映爐香別院通何期碧雲合一酌對休公

寄華學士

知君謝朝謁山水賦尤工才邁雕龍客心齊失馬翁烟  
霞留戶內花竹隱牆東莫道風流意如今異洛中

震谷寺送唐默菴兼簡錢南郭

西出祖向東林勝境那堪離思侵山徑疎松分曉  
郊原正帶秋陰空江鳬鷁天邊影上國鷓鴣夢裏心  
此上人相問嵇康好懶別來深

退食偶然作

一官留滯復何言騎省秋來驚旅覓退食避人常閉戶  
捐愁藉酒獨開樽羣鳥繞樹飛無定黃葉從風落正繁  
漫爲長公嗟世道不如元亮返田園

寄唐一應德

蚤承優詔返林居滿院逢詩仲蔚廬野徑採樵逢射雉  
水鄉穿沼試觀魚碧山相對幽情愜愚谷爲隣世事疎

卷十二

國朝卷十二

三

文

經年謝詞賦閒牕應注道家書

覽皇甫進上經海印廢寺之作因寄

帝京舊寺識慈恩鏡水蕭條傍繚垣無復山門訪支遁  
獨留徑草待王孫樂遊苑近花猶發說法人非鳥尚翻  
聞道夫君諳內學本來空處更何言

高座寺

雲公臺榭至今留休暇追隨訪古遊秋色總歸紅葉寺  
楚江還見白蘋洲松林月上言彌靜閣道鐘殘思轉幽  
莫訝爲郎貪佛日官閒禪定雨悠悠

行後園新池

後園鑿沼愛漣漪日日行園人不知浴鳥參差雲宿處  
戲魚來往芰搖時晚依巖岫分寒翠秋入芙蓉映倒枝  
最是一泓清興足五湖情事寄臨池

贈暨僧際公

本爲入山鰲鶴病逢師元會大乘禪世人未解華嚴偈  
妙法聊從藥品傳香供每添靈草味黃金卽布杏花田  
願陪默坐看爐火亦似維摩得道年

遊南嶽

爲耽名嶽赴炎荒更問禪宗歷上方祇謂新秋餘伏暑  
不知初地條清涼南嶽久廢傳燈室諸寺空閒說法堂

蔡司空

國朝卷十二

四

但對寒山證空寂何勞半偈使心降

贈詞客

平生獻納意明主本同時縱有相如賦那令狗監知

虛明樓一首奉寄是堂憲長聞以鄙作入刻

久宦勞歸夢營居始自憐石樓牕近斗山郭樹浮天佳  
境遺簪外流波把酒前登高多漫賦何意萬人傳

朱司空

名衡字上南號鎮山萬安人嘉萬間少保工部尚書

白紵詞

天衢十二夜雲涼繁燈明月照流黃鳴絃流管譙中堂  
嫵眉皓齒揚清商翻珠弄玉舞瑤瑤含嬌轉盼生輝光



凝態意胡長繡帷錦席娛未央

秋夜長

圓舒滿地秋江綠桂宮蘭寢見銀燭朱唇錦袖茵文褥  
含商咀徵金杯促金杯促玉漏長三星錯落露沾裳東  
林灼爍朝暾曉明璫峴沓上高堂

齋中詠

久臥文園疾自憐彭澤廬潭花翻石壁峯影落庭除時  
理丘中奏閒觀濠上漁不能通善宦樗散竟何如

登蕉原最高山忽造一菴漫題壁間

偶尋蘿石去忽造白雲林鹿臥玄芝谷猿啼清晝陰微

朱司空

國雅卷二

五

茫樵子徑寥汰行人音始信深山裏能生不染心

關山月

邠運秋易度天山月逾明遙牽瀚海色偏照玉關情暈  
隨孤鳧滿輪逐塞車輕不驗盈虧數那知是遠征

山院獨坐

投散聊休暇從知靜者尊林花時拂座山鳥日臨門洗  
想憎心障流觀厭帙繁冲然澄世慮獨坐對芳原

寄羅守真戴善甫尹仲烈三年友

憶共攀花日相看十載餘上書嗟不報懷抱近何如蘭  
管三都賦藜燈萬卷書祇應問字者日造太玄虛

胡簡齋宋環峯見訪

忽逢雙驂使相携看藥欄法星移漢署卿月照江潭話  
久思逾劇交深別更難非君憐病侶誰爲緩征鞍

總駕篇

總駕歷九州九州卑自隘返轡躍蒼虬逍遙凌方外  
離發寶璫騰霧揚霓蓋燭龍輕驅鸞鳳翊先戒朝發  
造天津夕仄扶桑界帝闕排九扉揖我文昌解曳曳丹  
霞裾飄飄紫瑤帶徘徊太乙宮羣仙歛來會馮夷擊天  
鼓豐隆鳴雲輿琳條疏英翹玉帝沈沆瀣持盃奏嘉  
玄響振森蒼流目俯寰區區中襍氛穢

朱司空

國雅卷十二

六

明妃詞

夙向椒庭日寧知事遠邊含啼趨渭水包紮步邠連淚  
下催芳禧歡來嗟盛年胡塵何日淨蒲月幾時圓芳意  
隨征鴈愁心逐斷絃惟應春風至吹夢度三川

宿少林

初祖開初地香臺控碧岑雙泉泓德水五葉散珠林鐘  
定禪關夕山寒寶塔陰空堂一片月曾印折蘆心  
行縣經名利因之扣梵筵到來諸品淨行處一燈懸證  
法何曾法忘緣不離緣焚香持半偈超悟了真詮

孔方伯

名大猷字汝錫號文方伯  
籍山西汾州府清江府  
嘉靖中官御史方伯



春盡將循永嘉早發錢塘廻寄憲府諸公

方此軫離居復當春候改落英空曉霏垂條謝暄霽牽  
跡阻澄江流筏縱滄海廻緬武林雲知予片心在

經桐廬七里瀨至嚴陵瀨

桐溪泛清淺併是滄江流進舟漸陵緬奔湍渺喧啾觸  
峭響逾駛盪磷紋反稠巖險信驚急潭暉且淹留帶山  
窮水泊梯石訪雲丘尚傳嚴子釣方見古人修客心何  
由弥此理猶未謀

訪方隱君金華山中

春山深曲訪巖種上喜桃源路不迷一室盡攢雲裏樹

孔尚

八國雅卷十二

七

空園全遶石中溪川觀魚鳥心無累磻束荆薪手自携  
酒性更能如五柳花林相許抱琴躋

能仁寺宿

夕陽下山坂旅宿山門禪牕暝垂巖樹庭昏帶野烟力  
疲甘宴處氣鬱喜涼泉獨有清猿嘯空帷復不眠

上靈峯洞

靈峯隱高洞高洞發靈峯石室排雲上松門閃霧重蹻  
欹追鳥道探秘絕人蹤必有羽化術空僊方可從

渡謝公嶺觀石門潭因緬懷伊人作此短章

巖巖茲嶺由謝乃名瞻焉登緬遵其景行嘉藻在目遙

倚衡喬木蔭秀卿雲吐英旣濟其高亦覽于深悠悠  
清潭湛湛我心帶門百仞寫樹千尋堂無隱磔遊無匿  
鱗清潭悠悠不顯其流無受非壑無資靡瞻南華葆光  
柱下善柔我之懷矣願言好仇

國清寺

寥寥入境外別有一林中蘿幌晴峯色花鐘夜壑空涼  
泉漱初月幽木寫遙風雖未成永託淹留足微躬

桐栢宮憩眺

改轍升桐栢息陰清夏公懷仙王子晉駕鶴去氤氲觀  
表金庭舊芝藏玉洞芬信茲永可托將此謝人羣

孔尚

八國雅卷十二

八

文

石梁

神嶺劃如闕亘空橫一梁虹橋玉京路烟道羽人鄉迸  
水藏金澗懸蘿暗紫房尚遲飄錫度臨眺佇斜陽

寄高竹所年兄

金門同獻賦鳳閣子登僊念我西征客曾貽驄馬篇相  
看各蓬轉聚首春風前始信兩龍勿交分不偶然

循行還述所覽懷呈憲府同寮

別來方兩月行盡萬重山疾長烟霞病熱增鬢髮斑丹  
砂尋海上芝草覓雲間欲贈猶難致虛從首路還

夜坐

寒窗寂寂夕悄悄客心幽露氣因風發花陰帶月流  
高聞鼓角地英識邊州去國懷多曠兼茲永夜愁

### 秋思

白露沾野草商風吹前林客華忽以改寒涼時見侵四  
運有承謝平生多苦辛豈不念時命積鬱終難任

### 秋懷

木落鴈南度天高秋色深白雲垂夕露疎雨散朝陰水  
冷魚龍息山空猿鶴吟將因理歸駕貞此歲寒心

王九江

名廷幹字維慎號巖潭涇縣人嘉靖中官九江太守

### 別朱鎮山

國雅卷十二

九

涇川方邂逅送別忽河津落日孤征遠名山屬望頻瑤  
琴歌白雪芳草對青春相憶無能慰東園柳葉新

### 九日賜讌午門

凜秋寒氣入京臺佳節欣逢醕宴開玉饌遙分天鼎賜  
黃花並出御園來雲飛雅曲更房奏風襍清簫桂殿  
迴帝女新承甘露詔僊宮應見赤麟催

### 天壽山行宮

天旆三春發離宮四月開觀河懷禹跡問野見周才日  
氣生高嶺雲陰拂翠臺太平叨庇從文雅愧王枚

### 觀九龍池

門開碧苑池色映丹丘芳樹綠增轉清泉入戶流名  
園花氣馥虛谷鳥聲幽草閣停清蹕雲峯帶彩旒

### 今上巡歌

水憐空鑑照山望斷烟浮卽此消千慮何須覽十洲  
思親展祀幸承天駕御飛龍霄漢邊萬乘旌旗浮日月  
千行羽衛靜風烟

王駕部

名問字子裕號仲山無錫人嘉靖間官駕部郎擢會憲不就

同省僚遊靈谷寺觀吳道子畫誌公像李白贊碑

出東郭振衣入叢林晨露滴空碧翳翳松蘿陰石  
上走蒼鹿空中聞梵音開房命清酌綠竹披素襟覽勝

王九江

國雅卷十二

十

時並往探幽更孤尋誌公自真性生滅了不經云何假  
衆慧幻相輝在今衆方滯名言獨存妙悟心從茲得解  
脫與道俱窈冥

### 聞雀聲

朝聞寒雀喧薄暮亦來歸嗚啄自無患叢竹欣相依涼  
風吹衡宇明月照素帷寄傲北牕下太息往事非今茲  
已息交門外車馬稀慰我閒居夕歲寒良不違

### 與楊世卿徐顧二生至寶界山居

遙水映微旭濕雲猶在山幽居隱深谷空濛烟樹間歲

後變樵歌常自閒與子不忍去躊躇暮方還

洗心亭

清溪漾寒碧衡門迤相向尚羊秋色中盡日此亭上飛  
鴈下平阜殘陽黯荒莽誰爲洗心人臨流獨惆悵

對雪懷陳山人

密雪灑溪陰驚風墜簷瓦窮屨投空臯饑鳥噪中野對  
此愴不怡思彼巖居者山深無四鄰幽懷向誰寫

龍舟行

揚旗考鼓紛雲雷十萬龍舟動海隈夾岸桃花曉霧開  
鳬鷁高飛清吹哀飛廉先發陽侯催帝遣同日趨蓬萊  
大旆行春過九垓斑龍五色夾日迴歸來重建神明

王國維

國雅卷上二

十二

文

臺小臣願獻南山杯

涪翁壽歌

翁巴人其子初景與予同舉進士

雪峯丈人櫛櫟衣手携玉枝行如飛曾被雲錦朝闔闔  
仍騎白鹿山中歸山中逃名何太早伏氣調經顏頰好  
石徑雲深客到稀蓬門落花閒不掃石徑蓬門涪水邊  
祇看松老不知年常將十二峯頭露自寫黃庭內景篇  
送路都司征倭

吳會多奇士今推霍冠軍一身常許國百戰敢邀勲戈  
戟揮江日樓船泛海雲爲書名將傳相送美髯君

西苑禱雨呈玉溪少宰

君王親在九靈宮蟬螭飛梁引上公秘籙光垂衡紫鳳  
水流烟起駕遊龍僊輿忽降璇臺上天樂遙聞合殿中  
卽有甘霖蘇野望三農歌舞萬方同

劉司倉督餉涼州

省郎銜命趨秦隴紫塞連雲白鴈過走馬川中人跡少  
受降城上角聲多沙深戍士秋登堠月暗輜車夜渡河  
三鎮邇來軍餉足懸知關內有蕭何

謝司戶督稅江南秋日奉寄

星軺曉下芙蓉闕督稅南州餉北軍河內發倉元有使  
省中風采獨稱君水落蘼蕪空暮雨天高鴻鴈入秋雲

王國維

國雅卷上二

十三

文

應知王處焚虛籍直使蒼生感漢文

早朝謝恩得乞補南職方

禁門初啓曙光寒南國書生復拜官泥詔喜從溫室下  
羽衣重入縉雲看麒麟舊殿丹楹在龍虎雄城繡嶺蟠  
慚愧職司虛自效清時金鼓靜江干

河上答比部俞汝成

片帆河上遠相思兩岸蟬聲日暮時掌禁獨持丹署筆  
退朝多在白雲司天池雨露心常戀水國烟霞夢轉疑  
臨別悽其數行淚不堪回首歎分岐

將至金陵聞喬景叔遷官赴蜀

期江上聽潮聲幾歲秋風旅鴈情正喜舟臨桃葉沙  
忽聞君向蜀山行巴川水映翠臺落鈎閑雲隨馬足生  
後會不知何日是鍾陵西望淚縱橫

遊牛首山歸與寮友宿天界寺

看山遙在萬峯西歸路亭亭江日低散吏自堪携伴侶  
閒心猶得佳招提經壇露淨天花落塔院風清谷鳥啼  
長習跏趺入禪寂亦知虛幻此生迷

送顧九華赴滇南幕府

城邊日出曉裝成送子昆明萬里行五華峯前無鴈度  
分茅嶺外有猿聲滇江半是黔人國銅柱常標漢騎營  
王駕詩  
六國雅卷三  
主  
欲建勳名須絕域渡瀘休起故園情

睡起

閒牕睡起澹忘言寂寂柴墟晝掩門東筍斜侵竹里館  
乳鶯低度水邊村已容小隱歸愚谷空有浮名寄漆園  
試看春衣出庭戶輝輝殘日映山樊

寶界山絕句四首

林麓臨清湖浦淑相映帶歸來閉柴關寧知此山外  
白鶴巢雲松秋深稻梁足寧知烟霞心不受人間祿  
山氣漸已開花露時時瀉禽鳥悅晴光飛鳴紫巖下  
山人披羊裘石上閒垂釣終日不得魚倚竿自吟嘯

惠山精舍示文

落日虛堂過雨涼自依禪誦學無生君來莫說人間事  
總是瞿曇法外情

鮑歌長康外圖作

錦樹亭前骨索坊綵雲飛盡柳絲長春風到此應須惜  
落日啼鶯入院牆

贈之山

城柝聲悲月未央江雲初散水風涼看君已是無  
猶自逢人說故鄉

贈茅山道士

王駕詩  
六國雅卷三  
主  
曾向華陽洞口過三峯高處白雲多仙房隱隱依巖竹  
清夜經聲出薜蘿

飛來峯

逢著山僧講是非夕陽松下澹忘歸大地河山俱是幻  
誤疑空界石能飛

送顧九華赴陳鳴野蘭亭之約

會稽多山水暮春天氣朗蘭亭有遺蹤千里君獨往繁  
花覆古隄流泉足清響倚歌臨華觴翛然結遐想

送楊三徑往茅山宿華陽洞水石山房

老至始好道三峯體白雲更尋金洞主重勸斗樵文肯



夏草逾碧仙壇路不分莫隨星駕去溪上正思君

又寄同石

釋子棲禪地松門午未開法雲常不去花雨忽飛來自得無生悟虛疑幻劫催欲依龍樹戒半偈爲君甚

登釣臺懷同石

水檻落平川江雲清遠天幾來舒晚眺終是惜殘年幻動迷真性齋居結靜緣思君西嶺下旦暮自依禪

贈楊三徑嶧峒隱居

單絺衫袂疊紗巾眼底唯君出世人半榻閒雲松嶺夕一畦芳草石田春露冷豈知蘿是屋道高常與虎爲隣

王萬邦

國雅卷十二

十五

光

嗟予自比山圖子願得相隨一問真

疊韻述懷

耗耗弱柳隱漁磯苑外芹香紫燕飛雨浣桃谿紅早溜氣蒸江墅綠初肥已無白壁千時好自有高齋息世機

玉塵玄言談未了西峯暮色下雙扉

周太僕

名復俊字子顯號木涇崑山人嘉靖間官南京太僕寺卿

咏落葉

朔風厲脩垠三浦氣方肅駿駿山崩雲耿耿葉辭木辭  
驛下萍川槭槭翻蘿屋飄飄任迴環零亂鮮羈束莫以  
九秋凋悅彼三春緝蕭條紫烟岑超忽丹林麓於茲欲

言歲暮偃脩躅

寄題南明洞天

昔從金馬遊初承碧雞賞晞髮雞足峯窺日大華掌秋  
臨積波池挂席淩滉漾滇國繞靈山沿越恣迴往緬懷  
南明秀陵跨詎虛罔僊關餘窟宅入區限方廣淪隱迷  
年祀濬發自今曩道堙闕往運數開獲奇獎名公理南  
服攬轡潯遐想剔拂盡蕪類登崇悉昭朗庶僚洽明肅  
百雉茂沈枉遵原升欽峯揚旌越莽蒼鬱鬱哉崇阿胡  
爲蔽榛蕩芻曲既窈深中窺乃空蕩辟泉發覆矇若然  
卽明曠璽石控詭態懸影森殊象脩竹凜圓陰幽泉激  
哀響青霞何徘徊丹雲互下上可以娛性智可以陶鬱  
快聲錫休嘉名焯炳犀璫榜絃辭鐫穹厓山祇挹英爽  
蹇予山水襟咫尺望塵軼應期驂長離松巖一偃仰

登龍泉觀作

丹荒啓靈壤員嶠帶方洲積波沃陽陟商嶺粵玄陬方  
春理東作行泉激平囀羣公切時隱聊與采真遊前徒  
秣金馬繫宇飛文鳩繡嶂畫蔬麥青黔炫神丘疎桃明  
近遠萋柳耿稀稠俯觀時物育予衷良悠悠緹騎襲脩  
堤簫鼓起道周舍車入松華遐矚凌雲幽曲磯紆石視  
側磴寫懸流彷彿登雲門邪溪澄遠眸竹細莽於荻林



三若憐高下陟層巘清深俯靈湫蕭然池閣曉颯若  
風雨秋泳鱗沒雲影隴禽相嘶啾時和戎馬閒尊俎坐  
銷憂山阿多桂樹日夕此淹留

安寧對月忽爾懷吳

芳宵華月駐連然忽憶江臯數畝田花逕風微春度鳥  
松巖雪 白夜聞泉謝庭琴從多英妙吳史篇章總入玄  
金馬旅遊非不樂欲排闥闔乞餘年

送王比部留都

石頭城畔雨初微白鷺洲前鳥更飛十里湖光香雨舊  
千門柳色點裳衣僊曹旦旦隨雲入馳道陰陰信馬歸

周太僕

八國詩卷十一

十七

知汝公餘振文藻秋憑春望憶玄暉

奉和宗伯甘泉公秋郊留別

京颺蕩碧宇日莫生微陰絃歌倚蘭館載步嘉樹林天  
漢忽改色悵遠振高吟祥麟遊四海神鳥翥千尋感世  
念彌遼眎我瑤華音如何泉上月永夜懸清心

有所思西水舟次作

去年三月瀕水陰今年二月沅州路風光晚晚愁殺人  
春色飄回忽遲莫楊溪昨夜春泉發竹寨沙邊弄明月  
始見繁花宿亂飛愁多不願理春衣花飛已怯傷春別  
何忍還聽曉于規沅湘兩岸垂楊碧白日牽絲送行客

煙橫浦淑香江聲千轉流雲長夢驚驚戰寤水

何由度王孫天末未歸來公子江南先有賦公子王孫  
散夜愁愁人難下杏花樓樓臺幕幕迴清漢山水清圓  
暎去舟停日欲晚紫嶂猿啼遠何處積幽思幽思似  
隴坂臨流歌復歇濯纓滿湘裏菁菁芳草心眷余紛何  
已浮雲有時卷草色幾時結相送過吳宮殷勤向君別  
吳宮翹望轉遙遙層層玉樹蔭連櫂芳菲帆浦迷香徑  
窈窕菱潭帶竹池萬里淹仍西復東一年涼暑春徂夏  
春臨絕嶼叩文鶯曉涉空津浮白馬我日思歸今得歸  
山中美人音信稀東風浩蕩吹梧樹極目天南鴻鴈飛

周太僕

八國詩卷十一

十八

白司直

字貞甫號洛原武進人嘉靖間官儀部  
郎中改太子司直翰林檢討遷江西僉事

秦省諸君招飲愛山園亭

幽林闢瑤圃飛閣臨華池高賢敞燕會慰我遠遊思情  
酣衆音翕日永杯行遲鮮飈空中來坐令炎霧披綠竹  
蔭雕榭樛樹綠芳畦夕照燦雲峯澄波漾湔澗魚伏  
蒲藻鳴鳥遷樛枝歡樂良不極惜茲光景馳慷慨君子  
心明明乎令儀散聚靡有常邂逅天之涯眷言崇懿德  
式彼周行詩

夏夜

良宵起永坐遠心鳴素琴當軒皎月出撫景繁愁侵所

在萬里屈茲諒同心涓涓淚盈掬脉脉勤悲吟  
音塵闕寂寂空稠衾曉言重惆悵歇薄自匪今不如雙  
王睢歲歲江之澤

爲友人題畫

楊柳摧秋風蒹葭淨秋水閒寂綸竿江海深蛟人夜泣  
龜龜起莘野磻溪忽遇時雲龍六合瀰霖雨吁嗟乎人  
生隱顯豈在睂睫間塵埃物色莫浪翻唇齒

明月篇贈別沈郡公

少小嫁君時顏色如花好君嗟得妾遲妾幸逢君蚤春  
溪雙鴛鴦晴景明如掃如何忽風波恩愛隨行潦知君

白司直

八國雅卷十二

十九

不終棄顧妾亦未老夙夜失勤劬供調缺蘋藻慙忒豈  
無因妾敢云自保匪懈奉姑嫜何言怨諸嫂非君樂新  
知視妾如露草妾欲去何之憂思怒如擣吁嗟乎君心  
未必同秋風齊紈入暑還相逢妾心未必如斷絃鸞膠  
續取還相連古云知已不易得白首如新嘗歎息仰天  
欲訴愁氤氲撫躬有淚流胸臆月當幾望未圓時難把  
光輝測盈昃試看松柏歲寒秋卻向青天有明照

鵲鵲行示舍弟

拒霜花發關河秋鵲鵲啄食原上頭羣鳥乘處無喧啾  
求依物類猶朋儔突來獵士雄獵士雄獵士雄獵士雄

遠近飛旋岸上並空金無處颺颺原鳥驚翔盡垂羽  
南北分棲自樹獨隣雙鵲鵲失勢還相附一飛一鳴  
一回顧

次少村黃子

促鵲渭河行春堤杜若生波翻過鳥疾風入暮帆輕象  
關天猶近狼狐野不驚最憐鄉思切永夜月偏明

山東法海寺次陳翰林

忘倦莫釐顛松高翠接天孤泉飛素練兩壑鎖青烟鳥  
宿雲林裏僧棲石竇邊五湖晴澈灩新漲欲平田

病中和答伯昭宗子

白司直

八國雅卷十二

十

之

賸有登臺思其如病肺何花兼樂事廢夢繞故園多枕  
畔春吟葉囊中舊賜羅秋來俱不理高臥問維摩

晚過楓橋遊寒山寺用可泉胡太守韻

眺覽思賢哲淹留感歲年鐘聲空古寺月色暗歸船霄  
漢無書寄江湖有夢懸琴罇朋舊在長嘯虎溪邊

武夷登天遊觀用陽明先師韻

眺望千溪盤紫雲潺湲溪溜隔林間祗緣病拙疑忘世  
豈爲遨遊敢負君夢寐不逢霄漢侶棲遲真愛薜蘿羣  
準嵩太嶽空塵鞅卜築須求一壑分

許觀察

名應元字子春號若山錢塘人  
嘉靖中官湖廣臬使有詩堂集

讀殷近大集

殷侯本岸瑋氣與烟霞親一朝被組綬濩落隨風塵爲  
吏山水間給事金馬門榮遺志乃得道屈命茲屯瓌詞  
發靈性逸響振青雲變彼楚執珪咄咄將誰言

秋夜寄蔡員外子木

明月滿通津秋風思故人寒蕪一以望疑是雪溪濱雪  
溪若水雙紫帶白石山光畫常謁門前碧蓋施兩槐屋  
後青林卽森蒼爲憶夫君美且揚明時比部漢中郎天  
上雲霞流藻思溪邊蘭芷結衣裳公車對詔纔二十奉  
使稱詩滿四方魯人驟賞延陵識楚國仍傳白雪章只  
今持憲尚書府能以玄心超領簿侶是馬曹了不關政  
樓牛屋應遭悔聞知未上賀循舟郡士相留沈隱侯我  
亦周南苦留滯還憐高視上京儔黃金古臺燕王築劇  
辛樂毅爭投轂開歲垂楊拂地新輕塵馬足來相逐

寶應同縣尹訪朱子价不遇

縣郭看花入江亭問草玄子雲書自秘潘令賦皆傳白  
馬湖風急清淮海月懸寧同剡中路寂寞自回船

射洪經陳子昂故居慨然興懷作

夫子昔玄覽林居几閣開窠中空逝水江上獨高臺下  
馬一懷古乘軒誰念才西來萬里客欲去更徘徊

送翁夢山觀察河南

言辭蜀道險憑軾向中州共惜春前別還登江上樓曉  
雲千騎擁芳樹一尊留去後知相憶封題報溪頭

寄王維禎戶曹兼東子木

含香早歲承三殿獻賦蜚聲在兩都霞裏郡城題字滿  
烟中島嶼寄情孤祗知公謙陪王粲未有清言勝蔡謨  
吏道于今江徼遠翩翩美爾府中趨

包侍御

名節字元達華亭人嘉靖間官御史謫戍有臺中淫中二集

平越夜行

侵星飭徒侶畢景驚脩岑流雲還暮山歸鳥棲舊林伊

計開案

國雅卷十二

王

予不遑寐勞勞陟崎嶇山形既綿亘叢薄鬱蕭森崇崗

虧朗月密木蔽層陰虎豹當路號猿猱擁條吟仰睇何

遠邈單誼盡夷音駕言何所之將邁昆明潯故鄉眇天

末所思安可任

同吳山人松林宴集

竹院藏深雨松林響素濤坐淹十日飲興洽五陵豪雲  
氣盈歌扇霞文散舞袍更憐吳季子清嘯滿江皋

臨淮遇雪贈劉漸齋侍御謫居

白簡彤庭幾抗章一麾銅墨便爲郎關門變柳猶飛雪  
縣郭無花祗避霜雲接楚山聊隱吏地臨淮海舊興王

可應禁闥達長孺帝念中都是沛鄉

彭城贈顧一諫議自居庸過赦還蘇州

歲晚逢君塞上來紫貂零落劍花開  
猶思玉殿批麟日敢望丹霄托鳳迴  
去國幾經邊地草還鄉初放故宮梅  
長洲茂苑真堪隱漢帝能忘賈誼才

同周岐麓臺長泛西湖遂宿藕花居

湖畔乍逢驄馬使沙行同入鷺鷥羣  
六橋水抱珠林月兩竺峯盤寶界雲  
岸柳藏鶯侵坐密園花隱麝隔溪分  
況同佛院移蓮榻共息塵機理貝文

兆源洞

包侍御

八國雜卷十二

三

文

武陵山徑碧嶙峋茅屋荷衣此避秦  
深洞草荒猶有水舊溪花落不知春  
白雲天路人何在滄海年華世幾新  
每飲卜居勞夢想竭來何事又風塵

晚望蒼山卽事

吏散庭閒靜掩扉點蒼西望翠霏微  
雲裁玉葉和烟潤瀑濺珠花映雨飛  
石洞經秋龍不起松枝將暝鶴初歸  
冷然忽動餐霞思擬陟丹梯一振衣

結客少年場爲邊人作

秦勇雄六郡豪舉擅三秦往來惟劇孟  
隣並有孫賓一上倡樓醉千金擲與人  
居閒跨馬去所至能風塵初賞

豐側探丸灞水濱干極不敢近名捕及姻親邊城亡  
命久隱約多苦辛會逢募兵檄昨始脫荆榛焚丹擬著  
效洗聖誓圖新得隨征虜去雲中搏戰頻虎發羽尋沒  
猿號枝若神以茲富禽馘勲名日益振授官還故里綺  
服綰通綸道傍相指點噴噴有餘噴曩蹤類伏鼠茲榮  
等畫麟廼知若思者一變卽良臣

雨中聞山人李翁臥病懷訊

端居抱積慘細懷華顛更相望非阻脩離索良已久  
瑞琴網輕埃孤榻懸虛牖高臥不可期竹立時延首  
博恐仙人滯玄應隱士守滄暑淋潦盈居窮何所有  
池邊交

包侍御

八國雜卷十二

三

文

枝門外先生柳終朝挹蔥蒨誰與共杯酒

胡將軍携宴死士納涼

愛客携芳宴諸天幾度過神心斷絲竹幽興托烟蘿  
口爲揮戈久涼因擁樹多留歡殊未已譚劍坐明河

秋夜

淒清旅館夕徙倚對明河庭樹銷潘省寒蟲遶翟羅  
鴈歸砧響急烽至角聲多不寐殷憂者長更柰若何

和李山人溪上無題作次來韻

不信傾城笑邊人今始知圖堪遺胃頓色本奔燕支蔡  
琰降胡日王嫱出塞時華容能並不吾欲賦陳思



寄題都護大通別業

卜居違俗宇結構托祇園  
逕側繞通鳥山深祇嘯猿  
本能金作穴翻喜竹爲垣  
老去耽禪寂調心抱化源

與客野坐

步屨因逢客班荆偶列筵  
錦茵花滿地翠幙樹彌天  
瀑寫漁陽慘鶯調陌上絃  
因忘巢燕日聊慰問漁年

客居漫興二首

四序寒偏久青陽夏始知  
山風翻芍藥庭雨折酴醾  
竹箭難聲駛燕支石磴危  
酒酣頻眺聽端欲慰遐思

隣院聞清磬胡僧吐梵音  
吹螺能止雹沈石解與霖  
樹

包侍御

八園雅集十二

五

列祇園遍雲叢驚嶺陰  
法門甘露近當暑滌煩襟

九日與客小坐偶對鸚鵡兼聞笙

湟中留滯兩重陽一上烽臺思渺茫  
落葉共爲江海客  
野花聊薦歲時芳  
當筵解語調鸚鵡隣院吹笙寫鳳凰

子晉稱衡精爽在豈憐愁緒勸飛觴

贈俠少年

蚤隨飛將戰龍沙  
日晚收營過狹斜  
下馬直趨盧女肆  
滿樓喧笑擁琵琶

尹宗伯

名臺字崇基號洞山江西永新  
人嘉隆間官南京禮部尚書

送張石里少卿赴南光祿

炎風朔野變新秋錦席南移亦  
帝州曲省儀曹辭奉  
引陪都勳寺愜清修煙中晉  
苑朱甍影樹裏秦淮碧水  
流此去定傳庾信賦鶯花回首白門樓

柳亭爲葉中書賦

舊業新安復武林青山住愛柳叢深  
一辭露葉春夢  
幾惜煙條感醉吟翠擁鳩樓西掖暮  
碧藏龍舸北湖陰  
十年供奉長楊館底事頻抽白玉簪

送許元復秀才還吳中

童穉論交已二毛相思吳楚隔風濤  
空憐明月懸珠珮  
未向黃塵拭寶刀  
仲時逢高貧豈厭元龍湖海氣偏豪

尹宗伯

八園雅集十二

五

此歸且理裘年還莫學揚雄辨字勞

謁荆川唐太史陳橋庄

幾歲風塵海甸昏如公那得卧衡門  
焚魚學士迹空秘  
衣白山人禮自尊  
桂樹攀援聊賦隱桃花開落忘言  
英雄出處元無定不見南陽與渭村

理公西園賞牡丹次礪峯少宗伯

冶城西畔魏公園僊客同開上日尊  
花繞複亭深隔市  
柳藏幽徑曲成村  
簾櫳盡啓春陰靜  
睥睨晴通野氣昏  
向夕不須仍秉燭  
繽紛羅月映階繁

西湖次韻



月過新雨西湖羅綺衣

西湖采蓮曲

湖市羅裙映玉鉤蘇隄楊

飛向花間還自變

送湖西步少尹赴順昌

縣古虛廳自少塵松除流水更粼粼長吟花下閒無事

好憶藍田記裏人

孫文恪

名陞字志高號季泉餘姚人嘉靖間禮部尚書謚文恪

孝烈皇后輓章四首應制

椒寢冰丹禁星娥傍紫薇扶天功獨茂配地德應稀曙

八國雅卷七

二十七

沒金波影宵沉寶瑟輝

皇情最悽切不是戀官闈

綺牖餘香幽璇宮靜珮環鳴空後詠騁乘難露

泣花堦冷人悲謫冊頒那堪御溝水日夜響潺湲

千官隨素輦行路若爲嘆仙逝人中鳳塵迷鏡裏驚相

江朝霧暗塗嶺暮雲橫此日齊揮涕淒風五月寒

靈車歸秘室仙馭度層空蘭殿芳猶在瑤琴曲遽終淚

添玄澤雨悲動白楊風寶笥看遺字時時感聖衷

送上海張丞

今懸綬去百佐花封地僻城臨海雲開戶入峰俊

高興每哦松欲識飛騰光惟看日下龍

甲申元夕

剡逢元夕新晴氣復澄月懸天上鏡星列市中燈人

騎紛如簇烟花霧若蒸莫牽羈旅抱佳興且須乘

嘉會稽吳尉禦寇

有美稽山尉超然志不倫羽書飛海國鐵騎走風塵

日戈橫臂衝星劍在身策勲酬聖主翻咲姓梅人

與楊太史話舊次韻

鳳凰臺畔忽逢君朔塞寒雲度鴈群久別故人驚鬢改

細傾濁酒坐宵分虛推詞賦追孫綽實羨才華似子雲

丹禁青藜輝五石不渠猶記校書勤

孫文恪

八國雅卷十二

二十八

和吳山人小閣述懷之作

朝紳不繫一身閒五嶽名區已遍攀老去懶馳雲外路

春來惟看閣中山烟巖樹當窓翠雨過林花滿目斑

獨倚欄干成坐久天鳥背夕陽還

與二友酌池上軒用舊韻

結駟無勞訪辟蘿南曹歲序只閒過憑軒得句難忘酒

臨池揮毫欲換鵝平且日光斜入牖清宵月影靜涵波

門外休塵渾不染祇應開徑近羊何

余孝廉

名慶字惟德號桐林汝寧府人嘉靖間貢生有聲

山莊舊址二首

山人迹空憐故址荒鳥啼歌舞處花落水雲鄉  
雨苔綠霜餘草樹黃鳴泉細鳴咽似與訴興亡  
繁華地其如世夢何風流人去遠岑寂客愁多敗  
壁潛孤兔空山挂薜蘿夜深溪上月依舊浸寒波

送張少府歸田

書劍秋風晚飄然一騎歸憐看公牘草心戀故山薇  
世路誰知止雲林自見幾月明淮汝夜千里歎相違

送吳隱君南還

未久論交日還驚餞別時江空憐歲晚道遠念歸遲  
行色關鴻雁鄉心挂柳枝殷勤一盃酒相勸復相思

余孝廉

入國雅卷十二

二十九

別上蔡張一元

聚首能幾日須臾悵別筵濁醪因汝醉佳句復誰憐  
汝北城頭月淮南樹杪天連牀風雨夜何日更依然

夜雨

浙源驚虛牖淅亂竹閒水深溪沒石雲暗樹連山短  
灶秋烟濕孤衾曉夢寒雞鳴天似暝高枕聽潺湲

病中述懷

西風短榻不禁涼雨後梧桐葉半黃潦倒豈能忘藥米  
淹留空自憶岩廊秋添老鬢愁方劇病數寒更夜得長  
誰信涇州白司馬尚堪淪落臥他鄉

聞鶯

倦倚胡牀午夢醒忽聞高樹轉流鶯聲傳青帝米幽谷  
羽振金衣拂翠屏宛轉似尋人共語徘徊偏解爾多情  
翻鶯節序消容鬢聽到嚶嚶念友生

遊大千寺用辟間韻

幾年聞說此蕭臺今日登臨石殿開二水忽懸雙澗下  
羣山齊擁一峯來喜無塵夢驚榻賴有清齋供草秣  
湯道支公親翰墨新題何愧許詢才

遊圓覺寺二絕

青山一帶兩河沅臺殿參差勢欲浮曾借石牀眠甚穩

余孝廉

入國雅卷十二

三十

覺夾紅日滿山頭

好懶常投古寺陰坐來惟愛法堂深清風石上餘苔綠  
明月松梢落梵音

相卷之十三

勾吳顧起綸玄言選

王祭酒

名維楨字允宜號槐野陝西華州人嘉靖間官南京國子祭酒

贈劍與孫伯臬都督

寶劍藏來火藥中  
淶水光千金酬未許一日為君將青  
海傳雙箭天山駐五王何嘗持此去萬里靜邊疆

贈劉令赴潮陽

縣樓望海海雲生仙島茫茫無限情  
但使丹成似王宰無愁鳬鶴不逢迎

寄家書

王祭酒

八國雅卷十三

客心殊不樂千里滯長安  
夢寐還家屢風波涉世難跡  
危偏信卜慮重欲辭官  
悵望西飛鳥何由附羽翰

聞蟬

上苑無窮樹微吟抱一枝  
風回聲故迴雀繞跡堪危清  
飲垂天露寒哀向暮時  
羈人愁聽汝獨坐正多思

薛憲副

名應旂字仲常號方山武進人嘉靖中官浙江督學副使改陝西兵憲

相逢行

人貴相知心不貴相逢  
蚤心苟不相知相逢祇煩惱  
夷吾遇叔牙歷歷傾懷抱  
元伯夢巨卿終身敵宿好  
末利交與本不趨忘古道  
對面隔九疑把臂成繾綣  
所以

上獨立甘枯槁寧與麋鹿羣優游以終老

粵王山

斷雲衰草粵王城  
蒲樹寒鴉噪晚晴  
寂寞荒臺秋色裏  
居人猶說尉佗名

雨中過吳寓菴因訪陸幼靈

久雨思良晤開門客到稀  
臺荒青草合窻濕白雲飛  
條爾過吳節因之訪陸機  
相逢論夙昔深夜竟忘歸

桐溪夜泊

夜深孤櫂泊桐溪  
明月清霜照石堤  
木落江空行客少  
隔林惟有野猿啼

薛憲副

八國雅卷十三

二

楊止所職方出守衢州因余道經留飲邵齋值書

屋新成賦以贈別

甘泉獻賦識揚雄  
十載還從姑蔑逢  
寒府舊傳征虜檄  
山衙新築草玄宮  
客來幽徑雲攜袖  
吏散空庭雪滿松

尊酒相看無限意殷勤豈是慰途窮

新春同劉白石憲副游雲居菴次韻

空門澹日夕開雲  
自來往春寒雪未融  
新晴愜游賞解  
帶陟崇岡湖山鬱蒼蒼  
分明玉芙蓉削出仙人掌  
僻性與世殊凌風起遐想  
願與同心侶相攜滄海上

送禮僧住華藏

梵宮蕭瑟大湖陰卓錫今逢古道林一徑慈燈通浩劫  
滿空香雨滌塵心聽經松際遙聞磬說偈臺前徧布金  
老我悟來無住著春深還到上方尋

陳參議

名鳳字羽伯號玉泉南都人嘉靖中官陝西少參

白溝河懷古

平沙蔓草血痕斑十萬征人半未還千古忠魂招不起  
白溝河上望鍾山

次孟公韻

仙壇橫楚塞疑是祝融峯一水自迴合千巖雲霧封深  
林巢鶴鶴曲徑擁杉松遠憶食霞子飄飄欲爾從

同孟公韻

國朝卷十三

三

同孟公韻秋日偶然作

久緣朱紱累夢斷白鷗羣幾對宛城月遙憐鍾阜雲開  
見見秋色散帙坐斜曛絡緯催寒急淒淒不可聞

唐藩芍藥應教

帝子開池館相如授簡過人於賈傳重花比兔園多璠  
圃看新藥金尊對艷歌凌雲慚逸氣作賦欲如何

喬觀察

名世監字景叔號三石陝西耀州人嘉靖中官山西按察使

秋夜

今夜燕城館忽驚霜露侵寒砧薄暮急落葉下庭深爲  
客仍多病悲秋正苦吟誰家明月下吹笛更關心

立秋日送子成歸

海內誰知已天涯更送君秋憐今日至客向野橋分身  
世只長劍鄉關望白雲離尊正悵恰落葉又紛紛

舟中書事

春草看仍發孤舟尚未歸官情雙鬢改客思片雲飛峽  
樹啼猿合巴江過鴈稀遙天今夜月那忍對澄輝

莫愁湖送客

相送莫愁湖愁生煙水處鄉心共春草萬里隨君去

萬侍郎

名虞悅字懋齋號楓潭南昌人嘉靖中官刑部侍郎有楓潭詩鈔

明妃

同孟公韻

國朝卷十三

四

千里暗沙場白草淒淒滿地霜心在漢宮身即死  
還將青塚謝君王

鋤禾

鋤禾欲禾長躊躇復何言惡草恨不盡猶恐傷苗根

山中曉行

攬衣中夜起秣馬蚤鳴鞭殘月不照地明星猶在天出  
門頻問曉歷澗暗聞泉翳翳東林外山雲雜隴煙

採蓮曲

自別郎君夜幾闌湖邊秋色共誰看蓮花妾面空相似  
妾意蓮心苦一般

九月應召北上留別同寮余主簿

高秋與君別執手梁溪上清節久相期離懷忽以愴停  
杯既無言解纜猶長望回首山中泉依依未能忘

安慶與吳峻伯別

共宿皖峯頭蕭蕭逢夜雨我車驅銅城君帆下江浦相  
別以成悲獨行良覺苦無能遣此情聊爾酌村醪

月下行

霜月并寒輝迢迢照行路只照行人行不照行人苦

京師懷南還人

有鳥欲南歸飄飄雲裏飛今宵何處宿孤樹暫相依落

葉驚幽夢繁霜棲薄衣娟娟枝上月千里共寒輝

八國雅卷十三

五

烏江廟

入關事已定豈在割鴻溝霸業一朝盡烏江萬古流

別離作

一別章江門離心逐江折江水能逆流猶堪寄離別

妾薄命

古來妾薄命莫以青春好寵極妬方深恩情那到老昨  
日含笑花今朝斷腸草翻恨西風遲凋零不如蚤

哭徐波石先生死南中

平生任斯道肯愛此身輕不避生前難那知死後名惟

不寐淚水年年送哭聲

雨夜

孤館殘燈照獨眠寒江落木正蕭然西風還送終宵雨  
并入江聲到枕邊

望夫石

望君君不至空有白頭吟憑將一片石聊寄百年心

泰山絕頂

帝遣自何年青霄吐碧蓮巖觀半夜日門入九重天漢  
禪壇猶在泰封樹獨傳浮雲從去住今古任推遷

送同鄉萬道士歸玉臺

萬世

八國雅卷十三

六

端居寂無賴百感難憂喜緬想故園春青草徧芳芷胡  
爲久離別白日摧毛齒絕塞號悲風四顧蒼塵起所親  
在天末渺渺空予企汝從泃都來跋涉幾千里慰我長  
相思手持一雙鯉乍見他鄉親綢繆詎能已燈前對尊  
酒歷歷問隣比風景應不殊故舊誰生死相逢暫相權  
相別又從此送汝南城隅含悵向汾水

馮光祿名惟訥字汝言號少洲籍廣寧流寓山東臨朐嘉靖中官光祿寺卿

別詩荅萬吳俞王諸子時解陽羨北歸

執手莫悵惆吾將歸故鄉感子歡意促念此別路長寒  
商栖薄衣原野被繁霜江濤西南來瀕洞凌舟橫洲上



雙鳴鳥條欵衝風翔不辭毛羽類所嗟忽分行徘徊顧  
舊者感激增煩傷

哀逝詩

翩翩雙黃鶴比翼遊青冥雌雄苟不偕抗志長哀鳴婉  
孌米中鳥一失不再弁物性亮有貞况乃斯人靈顧彼  
架上琴絃絕流塵生朱絲豈不美協調難爲聲感此不  
重歡歎往魂營營

塞下二首

八月塞霜清胡弓候月明方徵羽林騎共逐輕車營雲  
暗黃龍戍天空白豹城何當度沙磧寶劍匣中鳴

卷一

八國雜卷十三

七

之

日落胡沙驚匈奴已合兵天山萬里月一夜度龍城却  
敵心逾壯銜恩命自輕左賢今已縛不復請長纓

初春同黃翠巖楊豫齋二侍御遊蔣山

祠宮迢遞接層臺上客邀歡結駟來竹色總宜驄馬度  
春光併是綺筵催歌絃宛轉停林鳥舞袖低徊拂苑梅  
爲報山公愛清賞莫疑此日射麋回

此故蔣公射麋處

送龔侍御清戎滇貴

天王按劍欲專征詔使分麾十道行玉璽夜聞鵲鵲  
觀樓船春下鳳皇城日南島嶼揚旂度徼外蠻夷擁傳  
迎不用軍書馳朔漠年來百粵未休兵

毘陵舟中夜別萬吳二明府次俞汝成韻

渡江雲深樹色蒼孤舟寒雨共離觴憑君莫話從前事  
只是無言已斷腸

天目山歌壽吳興吳丈人

山翁慣住石湖邊手種蒼松不記年放鶴獨尋南澗路  
采芝常買北山田

同東原東洲二觀察葛村參知洮郡東巖燕集

尊俎三秋月烽煙萬里身忽聞歌窈窕那復歎沈淪雲  
樹遙山暝霜花絕塞春不須辭醪醑回首各風塵

聞警二首

八月塞門開單于獵鴈迴五原秋草盡萬騎羽書來秦

隴瘡痍後疆場戰伐催黃雲迷處所羌笛暮生哀  
平生投筆吏慷慨學孫吳不分龍庭騎年年入武都輕

兵下隴坂間道襲休屠談笑看雄劍煙塵更有無

又寄河東清溪諸殿下四首

寒城雪盡曉氛氲萬樹猿聲不可聞東望梅花消息斷

思君一寄隴山雲

東柯赤谷尚依然雲樹蒼蒼渭北天何事相思不相見

少陵西去又經年

天涯歲晏雪霜繁又見春風落塞門

欲持芳草問王孫

冥鴻不度塞門來  
隴上梅花寒未開  
渭水悠悠日千里  
因之一寄平生懷

同王職方遊善權洞

靈洞曾聞隱上禪  
千年龍象護蒼煙  
不緣司馬尋方外  
誰遣雙鳬落澗邊  
亂石盡隨雲氣結  
空山全學屨樓懸  
白牛西去無消息  
欲向瀛洲別問禪

七夕集石川王孫館

槩槎秋夜問支機  
月殿天孫錦席披  
別苑銀橋臨晚度  
上方寶榻近星移  
金尊半落天河影  
綵綬遙傳織女絲  
莫遣仙源迷往路  
年年此夕慰佳期

國朝卷十三

王

九

王

京邸始觀章行人遂使上黨酌酒言別得風字

襟期江甸阻尊酒  
帝京同我欲賦嘉樹  
君方歎轉蓬晉  
山微子鄧漳水魏王  
官莫遣輜軒滯  
明王待國風

河中閼武

剖竹新提六郡兵  
秋風汾上待橫行  
虎頭未必無班略  
羯鼓何須近漢營  
帶甲三千雲作陣  
關河百二石爲城  
舞干況是重華地  
蚤見呼韓款上京

登萬壽戒壇

千盤迴合鬱蒼蒼  
山是西來住法王  
偶爲上春探勝果

遂憑野水渡慈航  
林光半借懸燈嶂  
花氣時參禮佛  
塵海十年成夢隔  
將因大覺問迷方

題文姬歸漢圖五首

淚逐胡沙盡愁隨漢水盈  
君聽隴頭水猶作別兒聲  
邊柳拂鵲旂山花照貉衣  
驚心問關吏春色幾時歸  
清夜笳聲發霜鳴萬馬嘶  
娉婷無限思只是雜梵離  
掩淚開鸞閣含羞理翠裳  
幡旌凋落盡不似嫁時香  
浮萍無定住隨水作周迴  
却羨明妃草青青近紫臺

莫方伯

名如忠字子良號中江華亭人嘉隆間官浙江方伯

望廬山謠

國朝卷十三

王

十

王

我浮沅湘道沔鄂夜宿潯陽江  
上部部外澄泓月浸波  
繁陰一片橫江落乍疑天山雪  
半披還似燭龍銜火光  
芒下照崑崙西我驚起視仰攝  
息試向居人訪奇跡朝  
從城上望城南云是匡廬峯  
始識匡廬山高高入雲千  
盤萬疊羅錦紋瀑布空濛相映  
帶香爐煙靄相氤氳昔  
賢已羽化矯矯離人羣黃鶴去不  
返青猿啼或聞行人  
不道滄桑變却指名山表鄉縣  
彭蠡東南缺地維巨壑  
合湯靈峯獻入楚山川自此多荆  
衡南下向牂牁攀危  
陟險路不極我將何處巢雲阿  
山靈爲我言畏途君莫  
前只今陶謝風流地遲爾歸來問  
白蓮

贈董子元移居城南二首

選地初成構移家學避名何言在 cities 翻喜叩柴荆就  
竹定開徑臨流可濯纓園蕪應不掃知有下帷情  
一畝城南卜悠然水竹居貧何嫌委巷靜肯傍精廬鳥  
下翻經後風疎展簾餘倘容陶處士終日過籃輿

拂水巖

靈源臨眺處隱映亂峯間懸壑繞飛去迎颺忽捲還春  
雷殷澗底空雨暗松關坐對忘移日冥心了自閒

巢縣望湖亭

煙樹村村合巖潭面面奇孤亭凝眺處一葉報秋時拂

吳方伯

八國雅卷十三

十一

直

石成碁局牽蘿挂接離忽忘羈旅跡還與白雲期

園居三首

初服返衡門聊因避世諠誅茅爲棟宇負郭擬山樊頗  
狎禽魚樂彌親農圃言下惟妨懶性不廢日窺園  
端居寡營慮瀟灑出塵氛生事觀秋水遙心送嶺雲澤  
行蘭入佩林卧鹿爲羣卽此堪長往寧論蹈海濱  
結廬何必遠屋後亦桑麻瀑水分林注叢篁引徑斜帶  
經畊綠野留客釀黃花日入荆扉偃何如五柳家

遊寺

香界追攀十載曾薛蘿深處翠微局齊梁古跡譚雙樹

水月玄心鏡一燈  
山鳥弄晴春冉冉閣雲凝碧畫冥冥  
投箸莫訝歸無侶猶有逢迎白社僧

春日遊虞山

興在春山獨遠尋行隨杖屨歷巖峯千盤磴出花間路  
百轉驚調谷口音石洞流雲藏窈窕海門初日發晴陰  
更臨絕巘看飛瀑頓覺清泠洗客心

茅副使

名坤字順甫號鹿門歸安人  
嘉靖間官大名兵備副使

贈聊城陳醫

齊南賣藥肆問姓韓康海上仙人草壺中玉女漿身  
常跨白鹿手自注青囊吾亦折肱客從君乞異方

李副使

八國雅卷十三

十二

言

寄侯二谷

中林卧已久曾訪赤城無未擬形朝影還將爾喪吾口  
嘗遍百草手注只陰符滿告未須出應憐三徑蕪

讀萬鹿園赭山戰後之作次韻酬寄

將軍解印東山卧翻着儒衣強勒戎門下齋僧爭舞稍  
園中罽卒亦擐弓共看海島妖氛滅不數樓船膽氣雄  
猶道堦君曾戰沒幾尸馬革未論功

秋日江上寄懷

幾年同作悲秋客今日獨尋芳草堤門下談經憐舊侶  
省中供奉憶新題愁看白鷺江流滿望入晴原野戍迷

平津衆賓客董生今已相膠西

朱射陂再補南刑部賦詩寄之無呈潘太史

聞道仙郎耽寂寞分曹再向鳳凰臺初憐太史周南滯  
又見玄暉江左來樹裏碧湖春並騎省中芳草夜銜杯  
亦知霄漢揚遊處不讓當年鄴下才

南山行四首爲梅林司馬賦

行行入南山靡蕪日以深不見津亭吏但聞鼙鼓音夕  
陽猶在樹谷風起中林下有種豆歌歎歎傷我心

我空空自摧太息今與古上山多機爲下山多猛虎道  
路寂無人日暮楚三戶停車一以悲深林有巢父

巢父無名子相對語瓜田夜聞李都尉醉獵南山前射

殺白額虎飛鳥落青天歸來感往事叱咤黃金鞭

金鞭勿復揮古來事如此仲連破聊城辭爵歸田里子  
房定大漢言從赤松子何如酌金壘酒酣猶熱耳

叢山關曉發

山色秀可掇况復游子襟涼雲寫曲澗白日耀高林竹  
間猶泣嚴阿風乍沈人煙互葱蒨樵路仍嶮嶮安得  
携良朋加此援鳴琴披衣一鼓調山水揚清音

吳中丞名維翰字叔子自號雲間都御史

冶父寺次舊再韻

入空界石磴抱迴岑却笑遠行役翻如不住心齋  
鐘微出塢澗水曲穿林無處尋歐冶蒼苔撫劍吟

江上聞笛

誰家短笛弄高秋暗逐江風到客舟愁處不知鄉路近  
梅花飛盡水悠悠

送徐明府改任夷陵

一官仍不偶轉向楚江濱揮手此爲別含情不可陳猿  
愁峽夜草暗洞庭春莫歎沉淪久明君重遠臣

送顧九華赴蘭亭之約

芳春無伴自言歸桃李花開夾路飛京洛豈無行樂處

看君終戀舊漁磯

煙水迢迢兩岸春青帆一片落江濱可憐剡曲依然勝  
君到同遊有幾人

運使者吏人需求被註誤

從宦元非巧居卑却爲貧如何南去舫更作左遷人篋  
貯褰轅頌衣餘負弩塵芷蘭湘岸夕風雨岳樓春不用  
文悲屈須知族並荀督郵如又至束帶莫辭頻

月夜登城樓有懷馮汝言時汝言事適遼左未返

公餘結伴躡層城官闕雲連雉堞平花月九衢澄夜色  
關山一鴈動秋聲登樓欲縱風前嘯對酒難堪笛裏情



望美人遼海濶刀頭空見塞雲清

登蓬萊閣一首

羣山映帶曙霞開千尺巉巖海上臺仙馭有無春色裏  
長空雲盡鳥飛迴

萬里清波蜃霧消迎仙猶識漢皇橋瓊樓半倚空明上  
日晚微風落洞簫

送陳憲副歸隱巴西

解組胡勿遽非輕報國心淒涼去婦歎磊落還山吟驛  
路峯腰折江流雪後深清琴時可弄萬里念知音憲副善琴

俞廉憲

名憲字汝成號是堂無錫人嘉靖中官湖廣按察使

香山寺由來青軒歷諸佛閣再憩山下

已陟軒楹勝還尋澗壑幽獨行無燕笑情至亦淹留花  
密藏谿路峯危帶石樓回看禪誦處香靄接天浮

送陸明府之任

東望盧龍鎮君行歲載陰昔年操瑟侶今日抱琴心戍  
苦寒花發庭間露草深試聽歌出牧霄漢有知音

送同年萬楓潭南都兵諫二首

天子屢頒蠲稅詔官家猶索舊繒錢東南財力君親見  
肯負匡時第一篇

言威久乏長城任投筆誰收定遠功君去論兵先上算

夕火照雲中

送錢梅屋嘉興節推

昔年相逐上金臺憶爲劉蕡愧淺才佐郡忽看分節去  
平刑遙待獻書來祿移鼎釜重闌近家隔帆檣一水迴  
況是王孫遊故國越城西望幾徘徊

送陳石陽補建寧令

結隣分方深感激慰孤曠依然展懷抱日夕聞高唱如  
何遽乖違臨岐重悲悵君名太丘上予豈于公行朱絃  
有舊曲白雲生遠望去住倘不遺何嗟異塵埃

假日憩齋中偃仰竟夕漫述

離思莫能掃延綿及遠道遠道思云誰庭荆與池草百  
卉春復秋故園令人老眷眷鵲編篇翫飛苦不蚤

雪夜懷斌上人

江雪餘寒光依稀遠山夕坐想山中人禪心共蕭索松  
門拂火青蓮社天花白何因借慈航於焉慰離隔光作

沈隱君

名翰卿字子羽號石濤江陰人正嘉間嘗與吳下文人遊

宴殿帥東園公後圃

蓬島藏朱邸臨池暑氣消冷泉縈素練玉璫駕仙橋荇  
藻含漪碧芙蓉映日嬌許眠清樾裏聞聽紫鸞簫許作

高座寺石洲兄拉遊



月脩竹弄晴暉木杪層巒鳥道微並轡遠遊紅葉寺  
入山頻扣白雲扉咄嗟世網吾將避寂寞空門願所依  
一笑偶逢陶陸輩遠公蓮社幸同歸

與顧嶼飲酒

正德庚辰作

鳳輦北去春茫茫行宮無人白日長供御花枝委塵土  
可憐一夜凋紅妝南山分明向金闕十月初寒雪花白  
羈絆微名未了身騎驢來作長安客長安陌上多貴人  
紛紛舉目無交親故人惟有顧况在猶記堂前昔日賓  
牽衣苦恨睽離久痛飲高歌拍銅斗意氣相期千古前  
聲名肯落時人後終童棄繻英妙年莫待蹉跎衆所憐

六國雅卷十三

十七

漢家狗監無曾識空有南巡獻捷篇

寄顧九華玄言

王謝多才子曾依玉樹傍邇來遊死洛知己賦長楊柳  
外黃金勒花間白玉觴詞垣推特達清廟待珪璋

林泉

灌木春逾秀名泉聚此山水流文藻漾花點客衣斑林  
鳥啼仍歇巖雲去復還煩襟自茲滌終日聽潺湲

高光州

名應冕字文中號穎湖仁和人嘉靖中官光州太守有光州詩選

俠客相逢行

俠客重遠遊邂逅燕趙間相逢不相識各駐黃金鞍氣

諠一言合遂結平生歡深負縱橫志且矜然諾顏策馬  
競風采並馳入秦關霜雪明鐵衣劍戟凜凜寒慷慨悅  
同仇矢心赴國艱捐軀何足惜交結知心難

讀三良詩

國人哀三良秦穆先下世亂命苟不從豈能要之死子  
車忠奪情康公恩掩義忠義匪所安君臣胥失矣黃鳥  
歌聲悲秦亡從此始

雲居寺訪茅鹿門不遇

晨登江上寺訪客雲中山亂峯鎖蒼翠曲磴隨躋攀積  
雪明陰崖寒松盤層灣南樓接霄漢西麓超塵寰客藥  
白鶴飛僧閉青雲關憑虛縱遠眺望空天閒落日下  
江城江流何潺湲行吟有餘興鹿門期未還

高光州

六國雅卷十三

十八

雜詩

良宵步中庭忽爾懷所思十年客燕趙誤逐游俠兒今  
聞事征戰得意西南馳豈不念桑梓功名貴識時感此  
欲寄言莫使嗟路岐

朝來散幽懷日暮遊山阿忽聞樓鳥喧不覺感慨多君  
看金谷園誰復嬌綺羅樂歡能幾時流光如逝波  
中夜不成寐商飈起前林幽意惜衰草遠心寄瑤琴萬  
里霜月白耿耿懷知音知音竟何在使我念彌深

江上行

白日江上沒江雲滿滄洲鷗鳥各隨羣煙波何悠悠還將不繫心送君千里舟相思不相見極目令人愁

同潘天泉映江樓觀潮

層樓俯江曲白雲連遠道濤捲海門山雪橫天際島鴈度秋空急波落寒聲蚤吳越此中分蒼茫隱江草

渡湘江有感

扁舟復何去五月下瀟湘遙望蒼梧迥還憐楚水長暮潮平野渡遠樹帶殘陽渺渺雲山外蒼茫隔故鄉

遊山中廢寺次童南衡韻

寥落山中寺尋幽偶獨過經聲出院少草色上苔多破壁衝風雨殘碑引薜蘿萬緣俱是幻對景欲如何

避寇山中卽事

豈愛桃源隱幽棲雲谷深許多蕭瑟意總是亂離心葉落憐荒徑鳥飛愁夕陰江城猶鼓角聽罷欲沾襟

詠花間美人得飛字

美人芳樹下笑語出薔薇細草軟侵步香風輕拂衣情遙遊蝶去意逐綵雲飛無限傷春思花前未忍歸

兩過雲居訪縉上人不遇

爲訪中峯客重來雲外山秋光明聖水竹影閑禪關讀

律孤僧去聽經夕鳥還無時休錫杖誰謂上方閑

姚文學

名應敬字本修號君山江陰人嘉靖中舉生

春宮曲

晨光照珠翠旭日在簷楹春好初破曉玉箏彈曉晴東風入建章隔花語流鶯紅綃不成曲淒然傷我情

蚤春寄京中所知

朱輪遊魏闕白面客秦川記得城頭別于今已判年馬嘶中禁樹花發五陵煙想到思鄉處應還一惘然

三月三日同里中諸彥花下飲寄懷吳東故舊

清時花樹下悠然念平生不盡傷春思更堪懷遠情風

光動野草物意到流鶯兩地無百里無因聞姓名

和唐崔融書記之什

芳草綠滿地王孫出遠征黃雲連去路青嶂出孤城寶劍明秋色金笳動夜聲送君從此別一戰取長平

沈山人

名仕字子登號青門錢塘人嘉靖中遊燕薊間頗擅丹青

出塞

符傳出葡萄星郎上郡豪五營分貝冑萬騎擁旌旄野日寒如月河水聚若刀函門隨命鑿仗勝有龍韜

村居春日

柳堰迷丹日蓬扉啓綠人閒啼鳥小與劇落花前野

色連三徑山光滿四筵鷓鴣隨可解堪作酒家錢

詠白葡萄

靈芝泰地植珍賞漢宮傳迤邐開丹圓紫迴架紫煙柔  
條綠葉上芳實引絲牽氤露偷星彩合秋借月鮮圓成  
鏤壁聚明作貫珠懸薦食瑤盤映調漿玉液便應須百  
縑重醺德有前賢

遊玉几山阿育王寺

梵帝西青境靈巖上巳辰紅收行靄盡綠盡望煙新寶  
針分雙影龍泉吐九津露華凝瑞液日彩上仙輪殿繞  
芝花秀堦垂貝果珍連峯雲是葉鏡水霧難塵暖益恒

沈山人  
八國雅卷十三

三

河潤光生法界春空香繁草木花雨散天人意府薰休  
旨形圖照勝因曹溪原淨域何籍剪荆榛

馬司業

名一龍字應圖一字負圖號孟  
河嘉靖中官南京國子司業

別李諫議

淵扉乃孤往圓羅曜空明駕言東華遊僮僕欣我清蘭  
橈既亟發須臾風露生蓮荷在洲渚襲遠多苾芬仰瞻  
北龍山粲粲暉珠星東緬啓天光雲霧故縱橫

金陵逢顧九華

白門紫高除霏雨冥寥廊獨懷鳳遊人千金輕一諾酒  
肴雜尊俎何以重歡樂靜對有餘春風山暮鐘落聞君

愛鳳臺勝遊良可托莫棄荆榛道所志在丘壑我居石  
頭城君跨揚州鶴千里幸相逢會晤不可數

甲辰下第齊化門留別顧九華

東風三月杏花開長安莫惜看花回花前唱歌十八拍  
花下酌酒三百盃酒醉有時醒別君無限情相思幾千  
里何處寄音聲君住北海北我去南天目天目三山高  
入雲雲中粲粲黃金屋黃金屋下多神僊服氣餐霞不  
計年且尋龍虎大丹訣足踏白雲飛上天九重天上再  
逢君頂記當時花下人人生知得不長久不如且酌杯  
中酒

馬司業

八國雅卷十三

三

春日水亭逢客

春日水亭花正開亭中初待主人來孤吟深愧王珣興  
相見尤憐鮑照才巢鶴漸移蒼樹沒驚鱗忽逐素波迴  
逍遙遲爾觀玄化安得青天百尺臺

寄九華顧子

驚心寒暑忽交變知己夷朋誰可親老大年華雙短鬢  
蹉跎人事半愁身他鄉雲樹空馳望此日音書已絕聞  
海內幾人俱意氣獨憐衰草澗之濱

夏日送人

清風自南來涼氣入我堂徘徊溪水側綠楊柔且長聞

懷遠駕我心實孔傷願折楊柳枝緩繫君衣裳執手立須臾各言盡衷腸炎涼殊節候誰肯顧行藏天時不載至酷熱流膏漿安得借南薰徐徐阜吾疆

無題

紫雲西妃辭帝鄉來作人間窈窕娘明月比容花比貌絳綃爲衣翠爲裳春風吹裂鴛鴦帶夜宿芙蓉伴玉郎

張太僕

名遜業字有功號阮江永嘉人嘉靖中官太僕寺丞

送嚴亭山南歸

春草正芊芊銜杯駐馬前相知難作別爲客易經年驛路南逢越雨山北斷燕到家明月夜獨泛剡溪船

張太僕

八國雅卷十三

二十三

中秋對月

旅夜月空圓清秋對可憐正疑弓暫滿還似鏡初懸素影分銀漢涼輝散綺筵南樓興不淺一別復驚年

送九華顧丈下第還吳

才名東海惜遺珠賦就長楊未遇知爲客漫言寥寞別論交况是歲寒時吳關去路逢春蚤漢闕歸期計月遲若有梅花傳驛使殷勤隨處寄相思

喜馬孟河顧九華見過話舊

空林寂寂卧齋深擁褐停杯共賞音詞賦洛中稱顧陸幾人同調比南金

陸符卿名師道字子傳號五湖長洲人嘉隆中尚書司卿致政景起不就

黃草墩

湖色芙蓉淨山容菡萏開水浮孤興出帆映兩汀迴俯檻條魚聚移舟白鳥回川聯夕照歸棹莫相催

虎丘

迴環碧水繞丹丘古寺中藏繡嶺幽峯勢孤騫從海湧川光千頃與雲浮巖阿殿閣多珠構浦曲笙歌盡綵舟最是白公堤上月年年清夜照人遊

朱子价賦吳門抱關者次韻贈答

吳門抱關者問客來何方日詣許玄度自愧劉真長劇

陸符卿

八國雅卷十三

二十四

縣烏程宰清曹白一郎軒車問津去誰復似珪璋

贈何元朗

愛汝好兄弟南州稱二難水曹今鳳下徵士獨龍蟠寄傲陶元亮逃榮管幼安願言從子隱東海把漁竿

送陳龍溪上京師

駿馬千金裝翩翩入帝鄉去沽燕市酒調笑邯鄲倡陸海舟車會浮雲關羽公卿如借問莫說是田光

閩陸浚明疾

昔君謫萬里朝野誦危言解印去爲縣著書歸掩門養生中散論樂志仲長園莫解憂時病中庭盡樹護



彭聘君

名年字孔加號陸池嘉  
靖中應學院聘不就

訪石民望于張園

曲逕穿叢薄幽窗隔薜蘿檻邊花氣濕池上雨聲多  
稽子携琴入署公載酒過忘懷一蕭散因寄紫芝歌

訪俞仲蔚于崑山

每尋高士傳君得古人心借地惟栽竹探方不鑄金  
春潮花外釣夜月江中琴猶怪問奇者喧闐車馬音

拂水巖

激澗下層雲飛虹界壑分雨飄珠噴礴風碎玉瀨紛拂  
面醒殘醉沾衣潤仙薰奇觀曾漢曲遲戀倚斜曛

彭聘君

八南雅卷十三

二五

蚤春同壽永禹文叔寶過石湖宿雅宜草堂

幾宿楞伽寺三生江海人松濤清夜壑花雨淨春塵  
不寐依香像玄言轉法輪先登在摩詰吾輩祇迷津

同純嘏禹文公暇叔寶宿虎丘二首

同曲窮幽討登攀路欲迷諸天臺下上兩寺澗東西  
竹戶懸崖出花房嵌嶺齊連峯隔青靄隨地轉丹梯

覺海探龍藏孤園訪鴈堂潮音翻貝動塔語入雲長  
指樹問僧臘因花戀佛香暫來空寂境身世已俱忘

登攝山絕頂

攝嶺高何極捫蘿獨上躋江連餘地小天壓亂山低玄

質秋增爽幽探晚欲迷嘗聞有靈草須此薦刀圭

超然宇

曠望出塵埃超然天際臺洞依珠樹列峯作芙蓉  
開下界鐘聲殷前山雲氣來祇應明月夜笙吹鶴飛迴

春宮曲

太液瓊波煖披香錦幔張花明嬌燕掠柳密禁鶯藏  
望幸開金屋凝妝弄玉璫笙歌何處是聞說過平陽

接待寺秀公房古栢

香臺寂寂畫沈沈古栢千尋覆碧陰法鳥似依珠蓋下  
天龍常護寶幢臨霜枝不改煙霞色暝葉時聞風雨吟

彭聘君

八南雅卷十三

二六

垂白山僧久忘世直因蒼翠古如今

公瑕病中見寄余亦臥疾

曲巷林居覆綠蘿碧窗雲臥養微疴臨池試草龍鵞帖  
閉戶何妨誚鳳歌松月一庭涼夜永竹風三徑故人過

長卿好逸元非病消渴經旬麗句多

周聘君

名天球字公瑕號幼海長洲人嘉  
隆間文學嘗應邵院記室之聘

宿撫臺

幕府風清暑氣無綺疏雲澹月輪孤不聞傳箭時  
方靖忽報栖烏夜已徂起舞恐驚劉越石題書慙負阮元瑜

十年伏枕安疎曠林泉依夢遯



彭城志感

平生懷刺畏干時，逕掩蓬蒿久伏雌。  
捧檄偶從河上役，投珠祇恐路傍疑。  
濁淮清泗孤蓬歷，羈迹雄心一劍知。  
何事未歸先意盡，風塵衰鬢不禁持。

夏村寒夜

荒原無樹着秋聲，平楚西風夜自鳴。  
千里空懸明月夢，八行難致故山情。  
悲哉蕭颺江南賦，咄爾浮沈世上名。  
回首吾廬高枕在，薄遊焉敢負平生。

登岱後過李干鱗

蓬萊東來興不羈，荷衣寧遣沈塵氛。  
遙攀日觀觀滄海，

周鼎

八國雜卷十三

三二

上

深入龍門御李君，一日青山應自失。  
千秋白雪更誰聞，吾生無復論餘事。  
已足歸栖太藪雲。

苔毛青城太史

丘園衰晚負吹噓，西蜀停雲獨愴余。  
萬里難乘剡溪雪，十年纔達錦江魚。  
不堪平子歸時賦，誰讀中郎異日書。  
耿耿酬知心一片，歲寒將寄更無餘。

病起赴京口承王元美訊所往却寄

丘壑頽然愧此生，片雲孤鶴一身輕。  
無因借杖三山去，莫訝披裘五川行。  
白髮未能辭世路，黃金久已見時情。  
猶憐竄迹梁鴻異，不解逢人變姓名。

登泰山

坐凌霄漢俯綢繆，掌上河山萬里分。  
日觀靈光搖海色，天門絳氣蕩秋氛。  
旌從澗底逢龍草，祇見封中起白雲。  
千載禪儀虛秘冊，無論七十二家文。

河上逢吉簿

長河雙樹下，繫馬息嘉陰。  
共有風塵色，難陳江海心。  
十年勞一尉，千里抱孤琴。  
出處憐同調，寥寥誰賞音。  
向九龍持所著書來，謁贈之。

尚友志千古，開關辭五游。  
名高漢文學，事紀晉陽秋。  
草亦生書帶，苔從繞劍綬。  
人間已傳稿，不待所忠求。

周鼎

八國雜卷十三

三二

醕顧玄緯墓

煙霞同抱癖，林壑幾尋幽。  
月載泉頭酒，雲眠竹裏樓。  
玄心知獨賞，白髮許相求。  
此後山中別，君先地下游。  
筆從題寄絕，書愧拾遺收。  
玄緯作書寄，暮雨來孤棹。  
寒煙指一丘，琴亡泉自韻。  
鶴去表仍留，今古空回首。  
存亡黯結愁。

關雞圖

英年曾入關雞塲，金距狸膏事已荒。  
惟有雄心忘未得，披圖猶自問低昂。

顧玄緯力疾作花遊戲和其韻

山居士病維摩空觀能除慾界魔花月春江成  
等前先教雪兒歌

中秋紀興

內橋南走是長干十里平鋪白玉寒踏盡馬蹄塵不動  
最宜明月此中看

花燈百隊走兒童盡道仙娥降月中縱是霓裳看不見  
白毫光裏度香風

玉笙低引紫簫長不許商音斷客腸聽到月斜纔入破  
飛來七

秦方

一名梁字子成號虹洲無錫人嘉靖中官江西右布政

周鼎泰

三九

樓居次潛坤韻

崔嵬見遙山日陟玄文閣山人愛樓居雅志在巖壑  
鬱高梧陰窻虛見寥廓沈冥愜草玄靜勝忘寂寞

山居志感

浪跡空燕楚歸來舊草堂兩峯爭屹峙孤閣對蒼茫  
竹暗荒徑圖書滿石牀相過頻取醉應笑老夫狂

題舍弟子任環秀閣

高閣臨溪構憑虛碧漢間尊前羅綺艷簾外水雲閒  
綠映村村樹青來面面山何須羨花萼長眺不知還

雨中訪葉茂長不遇有作

朝來出郭雨霏微爲訪山人一扣扉去住任隨猿鶴伴  
風塵不染芰荷衣歌傳白雪應難和琴在青林已息機  
何用別尋巖壑去芙蓉湖上有漁磯

顧夢洲青蓮菴

曾聞高座擁青蓮最喜香龕結淨緣花落半空隨法雨  
錫飛千丈注靈泉忘機晤處超三乘出世經行諦四禪  
我欲向君分一偈夜深相對漫談玄

庚申立秋日得鶴喜述東寅卿柱野

江城七月暑初殘秋到梧桐落井闌海上忽來雙白鶴  
堦前還侶一青鸞

秦方伯

八國雅卷十三

三

月裏看遲爾翻飛薄霄漢那能垂翅傍林樾

秋日登寶界山

名山多寶界朝爽值高秋石淺泉逾駛松高雲易留  
光當檻白花影落樽幽共說三州勝何如此上游

國雅卷之十三

卷之十四

勾吳顧

起

何刑侍

名遷字懋益號吉陽江陰人籍德安嘉靖中官南京刑部侍郎

酬殷白野病中見懷用韻

惆悵朱絃靜淒涼寶劍分九秋同臥病隔舍已停雲桂  
醕凌風撫蘭膏帶月焚座邊青玉案清夜欲遺君

過南林

一醉一登臺坐看明月上長嘯人不聞披衣向林莽

山中曉行

山月忽到牀便攬衣去杳然蒼靄中翻惟松門曙

蘆溝回憶乾明司勳

十月長安冰雪生天涯相送逐臣行豈知白首論交地  
翻作滄江怨別情塵世苦遭人去住窮途空有淚縱橫  
憑高却憶臨岐者無那浮雲暗碧城

獻花巖坐小星槎軒

石逕挂空山迺在青雲際一嘯入虛無翛然自來去

玉女潭

玉女潭月照此潭上月客到無一言靈光坐來發

何翰目

名良俊字元朗號柘湖華亭人嘉靖間官翰林

附第二泉同舍弟叔皮

不我遲奄與大化遷千年有真契貽我清泠淵  
行自杪秋況值望舒圓望舒揚廣庭灑灑弄潺湲  
有清響余懷亦振蕩芳氣鬱芊綿水碧紛搖漾試以滌  
煩襟果得玄談暢嵇公渺難攀喜共清河賞叶非子誰  
爲同冷然發高唱

九日與盛仲文文學靈應觀登高

屈子感三秋殷生傷九井端居夙鮮歡沈憂日耿耿嘉  
此重九名商飈急暮景覽眺得良儔羈思聊一騁爽籟  
肅幽宮古木羅高嶺坐愛虛亭敞俯對重潭靜況有筆  
硯樂焚香薦嘉茗傾城事出遊此意孰能領臨風奏長

謠承貺靈僊境

賦贈何白嶽侍御

欽州齊雲巖別名白嶽侍御有草堂在焉

暇日覽圖經逍遙恣閒適緬維齊雲勝靈異傳自昔鴻  
寶閼玄宮鳥道縈石壁隱淪數遊盤真僊多窟宅霞峯  
萬疊青霧嶂千尋白探討富幽踪攬結饒秀色泰華稱  
雄混嵩高標峻極茲峯信奇峭或乃其亞匹彼取由名  
都此棄緣遐僻貞期叶休運褰寵何赫奕高玄吐玉符  
內使傳金冊何子臺中彥夙抱烟霞癖舊有草堂幽寄  
在巖之側未是還山人徒作懷山客琅函記赤文乳竇  
思靈液朝乘桓典驄夕化王喬舄佇看銘景鐘終明

暫策

傲園雜興二首

一丘青嶂遠三徑綠蘿紛不見求羊童空隨鷗鷺羣松  
關疎雨氣竹院淨霞文人境都閒寂冷冷天籟聞  
樹暗斜通徑村深迴帶渠青枝忽度鳥碧深欲藏魚宴  
坐時恭佛高眠斷著書獨餘常閒寂得似子雲居

送別王十嶽

忽漫相逢地因君生遠愁好尋江令宅莫上庾公樓夜  
雨變蓬萊秋風一散裘懷中和氏璧歲晚莫輕投

送梁浮山中

何遜日

僂郎曉發綵舟輕十月南風促去程數載聲華留秘省

一時文藻動江城柳湖秋水浮空遠吳苑寒雲入望平

最是別離無可奈願隨明月伴君行

題善權僧畫雲林小景

孤嶼娟清連疎林帶華薄亭空人不歸夜雨幽花落

隔水奏伎

金陵花月夜歌舞正相宜況有盈樽酒相將傍綠池露

繁移柱澀波闊度聲

卜筮

卜筮清溪上春來樂事多小桃紅着孕新水綠生波晉

代餘文雅吳宮舊綺羅蕭條惜故國愁絕滿干戈

白下春遊曲四首

撲翠蛾兒稱意勻各紅衫子逐時新裝梳莫訝朝來別  
無奈桃花解妬人

萬片天桃迎笑靨千條弱柳圍纖腰潘妃死後芳魂在  
散作城南一段嬌

雙眉如黛髮如雲背立踟躕避使君忽覺香風來陌上  
回身微動石榴裙

結子成陰積漸多春光一去再來無明朝更欲城南去  
自掣金釵付酒胡

何遜日

何祠部名良傳字叔皮號大壘華亭人嘉靖中官南京祠部郎中

送顧九華之山陰

都門曉日羅雲駢門前弱柳垂朝烟長歌送君爲君舞

對酒欲飲心茫然九華子吳中豪瓊樹出名家長離耀

羽毛結髮綜墳典振綺屬揮毫意氣已看吞海岱詞章

直欲凌風騷昔日逢君白門道同醉樂遊原上草興逸

風生鐘阜低渴喉雨吸江流倒揮手與君別五見燕臺

雪相思時夢君君臥蘭陵轍竭來挾策游清都浮淮絕

濟懸長弧經過望諸墓瀝酒邀狗屠笑入荆卿市沈吟

寶几圖士衡入洛年猶少司馬游梁望已殊五侯七貴

競迎致詞垣俠客相歌呼君至京師猶未久余亦還從  
井陘口相逢燕市各解顏吐膽傾心共盃酒酒酣發浩  
歌歌罷復痛哭一市皆驚楚客狂千載誰還漸離筑  
相逢便辭上閭告次何之言赴山陰墅山陰狂客陳海  
樵相期修禊蘭亭清奇蹤其說永和年茂林脩竹今何  
許天生豪雄良亦難會須共濟蒼生艱魯連高節吾所  
慕當年一箭聊城全卽今風塵正騷屑雲中并代如個  
懸九華子此行便須返更呼陳海樵同遊上林苑君若  
談笑間胡塵盡應捲他日功成不拜官歸臥山陰亦應  
晚

國雅卷十四

五

李駕部名時仁字少商號青湖居士京兆人嘉靖  
間官南京兵部車駕司有李駕部集

俠客行

長安俠少年結束事行邊珠纓絡戰馬白羽控飛弦流  
盼萬人靡光彩何翩翩暮宿歸燕市朝遊出甘泉個儻  
負奇氣談笑兵圍間所歡在知己軀命乃易捐

別吳山人擴

客中仍送客離思渺難任岐路一樽酒故人千里心歸  
雲衝落鴈寒角亂秋砧湖海風塵裏前期何處尋  
宿歸雲庵贈敬上人

烟蘿小徑通一室挂雲中樹影暗浮水秋聲半在空疎

李駕部

國雅卷十四

七

鐘山際月孤榻竹邊風竟夜渾無寐清談對遠公

送張少府之天台

君才堪吏隱佐牧近青山經歲逢迎少終朝案牘閒烏  
啼官樹裏草長訟庭間莫學南昌尉尋倦去不還

聽張使君美人彈琴

玉指理瑤琴含情不自任一彈一惆悵豈是爲知音夜  
靜月在水秋高風滿林相如方燕好莫奏白頭吟

奉和李奉常天壇候駕卽事

紫垣烟柳畫陰陰花滿仙壇春正深風外時聞瓊珮響  
雲端遙望翠華臨龍盤瑞氣開行殿鸞轉清歌出上



海微臣亦何幸叨陪鵷鷺列朝簪

憶昔

水落天空濤氣收微茫烟渚隔沙丘寒催砧杵千家月  
霜到關河幾樹秋聲斷塞雲聞鴈過光侵池草見螢流  
感時王粲心徒切獨倚荆南萬里樓

酬陳鳴野見寄

千里勞君問索居江空歲晚獨愁予祗緣嶺外無來鴈  
草八涯少寄書草徑秋深吟蟋蟀石池霜冷落芙蓉  
關河迢遞風塵隔兩地同看月色虛

亂後書懷

八國雅卷十四

八

頻年烽火遍郊墟到處逢人問卜居荒後田廬誰足累  
亂來親友漸教疎銷憂獨憶中山酒關戶惟看鄂祭書  
徑草蕭蕭秋雨外文園空自臥相如

經易州界

塞北時聞鐵馬嘶前門霜柳漸淒淒天邊野燒連烽火  
城下寒砧雜鼓聲陰磧草荒狐隊出平原風急鴈行低  
樽前不見悲歌客易水東流何日西

遊泰山

日觀平臨滄海東天雞啼處夜方中遙看金輦扶桑起  
照見峯頭萬樹紅

萬禮侍人名士和字思節號履庵定興嘉隆間官南京禮部侍郎

同梧岡陳憲長訪馬心菴道人不過

楊蕭然歲月深玄言未扣已參心豈知物外千年事  
却在城南十畝陰屋後高山原淨體門前流水是潮音  
我來值爾穿雲去悵望仙踪不可尋

贈石南溪總兵

身繫安危鎮一方姓名四十徧南荒擁麾蚤作登壇將  
選騎時趨校獵場推食撫苗成愛子散金買士每傾囊  
長思掘穴收功處龍劍霜寒夜有光

送大參程靜泉入賀

萬禮侍

八國雅卷十四

八

聖壽齊天始六旬嵩呼四海走王臣八千里外趨朝客  
二十年前尚重人整珮入班同榜少望門投謁貴貂新  
羨君復見長安日莫更逢人歎積薪

客中謾述

亡年本爲路多岐臧穀原來總是迷滄海望時諸瀆小  
泰山登處衆峯低獨辭屈子寧煩卜示病維摩孰解醫  
我亦心情渾似水年來頭角漸忘圭

貴陽遷官離任

才薄官資况未深頻叨遷轉亦何心他年陳跡皆荒徼  
猶喜囊無陸賈金

朱應副名曰蒲字子价號射陂寶應人嘉靖中官湖廣副使

送九華顧丈赴蘭亭社會

離杯日欲曛  
憑欄慘將別  
楊花撲馬頭  
疑是山陰雪  
山陰道上巖壑多  
山陰道士足經過  
憐余方索長安米  
羨爾脩然鏡水波

送陸子還洞庭

五月江門暑氣鮮  
水祠簫鼓賽龍船  
最憐別樹當官路  
不礙歸雲入洞天  
樓閣兩山搖碧落  
楊梅千磧瀉紅泉  
葛裙紗帽吟長夏  
莫擬平原赴洛篇

雨中過天隆檢楞伽遺教諸經作

八國雅卷十四

九

歷陽飛雨過江寒  
亂石高杉路萬盤  
不向諸天行處險  
豈知三藏到時難  
深林貝葉僧翻少  
中夏祝杷鳥啄殘  
獨怪世緣非偶爾  
入門先認說經壇

秋閨怨

合歡樹上鳥欲棲  
空房織錦寶家妻  
遙遙夜夜誰能奈  
三三五五並相携  
鏡花對影慙雙笑  
燭淚分行伴獨啼  
莫道迴文能妙絕  
陽臺雲雨隔安西

家園種瓠作

春柳半含萸  
春鳩屋上啼  
弱苗何日引長柄  
得誰携瓠落非無用  
鴟夷愛滑稽  
揮鋤不覺倦  
新月在樓西

辛夷花曲

昨日辛夷開  
今朝辛夷落  
辛夷花房高刺天  
却共芙蓉亂紅萼  
小山桂樹猶連卷  
五湖荷花空綽約  
連卷綽約宜秋日  
端居獨養微君疾  
高枝朶朶艷木蓮  
密葉層層賽盧橘  
山鬼已見駕香車  
文人應是夢綵筆  
辛夷辛夷何離奇  
照水偏宜姑射姿  
蕭晨東海霞光爛  
玄夜西園露氣滋  
檀心倒卷情無限  
玉面低回力不支  
見說東都便露坐  
惟應御史帶風吹  
此花愛逐東風暖  
故人逸韻嵇中散  
山陽聞有合歡齋  
石湖亦築辛夷館  
嫋嫋巖櫺碧樹圍  
紛紛磧戶香花滿  
塢裏王孫舊路長  
卷中裴迪新詩短  
新詩已舊不堪聞  
江南荒館隔秋雲  
多情不改年年色  
千古芳心持贈君

八國雅卷十四

十

譙石氏山房月下觀舞同是堂兄作

季倫娛客處  
羅壁蕩春輝  
倩月開妝鏡  
裁雲作舞衣  
香茵鋪草軟  
綵袖拂花飛  
不惜玉山倒  
今君犀兕揮

滇南七夕歌憶升菴因寄

綵袖飛來山上山  
小樓金馬墮雲鬟  
奈花滿地無人掃  
二十年前菩薩蠻  
錦窠何必奪丘遲  
畢竟還他蜀錦奇  
近日錦官空擅巧  
博南山下乞蠻姬

御名鳳字子成號羅陽長  
嘉靖中官御史

### 出塞

代門八月草初黃試壁雙弧下太行未暇紛紛落飛鳥  
一麾擒得鹿蠡王

### 青樓怨

香隱雕籠月入牕梨花春夢在三江別離空解慙慙寄  
碧玉湘簾事事雙

### 掃衣箱

閨中少女白雪姿巧作歸雲青黛眉自言生小好客飾  
嫁得涼州輕薄兒十五征戍在砂磧一一姓名留尺籍

劉侍御

八國雅卷十四

上

去年寄書西海頭情隨萬里交河流紫塞迢迢風似戕  
青樓宛轉月如鉤如鉤月色寒威薄秋風吹愁入羅幃  
鳩頭履子織未成江上芙蓉開欲落花落機中愁更牽  
木檣花前腕猶弱軟枕合歡被裁鴛鴦錦有夢還能越塞垣  
香嚳半拂成粧枕合歡被裁鴛鴦錦有夢還能越塞垣  
夜夜依然到空寢覺後思君君不知生綃掩淚拭紅滋  
若言星漢猶離別恨作明河無盡時

### 行園

疎蕪向水干長薄隱江濱嘉木爲交讓名花是合歡秋  
涵葭磧白露委一峯丹西瀛豐滿竹衡茅計可完

### 守題山寺

澗道挂深松霜流萬壑鐘鳥來分樹色鹿下破苔封寄  
衲雲門寺懸燈天柱峯何年高足去受記付潭龍  
賦得千頃雲二首

亭亭風觀上千澗遍芳暉影重山川合烟深草樹微岩  
崑崙漸遠容裔漸忘歸衆色驚無定那堪朝暮飛  
蒼蔚起高臺氤氲極望開勢因川陸盡平學水田栽草  
際烟相發松間靄自來依依河漢淺將月共徘徊

### 城南晚望

落景照青樽餘花點綠村川原催白日秋草又黃昏星  
落景照青樽餘花點綠村川原催白日秋草又黃昏星

劉侍御

八國雅卷十四

上

欲搖江郭潮應到海門此時盧子諒能不恨劉琨

### 寄憶于鱗

海內爭傳御李君獨憐蕭瑟未離茲關門樹色懸秋雨  
濟北河聲注白雲驟入齊風多片淚迴看吳岳半網緇  
憶從罷起郎官草漢闕誰飛諭蜀文

### 無題

憶君裘馬在邯鄲十載空名色殘肝膽一生談笑易  
風塵舉世結交難徒勞置酒張卿壽無復通書季布歡  
總是舊恩何以報寶刀橫向膝前看

### 送魏氏之義興

才俊號江東落筆何人海內雄九野雲陰低楚嶺  
千門月色度春鴻東曹奏記能推士憲府徵書重采風  
延攬定知文學議爭看折節下羣公

樓下白芍藥移自金陵

麗草柔烟半不禁風飄雪色散堦陰酒邊尺素他鄉遠  
句裏年芳故苑深憶昔青絲歌皓齒可容纖手贈愁心  
朱樓舊是繁華恨檻外天涯思總任

送張子

一自風烟落五湖空將衰草送長途欲知烈士心猶在  
擊破牀頭鐵唾壺

魏文學

名學稱字子長洲人嘉靖中進士員外郎

烏樓曲

丹帷翠管芳調新紫牀象枕香霧春待君不來月華落  
可憐朱燈映蘭閣

昭臺怨二首

翠袖辭金殿青苔閉紫宮香寒羅帳曉春歇玉階空艷  
態消花上悲情落管中君王恩未薄妾夢向來同  
寶瑟紅塵斷冰綃空露涼君情歸別院妾夢在昭陽明  
月懸愁白春花結恨長忽驚雙燕子渾似趙家粧

宿泉上人山房二首

暮春到湖上遠聞鐘磬音古寺白雲在亂山殘葉深  
香坐清夜月色臥西林因悟空王理聊同靜者心  
花落徑長靜鳥鳴春自閒雲行自相送日暮不知還支  
遁頗好客適公時閉關松牕不能寐明月滿空山

贈徐山人

徐市訪東海安期或可求清風千載後名與白雲流爾  
祖高秦史余生好遠遊何當携子去采藥到玄洲

懷孫黃二都尉

早春花落香紛紛夢入清溪臥水雲幕府正須何記室  
江鄉空憶鮑參軍絨書將去渾無鴈芳草愁來半爲君

魏文學

名學稱字子長洲人嘉靖中進士員外郎

尺佳

幾日山陽吹折柳暮烟悽斷不堪聞

蔣戶部

名孝字維忠號務齋武進人嘉靖中官戶部主事

冬日惠山作

夙負山水癖惠麓成獨往高原木葉盡巖岫出林莽靈  
泉散古甃石發清響寒蕪澗道遠落照洞冥朗捫蘿  
入桐廬似覓生公講從茲寶林隱日夕寄遐想

送顧九華還江東

對君賦瑤草送君靈山東白馬盤雕鞍驟裏嘶長風路  
旁柳枝綠堪折下馬當筵贈離別後夜與君相憶時不  
得江南有明月



觀荆川舞日本刀歌

乘春遠赴東丘招酒酣示我日本刀犀皮歷錄交股縛  
斜日半照龍紋高流血模糊染殷色刺眼晶鋌雪花白  
睥睨渾如光怪生知有冤冤嗾昏黑唐公起舞如劉琨  
磅礴揮耒還鴟蹲乍見猶疑白丸走轉盼陡覺清水翻  
舞罷收奩貯寒碧有客悲時淚沾臆天生利器在遠夷  
橫使良民罹鋒鏑前年血濺劉家河去歲王師復倒戈  
美女含啼歸海舶健兒委甲仆清波昔日吳宮爛如錦  
亂後家家掇遺燼洞戶雕房總劫灰百代繁華一朝盡  
刀兮刀兮如發礪斷波截海夷蛟鯨安得盡收置武庫

蕭子

八國雅卷十四

十五

頓令海宇歌昇平

贈顧少參

白下今才子華陽舊隱居蚤辭南省貴來著北山書  
有廬敖井山纏內史廬堂前曳珠履寧羨食無魚

送虞經府往潮州

幕官初拜郡三月下南中曉漲潞河雨春寒榆莢風山  
窮粵嶺外天落海門東爲問虞卿去何年上國逢

題鎖鴻臚卷

美人貌比百花嬌金雀齊飛掩翠翹目斷彩雲雙鳳去  
碧桃花底坐吹簫

瓜渚代妓別徐鳳梧

高樓吹玉彩霞明試聽秦娥曲裏聲江上風波郎莫渡  
桃花桃葉總關情

白鶴詞

萬壽宮前鶴駕高飄然欲下紫宸朝冷風忽送千巖響  
知是吹笙王子喬

李武選

名文麟字應禎號章菴無錫人嘉靖中官南京兵部武選郎中

自歎

旅况澹如此羈身復若何家書春到少鄉思雨中多浮  
食一官後銜恩十載過不才吾自耻焉敢歎蹉跎

蕭子

八國雅卷十四

十六

高座寺

桂宇層階峙松門一徑斜谷風翻貝葉巖雨散空花白  
足虛留塔青衿學演車坐來雞犬靜一擬學趺跏

木末亭

自公休暇日方騎陟崇岡竹色浮山靄松風襲澗芳坐  
臨揚子水臥愛遠公房望處烟霞逼凌虛到上方

雨後喜諸曹見過

幽除春雨歇向夜德星臨語笑成蘭氣沈冥似竹林共  
嗟名是餌因羨谷中音清醑時相命聊焉諧夙心

與諸署長遊靈谷寺



夙展青雲伴言尋白社村人同竹林調酒酌杏花樽路  
入遺弓地山圍鏡鼎原聖王傳寶錄法藏啓琪園王氣  
令連刹禪功轉獄輪谷聲空自應林竊座如溫數里松  
爲徑諸天石作門泉成八德水池鑿萬工源文室輝龍  
藻巖廊繪虎旛猿疑獻果立烏似聽經喧雲外天花散  
風將蕙帳翻空壇麋鹿走懸雷鳴鴟蹲暈章明時構荒  
涼寂界存悟容孤塔在遺事老僧言白骨非應滅金身  
豈受燔迷津未可渡上乘總難論何日辭塵劫齊心問  
世尊感茲興寤歎長嘯下丘樊

德勝門觀水輪引西山諸水

國雅卷十四 十七

一道飛流自北山千迴趨入廣陽關仙轡身向空中動  
苑水翻從樹杪還瀉澗風來斜作沫懸崖聲急轉如環  
因思帝力非機事園吏當春盡日閒

對月有懷山中諸友奉寄

遙憐月色幾宵同路入烟蘿法界空此夜光生瑤海上  
忽思人在翠微中閒心淡泊能如水蓬迹流連祗仵風  
杜若芳洲正幽寂寒棠何日向江東

送江荆石尹高安

江淹風藻本翩翩建業相逢復幾年舊國春深持去檄  
帝城花落對離筵司空署裏才初試必子琴中曲已傳

伊思君何處所瑞湯江上片帆懸

華亭何翰目休致因故宅遭燬僑居留都有贈

懸車猶自住瑤京滿座琴書入御清簾肆不因能卜隱  
尊羹久已滯歸情門前問字多留騎江上携柑爲思鶯

誰似仙官成大隱草堂高臥鳳凰城

顧提離名起經字玄緯號九霞無錫人嘉靖中  
官廣東鹽課提舉有林陵勾曲羅浮集

曉起家監寄到寒服

夕寢嗟無褐朝來別授衣寒泉初湛井零露待開扉當  
路憑誰達窮途知我稀有家頻在夢空戀故山薇

訪王醫士舊居

國雅卷十四 十八

木落暮山幽江空蒼靄流不因來避地何得賦悲秋白  
草仍荒逕王孫憶舊遊欲煩扶病骨藥價問韓休

白鶴詞二首歲丙寅王正八月初吉家弟玄言當  
上曹醺黃錄於惺泉里第先期戒齋甚虔儀供  
甚設越明日請如科降鶴諸道士方啓太霄降  
事調步真訣不移時羣鶴摩空而來頡頏旌信  
之端翩躚雲漢之表載鳴鶴和往回久之不能  
去誠寰中希瑞人外罕遺者豈果主人乎以精  
和此詞以  
奇其事云

仙禽忽報下層雲正值仙官練赤文不爲吹簫向秦史  
唯令吸詩茅君

羽客偏能召羽宗差池空外影氤氳壇邊未了藁霄

清淚聲聲出蕊宮

無念齋偈次舍弟玄言韻贈希復上人

復師詩幻盡條然雜氛屏心息每相依息謂心始靜頓  
寤聞思寂便入安主境念念慧覺存瞿曇我暉映

劉仙壇壇即其羽化所

凌旦駕蒼壑直上劉仙壇壇邊遇羽客鳩杖紫綺冠捫  
蘿欲相語却隔蓮花巒貽我篋中葉片片墮琅玕其形  
出太古覽之創予觀文成蟲篆聚細若蝸涎殘猿鳥既  
屏跡紛紛積葉乾高飄信長風颯若生羽翰緬彼鶴上  
人空留白玉棺

經梅花村隋趙師雄醉憩處

野店臨官道羅浮自有春渡杯連古寺縣幟待幽人稍

憩雲中屐翻疑夢裏身芳香襲人處無想亦無因

下卓錫泉逢王道者道者年可六十餘自言由秦山遊南嶽居此復數載叩之

頗諳尸解之術因題一絕書白扇貽之

齊楚遨遊事蓋公獨憐年髮少如童洗藥時承新濕水

餐霞曉躡最高峯

天華宮在黃龍洞絕頂

洞門鳥道接黃龍上有南劉帝子宮池畔流杯餘曲水

松間瀑布響幽巖鵲啼出妝臺香躑躅花芳帳殿空

最是前峯鐵橋月清宵依舊隱房櫳

經王朝雲墓墓在豐湖堤上與棲禪寺相對

名姬埋玉處何異巫山宮塚沒青蓮界碑殘黛薛中影  
沈歌扇月香散舞衣風不遇山僧話那知色即空

送吳別駕歸臨川從陶諸生請題去思卷

嗟君苦節住循州半刺經年便乞休去嶺幸無兼兩載  
頌堂唯見一牀留隔牕江水秋添碧夾岸猿聲夜報愁  
焦室儘拚耕季子由來軒冕是浮游

官解憶羅浮山中

雨歇烟樹碧晴綺散餘霞春風自東來仍發枝頭花花

落底俱逝孤旅空成嗟願從葛仙翁學道訪丹砂

劉酒見青雞舞下因答崔丈

舞若雙鵲鵲侑我白玉觴翩翩軒轅前頓使客愁忘

距濯秋雨丹冠明夕陽對此足清娛何煩驚與風

東征歌獻嶺南道經憲伯時督兵代後

關外專征績芳班千重龍虎駐江關伏波故烈標銅柱

下瀨今看度鐵山

龍馬屯師師欲老虎門轉戰戰將酣天兵獨仗霜威遠

鼓應知搗日南

羽箭離弓霜共白金刀出匣月同彎烏夷隊外馳降旗

魚海營中好賜環

誕節拜表入省中

歲賀諸節令兩提司表上予得主之題此

虎士傳宵柝鷄人拂曙鳴兼攜兩署表遙捧九天行璧月沈蛟窟丹雲渺鳳城叨從黃楮尾獨畧小臣名

仰忠祠謁文丞相

艱危嗟晚祚死義竟誰禁川血孤臣淚崖竟帝子沈竹聲鳴勁節潭影照丹心千祀瞻遺像空悲正氣吟

過香山丞黃外兄官署

香山香作尉柳郡柳爲樊庭下閒羅雀巖頭時報猿秣田餘臘酒江蠻入宵餐薄祿聊供日何煩瞻故園

國朝卷十四

三

秋夜送徐瓊州還甌粵

相逢逆旅惜離羣臂訣江亭宵向分鈴滿鏡飛天外月蜃來樓結海邊雲雄名獨念金門重駒隱何堪白谷關九曲清流居止近還期共禮武夷君

元夕潘歐二丈見過荒署漫答

然燈春雨夕小酌聚朋簪入坐誇聯壁論文類揀金穠花亂高影深竹暗層陰祗覺羣然喜還聽谷外音

再過樾溪山池

羨君棲隱處水木湛澄泓石表到公與池高習氏名應門雙短柱曬藥滿前楹蚤脰浮休理縣知軒冕輕

留客坐深樾清晝常陰森子荔丹霞浦侯梅白玉樹  
場悲蹇步草閣費孤吟忽念離羣久林廬變夏禽

寄梁思伯中舍

畫省仙郎典秘書淵雲墨妙共稱宜十年滅跡蓬蒿里  
四戶承恩綸紉司玉漏曉躋鸞掖聽紫泥夕向鳳池移  
遙憐日侍平津邸喜絕門前魏勃私

贈丁戌山人赴廣寧

山人五嶽遍曾諳浪迹遊仙到粵南玄牡獨知降姪女  
紅顏誰肯戀婚男關前遠識青牛氣坐上高竈白馬談  
莫學遼城雙白鶴千年華表始歸驂

國朝卷十四

三

珠江言別峇融山程別駕

息交陶令賦能不戀良遊別思琴中鶴春深棹裏鳩  
臺空薦引三逕且歸休雲海冥冥去鴻飛得自由

贈海南樂師汪梅巖

多君樂譜授諸生寫出朱絃清廟聲琴拂龍唇金奏響  
瑟排鴈柱玉鐙鳴律諧碧落齋中磬韻協昭陽殿裏箏  
聖主只今懃祀秩大章應賴一夔成

五仙觀題

偶憩青牛駕來尋白石生松邊留幻跡洞口集仙靈牧  
待初平叱羣須元放鳴那知懸榻上忽復隱真形

宿建德江

川暗搖明燭寒灘急夜濤峯叅如列戟沙淺不容舸歸  
賦陶彭澤窮途阮步曹寥寥遠遊與空負五陵豪

張錄憲

名之象字月鹿一字玄超號玉犀華亭人嘉靖間官浙江臬司經幕

山齋

蕭條棲白社髣髴到青門徑草垂書帶山腰代酒樽披  
襟臨水面散髮坐雲根絕有風烟賞時因靜者誰

題盛仲交園亭

冶城東畔柳青青愛有幽人作草亭深入薜蘿成野客  
迴開烟霧接仙靈山中結駟尋難到竹裏流鶯坐可聽

張錄憲

八國雅卷十四

壬子

奈爾著書經歲久白雲猶隱少微星

夏夜同元朗叔毗伯羽宴集市隱園次原白韻

習池留賞暮烟生幾處飛霞映水明蓮葉浮查窺

竹枝翻曲度秦箏徒知景色非城市不見風塵似洛方

麗詠況多青瑣客野人樗散愧同聲

雨雪

雨雪正霏霏從軍出武威馬疑銀磧度人似玉門歸風  
急旂應斷雲寒鴈不飛誰憐漢庭使白首節旄稀

關山月

月照陰山外秋高瀚海邊金河半影更疑空久

成何時滿長征幾度圓望鄉千里思耿耿夢中懸

梅花落

玉樹飛花蚤金閨引恨長雪明難見影風急易聞香舞  
處飄羅袖歌邊繞畫梁歲華憔悴盡竟夢憶遼陽

胡姬年十五

胡女倚芳年青春最可憐纖腰初學柳媚臉乍窺蓮留  
少貽龍鏡當爐拂鳳絃堪持對明月三五正嬋娟

董子元移居新館同諸友相候

仲舒羈旅日猶欲避浮名選地偏臨水移家半隔城巷  
深無結駟林靜有啼鶯不是同懷客寧知大隱情

呂山人

八國雅卷十四

壬子

呂山人

名時臣字中南鄞縣人嘉靖中嘗遊齊魯吳楚間

木峯舊業寄諸族兄

歲暮寒山下溪田久廢耕亂鳥驚日出猛虎傍人行蜃

島蠻夷雜鮫潭冬夏鳴林牕讀書處清夜鬼談兵

送青州兵憲王元美解官

雨歇川流急烟浮薄暮時羣公傾蓋別匹馬渡河遲淚

滿齊梁道名存管晏祠挂冠何太蚤惟有此心知

蜀道吟送謝中丞

輶軒必明發西望此心懸鳥道青天上猿叢黃帝前巴  
童葵葉扇蜀客木蘭船共說錦城好相隨惜暮年



辛酉仲春晝晦同殷子飲東阿李明府官舍

白日杳冥風行沙春深縣郭寒無花  
竭來黃石仙人館  
醉臥青蓮居士家  
塵起眼中滄海變  
雲流天角崑崙斜  
明時不期遇  
設浩赤手談兵雙鬢垂

辭叢臺

辭却叢臺去依然感慨深  
青山昔爲夢滄海白雲心  
不盡高秋意猶餘清夜吟  
中原多壯士誰共此登臨

舟次西華

鴈過停舟處徘徊野色遲  
城根流水抱岸角斷橋垂烟  
集樓烏畔風寒牧馬陂  
豈堪今夜宿短笛隔船吹

國雅卷十四

三五

汎山陽有感

黃金散盡不封侯始信浮生總浪遊  
漂母祠前芳草暮  
淮陰道上白雲秋  
帆收近寺鐘初定  
角轉重城水亂流  
多少英雄死無處何如吹笛下揚州

留別謝少府子魯

木落見中州遙連白帝愁  
黃河臨斷岸明月上孤舟  
作客已多歲還家又暮秋  
思君西下日寒葉滿江流

到家苦雨寄城中諸友

歲晏兼貧病歸心詎可論  
八潮水下咽饑雀雨中翻  
野徑蒼苔合山牕白晝昏  
還家已十日愁絕舊柴門

舊作  
掩佳

諸公邀登甘露寺別

天風飄忽帶袍輕  
雨度空階慰客情  
疎磬雨催山寺曉  
亂帆春放海門晴  
江迴幾幾三吳盡  
潮過金陵七澤平  
明日別離何處問  
斷腸烟樹漫蘇城

岳山人

名德字東伯號清餘長洲人嘉靖中隱于陽山之西

顧山人水亭

坐君水亭好涼風  
清苕袍竹深雲日細  
江滿菱荷高七月  
避殘暑衆山迴暮舫  
暝來留不可餘興度  
林臯

癸未八月一日至山居

豈熟藏山虎荷高宿雨  
蟬獨行流水徑情寄  
白雲天畢

岳山人

國雅卷十四

三六

歲無車馬傾家事  
石田客來非問字  
長日對忘還

落日

讀書竟日衡門中  
起眺落日西南峯  
鳥趨返照向東嶺  
鴈急暮寒鳴北風  
脩竹浮浮結暝翠  
疎花瑟瑟餘小紅

秋山鐘磬清耳目  
石林隱約青蓮宮

泰山

岱宗吾舊宅東充結雲屏  
萬仞無端睨雙儀  
若可停秦封見松栢吳觀入滄溟  
雲房窺異跡玉洞啓丹經  
午夜雞號日千巖樹拂星  
神編續遐壽仙籙畫眞形  
儼就蒼荒隱巖扉當畫局



張太學名士瀛字心父號樂玄崑山人嘉靖間游太學遂寓秣陵有張氏集

臨岐一杯酒送人還京

臨岐一杯酒惆悵故人違  
落葉雨中滿歸舟江上稀  
路將天共遠帆逐鴈同飛  
去去還鄉無勞淚濕衣

白蓮寺與慧上人

古寺大江邊重遊感昔年  
樹深藏石塔雪霽近寒泉  
以我頭將白遂師袖半穿  
猶能問詩訣相對佛龕前

景王之封歌

景王二月出都城  
天子遙分龍虎旌  
跨海樓船啟雲漢  
路傍知不廢春耕

張太學

八國雅卷十四

二十七

國雅卷之十五

勾吳顧起綸玄言選

李元察

名攀龍字子麟號滄溟山東濟南人嘉靖中官河南按察使

錄別二首

千秋一嘉遇此別安可知  
良時不努力賤軀欲何爲  
晨風野蕭條浮雲西北馳  
河梁臨往路遠望令人悲  
遊子各有懷悠悠當告誰

秋風西北來蕭蕭動百草  
蕩子無室家悠悠在長道  
紅顏能幾時棄捐一何蚤  
對客發素書零涕復盈抱  
上言故鄉好下言故人老

李元察

八國雅卷十五

賦得金谷園

石家離館在河陽  
墜下潯潯蘭杜香  
步障連雲圍錦繡  
層臺插漢號清涼  
車騎紛紛絲霧來  
後園綺宴掃花開  
鮮妝二八皆名伎  
一一芙蓉護酒杯  
光風乍汎沙棠枝  
小腰麗女翠鬟垂  
嬌歌競度思歸引  
舞按明君出塞辭  
誰其侍者字綠珠  
搖瑤曳綬開且都  
意恍崑崙青霞窈  
窕色寒滄海紅珊瑚  
新聲裊裊落梁塵  
關雎含情向暮春  
同時粉黛俱回首  
爭道蛾眉不讓人  
歲歲芳菲私自憐  
眼中若個比嬋娟  
那能便遣豪門去  
從此繁華坐黯然  
灑淚飛軒羣妾愁  
玉顏今日盡高樓  
徒令碧血埋秋草

金谷千年澗水流

雪後過殷卿湖亭并聽江山人彈琴得集字

夜來北渚北風急打頭雪花大如笠片紙東飛右史書  
詰朝小作湖中集到門白鳥出高巢繫馬南山遊人入  
使君亭午未解醒肅客登筵一長揖地僻兼無俗子妨  
樽空況有隣家給意氣還須我輩看功名但任兒曹立  
轉盼忽驚青歲徂沾唇莫信金杯澀世上悠悠已自諳  
卽今不飲嗟何及醉聽楚調起寒雲綠筆憑陵朱絃濕  
平生多少伯牙心此日因之寄篇什

送新喻李明府伯承

李觀象

八國雅卷十五

二

爾昔紅顏客薊門獻書不報哀王孫一朝致身青雲裏  
座上還開北海樽余亦題詩卽隄臺燕山秋色對銜杯  
論交共惜黃金盡此處空悲駿馬來可憐郢曲今亡久  
下里之歌吾何有文章稍近五千言雅頌以還十九首  
才子新傳白雪篇江城忽借使君賢那堪西署爲郎者  
多病離居卧日邊

刁斗篇

陰山戰合胡天黑漢兵大呼單于北邊秋日落五原中  
磧火夜連千竈食驃騎橫戈拂鐵衣悲風黃草白榆飛  
渡河烏陣旌旗伏卧壁龍沙鼓角希征人馬上援枯骨

蒲地清霜刁斗發朔氣遙傳瀚海雲寒聲動輪臺月  
掩笳驕虜聽垂泣按劍材官怒指髮宮女琵琶咽逝波  
使臣旄節彫幽窟誰能絕漠掃妖氛哀響如今不可聞  
六郡少年思轉關提金猶憶李將軍

送謝茂秦

孝宗以來多大雅布衣往往稱作者謝家玉樹操郢音  
其曲彌高和彌寡寓梁曾曳王門裾遊燕欲薦中涓馬  
豈無冠蓋映當時滿眼悠悠世上兒文章千載一知己  
交結何須鍾子期此物有神兼有分貴浮雲不與之  
盧楠坐銜越石恩醉後感激肝膽言蒼鷹睚眦鸚鵡賦

李觀象

八國雅卷十五

三

身挂羅網何由離殷憂楚奏秦庭哭遂雪黎陽國士冤  
歸去東將釣滄海安能貧賤常丘樊蚤借江鴻報消息  
或卧春雲且故園

擊鹿行

余往與王生過子與見伏鹿於庭戲相謂  
生豈不願爲我角之哉又與王生過子與則  
子與刺殺此鹿食王生既而宗生亦至相與批  
脯飲也亦大豪舉哉乃  
各賦擊鹿行壯之

徐卿意氣殊不偶買鹿百金求其牡華堂燕客忽自放  
醉把邯鄲鐵匕首須擬麟從帝數游未聞鹿觸匈奴走  
高材吾黨復誰過文章矯矯驅羣醜失日難將四海求  
遂來定死諸公手毛灑旋疑霜雪寒角摧更見珊瑚朽

大呌奉銅盤接飲其血軟以酒顧我前呼歷下牛  
與君相愛爲君壽舊時疾足今能否安得新詩滿人口  
須臾碧眼胡兒至落碁脯腊無不有下箸已畏翠金空  
纖羹更出青閨婦衆看枕上肉如陵覆蕉尚在隍中守  
嗟乎曲士夢何久徐卿獨醒可與友

送孟得之

十載薊門客秋風見長年思家明月夜驅馬白雲天來  
鴈授衣後黃花落帽前何人過携酒共醉黎陽天

送諸光祿還於越

幾年東省月坐憶故園遊忽有緘書至蘭亭棧事修美

李觀象

八國雅卷十五

四

蓉天鏡曉風雨石帆秋到夜應逢雪門多藥興舟

白雲樓

諸郎難得意非是敢沈冥拙宦無同病清時有獨醒千  
家寒雨白雙闕曉煙青又值高樓鴈寥寥不可聽

送殿卿

嗟君復失意吾道轉堪疑白雲論先達青雲合後時客  
花寒食過載酒故山期莫以楊朱淚春風灑路岐

送張比部募兵秦晉諸郡

天威嚴滅虜使者山秋官白羽徵兵入黃金結士懽風  
雲千騎動雨雪二陵寒無易行間客能登漢將壇

送沈郎中守順慶

見說褰帷處千山擁使君嘉陵渡春水棧道轉秋雲却  
下平蠻檄家傳論蜀文病餘饒卧理能不憶離羣

出部

出部隨吾適人家杜曲邊溪流紫去馬山路入鳴蟬禾  
黍殷秋作茅茨足晝眠可能祛物役歸買汶陽田

雲寺禪房

佛土秋逾淨花臺夜復香一燈醒夢幻孤磬散清涼月  
禿輪滿湖開天鏡光新詩分妙偈病客對空王

同元美與諸比部蚤夏城南放舟

李觀象

八國雅卷十五

五

言尋韋杜曲與客放船行樹影含衣動溪光逼酒清狂  
來出真態醉裏見浮生所以山公後寥寥達者名

夜過元美

病卽科頭出狂仍枕腹眠禮非因我設汗不受人憐興  
盡銜杯外言深把燭前開門看墮月騎馬問朝天

和許長史五日嶠山湖亭燕集

城頭片雨懸客醉嶠湖邊酒柰榴花如人堪桂樹憐五  
絲還令節僂髯祗流年莫踏王孫草淮南雅好賢

同殿卿遊南山天井寺

古寺馬蹄前荒山斷復連階危孤石擁厓響亂泉懸喬

知午迴峯欲隱天不因許玄度誰此得攀緣

郡城送友人二首

西來山色滿城頭東望漳河入檻流  
傲吏歲時頻臥閣故人風雨一登樓  
亂離王粲逢多病著作虞卿老自愁

君到長安相問訊誰憐五月有披裘

自作更佳

徙倚高樓問索居故人湖海意何如  
樽中十日平原酒袖裏三年薊北書  
大麓夏雲當檻出石門寒雨過城疎  
明朝遠道空相憶那得仍停使者車

再寄元美

中丞遼海罷登壇公子紅顏復挂冠  
會有綈袍憐范叔

李觀象

八國雜卷十五

六

休將七首過燕丹上書北闕風雲變  
灑淚西山雪雨寒  
憔悴儘堪知國士相逢俱作少年看

送盧次楨往建業謝故陸令

中原慘淡吾垂老河朔蕭條爾更存  
書上梁王還寢獄賦成揚子不過門  
大江雨雪千帆出建業風流六代淪  
短劍自憐遊客意左驂寧負主人恩

賦得雙塔寺

雙鴈何曾落殿陰長留寒影向青岑  
珠莖綴露分仙掌花鐸含飈雜御砧  
雙闕星河秋色曙千家烟雨夕陽沈  
飛鳬欲下吹笙侶天外遙依識鳳林

送許右史

少年裘馬日紛紛老去誰應更識君  
酒態美如嵇叔夜詩才清似沈休文  
曳裾忽動梁園雪飛蓋兼停鄴下雲  
試向樽前看過鴈春風那不念離羣

酬答明府見寄

清時詞客滿公車獨向漂零嘆不如  
老去已拚常縱酒秋來何意爲裁書  
薄遊更自淹華省多病惟堪返敝廬  
共道子雲長筆札知君近日五侯踈

蚤春得汝思蜀中書

萬里誰傳錦字迴楚天摧落正堪哀  
揚舲巫峽江聲合立馬岷峩雪色來  
西極使星遙入部中原人日好登臺  
莫言羽獵誇胡後不數揚雄作賦才

送惲員外按察郢中

醉擁驪駒不可留送君花發鳳凰樓  
青書開府西陵色到日登臺北鴈愁  
寒雨荆楚望無盡漢江流  
共知人世悲難合儻得珠莫暗投

韋氏池亭同元美子與子相賦

貰酒新豐解佩刀相逢意氣爲君豪  
孤亭盡敞杉松色亂石青含薜荔高  
自向風塵偏勝蹟空令湖海傲吾曹  
從他桂樹山中發招隱何勞更及騷



送李司封謫廣陵

明光起草美青春服藥求仙笑此身白首雲霄空薦士  
黃金湖海未逢人廣陵鴻鴈來秋色寒雨江楓度逐臣  
見說故園湘水上嬾將詞賦弔靈均

十五夜子與明卿見過

日落青梧白露生倦遊詞客鳳凰城千門過鴈來秋色  
萬里銜杯對月明上苑寒高金狄掌西山影靜羽林兵  
解顏今夕無烽火二妙何當罷請纓

張駕郎梅花

仙郎雪後建章迴清夜西堂擁上才笛裏春愁燕塞滿

八國雅集十五

梁間月色漢宮來卽看芳樹催顏鬢莫厭寒花對酒杯  
共憶故人江北望因君罷賦倚徘徊

宣武門眺望

白雲千里接胡天雙闕遙臨碣石懸漢苑春生多雨雪  
薊門晴色滿寒煙五陵生遠萊外大漠青山睥睨前  
風昔黃金收駿馬高臺空石有誰憐

真定邸中重憶殿卿

客舍題詩已日曛當時此地重離羣青樽夜倒滄沱月  
紫馬嘶秋大陸雲春色那堪愁裏望緘書何意病中聞  
依然趨府諸年少不見風流許使君

送張肖甫出計閩廣

聞道天書出漢宮君才博望遠相同少年章奏郎官  
大海樓船使者中度嶺春陰生白瘴及閩秋色暗青楓  
懸知諸將平胡日聖主先論轉餉功

元美望海見寄

白雲東望十洲開苦憶玄虛作賦才太壑秋陰生屢氣  
扶桑日色照樓臺波濤漢使乘槎過風雨秦王策石來  
縱有三山何可到不如相見且銜杯

殷太史正甫至自太山爲贈

明堂天子昔登壇御道風流擁漢官海色迴臨三觀動  
春陰不散五松寒白雲忽向封中出玉牒誰從篋裏看  
此日清朝求禪草相如蚤晚入長安

秋日懷王元美三首

匣裏龍泉北斗文携來燕趙客如雲自言此劍千金買  
不是窮交不借君  
落魄初看逐客情風流又似素繻生路傍年少從他問  
不必停車說姓名

十載交游滿帝都五陵年少避呼盧只今惟有張公子  
匹馬時時過酒徒

送鄭叅戎之銅仁



漢將承恩意氣多樓船十道下牂牁憐君本自山東妙  
更許何人繫尉佗

神通寺

金牛谷裏樹蒼蒼一入千峯但夕陽浪跡莫愁難問訊  
題詩多在朗公房

再送許右史二首

萬國稱藩擁至尊一時詞客出王門但教日奉西園  
宴莫道應劉不是恩

桃花美酒鳳凰樓公子乘春作宦遊寒食不知何處過  
縱無風雨亦堪愁

李尚寶

八國雅卷十五

李尚寶

名先芳字伯承號北山山東  
濮州人嘉靖中官尚寶卿

望金山寺

金山壁立鎮中洲黛色橫江日夜流勢借神鰲盤砥柱  
氣飄靈蜃結層樓澄澄水月空中見隱隱芙蓉海上浮  
我欲舍舟凌絕頂妙高臺上望神州

宿天池寺

南下潯陽道遙見匡廬山以余蘿薜情倦茲山水間舍  
車陟脩坂飛鳥扣禪關禪關寶塔凌雲起古剎霏微挂  
天紀鳥道不聞金磬聲龍泉半落銀河水錦澗橋邊凭  
玉欄萬嶺松杉白日寒惟石嶙峋真虎踞廻蹊歷亂

蟠更覓真源向何處杖藜直指天池去石榜孤懸  
竹林洞簫忽下羣仙馭遂有周顒騎白龍拍肩並駕九  
奇峯天眼尊者持丹藥赤脚高僧獻紫節須臾水月湧  
金沙法鏡澄澄照落霞浮光着樹皆甘露靈氣飛空即  
雨花文殊臺上天燈燦佛手巖前石髓嘉名香仙梵三  
天外紺殿玄珠綴華蓋振衣獨立上霄峯五湖九江纔  
一帶山迴風高吹日暝歸依夜宿匡廬頂天雞一唱石  
門開夢裏聞鐘徹清境拂拭潏虛下紫氛竹孫鹿女悵  
離羣停車立馬頻回首萬壑千巖空白雲

薊門凱歌

李尚寶

李尚寶

十一

漢家邊防重東北爪牙虎豹攬關阨天子登壇剖  
玉符元戎受服披金革細柳新頒戰士袍羽林爭射  
門戟秋高太白莽蕭蕭雲起旄頭風索索萬騎趨超太  
乙軍六韜決勝先天策刁斗聲喧殺氣腥銀鎧光寒秋  
草白烏號對挽綠沈弓飛黃併逐連錢鐵營聯科斗夜  
飛霜劒擁蓮花朝帶血胡虜憑陵候月生沸空甕鼓雜  
金鉦旌旗絡繹陰山暗炮火輝煌瀚海明關門忽閃爍  
姚將沙漠長驅韃靼兵犬狼一射妖星滅海鯨遙掣塞  
垣清頡利首傳丹鳳闕單于面縛白登城殺狐嶺上  
烽烟斷一掃秋風古北平

殺作飛

明妃怨二首

蛾眉不可恃鴻翼竟難尋  
前殿更衣夕邊庭駐馬心  
春悲胡地草秋憶漢宮砧  
使黃金賂其如妬忌深  
十載未謁面椒庭空綺羅  
富辭纔一顧承恩豈在多  
詎知薄命妾能使漢邊和  
千古琵琶曲流傳塞上歌

邯鄲才人嫁爲廝養卒婦

邯鄲有才人嫁之廝養卒  
卒家得婦喜結我青絲髮  
繫我錦羅襦解我凌風襪  
情知非等匹悲歡成日月  
昔爲匣中鏡今爲水上筏  
風波一失所良媾信難越  
青蠅點良壁明珠委深窟  
心折邯鄲城腸斷叢臺闕  
出涕望鄉安知問消歇

謝山人名榛字茂秦號四溟山東臨清人正嘉間嘗遊燕晉間

正月六日集李時明館得知字

明日又人日陰晴那可期  
清樽聊一醉白髮幾相知  
門巷雪仍在幽并春較遲  
漸看楊柳色鬱鬱亂鄉思

送謝武選少安犒師固原因還蜀會兄葬

天書蚤下發星軺二月關  
河凍欲消白首應憐班定遠  
黃金先賜霍嫖姚秦雲曉度  
三川水蜀道春隨萬里橋  
一對邯鄲腸欲斷鵲鴒原上  
草蕭蕭

晚夏天寧寺對雨同殷內翰正夫李比部于鱗賦

諸天忽風雨蕭蕭動山扉  
殿冷鴿逾靜鉢空龍未歸  
晚留軒冕客秋到辟蘿衣  
後夜懷文道遙聽鐘磬微

李行元字同謝張二內翰話洞庭湖二首

詞客家何處西南是岳州  
地連湘嶺斷湖共楚天浮極  
目風烟夕驚心鴻鴈秋君山  
更奇絕應待于長遊

南望岳陽郡蒼茫吳楚分  
帆迴孤島樹樓出九江雲落  
日浪中沒秋風八外聞何時  
采蘋藻湖上弔湘君

中秋無月同李子朱王元美李于鱗賦得城字

四野蒼茫雲霧生月華暗度  
鳳凰城雲間不辨銀河影

樓外空傳玉笛聲鴻鴈清秋遊  
子意相白路故園情

謝莊欲賦還惆悵今夜照山何處明

寄金廣文

漢庭誰復憐才子謫去長沙幾  
千里三楚寒雲過鴈聲

九疑秋色搖江水騷人自古悲  
秋風黃陵廟前斑竹叢

惆悵湘靈杳何處試聽瑤瑟月  
明中

送陸秀才歸華亭

九月清霜下三江白舫歸芙蓉  
寒始發鴻鴈暮還飛自

許同張翰誰憐滯陸機讀書滄  
海上燈火閉林扉

送顧汝修歸上海

鳳城南楊柳疎憐君獻賦此躊躇帆飛淮浦聞初鴈  
路轉吳淞是舊廬海上白雲秋不斷天南明月夜何如  
只今一醉還分首他日相思有報書

隆慶道中有感

馬度黃雲塞鵬飛白草原兵戈連歲動霜霰入秋繁農  
業千家廢人烟幾處存悲風起桑柘過客重銷魂

北征

朔氣犯征裘旌懸大漠秋亂山通驛道殘日照邊樓白  
骨幾年戰黃雲終古愁夜來又烽火驕虜寇并州終古作絕無佳

送李明府還仕安嶽

謝山人

八國雅卷十五

十四

君去萬餘里春風賦幾篇徬聲江月墮馬首殘花懸路  
入巴西樹山橫劍外天遙知訟堂靜還爲一鳴絃

步出帝城門

步出帝城門忽逢黃冠老借問欲何之終南拾瑤草丹  
梯直上千紫氛石房深鎖三春雲乘龍仙客杳不見海  
上蓬山空自聞

宮詞一首 題畫

曉起下階芳草綠越羅昨夜裁春服試看海棠開幾枝  
流鶯啼過黃金屋花落明年還復新玉顏對鏡堪愁人  
寂寂簾櫳百花裏銀牀冰簟淨於水月明初照長信宮

天液池東片雲起禁門深鎖夜如何祗恐芭蕉風雨夕

送客遊洞庭湖

相逢楚客問巴州此去揚帆湖上遊天漢長連洞庭水  
雲霞半入岳陽樓低空白鴈投寒渚隔浦丹楓照暮秋  
莫向湘君聽鼓瑟黃陵月冷不勝愁

送楊伯玉歸涇陽

鳳凰城南楊柳絲當春最嫩最牽別離古人折贈意偶爾  
至今千里傳相思風吹柳花正西去黃鸝喚春春不住  
落日關河悵遠人青絲白馬歸三秦壯年不嘆功名薄  
獨將寶劍隨風塵有時大笑對樽酒七雄能戰不能守

謝山人

八國雅卷十五

十五

燕昭之策非遠圖空使黃金高北斗君今落落誰見知  
且向滄浪隨釣叟秋來水上烟雲重慎勿濯足驚魚龍

和王元美喜盧樞出獄

春從鄒律動近得破愁顏心事孤燈下年光萬死間賦  
成餘白髮身在有青山共爾烟霞約飄然去不還

七夕留別江伯陽李于鱗王元美得知字

久客言歸意留連幾故知鵲橋星度夜燕館月沈時天  
上纔歡合人間又別離晴分絳河影秋動白榆枝桂醕  
還成醉萍蹤不可期年年湖海上今夕定相思

俞山人

名允文字仲蔚崑山人隱于嘉隆間

新秋東郊遊囑

高齋散涼氣秋郊欣遐矚  
曠嶺赴遙波清雲響疎木日  
入會田作荒蹊鉏鉤斷孤村生夕烟  
新苔入鳴犢歸來無餘物  
山月亂簡牘

園居

窮居寡儔匹園廬有餘清  
落葉覆荒池疎林映高城野  
田刈穫盡霜畦蔬復登寒月無容影  
中夜露氣凝是時  
賢煩息沈思方入冥沈冥乃道真  
一悟還自驚

出塞

擊胡無生還此已非不知謂當棄  
一人所活千萬餘中原有父母奮身  
靡敢私悠悠河陽橋生死從此辭

俞山人

八國雅集十五

十六

少林僧徒一百二十人赴義討賊軍  
次海上不屬諸道帥聞而壯之遂賦此作

吾觀頭陀行髡髮窮山崖還收骨肉愛  
薰染熊羆牙柰何懷憤激嘯叱騰洪波  
生犀全覆腦長矛左右又鳴弓  
開寶月雄劍生蓮花據鞍大道傍四面咸  
咨嗟秘開九地法義盡五天魔寧隨霍嫖姚  
未逐李輕車功成不足多等世恒河沙由來  
俠烈肝可以棲楞伽

虎丘行

吳王墓前雙石壁翠水沈沈劍光赤  
香楡飗飗遶綠烟

玉潭閼謚浮青蓮生公說法開金偈  
猶自繁華昔遊址今人繁華異昔時  
古人行樂今人悲古人今人不相識  
徒使流鶯淚霑臆

征馬嘶送有光

白楊花飛江水黑江頭行人頭盡白  
青山日出烟塵昏馬上誰爲都門客  
都門豪客長安兒蒲萄百斛柳千絲  
戎裝玉駿邯鄲姬虎旗繡簇紅鴉啼  
長安三月春未暮城中不見行人歸  
遊人歸醉滿堤青草長征馬嘶

胡笳曲

長風吹高海底月半落洮河色如雪  
胡笳寫出隴頭聲千聲萬聲吹不歇  
此時都尉兵初盡此夕單于陣方結  
沸地黃沙凍欲牢連天白草燒難熱  
玉筋啼還偏紅顏坐相訣楊柳曲中離  
別久梅花管裏音書絕胡笳本是從胡起  
曲曲緣雲咽流水飛入重城怨已深  
聽臨遙塞愁應死誰知沙畔捲寒蘆一曲  
能消膽氣麤更使胡雛雙淚落萬羣嘶  
月過飛狐

桃源行

武陵深深谿谷斜人家避秦多種花  
桃花無數映春發片片還落秦人家  
地深反無猿狖生但見雞犬連桑麻  
雲飛來復飛去山裏人家幾家住  
當時捕魚何處歸



歸去還尋復何處始知人住深山裏世人遙望空雲樹

獨坐

獨坐高齋裏悠然向夕曛天空山勢出樹斷水光分遠色看成靄輕陰隨度雲谷中人世隔塵塵自爲塵

泉

能將映地復飛空冷色遙清石上松千載已無人洗耳祇應流入亂山中

山行

遠樹高低不斷林半山落日半山陰白雲杳杳向空盡一入松溪霧已深

八國雅卷十五

八

送葉伯宣遊南都

朝日揚素景寒露滋盈條歸鴈辭碣石吹噓屬曾霄念子遵舊都整策陟巖椒北眺窮朔垂東瞻越江濤崇雲象山岳雙闕鬱岩崑過彼雙闕間冠蓋相遊遨四節隨飈逝茂時之嘉招駿驥棄不收踟足有餘驕所期必鴻舉齊轡羣龍朝非子良見瞻豈復繁場前信心恆中賞沈吟結清謠共期玄冬月歡談憩林巢

艷曲

青樓綺閣大道傍九微夜火明春牕曲環流蘇挂曲房彫屏匝匝玳瑁光黃金錯枕牙作牀博山爐熏沈水香

美人絕世誰得賞蛾眉豐采爛明璫玉釵刻難離九將朱唇皓齒發蘭芳密意細語安可詳嬌深思溢樂未央連枝錦結同心囊織成合歡雙鴛鴦如何翻飛限河梁楚妃流歎廬女傷清徇鏡前飛曉霜青春婉婉羞夜長相憐相恨遙相望爲君直置相思腸

王觀蔡名世貞字元美號鳳洲太倉人嘉隆間官山西按察廉使

結客少年場行

驄馬三連錢流蘇障泥瑪瑙鞭經過五陵畔結客多少年如渴之酒傾肯惜突兀黃金若山積散盡姓名都不問肝膽但許英雄識扶風夜深雪花白手提人頭列君側爲君報臂身併擲細看乃是當時客君不見東家錢刀坐朱紫魏其爲朝武安夕如此結交竟何益

上谷道中遇胡兒答

降胡何方來白馬懸懸椎寒霜腰鳴鏑宛轉疾於飛問之不能言譯人爲致辭少小雲中住微命便如絲大荒衝風發吹落樹頭枝十三行遇胡令牧青海羣二十娶胡婦遂有兩胡兒有羊旣千足馬亦四百蹄棠駝載穹廬水草去隨宜春漁條支渚秋獵祁連陞胡中無文法貴賤不相欺肉酪富醇鮮所過皆若歸剽人長城裏忽憶故所居父母猶在堂廬井未曾移抽矢射址方誓與



胡天辭幸蒙主將顧收作帳下師不知中原好但覺飲  
食非炒菽調水漿醉飽永難期夜臥不得甘晝起不得  
馳胡婦屬他人兩兒吟爺啼語罷吞聲咽怆然涕交頤  
胡寧君臣分要在恤其私寄語諸邊將厚祿擬何爲

送束抑之給事監兵北伐

雙垂韎韐繡鵠金羈馬頭雪花白秋星乍稀承明廬  
慷慨遺策長安陌城社已見狐鼠空關山要令豺狼辟  
今爲頗牧出中禁豈但汲衛誇揖客飛書再看魯仲連  
奏記不數崔亭伯匈奴祭馬秋欲動連峯蔽天朔塞赤  
六郡材官三十萬一一翹關枉金華期門募士身若飛  
屬國降胡衆如磔此輩自昔稱英雄見敵雖多憤踟躕  
時時大官出銀幣往往宿將甘巾幘嗚呼上恩下  
薄忍使驕虜猶充斥君行帥府青天高揮檄霜寒  
噴安得一騎馳王庭爲君預掃燕然

游俠篇

側坐犂肩騮雙牽短尾刀豪鷹逐呼來萬里天風驕平  
蕪如稠楊柳綠新豐酒美兔肩熟白日銜山不肯歸醉  
擁胡姬野中宿歸來唾調文成侯汝曹幾下不自羞斗  
大黃金何足問獨身西斷郅支頭

題十八學士春宴圖

秦鑄滿湘玉小山叢枝綴金粟天公臨此編秦土  
參入秦王天策府虬髯主人馬上客手摑中原血華赤  
雲氛霍霍講初罷獅子驄頭散鞭咄軟羅半臂看風偏  
十八奚駒嘶紫烟玉酥宮痕纖月甲銀毫戈書小黃押  
大槽亂拍珍珠流葡萄就暖沈香蚪琵琶掩魂鷄雞促  
聲聲破陣秦王曲義輪牛春啓明曜萊公起舞密公笑  
就中小薛醉隗俄龍門老師柰若何太子宫前演雞戟  
銅馬時時齧荆棘諸君詰

手故李平廣

聞道匈奴騎猶驚飛將鋒馬蹄終自老猿臂欲誰封得

一中原重無雙異代容長令草間鏑霜色滿盧龍

青州雜感

國難孤誰共天驕晚未擒九重垂北顧萬死障南侵忽  
下明光詔多分少府金汝曹須戮力今日主恩深

重過張太學因贈

憶昨丁年客逢君子夜長葡萄濃不瀉瓊樹儼分行別  
思花如霞歸途月似霜重來漸蕭索塵滿信陵牀

贈明竺上人

竺師震旦秀大骨何昂藏一雨萬流合斜陽千嶺蒼坐  
楊枝水忽煖梅檀香擬問西方路人天並杳茫

和許解

十五繡鴛鴦

眉西嶺月懸鏡九秋霜小

雨流酥暗蘭風錦簾涼欲從天外覓誰遣返覓香

雲鬢山玉酥人道勝羅敷所念前魚泣寧知別鶴孤同

心悞綵綵如意妬珊瑚往日西陵栢蕭蕭長夜徂

憶世

憶昔南巡漢武皇樓船車馬鬱相望輕裘鄂杜張公子

必邯鄲呂氏倡秋淨旌旗營細柳夜深烽火獵長楊

孤臣亦有遺弓淚不見當時折檻郎

送瞿太史使大梁周府

國雅卷十五

長安草色上鳴珂繁吹春調四牡歌太史授主開赤社

宗藩如帶指黃河花間漢使樓船發雪後梁園鴻鴈多

上客知君頻授簡鄉枝詞賦未應過

醉題書齋

東書斗酒安吾齋西風爲掃當門柴卽寒薜衣時護几

未貧苦錢欲上陟一丁世自饒紫綬二酉吾敢勞青鞋

已無故人車馬跡賴有明月時投懷

送蔡子木守衡州

少年爲郡肅清修京洛相携賦壯遊一去蔡邕誰倒屣

可堪王粲獨登樓補天衡嶽層層碧遠郭湘江細細流

莫向秋風悲日遠長沙今得七

州

過天寧寺望塔有作

浮圖隨寶額舍利漢金人龜捧雲扶象龍蟠海藏鱗躡

空依日月飛界隔風塵縹緲遙疑幻峻嶒近復真霞標

象外盡玉樹望中新萬劫留真相諸天護法輪空憐證

聖眼猶是滯凡身倘有摩尼在夾風一問津

爲謝山人贈顧生

游客爭歸趙虞卿亦見尋立談雙白壁笑却千黃金解

道國恩重誰同交誼崎嶇依一老流落見餘心擊

筑無燕市悲歌有越吟揖予還拂袖碣石暮雲沈

國雅卷十五

塔光

天寧寺塔中有舍利時時於相輪吐光予夜宿見之

飛剎聳岩巖迴風萬鐸敲神光發寶樹定力轉金標熠

耀渾難擬熹微迴不消晦驚春月上昏憶曙星搖法鴈

珠頻吐神龍燭乍飄一鐙披幻劫萬界出沈寥自失迷

津晚俄然覺路超不須求指示淨域本非遙

飲歐陽鎮朔卽事有贈二首

旌旗春偃白龍堆敬客休停鸚鵡杯歌舞未殘飛騎出

月中生絢左賢來

胡纓白馬下雙鸞降虜轅門氣不驕爲問渾那能騎射

可如新帥霍嫖姚

賦得雙塔寺

白馬西隨漢使回招提對聳古燕臺  
靡空日月金輪轉分界河山寶樹開  
法鴈影從天外合燭龍光並夜深來  
紺牙青髮同歸化朱網丹楹總劫灰

展魏三日受策易州行府承諸公會高臺有作

秋聲心傍羽書寒易水蕭條鴈影殘  
今日和戎無魏絳當時結俠有燕丹  
府僚高宴從軍樂客悲歌行路難  
莫向舊臺稱買駿倦游無計可辭官

于鱗邀登郡樓分韻得秋字

使君杯酒一登樓倚檻蕭條木葉愁  
不盡天風吹大陸

王義部  
八國雅卷十五

二十四

何來嶽色滿邢州匣中星動雙龍夜  
柝裏寒生萬馬秋爲問郡曹諸記室  
幾人能並李膺遊

山西丈夫化爲女子

萬事反復那足齒山西男兒化爲女  
子朝生暮死不自知雌伏雄飛定誰  
是謝豹曾聞受朝謁於菟亦解談名理  
渭南巾幗不可呼此曹變化無時無  
只今離韻不能去羞向人間喚丈夫

廣陵訪公瑕不遇云白儀真失之

豪華自古讓維揚一水橫江卽異鄉  
二十四橋歌吹徧不知何處覓周郎

王儀部名世懋字敬美號麟洲太倉  
嘉隆間官儀部員外郎

懷助甫

司封年少張公子裘馬翩翩氣色新  
豈謂文章偏逐客更令湖海見孤臣  
停騶對飲南冠日擊筑酣歌燕市春  
伏枕思君重流涕于今國士有何人

遊惠山酌泉次唐人韻

舍舟登蘿逕停策憩松樾乳竇何泠泠  
臨流歎幽絕寺古行跡稀苔深石文滅  
雙鳬擁春雲百壺倒山月歡餘會有  
歸顧景不得發徇此丘園姿願屏塵世  
轍

寄題于鱗白雪樓

王義部

八國雅卷十五

三五

青山上築傍松筠此日南樓屬興頻  
地敞風雲懸自合天橫海嶽望常新  
尊前色借齊宮曉賦裏聲回梁苑春  
莫恠鹿門長謝客未堪雙眼向巴人

同徐子與諸君過顧司寇翁山樓分韻

上築秋高萬壑陰空山白髮著書深  
長松老作虬龍態古磴閒從薜荔侵  
西望吳門紫匹練東廻箬水寫鳴琴  
開樽復借儒生色倒屣誰酬國士心

態作  
俱佳

橫塘春汎

吳姬小館碧紗牕十里飛花點玉缸  
蠟屐去尋芳草路青絲留醉木蘭艤  
山連暮靄迷前浦雲擁春流入遠江

棹裏長干聽一曲，烟波起處白鷗雙。

偶過無錫遊溱塘山分韻得客字

尋山涉逶迤，撫景窮旦夕。遊目翠微巔，巨麗生咫尺。遠近標羣峯，東南淪大澤。山高日浮紫，水闊氣生白。莽蒼千古懷，沈冥萬象色。悠然命樽酒，一醉滄洲客。放曠湖山間，吾生付雙屐。

初春雨中集俞元海飲同諸君分韻得田字

清樽落日帝城邊，一曲長干醉裏傳。柳色暗歸春酒綠，雨聲寒並夜燈懸。爲郎也自稱蘭省，有婦從他笑秫田。莫恠入門須盡興，相逢何處不堪憐。

王德信

國朝卷十五

二十六

風

送張比部守思恩

西曹執法張廷尉，五馬翩翩出舊都。青草瘴消過八桂，碧雲看盡隔蒼梧。負鹽徭女驚持節，髻蠻官屬剖符。聖代只今多慮遠，白狼歌舞莫教無。

三山行送胡年丈守南徐

君不見海門東開大江走，雪噉霜吞巨靈吼。奔流繞出南徐州，鐵甕回看大如斗。誰令此地爲雄鎮，天遣三山縮其口。我昔挂帆揚子渡，三山岸勢雄據疑是秦皇。驅片石壁作金焦，兩天柱正看北固臨江岸。旁睨兩山如指顧，奇峯陡嶂相望開。丹樓如霞綺色來，長松百尺

蓋金刹，一一倒插江流迴。恍如鰲身欲浮動，定是鼎

足傾摧吁嗟三山麗何極，地主今歸釣鰲客。潘侯去矣

胡侯來，五馬都餘舊驄色。至今霜氣臨江寒，突兀平添

萬峯碧。丈夫一郡豈足難，君其更理三山屐。半醉狂呼

萬籟鳴，歸來高臥郡齋清。北固金焦白雲起，片片送入

江流聲。爾時定章三山賦，得不叫絕思王生。嗚呼得不

叫絕思王生

集訓象公署喜黎惟敬中秋周公瑕徵君初至并

送陳仁甫太史奉使楚藩即席分韻得行字

入洛翩翩自盛名，況逢詞客送將行。雙龍夜識雲間氣

王德信

國朝卷十五

二十七

一曲朝分郢上聲，舊雨忽成今雨別。客星應逐使星明

當樽慷慨休辭醉，容易天涯是鳳城。

卽事戲呈楊祠部

苑樹宮槐連大堤，誰家紫駟燕市西。道旁荆卿嘿逃去

屠狗擊筑還相携，目光自可付牛背。身計應難學馬蹄

共道拂衣明日事，那能今夜不如泥。

又用子念樓字韻

苑邊新築傍宮樓，郭外飛泉接御溝。岸幘何來俱傲吏

銜杯自信有滄洲。四時白紵歌偏夏，一水清蘋坐欲秋。

寂寞風流建安事，芙蓉池上更成遊。



遊碧雲寺

布金聞此地功德冠招提絕壑懸相抱飛泉巧自移雲  
根穿卓錫虹影落梁恩靈鷲標層構文螭護賜碑鶴馴  
多寶塔魚老放生池法雨疑晴墮香花欲晝垂天應愁  
罔象月似避摩尼酌醴楊枝潤函經貝葉披人天依梵  
淨佛日度春遲妙境身西竺清心首大悲興來成再宿  
塵界一相遺

聞王百穀至却贈

百穀受故相袁公知每有羊  
曇之勸重來京師意多感慨

燕臺蕭颯下冥鴻客散平津夜月空匣得隋珠還作淚  
掛來徐劍已成虹風塵暗失西州路氣色重開碣石宮

王侯部  
八國雅卷十五

三六

寶瑟自珍於不奏問君竿調可兼工

始謁選與家兄別

雙鴻戾高旻翩翩整脩翮何意衝飈舉吹我墮空澤羽  
毛一何摧形影深自匿幸逢天休明得遠彈與射嗟喋  
兼行間盼睐一以適豈伊雲霄望遂乖雙飛翼行者畏  
尉羅處者戀磐石踟躕不能前顧影自銜恤會當遵故  
渚天路安可極弱齡無外志頗願營東山際會諧哲兄  
十載共憂患弓旌豈獨枉微尚遂不堅冠蓋羅前庭循  
已中自憐千將匣其銛顧謂鉛刀前珪璋薦清廟束帛  
賁丘園在物苟失宜所得恐兩捐舍辛卽長路恨恨不

能言

先君復職命下志喜

自沈幽谷痛誰照死灰明烏鳥悲新疏麒麟憶舊名  
消招乍返淚盡感重生試問王哀樹春風可再榮

送姚祠部擢參楚藩二首

承明清夢隔天涯十載還尋江上槎自是詞臣思白雪  
非關才子去長沙

春風畫省謫仙居樸被曾沾醉墨餘別後倘憐同舍在  
衡陽歸鴈武昌魚

人日袁孝功見過留酌小牕前酒酣放歌却贈

今年人日百不娛客遊金陵家在吳金陵春事亦不薄  
有官何似當年無清溪館前日欲哺誰其過我袁大夫  
喜是舊日高陽徒十千酒不用沽牀頭春甕足百壺  
春盤未倒綠臚莫春陰滿地雲糝糊渡口桃花未着葉  
門前楊柳難藏烏金陵少年紫驪駒有酒只過秦羅敷  
那知晚晚日易徂三十之年一再過二毛便欲侵頭顱  
男兒纔挂馬曹笏河山已隔黃公壚仰天且莫歌嗚嗚  
樽中酒盡可復呼霜落烏啼更明日摧眉還向府中趨

黃文學

名娜水字淳父號質  
山長洲人也庠生

廿二日史叔載米壺館



兩林居僻雲霞一逕通形驅百年內心賞幾人同  
晚花房合秋深鴈壘空物華閒玩久不覺夕陽紅

荅皇甫百泉惠寄

阮籍羈愁日相逢俱異鄉  
陌梁新藻惠省柱舊題荒客  
淚天涯盡禪房秋草長  
不須悲失路憎達是文章

贈荅皇甫司勳

投綬歸來日遙從瘴嶺馳  
舟輕應載石叢富爲緘詩薄  
俗芳蘭忘長途倦馬悲無嗟  
霄漢遠自有白雲期

人日集章憲副道華第

訪君携策過城闕雪後青山映綠筠  
居似晏平甘湫隘

八國雅卷十五

三十

王

襟同逆少任清真葡萄新釀春爲酒  
花柳初妍日是人  
痛飲狂歌此生事莫言窮達共沈淪

南都逢金子坤

豈因貧賤事干謁閉戶著書無斗糧  
猶耻王孫一飯惠  
未忘俠烈五陵狂黃金散盡留顏色  
白髮悲來歌慨慷

相對秋風都市酒青天不語泣干將

虎丘送童子鳴還太末

送別登臨祗自嗟由來此地恨繁華  
吳王伯骨埋青草  
越客心猶對落花雲度前溪飛片雨  
日沈高閣挂殘霞

柯山每憶尋仙迹便欲同乘穀水槎

偶成

自青巖下悠然與世違試步北墓空嘆首陽薇  
日鳥初沒不流花正飛無人知苦調霜月照金徽

落梅

昨日看花花影重重來惆悵幾枝空  
隨萍半漬芳池上  
學絮全飄畫閣東秦隄迢迢悲夜月  
漢宮憔悴怯春風

如觴莫恨凋零盡留得隣家玉笛中

題樂玄子清嬾窩

高人非習懶世事本無管偶自同嵇夜聊寫學長卿水  
邊空竹性岫裏識雲情惟有北窗卧頽然老此生

八國雅卷十五

三十

王

於吳至都下述懷

迴波戀舊鄉依故山北風與南枝矯性物所難胡  
爲背鄉邑杖村多慨然新朋盡一別不復奉容顏去間

如昨日青林忽成丹搖搖羈旅心夷猶卽憺煩臨晚悵  
脩阻江芷嚴霜殘但傷行路苦未暇憂機寒前除爛河

宿濡袂涕洟滿

飲永靈寺

與金子坤姚元白陳子野盧仲安余伯  
祥何元所陳九鼎吳子克周公琰同

清樓歇馬拂吳鉤萍聚天涯共白頭  
久舍新豐惟命酒  
長途故國一登樓林殘半壑飛寒日  
潮落空江急暮流

世路風煙悲去住莫辭此日醉筵筵

郊居

空谷堪栖遁嗒然無所管水禽聞夜咳山木玩冬榮人  
世蕉鹿夢吾生蓬累行緣寧情所適不為飲留名

沈嘉則過訪遲魏季朗不至

吳宮一草堂蘿竹逕全荒呂駕遙相命嵇琴靜以張雲  
移峯駐影花落樹留香綠酒懷人處空除半夕陽

阮魯將三都圖携酒過訪得朝字

麗景初移候朱明乍履朝竹晴全解簪花晚半辭條揚  
子耽玄默龐公受寂寥薜蘿情自治誰識有金貂

送王元美敬美遊洞

逸思超雲上殊庭邈域中銀房靈草翳石几素書空羽  
駕攀非遠霞鑣悵未同千年閼神秀奮藻待興公

張吏部助甫過訪同賦林字

荒塗今始一開林排藿高軒喜過尋羣鳥不飛池上酌  
片雲忽墮竹間琴會稽合窠梁鴻跡湘水元知賈誼心

剪燭渾忘語日長

陳兵憲

名栢字憲卿號蘇山沔陽人  
嘉隆間官井陘兵備副使

送謝山人榛還鄴下

有客遠行役秣彼雙白駒繫之不可得搔首空踟躕送  
子都門外願言停須臾朔風號中野子行將安趨漳河

上雖濁襲亦稱魏都當時應與劉風騷振雄圖寥寥

載後疇能與之驅末路見爾調清雄傾吳歛憂時思獨  
苦賦景情與俱酒後兩耳熱仰天長嗚嗚以彼跌宕性

安能事牽拘胡為滯京國日逐風塵污去矣白石爛邈

焉非黃虞王門倘可適終老以自娛

鏡光篇

嘉靖辛丑卧病慈恩寺中每與其僧古淵  
登鏡光閣為余道昔者之事乃賦鏡光篇

君不見鏡光高閣天中起雄視皇州十二里王氣遙連  
陽翠山晴暉半落金鰲水碧房紺殿紛玲瓏丹梯紫閣

何龍從翩翩斜映茂陵樹飄飄俯瞰甘泉宮踈鐘忽報

千門曙高閣遙瞻六龍處風柝疑聞玉輦來霜鈴似憶

陳兵憲

八國雅卷十五

三三

繼興去

武皇昔日盛遨遊從官此地曾淹留親

將萬乘稱佛子盡許諸僧為比丘烏啼譯字裝金軸鴈

眼胡兒賜緋服傳道西方有至人更遣中官到窮谷一

朝龍馭忽上賓萬事瓦裂如飛塵謬恩徒數正德日問

名半是臨洮人可憐緇服今遼絕別有黃冠售奇訣貝

送同年黃亨夫尹宣城

來窮困無庸嗟不見閣前秋雨葉盡是關中春日花  
長安城邊春柳黃長安市中春酒香送君捧檄趨丹陽  
我亦持節遊瀟湘酒酣共君舞並起意氣如君誰復爾

平上書謁 天子相逢獨喜稱知己君今綰綬  
臨民使車行處皆陽春丈夫學道須愛人肯於簿領徒  
逡巡懸知到日兒童迂使君聲譽傾吳下百里那能久  
相借除書蚤見徵黃霸

贈廬陵黃生歌口給而跋

莫悲雙足短閉戶日休澣扁舟曾向五湖遊江上指點  
歸毫管莫矜寸舌長逢人輒雌黃彭殤躋俱已沒古  
今天地何茫茫君不見漢之蒯生空有舌批逆龍鱗猶  
恣說寬仁不逢隆準公七尺之軀將車裂又不見贗也  
聲流七國時雙脰纍纍如病痿羣雄驅使如走狗至今

國雅卷十五

三十四

兵法稱人師羽者兩其足角者奪其齒萬物盈虛已如  
此黃生黃生且休矣

江夏東傳師正表弟

爲憶鳳凰侶重過鸚鵡洲江山已落日蘆荻又經秋子  
有襴衡賦吾多宋玉愁相逢未重叙載酒且登樓

峴山

峴首高無極半公逝不還今看斷碑在猶共令名傳野  
殿自春草荒山空暮煙更餘流水意嗚咽似當年

徐子與席上留別吳山人子克得春字

偶尋徐孺子何意識山人光映庭前月談生座上春對

至望相笑我市朝身卽有長沙別無緣一細論

安陽寄謝山人茂秦

落日臨漳道言尋謝眺居青山遠拄杖白髮待公車放  
浪雙長鋏蕭條一敝廬裁書遙寄汝詩思近何如

送吳明卿給事左遷

賈誼長沙謫淒涼無限情如何千載後復有九江行流  
涕非君意憐才自 聖明他時宣室召端合問蒼生

同教純之學士何汝玉大行登昆盧閣

結裾高閣上極目望中原雙闕雲中出羣峯檻外蹲門  
前南國道山後朔方屯落日重回首令人欲斷魂

陳兵憲

國雅卷十五

三十五

夜過蕭凌喬時歸自晉陽訪吳仲立命憲

浮名何物是憐汝類飄蓬昔別秋將暮今還歲欲終孤  
燈荒店裏匹馬亂山中長鋏歸來日逢人莫嘆窮

康山人裕卿作夏內草堂詩見贈用韻却寄

當年疲執戟蚤已厭塵紛自返山中業言畊隴上雲茅  
亭依水立竹徑隔城分隣叟多幽趣相邀日欲曛

送同年張子玉尹上饒

靈山七十二峯開茂宰風流況美才千里一琴將鶴去  
九霄雙鳥望鳬來河梁落日驚衰柳江郭新春憶蚤梅  
自是張堪多德政寧聽報最上三台

寄徐元禎憲副

偉長自昔擅風流，帷幄曾憐與運籌。  
夢裏瑤華頻入夜，望中雲樹幾經秋。  
千年知己同談劍，萬里懷人獨倚樓。  
嶺表風煙猶未淨，好標銅柱海南頭。

得徐子與憲使書却寄

一劄那能慰舊游，索居猶復使人愁。  
山中歲序聊彈鋏，江上煙波正倚樓。  
對月獨懸徐稚榻，乘風誰共李膺舟。  
可堪芳草今搖落，悵望滄洲又暮秋。

冬日獨往南園

歲暮窮園驚壯心，蕭蕭寒意滿疎林。  
隔溪雲起青山杳，傍郭風生白日陰。  
映水芙蓉嬌欲盡，避人鴻鴈晚猶深。  
草玄自覺年來倦，那得侯芭載酒尋。

陳學憲

名文燭字玉叔號五岳河南陽人嘉萬間官四川提學副使即兵憲公子

歲暮同陳維錫沈子靜太史楊功懋客部李孝甫  
太僕柴季通山人飲李維寅勲衛宅得過字

車馬夜相過，留歡意氣多。  
青山天外約，白雪醉中歌。  
寒似消壺漏，春將到薜蘿。  
獨憐江海上，歲晚尚干戈。

寄懷吳高州同康裕卿賦

君去非嚴譴，如何又嶺南。  
虎符經遠道，蜃氣落晴嵐。  
相憶腸迴九，翻憐黜更三。  
舊時同社侶，欲賦寄江潭。

送詹侍御汝欽南還

抗疏才名重，何緣下瑣闥。  
尚餘忠膽在，不惜壯心違。  
芳草滄洲趣，清霜白晝飛。  
別君無限意，可令諫書稀。

送費參軍之蜀都

雙旌南下日，搖落正新秋。  
羽檄還多事，參軍好借籌。  
六朝黃葉寺，二水白鷗洲。  
庾信江關賦，能無寄舊遊。

贈管建初山人

長安一尊酒，下榻兩冥冥。  
流序驚春月，依稀見客星。  
湯言雙嶺短，正與萬山青。  
軒冕曾何意，看君是管寧。

寄懷杜佳二姪

六載不相見，相思芳草中。  
一尊在何日，雙劍倚高風。  
計爾干秦策，慚余老漢官。  
秋來好音信，夜夜聽征鴻。  
遊天壇同陳維錫檢討丘汝謙計部易惟效大行  
李本寧編修分得黃字

洞天深寂寂，秘殿鎖幽香。  
瑤草從何拾，楊花舞太狂。  
雲霄俱舊侶，風物似瀟湘。  
策馬仍塵土，關門落日黃。

寄懷洞山周上人

爲問參禪意，還同不住心。  
願余淹北土，憶爾在東林。  
洞口寒雲入，山空獨鶴鳴。  
繩牀留客處，何日復相尋。

送陳仁甫太史使楚二首



青山興仍登黃鶴樓煙波迷夏口風葉亂扁

爾真仙侶令人憶舊遊秋鴻書一紙何日下汀洲

七澤正氤氲登樓悵夕照關門一以眺尊酒意何殷青

草湖光迥蒼梧樹色分采風無限意思叩洞庭君

過安陽訪謝山人茂秦不過詩以柬之

蕭散山居與斯人亦竟窮九河名並遠七子調相同未

敢題凡鳥那能免使鴻晉雲頗極目暝色下長空

謁比干墓

商朝今安在周封亦竟淪九原思叩馬一死爲批鱗遠

樹碑落寒雲莽欲榛蕭蕭風雨夜猶自泣孤臣

國雅卷十五

三八

舟中送袁履善先生

萬木逢秋序邊淮葉亂飛獨憐風雨至翻共暮潮歸酒

盡仍揮手江寒欲授衣層城有明月夜夜憶清輝

寄張肖甫中丞無懷甘棠甫憲使

東吳開府借文儒海上于今罷虎符建業遠山天外色

太湖煙水雨中圖才名已見驚三峽政暇還應賦兩都

爲問挂冠東岱者錦江曾有尺書無

鄭山人伯原見訪時有長安之行

當年西北訪崑崙歲暮何緣得叩關雲漢重過仍帝里

風塵空自說王孫大河寒色浮雙鬢吳楚鄉心共一尊

珍重平生然諾意莫因寥落負文園

得曾以三督學書

海內多君自楚才談經太華共崔嵬鴈鴻聲急雲中下

鳥鼠山從天外開長日綠苔槐市印秋風碧草栢梁臺

緘書不盡相思意那得尊前酒一杯

送武侍御巡邊

翩翩丹詔下龍樓回首西曹憶舊遊驄馬忽驚過萬里

射鵰從此絕三秋霓旌帶月飛關外羌笛吹雲出隴頭

白簡歸來仍奏績

君王宵旰可無憂

○裕州謁張樸之墓

國雅卷十五

三九

方城馬問南洋下拜公祠一愴神犯蹕止纓逢聖主

持平却許少寬民三章已約非秦法千載于今誰薄

我亦廷中司讞吏含情欲薦采江蘋



雅卷之十六

勾吳顧起

張中丞名佳胤字肖甫號曙峽四川銅梁人嘉隆間官都御史

大江行

白雲廣陵徘徊江汜海霞歛東升已射鯨以步臨  
流頰長江大半三巴水一自辭嵎嵎滔滔數千里何時  
復西歸仍哉遠遊子

冬夜飲黎惟敬賦仙人騎白鹿圖

黎君大隱金門吏憤鼻相過見豪致當爐不惜鷄鶩裘  
雲夜呼盧坐燕肆堂懸毫素赤霞生四壁氤氲起空翠

陳中丞

八國雅卷十六

一

七

中有仙人芳玉顏笑把如意揮青山驅馳白鹿凌玄圃  
靈巖珠淵非人間古藤垂蓋蒼松黑孤洞窈窕碧雲入  
來往青冥何處尋元氣淋漓萬峯濕樹色長隨座上流  
欲將鴻寶問丹丘七星未小蘇耽興四駕難逢李耳遊  
此畫飄飄誰作者云是東吳臧生寫沈淪異代同幽期  
黎君好之意瀟灑間君又作羅浮賓余家亦是青城人  
按圖不覺氣飛動胡爲駭馬行風塵君不見滄洲神物  
千年來空春上苑稱蓬萊白環使者無人見與余且醉  
黃金臺

大石行寄崇原王子

河水水應星漢星漢傍白石爛河伯神告天帝博望列  
君平近此石空壘紫誰遺向人世世上中條似崑崙盈  
盈東走靈河源精光磅礴幾萬載崛起異人稱天孫天  
孫者誰是自號大石子抗志超沈冥朱門厭羅綺平生  
不作硜硜流補天礪齒騎蒼虬棄橙取得支機物置之  
幽谷成丹丘函關前龍門後砥柱左仙掌右千巖萬壑  
鬱相望石髮天風吹更長赤氣鞭笞滄海血青山叱咤  
金華年有時挂雙扁還訪赤城迹島上鰲簪亦彈九江  
中澗瀕如卷石石乎石乎象昆吾霞標壁立雲模糊美  
人許寄真形圖側身西望增煩吁

陳中丞

八國雅卷十六

二

三石篇

大漠以西三巨石錯列荆榛對孤驛文彩天開海散圖  
面面晶光盈十尺吁嗟此石生點蒼云誰置之古路傍  
停車顧盼日將晏僕夫語罷泣數行往年天子新明  
堂厥材萬國爭梯航燕山之石白勝玉何求此物勞要  
荒守臣當日功名亟檄書夜飛人屏息程途初不計山  
谿男婦微備無漢焚鞭石難尋渤海神盤山誰是金牛  
力邪許終朝尺寸移積屍道土紛如織中興令主堯  
舜姿一葦聖德超茅茨皇上曾有一天門萬里竟不知  
幾使黔南無孑遺君不見旅葵古訓老臣策璫璣雖甘

何益三石磴碩風雨深千載行人增歎惜

### 烏蠻灘

烏蠻灘前石齒齒盤渦轉地驚濤起險絕空傳灩澦堆  
估客帆檣愁欲死萬里江源異城來右出夜郎左交趾  
青天赤日雲四垂跼跼飛鳥墮深水我本西梁遠道人  
瘴鄉奔逐胡爲爾停舟一奠伏波祠丹荔黃蕉前致詞  
英雄心事無今古神物風雲各有時銅柱功名儻難就  
澤車款段隨所之

### 宿阿水驛

漸入殊方俗荒山偶一亭晚庖行紫蕨孤壁起明星雪  
片春猶見猿聲醉懶聽客居初不陋及此問夷經

### 再訊振卿

病卽經旬卧愁應絕域增坐令青桂侶如對白雲層露  
氣思仙掌霜風下茂陵霍然君有意七發愧枚乘

### 席上聽何振卿談大理山水

衣裾蒼洱色得意總看君蠟屐山南盡天雞日夜聞杯  
前流海氣舌上起峯雲便擬邀名去翩翩入紫氛

### 秋夜汎舟東溪

吾家山水地對此卽依然觴政甘浮白談鋒敵太玄一  
鐘何處寺片月蒲谿船只恐迷煙霧乘槎牛斗邊

### 答教子學山人

雙鴈題書過汝墳裁詩直向謫仙聞別來石洞生朱草  
夢裏江山長白雲開口猶存三寸舌寄形應著五遊文  
古今木石俱高士世事紛紛始信君

### 行役新蔡張助甫吏部夜過分賦

去國何如楚大夫沈冥儘可托江湖雲霄轉覺黃金貴  
世路深知白雪孤蜀道峯陰堪叱馭梁園竹色起呼盧  
銅陂不讓蓬池會我輩他年亦酒徒

談天碣石憶當時落日中原有所思然諾千金看意氣  
結交雙劍並雄雌途窮詞賦青雲薄世變功名白髮欺

諸子凋零君自見存亡何處不堪悲

### 夜投黃陂宿寄漢中分守甘五

棧雲寒滿黑貂裘虎豹關長使者愁西嚮青天懸蜀道  
東來白雪擁吳鉤猿聲一夜清霜陟月色千峯古戍樓  
獨坐空山正無賴居然江漢想風流

### 瀾滄橋

疊嶺遙知萬鳥愁蘭津西渡赤虹浮鼉鼉偏浪聲齊動  
烏鵲飛梁影並收纜束長江標絕壁天懸雙屐蹴中流  
當時漢卒勞歌地鞭石於今作壯遊

### 謝山人自潞州以詩見寄答之

魏臺春望接中原，揮塵猶思鄴下論。地盡大行天作  
家仍漳水席爲門。交遊海內名誰得，賓客淮南道自尊。  
彩筆近看垂老健，由他竹雪滿菟園。

山 睢陽李子中

礪山佳氣傍幽居，四壁猶懸舊賜車。玄室逢迎多問字，  
青雲消息付徵書。浮生尊酒隨蓬澤，落日漁樵托孟諸。  
幾上平臺懷賦客，倦游吾已似相如。

洪山人從周自燕京訪余黃寺山中喜而有作

摺脂 色案頭看木葉空，齋雨後丹命駕客傳千里至。  
逢人秋共一尊寒，秦烏白首終難料。馮缺高歌不爲彈。

張中丞 八國雅卷十六

五

躡屨蚤能從吏隱，京塵那上鹿皮冠。

張掖使院中懷吳高州明卿

居延客舍虜塵間，南去冥鴻不可攀。海上有人生白髮，  
郡中無事對青山。積薪世態休相問，隨牒功名且未還。  
落日思君俱異域，何年得望玉門關。

登函關城樓

樓上春雲雉堞齊，秦川芳草共萋萋。聲知雨後河流急，  
青入窗中華嶽低。客久獨憑三尺劍，時清何用二丸泥。  
登高眺極鄉心起，關樹重遮萬嶺西。

秋夜飲許後谷少谷昆玉宅

入關虛說異人來，愛客頻將綺宴開。繫馬秋臨玄度宅，  
登堂花發季膺盃。城高急雨驚傳柝，曲罷西風起落梅。  
連日盡遊冠蓋里，撥天誰似一龍才。

寄吳化卿侍御

一麾長傍大河潯，裘上風霜歲月深。世俗交情仍貴賤，  
書郵今日感浮沈。三秋喬嶽愁中賦，萬里寒江病後心。  
夙昔酒徒燕市裏，相思聊代白頭吟。

寄答王元美

黔南爲客伴雕題，絕國千峯瘴易迷。塞草愁時看欲盡，  
夷經行處舊曾携。登樓暇日歌朱鳳，隱几清秋頰碧雞。

張中丞

八國雅卷十六

六

莫道故人干氣象，投身仍過夜郎西。

寄徐子與

當年鉛槧此提携，萬里懷人見舊題。鄴下應徐諸客散，  
滇中王馬大名齊。南還曾否騎黃鶴，寄遠憑誰到碧雞。  
近日詞臣收欲盡，憐君猶滯夜郎西。

遊金山

青擁芙蓉夾岸浮，躋攀更上最高樓。波分島嶼蛟人室，  
風散帆檣估客舟。遠近日銜滄海色，東南天豁大江流。  
舉觴萬頃真堪濫，氣益勾吳百二州。

擬登焦山會風浪不果

孤峯東插海門青，眼底煙波動杳冥。不爲雄風翻巨浸，好將片席破滄溟。江天虛擬磨嚴賦，石壁誰探瘞鶴銘。自是勝遊難並得，豈應詞客妬山靈。

宿太華山寺

焚香高卧太華煙，鶴唳松濤夜不眠。欲識此中無住著，寸心月在白雲天。

華陰送李道士

高秋明月照秦山，東去浮雲不可攀。已遣天風吹紫氣，爲余相送還函關。

夜過朱僉憲省署

深秋門掩玉繩低，鴻鴈天風過碧隄。曾是二京題柱客，如何同到夜郎西。

時事相逢一拊膺，虛堂蟲語亂秋燈。鄉心共寄昆明水，下盡巴渝更秣陵。

徐兵憲

名中行字子與號龍灣長興嘉隆間官福建兵備副使

蚤春雪後黎維敬姚元白過余館得中字

臘盡春迴薊苑東，空庭繫馬醉新豐。雪晴佳氣浮天上，風暖流澌出禁中。劍佩十年違伏枕，烽煙千里滯歸鴻。遙回欲獻甘泉賦，詞客今今滿漢宮。

奉送尊師白石韋先生德州掌教

九河水泮散流澌，千里春雲照紫絲。魯國世推韋氏學，廣川仍下董生帷。稍增微祿堪沽酒，依舊清齋不廢詩。故里侯芭逾寂寞，守玄應不負吾師。

黃希尹自維揚移貳永嘉適吳志道往謁賦寄

搏風一日徙南鵬，破浪扁舟出廣陵。鴈蕩東臨滄海盡，射堂秋倚白雲層。謝公篇翰存丘壑，黃霸功名起郡丞。爭道龍門能下士，可容文舉一先登。

追于鱗不及道過元美賦此

同舟向自期元禮，乘興還能逐子猷。萬事易從交臂失，千秋難得比肩遊。倚歌霄漢雙星動，悵望關門紫氣浮。

徐兵憲

八國雅卷十六

八

倘過平原俱會合，何方十日爲淹留。

過歐廣文首蓢齋

首蓢齋清海月懸，桂枝新發蚤秋天。小山自喜留詞客，微祿猶堪給酒錢。雙劍並緣歐冶出，孤琴曾是廣陵傳。相逢片語能蠲疾，不俟觀濤已霍然。

送張五嶽游武夷

縈迴一棹入武夷，九剎琳宮杳靄間。三十六峯秋色滿，不知何處弄潺湲。

罷郡喜歸

十載思丘壑，今朝得杖藜。挂冠滿岳頂，鼓枻五湖西。芳



草春將偏桃花不迷吳興清遠地不讓武陵谿

張肖甫自洲守遷中都兵憲喜寄

西來車騎出轅門獨領兵符護寢園地抱金陵雄上國  
天連汝潁控中原登臺秋色催詞賦開府青山對酒尊  
淪落張華君莫笑驚人龍劍定酬恩

送陳督學之廣右

曉來驄馬出嚴城南去梅花滿驛亭玄草舊傳楊執戟  
蒼梧重見漢明經霜清瘴海千山出日落夷歌幾處聽  
共道炎荒文教洽空勞銅柱倚青冥

遊荆溪張公洞

八國雅志十六

九

迢迢接岫倚高天百尺危梯入紫煙赤日洞門吹積雪  
青雲樹杪挂飛泉潮生壑底三江應霞起壺中五嶽懸  
一自仙翁冲舉後黃金大藥有誰傳

王元美使雲中時李于鱗在秦

風塵大漠擁登壇明月雙鉤出塞看天落黃河蟠廣武  
書飛白日走呼韓葡萄夜醉千山色苜蓿秋嘶萬馬寒  
此去李君堪極目關門紫氣滿長安

驛亭漫興

走馬章臺春欲殘空亭載酒共憑欄雲垂平野青天濶  
風起滄江白日寒寂寞園林逢客少浮沈朝省和歌難

江南豈乏臨地却笑紅塵未挂冠

秋日同王元美兄弟遊顧司寇西郊別墅

僊臺寥廓白雲間謝傳歸來此閉關斗下著書深紫氣  
窓中飛瀑滿青山薜蘿秋老堪裁服松栢年多好駐顏  
不是主人開閣待高天日落詎能還

過關索嶺醉後解嘲

昆明使者漢張騫六詔仍逢武帝年萬里尚期車徹徧  
千山寧厭馬蹄穿銅標日月雙橫海鍊石西南一補天  
不腆彩毫猶五色銘成應許並燕然

盤江驛舍阻雨寄門人汪維

徐氏

八國雅志十六

十一

天連益部常多雨路出盤江况毒淫春蚤蟄龍蒸赤水  
夜深山鬼嘯青林誰憐道遠妻奴累實恐年衰瘴癘侵  
吹笛哀生應好在懷余堪和武漢吟

盤江雨霽

亂雲飛索嶺片雨散盤江天擁金城百星搖寶劍雙山  
橫青玉案水滌碧油幢喻蜀高文在雄心未可降

清溪洞

洞自鴻濛有叢疑霹靂開磬懸虎地肺標起插天台紺  
碧空中相金銀海上臺虹染浮綠水蘿薜繡蒼苔有客  
尋真氣無僧辨劫灰霞屏朝日月雲壑闕風雷東炬羣



九銜杯萬象迴休養應此地車騎謗相催

吳學憲名國倫字明卿號川樓湖廣興國州人嘉隆間官貴州提學副使

醉中荅子深月夜見懷

對月君能賦看雲我獨眠一尊違咫尺萬戶落嬋娟徙倚青藜杖蕭條綠綺絃平生任飄泊寧與衆人憐

元美兵備青州寄懷

聞道燕南使提兵北海來未妨戎馬地況亦佩刀才岳仍奇觀琅瑯自古臺橫戈一以眺秋色不勝哀

病中喜仲兄至

急難誰堪藉題書淚未休異鄉遷客病一日九江舟不

吳學憲 國雅卷十六 十一

待能分痛相逢忽破愁歸耕何處可款款爲余謀

寄元美塞上

王郎別我未銷魂六傳飛揚出薊門鼓角秋聲迴地軸佩刀寒色照天關馬肥苜蓿黃金勒客醉蒲萄白玉尊回首中原風雨過不知揮涕向誰論

黃鶴樓

黃鶴仙人去不回漢家樓閣自崔嵬千帆雨色當窗過萬里江聲入坐來雲夢天低湘女怨洞庭葉下楚臣哀西風何處聞長笛亂落梅花到酒杯

過邳州留別于麟

所籍窮途哭漸遙未妨尊酒故人招文章豈自諳時命放逐真成負聖朝落日佩刀迴黯淡秋風團扇掩蕭條蒼茫後會兵戈裏不待臨岐竟已消

鄱陽湖

欲向匡廬卧白雲官亭水色畫氤氳千山日射魚龍窟萬里霜寒鴈鷺羣浪擁帆檣天際亂星蟠吳楚鏡中分東南歲暮仍鼙鼓莫遣孤舟逐客聞

雪浪閣題贈羅太史

百尺春江數仞峯巖扉蕭索暝雲重濤翻白雪凌孤閣石門玄泉落萬松抱璞荆山寒自照乘桴滄海暮誰從

吳學憲 國雅卷十六 十一

如何漢帝中興日尚使人間有卧龍

哭宗子相

萬里招魂君豈知天風嗚咽楚人詞寒雲洛浦歸任昉歲晏濠梁憶惠施雙淚把詩還字字一樽傷往獨時時由來腐骨無今昔宿草寧嫌酹墓遲

贈別王元美

五鳳城南春可憐千山花色擁離筵自從白壁稱知己未向黃金問少年把劍長虹燕地折停尊落日薊門懸君今匹馬中原去前路何人解執鞭

梁止部名有學字公實號蘭江居嘉靖中官刑部主事

秋懷

空庭木葉下薤簞新涼歸織絳屏秋筇綸縞授寒衣火  
流桂將歇霜至蕙已微信矣感物化願言捐塵機流塵  
生綺疏懷疴卧虛帷引睇碧雲盡攬茲明月輝賞心非  
徒然悠悠寄金徽

送傅山人遊羅浮

僊山竄遐嶠緼奇信靈造六竊蹤重溟觀裁冠宇昊陰  
室引陽輝霧谷通霞島玄溜澤難枯炎林藥還蚤故鼎  
無留丹表石有遺老神境誰能躋玄蹤爾方討秘檢洞  
中尋塵襟雲外掃陟霄臺若華憑崖掇朱草吹萬固不  
同梁此節

六國雅卷十六

十三

同得一以爲紅五彼蜉蝣士夸昆喪其寶可常策茅龍  
吸景滌幽抱

送傅木虛返閩中

遠遊返舊山武夷何嶮峻鑿戶印壁峭寒藥歷竇深浮  
雲足擬志澄淵可比心誰言鮮歡娛丘中有鳴琴誰言  
巖處飭桂樹有清陰玉茹共晨餐祥風披夕襟臨泉多  
異脉谷鳥多殊音嗟哉還山人冲夷難具尋斑麟倘可  
馭遲爾羅浮岑

送皇甫司勳謫開州

重淵產明璣玄圃蘊奇璞君子抗高謫信矣邁前驅擢

看山幾日到吳中遊客登臨感慨同金虎跡荒靈氣滅  
水犀軍散霸圖空春歸茂苑烏啼月花落橫塘蝶怨風  
誰識倦遊心獨苦扁舟長憶五湖東

秋日遊蒲澗贈丁戊山人

紫巖曲曲隱晴天萬壑涼生珠箔前訪古時攀偃蹇樹  
談虛獨飲清冷泉跡緣遁世尋三秀心爲逃名得四禪  
一自白雲飛去後到來應是幾千年

送同年施欽甫宰蕭山

羨君墨綬去翩翩茂邑風流此日傳綠樹人家漁浦外  
白雲官舍鳳山前琴彈單父庭稀訟花發河陽賦幾篇

梁此節

六國雅卷十六

十三

共是鄭莊門下客報恩應擬在何年

王元美席上賦得懷羅浮得餘字

縹緲丹梯萬仞餘風塵回首列僊居石樓積翠臨滄海  
鐵柱飛泉落此處五鷺鶴凌霞時自度松苓蒲地日堪鋤  
何當歸訪葛洪去四百峯頭好結廬

宗學憲

名臣字子相號方城楊之興化人嘉靖中官福建提學副使

寄人

浮颺動廣野白日慘無色之子在萬里山川渺難極豺  
狼清路衢况復荆與棘我欲往從之惜無晨風翼因風  
寄瑤華歲事日云夕去住歎懽懽撫膺長歎息

心懸江上洲。戀闕思親情。共切忽誦清詞。消我愁如。高誼古無有。瀝膽披心。憐獨厚。嗟我虛拋竹籜冠。看君蚤曳桃花綬。青霄比翼昔同欽。黃金結交世應醜。人生會合自有時。按劍當年悲白首。芳草淒淒春已過。送春更有新詩否。

秋堂夜集聽雨

岸幘坐清夜。冥冥山雨過。微涼生密竹。急響亂衰荷。卽事易成感。會心寧在多。不須憐骭骸。客醉且狂歌。

歲暮集黎惟仁紫芝山房

雲木自蕭疎。何慙大隱居。雨殘三徑菊。塵滿一牀書。開

陳此部

八國雅卷十六

古

月。山。移。尊。竹。色。虛。滄。江。復。歲。晏。誰。念。病。相。如。

賦得臨池柳

拂岸青陰合。縈堤翠色稠。聲從笛裏聽。影傍鏡中浮。水與柔情漾。波將舞態留。腰肢憐楚細。眉黛學孫愁。濯濯恒籠霧。依依詎耐秋。堪憐張緒去。誰復擬風流。

吳宮

月墮平湖漫不流。煙波何處可消愁。千年人傍要離塚。百頃誰尋范蠡舟。廊下悲風聞響屣。堂前清宴憶傳觴。竹枝似寫當年恨。聲起吳江葉葉秋。

姑蘇懷古

辭燦國華矯迹。荐朝祿。津風倏以飄。江海變涼燠。空抱長沙悲。誰知郢人曲。茲焉摠柔轡。謁帝際明淑。魏闕承嘉惠。漢畿行佐牧。我有盈樽酒。將子眺平陸。亭臯雲漸緜。河橋草猶綠。客塗履澶淵。臨流想濠濮。紆組嘆徒勞。川原曠英矚。鄒枚列彤庭。班揚侍華轂。滯滯非所嗟。宣室行當復。辰哉不可違。清徽幸自勗。

酬同年陳子憲卿

陳琳才莫敵。投我郢中吟。客舍悠然獨。披玩能使清風吹。我襟陳君本是南嶽奇。連城照乘重當時。筆間解掃煙雲氣。海宇爭看鸞鳳姿。古來楚國多豪彥。風流文藻

陳此部

八國雅卷十六

十三

古

生光炫景差。宋玉已寂寞。崔什羅舍俱不見。事往無嗟作者非。只今又識陳君面。十載讀書雲夢江。一朝獻賦金華殿。天子臨軒賜顏色。詞場投筆齊嗟羨。登龍君已擅芳名。附驥予慙接歡宴。懽宴相過。帝苑東長條。短條花藥紅。綵毫夜賦遷。逾月錦勒朝。嘲楊柳風與君相逢恨不蚤。握手相看卽傾倒。題詩正值好春時。論交况復長安道。綠綺那能聆妙音。青尊且共開懷抱。許身稷契何慷慨。努力班揚看揮掃。梁棟須爲大厦求。珪璋終作明堂寶。我本煙波漁釣儔。一出風塵空浪遊。東山高卧敢自許。北闕上書今見收。結廬夢憶山中桂。采藥

山中夜坐

朔風亂掃江雲飛山人爲余開石扉一斗胡麻煮未熟  
散髮千峯歌采薇吳江楓落客已遠楚塞秋深鴻未歸  
明月墮地白如水濕爾巖頭蘿薜衣

山行

大江以南山作野客子况復愛山者日日山鎮弄流泉  
百丈銀河向人瀉蒼龍舉趾滿山立近之迺是梧與楨  
怪石千尋聳欲墮往往遊人下駐馬

有寄

憶爾辭燕甸逢人賦楚騷芙蓉千水暮薜荔萬峯高秋  
月驚紈扇寒雲落布袍愁心不可問孤鴈滯江皋

同于鱗子與元美郊行

去去春蘿好行行朝雨寒路迷頻勒馬塵起一彈冠宛  
轉溪園出依稀江路看所嗟情不愜無處問漁竿

送王判

可歎數爲別兼之歲欲殘青袍今作吏白髮已盈冠鴻  
鴈千門夕梅花一騎寒風塵好自愛行路古來難

問元美病

倦遊吾未敢抱病爾何心萬里藤蘿色秋風一夜深長  
嘯豈不得悲歌直至今茂陵消渴日還聽白頭吟

寄黃山人

厭時人目翻生古道悲州中鸚鵡賦臺上鳳凰詩屈  
雨客多病江湖髮有絲長途且萬里無夢寄相思

二月

二月春華滿鳳城萬家楊柳共愁生烽高紫塞愁都護  
詔下甘泉議北征昨日羈縻胡市馬西風蕭瑟漢臣纓  
瓊衣玉札殊恩澤蚤把勲勞答聖明

送熊守之太倉因便省覲

羨爾新分刺史符南方千騎亂平蕪瀟湘天濶春歸楚  
震澤風高曉入吳父老幾年憂戰伐使君到日問樵蘇

薊門舊侶能相憶八月雙鴻起太湖

吳明卿席上有賦

陌上黃金俠者遊薊門春草暮堪留一尊破爾青山夢  
萬里懷人落日愁鸚鵡昔悲湘客賦鸛鷀初典漢臣裘  
酒闌忽聽孤笳起腸斷胡雲出塞秋

寄陸子和

江門一別又秋分何處風煙不憶君久客衣裳鴉自結  
舊游尺素鴈爲羣十年世路彫青鬢三歎斯人卧白雲  
羽翼南溟最相近未須重勒北山文

旅懷



遠望風高暮角哀浮雲終日去燕臺百年駿骨逢時  
十月鴻書或錦水即從巫峽出青山定向剡門開  
獨傷人事多留滯萬里停雲日幾迴

趙山人至

千行垂柳暗江村江上何人到石門  
倚仗年華垂素髮登樓雨色滿清尊  
驟雷似有蛟龍怒落日愁聞豺虎喧  
只此漁舟堪結侶未須楚水問桃源

盧山人

名樹字少樞號浮丘潯縣人嘉靖中坐事  
逮繫十餘年上書當塗應其完平之

襟詩

谿谷饒冰霜幽澤多芳草朝煙滋綠輝  
夕露發青藻芬

盧山人

八國雅卷十六

十八

坡

香披或塗弱葉亦俊好佳人殊未來繁華易枯槁悲哉  
君子心綿綿在遠道歲寒見松柏可以喻終老

高樓有佳婦窈窕青雲端左蔭綠注板右紉芳澤蘭臨

流戲珠浦拾翠游芝田蛾眉衆所知時俗尚無鹽捐棄

蓬蒿中誰來希今顏徘徊歲云暮加衣聊長嘆

贈盧潭城

龍推磁輪四運無停軌日春薄虞淵月朏昇玉兔飛

螢流雕甍微禽變玄海寒露被陵若繁霜粹江苗缺隙

馳白駒人命易頽改赤松既渺茫安期亦誕晦苟非青

雲身焉能施後代鳳鳴振綺羅龍飛薄霧霽步趾須芳

揚聲欲珍彩豈惟工雕蟲立心貴與君懷璫璣姿  
輝光茂真宰最哉勤令圖雲衢會相待

王大伾草堂二首

中堂嘉樂陳紛華羅錦茵已僮激清徵越女流商音一  
奏驚回飈再奏生陽春中人莫云悟歌者徒勞心所以  
重考槃永懷嘉樹林

嘉樹清且圓蔭彼城南田層枝棲孤鳳奕葉鳴寒蟬幽  
人懷澹泊口夕獨盤桓桃李雖容艷蚤落春風前何如  
主人樹茂育長千年

訓謝四溟

盧山人

八國雅卷十六

十九

真

謝客恣霞想揮手絕人羣朝辭北燕里暮宿大梁雲海  
月照舞席澄江瀉清漬遠游憩靈境奇節冠秋雲黃鵠  
思煙侶長鳴向夕

贈李季理

麒麟出魯郊商鉏爲不祥向非孔仲尼何異犬與羊所

以路傍人按劍嘿夜光近時青雲士豈無康連子氣節

苟不申甘蹈東海死世人聞此言棄之如敝屣投君勿

復道北風吹易水

書柳川第壁

衛川狹春游翩翩佳公子衣劍何照耀馳逐矜鄉里我



非揚子雲草玄常晏起坐觀桃李花秋風亦云已

送張爐山明府轉戶部

詔出彤龍樓官辭白馬縣落花飄雲游英風經京甸欲  
射聊城書解此圍海戰去去復何言悲歌振林霰

喜艾子給三子作此

天馬來何處本自濯龍媒蹀躞關山道黃雲萬里開  
晚將名駒矯矯非凡材長鳴噴綠雪齒膝眠紫苔神駿  
一何爾條忽遺絨埃異時獨不見飛上昭王臺

別李性菴還任丘

燕郊十月飛胡霜臨岐送子各盡觴展間笑解延陵劍

國雅卷十六

十六

雪花墮地蛟龍翔都門佳期那可顧相思開遍三花樹  
歸時倘遇浮丘公爲余接引嵩高去

送友人南還

鳳凰樓外雲氣長青柏白馬生輝光送君千里促羽觴  
鳴箏清歌如故鄉相思明日忽分手誰把青鸞繫楊

七夕

銀闕含秋星欲爛天孫脉脉度河漢仙髮玉珮那可聞  
佳人夜半開簾看階前月色疑有霜獨坐穿針向畫廊  
東方日出烏鵲曉天上人間枉斷腸

寄謝四溟二首

漢京詞賦多風雅前揮鄒生後枚馬四溟旅人興最豪  
馮軒落筆長河瀉醉中一別十經秋落葉翩翩嘆白頭

思君恨無黃鵠羽涕泗遙瞻滄海樓

海水飛動凌三山巨鼇出沒流其間人生風波有如此

颶颶秋風凋玉顏魯連自是紫煙客個箇長揖二千石

一朝談笑解聊城東入滄溟渺無跡

送李滄溟太守入覲

襄城太守濟南客夜發雙旌搖海月城頭箕子超天河  
城外征人吹曙笛父老扶杖前致辭太守此去人皆知  
內史親傳大官饌野人共拜甘棠祠黃霸功名何足數

國雅卷十六

十六

十一

公車詔入鳳凰池

雪霽後過周紫泉山堂

紫泉山堂在何許衛溪東岸蒼山麓青松偃蹇雪意寒  
孤光晚映琅玕竹紫泉調笑死在日亂雲奇壑相縈觸  
我欲於此傾醺醺開襟醉卧青山屋絕境幽森不可留  
野狐夜吐猿嘯秋別去長懷紫泉客滿林楓葉冷颼颼

苦寒吟

北風怒號河水折驚冰慘澹無人宿琉璃應手忽破碎  
天吳回首蛟龍血錦鱗撥刺入豪門鸞刀玉斧飛紅雪  
馬羶夜坐食無魚彈鋏高歌氣未舒方袍着凍冷如鐵

嘯呼霜鬢撥兩眉星火不然寒欲死皮皴肉裂老無齒  
誰能醉解驢驢裘別有權家會戚里苦寒吟苦寒之吟  
不可聞古來傑士多餓死何必垂首涕交紛

爐崑謠呈張爐山明府

朝來五嶽鶴暮望十洲雲尋山不厭爐崑遠笑謔爐崑  
入紫氛爐崑名徹天下聞巴江前繞接氤氲翠屏斜軋  
幾萬丈玄猿夜嘯臨江濱馮夷水仙何超忽凌風起舞  
爐崑月蒼藤騎鶴看不見欲上爐崑台徑滑苔

山岵峿摩天關亦城起霞色王喬時來還洞天六爐

崑別爲說爐崑生汗顏爐崑謠謠且遠仙茅千載留靈

八國雅卷十六 二十三

根玉葉金葩待君飯君意詎可論恍若岷山源湍湑赴  
溟海聊可比君恩生來不識爐崑路此身幾日登爐崑  
爐崑謠謠未已蚤曉化爲爐崑原上之青松常倚爐崑

望江水

子夜吳歌

燕花敷錦繡楚舞醉羅裙明月空悲妾白雲常似君不  
知遼海上書信幾時聞

涼州樂

月氏穹廬夜秋風起暮笳胡星沒鴻塞漢月湧龍沙露  
滴葡萄酒天寒首霜花從軍莫浪譁轉戰屬輕車

東塘行

暮秋搖落

八煙瑤窻月出愁無眠詣君四座且勿

聽我試歌東

篇東塘春風樂遊冶寶帶螭盤騎白馬

朝從狡兔上

東暮關金雞長千下僕家繡被金錯牀

逢迎七十紫鴛鴦生來孱小無人見艷着荷花嬌上妝

錦瑟春生鳳凰柱翠袖香凝蛟蝶縷浮雲小駐緩歌

花葉驚翻垂手舞盼睩流波媚笑顏此時思愛比南山

那知輕薄易年少一別迢迢隔玉關儂心歷落如秋草

西風吹折江南道江雲陶盡君不來會使蛾眉待君老

東家買得錦鱗魚中有傳情尺素書君身亦是臨江客

八國雅卷十六 二十三

何惜相思一字予機中罷却流黃爲恨東塘淚霑臆

寄語春陵遊俠兒莫學東塘負傾國

大名故城

魏郡遺空壘蒼蒼接水湄鴈衝斜鳥陣柳拂捲龍旂樓

閣青雲恨陂塘白日悲北門無鎖鑰腸斷立郊陲

服闋口號上張鄧西明府無吳吏部李翰林

獄父年三換刑深嶺二毛愁淹天畔日淚作海門濤

草傷春碧慈烏近夜號感時思雨露回首望旌旄

隴水曲

隴山當面起隴水向西流中含妾墮淚幾日到涼州

少年行

長安俠客多少年醉歌擊筑南山邊相逢不避簪句踐  
一夜擲盧得錢

青樓詞

百尺高樓挂彩煙錦華銀甲亂哀絃夕陽西下簾深捲  
望見西江萬里船

洪山人

名年先字從周號雲山永  
嘉人嘉隆中嘗游燕秦間

冬日微雪同張爐山開府孟津道中

扶策通幽徑鳴鑪動石泉塵銷萬少雪樹繞漢陵煙斷  
草迷殘碣枯陽隔暮田客心棲未定飛鳥日相驚

洪山人

八國雅集十六

十五

春日遊南池歸晚馬上口占

池上春雲暗柳條嬌歌輕拽木蘭橈山深樹色浮朱殿  
洞曲虛聲隱碧簫家遠祇看秦嶺月心閒不問越江潮  
郊原處處還芳草獨有南蒐賦未招

過清溪道院訪段煉師不遇

嚶嚶好鳥弄晴暉坐對仙臺懶拂衣丹竈遠分闌氣紫  
洞門深鎖藥苗肥雲開華嶽心常到春滿天台客未歸  
空有桃花隔流水浪遊方覺半生非

同許後谷少谷雙塘諸君遊桃林

縱酒桃林花露醺石坪高柳綠初分青苔幾處沾紅雨

紫氣當關較白雲心逐輕塵還馬足觴臨流水見驚琴  
不須更問傳經所古洞頻看赤字文

冬日同張嵒峽開府集楊漳渠少叅第

晴風初入草玄居簾薄寒雲柳並疎曲徑引泉惟灌竹  
高齋虛榻半藏書青春得意偏辭祿綠酒逢人欲挂車  
吾道滄洲慚未隱風塵長缺尚無魚

送別安硯亭出京

燕山秋蒼蒼吳雲日皓皓紫駟白玉蹄嘶出長安道枯  
楊摧我心攀折已無枝征鴻渡江水渺渺月明時

夏日同余同麓何震川成璧吾沈澄川遊鄧園

洪山人

八國雅集十六

十五

亂厓分野色高柳散城陰荷歇催花雨蟬流遠樹音煙  
青山覺重嶺白露還深把酒涼風下停歌思素琴

秋懷三首

薊門秋望碧雲深結社還思卧石林木葉西風看似錦  
音書南國到如金哀猿嘯處長流滄倦鳥歸時總息心  
自是尊鱸堪寄興扁舟欲汎五湖陰

燕昭舊地有高臺千里駒從宛國來不信黃金能結客  
始知清世未憐才月中胡騎秋先遁柝上雞聲夜自開  
慘澹陰風何處是石州榛莽日生哀

曾聞武帝有行宮辛苦朝朝禮太空鶴駕一從辭夜月

星壇長自鎖秋風彩幡半落寒雲外畫壁金銷別殿中  
舊日詞臣多意氣謾令玄草擬揚雄

同余同麓太史遊功德寺

長松落落寄蒿萊淨鏡空遺演法臺  
磬道不聞通紫氣斜陽猶自照蒼苔  
行看幡影宮中盡偶發鐘聲象外來  
莫問從前功德水至今惟有芰荷開

送項秀谿還半華山房

萬樹藏山閣孤亭出海城雲深頻見鹿  
花暖亂聞鶯秀嶺千盤翠飛泉一線清  
不須問瑤島已足寄長生

張選部名九一字助甫汝寧人嘉靖中官文選郎

國朝卷十六

三

同邦陳汎灤口值江漲

七澤花堪盡三巴雪始消來從巫峽險  
瀉入楚江遙岸華江舫檣鳥去作橋亦知稱處士  
解送伍胥潮

飲伯肅奉常亭

地引東山屐春生北海尊  
尊湖浮書棟瓜地隔青門雙燕衝簾語羣峯入戶蹲  
草芳王粲宅花抱武陵源曉霧文玄豹寒煙嘯白猿  
池龍堪化杖階鶴可乘軒人帶食霞色巾餘漉酒痕  
賦傳十二峽書著五千言避世初依桂忘憂或藉萱  
風塵難出處流落信乾坤染竹成湘淚衣蘭似楚魂  
會當因病免歸卧茂陵園

蒲圻道中

風濤不可揖石路詎能梯灌木留猿嘯長風送虎啼  
雲歸一壑暝日落萬峯迷五柳誰家宅蒼茫認故蹊

七月一日夜

不寐成危坐多愁恨獨醒時空明遠電涼露濕繁星河  
色迎秋白江流入夜青九疑何處是吾欲問湘靈

殘日

怪鳥啼殘日奇峯挂片雲波濤市合煙火舳艫分卧  
並蛟龍穴遊將虎豹羣更傳銅柱北新駐越南軍

送王使君提兵入蜀

巫峽秋聲灝孤王遵叱馭龍前驅洗兵而淨三苗國  
吹角風高八陣圖棧道燒殘西極紫巴山開盡巨靈趨  
懸知劍閣題銘處還與燕然片石俱

國朝卷十六

五十七

舟夜次石磯頭垂潮兌得沙州尺許遲明乃濟

放船大自好落日故相催雲氣俄驅墨江聲驟輾雷天  
傾三峽倒潮擁伍胥回吹浪頭俱白揚塵心與灰鵬初  
博夢澤王豈御蘭臺細檝隨飄梗扁舟只渡杯巢堪鵲  
雛借門許鴟鵂來自是僊人態非關帝女火楓杉秋色  
苦鼓角夜聲哀漸覺千峯曙驚覓徧綠苔

上王公安道



江濤流入呂蒙營野色蕭條暮雪平一水人煙臨落照  
萬家春氣抱荒城梅花鮮墮孤臣淚芳草深知故國情  
黍谷向來甘寂寞肯從鄒衍問生成

燕集孟真山亭時約卿載酒自定都來訪分賦

江亭舍夕景蒼翠遍諸峯客自山陰至人如谷口逢秋  
風收芋栗寒雨落芙蓉莫怪多雲氣隆中暫卧龍

題劉子真東山草堂

吏部那無啟文園且暫還尊傾河朔酒林有會稽山徑  
竹含疎翠籬光吐細斑忽吟招隱曲流水亦潺湲

巫山漫興

接漢書

大國雅卷十六

三

峽裏天河細沙間路轉紆雲從江面起雨到巖頭無鄉  
國遼東鶴朝廷葉縣鳧卽今愁裏病不是著潛夫

寄見甫弟

歷盡巴山白髮新西風何處不傷神馬曹踏踏官難起  
烏道艱危老更貧九派長江春後鴈一年芳草夢中人  
相思况是無消息徙倚天涯涕淚頻

山人吳志道以子與元美書見訪

朔雪千峯映敗裘誰從憔悴問江洲瀟湘忽送叢篁淚  
鴻鴈遙舍尺素愁暑裏青天雙壁洞斗間紫氣一龍游  
中原一別無消息散落風塵總白頭

寄子與

領郡曾傳沈隱侯歸來何處更登樓燕春不度知生梓  
邛雪常含宋玉愁作賦月明黃髮澗懷人秋浦白蘋洲  
虛疑海上窺三島猶自江東滯一丘

寄元美

海上明霞擁赤城春風高卧薜蘿生狂從方外爲司馬  
老向江東號步兵縱飲祇供鸚鵡舞提榼還作鳳凰鳴  
向來誇我藏名手年少何年尚借行

寄德甫

長安一別鬢俱華客淚蕭條滿暮笳白社可容陶令酒  
青門堪種邵平瓜風塵病起逢江鴈湖海歸來失漢槎  
正是楚天寥落後好從桂樹問移家

人日當樊一賢林子順遊洪山寺分韻得人字

丹梯縹緲歷千盤漢水湘雲萬里看夜雨乍催雙樹長  
春陰猶抱九峯寒杯傳初地鐘聲合客散諸天月色殘  
若向登高論作賦郢中原自和歌難

初至家陳道義罷詹甫見過

歸及青春半芳園二仲來月生桐栢水雲斷景夷臺玉  
笛梅花落金樽竹葉開今宵張仲蔚爲爾剪蒿萊  
春和之順陽溪別業之作



辛羅杖底選勝武夷傍夜雨靡蕪徑春風薜荔牆  
渠分海色種竹蒼嵐光會發王猷興盤興就辟疆

寄敬美

翩翩二陸雄江左更有諸王未可攀芳草池流太湖水  
連枝樹發洞庭山馬卿著賦供多病梅福逃名善閉關  
海內只今誰辯璧可憐清淚落人間

陪熊憲副登秣歸郡樓分賦

城頭月出照高堂城下江波白練光驚鵲頻翻巫峽樹  
征鴻遙度洞庭湖庾公自愛藥秋色王粲深悲滯異鄉  
爲借天風吹玉笛招呼黃鶴共翱翔

八國雅卷上

卷上

三

子

送林使君子順之嶺南兼寄定川謝尹

黃河雪後潤流聲驄馬看君萬里行卧病淮南叢桂樹  
題書天畔五羊城嶺頭梅發催春別合浦珠還代月明  
從此蠻荒停羽檄伏波今在漢家營

寄萬方伯章甫

天邊落日照中原萬里蕭條斷客魂曾是夷門抱關者  
只今常感信陵恩

寄樊僉憲一賢

同是三湘放逐臣歸來猶自厭風塵長沙日落秋陰滿  
愁殺當時痛哭人

名應舉字德甫號牛渠南  
昌人嘉靖間福建副使

七夕同吳給事王比部宗考功燕集張園

山亭元自好此夕更徜徉雲裏支機石風前薜荔裳  
當明月滿歌遶碧河長諸阮留連意空餘犢鼻狂

除夕奉答匡南見懷

頻年常客裏茲夕草堂中玄理諳時薄交游感歲窮  
添明日白花近故園紅不必煩生事椒漿任轉蓬

張吏部席上暫別得秋字

明發孤帆又楚州華陽不惜此淹留星辰歷亂開尊夜  
蕭瑟陰森別院秋白壁向人多按劍黃金閱世幾披裘

八國雅卷上

卷上

三

子

亦知平子逢時思莫爲羈人賦四愁

再寄王元美兄弟

濁酒柴門老更狂不因時俗問行藏芙蓉秋晚空江海  
薜荔春深勝鷓鴣楚曲何人堪孺子吳中二美得王郎  
天門夜半風雷起銷盡人間六月霜

答張介甫見訊

風塵歸後遠人羣不道妻其穎上聞驄馬殷勤憐楚客  
雙魚迢遞到江濱年光暗覺隨流水世路何妨卧白雲  
獨有明霞餐未盡將因千里報夫君

卷之十六

卷之十七

勾吳顧起言選

黎員外名民表字惟敬號瑤石廣德人嘉隆中官兵部職方司外

梁園歌

我從淮陽來十日苦風雨訪古登平臺蒼茫見齊魯平  
臺昔日孝王園儀衛還同萬葉尊周廬延閣通珍館脩  
竹清池帶國門四方賓客皆屬至枚叔鄒陽最稱美明  
月西堂作賦成嚴霜曲榭稱詩起榮枯翻覆那可常左  
右謀臣忽中傷日暮杵聲停故苑秋風葵藿下睢陽驕  
奢豈辨當時事惟有憐才解人意門館荒涼誰曳裾川  
原曠望聊停騎吁嗟行路良悠悠白日經天河漢流朱  
輪自古多傾覆黃金抵用如山丘

九月同諸公登感應觀閣

白玉壺中羽景懸樓居元自有神仙坐窺睥睨踈榆外  
杯引關山落鴈前楚客衣裳逢改歲漢庭烽火入窮邊  
桑田碧海空愁思誰解棄鸞向紫煙

至日遣兒理入京省其舅氏

翩翩雙騎立河干遙望燕山雨雪殘行橐已無金錯在  
路人猶作布衣看關城近別偏多思客路相隨祇一官  
白髮愧吾衰且賤鄰家兄弟在長安

思歸引

平生任性無羈束蹋翼塵途成碌碌年時提挈隱間非  
此日之官領錢穀祇謂朝參遠國門豈知束帶無朝昏  
問之幾馬不能對上林園獸都無言以茲筋力轉驚緩  
安能驅逐隨車輪吁嗟叔夜無深識原辭俸過六百  
我今蹭蹬胡為哉况乃形容轉衰白聞道故園初罷兵  
薄田數畝可歸耕揚舠稍待桃花水策杖須尋漉酒生

紫河關

徑轉盤盤險雲連鳥去長山桃微着紫沙柳不成黃重  
鎮臨天府神功劃大荒金城誰獻議老作尚書郎

六國雅卷十七

渡桑乾河

古渡是桑乾征人曉涉寒鳴笳喧聚落帶劍擁材官霜  
雪經行盡煙花出塞殘春衣猶未寄空倚月輪看

七夕別張羽玉得平字

隱樹風初起臨階月乍明故人千里別仙媛隔年情爽  
氣侵鸞扇輕陰下鳳城惜無雙寶劍濁酒見平生

送管建初

十上貂裘敵誰能老漢關祇應嚴下客長望日邊還獵  
火明秋塞河流直故山身閒且歸去名姓在人間

送華文學之晉都

初詣闕沿牒復歸步經筵諸生學章縫魯國朝車榮故里雨雪戒長途白虎羣賢在還來賦兩都

### 遊僊

山林非所託所思在神州寓目八紘外經過華池幽神光颯然至青鳥從我遊靈妃奉玉觴清謠自相酬歡娛未終夕曜靈不可留山川賈綿邈白雲良悠悠安得不死藥千載復來求

### 遊西樵雲谷山

朝從雲中遊暮投雲中宿煙嵐稍出沒岡巒相遮屬層標下奔峭雙竇騰驚瀑朗月沈東峯殘暉在林木迢迢浮雲征寥寥天宇肅攬衣不遑寐良夜欣秉燭動極歸有靜吾以觀其復天雞奏晨烹杖藜騁遐矚

### 秋風詞

秋風嫋嫋流清商朱華零落綠草黃明月委隙迴素光寒蟬夜啼候鴈翔膏燼沈燎朱火揚空房獨宿私自傷疑思關山繞羊腸杳難致之雙明璫蕭瑟易萎菊易芳君何遠遊長相望

### 送泰泉先生赴南都掌院

舊迹紆皇覽稽謀藉老成位因推雋起國以用儒榮鳳閣綸爲草龍門史作程所希調鼎繼延首詠昇平

### 玉屏墨莊爲天漢兩傳作

清業臨丹壑高居擁翠屏雲光過沼白山色入池青獨鶴將人靜閒門共月局安知濯園客不是少微星

### 官舍雜詠

雖然稱校理筆硯久生塵白虎多同異金門自隱淪桂薪從度日榆莢又殘春斟酌浮生理須尋漉酒人

### 鄧山人從東海來將遊北岳因贈

雙屐帶莓苔新從日觀來山川遊子夢風雪故人杯龍性應難馭驚情不易媒莫言成獨往高浪駕蓬萊

### 奉命至西山墳園

宿草經春長新阡近鄧多彩銷團扇粉香盡舞衣羅陌上花如綺雲間月似蛾繁華今不見遺恨雍門歌

### 閩警

干戈愁越駱閩海更堪憐篁竹頻依險鯨鯢共戴天未收熊耳甲莫費水衡錢痛哭謀臣疏珠厓肯棄捐

### 留都

幽薊稱嚴甸重襟亦在斯尚紆南顧策數費北門師霜瘁青苗盡秋深赤羽馳誰能如賈誼流涕向明時

### 登大榕寺塔得微字

寶鐸搖青漢金輪逼紫微衆香攢繡拱九級敞瑤扉仙

空下天花雜雨飛萬形紛萃律千仞轉高巍檻頰  
雲相激櫺開月吐輝侵雲看樹小入海見山稀側足應  
防險觀心擬息機永言齊浩劫更拂六銖衣

遊東山真覺院

鹿園披絕徑鷲嶺逼諸天樹杪驚新瀑花間滴暗泉寶  
輪承曉日金鐸韻秋煙戒具蓮花捧經文貝葉聯地從  
初劫造僧是幾燈傳住想猿心伏忘言象教詮東遊誰  
小魯北望我秋燕願就靈巖宿餐霞度世緣

燕京書事

木樓迢遞接平沙嘆息深閨有麗華青鳥幾時隨阿母

八國雅卷十七

五

綵鷲今夜屬良家桃栽碧海多成實桂貯長門自落花  
寄語采桑南陌女莫將顏色向人誇

祈穀齋居

鈴索無聲樹色寒集靈臺上拜千官旌旗夜繞長楊陌  
燈火春祠泰壹壇煖入芳郊陽氣淺月臨青閣曙光殘  
揚雄白首玄經在誰捧雲中玉露盤

和姚鴻臚得告志喜

含香三載侍金鑾爲憶鱸魚不暫懼仙仗乍辭鵷鷺序  
上恩還著錦鵲冠詩舊滿垂蘿石載酒重尋種樂園  
同是滯留君獨半綈袍能復念長安

送胡翰林懋中冊封襄府

回望金莖雪色間南行旌節入昭關長楊羽獵停車待  
錦里江山策駟還風射紫貂憐遠道月臨青雀夢朝班  
詞人已在麟臺上招隱無勞賦小山

歲暮和文壽承

歲盡飛鴻不到家尚將長轡在天涯  
騎馬頻看上苑花白首校讐成寂寞金門留滯愧清華  
廣文不道官如水彩筆分行奪錦霞

頃以俚述投大司馬白石蔡公見答次韻

十年華省夢清芬喜挹風流在五雲司馬舊曾傳詩草

八國雅卷十七

六

侯芭元自好玄文斗間一望雙龍氣臺上誰攀彩鳳羣  
莫擬北山招隱士更開東閣奉明君

同鄭別駕蔡山人登九成臺

芙蓉山色半晴陰影入空江百丈深紫閣倒垂星宿氣  
碧天吹落鳳鸞音烽塵正屬談兵日雲路誰爲出世心  
風景故園猶想像丹梯吾肯倦登臨

遊靈谷寺

門遶黃山路不除青松迴匝見丹霞恒河六月猶飛雪  
空谷千年自雨花雲氣還飄金剎動竹陰清入畫廊斜  
十行賜札留初地老衲相逢說翠華



送李伯承還山

黃塵拂衣歸去來  
酣歌擊筑相徘徊  
青山似惜敬亭別  
明月况有金陵杯  
煙中柳條折欲盡  
池上萍萍吹復開  
楚江渺然挂席去  
知爾萬里遊蓬萊

觀生處

世故多岐路功名一聚塵  
觀生何處是半榻隱吾身

宮詞

未央樓殿敞秋風  
芝火煌煌徹夜紅  
不知是驂鸞朝太乙  
旌幢斜出五雲中

立殘銀漏未更衣  
聞道龍池駐翠騑  
衛士夜深傳畫燭  
御街塵起六臣歸

八國雅卷十七

七

午日同諸親友汎越江作

魚龍曼衍戲江波  
天吳起舞舞翻蛟  
鼉連天白浪愁無那  
誰勸公歸莫渡河

豫章江行

山磴崎嶇猿夜號  
溪流如沸石如刀  
刺桐花下思歸客  
待得天明有二毛

王大名

名心果字陽德號陽谷永嘉人嘉隆中官大名太守

夏日校士有作

清晨肅車從言邁  
文士場羣英亦以止  
奕奕羅宮牆校

誠吾所職甄別顧非長吳中號才數詞翰儷琳琅茲洲  
匪異上豈薄藝林芳沮澤激潛龍丹崖奮樓鳳寧無凌  
空翼葉時將翺翔靈物秘玄理通塞恒靡常有志觀竟  
成儀廊當振揚愧乏作人化雲漢徒爲章願收桑榆功  
一觀桃李光

郊行訪近齋先生

和風扇郊原草樹綠成綺欣然及春行偶過柴桑里新  
漲拍斷堤初荷覆迴渚夾岸桔槔翻龍畔歌聲起農夫  
饁茂陰殷勤話晴雨令拙民亦安地僻俗猶美高人川  
上居開軒面流水呼童具盤餐相與論治理日斜命駕  
歸炊煙滿墟市

王大名

八國雅卷十七

八

孟春初入山二首

孟春時雨歇旭日散晴嵐晨起理孤棹駕言歸舊山斷  
霞翳脩逕鳴林間山童悅我至倉皇啓柴關雲中  
樵牧迎謁多歡顏聊引尊中酒同醉清溪灣今夕已

云疲明晨復躋攀閉關謝交接白雲相往還

寒衣愛晚晴海霧匝千里羣峰暗復明江邨盡圖裏落  
日在遠山纖霞映孤壘逍遙曳杖歸華星出水底短檠  
展遺編倦讀凭文几松籟雜湍聲偶逐微風起景觸意  
忘疲慮息神如洗以茲幽寂居悟此清虛理



憑虛閣眺望十韻

飛閣控諸天憑虛俯帝壘九衢雲外直雙闕望中懸樹  
擁山光近霞開霽景鮮 皇居標麗日梵宇出浮煙都  
會當窺盡星文矗斗偏六曹紛綺宴刻館沸朱絃賜第  
雕甍合妝樓紫陌連花枝空晉苑柳葉蔽吳阡慷慨悲  
前代風流感昔賢偶因龍藏隱欲擬鳳臺篇

登報恩塔

金塗白寺稱佳麗紺宇嵯峨倚天際金碧遙分明月輝  
梁恩特駐祥雲氣祥雲明月競芳妍秀黛空濛萬里懸  
琉璃細蘊金蓮座玫瑰齊攢繡佛筵瓊花的燦紫丹綺

王名

八國雅卷十二

九

天章垂耀紛無已曉日暉騰鍾阜煙夕陽影倒秦淮水  
疊世飛甍入窈冥盤龍儀鳳架雕楹夜懸玉戛春星亂  
風動簷竿天樂鳴迢迢積翠橫孤島綠藹沈沈映江草  
獲磴層緣近紫霄危欄俯瞰低飛鳥已按星文據地靈  
誰遣神工奪天造憶昔 高皇起建康掃除六合

開天荒是時四海盡寧謐一朝圖錄歸 文皇更

繁浮圖標王氣重開功德照迷方我來正屬芳華歇懷  
古臨風壯歌發玉樹庭邊煙草深雨花臺上蘼蕪沒六  
代興亡掌底論萬里山河望中絕龍象雄蟠亘古存奕

奕英靈壯 金闕

山齋獨坐有懷友人不一詩以招之

投迹寄空門幽懷日虛泊境空山氣佳日午庭陰薄  
鶯未停囀初篁漸舒籜愛此林樹芳窅然坐丘壑故人  
萬里至約我移觴酌今朝風日熙樂閒眺虛閣

牛首山

雙峰縹緲碧霄臨絕壁香臺自古今日射珠輪懸倒影  
風飄僊梵落虛音天積翠迎飛觀萬嶽排青入定林  
總爲名緇觀化地只今芳霽書陰陰

宿祖堂留贈海天禪師

千巖樹色帶斜暉石磴緣蘿翠微入座光風翻貝葉  
隔簾香 衣蚤飛僊錫開龍界偶謁空王宿梵扉  
獨夜山中羣嶺寂海天秋月悟禪機

獻花巖

林端紫邏埋陰寶石上霏霞敞法臺遊客偶過披草坐  
鳴禽猶似獻花來雲扶殿閣空中見日照山河鏡裏開  
到處逢僧談出世千年幻迹已塵埃

贈張嶺山開府江南二首

旌旆南飛海色開江東今古益州來行邊寶劍寒星斗  
曲裏陽春遍草萊茂苑鶯花羅綺國金陵煙月鳳凰臺  
更值午夜頻瞻處法象光芒切上台

關河迢遞隔飛鴻回首經年別恨中紫氣遙瞻西華色  
青山猶見北門功名高二峽應爭勒賦就三吳總失工  
天闕故人甘寂寞願移旌蓋問高蓬

送徐龍灣廉訪入楚二首兼訊王三湘

使節下荆舒關城落照餘春隨宮裏到臘向客中除楚  
塞寒雲擁江樓夜月虛故人摩詰在應過輞川居  
五馬曾遊洛雙旌復入沅幾年流滯迹此日量移恩  
關懷公幹憐才值巨源行看宣室召莫弔汨羅魂

初冬登大伾山

初冬飛蓋拂晴雲共陟嵯峨探秘文河勢已非神禹鑿

王大名

八國雅卷十七

十一

山形遙自大行分崖端想象懸金粟洞口虛無散紫氛  
登眺壯懷聊此寄酒闌歸路已斜曛

別朱虛谷次來韻

病中爲別倍銷魂北望寒雲擁去門孤客燈前千里隔  
舊遊闕下幾人存文同鳳綵應平瑞夢入鷓鴣行早拜  
恩染指定尋蘅杜約遲君湖上倒芳樽

廣川逢許敬菴時敬菴方有南粵廉訪之命聯舟  
至清源賦此爲別

京洛幾年別逢君岐路隔停杯話離索相對各躊躇學  
道心常泰甘貧貌轉腴獨憐揮袂去迢遞向蒼梧

歐陽正名大任字楨伯號嵩山廣東南海人嘉隆間官河南光州學正

晚霽過梅關

千峯留晚色迢遞出梅關日向猿聲落人從鳥道還中  
原開嶺徼南海控甌蠻萬國來王合秋風戰馬閒

夜登太白樓

狂歌采石月高卧謫仙樓珠斗當窻見銀河拂檻流朔  
鴻飄塞色羌笛入邊愁何處思公子蛾眉夜夜秋

經王子新故居

獨有山陽笛難尋谿上廬人琴俱已矣臺沼更何如暮  
燕歸新社春泉滿壞渠今來悲轉切未報秣陵書

歐陽正

八國雅卷十七

十二

I

范太史楊評事携酒榼過清涼山中

忝攝名山長精廬爲客開愛君乘興發騎馬到門來館  
閣詞人筆雲霄法署才金陵逢二妙堪醉鳳凰臺

西苑

日上觚稜照綵旂西宮夜醮火初收滄池波色青門曉  
長樂鐘聲碧樹秋名岳采芝諸使出中天築館萬靈遊  
漢家詞客頭將白汾水年年望御舟

入攝山訪棲霞寺慧光上人

蓮社曾書發願文青山今日始尋君錫分阿耨池中水  
頭陀石上雲花落經從桐院讀燈殘鐘向竹牕聞

遠公莫笑攢眉客一入東林亦不羣

### 送沈肩吾歸明府

廣陵驛前柔櫓鳴八客離歌半楚聲高閣酒醒孤樹遠  
片帆潮落大江平四明天自窓中見九曲人從鏡裏行  
莫向秋風折楊柳筵篋多少憶歸情

### 姚元白枉書問訊

婆娑偶寄漆園間荒逕苔深頗似閒公事只堪對流水  
宦情吾自有青山窓中蝴蝶頻支枕松下楞伽一掩關  
聞道故人罷官蚤白雲遙羨鳥知還

### 過隋故宮

歐陽

八國雅卷十七

十三

直

龍劍志

威華六軍飛輓萬方嗟遼陽鼓角滄波遠

聳洛山河落日斜水調楊花歌九曲江遊螢火散千家  
蕪城大引中原目衰柳殘堤宿暮鴉

### 聞王元美請闕上書

行乞當年雪滿途銜冤憐爾叩關呼天平曹氏融何罪  
世有山濤紹不孤國士只今收涕淚餘生寧得傍江湖  
征西部曲思公子請爲 君王北射胡

### 伏日姚唯之陸華甫董述夫見過

官舍鶯啼綠樹陰炎天步履爾能尋樓前過雨山俱出  
背下生煙竹更深講肆不妨開馬廐詩篇何必到雞林

西歌氣與秋空遠丹壑誰知靜者心

### 立秋日卧病答黃希尹約遊大明寺不赴

首務齋中一病身井桐墜葉報蕭晨枉期車馬携尊酒  
虛負煙霞笑角巾謝客能尋開社事遠公還待折腰人  
秋風九曲西池約爲掃隋家輦路塵

### 懷潘少承

登樓何處望吾鄉書札經年鬢欲蒼莫以江都憐董相  
誰能洛渚學潘郎海邊暮雨楓千樹淮上秋風鴈幾行  
彩筆青雲須努力蹉跎容易老星霜

### 廣陵驛送王元美兄弟歸吳中

歐陽

八國雅卷十七

十四

孤臣去國意何如客路秋風廣柳車雙闕恩曾憐狗馬  
五湖歸不爲鱸魚江頭頗問觀濤賦霜後應題寄橘書  
從此東南思二笑暮天搔首一躊躇

### 秋晚登廣陵城

西風淮水下邗溝何處關山獨倚樓賦後蕪城荒井逕  
書來瓜渚斷江流青天寒色千砧夕滄海潮聲萬壑秋  
滿目蒼蒼見平楚不知歌吹在揚州

### 廣陵遇蔡職方元卿

燕陽經術似河汾漢署風流尚見君金在曾來千里足  
劍沈誰識七星文詞人海上青雲色選客淮邊白鴈羣

事相逢貪握手西來消息幾時聞

贈朱在明省親還靖江

典客中朝事新思歸應有白頭親十年獻賦誰知

四海論交見幾人俠似朱家還自蔽美如孺子豈長貧

江臯縱有浦地高卧寧容侍從臣

徐子與王元美見過招陸無從同集齋中

渡江先約住蕪城二子中原念我情上業能傳楮大

酒人游自愛荆卿不知多繡飄霜色忽有驪珠傍月明

燕市狗屠君更訪風塵何處可藏名

聞嶺南海寇警急寄陳德基袁其文

國雅卷十七

十五

王

軍中何事角聲悲尉臺高落日遲亂後江山猶涕淚

夢中樓櫓半旌旗漁樵實恐誅求盡征戍深防道路危

慷慨知君能論賊莫令邊將請王師

贈蘇四

蘇子還漢國征馬別躊躇若到長安日無忘鴈足書

烏婁曲

月落沙洲井有可憐夜半窺前啼閨中少婦停梭泣

淚濕鴛鴦不成疋

金陵元夕

綵樓酣飲紫雲升六代繁華未足稱鳩鵲盧龍春色裏

歌吹萬家燈

梁中舍

名孜字思伯號浮山廣東順德人嘉隆中官中書舍人

康裕卿潘象安管建初諸山人枉過雅集得雲字

長安何事集鷗羣四海論心絕世氛紙上煙霞生樹色

毫端蚪蚪落溪雲雨餘旅館先秋至月滿空階欲夜分

彈缺歡歌忘去住尊前休勒北山文

喜黎惟敬至偕童子鳴諸公携酒訪之得雲字

搖落深秋一見君都門握手更殷勤別來白社孤燕月

重對青尊恨嶺南五嶽何年共禽向甘泉此日羨雄文

休嗟宦海飄雙鬢鳳沼新題喜共分

梁中舍

國雅卷十七

十六

春夜同李伯承馮少洲集借樹軒得雲字

更隱金門裏風塵獨有君開軒對雪把酒暮看雲身

逐鷗鷺侶心栖麋鹿羣朝回尋白社深夜細論文

過龍潭菴

澄潭千尺卧神龍水碧雲深一徑通瑤草洞門懸麗日

琪花巖畔隱珠宮僧臨棧閣邀新月鳥度喬林韻晚風

蟠曲可能容寄跡願驅雞犬向雲中

遊崇善寺得行字

紫禁朝回鷗鷺行題詩還向贊公房曇花色借宮雲麗

貝葉陰連苑樹長禪誦尚能追白社宦情應合付濠梁



誰言京洛風塵裏亦有閒人到上方

喜徐子與至借文壽承邵次甫黎惟敬載酒訪之  
十載論交在薊門風塵回首欲銷魂  
君彩筆長楊賦醉我桃花綠酒尊  
大野浮雲看變態西山孤月照清言  
好將舊日雙龍劍蚤向雲中答主恩

送童子鳴還越得雲字

甘泉誰爲薦雄文却指家山隔海濱  
龍劍忽分燕市月羊裘重釣富春雲  
中原握手誰知已岐路論心獨有君  
幾欲挂冠神武去金華洞裏逐仙羣

同諸公登感應觀閣餞別惟敬得雲字

梁中舍

八園雅集十七

十七

城邊仙閣靄氤氳酒臨高一送君長路鴈鴻春入塞  
孤亭旌節暮隨雲樓前片月留看劍嶺外千花隔論文  
把袂不堪歸未定爲傳鄉思白鷗羣

陸山人

名弼字無從雲中人  
嘉隆間隱于維揚

茅平仲席上觀古劍

一片蓮花鍊千秋鷄彩新青天開氣色白首混風塵  
鄉里羞言俠彈歌豈爲貧臨風送公子憐取受恩人

仙霞嶺

疲馬關門路蕭蕭楓色新山腰低落日木杪度行人  
又客音書斷清秋藥餌頻游談非所好歸任縈中貧

秋日同邵長蘅汝恒叔姪過禪智寺

扁舟偶乘興來試上方泉阮氏林爲竹匡山社是蓮  
田下老木淨秋煙千載孤琴在能令嵇散傳

南游暫別竹西社諸子

竄跡蕭齋自薜蘿賦成諸子日能過尊前看劍憐肝膽  
門下停經廢蓼莪我作客又隨春草去懷人應傍暮雲多  
蒼茫世路無勞問不負山中興索歌

吳門送王伯熙之楚赴孫漢陽之招時余將入閩

楚粵春煙隔杳冥天涯分散可堪醒月飄漢水孤帆白  
雲落荆門萬樹青卽有鄭莊稱結納豈知王粲感漂零

梁山人

八園雅集十七

十八

尺書倘爲題雙橋鴻鴈南飛是慢亭

武夷山逢葛明府

羣峯春色到氤氳短褐相將隔世分濁酒偶逢勾漏令  
青山自屬武夷君何年石室留丹檢幾處籃輿落紫雲  
我擬重來分一壑不須更勒秣圭文

清湖道中

風塵疲馬尚天涯湖水蕭蕭日易斜一片離心秋色裏  
江南開遍木綿花

沈山人

名明臣字嘉則號句章四明人嘉中  
胡司馬聘爲軍門記室載孤憤集

贈黃記室



入幕羨黃生翩翩有令名  
關雎文太巧倚馬檄初成  
關春風細轅門落日平  
酒酣時奏記半是凱歌聲

司馬胡公綠野園作

功臣甲第故來高門接青山  
蔡戟遙詞客吐茵開曉幃  
健兒騎馬射秋鵬風雲色  
變凋弓暗日月光寒寶劍銷  
此日半疊惟有淚曲池無  
水草蕭蕭

題王四瞻美山池

洞門幽徑絕塵都翠壁紅亭  
總畫圖山影到池萍葉斷  
花枝垂地石闌扶仙人吹玉  
雲中起帝女將金埒上鋪  
欲吊蘭閨蒼莽外西施空與  
醉姑蘇

沈山人

國雅卷十七

十九

題王青州小祇園藏經閣

祇園高閣俯流霞貝葉光浮  
萬樹花白馬春雲常五色  
金河秋水映三車王承自置  
維摩室許掾終依大士家  
此日登臨披弱海頓令飛思  
繞恒沙

賦得懸磬室爲錢叔寶

高人一室如懸磬揚子空亭  
只草玄白髮閒能睇碧樹  
綠尊常自浣青天牀頭風雨  
猶存劍筆底江山可換錢  
更喜區中無別累雙鴻送盡  
手揮絃

題王百穀半偈菴

百籤開小品齋頭一難發  
三藥寶幡側影琉璃殿

前懸不夜燈寂寂乘陰啼  
戴勝融融花氣醉韓憑  
自是專名理共道蕭然有髮僧

送邵偉長將軍葉深父文學遊武夷歌

丹梯倚天天欲赭九曲青龍  
走其下崩笥石扇窈窕開  
鴻濛之初誰鑄瀉崢嶸峭  
拔何處來夫乃三神之神從  
霹靂而化者剛鋒割雲劍  
戟攢古鐵磨光日月寒恍驚  
天孫錯剪錦繡段又疑胡鵠  
詭獻珊瑚盤蒼壁橫開欲  
千武錦屏高張如百堵幽  
惟虛勞說幔亭環瑋無能過  
天柱瑤草青葱冬不凋白鹿  
可馴後可調當時美女香  
然去洞口春風空碧桃余也  
本狂士十年三到此欲起

沈山人

國雅卷十七

二十

武人君爲之扣終始武夷之  
君今已死十二真仙竟誰  
是子騫頭顱葬空山我亦因  
之罷憂喜邵將軍葉夫子  
經營天地將何以南平百粵  
駕樓船七尺龍泉電光紫  
請君揖謝武夷君稷契巢由  
那得聞橋邊黃石知心事  
未許青谿弄白雲

邵山人

名第字次甫號中洲長洲人嘉隆間隱焦山

同金子坤文德承黃淳甫釋圓志精廬齋會

言過東林宇共出南城門迢迢  
長千里隱隱祇樹園高  
臺一延眺大江天際翻轉  
逕春泉駛深林啼鳥繁入室  
拈妙香趺坐寂無言復倚翠  
微竹折葵當朝飡漫游我

所適緬想桃花源先到香爐峯抱月聞清猿

舟泊孟陽聞

泊舟孟陽聞移足卽覺地寒驢識故道孤征有深致處  
處白雲生行行發幽思散髮被星月跣足涉汶泗高槐  
太山雲平瞻林翠人世頗迫促玄根非蒙昧想念蓬  
萊島徘徊青鳥使永願棲名區採藥起憔悴

詠井底花影贈李太常

素纓夜不垂寒波曉含縈嬌英被銀牀歲華弄登澈對  
月還對鏡堪賞那堪折細讀太常詩冷然瑩冰雪

夢中作

五月望夜同羅伯開宿北固山甘露寺

齊山人

八國雅卷十七

三十一世

妄想不可到心馳竟亦飛若能處其和乃使形神依草  
木悴不榮金石皆爲非三山欲壞幾九垓飄霞衣不知  
有與亡日月交相暉返照方自省復恐知音稀

題畫桃花團扇代閨人贈遠爲王君祥賦

妾面如桃花妾心似桃實作鴛鴦帶不羨膠與漆膠  
漆有時解鴛鴦永成匹車別離坐此長嘆息  
復嘆息中心皎如日願扶大光照我夫君出復隨月  
池影入我蕙蘭室無煩畫眉易蕭瑟

李禁直

名言恭字惟寅號秀巖泗州人臨淮侯勳衛嘉隆間終其侍直

正廬

門鳴宿雨瀑布濕流雲獨有山人屐常隨飛鳥羣

漂母祠用唐人韻

荒祠淮水畔停棹憶王孫寄食猶懷德封侯寧負恩藤  
蘿煙裏樹蘆荻雨中村雲夢當時謁臨風不忍論

送陳玉叔郡守淮陰一首

淮海連天濶高帆去若奔蕪陵秋水岸鷗鷺夕陽村山  
色侵官舍滿聲到郡門行過漂母廟應亦弔王孫  
別思深難遣離魂暗欲銷人隨流水去心共暮雲遙野  
市懸高岸江城響夜潮所嗟相憶處風雨正蕭蕭

李禁直

八國雅卷十七

三十一

言

春日病起

邊城斜日澹胡沙短髮那應對落花搔首青山非故國  
出門芳草是天涯病餘何意張華劍春去那堪范蠡槎  
賴有高陽朋舊在黃金俱付酒人家

秋日同黎維敬王仲房康裕卿朱在明安茂卿胡

元瑞集劉仲脩觀察園亭得開字

習家池館接蓬萊雲裏高懸百尺臺諸客盡依星漢坐  
一尊聊向薜蘿開城頭落葉隨風下木杪青山入座來  
投轄可辭今日醉薊門秋色正堪哀

送少江部黃門北上

千里識荊州那堪又遠遊  
蘆花兩岸月帆影一江秋  
夢燕雲杳相思楚水流  
不知青瑣客能復念滄洲

### 南巖宮

南巖煙霧裏蘿徑空分樹影橫  
清漢難聲下白雲山  
家崖作屋羽客鳥爲羣  
人問餐霞訣慚余尚未聞

### 訪楊逸人山居

野人高卧處只在白雲顛  
絕壁疑無路深林忽有煙  
門開千樹上犬吠一峯前  
爾亦揚雄輩山中獨草玄

### 潼口驛

塵鞅慚馳逐長途牽旅魂  
山環樓作驛溪遶樹爲村  
有

八國雅卷十七

王三

夢家千里無朋酒一尊  
那堪孤館外風雨正黃昏

### 潘白嶽

名緯字象安徽州人  
嘉隆中僑居白嶽

### 感遇

灼灼陌上春獨艷桃與李  
寧知成蹊日却是凋傷始  
向來競攀折共棄秋霜裏  
衰瘁無何時東風颯然起

### 病起喜王仲房社丈見過繡佛齋

事佛病能除幽齋貧晏如  
居應成淨界春亦到吾廬  
草長談經處鶯啼出院餘  
朝川游行日誰意在藍輿

### 送友人北游

樽酒慰行軒交深敢贈言  
經過鄭莊驛好問五營門  
一

休輕許千金未是恩  
年來長送客此意不曾論

### 簡方際明

昨暮登樓處雨收溪上村  
此時見新漲直到君家門  
舊岸集漁網高齋燕釣綸  
嘉魚坐可辦好約同開樽

### 夏日過余松泉先生溪園

花樹竹爲垣幽陰坐處繁  
遙疑園上日不到水邊村  
山雨帶雲松濤清晝翻  
往來三徑裏何地有蠶煩

### 得王仲房唐飛卿二社丈書

客從武陵來入門問安否  
傳語更傳書殷勤爲良友  
舊游音向疎兩君別仍久  
寄到了知真將開復停手

潘白嶽

八國雅卷十七

王三

### 泊閭門尋周公瑕王和仲所居不得

閭門九陌通車馬往來逢  
入部尋舊識望閭迷近蹤  
空停秋江棹漫聽寒山鐘  
隔城闌裏煙雲閉幾重

### 從軍行

烽火照鄉關征人去不閒  
馬蹄三尺雪烏道萬重山  
年少未遠別乍行多苦顏  
出門能幾日日望刀鐮

### 題仙源

君家樓隱何在合沓雲山  
萬重望中雞犬不見行處  
漁樵忽逢洗耳窻前流水  
爲鄰戶外諸峯知是武陵  
僊境

迷人自愛追從

康山人名從理字裕卿温州人嘉隆中嘗游公卿間自署曰東嘉布衣

秋日同諸友過栢上人禪房分得霏字

空花晴墮畫霏霏一片秋雲欲染衣白馬舊關雙樹古

青山高視六塵稀池蓮似愛僧能淨林竹猶憐客乍依

豈謂少微江漢色清光亦傍帝王畿

喜黎惟敬司馬至分得中字

嶺海春雲幾夢中烽煙無地問飛鴻來白雪傳京國

愁處黃塵起朔風黃酒久拚裘褐在何人猶愛寶刀雄

漢庭才子如林日作賦誰能似爾工

再送童山人南歸

康山人  
八國雅卷十七

山橫北固見通津南入米溪總是春一片白雲心裏

可無梅寄渡江人

寄黃淳父

一別金閨卽外亭向人垂柳十番青書無千語囊猶水

病有煙霞跡似萍江上扁舟孤夜雪鏡中華髮亂秋星

長干花月傷心麗入夢誰能淚不零

題樂玄子清瀾齋

避地聊爲客頻年只著書島啼林屋靜花映草堂虛水

石遊情曠琴樽樂事餘自安清懶性高掩白雲居

張太學名嘉隆中太學生

寄吳太守

曾於白雪見文章不爲青山憶武昌藝苑才名多七子

宦途心事半三湘人前落筆誇鸚鵡郡內褰帷下鳳凰

見說漢廷思校獵米容長孺薄淮陽

掩關三首

失計歸來日殘陽照綠蕪重開蔣詡逕莫問阮生途處

分非鳴鴈流年是隙駒獨憐遊俠處花月在名都

墨墨抱幽獨微涼雨過城人閒魚不沈雲動鳥初驚散

帙端居意披襟玩世情却嫌陳仲子猶有灌園名

自笑行題駟誰憐食嘆魚涼風正離索孤思欲何如逕

吳太守  
八國雅卷十七

有王孫草門無長者車向來鄉曲賤不用絕交書

寄董子元張月鹿

芳歲情無間經年思有餘故人名下士文似馬相如溪

鳥時窺牖山雲日映書席門貧不厭長者自回車

山中諸文學携具資慶寺相餉

不盡留人意香林載酒過緒言童子偈機事太湖波歲

晚收寒果窻虛挂綠蘿陪歡多地主朝暮醉巖阿

梁文學名辰魚字伯龍崑山人嘉隆間太學生

吳宮曲

吳宮夜靜飛清商秦箏絃促春思長銀蟾三五流素光



玉樓十二生微涼美人起舞雲錦裳翠袖盤拂雙鶯  
君王酒酣樂未央蘭膏欲滅歸洞房歸洞房日初出越  
兵來入吳國朝作吳宮娃暮托五湖客人稱五湖之遊  
世所無恐其破越猶破吳不知妖艷傾人都當年猶恨  
身未誅君不見臨春閣兵初起擒虎入麗華死

夏日汎舟荆溪暮宿湖口

五月荆溪上驚湍走白沙風檣欹越燕浪楫遠衝花山  
勢逼吳直溪流向越斜維舟見漁火深樹有人家

癸丑歲兵阻武林聞任二府海上之捷

夜中恒起舞士雅在軍門投筆領如燕彎弓臂似猿千

村幾家在百戰一身存將士銜恩重厨人已喪元

文殊閣參終南孤月禪師

結茅白雲裏猿鳥自爲隣故國別何日終南住幾春談  
空還有色問法已無身草言雙瞳碧年來似九旬

鄭山人名坤字順卿號石南吳縣人嘉靖迄今隱于洞庭

送復上人還驚湖殊勝寺

與子游方外相忘在客中若爲今日別未得一舟同望  
寺故山近到湖蕭寺空夕陽歸鳥盡江冷落丹楓

過崇安禪寺題承菴和尚山房

鹿苑已徂跡虎溪猶在山白雲無住著流水自幽閒曠

因了頑空只此間不逢玄賞者何以浣心顏

許左史邀汎湖醉款李萬戶林亭次韻

區中開野酌花下是仙源雲影多依榻山光不出門已  
忘賓客醉仍促管絃繁我獨耽吟賞平林月漸昏

同硯山遊仰洪山

溪盡四山合雲深一壑幽松風清石榻霞氣寫神樓軒  
冕不知慕區寰曾足留醴泉爲玉液日日此中遊

山館睡起步王仲山韻

朝朝睡起有禽言日色纔臨樹裏門出徑漸聞漁父笛  
對湖遙見野人村更誰長揖辭當道甘此空山作灌園

醉卧玄覽堂次項少岳韻

華薄爲屏石作牀晴霏香霽滿山房鳴琴竹下懷中散

欹枕風前卽上皇雙鶴來旋天欲暮片雲飛去水生涼

吾曹總謂耽遊讌須買鷺湖載月航

陳山人名楫字濟之號萊山海鹽人嘉隆間寓梁溪

昭君怨

恨却丹青筆羞爲羯虜婚那知臨絕塞猶似在長門不  
解胡兒曲難忘漢主恩長安舊時月萬里照啼痕

怪底新妝束頻將鏡照顏琵琶傷別調鞍馬怯重關



向胡沙沒鬼隨漢使還不知諸將帥何日勒燕山

宿金山海潮軒送陳貞父

古剎鄰蛟室孤峯對海門浮雲千丈碧落日半江昏白  
雪憐已調青山惜酒樽明朝相憶處今夕海潮軒

陶比部名允軍字懋中會稽人隆萬間官刑部有鏡心堂集

戚夫人歌

昔作鴛鴦今作屍子居強藩母居厠母居厠子死無期  
子知子來遲遲仰首號天兮天不知黃雲慘晦兮木  
葉紛飛彭殂監子信誅夷諸呂熾子少帝無威吁嗟季  
子今安歸

山人

八國雅卷十七

二十六

白雲謠

白雲自東集我西池之子何來駿馬驅馳

白雲蕭蕭駿馬趨趨將子且去無使心勞

思悲翁

思悲翁博望官巫蠱為祟九廟恫詭邪滅曾孫有道炎  
精烈炎精烈遼韓寧漢廷七世今中興今中興殊未央  
鴻章大號紫先皇臣民懽忻神悅康

雉子班

雉子班錦毛綺翼珊瑚冠雄飛挾雌去復還飛去飛還  
不十丈羽衣鮮燦何姍姍麥龍青青三月天東龍哺唯

西鵲眠隣家小兒工彈丸五色披離人所憐君不見  
煬南山吐綬鳥避人只在青松杪

上邪

上邪從何來乃至長門官紅顏蹉跎白日改蕭條金屋  
難為容長門咫尺不回首君王念新不念故絨情有待  
自不言願托黃金買詞賦若為一賦輕千金琴心容易  
通知音誰道當壚得意者茂陵還作白頭吟

琅邪王歌

琅邪王高髻快馬朱絲鞭子比明月刀比霜出光門獵  
渭陽下馬民家乞水漿民家女兒桃花香避人入戶風

陶比部

八國雅卷十七

二十九

掀裳銀紅衿子繡襦褶潛身轉眄流餘光徘徊不見心  
彷徨不如歸去斜日黃

秦箏曲

秦娥樓上夜彈箏玉指纖纖銀甲明鯤絃促柱急復停  
急復停斷還續怨簫郎思弄玉

遊女曲

紅顏皓齒髻如烟星眸宛轉流清妍緩步翩翩私自憐  
私自憐憑誰語朝瀟湘暮洛浦

上陵

五供既已畢上陵多紛紛馬蹄雜沓人為羣暮春之服

羅敷紋華車翠轂通氣氤山葩野卉相芳芬北邙坂  
多新墳少婦如花素練裙仰天長號誰復聞帝家陵寢  
路不分內橫九殿外三軍香烟繚繞散夕曛玄宮精爽  
生蕙然茂陵皇漢揚殊勲秋風天馬歌橫汾西池王母  
接殷勤東海安期何足云鼎湖龍化遺虛氣天門依舊  
玉晨君試向栢梁臺上望承露金盤高入雲

有所思

有所思今何之舞作翩風姿笑為明月輝傾城傾國不  
復惜芳魂一去翻嗟嗟紫府邈綿邈玉樓攀崔嵬百神  
長呼風伯追追呼不從涕泗揮真人為我前致辭乃在

陶詩

八國雅卷十七

三十一

崑崙之外胥彌西瑤池金母為小姨前身曾作軒轅妃  
再嫁穆王不千日重生又弄天孫機君王慘慘不割愛  
白龍瞬息當西馳張寶炬陳羅幃露消消兮風淒淒屏  
息不動神來歸流蘇綵紗燈光微歛袖不語雙眉低  
姍姍欲問來何遲就而視之是耶非迴身忽作鷺鴻飛青  
天長望空無依明知一見即復離不如不見令心癡有  
所思今何之

感遇

昔我聞鈞天非謬亦非崩緱山八下笙阿耨雲中唄  
翁心飛揚聽者以為怪慕之學未成流年忽已邁

新莽重瞳子勾踐後長頸可憐舜禹安千古流餘骨  
子何昂藏神奇骨亦整長髯白晢光徘徊顧其影龍  
與驤毛勉哉發深省

水寒出溫泉火熱吐涼餒物性亦變遷人情詎無情寒  
霜六月飛轟雷震冰暫朝有不測威妖華飲其醴饕餮  
無厭人請試雙龍劍

桃川卷贈張鍊師

桃川道人騎白鹿雙龍杖挂泥金軸安期曾遣謁

先皇法衣脫却更華服 先皇忽向龍湖去道人

依舊桃川住四時川上有桃花不是當時避秦處

陶詩

八國雅卷十七

王

三山行

我愛三山勝遂作三山游辭家正春暮柳色黃金柔  
東共汎西湖棹南高北高對窈窕五雲樓閣青天低六

橋士女紅顏好新闢一日入嘉禾吳公門第今如何  
玳紅粉半消歇門外何人張雀羅四橋悄悄和風飛

惆悵胥江一汎水姑蘇臺草驛亭中館娃宮月寒烟裏有  
客相邀過石湖湖光空翠通虛無山樓掩映瑩杯酌何

人調笑酒家胡虎丘新茶碧於玉劍池水色琅玕竹一  
杯香氣沁齒牙百骨泠泠透清醅惠山高塔上雲崩山

前石竇流清泉取泉作酒倍甘冽一甕何當惜十千常

州少府吾鄉黨常州新河渾如掌沿河錦纜鏡中行  
流何似鳥臺上七里橋頭岐路分  
夜雷聲漲飛瀑扁舟中道空離羣  
金沙故人忽相訪棠  
棟凋零轉悽愴挂劍悲風泣總  
惟揮毫涼月浮金甌交  
新念舊共徘徊鴻臚柱史時追陪  
曹公園樹灝洲地高樓  
樓百尺攀崔嵬過龍蜿蜒如龍走  
築室其巔龍欲吼山  
邊萬樹熱櫻桃明珠滴滴佳人口  
綠羽肥鷺紫腦銀  
絲雪藕白蓮花兩生留我足朝夕  
何如負笈游天涯人  
生星聚頃回首京口三山還在不  
吾欲金鰲頂上行爲  
君更盡一杯酒三山其一爲北固  
江光咫尺生烟霧諸

陶詩

八國雅卷十七

三十三

峯秀色若可餐渴向山門漱甘露  
金焦去住忽經旬江  
中盛夏如陽春高閣上侵月殿逼  
陰厓下接龍宮隣亭  
亭不與他山伍十里相朝作賓主  
曾聞海上有三山弱  
力於未如許

### 報恩寺

寶塔黃金蓋江南第一雄琉璃明  
曙色鈴鐸動秋風紫  
闕燈光下長江夕照中迴翔幾千  
仞高舉欲凌空

### 送楊明府之黔中

才子氣翩翩花綵紫玉羈身從三  
殿下名向百蠻傳別  
有無窮意行看不盡天知君下車  
日霜淨瘴江烟

### 寄李寧遠

拜爵尚青春遼陽宿重臣印題金  
鵲舊袍賜玉麟新寒  
月傳宵柝邊風蕩虜塵爲言長揖  
客東海足垂綸

### 與傅御史

一疏動楓宸甘爲萬里人白頭堂上  
遠青鬚客中新  
骭驢邊城骨伶俜卒伍身獨餘桃李  
色猶帶上林春

### 山居

風色來天地山烟散野郊楓飄隣寺  
葉松斷隔溪梢  
雀子和巢碎蜂房帶蜜拋空身元不  
住猶自繫吾袍

### 聞沈君典計

休文何日病天地此長徂氣喪都人  
士名銷子大夫  
臨軒空有問築室若爲徒三載曇陽  
約維摩事有無

### 訪屠長卿明府

赤縣太湖西新城雉堞齊市橋連井  
陌官舍傍招提暮  
雨龍腥入朝暉屢氣低小姑如白石  
此地亦清溪  
新色移才子名花作素封水開三寶  
鏡峯削九芙蓉  
載酒春供客當軒日課農湖心閒說  
法時引隱經龍

### 與傅伯俊明府集王百穀半偈齋

冰玉神明宰相逢小隱家名僧非祝  
髮半偈亦垂  
跡吾道空無垢君言大匪誇菩提如  
有子不植縣中花

陪祀 長陵

乍承使命下鑿坡望裏燕山紫翠多北極手開新日月  
幽宮身獲舊關河百年虜塞消烽火千載祠官走玉珂  
夜半涼風收宿雨月明疑見翠華過

陪祀 康陵

紅堤百里偃平蕪雲擁玄宮樓上都寶帶城圍人語斷  
被恩殿迴月明孤青林自昔無黃鳥紫氣非關有玉鳧  
重感天心真為國南巡猶不到蒼梧

社集得皮字

鏡湖清淺葛峰奇十畝池居一園師已去年華鴻雁度  
八園雅集卷十七 三十四

乍來春色綠楊知浮沈杯酒憑元亮去住扁舟學子皮  
過我高懷且低唱避人踪跡恐人疑

橫宮

聖朝典注重祠壇異代園陵載禮官奕葉 龍飛周玉  
帛歲時虎拜漢衣冠西來禹廟同為狩東望虞山獨是  
橫却恨康王歸國後飄零二帝玉關寒

訪沈嘉

夜半蒼茫問草堂蘭亭山色到勾章醉餘元亮今初醒  
病後休文轉欲狂彩筆動搖雲氣薄朱絃錯落月華涼  
平明把袂重回首兩雪山陰一棹長

東坐主王先生

獻壽高堂乞此身無端神女又朝真玄門合作多靈  
白眼相看亦宿因吾道可容開口笑世情那復捧心顰  
本來不問人天路總是仙班第一人

與王敬美學憲夜坐

君家兄弟自仙官風骨泠泠玉露掛對向關中標赤幟  
直從方外戴黃冠西來不踏咸陽雪老去誰成句曲丹  
莫為吾曹多供具諸峯霞氣總堪餐

顧玄言壽藏

解綬南州即首丘冠龍遺簾亦菟裘行拚世味消雞肋  
八園雅集卷十七 三十五

坐理玄言對虎頭大石流觴春窈窕小樓長嘯暮優游  
楞伽讀罷僧寮散華髮蕭蕭獨杖鳩

送劉先生歸青田

極目天涯涕淚懸忽逢江嶺更凄然蛾眉衆口仍歸越  
駿骨千金不死燕坐裏故人來白社行看仙圃到青田  
河山帶礪金書在未是留侯辟穀年

趙朝夕厭未央鐘洞裏青霞亦素封疋馬南來無恙改  
萬山東去有芙蓉衣消麟彩綦為履見謝鯉臨玉作節  
從此仙踪蒼嶺上石門高比丈人峯

早春過焦山

鶴山人去不回海雲深鎖未曾開樓臺影向天邊落  
鐘磬聲從水底迴錦浪西來分作雪夜潮東上湧成雷  
中流一柱容吾老尊酒高亭坐落梅

### 飛來峯

西天鷲嶺最高峯忽自飛來踞浙東力士不驅秦帝石  
浮屠猶帶梵王宮慧燈夜挂寒星動法鏡朝懸海日紅  
只恐他年又飛去萬家烟火入鴻濛

### 三屯營城上

四面屏開一帶環受降城築錦雲間結亭曲引湖頭水  
倚閣平臨塞外山直上三千超法界好憑百二壯秦關

陶比部

國雅卷十七

三十一

江東子弟紛如許白首徒戎未擬還

### 登盤山

萬石山分十二盤盤盤宜入畫中看上方鐘磬雲初度  
下界松楸雪未乾幻作金身叢舍利丹成玉液轉泥丸  
千巖萬壑那堪並落日深林興未闌

### 送薛華蘇州守補平度

初試銀青下大夫武夷今復尚萊蕪車前五馬天南北  
夢裏三刀事有無靜夜絃歌來闕里高城樓觀俯蓬壺  
文章不礙循良事齊魯諸生望未孤

### 雲陽精舍

上方仙子若為傳十四修真尚女流一鉢胡麻烟火絕  
赤松空自笑留侯

未諧結髮早稱孀左髻蕭蕭弔白楊自是前身羞弄玉  
徐郎爭得似蕭郎

青龍為駕彩鸞驂一道晶光破鬱藍不是天孫行第七  
西池南岳總成三

佛在中心不在西人間三教總吾師諸君擾擾無勞問  
因果從前只自知

### 夏日讌集吳門徐少恭園亭

匡廬飛瀑引蘭亭珠作垂簾玉作屏九曲飛觴流不斷

陶比部

國雅卷十七

三十二

仙人縹緲細吹笙

天上繁華是帝都人間第一即姑蘇館娃宮冷西施去  
歌舞如今更有無

### 白雁

蘆花月下影徘徊秋色無端白雁催可是蘇卿消息遠  
經年殘雪帶書回

### 宮詞

宮中昨日拜長秋十五如花黥自羞見說君王將御殿  
朦朧認取翠雲裘

明朝出獵上林中天子親提白玉弓粉黛三千齊笑



金鞭馳突百花叢

昭陽殿近未央宮魚鱗千門闌通妙舞清歌無晝夜

誰將紈扇泣秋風

竹枝詞

春山山色翠如鬟上下流泉響環環水面一峯青窈窕

生憎人喚作孤山

儂坐中庭望月圓郎遊何地對蟬娟若過夜半君休到

城上烏啼不教眠

聞郎指日出江村儂抱香爐對月焚不信焚香郎自看

單衫雙袖尚氤氲

陶比部

八國雅集十七

五八

郎云九日去登高南北峯頭看海潮儂自不堪山路遠

待郎同上段家橋

三生石當望夫臺一去遼西雁不迴郎君有心寧道遠

西天靈鷲也飛來

湖上無如帶雪新天孫調得粉花勻郎今試把青山望

一片瑤光白似人

誰將蔥草剪成花染作葳蕤五色華十對百錢郎不買

雙垂空手到儂家

郎家住近岳王墳儂住清波緊靠門一望烟波三四里

新桃嫩柳對銷魂

吳太守名勉字子勤號敬軒始居南鄭作

遷志厭塵俗因家南河濱去城僅里許地僻堪棲雲居

然山林趣況復非離羣繞屋皆水竹開扉見耕耘遙望

傍郭山空翠來氣氤氳于適魚鳥性出入恒欣欣稅地給

食借書廣前聞感彼南陽業時吟梁父言

彭城謁留侯墓

千載留侯墓新碑尚出林赤松言竟謬黃石術何深無

限興劉輩同時共陸沈長河流不盡唯此報韓心

訪李岵嶼山人

吳太守

八國雅集十七

五九

幽人棲隱處一經絕塵氛山翠窓前合泉流竹裏分烟

霞誰是伴康廬故為羣相對澹忘去西巖日已曛

羨爾能忘世幽居淨垢氛柴門一澗繞草閣兩山分盡

日和雲臥經年與鶴羣黃庭閒讀罷倚杖看斜曛

贈丁隱君

雲臥吳門客儵然遠俗情才高文寡和身隱道先成白

髮窮莊叟青山老伏生幽棲求大藥遠思托蓬瀛

元日仲山王先生過蒙泉汪先生書屋有作次韻

舊園開新逕方塘一鑑清草玄亭始就問字坐常應迺

屋青山色到門流水聲慚余時造席鼓瑟似侯生

送王會泉武庫出守永州

僊郎戎政擅才名 簡命熊轡向楚城  
車騎舊瞻司馬節 旂帷新識使君旌  
九疑南接湘江遠 五嶺東連粵路平  
遙想行春風日好 瘴烟消盡百花明

新霽太平堤遠眺

策馬出北門 秋雨欣始霽  
長堤淨纖埃 芳林景逾媚  
下有萬頃湖 一碧渺無際  
盈盈菡萏花 香氣薰人醉  
遙山送奇觀 近壑增幽邃  
雄雉帶崇岡 掩映若環翠  
鷗鷺縱翱翔 麋鹿戲成隊  
詎意公署閒 有此山林致  
而我良自適 出入有真契  
匪以軒冕榮 祇愜丘壑志  
笑傲白雲司

集六

八國雅集卷十七

中下

浪謂神仙吏 身擬逍遙遊  
心出人間世 素位樂有餘  
外此非所計 嗟彼蓬艾人  
擾擾將安憩

白下逢吳幼安同年次余伯祥太史韻

避難憐君數載餘 相逢何意鳳城居  
入門未問寬將白 把袂偏驚鬢已疎  
去楚應多江畔賦 悟梁誰上獄中書  
嗟余素慕窮交誼 欲學朱家愧不如

送衛居夫比部考績

明刑三載績持以報 重華暫去白雲巖  
還乘銀漢槎 飄飄秋兩岸 楊柳月千零  
不盡臨歧意 江天散夕霞

病中喜得吳川李憲則諸公書

葉滿深巷忽來千里書 開緘問眠食 別愴居新  
後思何切 當時術愧疎 獨聞新令好 便覺隱憂除

新正五日同諸省文遊靈谷寺分得山字

策馬叢林遠 禪官倚半山  
客遊蒼藹逕 僧定白雲關  
塔影長松外 絃聲空谷間  
誌公遺跡在 流水日潺湲

初冬同鄧海陽陳紹龍二丈遊牛首

為探塵外勝 載酒恰初冬  
逕曲可百折 山深知幾重  
晚烟迷古木 寒月出高峰  
一望諸天近 雲端起暮鐘

禪堂墻影偈

墻影倒垂是 司影人見墻影是  
幻見本來無 見亦無影

集六

八國雅集卷十七

中下

達者了此不必辯

賦得春雪送馬印臺武庫分憲嶺南

朝來雪滿鳳凰城 把酒津亭惜別情  
續分乍辭銀闕曉 軺車遙發玉山晴  
論兵久著南中望 分憲先馳嶺外聲  
共羨伏波方畧遠 再看銅柱勒勲名

送丁庸卿民部考績

度支南北兩為郎 又見旌旄謁建章  
入奏行看新寵命 趨朝猶列舊班行  
詞高白雪人難和 名在青雲老不妨  
聖主只今非重少 莫嗟留滯似馮唐

同年汪立伯新構草堂賦贈

樹色侵簷碧山光照几青坐令塵世遠疑是子雲亭  
靜裡、一遠塵中地自偏琴尊有餘樂誰謂吏非仙

戊寅元旦恭謁

孝陵

聖主當陽歲月新 帝陵朝謁肅南臣山迎佳氣千  
峯紫殿擁祥雲萬樹春龍興快覩龍蟠虎拜忻逢虎  
嘯辰微末忝隨羣辟後遙瞻山馭儼楓宸

贈閬山人

大火中天日何烈茅堂獨坐苦炎熱山人揮塵忽相過  
頓覺空飛白雪我聞山人早悟仙幽棲物外不知年  
偶來吳下混塵跡此意應知玄更玄古貌奇嚴精鍊天

蘇大

八國雅集十七

四三

短髮蒙茸亂披首坐對赤日終希言夜淨高歌更呼酒  
身披一衲無暑寒日精月華呼吸完丹砂養就人不識  
白日應能生羽翰嗟予偃蹇風塵吏相逢何幸能相示  
採芝倘肯許從遊輕世願將簪紱棄

送成鑑吾省丈推稅淮陰

把酒江亭落葉黃仙槎遙去楚雲蒼共憐漢署淹金馬  
却羨江陰隱玉里桂滿小山堪作賦月明滄海待飛觴  
莫言推務煩詞客舟楫由來屬 廟廊

鑑吾故翰林

送宋育齋水部挹舟儀真

相送仙槎出鳳城雨餘湖漲大江平到關應見誅求少

估客歌謠是頌聲

冬日施懋揚祠部寄試士錄

荒齋對雪獨徘徊忽報雲鴻下鳳臺多士名從天上錄  
故人書向日邇來秣陵芳草寒仍綠燕邸梅花春又開  
廿載交情知不淺相思何地生 衙杯

人日直宿署中寫懷

秣陵七見柳條新此夜那堪入直頻千里雁歸龍塞月  
一枝梅露鳳臺春歲星應向吏中隱人日偏宜酒是親  
獨嘆鬢毛今漸改五湖烟景好垂綸

法曹觀花因遊佛國寺却懷陳珍凡有感

蘇大

八國雅集十七

四三

為赴看花約因來佛國遊半林藏古木一徑遶清流懷  
友曉黃鳥逢僧問白牛坐來增感慨悵望思悠悠

清源道中懷李虛谷處州

晚天連遠樹宿鳥各投羣清吹遶流水征帆拂暮雲歸  
程難預計獨酌易成醺唯有懷人意蕭然坐夜分

過清明已數日聊城道中始見桃花

水滿長渠柳滿堤天桃初放乳鶯啼令人錯認江南景  
不道春深尚在齊

國雅卷之十八

勾吳

起

王太學

名稱登字百穀號玉璫長洲人嘉隆間太學生

夏至日渡曹娥江

會稽逢夏至朝日散羣峯問路有千里渡江非一重空  
山祠粉黛荒塚葬芙蓉寂寞無人問曹娥與蔡邑

袁相公閣試餅中紫牡丹詩

名花開近掖垣邊一朶風吹映日鮮色借相君衣上紫  
香分太極殿中煙杯含仙艷春爲酒翰染天葩錦作篇  
何幸書生叨共賞不才深愧沐恩偏

美學

八國雅卷十八

一

九

雨中寄顧汝和舍人

花間小雨濕衣輕夜半思君隔鳳城尚食官監邀翰墨  
射聲校尉識書名齋廬西畔濡毫待香案前頭捧硯行  
漢武若言封禪事茂陵今已著書成

虎丘寺送沈孝廉遊金陵

七月江門路柳枝含白煙羨君遊上國俠氣何翩翩王  
珣宅上魚鱗瓦一樹長松堪繫馬尊前不見石城雲君  
去須經石城下西風吹雨入紅亭竹葉爐頭飲易醒醒  
後佩刀騎馬去成名須及鬢毛青

何山道中

山生樓隱處寒嶽至今名村井當門鑿山田避石耕牛  
半散野色鳥雀亂泉聲十月農功畢家家蜡鼓鳴

龍母廟

松塢石林林秋風萬壑陰泉清塵客耳花照定僧心龍  
去野祠破鳥啼山竹深蒼生饑渴甚朝夕望爲霖

訪岳山人不遇

石澗巖巖枕松堂坐寂寥山餘龍母廟地隱鹿門樵開  
徑踏黃葉題詩剪綠蕉採芝空谷裏日暮不能招

洲通二上人見過

茅屋袈裟集飄飄惠與林蓮花舌上發柳色肘間侵傳

美學

八國雅卷十八

二

之

法燈雙照安禪臘並深如何病居士五蘊獨沈沈

走索

翠架千尋綆青山十丈紅金蓮不在地羅襪似行空步  
捷遊絲上身輕一線中只愁冲舉去無使久臨風

病中簡文丈壽承

竹門無客不曾關黃鳥多情去復還疾是煙霞難服藥  
性同麋鹿合居山盤中苜蓿官如水屋裏蓬蒿鬢漸斑  
歸去虎丘雲滿寺與君箕踞弄潺湲難服作

燕山買宅簡范于公員外

卜居燕市屋三間揚子爲隣意共閒雲氣無心上廳事



馬蹄終日過柴關雨中欲補門前柳窻裏難添枕上山  
從此不嫌來往數問奇多在月中還

碧雲寺月出贈朱十六短歌

燕山一片月夜照白蓮花千里萬里同爲客三人五人  
齊憶家與君俱是悠悠者意氣相逢不相下平原俠士  
能鬪雞邯鄲才人堪換馬明星落木亂紛紛同向山中  
卧白雲秋風乍起黃花寒明月初生青草墳齊門彈瑟  
相知少漢庭執戟郎官小漸離筑傍流水立干將劍上  
青虹繞才子風流多落月青樓狹邪善諧謔趙玉刻就  
空篋柱蜀繒裂作鞦韆索禪燈繡佛夜厭厭半醉能歌

汪太學

八國雅卷十八

三

阿鵲隨朱公大笑黃金盡三十青衫一孝廉

萬安山老僧

雲裏白頭僧城中到不能門人皆乞食亭子獨傳燈樹  
白知秦塞天青見漢陵不須留下榻秋氣夜難勝

冬夜同陳秀才雙塔寺門步月

上書人不問歲暮嘆漂零塔古芙蓉黑城寒睥睨青月  
過馳道看水遶御溝聽莫調元方小堪當一德星

下第書懷呈納言姜公

鳳城簫鼓夢中聞天上人間自此分鄉路三千俱是水  
世情一半不如雲野人歌後非無曲莫馬空來尚

在漢廷司獻納肯因流落薦雄文  
得張將軍書

鴈稀魚斷兩浮沈馬上煩君寄好音一諾未能酬季布  
三言先已毀曾參因投白璧難防劍不識高山且罷琴  
憔悴王陽滿牀病彈冠深負故人心

寄黃丈一之

漢庭空說起徵君吳市猶聞卧隱淪何處黃金能買賦  
誰家白壁肯周貧花間不醉無三日竹下論交共幾人  
寄語灌夫休罵坐古來賢達貴謀身

哀相國故居訪李孝甫太僕

汪太學

八國雅卷十八

四

魚文匕首不離身馬踏長安市裏塵重過揚家舊亭子

侯氏老門人朱欄易主花無色青眼逢君酒可親

同是中郎琴畔客一般憔悴各沾巾

卧病過江都歐博士見貽太山記因贈

扁舟卧病廣陵城折簡深煩地主迎應劭記言封禪事  
馬遷書叙遠遊情齊題首偕詩空寄酒壓桃榔醉不成  
珍重投珠賢博士天涯能念舊王生

塘栖

水濶雨溟溟飛帆去不停入聲兩屋斷魚市一江腥雲  
已辭吳白山初到越青侯生數行淚千里弔玄經



織錦辭寄徐兒

燈前織錦雨吹寒忽憶行人未渡江織出鴛鴦才一半  
行郎歸日始成雙

嘉興夜泊

樓船旗鼓舊征夷攜李城邊屢出師河邊戰場俱是箭  
雨當蠶月盡如絲寶刀亂後條桑用白馬功成負米騎  
來泊闔閭軍敗處越人猶自笑吳兒

錢塘夜泊

孤舟三日雨淙淙夜泊錢塘舊建邦桑過石門青拂枕  
水經攜李集舍窻六橋花盡休携酒五月潮平好渡江

此去報恩慚烈士匣中龍劍氣難降

莫文學

名是龍字雲卿號後鵬  
華亭人嘉隆間邑庠生

巫山高

巫山高不可招陸行無車使我心勞江水深杳難尋欲  
渡無梁使我心傷我思之人天各一方山川悠悠音容  
渺茫赤鯉波濤迴冥鴻關塞長徒有數行淚夜夜沾衣  
裳相思不可見何如兩相忘

夏日與吳門顧伯子周山人集顧氏西園

暮雨散江郭條然竹樹繁重林隔煩暑一室晤清言不  
負西園約同傾北海樽論交重嵇呂千里命飛軒

訪周學士

共言懷夙好十載重逢君倏爾凋青鬢依然卧白雲高  
標霞外映新詠三閭聞自笑樊籠者何當入鳳羣

過城南禪林訪無波上人山房

竹樹傍幽麓蕭疎一逕通黃金開象地白法祕龍宮高  
座秋山裏孤尊晚照中清游從七子鄴下有遺風

顧仲方招隱園

清秋乘興訪名園巖壑蕭疎桂樹繁花外朱橋綠斷岸  
竹間蒼岫引飛軒空山猿鶴堪招隱滿地煙霞久避喧  
翻笑淮南重方術八公徒著養生言

寒日與何翰林登虎丘

時郡太守禁游山色  
雅靜因坐移日有作

林丘寂寂對寒暉半鎖荒苔立馬稀何處齋鐘心共遠  
當年歌管事全非空潭雲氣生衣冷幽壑泉香入酒微  
盡說高陽罷游讌尚容山中歸

與馮文所同集金閶城下得來字

榜歌

限暮色蒼茫到酒杯極浦鳥無帆影沒

空江潮雜雨聲來鶯花茂苑投新社麋鹿吳宮訪舊臺  
滿座雕龍懸彩筆風流誰數鄴中才

靜海寺潮音閣晚眺

喬閣俯城陰松篁一徑深晴雲搖海色夕梵起潮音古

成關門斷山程驛道侵江流無日夜東去似鄉心

南館獨坐得邦憲書并前韻

一畝雲連鄣三家水抱村時方賤蓬累我未掩柴門雨  
足春流滿溪深曉霧昏嗒焉齊物理翻喜故人存

雲松歌贈許山人

縹緲孤雲何處歸翠濤蒼雪望中微竭來林麓散晴霞  
參差洞戶生寒霏喬柯盤屈虬龍舉白晝冥冥自風雨  
浮雲無心閒可憐松子多情亦楚楚山中之人樂未央  
松爲我巢雲我裝君不見長安道上風塵苦何似山中  
日月長

國朝

卷十八

七

題王青州小祗園得閒字

精廬高結海雲間坐卧能消白日閒卽以祗洹開覺苑  
翻從人境立名山風過竹院吹鳴磬月到松扉照掩關  
何處潮音生妙響閣中清梵欲飛還

張長輿訪余城南

縹緲羣峯外青帆一片來人曾經歲別花已半春催殘  
月流書幌浮雲散酒杯寄言樂興者莫便刻溪迴

送馮子潛游金旌

天開洞壑兩峯蟠地俯蛟宮六月寒君到正逢秋色蚤  
平湖落木鏡中看

童太末

名珣字子鳴號紫山太末人嘉隆中寓梁溪

旅中述懷

悲風吹遙林經歲忘還家行行日復夕冉冉天一涯天  
涯多苦辛千里徒傷嗟明月照長途思鄉淚如麻故人  
勸加餐執手爲我謂情意一何深還因念微痾

過周叟家

舊識龐公操到來滋隱心年華藤作杖叔姪竹爲林雞  
犬無王事桑麻自綠陰余家亦畝畝未及鹿門深姪作佳  
度穹窿山尋顧山甫秀才

亂石隨飛鳥蒼厓歷百尋爲探高士去翻惟隱居深水

童太末

卷十八

十二

近五湖色人傾千里心草堂進指點雲氣盡沈沈

顧玄言同知要游牛頭山病不果赴

旅邸馬卿病蛩聲滿枕秋思君騎馬去寒月上牛頭星  
斗天河近江山雲氣浮明朝有新賦好與慰離愁

訪金子坤

佳色帝城滿尋君還獨荒避人苦蒲地款客草爲堂舊  
姓來西域時名動大梁漢廷方重少誰爲薦馮唐

送梁伯龍游五嶽

出門雲霧氣知是訪山川綠樹春方半黃河路幾千落  
梅城外笛行李雨中船道上入爭訝禽生是

過陽山草堂席上贈顧徵士

黃髮開新社青山遶舊廬種松全煉墨搗竹半抄書  
草賦家爭寶蒲輪郡有車卽看耆舊傳蚤晚勒秦餘

馬睹寺

傍城蕭寺好白馬幾年東佛座人煙外山門風雨中  
一僧孤錫冷雙樹半潭空見說陶元亮時來問遠公

吳幼元光祿園亭

名園仙吏隱石畔葑爲房門染芙蓉色墻懸薜荔香  
下帷花撲卷高卧竹當牀別有懷人處題詩月滿廊

周將軍廟

重太末 八國雅卷十八

樹裏將軍廟桃花入座丹路人瞻水木縣令護衣冠  
劍在精光泣神歸風雨寒余鄉知有虎慙愧拜靈壇

送成清甫之金壇

客路送君去援琴水上彈東風吹玉舸何處是金壇  
濁酒柳絲亂暮雲山色寒莫嗟行李少人久識馮驩

丹陽道中

小艇謝逢迎寒煙浦水生斷岡吳札廟亂石呂蒙城  
莫問楚人草猶餘漢郡名倘能賦風土不遠是西京

烏夜啼

城烏且莫今夜啼江東游子猶未歸含愁飲恨燒銀缸

金梭鳴鳴泣蘭房當窻忽見山月黃却疑照人行路旁

關山月

賀蘭山頭一片月長安城中萬家雪征人夜渡流沙去  
渤海蒼茫玉門曙千里和連草色腓黃雲白鴈何年歸

秋夜吟

高天忽翻輾轡影劍子不眠光耿耿江上西風玉簫寒  
山川萬里銀牀冷銀牀玉簫秋水滴孤月數聲響无笛  
東海吼裂老龍怒當空墜下支機石夜夜遙疑啼峽猿  
道上行人半頭白

送秦汝立游茅山

重太末 八國雅卷十八

煙雲滿逕玉淙淙又與茅君著屐逢洞口鶴窺曾過客  
雨中人上最高峯華陽澗水紅千片舊館壇碑墨幾重  
乞得靈詮書白練歸來休道覓無從

秋日過顧同知長治園池

高卧元知是舊林階前秋色自蕭森乞歸田里無蒼鬢  
種得園花有赤心作賦半因長日遣看冠多爲故人尋  
年來草就知非歷爲說蓬生尚在今

贈陳寧卿

未到河陽縣政聲喧路旁峯高隔嶺見花滿過春芳公  
牘無盈案私錢不入囊因知供客酒猶是故園將

宿上封寺

上封林處磴千盤爲訝高雲碍竹冠晴氣滿空還似雨  
秋光未半忽生寒客來石上占星麗僧住巖前作鳥看  
一榻偶然經磬側誰將銀漢挂闌干

室春道中

莫言臺榭只宜春春色遙看解妬人一自平津罷歌舞  
可憐燕子落東隣

爭傳鑿石布春隄爲使行人路不迷星子河因隨石隕  
道旁翻蓋楚猿啼

摩訶菴

龍太末

八國雅卷十八

十五

詩

入門幽事滿春殿說無生未下空王拜先勞小則迎堵  
前開樹色花外落鐘聲却婉初來客袈裟識姓名

丘戶部

名齊雲字謙之號若泰湖廣麻城人嘉隆間官戶部郎中

暮行西山道中

出郭尋蕭寺偏緣芳草行溪深雲欲雨山遠樹爲城一  
徑一花色無時無鳥聲不知湖上月飛向馬頭明

張明府至京旋還宣陽邑博

三年同蜀道此日聚燕臺命酒對華髮憐君自異才明  
珠元有謗蕭瑟易爲哀誰念綈袍意相看把臂來

送王年兄分權濟甞

離亭春欲盡把袂故含情劍閣花間發樓船天上行  
歸江樹合雨過夕嵐平是處堪相憶空憐片月明

送鄧文學南還

十日且未飲那知千里分金臺不得意空負北山文潮  
落寒江月帆移遠岫雲天涯杯酒後何地可逢君

送梁思伯使山東便歸羅浮

仙郎擁節前門前把酒愁看萬里天青海秋陰分蜃氣  
東山雨色入樓船葡萄不盡棄槎事鸚鵡先傳過楚篇  
後夜羅浮明月下可能回首鳳池邊

夏日董侍御叔玉約遊陳金吾園汎舟短述

唐詩

八國雅卷十八

十六

詩

載酒晴開棹尋源地漸幽竹邊調鳳笛花裏出漁舟新  
霽合初暑殘雲傍曲流幾回迷遠色一一似滄洲

送涂明府之龍游

少年鴻策獻黃扉暫藉龍游下紫閣寶劍匣中星欲動  
仙人天上舄初飛青山萬里移舟出綠樹千家帶雨稀  
倘過嚴陵須問俗非熊強半在漁磯

送楊懋功守姚安

燕市年來共卜居君行萬里獨愁予花間桑落時非舊  
筍裏瓊華日漸疎金馬秋深惟有夢碧雞春遠憶傳書  
從來意氣難離別誰爲憐才薦子虛



送童子鳴南歸

燕臺尊酒惜離羣不分黃金此失君短髮鏡中生白雪  
敝裘江上卧秋雲舟過別浦漁歌杳家在寒山樹色分  
薦士只今無狗監煙霞應護子虛文

張少參名子仁字安甫號澄齋無錫人嘉隆中官四川少參

涼夜懷毛青城太史

落日下午川原涼風吹几席煩氛忽掃除庭戶生虛白悵  
然掩芳尊漫對琴書適佳人期不來何以永茲夕仰視  
浮雲馳翩翩遲飛鳥

秋日遊東山寺

秋深溪澗碧獨棹訪東山挂壁猿窺鉢緣蘿僧閉關濯  
錦空濛裏峨眉曾漢間冷然振高嘯意與白雲閒

游花源寄九華顧丈

蕩舟花源裏夕陽半在山樹深依澗碧閣迴入雲間  
意不能語客來常閉關區中有真隱溪水日潺湲

永日

羣動不自息在苒悲流光何如茅齋靜抱彼瓊樹芳遠  
山列層嶂一水搖微茫曠焉脫塵網愛此庭日長

雨餘

雨餘秋草碧煙霧尚霏霏山外江流轉幽人半掩扉

華比部

名叔陽字起龍號玄谷無錫人嘉隆中官刑部主政

贈思萱處士

愛君卷跡栖環堵陰陰藁木清溪午階前萱草晚含滋  
隴上麥苗輕着雨春風吹鬢酒盈尊傲倚南窗聽鳥言  
但令勝事堪娛老何必丹丘訪羨門

春日閒居

殘雨收空曙間庭日遲遲田夫念歲事荷鋤適東菑清  
陰匝廣路朱英綴疎蘿俯愛潛魚躍仰視浮雲馳雉啄  
聊足止蠖屈自有時休跡依林丘散帙方垂帷沈心往  
千古塵想忽若遺揚子守玄言寂寞吾與期

晚雨

欹枕曙光入空濛雨未收濕陰庭樹密暗響石泉流巢  
鳥翻猶怡簷花落更幽當軒理巾櫛蕭瑟况疑秋

家居歲忽及暮

失路稅征駕還山理漁磯門前舊時樹垂條拂人衣故  
園高卧思悠悠歎息年華忽已周極目浮雲暗燕國愁  
心芳草滿吳洲燕吳迢迢渺煙水美人音塵隔千里東  
風何處語流鶯日暮空庭聊徙倚

贈沈道禎

彼美中林士肆情遺好爵窮覽歷瑋麗寔探契玄漠吐



雜詠雅解衣任紫磚陡然天機發丹青時問作醉  
散霏煙飛毫架層壑洞庭春波平蒼梧暮雲薄潛神已  
絕巧師意匪祈博遊燕亦軒鴻歸吳更藏瓊伯通有遺  
墟幽踪諒堪託

和韻訓外舅王公

余昨歲有杭關之役尋以病寓魯上疏請歸因得數字

嬾成中散癖禮任步兵疎官拙慚懷祿時違罷獻書及  
關將隱矣過魯歎歸歟負部饒生事沈淪意自如

讀陶詩用讀山海經韻

寢瘳歸故丘日與人事疎時雨沐平林清蔭滿衡廬沈  
心契玄理汎覽綜羣書荒屨足施羅窮巷罕迴車開簾

見遠岑葦圃長新蔬閒詠彭澤詩願令微尚俱苟得怡

吾志折腰非所圖緬焉欽素風千載誰復如

夏日閒居用左太冲韻

夏日閒居用左太冲韻

端居感馳光荏苒忽至今清風披層軒幽牕寫孤琴碧  
藻被文流丹葩綴重林灌畦愜機忘混俗甘陸沈白雲

幻奇姿玄蟬奏高音偃仰北窻下嗒然起微吟萬物欣

自榮聊用舒吾襟真賞足丘園何事嬰華簪

送洪上人還金陵無訊守愚師談經報恩

去住本無意那堪孤思深數沙憐幻跡航葦見遐心風  
定潮音寂雲歸山氣陰遙知弘法處花雨徧空林

翟進士名鍾玉字德甫號荆山嘉定人嘉靖間鄉進士

肅皇帝輓詞

內殿傳遺詔僊遊去不還歲經瞻日馭想象見天顏草  
色悽含露泉聲咽過山扳依去莫及悵望五雲間

文姬入關圖

胡笳彈淚翠眉顰白草黃雲暗虜塵翻恨漢關今夜月  
如何偏照別離人

哭孫懋衡

自信龍韜可致身十年短褐走風塵湯投白璧寧辭肘  
盡散黃金不問貧羈旅福衡空有賦平生樂布是何人

也知壯士能輕死爲爾長歌獨愴神

十九

送大還吳中

悲歌當易水別酒濕征衣季子貂裘似昭王駿骨非涼  
風驚客夢明月待人歸莫憶西遊好山中有蕨薇

寄黃六秀才

別子都門又十年憐余短榻只蕭然蘭生壁在終歸趙  
郭隗臺空莫問燕幾望少微懷舊隱每從白雪見新篇

任公遊倦還多病欲向吳江理釣船

王戶部名三錫字川懷號華嶺蜀內江人嘉隆間戶部主政

送李侍御巡按廣西

送李侍御巡按廣西

法星臨處古交州使節遙看萬里遊雲擁朱輪千嶂合  
花迎豸繡兩江浮燕臺舊避三雄馬粵國新披五月裘  
銅柱羈縻非盛事卽看青海欲全收

雪夜今二首

夜半風沙長安一丈雪凍死無衣人紅樓燭未滅  
朔風吹胡馬飛雪滿陰山江南春已遍不度玉門關

元夜訪江鴻臚和見貽韻

同君對明月徙倚當層軒移燭看雙劍開襟共一樽雲  
依銀漢曲星傍紫宸尊白雪勞相贈平生諒所存

春日同賈洪菴遊大石和韻答之

行春花鳥若爲從仍訪名山過梵宮片石倒懸雲外壁  
太湖遙送檻前風興來有客能思戴賦就何人爲薦雄  
最是論心還勝賞調高白雪許誰同

答周光山

汝上空原春雪消大梁西望路迢遙吳雲散入嵩陰雨  
淮水流殘海夜潮何意雙魚將人素應憐一鵠隔層霄  
那知喜極翻成淚十載交游轉寂寥

秋思

西風一夜送微涼葉落花殘漏滴長何事深閨先識得  
月明處處搗衣裳

山人名稱圭字建初號九野長洲縣人嘉隆中名士

聞趙太史談祝融之勝喜而賦此

絕磴危梯訪祝融風流金馬幾人從尊前杖屨千里  
雲裏芙蓉七十峰倚閣晴飛青澗雨聽猿夜渡翠微鐘  
仙郎石上留題後回首烟霞處處封

詠懷

年來擊筑酒人傍不遂鄭枚事孝王逸駕信非臺上骨  
片言誰贈囊中裝青山夢隔看飛鳥華髮秋深對夕陽  
寂寞子虛猶未就相如早已倦遊梁

康徵君裕卿

玄襟白幘帶雲霞夢裡青山是永嘉旅食豈同彈鋏客  
論文時過賣漿家西京賦就空詞苑五岳遊來幾歲華  
把臂共憐鴻鵠志黃金臺廢莫興嗟

客舍書懷呈社中諸公

半生憔悴惜芳時暮楚朝燕鬢欲綰身似白雲俱不定  
路同玄鳥獨歸遲草枯塞北驚馳逐砧斷城南怨別離  
喜有漢廷韓鄭在風塵忘却布衣淄

送滕北海文學從韓太史陳給諫使朝鮮

天涯匹馬逐知音鴻鵠冥冥萬里心鳳口晴雲丹詔遠  
鴈頭秋水綠江深山川摠謂驚殊域詞賦何妨問上林

木冠箕子國蒙中却贈真無金

殷進士

名都字無美號嘉  
定人萬曆間鄉進士

過蔣將軍得風字

建牙逢暇日入幕揖長風興豈秋光薄詩將海色雄  
沉閒自卧白墮醉能空莫話麒麟事清時不論功

長興齋中對酒

片席蕭齋共厭厭僕屢更勞生知酒德賤日見交情疎  
竹秋能韻亭雲暮欲平對君如不飲肝膽向誰傾

王青州元美兄弟過訪徐叔明使君卽席戲呈

不辨關門紫氣盈相逢俱作布衣輕道旁五馬遙能識

八國雅卷十八

王

袖裏雙龍宛欲鳴莫倚文章驚一代且呼尊酒盡平生

卽看王粲同徐幹飄泊空餘鄴下聲

東寄襄陽徐觀察叔明

使君三楚舊知名想見壺漿到處迎池上風流惟愛客  
幕中日暇稍談兵解來玉珮花迷渚唱罷銅鞮月近城  
乘興南樓應不淺幾人參佐似殷生

送徐撫戎嶼白狼山

黃龍浦口片帆行已狼山頭千騎迎聞道朝廷思

猛士卽看使者請長纓雲中插羽軍書急雪後燒原

火明此日羨君能萬里腐儒亦復喜談兵

黃伯子名道字吉甫號海南江陰人

與王百穀話舊

以我飄零久逢君感慨深一燈今夕雨三載故人心擊  
筑悲燕市場舫侶越吟相看不盡意何地更披襟

焦山訪卽五游山人

中流孤嶼絕羣塵地僻從來足隱淪一卧三徵不起客  
還樓五嶽雅遊人山將夜色侵衣冷雨帶江聲入夢頻  
我亦儵然遊世久白雲同爾結芳隣

金山卽事

亭倚留雲處雲光上客衣江寒電不起林靜鳥偏依結

八國雅卷十八

王

侶方同調持杯自息機酣歌日云暮煙雨轉霏霏

朝天宮王儀部席上簡袁孝功

落日冶城隈前山秋色開簾容雙燕入風自二陵來席  
向郎官促杯從羽客催還須遲吾子同上卜公臺

朱光祿

名正初字在明號虛谷靖  
江人嘉隆間官光祿監事

湖上

長堤曲曲石粼粼柳色參差接望春煙鎖禁中疑作雨  
風過湖上不生塵翠微懸瀑穿雲白綠渺平蕪入漲新  
隨處青旗能醉客肯嫌身世是沈淪

夜宿金山寺呈同游黎惟敬因讀黎所題碑文

寺僻藏幽勝煙霞滿榻生窓窺遠湖白鐘響出雲清夜  
自傳燈寂心將聽偈明看君題石處共起薜蘿情

同徵甫宿碧雲寺寄懷彭城公

蒲寺泉聲入夜聽重來一宿萬緣清星當座上偏疑客  
月照簾前可是卿結社偶隨猿鶴侶裁書還隔鳳凰城  
爭看白傳新題在錯訝香山是洛京

聽小沙彌如序彈琴

誰道西來教歸空念不生聽時初得調彈處欲無聲綠  
水淨中落青山定裏行總因禪悟理迸入梵音清

送莫觀察之秦中

宋光祿  
八國雅集十八

二五

王

雙旌萬里入函關悵望星軺不可攀此別秦中榆漸落  
應逢塞下鴈初還玉門霜積天連漢青海春深雪滿山  
行部賦成煩遠寄西京遲爾一開顏

送項思堯下第歸鴈山

上書不得意理楫復東歸才是雕龍辯心非失馬譏秋  
風碣石水寒雨鴈山薇楚玉依然在無嗟識者稀

擬出塞

旌旗百道疊秋雲四塞吹笳馬上聞風度玉關固正合  
月明灤水戰初分長楊獵火新驃騎斷續胡沙舊冠軍  
不待賜金酬俠少燕然飛檄報明君

人日集陸尚寶官舍

載酒尋仙省河垂御柳新頻年愁作客此日喜逢人座  
對燕山雪窓臨漢關春金門堪吏隱方朔本詞臣

無題

長干車馬少年同此夕翻疑似夢中楊柳有聲吹作笛  
梅花無數落隨風春山尚闌輝間翠夜月都消枕上紅  
惆悵當時歌舞處夕陽猶照小橋東

次恒陽得邸報寄胡原荆

分違纔幾日去住不堪論白簡臺郎職青山聖主恩  
風霜辭北闕慷慨下中原宣室應憐汝還期詎可言

宋光祿

八國雅集十八

三五

王

贈李岳州

垂楊高處且馮聞此地逢君興頗歡出守卽看符是竹  
觸邪曾許豸爲冠憲令遠岫清湘雨湖遠春城白日寒  
政暇定知支手板遙瞻紫氣滿長安

葉山人

名之芳字茂長號雪樵無錫人

觀海

碧海何冥冥空光連太清白雲飛不過紅日落還生去  
鳥難分影遙山安可名何當借鰲背載我向東行

寒草

臘月寒草色蕭蕭萬里黃連連沙塞雪荒帶游天霜風



疾隼頻下山空兔不藏偏傷獨客思羸馬踏殘陽

送汪子木之豫章

淮楚遊不達豫章西獨行傭書今日事建節異時名千里孤帆影三秋一鴈聲別來龍劍在頻向匣中鳴

贈談太常

談生真阮籍白眼傲時人浪飲百觴酒閒過三十春門將雲似客居以竹爲隣不道清如許高名尚欠貧

憶楚生

陸子身仍隱多應學接輿春生別後草魚絕寄來書慷慨人堪惜疎狂我不如楚王今去遠誰爲下徵車

陳山人  
八國雅卷十八

二十六

言

黃巖道中

黃葉蕭蕭下翠微寒風歲暮薄征衣飛泉當路馬蹄濕落日半峯人影稀作客漫分香積飯隱居空慕首陽薇茲山信可供高卧何必江東汎棹歸

靈江舟中

赤城東去水滌洄無數寒花夾岸開越國青山臨海盡靈江秋雨挂帆來舟中客淚隨楓落天下鄉心逐鴈哀如此蕭條祗須醉已知淪落不論才

荅蕭漢卿

故人迢遞隔江干貧病題詩寄我看鸚鵡賦高人未識

鷓鴣裘散骨應寒千山日落關門暗十月霜多木葉乾惆悵冶城曾宿處從來別後再遊難

偶過顧丈玄言花源真隱因訪南林寶公禪院題

壁留贈

夾岸桃花無處尋此溪卽是武陵深孤嶼閒雲常寂寞澄潭古木晝陰陰高齋幾几臨窻北南林曾比東林宅謝公臺畔獨緇經社裏蓮花露初白避世應非是避秦煙霞咫尺隔紅塵逃禪了悟維摩偈不用天書辟隱淪

入新安溪

可怪新安水舟從石上行不風秋暮冷無月夜深明古

陳山人

八國雅卷十八

三七

子

木何年偃危湍幾處驚千尋猶見底曾數越江清

觀珍珠簾泉懷劉巨公

珍珠泉落石崖秋恍惚簾垂白玉樓樹拂翠煙疑卷幔山橫新月似懸鈎來遊未淬青萍劍沾濕先寒紫綺裘安得一杯同謝客碧巖長日坐銷憂

谷口贈七十老人

谷口隴眉叟逢人問世間安危忘出處耕鑿有餘閒曳杖隨流水看雲過遠山了然無所事終歲掩柴關

壬申十一月十日留別吳虎臣

又依何忍去遠別有憾蘇卿淚無忘鮑二心亂



雲寒鴈斷落日暮猿吟千里一長歎蕭條返故林

贈鄭郡章端伯

安道彈琴隱韓康賣藥貧君能同出處余愧在風塵白眼堪輕世黃金祗累身平生惟短褐應不厭沈淪

曲江夏日酬麗慈

玉樹姿同潤青山色並高試歌成白雪寒壓廣陵濤

雨中望釣臺

荒臺寂寞枕秋山煙雨半裘不復還千載漢恩猶未報至今遺祀斷崖間

張文學

名文桂字仲立崑山人隆慶中邑庠生

去年之日寄答常塗蕭漢卿

去年之日聞提壺蕭郎飲我長干壚今年之日吳天黑江雲萬里俱無色人生聚散信蓬萍空使關河遲行客君從辭家能苦吟余亦薄游意氣深有時拭劍劍欲吼片言之諾輕黃金黃金結交翻手變朱樓咫尺不可見余今骭髀天一涯東風青鬢夢京華向來芳草王孫路惟有千山落日斜落日斜歸騎急春雨江南望江北

惜別

惜別復惜別殘更爲爾遙青楓薄命葉黃柳斷腸條天迴遲寒鴈江空急夜潮秣陵煙雨際暫得鬢蕭蕭

夜泊與無美雲卿同作

青袍爲客日艤棹幾江城天地還吾輩浮沈亦世情郎處村雨暗沙合水煙生此夕當杯意悲歡不爲名清懶窗話別葉落長得何字

開徑故人過當杯意氣多懷中和氏璧膝下寧生歌久客鬢如此別君顏若何所期蓮社在相遲白雲阿

集王青州得前字

遙心曾寄夜燈前高館玄言意更偏白雪近傳詞客調青山元傍使君筵池懸嶮樹留寒雨徑遠長蘿起夕煙獨有潯沖愁病後追歡空復愧忘年驗作密佳

索居二首

遺策因屏俗偃仰一丘間開徑但聞鳥閉門猶見山終歲卧青蘿開門野鹿過所懷惟白雪不向郢中歌

金陵元夕曲

玉館夜還餘南陌東城路不斜隊隊香車牆外過

不知絃管是誰家

成季子

名清字玄夜號震澤人嘉慶中隱淪曲

贈羅處士

舊業稽山下客游吳市門片言輕季布直道媿劉蕡愁髮千絲白雄心一劍存逢人說肝膽那堪趙平原

暑中得九華送王元美之楚之作偶貽陸升

荆門千里擁帆樯夏口纔過入郢鄉  
露冕不辭當渚早風裁蚤已越清湘  
談中憂世常明賦就游仙欲吃羊  
此去若逢歌鳳者莫言座上楚生狂

失題

女郎隄畔赤闌橋十二樓臺鎖寂寥  
楊柳不知歌舞散春絲猶學小蠻腰  
誰家池館秘青霞知是平章公子家  
一自美人乘鶴去海棠零落不生花

聞說仙源卽武陵當年桃李已無馮  
如今庭戶生荆棘

不識漁郎到此曾

劉郎橋下舊名園舞雪歌風繞畫軒  
廿載興亡眼前事令人仍憶越平原

俞伯子名淵字希顏號克菴無錫人嘉隆間太學生

過慧山別業

幽棲憶昔攜書至又日傷秋弭棹過  
古寺鐘聲齊閣滿西林風葉夜窻寒  
尋丘壑探玄寂欲置行藏傍薜蘿  
况是海邦經亂外自應高卧碧山阿

雨坐有懷胡鳳石

花谿閒不掃庭草坐來滋積霧入林重  
沈雲度巖扉

歡遠舊賞素業困清時寂寞空齋卧  
惟應鮑子知

送三少麓

鳳凰臺上春雲曉山色江光盈樹杪  
此時煙雨黯離愁却恨從前歡會少  
畫舫翩翩五兩輕殷勤斗酒送君行  
江皋一去同黃鵠萬里扶搖遡紫清

秋雨後寓目觀音閣

白冶秋高桂影沈棘園初解一登臨  
長江日下千巖水曾閣雲連萬樹陰  
清梵偶依慚見性衆山遙對卽知音  
如何鄙隗臺前路偏繫窮愁望遠心

坐雨呈袁吏部

兩年留滯已難禁况復經旬積雨侵  
斗室坐閒黃潦入荒堦人遠綠苔深  
漂零終是成溝壑落無能起陸沈  
魚鴈不逢過從絕燕臺空說築黃金

暮春過友人別業

弭棹訪仙源幽人久杜門春將花事盡  
晴喚鳥聲繁窈窕同愚谷蕭條類漆園  
知君秉微尚余意復何言

訪鄭渭川

策蹇長千里遙尋處士家徑深藏密竹  
門小翳繁花晤語流雲外行吟積水涯  
莫因愁與病相對却生嗟

園居雜詩四首

幽意在山水單瓢恒晏如地偏人跡遠心懶世情疎已  
見室如罄無勞食嘆魚當年題柱意未忍負公車  
一榻坐來深能滋不染心閒雲三徑合芳樹半庭陰湖  
上子猷棹林中叔夜琴楚蘭吟倘就樂興訪知音  
小院淒風入蕭條歲欲闌蠹編貧可樂鶉服拙宜安孤  
坐芳華歇卑棲去住難庭前丹桂樹暫作小山看  
三春甘雨遍一徑綠雲齊星作荀陳聚花同劉阮迷濁  
醪時獨醉幽壑不辭棲只此堪遺世寧煩養木雞

孤坐

適晤安期叟言從海上回授書傳秘密望氣鬱崔嵬黃

俞仲子 八國雅卷十八

三三

之

葉窺人墮青霞伴鳥來莫言孤坐者株守是樗枋

閒適三首

萬事清閒好幽棲思不窮浮名山水外吾道酒杯中情  
以刪詩適心因看劍雄平生無限意咄咄欲書空  
伯陵甘屏棄余亦任清真有道未爲病無官寧是貧屠  
龍謀竟拙調鶴性初馴一徑蓬蒿滿惟應來故人  
徑爲求竿闢門無車馬過披雲種脩竹拂石坐青蘿閱  
世風波易論交感慨多試尋京洛主誰得似常何

俞仲子

名沂字希曾號少堂無錫人嘉隆中太學生

憶友人讀書湖莊

舊業城南隱新營郭外廬清蘭煩弭棹窻竹稱移書地  
暇人煙少秋深草木疎窮畊三十畝刈獲近何如

和姚潛坤雨後南園獨坐

抱拙事園圃灌溉有常候葵藿連箇舍竹樹亦森茂宴  
坐溪上閣幽然對巖岫曉來疎雨過淨瀨響餘潄長空  
浮雲散日出花影晝事事稱閒曠清風滿懷袖豈無憑  
虛念愧彼列禦寇

古風三首

年華換人代顏色非昔時風吹落花去不復還故枝花  
落豈足惜春歸猶有期人老不再少役役將何爲

俞仲子

八國雅卷十八

三三

之

北山有愚公東谷有智叟愚智吾不知澹泊聊自守愚  
不欲自用智不任掣肘猶豫者久之得解其紉  
吾聞賢達士善爲子孫地積善未必讀無乃擁虛器積  
財未必守勿念身後利愚則益其過賢亦損其志必曰  
如之何積德庶幾是

顧季子

名道瀚字嗣海無錫人嘉隆中邑弟子

送鄒邑侯入覲

上計入長安衝水渡馬寒好因詢考畢重得覲朝端鵷  
蓬逶迤接龍顏只尺看聖明如有問須爲述民難

送胡郡侯擢山西學憲

吳方倚使君賢豸繡西巡司部偏廐外持衡當鎖鑰  
路中獵藝擁樓船雲飛遙帶草急撒色馮陵劍氣懸  
三晉古來多俠節佇聽聲教訖幽燕

應太守方山夜過話舊

清夜相逢把臂呼却憐身尚滯東吳門前五馬樂春至  
別後雙魚隔歲無苜蓿何堪供應劬瘵觚差可擬潛夫  
江潭憔悴行吟者曾比高陽舊酒徒

送三百穀北上應試

王郎俠氣冠江東躡屨侯門處處逢湖海一裘偏翫  
風塵雙劍拂芙蓉文雄漢氏稱司馬才駿雲間識士龍

國朝雅卷十八

三十四

之

華藻少年堪載筆承明還遲譯秦封

送海中丞去任東歸

先朝抗疏誤披龍秉鉞從來望已崇法振秦廷中執法  
風行漢世右扶風咄書閑閣嗟殷浩修刺通家愧孔融  
此去東南傾海岱惟公立節古誰同

詠鳳尾蕉花奉華翁叔父教

靈卉生丹穴高垂瓊影寒祗疑堪覆鹿那誠忽樓璣密  
藥慚苞彩新叢長翠翰翔翔飛不去知爾羨琅玕

孫太學

名七政字齊之號三川  
常熟人嘉隆中太學生

擬古

長何悠悠迴薄竟何已宵人戀川役烈士徇名義  
擾一世中戚戚百年裏棄日無安車趨途有促軌賢  
久不作皇皇知孰是孰有昧玄風崇無聞通旨有無失  
真訣徒令蒼生死所以至人懷玄同混彼此葆光全已  
真朗照齊物理形往鑒匪積響窟谷自止惟有赤水珠  
佩之靡年紀

隴頭水

征夫隴坂上拭淚望秦川不見長安路空聞幽咽泉胡  
沙行莫盡漢節去無年借問流聲內肝腸幾寸全

三月三日自何山入天池脩楔

弭棹尋芳去遂令仙路深幾重春嶂盡隨磬入東林潭  
影浸空剎松風和梵音臨流無用板蓮沼即來心

虎丘劍池送化之弟之金陵

虛壑但空磬翠微多白雲清暉總娛客無那欲離羣鴈  
向瑤京去花當寶地分試看春草色知我夢隨君

家山春霽携逸侶深入雲際諸剎尋討峯壑

江島山雨霽凌曉歷芳芬衣冷分谿靄花深度隴雲招  
提遍春壑鐘梵寂人羣始信青山曲清輝堪贈君

春日尋山作

聞說桃源自好尋且緣漁艇入花陰花隨碧水人間去



青山洞口深芳草只宜麋鹿性春風正冷薜蘿

相逢莫問秦將漢身世悠悠一片心

贈客避仇遊梁時客暫歸吳中過訪

何事桃花索居處門前却有紫駟聲十年別向嶠函客  
萬里不忘江漢情死去避仇憐季布歸來感遇泣侯嬴  
千金昨日購神劍今日相逢即贈行

雪中酬俞仲蔚

松風蕭瑟碧山陲靜對寒輝搔鬢絲架上舊無天子札  
袖中新得隱淪詩君心似水深相許世路多岐渾欲悲  
爲問寥寥高尚者衡門卧雪幾人知

蘇太學

八國雅卷十八

三六

擬明妃曲

一朝辭漢向天驕彈盡繁絃恨未消畫裡不沾金屋寵  
曲中空怨玉關遙

搗衣曲

十載征人去未還闌干搗素淚潸潸半輪山月砧聲切  
那得風傳到玉關

鄔季子

名佐卿字汝翼丹徒人嘉隆中邑文學

王祠部邀遊靈谷寺

帝城誰復賦登樓把酒相看只蒯緱山寺逢僧真似水  
官督客更宜秋鹿驚人語松間出錫帶泉聲石上流

神久迄今多王氣五雲常傍二陵浮

無題

小樓日日燕飛頻夢斷昭陽憶舊人總爲行雲憐薄命  
敢將歌舞怨風塵簾移鸚鵡杯前月漏盡鴛鴦被底春  
誰道牡丹零落盡看花雙淚欲沾巾

艷曲

碧樹映紅樓佳人是莫愁竹枝看引鳳花色笑牽牛舞  
罷月初落歌殘雲欲流何妨千日酒醉殺秣陵秋

西津別妓

立馬江皋問暮潮片帆西上路迢迢人將碧草新晴去

蘇太學

八國雅卷十八

三七

鬼對青山舊雨消雲色自依桃葉渡月明淒斷鳳凰簫

壚頭濁酒春堪醉還訪秦淮舊板橋

鳴玉園寄陳貞父時貞父令靈鄉

飄零湖海識君遲一劍東遊鬢欲絲三徑薜蘿人去後  
千山風雨鴈來時雲分嶽色秋歸峽星滯河流夜入池

最是湘鄉容傲吏鳴琴何處寄遐思

禪堂邀同無從諸君登寶界山以二姬侍酒

湖光秋色共漫漫白首孤亭落木殘亂水直從河漢瀉  
萬峯齊抱洞庭寒花嬌玉女芙蓉面林樾詞人竹籜冠  
我輩蕭然不世無令高卧獨袁安



尋張幼于不遇

不識吳趨路來尋仲蔚居敢題門上鳳寧嘆食無魚握手竟何日論交豈在初豐城雙劍氣空擊斗牛墟

過許墅關

秋色滿吳城西風過鴈聲人家綠水上官柳暮雲平解縵關猶隘干將匣自鳴使君方擁蓋誰問棄繻生

奉簡九華顧丈

芙蓉湖畔白雲深悵望幽人不可尋子夜翻歌俱綠髮平生酬客盡黃金憤時舊著王符論慢世誰知易倚心莫道龍門猶未御幾回曾見郢中吟

國雅卷十八

三六

立

安仲子

名紹芳字茂卿號研亭無錫人陸慶中文學

碧雲寺

寶地浮空一徑盤藤蘿曲曲隱關干泉飛蒲寺春流急月落虛壇夜影寒松際孤雲巢鶴鶴洞陰芳樹長旂檀携將袖裏三山記獨上峯頭掃石看

香山寺

隔嶺藏香閣到門生暮煙斷崖寒積雪細草伏流泉臺指祈星處松傳護駕年石幢苔半繡似欲化青蓮

寒食昌平官舍飲劉少宰

駐馬山城暮東風屬禁煙鳥聲廳事裏柳色驛門前醴

鄉共星辰此夜懸上公能下榻容得酒人眠

送曾中丞赴蜀

玉節遙看萬里行鳴笳吹角震西京天邊劍閣雲為棧樹裏巴江錦作城檄到百蠻新喻蜀圖餘八陣舊藏兵寒帷父老煩相訊詞賦何人似長卿

送董述夫山人遊太山

荷笈名山此送君青天黃鶴自爲羣採將礪底千年藥畫出峯頭幾片雲松老尚含秦帝雨蘚荒全蝕漢時文遙知日觀憑滄海夜半吹笙卧紫氛

將之勾曲便道登王駕部寶界山莊次韻

松風冉冉拂征衣纔到青山是息機看盡湖光惟鳥度行窮樵徑見人稀嘯臺樹杪天連檻爽谷雲深石作扉爲問輞川多勝事何如此地駐斜暉

同鄧徵君過訪姚先生

委巷幽人宅扁舟載酒來長歌春雪調高卧暮雲隈別久霜侵鬢書成草沒臺却憐門下士淪落思偏哀

范使君

名守已字介儒號岫雲河南蒲川人萬曆初官松江司理

乾陵行

乾陵陵是高宗者則天祔葬何爲也行人但道阿武婆唐家天子不稱寫一杯之土昔未乾六尺孤兒已棄

長夜有知陵下逢未語應是顏先緒生前已祀神器偷  
死後尤將園寢假五龍夾日本新錫季相鬱鬱淚暗灑  
君不見玉環妖血草根紅寂寂遊魂自避馬

監軍莊

帝子監軍築塞城沙丘遺詔恨難平  
一諫坑儒禍已萌

邠州

萬山堆裏覓城頭一派閭閻依斷丘  
行人猶說古公劉

因思越昔破吳有云新西子投之江以報鴟夷子

國雅卷十八

四

然乎否乎其魄千載未沒猶思從少伯而未遂  
然耶又為律以平且慰之

華蘿村畔輦歸時翟莽榆衣恨到遲別院笙歌憐故土  
空臺麋鹿愴新知傾城豈是紅顏妬沈骨堪為玉貌悲  
烏啄越王恩自薄幽魂千載重離思

春日迴文一絕

晴色曉添新柳綠煖烟晨擁  
桃紅鳴春候鳥啼聲巧  
迎日鮮霞錦拂風

初秋望夜月色可人戲為倒句迴文

月轉天心天轉月圓同鏡影鏡同圓闕浮香桂香浮闕

空幕烟

追賦張公洞凡三十韵

太始闢乾坤山阿如積瘡條忽七日鑿混沌歛然死窟  
竅既已開巖穴昌以哆緬惟張公洞豁舒更矚礪山頭  
敞一壑黝黯似無底余昔好探幽拉伴曾一抵竦身下  
危階仰視燁如綺大叱有神工繪塑安能爾玉乳疊疊  
垂參差不可紀或長丈以尋或短尺有咫攖攖老鵲拳  
矯矯蒼龍尾密攢似蜂房遙啄如鳳嘴或如麻姑怒玉  
鞭空中指或如子春噫鐵柱爐中起下墮欲戮地累累  
不終委上插欲支傾琳琳還自倚牙然欲相擊齟齬不

記使君

國雅卷十八

里

合齒的皪五色明晶瑩萬狀美母乃女媧氏煉石滴成  
藥恐是癡龍窟罅漏滲石髓排焚更深入似啗龍領裏  
屢陟復屢下迴蹬多迤邐踵欹不展趾肩縮天壓已冥  
揆忽中豁與安巖仙趾丹竈有遺踪石榻餘牀几東南  
不可極廓落有積滓疑是種芝田蒼茫莫辨矣回首一  
隰明忽透山東峙從此出人間茫然忘故里寄聲索隱  
士勿笑山形鄙

八音連勝一首

詠史

莫羨當年金谷春綠珠空誤石崇身東山拉伎絲桐癖  
南國思君竹淚新誰信魚聽鮑子瑟忍將女結土龍姻

幾多如射革難貫付與蕭蕭木葉津

八音冠頂一首 述懷

金閨通籍已多時石璞函珎未露奇  
絲織流黃憑越女竹裁律呂賴虞  
夔匏氏非我能同繫土苴於人尚有裨  
華去當年舊伎倆木蘭花畔醉醺醺

月下抵張家灣一首

茫茫野水海天秋萬里晴霄月滿舟  
今夜不知涼幾許使君新下帝皇州

魚臺道中望嶧山

翠連騶楚數峰攢遙揖龜蒙海岱間  
降嶽真人雲自落

使君 六國雅卷十八

四十一

擇隣老母夢初還千巖雨洗莓苔靜  
衆經風號檜栢寒我欲凌空一縱眺  
秦碑剝落不堪觀

宿遷縣項羽生處

學書學劍總無能何用生兒蓋世英  
五載戰爭稱霸主不聞媼姓與翁名

其二

數世衣冠嗟楚臣英雄一戶竟亡余  
子嬰已戮懷王死項氏宗傳亦不聞

望惠山

金陵南望碧陵嶺雲散復疑九偃蒼  
龍蟠鐵尾

驚秋鶚奮長膺千巖雨過瀑垂練萬木風來鳥墮  
我欲凌空一縱眺巉崖危兀不堪登

許墅關

許墅關頭人如鵠許墅關下檣如束吳越兒郎挂錦帆  
滿船文繡貯結綠亦有翡翠來南海白璧明珠光耀目  
臨關不敢自銜鬻韞櫝括囊湯蹕蹕關吏算舟如算車  
征取繒錢入簿錄竹符飛來鐵鎖掣舳艫魚貫始奔出  
郎兮郎兮莫聲願國家九府需錢穀明主兼  
是重抑末征商自古能遺不

張光祿名循字元易山西蒲州人隆萬中任光祿署正有嘉樹齋集

使君 六國雅卷十八

四十二

哀三良

死者不復生生者亦可傷秦風一何暴哀哉摧三良固  
知捐軀慘遺命不可忘豈無明哲心苟生亦何光國人  
惜賢達臨穴呼彼蒼白楊何蕭瑟黃鳥空翱翔殯官閼  
重泉一往夜何長睠言感忠義慷慨成斯章

詠荆軻

荆卿感知已報主不辭難賓筵皆縞素祖道停金鞍擊  
筑何激烈悲歌易水寒慷慨望秦雲四座涕汎瀾將軍  
既函首壯士復摧殘斯事竟何益千載傷燕丹

張山人彈琴

山人午留客松下納微涼清泉盥素手石鼎焚名香對  
我理瑤軫清風滿竹林初彈意方愜再鼓聲愈揚流淙  
喧暗怒驟雨入叢篁云絃窮變態萬象隨低昂須臾天  
籟寂四座流官商師裏久不作吾意其彷徨美君抱奇  
技神思入杳茫曲罷一回首楓林月如霜

銅雀臺

銅雀飛隨野鳥鄰都一望青青草漳河水千古流西陵  
風雨四時秋當年歌舞人何在惟有荒臺繫客愁

觀穫

秋風寒歷吹禾黍慶處田家築場圃男收女刈良苦辛

張光祿

國雅卷十八

四十四

婦挽姑春輸公府荒年稱貸納官糧豐歲遺餘歸富商  
富商烹魚厭梁肉不把犁鋤粟滿倉

黃鵠歌寄贈內兄王子裕

黃鵠白鷗共一羣青莎綺樹映晴濱白鷗自是滄洲鳥  
黃鵠翩翩凌紫雲紫雲一曲傳清響同調翻然隔穹壤  
相思兩地異悲歡君在青雲我草莽三鳥分飛信陸沈  
多君遠寄瑤華音一生強半歎離索風雨遙應思舊林  
舊林葉竹開三徑踏徧蒼苔懷二仲千里徵歌騷晨篇  
三春已叶熊羆夢繞仙家白玉壺朱絃應奏鳳將雛  
樽前不用招明月自有盈盈掌上珠

山海關城秋望二首

地迴浮雲近天空落日遲潮聲摧島嶼山勢限華夷壁  
壘留殘照旌旗動晚颼故園飛鳥外回首重淒其  
涉遠悲時事憑虛辯土風華夷山不斷遼薊水潛通海  
思雲霞外邊愁眺望中寄言棄繻者漢將正和戎

軍城秋夜即事

寂寞軍城暮浮雲黯斗杓戍樓人未散絕塞虜還騎夜  
雨千門冷秋風萬木凋籌邊王相國金甲坐應銷

少年行

少年懷壯志仗劍遠橫行逐虜窮西海提兵過北平生

張光祿

國雅卷十八

四十五

涯雙劍在然諾萬金輕欲樹封侯績羞稱俠客名  
龍泉寺西巖訪普上人蘭若

絕巖無人跡神僧此避喧六時常入定終歲不加餐對  
月時移榻當春晝掩門虎來知聽法階下跡猶存

送僧歸日本

慈航何可繫海上與雲連霧隱鰲頭地濤飛鶴背天揚  
帆鷺日近回首覺星偏笑指扶桑樹潮音清梵遙

駕出

金門平旦開車騎響如雷鵠立千官候龍飛萬乘來垂  
旒崇大報晝哀喜重陪欲獻明堂賦慚非侍從才



早出平子門緣堤至湖上

聯鑣披帝籍旭日爛晴霞馬踏長堤轉驚啼深巷斜沙  
田宜種柳枯樹半垂花湖上青山滿春風似若耶

望湖亭臨眺

孤亭宜遠眺岸嶺俯晴軒電劃青山斷湖春翠浪翻林  
巖支遁館花暢辟疆園自罷橫汾曲誰能憶釣輪

過朱汝修雙塔精舍

長安車馬地之子得幽棲寶月雙林近寒雲萬樹低琴  
清獨鶴舞竹密暗禽啼賴有詞流在清尊日共携

萬曆庚辰春

天子奉兩宮躬祀山

國雅卷十八

四十六

陵危駕作

松柏夾朱扉祠官護御衣朝陪千騎入暮擁六龍歸

春草偏宜繡雲山半映緋幸泰交戟內咫尺覩皇威

花外迴鸞馭輕烟上彩旂紫雲飄翟扇春水引龍舟樹

隱芙蓉苑山開翡翠樓君王尊成典歡奉兩宮游

登天石經寺示明六人

摩圍渺塵沙天竺重開小梵家十里雲盤蒼石磴

千峯露濕白蓮花山懸寶像秋五月洞鎖靈文夜有霞

聞說叢林堪卓錫願從初地轉三車

秋日寒上書懷

望京樓迴薄蒼冥樓在遼城東南隅暇日消憂坐曲櫺靜夜星

河明戶牖遙天風雨暗丹青雲連帝闕勞回首每接

仙都學鍊形何必登高懷古昔同遊今已漸凋零

靈州城北賀蘭山壁壘巖崿霄漢間二馬當轅難並軌

一夫乘障足當關高凌華嶽仙人掌秀色巫峯神女鬟

更憶西巖瀑布水秋來石上響潺湲

雨中渡淮

拂柳穿花度野橋江雲黯黯雨蕭蕭雁迷寒渚鄉書遠

馬快春泥驛路遙鸚鵡重來誰作賦鳳凰一去不聞簫

望鄉此日偏多感叢桂無勞楚客招

國雅卷十八

四十七

挽謝茂秦

臥病曾憶欵柴局忽湯漳南隕客星大陸寒飛千丈白

小山時共一編青暮年老去心猶苦公詩有臨窆酸蕉

鹿年來夢已醒何處愁雲堪挂劍參差玉樹拂滄溟

無題

金鞭綠駟七香車白哲紅顏湯自誇詞客封章朝起鳳

美人粧鏡晚堆鴉風流不減張京兆天冶還輸陰麗華

不分臨觴能顧曲却將春恨托琵琶

送蔡諫議擢蜀藩

中郎珥華侍金輿五載籌邊有餘夜接詞人揮玉塵



春遠酒客典銀魚繡裘速避黃花戊玉璫  
此去薦賢巴子國何人詞賦似相如

題乾上人白塔卷

古檜叢篁雨後青雙林寂寥似郊坰簷前  
芙蓉塔

德裏新翻貝葉經滄海何時堪拾筏白雲無處不飄零  
曹溪妙語憑誰答屋角空搖定裏鈴

湘妃怨

淚雨緋湘竹愁雲暗楚天相  
鳳釵幾時還

檢筭得亡友王四休遺稿感賦

威鳳文章異名駒步驟同可憐卷帙裏乾死蠹書蟲

八國雅卷十  
哭

明妃曲二首

但使和戎不顧身龍沙一望轉傷神不知細骨銷何處

青塚猶留漢苑春

馬上琵琶誰欲彈傷心回首  
安多情惟有關山月

疑是長門宮裏看

國雅卷之十九

勾吳顧起綸玄言選

郭國嬪名愛字善理鳳陽人宗徽至京師病卒後贈國嬪宣

京邸病革自哀

脩短有數今不足較也生而如夢今死則覺也先吾親  
而歸兮獨慙予之不孝也心悽悽而不能已今是則可  
悼也

王司綵不詳姓氏成化間女官

宮詞

璫花移入大明宮旖旎濃香韻晚風贏得君王留步聲

八國雅卷十九

玉簫遶亮月明中

中給事沈氏湖州人時選入官爲給事中孝皇

送弟就試春官

自少離家侍禁闈人間天上路依微朝迎鳳輦趨青瑣

夕捧鸞書入紫微銀燭燒殘空有淚玉釵敲斷竟無歸

年來望爾登金籍同補華蟲上衮衣

閩州婦宋氏金華人閩州太守妻洪武初編成金齒

題郵亭壁歌

郵亭咫尺堪投宿手握親姑愁茅屋抱薪就地旋鋪攤  
支願相向吞聲哭旁人問我是何方俛首哀哀訴衷山

寒家祖居金華府海道會稽縣千戶舉運粟大都回  
登牌勅賜號飛虎兄弟晦跡隱山林甘學崇文不崇武  
今朝玉堂宋學士亦與妾家同一譜并年嫁向衢州城  
夫婿好學明詩經離騷子史編搜攬志欲出仕甦蒼生  
前春郡邑忽交辟辭親千里趨神京丹墀對策中殿舉  
馳書歸報泥金名榜恩拜除閬州守飄然畫舫西南行  
到官未幾訪遺老要把奸頑盡除掃日則升堂治公務  
夜則挑燈理文藻守廉不使纖塵污執法致遭僚佐怒  
府推獲罪苦相攀察院來提有誰訴臨行囊橐無錙銖  
惟有舊日將去書城中父老泣相送道傍過者咸嗟吁

國朝雅卷十九

二

一時徵賦動盈萬妾夫自料無從辦經旬苦打不成招  
暗囑家人莫送飯嗟乎餓死囹圄中旗軍原籍來抄封  
當時持望耀門戶豈期一旦蕃成空親隣憐妾貧如洗  
歛鈔慙慙饋行李伶仃三口到京師奉旨編軍戍金齒  
阿弟遠送龍江邊臨岐抱頭哭向天姊南弟北兩相痛  
別後再會知何年開船未遠字病倒求醫問卜皆難保  
武昌城外野坡前白骨誰憐楚青草初然有子相依傍  
身安且不愛家蕩如余子死姑年高縱到雲南有誰望  
八月官船渡常德促裝登途整行色空林日暮鵲鳴啼  
聲聲叫道行不得上山險如登天梯百戶發放來取價

不晴泥滑把姑手一步一仆身沾泥晚來走向營中宿  
神思昏昏倦無力五更睡重起身遲飯鍋未熟旗頭逼  
翻思昔日深閨內遠行不出中門外融融日影上欄干  
花落庭前鳥聲碎寶髻斜簪金鳳翹翠雲蟬髮蛾眉嬌  
繡牀新刺雙蝴蝶坐久尚怯春風饒豈知一旦夫亡後  
萬里遐荒要親走半途日暮姑云饑欲丐奉姑羞舉口  
同來一婦天台人情懷薄似秋空雲喪夫未經二十日  
畫眉重嫁鹽商君血色紅裙繡羅襖終日騎驢涉長道  
穩坐不知行路難揚鞭笑指青山小取懽但感新人心  
那憶舊夫恩愛深吁嗟風俗日頹敗廢却大義貪黃金

國朝雅

國朝雅卷十九

三

子

妾心汪汪澹如水寧受饑寒不受耻幾回欲葬江魚腹  
姑存未敢先求死前途姑身少康健辛苦奉姑終不怨  
此亡妾亦隨姑亡地下何慚見夫面說罷傷心淚如雨  
咽咽垂頭不成語路傍過者為酸心隔嶺孤猿叫何許  
方氏里族未詳嘗為僞男子從父還自戍所歸舍主劉氏子奇

和燕巢二首

營巢燕雙雙飛天設雌雄事久期雌今得雄願已足雄  
今將雌胡不知  
營巢燕聲呶呶莫使青年空歲月可憐和氏忠且純何  
事楚君終不納

兩女郎鐵氏

蒙古色目人山東鐵方伯鉉女靖難後成祖籍爲樂婦獻詩得赦

教坊獻詩

長女作

教坊脂粉洗鉛華一片閒心對落花  
舊曲聽來猶有恨故園歸去已無家  
雲鬟半挽臨粧鏡雨淚空流濕絳紗  
今日相逢白司馬尊前重與訴琵琶

教坊中呈原問官

次女作

骨肉相離舊業荒一身何忍去歸倡  
淚垂玉筍辭官舍步歛金蓮入教坊  
覽鏡幸無傾國色向人休學倚門妝  
春來雨露寬如海嫁得劉郎勝阮郎

孟居士

名淑卿自號荆山居士蘇州人訓導孟澄之女

兩女郎

孟居士

悼亡

斑斑羅袖濕啼痕深恨無香使返魂  
萱蔻花存人不見一簾明月伴黃昏

長信宮

滿階紅葉鴈聲頻永巷秋深最愴神  
君意一如秋節序不教芳草得長春

香奩冬詞

默坐深閨思有餘霜威漸覺襲衣裾  
青綾被冷無鴛夢紫塞天寒斷鴈書  
竹葉舞風侵戶響梅花和月上窓虛  
雙娥爭似庭前柳臘盡春來忽又舒

題畫

嶺樹盤雲轉溪紆路亦斜晚來煙靄合無處認山家

春歸

落盡棠梨水拍堤萋萋芳草望中迷  
無情最是枝頭鳥不管人愁只管啼

席上贈妓

石榴裙子稱纖腰唱歌新聲換玉簫  
背立東風偷拭淚爲誰腸斷爲誰嬌

登樓

爲憐春去不登樓纔上南樓動遠愁  
滿地落花紅雨亂

孟居士

八因雅卷十九

五

接天芳草綠雲稠

秋日書懷

蟬咽庭槐泣素秋幾行新鴈度南樓  
天邊莫看如鉤月釣起新愁與舊愁

陸寡婦

茅氏太倉人陸震母諸集作茅寡婦非

賣廢宅

壁有蒼苔甌有塵家園一旦屬西隣  
傷心怕見門前柳明日猶如陌路人

冠子

汝年三歲父亡身汝父先亡母苦辛  
難得光陰到今日

加冠見汝又成人

李夫人

陳氏仁和人部御史李公  
昂妻南康守陳敏政女

春草

無人種春草隨意發芳叢綠遍郊原外青回遠近中  
暮煙粘落絮和雨襯殘紅不解王孫去悵悵對晚風

秋興

江上浮雲障碧空亂山愁鎖夕陽紅邊城畫角吹殘日  
野寺疎鐘度晚風梧樹著霜飄敗葉菊花經雨發寒叢  
愁多倦寫蠅頭字坐倚胡床看塞鴻

行闌山見居人以竹引泉

李夫人  
八國雅卷十九

六

行盡山溪路渺茫幾家茅屋對斜陽引泉竹溜穿厨入  
墮粉松花遶舍香樵徑無人閒卧犢石田得雨漸分秧  
平生頗有山林僻欲向溪邊結草堂

睡起

旭日暉暉上枕屏芙蓉衾暖夢初醒銀鈎半捲綃綃帳  
醺醺新傾琥珀瓶梅樹結胎惟露紫竹枝含影尚餘青  
凍蠅無力飛還墮又掛蛛絲入短檠

贈五臺尼姑雲秀峰

貝葉翻經下五臺脩然飛錫台鉢分甘露沾三界  
手散曇花遍九垓機事忘時心地諸真空候後性田開

何當得遂參禪約不二門中任往來

朱夫人靜菴許來訪竟不見過作此以寄

美人曾約來相訪底事雲軒竟不過深院雪消芳草綠  
小園風過落梅多欲餐白首先投藥愛寫黃庭不換鵝  
我欲共君修大道他年銅狄再摩挲

書懷

游宦江湖已有年歸來晦跡愛林泉自知學道疎人事  
每爲搜詩減夜眠開戶欲尋芳草地捲簾愁對杏花天  
肯將俗事縈懷抱須向山中作女仙

朱靜菴

自號靜菴海寧人周敦頤之妻  
朱尚寶作之文有靜菴集十卷

李靜菴

八國雅卷十九

七

虞姬

力盡重瞳霸氣消楚歌聲裏恨迢迢貞魂化作原頭草  
不逐東風入漢郊

惜春

挂樹游絲旖旎撲簾飛絮輕狂杜宇喚將春去小桃落  
盡紅香

竹垞

西子湖頭賣酒家春風輕暖酒旗斜行人沽酒唱歌去  
踏碎滿階山杏花  
橫塘秋老藕花殘兩兩吳姬蕩槳還驚起鴛鴦不成浴



飛過白蘋灘

初夏

落盡殘紅日正遲薰風一夜拆薔薇池塘雨過無人到  
滿地榆錢鶯亂啼

秋日見蝶

江空木落鴈聲悲霜染丹楓百草萎蝴蝶不知身是夢  
又隨秋色上寒枝

閨怨

啼鳥驚回曉夢醒起來無力倚銀屏娥眉未得張郎畫  
羞見東風柳眼青

朱辭卷

八國雅卷十九

八

五

春蠶詞

桃花落盡日初長陌上雨晴桑葉黃拜罷三姑祭蠶室  
漸籠溫火暖蠶房

染甲

金盤和露搗晴霞紅透纖纖玉筍芽翠袖籠香理瑤瑟  
綠陰新綻海棠花

客中偶成

異鄉久爲客風雨阻歸程兩岼數峰碧孤舟一羽輕篷  
窓殘燭在煙樹早鴉鳴坐待東方曙依稀見海城

春雨

濕雲漠漠雨如絲花浦西園蝶未知金屋曉寒鶯語游  
畫樓春曉燕歸遲官桃有恨啼紅淚煙柳多情斂翠眉  
檀板金尊久寥落孤城愁聽角聲悲

白苧詞

西風蕭蕭天雨霜館娃宮深更漏長銀臺絳蠟何煌煌  
笙歌勸酒催華觴美人起舞雪滿堂清以死轉飛雕梁  
君王沉湎樂未央臺前月落天蒼蒼

春睡詞

茸茸芳草含新綠露井天桃錦雲簇石闌干外早鶯啼  
又喚春光到華片綺窓花影搖玲瓏玉人夢破春溶溶

朱辭卷

八國雅卷十九

九世

雲鬢半顰鳳釵滑枕痕一縷消輕紅香汗輕輕透衣濕  
含情欲起嬌無力海棠庭院鳥聲和睡足東風一竿日  
濮孺人名寶貞號士齊廣信人濮未軒之配和仲

官邸寄妹

封名憑鴈寄多病尚纏綿寒栗侵肌玉秋蓬亂髮蟬鄉  
書猶未達肉骨自相牽何日歸寧處燃燈話少年

陳氏

溫州南溪人相傳陳少卿妻

寄夫

其夫棄妻於家而作

野雞羽毛好不如家雞能報曉新人貌如花不如舊人  
能績麻績麻做衫郎得着眼見花開又花落



天道人潘氏號碧天道人台州人表貢士之妻潘學憲之女有碧天吟稿

秋月

園亭當水中兩岸蘆花沒夜久人未眠碧水蕩秋月

秋詞

翩翩黃葉落西風月滿池亭秋夜空黃菊酒香人已醉

白蘋江冷度哀鴻

夜坐讀周南

獨坐難禁夜色寒滿窓新月度春殘臨文徒媿無經濟

只把關雎仔細看

題畫

八國雅卷九

屋傍青山下人歸蒼莽中未開雲外戶先聽水邊松

漁者

漁父瀟湘着碧簑水光山色興偏多試看塵世浮雲夢

黃葉秋風下遠波

西園

依依楊柳映蒼苔滿樹桃花映日開不知燕子棲何處

此際東風依舊回

連雨

久雨堦前鋪綠衣煙迷竹樹影稀微黃鸝交坐空前語

盡春愁來往飛

寓金陵寄長兄野泉

萬丈華峰淞水東天涯秋晚思無窮兄南弟北三年別

越水吳山兩地同明月曉光移檻白芙蓉秋色映江紅

鵲鴿誦罷情無已片楮聊將託便鴻

俞節婦楊氏無錫人俞九思妻廉憲汝成母

早起口號

喔喔隣雞三唱足舅姑在高堂穉子牽衣哭誰道天

未明簷前見紅旭

王素娥黃藥齋山陰人胡節之妻

渡錢塘喜晴

八國雅卷十九

風微月落早潮平江國新晴喜不勝試看小舟輕似葉

載將山色過西陵

黃昏

堦下蛩吟又暮秋倚闌獨立恨悠悠幾多心事三年淚

忍向珊瑚枕上流

楊孺人黃氏成都人楊修撰用修妻嘉靖中成南中孺人流寓瀘州

寄夫

鴈飛曾不到衡陽錦字何由寄求昌三春花柳妾薄命

六詔風煙君斷腸日歸日歸愁日暮其雨其雨怨朝陽

相聞空有刀環約何日金雞下夜郎

庭榴

移來西域種多奇  
檻外緋花掩映時  
不爲秋深能結實  
肯于夏半爛生姿  
翻嫌桃李開何早  
獨秉靈根放故遲  
朶朶如霞明照眼  
晚涼相對更相宜

春 卽事

金針戳破 窓紙引入寒梅一線香  
螻蟻也知春色好  
倒拖花瓣 宮牆舊說此祝英臺作張九亦非

寄升菴夫子問黃鶯兒

積雨曠春寒  
見繁花樹樹殘  
泥塗滿眼登臨倦  
江流幾淨雲山幾盤天  
涯極目空腸斷  
寄書難無情征鴈飛不

到滇南

八國雅集十九

三

直

陳孺人

馬氏金陵人陳行卿魯南繼室有正居稿

暮秋

野色滿園中  
閒情立晚風  
菊花含雨艷  
楓葉醉霜紅

斷機圖

賢哉軻氏母  
能惜寸絲工  
萬世真儒學  
成於機杼中

有感

春風零落後  
秋圃恨開遲  
總是宜男草  
傍人也未知

苦雨

終日雨翻盆  
愁人欲斷魂  
嶺雲生屋角  
野水沒籬根  
楊

柳深藏徑梨花靜掩門  
聲聲偏入耳寂寞自朝昏

暮春

紗窗睡起藹朝暉  
滿院鶯聲花正飛  
閒裏不知因甚事  
春來容易送春歸

七夕

靈鵲成橋事有無人  
間今夜憶星姑  
倚窗坐久愁聲動  
一葉西風到碧梧

綉錦箋

錦段親將月樣裁  
五紋刻出百花開  
願囊寶鏡能神聖  
長照朱顏不下臺

題六姑娘素便面

刻藤素滑勝輕羅  
月樣裁成一半多  
若使佳人笑遮面  
分明影裏見嫦娥

謝羅七嫂香囊

簇錦纏花巧製囊  
正居風暖細生香  
一針一線知情厚  
佩服終身肯暫忘

謝蔣大姐寄鞋

金蓮小瓣墮瑤池  
想像深閨結繡時  
無限巧心勞遠寄  
露多不忍下階墀

庭中牡丹盛開詩以賞之

庭中牡丹盛開詩以賞之

翠霧紅雲護短牆  
豪華端擬作花王  
洛陽宮裏楊妃醉  
吳國臺前西子妝  
芳露淡勻腮粉膩  
暖風輕度口脂香  
開時亦自知珍重  
靜鎖春風白晝長

婁妃宸宰妃以厚  
諫蒙養免

送夫

金雞未報五更曉  
寶馬先嘶十里風  
欲借三杯壯行色  
酒家猶在夢魂中

孫夫人楊氏仁和人孫文恪公  
繼室嘉靖中

秋日懷親

玉露沾花濕金風透幕涼  
天連秋水碧山帶晚煙蒼  
撫

景嗟時序懷親憶故鄉  
倚闌凝立久心逐鴈南翔

月夜鳴琴

小堂明月夜捲幔理絲桐  
素魄千門皎清音一院通  
落霞飛指下流水瀉絃中  
停曲聊延佇高天度遠鴻

余兄寓京師偶赴河間詩以憶之

親聞天際迴悵望信音稀  
賴有同羣鴈那堪異地飛  
蕭條棲旅館咫尺隔皇畿  
去去將何月如何尚未歸

詠梅

昨夜春初動江梅綻早芳  
翠枝懸玉蕊素艷晃寒光  
帶月籠疎影隨風遞暗香  
最憐幽獨留取薦明堂

早春懷鈺兒

玉律風初轉金堤柳漸舒  
感時懷仲子望日倚門閭  
骨肉天涯隔雲山望裏踈  
歸鴻聲嚶嚶不見寄來書

寄鈺兒

燕山聽鹿鳴早歲已成名  
隱霧今棲豹搏風即起鵬  
言懷遠游子無那倚闌情  
欲寄平安字炎天鴈不征

寄鈺兒

念汝留京國春花兩度紅  
讀書丹禁裏試筆玉堂中  
才美名應振官貧道不窮  
百年須自勵清白舊家風

示鈞兒

又是清和候梅黃細雨天  
流光人競惜向學汝須專  
美質元難恃虛名亦枉然  
能酬題柱志始見馬卿賢

示鑄兒

汝年亦漸長學業可無成  
莫效頑愚子須齊賢俊名  
青萍方在匣綠綺未聞聲  
何待三遷教傳經有父兄

採蓮女

若耶採蓮女日出蕩輕橈  
玉手攀蘭葉金釵壓翠翹  
羅裙欺葉色粉面比花嬌  
慣識谿中路歌聲入畫橋

越館懷歸

避寇來三月風光倏已殊  
昔看堤柳今報井飄梧  
旅

馳鄉山烽煙淨海隅呼兒買蘭棹新漲忙歸途

城南別女

迢迢司馬國五月發長安惟念鳴環女初令事伯鸞心  
折言難盡事何日又關行行復回首淚下不能彈

憶姊和韻

昨夜寒梅已看花新枝折取寄天涯鸞翔霄漢還千里  
人隔燕吳本一家無那看雲憑盡檻懸知望月倚牕紗  
錦牋光復傳佳句詠雪高才未足誇

寄兄

憶兄同客京華日不覺蹉跎屢閱年此去音書憑鴈寄  
向來詩句待誰傳春風湖上堪移棹夜月牕前合撫絃  
兩地幾時重會面迢迢燕越意空懸

林奴兒

號秋香成化間南京院妓

從良有舊欲相見以扇畫柳題拒之

昔日章臺舞細腰任君攀折嫩枝條如今寫入丹青裏  
不許東風再動搖

邵氏

仁和人不詳何族

寄情人

歲暮蕭蕭雨雪多寒威入戶墜金梭忽聞青鳥傳消息  
爲問佳期更若何

元燕如

嘉靖中南京本司妓

冬夜一韻軍席上得春字

酒憐心看衣識淚新纔爲詩酒友又作別離人今  
夜一天月明朝兩地春好因江上柳折得寄頻頻

姜舜玉

號竹雪居士隆慶間本司妓工詩兼諧謔

花源逢顧何二使君作

懷源深幾曲夾岍桃花開忽漫逢劉阮殷勤勸酒杯

泊濠州

芙蓉帶結紅鴉蒂楊柳絲牽紫燕飛獨棹蘭舟何處宿

年年飄泊待郎歸

如燕玉一國雅卷九

戲題

花知妾意纔含笑柳見郎來忽作眠幾度欲將羅帶解  
只愁鸚鵡向人傳

王文卿

號賽玉嘉隆間南京本司妓

寄蔣子

花開不如昨妾老不少年君當惜花復念妾明日  
不似

寄吳郎

夢中佳期回首竟成空郎心亦是浮萍草  
大怪楊花易逐風

國雅卷之二十

勾吳顧起



張伯雨名天雨號句曲外史茅山道士生元季洪武初寓杭開元宮

寄劉師魯先輩

黑頭時與王孫別春草又青天一涯貧匹馮驩猶有劔  
歸來丁令已無家葑田湖窄遊船少墓道山荒故屋斜  
還憶菌巢書數卷雪中應護手栽花

倪元鎮雲林隱居

知君有道色敷腴掃室雲林著野夫愛竹遂題清閼閣  
看山惟對卧遊圖小兒金錯添一水佳果囊一次酒壺  
政坐清虛無服食作糜教用荻一苓蘇

題淵靜鍊師碣

玉冠清帔髮如蓬此是天人林下風移家未隱鹿門裏  
尋師當往赤城中琴牀夜聞別鶴語韻軒日點飛鸞紅  
半生小篆寫黃素得似九華書一一通

寒林清遠

華陽范監居幽渺不到寒窻未易逢山氣半爲湖外雨  
松聲遙答嶺頭鐘常聞神女騎龍過亦有僊人控鶴從  
安用藥流三萬里小天元在稽金峰

致柔歸省親舍僕先至山東候之道中

數里平岡路僊人迹漸分柴荆來鵲語村落去人羣  
嶂松崩雪濤頭日濯雲不綠一侯御直擬候夫君

專壑

專壑猶專城政在治蕪穢輕步老禦寇坐嘯鼙鼙地孤  
松撐屋角傲有曲蓋制古杉列四三雄然列旌旆前驅  
虎巡邏後部蛙鼓吹清泉共足厨白雲作輿衛異時誤  
僊史置我在循吏高予華山冠露冕無所貴

雨宿玄文館懷惠山

十日閉春院草積青苔厚稍止侵窻雨爭鳴決渠溜想  
見螭口泉玉色動闌甍便尋雙鳬鳥翻飛入煙岫

題周高士圖走筆和鄭明德韻

人間畫史荆關筆若見此圖下風立老輩距今三十年  
成圖猶似烟嵐濕彷彿吾廬之澗阿商山惟欠紫芝歌  
後凋松柏尚如此辛苦攀纏笑女蘿夢憶壽嚴真耐久  
周子尚堪林下友野夫挾策過東家童子擣茶驚北牖  
江南丘壑吾終老嬾向枕中貢鴻寶與子想見東華公  
鬱鬱葱葱五雲島

山中用倪元鎮見懷韻

郊邑乍飄瞥林岫皓已盈陽簷凍羽墜陰壁素苔生擁  
衣一再起挈壺時復傾高卧足自事饑寒逼人情



松雪

白雲堆絮綿一望如積雪雪中春草生元是青松葉

張無爲

龍虎山人 國初四十三代真人

春曉

弱柳搖煙落絮輕綠陰初長小池平杜鵑啼處催春急

不是東風太薄情

盧大雅

龍虎山人洪武初道士

舟中寄張外史

棹郎催踏春溪舫阻我辭君散木亭江水未應春去漲

鄉山偏向別時青煙波釣艇新衝雨河漢仙槎舊犯星

盧大雅

國雅卷二十

二

翰與仙都吉居士一簾山雨聽鶯經

追哭張伯雨外史

身似浮雲半在吳玉鈎橋外是西湖花前微雨白鶯忙

樓上好風金鴨爐李泌只宜留北闕劉郎不得老玄都

人情翻似東流水洗出青天一鳥孤

姑蘇懷古

胥目懸門鳥喙過至今哀怨入吳歌山河不爲興亡改

城郭其如感慨何廢苑春深芳草滿荒臺秋盡夕陽多

醉來一覺扁舟夢也勝豪華逐逝波

周思得

字養真號素庵錢塘人永樂初授真人歷事五朝

默齋詩

化機無停運四序迭推遷萬彙遂生育彼蒼乃默然嗟  
君稟至性頽悟探幽玄遺榮猶脫屣九還得真傳一室  
人罕至皆有綠苔綠虛庭松子落簾隙蛛絲懸幽蘭媚  
深谷明珠潛九淵更當究玄微拂袖凌紫煙

虎

西塞山前日將暮剪尾咆哮正當路腥風一陣心膽怖  
眼中豈有狐與兔雙瞳照人驚電飛磨牙吮齒生寒威  
當年褒鄂氣如爾爾獨啖人何所爲

夢遊仙詞

周思得

國雅卷二十

四

石磴盤雲曲曲迴洞門高下碧桃開琪花瑤草連溪澗  
不見仙人跨鶴來

雲樹蒼茫月正明座中還遇董雙成玉簫吹罷桃花落  
猶記霓裳譜上聲

仙人醉卧碧巖秋白月倒掛巖西頭猛虎一聲驚不醒  
西風吹夢落瀛洲

張全一

號三丰寶雞人尚書胡忠安公追之

成祖嘗遇之命禮部

揚州瓊花

瓊枝玉樹識仙家未信人間有此花清致不沾凡雨露  
高標猶帶古煙霞歷年旣久何曾老舉世無雙莫謾誇

載回天上去

鄧羽南陽人洪武  
山道士南陽縣令

陽情

花無長在樹人無長在世有花還當買有酒還當醉秋  
霜上鬢來春風吹不去

寫懷

道人不作槐根夢一片虛頑太古心無雪可催蒼櫨老  
有家原住白雲深山頭月落虎長嘯海面風分龍自吟  
世上何人知此意野花啼鳥却知音

章志宗

字清源號道  
遙習五雷法

國雅卷二十

五

壽藏

事得佳山水窮年得所依鑿苔開  
樹作簾幃莫  
訝勝公喜休教莊老讓化去還有鶴來飛

錢月齡

號鶴山道人無錫人  
嘉隆中洞虛宮道士

同友人登山寫興

小適登臨意霏微雨濕裳皺紅榴破蠟新粉竹含香  
月禪心朗松風客夢涼同遊二三子歸路澹相忘

訪僧田舍

北里尋僧舍青山水郭田短筇孤墅入紅樹碧溪連菰  
米炊香積茹茨帶夕陽相懽復無我亦愛逃禪

吳少君

名瑞子金華人  
雲遊吳楚間自稱海道人

簡顧丈九華頃嘗流寓青陽九華山中還過梁溪  
慕吾丈之雅短述爲贈

昔在九華山讀書有月半方出削層玉寒濕飛天畔九  
十九峰頂攀緣尚未遍餓糧不能繼鬱鬱下霄漢可憐  
青陽塵依然撲我面慕君同九華投詩一相見

病起移居王元美園

道人曳杖扣門園抱病移居江上村寂裡提攜須藥餌  
閒來蕭索對琴尊花前月好先安榻林下風高即閉軒  
還是主人能愛客黃魚白飯早過門

國雅卷二十

六

倚杖

貧病吾將老江湖度歲華艱難惟有淚飄泊更無家倚  
杖慚歸鳥臨池惜落花秋風何太日  
瑟向蒹葭

愁中寄霞樵山人

悲來偏繫汝同病故情多身老無歸着家貧其奈何詩  
書還寂莫歲月但蹉跎遐想蘭溪上春風長薜蘿

釋來復

字見心國初以高僧  
召至京與宗泐齊名

遊石湖蘭若

荷花蕩漾湖水深上有蘭若當高岑客吟時見猿鳥下  
僧定不聞鐘磬音雨香秋林橘子熟雲落空磻棠

聞來掃石坐竹裏前與山人論素心

寄贈洞庭葉隱君

一舸南歸鬢欲華買山湖上卧煙霞

北海應多酒

園擬東陵亦種瓜丹壑泉春雲碓

風掃石花

傳家自與鄰翁異說藏書有五車

西湖二首

芙蓉灣口綠陰斜吹笛何人隔彩霞驚起沙頭雙翠羽

銜魚飛上刺桐花

流觴亭子鳳山阿都護行春小隊過笑擲金錢花底醉

玉簪彈出白翎歌

釋宗泐

號全室

天台人嘗事龍翔廣智禪師高皇帝賜號福慧僧有全室集

戰城南

進兵龍城南轉戰天山道烽煙漲平沙氣靈荒微將

軍重爵位天子尚征討不辭鬪死多但恨生男少

江南曲

泛舟出晴溪溪迴抱山轉欲采芙蓉花亭亭秋水遠心

非橋上帆隨風豈舒卷但得紅芳遲何辭歲年晚

祖龍歌行

祖龍迺好長生者沉

華山

斷樓船海氣昏

鮑車亂臭沙白野

貞宮殿仍崔嵬

當時輪作方壺壺函谷無關小龍死百尺降旗軼道傍  
十二金人淚如水

從軍行

明月照孤營蕭條數聲角開門天宇高仰見妖星落無

臂一長歎龍泉自鳴躍

懷以仁講師入觀圖

心日千萬峯白雲三四朵一笑山容開獨自松下坐瀑

沚天上來飛花面前墮此時中觀成無物亦無我

雪上題青山書舍圖為周伯陽作

春日遊茗雪復茲封畫圖青山白雲際綠樹幽人廬衆

釋宗泐

芳生礪曲新泉落巖跌不見黃叔度東風忽愁予

雜詩

魯連天下士片言能解紛千金博一笑永絕平原君高

蹈東海上卷舒若浮雲清風散八表繼者今誰聞

送裕上人歸天台

我本赤城東不識華頂嶠遠道送君歸昨夜夢中到厓

泓有泉瓢竹室留茶竈珍重山中人拂衣願同調

送歸上人省

青山落料僧客思還思人親髮垂素雲

龍吟海壖客思還思人親髮垂素雲

松石室

青青山上松  
鑿鑿山下石  
移來近禪居  
窻戶生秀色  
室中老比丘  
怡然坐終日  
轉境不在遠  
觀心了無得  
疎雨灑新蟲  
微風動蕭瑟  
所適不自知  
何有喧與寂

雨花臺送客

梁朝雨孔臺  
近在城南陌  
不見講經人  
空林澹秋色  
登高俯大江  
目送千里客  
白鳥下滄波  
孤帆遠山碧

松下居偶作

我此松下居  
即事良可悅  
閉戶留白雲  
開軒放明月  
松響風忽來  
泉流雨初歇  
時有西齋人  
相親嘿無說

送瑄上人

揚舲下大江  
江寒欲飛雪  
高帆天際遙  
獨鴈雲邊沒  
煙波渺何之  
倏忽成楚越  
遂令白首人  
年華感消歇

夜坐襍言次韻二首

老來百念忘  
外緣何用屏  
焚月坐更深  
和雲卧峰頂  
青燈靜照雪  
白髮倒垂領  
尚懷分芋人  
寒蟲甘息影

明月出  
嶺照我窻  
牖間羣動夜  
方息白雲亦  
孤還緬思支  
道休沃州曾  
買山遠公竟  
不出逸駕安  
可攀

偶居

偶地即  
虛絕勝樹下  
宿不在千萬  
間安居心自  
足古

八三十年辛勤乃有尾我無一日勞何必較遲速燕坐  
白日閒青山常在目明月到牀前更深代明燭几有寒  
山詩興來時一讀十日不出門滿階春草綠

樵隱爲江子瑜作

日出上山去日入負薪歸明月照茅屋涼風吹薜衣濁  
醪在瓦缶大白瓦自持嚶嚶春鳥鳴載歌伐木詩不羨  
買臣貴不學牧犢悲新車自高駕野雉從朝飛平生一  
丘壑此志良弗違田園門易軌不知誰是非

阻風行

黃蘆獵獵江浩浩洪濤簸天昏復曉一日舟行兩日留

八國雅卷二十

十

方

上水風多下風少未出門時思遠道任路還思在家好  
坐看鴻鴈去遙遙却笑人生不如鳥

閒行

林下可逍遙閒行意頗超幽花不礙路偃木自成橋度  
嶺何須屐剡泉豈用瓢無媒甘老去愛爾草蕭蕭

與徐伯康再往南陵

又向南陵去復攜良友同人煙千嶂裏客路百花中雉  
雉初晴日鷺啼滿樹風漸知精舍近清磬出林東

贈立恒中

海外趨商船江東住幾年華音雖已習鄉信若爲傳一



鉢隨緣飯諸峰到處禪涼秋月夜夢度石橋煙

### 登相國寺樓

冬日大梁城郊原四望平雲開太行碧霜落蔡河清欲  
問征西路兼懷吊古情夷門名尚在無處覓侯嬴

### 山中小景

四山一片秋色埜客獨坐茅亭渡頭紅葉如雨石上長  
松自青

### 送劉道士荏師

欲成仙道古來難曾向先師學內丹不省稚川屍解去  
人間猶自葬空棺

八國雅集卷三十

十一

方

### 夢清遠兄

殘夢夜將晨分明見故人劇知情是妄翻說夢成真日  
月容顏老池臺笑語新三年消息斷江漢尚風塵

### 送曹國公北征

上將提軍事北征旌旗百萬出南京直教大漠空胡種  
豈但先鋒破虜營瀚海無冰堪飲馬天山有石可鐫名  
由來衛霍多勛業從此三邊不用兵

### 釋夢觀

法名仁四明住延慶寺洪武初供事南都

### 螺山隱士歌

螺山有隱士飄飄仙者徒朝遊螺之巔暮息螺之隅紅

塵拂落身外事白首讀盡人間書不騎琴高鯉不釣任

公魚手披演雅篇架列山海圖蛾司漫給五斗黛蛤浦

豈羨雙明珠槐臺封侯笑螻蟻楚關脫網憐蜘蛛人言

大隱隱朝市小隱螺山無乃是何物老病香山翁隱作

流官良可鄙酌螺之杯隱螺几坐對螺山淨如洗鈿屏

矗矗鏡邊來佛髻峨峨望中起千林飛翠散晴空半島

寒雲浸秋水我尋螺山居遂識螺山路一見螺山人再

誦螺山句紛紛草堂文悠悠遂初賦丈夫無遠謀千載

何足慕我本逍遙人亦有罝網慮買山每寄沃州書寥

落江鄉嘆遲暮江鄉寥落不可留便當卜爾山之幽安

八國雅集卷三十

十一

得神鰲負山去共踏青螺海上遊

### 題溫日觀葡萄次韻

龍局失鎗十二重驪珠迸落鮫人宮鎖刀剪斷紫瓊瑤  
累累馬乳垂金風樹根吹火照殘墨冷雨松棚秋鬼哭  
蔗九嚼碎流沙冰鴨酒呼來漢江綠鍊削蚪藤劒三尺  
雷梭怒穴陶家壁曇胡醉起面秋嚴一索摩尼掛空壁  
題無盡法師所藏太白廬山觀瀑圖

九江西來廬山高飛流噴薄翻銀濤白日松頭雪花落  
青天雨脚秋聲號眼前傾覆何草草世路不須驚蜀道  
洗盡哇淫兩耳清拍手雲中招五老我懷謫仙歌浩歌



風萬里來大河杜陵有客更相憶頭白不歸將奈何  
白雲樓詩爲遊上人賦

越山東南多白雲結樓正與雲爲隣朝迎白雲似賓客  
暮對白雲如故人有時隨鶴度松頂散作兜羅半窓影  
有時從龍作雨還倏忽銀濤三萬頃平生我亦雲爲徒  
看雲每想雲中居沃州在望不可到幾度欲寄支郎詩  
樓中之人道機熟野心已被雲羈束臨風獨唱白雲篇  
落花飛滿姚江曲

趣上人蘿壁山房

我懷雲林居身在蘿壁下幽花落窓扉秋藤覆欄瓦重

八國雜卷二十

十五

巒紫翠深中有忘機者壁觀坐來久風骨更清灑聲沉  
萬境寂妄遣百慮舍何事支道不區區猶愛馬

孫仲善玄默齋詩

知白貴守黑處寂在忘語道人得此意澹然葆冲素青  
山畫掩靄白雲來去欲覓全椒居落葉迷行路

題錢選畫

入峰青蓮高千仞苔壁古招提隔層雲孤逕入深塢鐘  
鳴谷口風木落溪上雨何處夜猿啼歸帆下秋浦

客山陰寄湖上諸友

蘭亭安罷送羣賢獨客歸來閉戶眠夜壑有聲都是雨

不啼鵲放詞強把浮丘袂乘興難迴刺曲船  
因念少遊平昔語孤燈相對益惘然

謝恩奉天門

金殿重重護采霞天門賜坐擁袈裟尚方晨鉢分雲子  
中使春杯獻乳花雉尾風清天咫尺螭頭香燭霧橫斜  
聖恩特許還山蚤官柳黃時喜到家

泊瓜洲渡與吳菴同賦

淮煙漠漠夕陽收楚樹昏昏翳客舟風度鐘聲來北固  
帆將燈影過揚州雲銷碧海天無際波撼金山地欲浮  
獨恨壯遊非昔日滿江風露夜如秋

八國雜卷二十

十四

與斯道衍公登虎丘

紺宮高涌碧崔嵬曾是秦皇駐蹕來虎石半銷金氣盡  
翠崖中斷劔池開巖僧掃月千峰淨山鬼吟風萬壑哀  
老我登臨春已晚落花吹滿講經臺

次韻答唐羽士

長笑千金養客軀靜將雙眼閱榮除盡拋身外無窮事  
遍讀人間未見書鏡曲西風來款段槎頭新水上鱸魚  
悲歌幾度懷同谷雪後黃精擬共鉏

題舜江楊邦彥家扁二首次劉允若韻

百花東下翠華山翠掃巫陽十二鬟紫草春風迷客路

柳花流之 無人間龍將白雨山腰起鶴帶晴雲海上過  
支許風 所羨幾時騎馬渡潺湲 右青山流水軒

十里煙沙 塘五株垂柳覆蘿牆宦情都付河東老

往事休談冷 莊翠影連雲春正晚鶯聲到夢日初長

相邀須待花殘 倦客愁多易感傷 右午橋柳莊

### 金山寺

神禹開天塹中流碣石存蓬萊分左股滌源失孤根驛  
騎催官渡風帆拂寺門堯城烽火近鐘鼓報黃昏

### 答王叔潤

天祿然熬嬾校經鵠舟隨處泊鷗汀西風舉扇無王導

國朝卷二十

十五

東海移家有管寧溪雨初晴雲更白湖霜未落草猶青

客樓寂寞江天外幾度遙瞻處士星

釋天祥 字義先

### 長相思

長相思相思長有美人今三伏桑手攀珊瑚酌霞氣口

誦太乙朝東皇鯨波摩天尸可航矯手欲渡川無梁去

時遺我瓊瑤章蠻牋半幅雙鴛鴦鴛鴦不飛墨色改攬

涕一讀三斷腸前年寄 天玉臺西湖楊柳青如苔今

年東風楊柳動鴻鴈一 四當回欲彈朱絃絃斷絕欲

放悲歌聲哽咽孤鸞夜 山山雲花漬簾前杜鵑血思

不如天上月夜夜飛從海東出月明長傍美人身  
人亦近明月輪寒衣把酒問明月中宵月如見君長  
相思長如許千種消愁愁不消亂絲零落多頭緒但將  
淚寄東流波爲我流入扶桑去

### 榆城聽角

十年遊子在天涯一夜秋風又憶家恨殺葉榆城上角

曉來吹入小梅花

### 長安春日作

何事長安客春來思易迷樂遊原上草無日不萋萋

釋妙聲 號九皋吳縣人

國朝卷二十

共一

### 題虎丘寺

有客題詩海湧峰高懷渺渺託冥鴻勾吳伯業荒煙外

梵塔觚稜香靄中石坐千人亭可月劒埋三尺水還風

目前無限登臨意古木蒼藤叫郭公

釋良琦

趙王孫仲穆作看雲圖高士顧仲瑛索余同題于

### 茗溪之上

舊遊清茗上愛看弁峰雲稍將春雨度始見遠林分起

滅悟真理逍遙遺世紛於焉自怡悅永懷陸隱君

釋溥洽 字南洲山陰人洪武

應制題江東橋

西出都門見石橋虎城千雉共岩堯浮龍曉渡江流穩  
役鵲晴瞻漢影遙華表月明清露濕闌干日近彩雲飄  
四方車騎多如雨舉目應思答 聖朝

釋宗衍 字道原

吳江晚泊

風壤三洲接江湖一水分虹消滄海雨日落洞庭雲客  
意終難盡漁歌不厭聞長思陸魯望不出可忘君

釋明秀

號雪江住海鹽天監寺弘正間寓錢塘勝果寺

歸鴈

釋明秀

八國雅卷二十

十七

萬里隨寒暑南衡又北秦雲飛時避弋水宿更呼羣青  
草湖邊雨黃沙磧上春天涯未歸客愁向夜深聞

懷太白山人

堦前黃葉堆欲滿湖上白雲閒自來千里秋風悲斷鴈  
兩峰寒日憶登臺未能明月同移棹想見黃花獨舉杯  
吟遍長松千萬樹南屏落日寺門開

寓杭得四兄計

來書開不得落葉聽還驚病眼天涯淚寒門歲暮情朔  
風吹斷鴈斜日照荒荆哀痛兼時事東歸百感生

送陳墨山往吳淞兼柬胡秋田

五茸城外月不見十年餘顧我曾遊地因君得寄書津  
亭然夜火江市膾鱸魚若見秋田叟還勞問起居

寄顧子重客燕山

憐君湖海士猶未得安居世難還看劒家貧不廢書秋  
風吹塞鴈鄉信憶江魚隱志何時遂山深小結廬

日暮

西閣日將夕川原生暮煙遠林歸倦鳥枯葉抱寒蟬野  
岸漁罾外秋風戍壘前故人應念我定有尺書傳

錢塘懷古

拭目吳門看越兵闔閭城上草青青平生宰嚭譏非友

釋明秀

八國雅卷二十

十八

到死夫差諫弗聽落日聞歌悲小海秋風灑淚泣新亭  
屬鏤已化鴟夷去吞吐潮聲似有靈

觀下竺王叔明畫壁

千巖萬壑倚天開風雨蒼蒼半壁苔吟苦不知山月上  
只疑黃鶴又飛來

感興用韻

江邊雨色曉寒輕昨夜柴門水又生桃葉隔溪猶喚渡  
梨花沽酒正聞鶯何人得似張平子有客真如阮步兵  
富貴浮雲歌一放玉壺還對美人傾

秋興

木落關山歲暮時風雲萬里憶京師著書獨惜虞卿少  
懷古猶含庾信悲海郭清砧寒近搗山樓短笛夜深吹  
江南秋水平如鏡祇恐無人照鬢絲

釋魯山

秦人嘗與李何游

送僧住惠山寺次邵民部國賢韻

路僻塵囂遠尋幽客自來水清池見底碑文字生苔  
鳥啼深樹煙霞滿古臺野花渾似我只向靜中開

熊耳山

雙峰並峙青螺子因問田夫識熊耳埋屨塔前人少過  
山風滿壑空流水巖前野花春自開松間石徑生莓苔

熊耳山

八國雅卷二十

九

百

山僧博飯親畊利相逢不說西來意

虎丘寺

欲覓闔閭墓風霜殿閣秋越平吳亦盡劒去水空流  
字缺碑銘古雲深竹院幽無心唯野鳥不解往時愁

山中

山中多白雲雲裏有幽人夢熟渾忘晝花開始信春輪  
蹄曾不到猿鶴自相親一舍千章木蕭蕭絕四隣

秋晴

幾日荳花雨茲晨方見晴寒蟬依樹響秋聲上階生山  
脫雲尤翠池涵日更明西風催萬戶都作搗衣聲

王伯安書舍

一尋松下地新構小禪廬祛冗入深院閉門抄古書  
草盆生意滿雪派染情疎每欲攜琴訪心齋恐宴如

足獻吉秋風南北路相別寺門前之句

身世本如寄去留俱灑然秋風南北路相別寺門前

孔明書院

當年三顧此曾臨廟貌猶存蔓草深千古白河朝碧海  
可能流盡出師心

釋果斌

號半峰嘉靖中居南京天界寺

答初泉相公書楞伽經見寄

釋果斌

八國雅卷二十一

三

世

西蜀蠶叢路幾千每懷高誼欲潛然葛巾隨意青山徑  
藜杖常尋白社禪潘岳閒居多逸興劉楨驚世有詩篇  
老難行脚巴山去錦水雙魚幸可傳

九日太史邢公宴集

山中風景最宜秋叢桂霏香滿竹樓忽訝北扉玄客至  
共看西嶂白雲浮坐喘小圃苔侵屐話到真空石點頭  
無那夕陽歸思起可前明發更追遊

送湛一方君兼有所訊

羨君早歲脫風塵到處天涯寄一身不為逃名辭故國  
祇緣度世出迷津雪邊放鶴歸青島江上移舟採白蘋



贈說金門有高士欲從勾漏作閒人

贈宛陵太府羅公

年來喜聽絕絃琴歷遍雲山杳其尋昨向宛陵溪上宿  
松風寫出劫前音

奉和沃洲呂公

梵苑來仙駕旌麾向日懸鳥栖雲外樹龍護鉢中蓮高  
論消禪癖留題紀官年振衣丹嶠上幽思共泠然

奉和石城許太常公韻

宰官閒訪碧巖僧直到祇園最上層洞口雲栖鐘欲罷  
山腰日暝客還登空林朗朗傳清梵古殿陰陰見佛燈

入國朝卷十

王

若問曹溪玄秘處此心將不愧南能

奉同一二官長游牛首寺

雲影團飛蓋鐘聲散暝天官閒何待隱僧老欲忘禪谷  
響珠泉落巖危草閣懸偶來陪笑語蹤迹異塵緣

王十嶽金平淵山寮避暑二首

小隱空山絕四隣野雲孤鶴自相親誰知一逕深如許  
猶有敲門看竹人

二仲探奇過菴簾興短褐似陶潛臨風莫把珠璣唾  
恐有蛟龍在碧潭

匡山寄堂相公

晨起入東林閒蹤聊自托零露濕草衣飛雲蕩陰壑倚  
樹見流泉攀蘿得虛閣野性在安恬觀身真聚沫遠思  
寂無言空塔松子落

武林宿李岫巖山莊觀柯亭園著作

李侯

歲詞場奮英烈踏翻虎穴便東歸

高卧湖山調還別八昨向江東來山寒水濶雲崔嵬  
蘇公堤邊忽相見神駿一躍空凡才握手同臨山水窟

門逕蕭蕭掩脩竹壁上絲桐久絕彈牀頭芸卷還堪讀  
客到柯亭坐日照倒披蓑笠情欣欣不知除却仙人手

更有何誰可敵君曳杖欲歸情未已半輪斜月松間起

釋方澤

入國朝卷十

王

回看塵海盡如碁不如高卧煙霞裡

釋方澤

不知何人

燕坐答項如臨用王雅宜韻

物虛城是壑心遠地皆山清梵笙歌外深禪憶蓋間攬  
衣雲共宿持鉢鳥同還愛爾探幽谷乘風每叩關

遊項少嶽南園看牡丹作

日暮天氣嘉言尋仲蔚家誰知蕭散地仍有豔陽花彩  
眩千重錦香蒸一片霞道人空色相亦復惜年華

塞下曲

長隨騶駟度交河雨雪天山夜負戈莫謂歸家貧到骨



黃沙白骨不歸多

鄭山人至

別後翩翩幾處遊  
馬蹄強半在皇州  
六街笙鼓聞相聒  
可似青山一跡幽

贈天台茂才

懸瀑如雷百道長  
雲花亭外月蒼蒼  
因君憶得雲遊事  
宛似前身到石梁

釋希復

號同石吳江人嘉隆中寓無錫綠蘿菴

寄鄭石南

時寓洞虛官

高人日在望仙院  
只深關不過林中屐  
空多水上山雨

將殘暑散風以薄涼  
還同調者誰是來  
開遊旅顏

自洞虛徙東津新院

丹府辭仙侶清川就野扉  
不言心可適祗取靜堪依  
徑竹當簷繞沙鷗入座飛  
何如禪誦後磯上坐斜暉

綠蘿菴作

疎雨飛涼館高林日易昏  
幽籬掩深徑落葉滿柴門  
自慰丘中意遙看水上村  
更言鐘梵妙何忝給孤園

讀顧丈九華知非歷

大化羅萬殊所至山乎一  
善善而惡惡聖人體其極  
厥是既有歸一非熾然立  
所以在遠瑗朝思繼夕惕行年

予二十順逆始具釋事至輒隨行無過與不及賢哉  
山子視之以爲則著書曰知非洞然明我跡永垂金石  
言式昭彼邪慝

奉和九華公知非歷成喜鳳尾蕉花之作

貢致何嘗失本真因依別自有陽春  
靈苗不藉丹砂穴文種原爲錦綬身  
此日花開同集鳳當年道在得逢麟  
蛭編即可徵來自何假龍吟喻比倫

李生

名英字少芝學正歐楨伯書記

初去故園留別諸友

風烟一以別把酒戀同遊人去江樓晚  
帆飛海國秋青

山馳遠夢黃菊動離愁曾是滄洲客  
能無念白鷗

臨江趨陸過瑞州馬上晴望

舍舟蕭水驛程催遙望西筠霽色開  
一片鄉心幾行淚  
楚天無數鴈飛來

過廬山東林寺

投策前朝寺空門積雪多猿聲千澗落  
鴈字五峰過  
白社惟同醉青山只自歌  
遠師能愛客禪講夜如何

十月京師紀事

蕭關風急馬頻嘶四塞河山動鼓鼙  
獨立高臺望烽火  
胡笳多在薊門西

送鄉友南還

故人天上別相送出雲間海樹藏官舍江帆過楚山遠  
程隨鴈去生計伴鷗閒若到家庭日封書願早還

歲暮旅懷

天涯留滯歲將除短髮蕭條嘆客居楓葉共飛遊子夢  
梅花不見故人書雲浮關樹千山盡夕照江烽萬里餘  
回首旗亭心更遠每看征馬一踟躇

送鄉友南還

楊柳霏霏鎖綠陰剗門春盡落花深琴尊羨爾能雲臥  
書劍辭予尚陸沉萬里河山遊子夢中原涕淚故人心

國朝卷二十

五

立

別來握手知應早預想秋期在竹林

答黃悅可見寄

故人久別益凄其誰遣瑤華慰所思丹鳳城頭不堪望

五陵春草滯歸期

贈管生

天涯誰骨肉歲月爾相親執手仍談藝交情不厭貧倦

遊三輔日長醉五陵春更擬滄洲隱持竿共釣鱗

介郎名淮字文東秦中賈  
人子客於淮揚備書

清溪晚步有懷

落日清溪上黯然結思思逝水去不返歲月盡異茲蕉

鹿故云夢得喪何營之悠悠息陰處意與白雲邊

登顧氏書樓

散帙臨高閣南山日夕佳十年江上病千里客中懷歲  
月愁無盡安危事有階惆悵絨題罷孤鴻天一涯

中夜

客邸夜  
廠城擊柝過有懷馳故里無藥起沉疴歲  
易憊還在途窮病復多中宵長不寐虛牖對星河

寄遠

瓊花臺上雨初收黃歇山前水急流莫道別來鄉國異  
南江愁是北江愁

谷海

國朝卷二十

三

癸丑歲春夢中得雲字二句續成一絕

北窗人酒微醺春夢無端到夕曛此夜美人何處所

若手為雨定爲雲

曉雪

數日積陰氣候變薄暮飛雨半成霰朝來臥聽寂無聲  
起視西溪白平堰

病中

一貧成病竟年年愁入蒼茫歲暮天客至擁衾聊起坐  
冷風吹雨濕牀前

江頭女

妾家元住曲江頭日日江潮生晚愁獨倚捲簾窗春思倦  
曲終無語抱殘篴

題畫

十月山家落木稀高窗終日見雲飛柴關地僻無人到  
獨向峰頭抱犢歸

喜馬子彥至自金陵

渺渺龍江遠鳳帆揚帆倏忽過崔嵬青山無數南朝寺  
一劍隨身何處來

王芳遠

獻詩太宗詔諭外  
國作詩以獻

紫鳳銜書下九霄遐陬喜色動民途父潛龍虎聲相應

未幾鯨鯢氣尚騎萬里江山歸一統百年人物見清朝

天教老眼觀新化白髮那堪不片饒

荅黑麻

西湖

一株楊柳一株花原是唐朝舊酒家惟有吾邦風土異

春深無處不桑麻又日本夷不許姓氏詠蜀葵云花如  
木槿花相似葉比芙蓉葉一叢五尺

開千歲不盡還  
留一半與人看

國雅卷之二十終

國雅後序

國雅若干卷吾友鬱林二守九華外史顧君玄言所纂  
也君束髮負氣自豪優游六籍錯綜百氏與其伯兄玄  
緯齊名文苑既壯而遨遊兩都為士林所推筮仕即陟  
滇歷粵其踪跡幾半方內山川形勝人物瑰瑋莫不神  
超致契嘗邂逅楊用修太史於南中傾蓋交歡說詩詮  
文飽飫膏馥楊後評其昆明集序而歸之較諸白首窮  
經局蹐一丘一壑者何如君辭翰既工著述兼善往往  
上凌左史遠邁淵雲其於昭代篇章所積尤富達而  
王公微而隱逸及夫閨秀釋老搜羅抉剔殆盡又得俞  
張二氏所新纂乃崇雅黜浮哀多益寡彙勒此編蓋  
明興二百年來光嶽耀貞長離騰化英賢輩出抱玉者  
肩聯握珠者踵武代有其人均之陶性靈揆天藻和其  
聲以鳴

國家之雅者於是乎在惟君不憚繙裁無論晡爽竭精  
覃思越裘葛數易始克鋟梓猗歟良工心獨苦哉余衰  
且耄叨與校讎幸而樂觀盛典敢綴庸語末簡俟海內  
同志見賞當識余為匪佞云

萬曆元年春三月朔日皇山姚咨撰時年七十有九  
國雅私識

國雅凡二十卷續加千卷暨品如千首家大人所刪畧明詩也不肖讀大人知非歷詳其出處之大蚤年薄遊上都為一時臺閣鉅公所知咸屈節致之其承華襲美似易易耳繼而南宮府君在邸往往相依者都陟清省大人獨念曰我七上京兆輒獲落弗遇平生孤矢之志不願翫體競場遂循資乞除適滇遷鬱兩官各萬餘里輟所至不旬月去職其恬於進止如是迄今風譽為藝林所推中歲林居著述益富嘗所嗜書非列國史漢弗屑論尤喜說詩古宗騷選近昉盛唐斷自大曆以還語並置之恒謂漸染浮靡則墮落下乘矣是編甫就指示

國雅卷二十

言

是編屬之同好諸友所參校也頃承

撫臺巴郡張公賜閱詳示舛錯而不可讀者數十處故余手所撰次猶失其真若是是以知讐校之責艱甚乃復躬勘至再刊其脫誤頗多庶乎證可已其原本小注仍從其舊間有疑字不敢輒為膚億竄改即劉更生所稱傳疑闕文例也

萬曆改元冬孟望勾吳顧起綸覆校重識

續國雅品目

目中稱字及名詳也此準昭明文

卷一 國初迄洪武末凡四十五

鄭高士 朱中翰 王山人 顧

錢山 胡教授 王忠文 朱

吳學士 張山人 蘇翰編 錢子

藍僉事 包二守 王宗常 呂博士

錢翰樸 王給事 湯將軍 梁處士

劉金 湯人 朱仲諒 貝紀善 莊

劉崇明 朱舍人 章 閻 劉忠愍 殷

鮑仲孚 唐僉憲 許訓導 韓春坊 張尚

錢進可 朱教諭 顧允迪 茹壽光 茹季

卷二 永樂迄天順凡五十八

練左都 胡教授 解學士 李繼本 金文靖

王內敬 鄭元亨 胡忠安 劉師邵 晏振之

鄒翰講 王溧水 瞿長史 徐德熙 王修撰

陳禮侍 王文安 周文襄 陳文定 周學士

張迪 魏文靖 蕭尚書 程中丞 趙鄒陽

謝復古 趙伯貞 谷 宏 晏僉憲 苗

金長史 熊敬方 秦方伯 蘇秉衡

沈通理 陳少尹 吳文恪 劉文介

朱子榮 管長史 王別駕 章文重 楊文懿

陳漢昭 胡方伯 徐武功 沈隱君 柯學士

卷三 成化迄正德凡六十五人

成僉憲 陳工部 錢偃師 夏評事 岳太守

張訓導 沈處士 程學士 張南安 王文恪

林司寇 史山人 彭文思 王給事 陳翰林

聶掌教 黃長樂 吳彥貞 陸太常 儲文懿

方瓊州 都太僕 王方伯 秦封君 秦端敏

秦通叅 莫文字 謝文肅 王山人 羅建寧

周大叅 朱吉安 顧文僊 杭中丞 孫太守

俞大叅 徐尚書 李布政 張戶部 左進士

王太僕 王處士 陸文裕 呂禮侍 周襄敏

周尚書 蕭憲副 段主政 戴刑部 錢山人

顧同府 胡中丞 周諫議 周山人 朱福州

王僉事 謝處士 謝學憲 錢臨江 敖方伯

薛隱君 劉司馬 唐進士 楊禮部 錢處士

卷四 嘉靖迄萬曆凡五十人

潘司空 許太常 馮太守 顧廉訪 蘇督府

劉僉憲 浦官贊 謝中丞 曹光祿 侯方伯

王司馬 田兵部 駱翰編 鄔憲副 強德州

陸盧龍 王侍御 華比部 何少叅

陳隱士 鄧山人 方僉憲 洪刑侍 范學士

楊進士 張貢士 馮汝強 李千戶 王山人

羅山人 錢貢外 朱光山 李比部 劉玄子

宋禮部 王崑山 朱山人 趙文學 徐文學

顧伯子 王貢士 林公子 汪山人 鄧徵甫

沈光祿 張憲副 張文忠 唐中舍 張光祿

邵山人 李司馬 張大叅 柏山人 金山人

許太守 許太僕



續國雅卷之一

勾吳顧 起綸玄言



顧子述續曰時爲之語云 國雅尚矣續此無濫者乎  
或云弗雅斯濫矣雅則曷爲濫乎誠哉其言之也余鈔  
明詩既得二十卷海內故多名家家有一二篇什之雅  
者漫不及編卽品所稱瑣瑣瑟瑟靡非寶也乃藏之篋  
笥將有嗣乎續之居無何而俞氏百家後編出始克摺  
據互證而并鈔焉夫惟 明詩浩瀚蓋不可勝數抑續  
例既畧而所見不廣特稍次未備尚冀後之作者相踵  
纂緒大哉成乎斯寔曠代英靈振古逸響光翼我

明何其興之盛也嗟余末學識譾目眊艾蕪披菁存什

一於千百業

未覈自責弗諱揆之是編也皆原于大

雅茲復續而裨之蓋云備矣間有逾詞兼采則事美一  
時義歸 一切樹風在所不廢於是乎譏其濫也又  
如雅何萬曆改元夏五既望題於玄中小史

鄭高士 名元佑字明德遂昌人元季國初名士

題商德符贈周隱君圖

玉堂商公五色華硯坳能令海水立終南泰華春雲開  
草木龍葱紫烟溼僊人樓觀山之阿中有采芝人歎訝  
待渡者誰欲相過盤盤磴道開烟蘿吳下周君學僊人

與公素爲方外友萬金持贈君不顧得此夜光衡戶牖  
自公歸箕君亦老百靈與之護秘寶藏之此山全不朽  
長有空歌下蓬島

宮詞

曲曲闌干水殿涼紅綃扇底菱荷香按歌誤觸鶯鶯起  
宮漏今宵分外長

朱中翰 名希字孟辯華亭人元季名士洪武初中書舍人

賦秦淮送宋仲珩

春漲曉沄沄空明澹孤嶼中流送行舟綠波渺南浦  
從青鏡下人立滄溟語素縠漾涼颼圓紋散疎雨桃葉

懷舊題後庭歌弔古因之寄離情前洲采芳杜

題畫

夜窓聽雨話巴山又入瀟湘水竹間渺渺冥鴻誰得似  
碧天飛去又飛還

王山人 名蒙字叔明元季名士洪武初隱黃鶴山

宮詞

南風吹斷采蓮歌夜雨新添太液波水殿雲生三十六  
不知何處月明多

客中感懷

十年踪跡厭紅塵功業無成白髮新夢裏不知身是客

不惟有影相親夕陽衰草梁園暮細雨閑花楚水  
馬足經行今幾度溪山應笑未歸人

荆溪懷古

太湖西畔樹離離故國溪山入夢思跨鶴未歸人世換  
歲時誰祭斬蛟祠

林泉讀書圖

調古世寡和材疎自無羣種玉閨奇術還丹隱玄文披  
裘負薪士拾金罕所聞雖無箕穎節亦不慕高勲石田  
長芝草暮春自耕耘曲肱抱耒耜長歌至日曛所樂良  
在茲沒歲復何云

汪山人  
續國雅卷一

顧博士  
名祿字謹中華亭人  
洪武初太常博士

秋夜

一寒一暑相推移四時平分秋最悲山川蕭條草木萎  
金風淅瀝吹羅帷夜何三畫何促欲眠不眠歎幽獨  
樓上寒更聲斷續飛蛾翩翩繞殘燭

次韻夜泊

海近潮初上江清天倒流故鄉頻入夢此地獨維舟落  
鴈沉霜鏡潛魚避月鉤不眠催早發歷歷數更籌

孫丹陽

名炎字伯融句容人編跋博學善詩歌洪武  
初池州太守從征死節處州追封丹陽男

龍灣城

龍灣城壯如鐵城下是長江城頭有明月月色照人  
不移江水長流無盡時

寶劍歌

公與劉文成友善  
此作以贈劉也

寶劍光耿耿佩之可以當一龍只是陰山太古雪誰  
結此青芙蓉明珠爲寶錦爲帶三尺枯蛟出水海自從  
虎革裹干戈飛入芒碭育光彩青田劉郎漢諸孫傳家  
惟有此物存匣中千年睡不醒白帝血染桃花痕山童  
神全眼如日時見蜿蜒走虛室我逢龍精不敢彈正氣  
直貫青天寒還君持之獻明主若歲大旱爲霖雨

錢山人

名惟善字思復  
號曲江錢塘人

錢山人

續國雅卷一

西湖竹枝詞

阿姊住近段家橋山妬蛾眉柳妬腰黃龍洞前黑雲起  
早回家去怕風潮

杜子美

四郊多壘未還鄉又別潼關謁鳳翔九廟君臣同避難  
十年弟妹各殊方中興百戰洗兵甲萬里一身愁虎狼  
寂寞羈懷窮獨叟按歌懷古恨茫茫

胡教授

名翰字仲申金華人  
洪武初衢州府教授

日出照高樹

日出照高樹翳翳綠當戶端居念友生淹泊何處所西

路阻且長東流莽回互豈云阻音容亦乃乏書素懷德  
必有鄰興言自中古振衣起予見此禍之父

### 擬古

飲酒須飲醉結交須結真貌合不足貴言合寧可珍長  
安桃李樹家家自陽春常時握手者說是同心人吳中  
有雙劍一奉洛陽賓精靈颯然合萬里情相親

王忠文

名稗字子充義烏人洪武初翰林待制諡忠文

### 築城謠

朝築城莫築城築城欲高高輒崩江南五月盛霖雨隨  
崩隨築人人苦大家築城多賣田小家賣產來助錢朝

宋文恪

名納字仲敏滑縣人洪武初國子祭酒

五

築一寸莫一尺盡是齊民膏血積爭道城高可防賊民  
力已窮何所益君不見 陛下盛德猶如天四海一

家千萬年金湯之固非所恃何乃坐令民力敝

宋文恪

名納字仲敏滑縣人洪武初國子祭酒

### 壬子秋過元故宮

鬱葱佳氣散無踪宮外行人望九重一曲歌殘羽衣舞  
五更粧罷景陽鐘雲間有闕摧雙鳳天外無車駐六龍  
欲訪當時泛舟處蒲池風雨落芙蓉

雲霄宮闕錦山川不在穹廬毳帳前螢燭夜遊隋苑囿  
羊車春醉晉嬋娟翠華去國三千里玉璽傳家八十年

今日消沉何處問居庸關外草連天

陶學士

名安字主敬當塗人洪武初翰林國史學士

### 虎丘

海湧危峰翠拂天瘞來池劍化蜿蜒樓臺隱映王珣宅  
樹石荒涼陸羽泉古冢月明無踞虎芳林春盡有啼鶯  
名山勝境關情久祇爲登臨一繫船

吳學士

名祐字伯宗金谿人洪武間官武英殿學士

### 余氏山南小隱

萬疊碧山紆淮南好隱居竹深清野潤林響夜窻虛古  
巷多迴轍匡牀剩貯書忽聞歌誦起白石意何如

張山人

名立字光弼廬陵人洪武初名士

六

### 歌風臺

世間快意寧有此亭長還鄉作天子沛宮不樂復何爲  
諸母父兄知舊事酒酣起舞和兒歌眼中盡是漢山河  
韓彭誅夷豈可說且喜壯士今無多縱酒極懽留十日  
感慨傷懷 泊臆萬葉旌旗不自尊魂魄猶爲故鄉惜  
從來樂極易生哀泗水東流不再回萬歲千秋誰不念  
古之帝王安在哉募昔石刻今如許幾度秋風灞陵雨  
漢家社稷四百年荒臺 是開基處

蘇翰編

名伯衡字平一州人洪武初翰林院編修

題劉汝弼東原小隱圖

東源山水好聞說似終南種黍都爲酒誅茅小作菴過  
門人問字看竹客停驂亦有幽棲意遲歸我獨慚

錢子正名蒙無錫人

絕句

湖海風塵入鬢毛歸來燈火對兒曹道人不是封侯骨  
錯把黃金鑄寶刀

劉彥亨名渙字彥亨號石田會稽人

青樓怨

錦樓花霧飄綠塵芙蓉屏深凝淺春微酣着人嬌欲睡

錢子正名蒙無錫人

七

綵雲載夢隔湘水雙螺小娃催理妝粉綿拂拭鸞鏡光

濃黛掃眉柳葉長涼露濯手薔薇香家本石城南市住

早年悔作青樓倡十八梳成金翅髻青蟲簪滑鵝背膩

歌聲遶梁揭塵起細簫咽秋鳳雛語翠綃舞衣珠珮結

硤金天鵝銀蛺蝶神女騎龍別楚宮巫雲蜀雨隨峽風

別離何多懽會少牛女隔河怨秋老黃衫少年下樓去

馬蹄隆隆浩無主

春日漫興

莫道梨花瘦楊花更可憐隨風消雨恨總在客窗前

藍僉事名智字明之崇安人洪武初廣西按察僉事

秋日遊石堂奉呈盧僉憲

荒郊通逕僻野竹閉門深白日羲皇世青山綺皓心潛  
蛟多在壑宿鳥獨歸林知爾荷鋤倦時爲梁甫吟

包二守名聖字聖卿雲江陰人洪武初岳州府同知

登岳陽樓

春城攜伴共躋攀極目風煙慘淡間桂嶺北來還有瘴  
洞庭南上却無山江通巴子三千里雲鎖湘娥十二鬟  
爲語遊人莫吹笛潛龍淵在月波灣

王宗常名舜字宗常蘇州人洪武初死

偶題

旅舍多歸夢今歸夢始真孤城五更雨百死一全身短  
日同慈母浮雲是故人欲辭城郭去漁釣老江津

呂博士名敬字志學號無時居士無錫人洪武初官邑學博

書雲林圖

悲舊夏林綠高齋方夕曛幽花垂泣露遠岫欲歸雲停  
簷風初至移尊酒半醺明朝憶佳賞回首念離羣

題幼文蜀山書舍圖

雲鎖蜀山秋重來佛慧遊舍毫得詩句題入畫中愁  
黃尚書名瑞字子器建昌人洪武間工部尚書

短歌行



來日苦少去日苦多人生不滿百痛當奈何當復奈何  
不如沽美酒置此高堂上與君長笑歌峻坂無停車急  
川無停波不如沽美酒置此高堂上與君長笑歌人生  
不滿百當復奈何痛當奈何來日苦少去日多

錢翰撰

名允昇字仲益無錫人洪武初翰林修撰

送曾知府復任還歸州

空江湖上客帆開報政新從 闕下廻御札已書虞夏  
最州民爭望鄧侯來猿聲夜落夷陵峽鴈影秋橫滬  
堆歸到永安湏弔古杜鵑啼處有荒臺

遊蓬萊道院聽李天山鼓琴

王洽事

續國朝卷一

九

僊人鼓琴花滿庭我亦洗耳爲君聽風搖空林夜瑟  
泉落幽澗秋泠泠平生青袍作行客千載絕音聞廣陵  
曲終日落醉歸去無數好山天外青

題畫寄長史

青山疊疊水粼粼迢遞停雲憶遠人落盡梅花無驛使

京華又是一年春

主給事

名佐字彥舉香山人洪武間給事中

書所見感舊

小小銀篋壓坐偏  
鷓鴣金籠語可憐  
兩鬢秋霜明鏡裏  
十年春夢夜燈前

湖山隱約人如畫空負當年畫船

湯將軍

名胤勛字公讓梁山人洪武中以裨將出守孤山死之

守宮詩

自是宮中一粒丹點時何易守時難鴛鴦夢冷情初斷  
蜥蜴魂銷血未乾榴子色分金釧滑茜花光映玉鈎寒  
幾回試捲香羅袖留與 君王仔細看

秋思

點點青霜入鬢絲秋來觸景卽生悲  
泐砌下好顏色郭索沙邊多路岐  
問館有時還傍酒小窻無夜不吟詩  
車中拉脅人潛入底懷底料事遲

湯將軍

續國朝卷一

十一  
世

梁處士

名安字子高號石門臨江人洪武初隱居

題西山程氏南窗

獨居南窗靜秋木連翠岑鳴琴衆葉下把酒孤猿吟  
空負朱紱願莫乖白雲心羨彼歸田叟高風留至今

和何彥正春耕

竹間樵逕行應熟花外漁舟望欲迷  
處處稻畦分落照荷鋤人去水禽啼

劉汝弼

名仔肩字汝弼番禺人

公子曲

玉雪諸公子聯翩出鳳城柳橫絲障綠花擁繡衣  
明寶



勒迴香騎金丸落小鶯晚酣邀上客歌吹蒲蓬瀛

荆南江晚眺有感

沙頭寂寂晚維舟詞客重來感舊遊江上夕陽諸葛廟  
雨中芳草仲宣樓天連錦水來春色雲暗襄陵起暮愁  
回首可憐梁父意一官牢落向南州

劉愈憲

名永直字宗弼潯州人  
洪武初浙江按察使事

題孫子讓山水

斜日在松杉千崖暝色酣山藏五柳宅路轉百花潭亂  
石明蒼玉遙峰露碧簪終希陪妙躅來此脫征駟

湯端夫

名益字端夫蘇州人

劉愈憲

續國雅卷一

十一

虎丘

虎是何年踞名存跡已亡塔從林外出山向寺中藏池  
暗生寒氣臺荒受夕陽更無人弔古來祇爲春忙

朱仲誼

名經字仲誼杭州人

題顧定之墨竹

虎頭諸孫總痴絕老安不痴乃用拙憶在吳中寫墨君  
雪楮冰縑每飄撇妙處不減文湖州同時更有柯丹丘  
眼底只今無此客使我悵悵懷風流蒼梧想見斑竹活  
看盡忽焉憂思豁安得二老從之遊搔首涼風起天志

貝紀善

名翱字季翔崇德人  
洪武初楚府紀善

未央宮瓦頭歌

赤龍西飛入咸陽烏騅噴火焚阿房阿房已灰雕亦逝  
渭水參差開未央未央宮殿中天起乃公見之怒仍喜  
壯麗方推相國能萬戶千門從此始南山相對雙闕開  
函關夜啓侯王來奉觴上殿嘯萬歲拔劍斫柱何雄哉  
玉階一汚新都履舊宅重開洛陽水東西照耀四百年  
漢基半與周基似長楊昨夜西風早錦綬椒塗跡如掃  
誰言長樂殊未央回首青青千里草可憐遺瓦至今存  
古今不剝莓苔痕銅雀有歌哀白日鴛鴦無夢恨黃昏  
梁國老人愛奇雅錦囊得之百金賈昨齋風雨伍陳玄  
猶作金人淚如瀉朝來榻得寄江城舊物相看無限情  
白髮張衡足愁思何人相與話西京

華隱君

名幼武字彥清無錫人  
洪武初名士

宿蠡口

春風吹短棹迤邐歸程楊柳溪邊戍旌旗野外城市  
橋人迹少官路馬蹄平欲過東湖宿邊烽止夜行

題秋江送別圖

送別滄江曲其如別意何疎林秋日薄遠岫白雲多盡  
飲離筵酒何煩鼓枻歌相思明月夜浩蕩隔煙波

芭蕉

窗外芭蕉映碧油翠綃成  
幄覆清幽從添夜雨瀟瀟  
可愛晴雲冉冉浮學扇近  
人能却暑題詩留客不禁秋  
高柯好護青青玉要使相輝  
竹外樓

劉崇明

名秩字伯序豐城人  
洪武初崇明知州

裁衣行

裁衣須裁短短衣短衣上  
馬輕如飛縫袖須縫窄窄袖  
窄袖彎弓不礙肘短衣窄  
袖時樣新殷勤寄與從軍人  
願郎着衣便弓馬破敵長  
驅古城下明年佩印披紫緋  
裁衣不比從軍時

雞初鳴

續國雅卷一

十三

詩

馬初嘶雞初鳴夜待旦日  
兼程昨日晚出長安城今日  
早望橋山行東西相去四百  
里明日山北猶晨征不緣  
薄宦苦相縈何得如此勞吾  
生君不見路無窮人易老  
離家不如在家好我家萬里  
在江南回首天涯歸不早

宋舍人

名璣字仲衍中書舍人  
文憲公景濂子

春夜詞

春閣凝溫翠雲繞五色流  
蘇垂嬌媚美人自脫玉花鈿  
子帳香棲綠衣鳥銅鳬漏聲  
夜初墮紅暈搖晴燃蠟火  
欲寄相思無鯉魚月色梨花  
愁朵朵謾將軟帶結同心  
開簾微步鞦韆陰芳眠未穩  
鴛鴦枕半樹重重曉翠含

詩 閨 不詳字里

送張二貢士

烟靄散春晴亂鴉深樹鳴  
千山懸落日一騎出孤城急  
管催離宴飛花亂旅情殷勤  
懷上策謁 帝向承明

劉忠愍

名琦字永樂吉安人  
翰林侍講卒諡

山居

水抱孤村遠山通一徑斜  
不知深樹裏還住幾人家  
殷教論

名奎字孝章崑山人  
洪武間薦授教諭

春草

東風到咸陽吹起原上草  
偶然出門去迷却平陵道此

續國雅卷一

十四

詩

處斷人腸得似江南好

鮑仲孚

名恂字仲孚崇德人洪武  
間以明經召至京固辭歸

次韻贈李煥章

輟棹鴛湖曲題詩竹寺幽  
濟時心事在為客歲時流逸  
氣橫空隼閒情汎渚鷗聊歌  
白石爛或可慰淹留

唐僉憲

名泰字亨仲閩人洪武  
武間陝西按察副使

題劍閣圖

開國自吞叢差我劍閣雄  
大江通灩澦遠岫接崆峒鳥  
道寒雲外猿聲古木中征驂  
何處客寧不畏途窮

名繼字士修號觀生海

寧人洪武間為學訓導

竹林王氏

巖巖色積鐵中外絕梁柱谷虛幽氣盈草潤流泉注閒  
雲有卷舒暮宿此容與惟應薄太空去作人間雨  
石磴綠蒼蒼負薪下層峭歌聲相應發山木閃殘照近  
驚幽谷響遠客清猿嘯款乃江上音煙波豈同調

春懷故人

花紅南陌頭草綠東原上淑景方艷陽懷人獨惆悵  
前日復夕天未徒凝望念此離索情不殊羈旅况

韓春坊

名守益字仲修號耕石  
首人洪武間春坊中允

過九江

補卷一

入續國雅卷一

十五

立

夷險休渝節勸勞莫問家暮船維柳樹春水洗桃花廬  
早依霄漢江州對渚沙多情山川馬文藻詠琵琶

過彭蠡有懷陶令

擾擾元熙事相將晉鼎移豫州歸宋日陶令棄官時嘉  
遯非干譽高風不易追如何平形跡長使後人疑

懷遠縣

治平今有日因得遠人懷一水牂牁遠千山翡翠開竹  
祠依澗壑縣郭半雲蘿我正詢民瘼苗頑莫浪猜

張尚書

名壽字惟中號一樵  
洪武初尚書

劍石歌

干將飛空化為石石邪劍邪誰復識陽文蘊秀墨色

陰縵積潤苔花碧卻疑女媧補天時手斷鰲足為立極  
風霜剝蝕綠龜鱗鬼神爲護蒼龍脊東吳南越事已矣  
何物君家乃有此好奇笑殺白猿公有道終歸赤帝子  
日出遙瞻殺氣凝雨洗似聞妖血腥煅煉不資爐鞴力  
胎胎自是陰陽精鳳山見之三太息至寶空爲豪者得  
翻然作歌頌其德神物揮霍生顏色我能爲爾礪鋒鏑  
發爾幽潛使昭赫出掃妖邪扶正直莫令良善相戕賊  
慎勿立此空庭側

錢達可

名允字達可號關鐵更無錫人

林堂讀書

錢達可

入續國雅卷一

十六

立

松雲蒼翠石泉清茆屋人家遠俗情猿鶴未歸秋寂寂  
隔林時聽讀書聲

朱教諭

名昇字彥昇號九峯無錫人  
洪武間上虞教諭

望夫石

山日照離顏望夫上青山青山日將晚行人去不返望  
望無休息長江浪花白卻將望夫身化作山頭石夫歸  
莫怪無妝束年年春雨苔衣綠

顧允迪

名協字允迪號秋碧無錫人

行路難

鳥道狹且危羊腸細而曲長安大道如掌平紛紛冠蓋相馳逐一朝豺虎恣縱橫秋風滿道無人行驅車我欲向西去落日曠野無川城行路難一何苦前有豺後有虎人間大道不可行鳥道羊腸何足數

茹壽光名宏字仲洪號倥侗無錫人永樂初任壽光丞

竹枝詞

妾心如水不流西郎向蕭關意莫疑肯學楊花無定性隨風飛去即沾泥

茹李清名混字季清號養愚無錫人有爪齋集

楊白花

續國雅卷一

七

楊白花身輕不山已一夕長風生飄飄渡江水江南處處好繁華悠揚落地知誰家知誰家不復歸永巷春深人跡稀悲歌連聲斷回首長秋鴉亂飛

續國雅卷之二

勾吳顧

起

練左都名安字子寬新淦人永樂初左都御史

水竹居詩

高人結宇脩篁裏軒戶玲瓏瞰流水庭皋月轉翠陰生溪上風回青浪起翠陰青浪映窗扉曲徑臺深客到稀林下移牀揮麈坐沙頭繫艇釣魚歸柴門無事臨流敞高卧支頤聽清響千山暮雨石泉通一夜春雷響龍長几席清幽俗事疎波光盡日映圖書何年得遂辭塵鞅杖策相從卜此居

續國雅卷二

一

胡教授名奎字虛白號斗南海寧人永樂初南康府教授

夢遊廬山

我有紫霞想夢遊匡廬峯仙人凌絕頂手掉金芙蓉亭亭九天上疊嶂崩騰涌波浪五色雲中白鹿鳴三更海底天雞唱懸崖瀑布從天來足練倒界青天開高人自是陸脩靜邀我石磴行莓苔九江秀色可攬結欲誇長鯨捉明月望斷蓬萊青鳥書琪花落盡無人折飛身上挹香爐煙坐卧九疊屏風前翩然拜余招五老一笑彷彿三千年松風泠泠吹夢覺鶴背高寒露華落蚤知此境隔塵凡只合棲神向丘壑何人寫此江上山雲山中



他日開明當會碾颺輪去長謝時人去不還

解學士

名縉字大紳吉水人洪永間官翰林學士

題馬

秋露溥溥玉花白金鞭紫騮度香陌奚官穩控青絲韁  
天仗從容閑玉策歸來意氣閒且都欲飲靈泉跨沙磧  
何當披甲騎爾行一日長鳴空冀北

車遙遙

車輪何遙遙西上長安道不見車上塵空悲道傍草君  
行日已遠恩愛難自保憂來當如何一夕夢顛倒豈無  
中山酒一洗我懷抱但恐三春花顏色不再好車聲何

解學士

金文靖王內啟

八續國雅卷二

二

鄰鄰風吹馬蹄塵願隨馬蹄塵飛逐君車輪

李繼本

名延興字繼本漢上人

讀賈誼王粲傳

白髮悲王粲青春羨賈生萬言詞慷慨一賦氣崢嶸  
屈心猶壯依劉恨未平懷賢坐長夜斜月半窻明

金文靖

名善字幼孜新淦人永樂間少保武英殿大學士諡文靖

山窻夜雨

深  
蘿暗竹房半枝殘燭雨聲涼蕭條樹葉千峯裏  
不獨猿聲斷客腸

王內啟

名設字內啟山陰人

秋日懷孟熙

倏忽成遠別幽棲仍薜蘿草芳經雨歇蟲響入秋多夜  
月柯亭市涼風鏡水波相期盡一醉何日更來過

鄭元亨

名嘉字元亨山陰人

秋日懷孟熙

故人丘壑隱塵路往來遲寒暑空相憶雲山不可期古  
碑梅福寺荒井石郎祠舊日同遊處偏勞入夢思

胡忠安

名濬字源潔武進人永樂間憲部尚書諡忠安

訪張三丰至祥符寺見留題

交情久已念離羣獨向山中禮白雲龍送雨來留客住

解學士

金文靖王內啟

八續國雅卷二

三

鹿銜花至與僧分疎星出竹昏時見流水鳴渠靜夜聞  
却憶故人知此隱題詩誰似鮑參軍

劉師邵

名師邵號半齋會稽人即孟熙之子

送張孝廉之京

別離知不遠情至亦潸然樹引投京路鷗隨出浦船去  
程秋雨裏歸燕曉霜前親舊如相問早樓似往年

楊柳枝

盈盈窄地垂萬萬綠煙絲最愛花如雪還憐葉似眉鴉  
啼驚曙蚤鶯語覺春遲坐惜香閣婦年年怨別離

贈開元寺隆上人



錢塘住相將廿載餘息來諸妄斷老去萬緣跡  
竹通幽徑攀藤補散處時時得佳句還向壁間書

晏振之 名鐸字振之蜀人

黃鶴樓

宦遊歲月易蹉跎對景其如感慨何黃鶴不來仙已去  
古樓猶在客重過青山遠戍寒煙積芳草平洲夕照多  
此日獨吟傷往事長江渺渺水空波

鄒翰講 名維字士熙吉安人永樂間奉坊弟子無翰林侍講

白楊河

白楊河 春水碧白楊河邊多估客東風二月柳條新

八續國雅卷二

四

却念行人千里隔岸上居人纔數家茅茨深處見桃花  
小婦河邊汲新水老翁門外看雛鵝桑苗未青麥苗綠  
牛羊散落村墟牧行客年年任往來居人自住楊河曲

王漂水 名傑字內悅山陰人永樂間漂水知縣

出塞

長驅汗馬薊城陰雙鬢那知歲月侵一劍未酬平虜志  
孤雲空引望鄉心窮秋烽火防邊急落日風沙度磧深  
誰道轅門滿軍士却因戎吏請黃金

瞿長史 名佑字宗吉錢塘人永樂初周府長史

故宮歎

金殿夜半北方起炎精木燼光先死青衣去作行酒人  
泥馬來為失鄉鬼江頭宮殿列噴噴湖上笙歌樂宴安  
魚羹自從五嫂乞殘酒却笑儒生酸格天閣上燒銀燭  
申王計就斬王逐累世內禪諱言兵中興之功罪難贖  
開邊霧動終倒戈師臣函首去求和木綿菴下新鬼哭  
誤國重逢賈八歌琉璃作花禁珠翠上馬裙輕淚妝媚  
朔風吹塵笳鼓鳴天目山崩海潮避往事興亡誰與論  
亭亭白塔鎮愁冤惟有樓霞嶺頭樹至今人說岳王墳

舊鏡嘆

美人在時對鏡妝美人去後鏡無光玉臺零落白鳳凰

續國雅卷二

五

錦囊拋擲紅鴛鴦夜深悄悄聞鏡語何不持挂墳前樹  
新人新鏡自相宜舊物荒涼無所依

徐德熙 名璵字德熙不詳里

秋日江館寫懷

水國天寒樹影稀西風又見鴈南飛郢中白雪無人和  
湖上青山有夢歸獨對浮雲傷往事驚看秋草又斜暉  
十年浪迹煙波外滿眼塵氛未拂衣

王修撰 名洪字希範仁和人永樂間翰林修撰

送金生歸江南

朔雲千萬里歸興復如何鴻鴈雨中去兼葭霜後多人

煙波遠戍驛路出長河惆悵東橋別涼風起暮波

舟中雜興

曠野杳無際孤舟齊魯間河流東下險天氣北來寒古

道蒼煙迴長亭落照閒微茫雲水外一點是梁山

陳禮侍

名璣字廷器廣州東莞人永樂間禮部右侍郎

多景樓

獨倚闌干久涼風滿客衣樹從京口斷山到海門稀鴈

影橫秋色蟬聲送夕暉燕城纔只尺樓堦望中微

王文安

名英字時彥金谿人永樂初禮部尚書諡文安

扈從過夾溝夜宿

陳文定王太安

續國雅卷二

六

七

初雨過符離雲霞望欲迷垂鞭信馬去隨輦聽鶯啼山

繞行營外溪迴帳殿西夜深聞鼓角天近日華低

雜詩

庭中多嘉木枝葉相蔽虧上有雙飛鳥朝出暮還歸和

鳴相顧盼乳哺得所依如何遠遊子汎汎東復西昨來

京洛間今赴北海涯迢遙歷崇坂車輪行且遲垂堂古

所戒寧不悲路岐私懷諒勿念但悲歲月馳顧此三嘆

息良會何時

周文襄

名忱字恂如吉安人永樂間工部尚書諡文襄

尋天台李道士齋

草迷行逕丹臺近赤城山川遙在望雞犬不聞聲  
靜松花落橋橫澗水鳴雲間雙鶴下疑是紫鸞笙

陳文定

名敬宗字光世慈谿人永樂間國子祭酒諡文定

觀燈應制

皓月金門夜和風玉殿春雲移三島近燈簇萬花新天

仗臨丹戾星橋接紫宸中官宣德意燕賞及詞臣

元夕賜燈

紫禁疎鐘靜高城刻漏傳五雲迎寶蓋萬戶綴金蓮瓊

醴行仙席龍盤進御筵教坊呈百戲齊過玉階前

周學士

名述字崇述吉安人永樂間翰林侍讀學士

陳文定周學士

續國雅卷二

七

維揚懷古

廣陵河上路煬帝昔曾過不見瓊花發猶傳玉樹歌臺

荒衰柳在官廢亂螢多欲問前朝事悲風起夕波

張迪

不詳字里

鴈來紅

蘇武音書寄便風上林飛箭落征鴻至今血染庭前草

一度秋來一度紅

魏文靖

名驥字仲房紹興蕭山人永樂間南京吏部尚書諡文靖

題趙松雪小像

天橫玉樹溥華滋水晶宮小春遲遲鴈波柱楫浮輕滿

金豹枕羅香幃蜀琴啼風彈吳絲翠華泚泚

銅仙淚泣風淒淒瑤階土蝕秋虫悲蟬杉實瑞雙蟠螭

玉堂歸老江南時

蕭尚書

名鑑字孟勤泰和人永樂間尚書無學士

題山水圖二首

青山何岩巖下有嘉樹林高亭書閒敞窻戶合層陰前  
村夜來雨石瀨張素琴好鳥鳴簷間始知春意深迴無  
外物累嘿處抱冲襟對此案上書悠悠千載心安得謝  
塵羈扁舟諧遠尋

身已與世遠超然景方寂嘉樹敷層陰芳苔間行跡飛

謝尚書

名鑑字孟勤泰和人永樂間尚書無學士

八

方

淙如練懸斷崖若天闢亭亭山上雲齒齒溪中石豈無  
同心人高談共晨夕簷虛嵐濕衣窻迴風生席雅趣良  
足耽營營竟何益

程中丞

名本立字原道崇德人永樂初僉都御史

晚興分韻得影字

秋風絡緯啼金井月色樓臺漏聲靜美人遠在天一方  
何以慰我心耿耿玉關不夜嫦娥老銀漢欲冰河鼓冷  
強把相思托鳳簫小堦吹轉梧桐影

趙都陽

名宗文字不詳長樂人永樂初都陽知縣

金山寺

大樓閣影重重化國何年此寄踪淮海西來三百里

大江中湧一孤峯濤聲夜恐巢枝鳥雲氣朝隨出洞龍

不盡登臨去帆疾蒼茫遙聽隔煙鐘

謝復古

名復古字不詳安福人

擬唐人長安春望

南山晴望鬱差栽上路春香玉輦過天近帝城雙闕迴  
日臨仙仗五雲多鶯聲盡入新豐樹柳色遙分太液波  
漢主離宮三十六樓臺處處起笙歌

趙伯貞

名介字伯貞番禺人

昭君圖

謝尚書

名鑑字孟勤泰和人永樂間尚書無學士

九

直

玉筋啼紅別漢京天驕含笑擬長城傍人莫訝腰肢瘦  
猶勝嫖姚十萬兵

谷宏

閩人不詳字

行經華陰

雲間太華倚三峯積翠遙連渭水東遠塞鴈聲寒雨外  
離宮草色暮煙中秦關日落行人少漢時天陰古戍空  
寂寞武皇巡幸處祠前木葉起秋風

晏僉憲

名璧字彥之廬陵人永樂間山東按察僉事

奉天殿蚤朝

大輅新城駕象犀百官雲集午門西天垂禁苑星辰近

浦皇都雨露低殿陞風清馴虎豹御溝水暖散鳬鴨

中霄雪霽天顏喜丹鳳樓前降紫泥

黃翰檢

名守仁字約仲莆田人永樂間翰林檢討

題明上人翠屏晚對樓

飛構敞西南佳氣蔚將夕悠然禪誦餘了了見山色勢  
凌層霄寒影落半川碧歸鳥送斜陽流光殊未息色相  
坐來忘湛茲喧中寂閒意成獨吟浮雲澹無跡

送胡學士楊金二侍講扈駕北伐

六師北伐遶龍城遙羨詞臣扈蹕行兵畧曾從圯上得  
檄書多向御前成黃沙白草雲隨馬畫戟雕戈雪照營

黃翰檢

名守仁字約仲莆田人永樂間翰林檢討

十一

應想居庸關外路東風歸旆凱歌聲

金長史

名寔字用誠開化人永樂間王府長史

詠鷓鴣

淺寒愁露懸秋玉別苑萊蕪妬殘綠離襟百結簇雙翎  
雄前唱歌雌應聲草花生子霜未落鴈鷗不來飽飲啄  
雕籠金索調鸚鵡華屋雖高心獨苦

題花鳥圖

香掩重門晝漏稀一枝穠倚畫樓西嬌禽也解幽人意  
噤斷春聲不敢啼

熊敬方

名直字敬方吉水人

送邊將還舊鎮

易水長城本舊丘旌旗西上路悠悠朝吹出塞羌胡笛  
夜坐籌邊古戍樓飲馬直從青海上射鵬遠過黑山頭

玉門關外思歸老定遠應辭萬戶侯

秦方伯

名雙字正韶無錫人天弘間江西布政使

送大司馬程公南征

雙旌遙指洞庭西萬里雲邊息鼓聲玉帳夜寒刁斗急  
轅門秋黑陣雲低腰間龍劍懸秋水篋裏天書照紫泥  
會有恩威及南服犬狼相繼入封題

蘇秉衡

名平字秉衡號雲溪海寧人

蘇秉衡

名平字秉衡號雲溪海寧人

十一

秋日書懷

十年京國敝貂裘萬事無成已倦游客裏青衫司馬淚  
天涯明月杜陵愁秦淮煙曉砧聲夕楚澤雲深鴈影秋  
南望故園歸未得懶將詞藻賦登樓

蘇秉貞

名正字秉貞號雲壑海寧人

南州有贈

天路無期到春湘帶恨流亂山愁對酒落日獨登舟書  
劍憐同客江湖耐薄遊離心寄明月相逐遠悠悠

江南旅情

天涯爲客久生計日蕭條旅况頗看月鄉心猶聽潮



歸江上蚤家在夢中遙無限相思意東風下橋

通理 名恩字通理蘇州人

長安道

西望長安道東風吹綠塵鬪雞三市曉躍馬五陵春柳  
色迷行客花香撲麗人金張居戚里遊宴不辭頻

陳少尹 名端字用端山陰人  
永樂間古田縣丞

送道士

樓觀入煙霞山深隔世譁時憑青鳥使去問赤松家玉  
砌交芝草星壇遠杏花却慙浮世客玄鬢欲生華

吳中丞 名誦字敏德常熟人  
永樂間副都御史

沈通理陳少尹  
八續國雅卷二  
十二

寄以平

故人爲客久何日賦歸田此去無千里相違已一年晨  
鐘孤夢後夜雨短檠前無限相思意音書難盡傳

劉文介 名儼字宣化吉水人永  
樂間翰林侍讀諡文介

宮詞

霜月照簾櫳開簾獨凝佇玉闌花飲房金井桐垂乳風  
傳百和香半車往何許嘿嘿整雲鬟鴉啼俄向曙

劉大參 名昌字欽謨蘇州人  
景泰中廣東參政

內直楊少保延話

翠玉樓臺映碧虛上皇曾此駐輿輿當時官從皆能

事只說相如有諫書

朱子榮 名顯字子榮山陰人

歲暮柯亭道中

行旅正紛然危亭古道邊晚峯千樹雪寒隴幾家煙孤  
棹荒城外歸心去鳥前浮踪未能定况復值殘年

管長史 名誦字時敏松江人  
永樂間楚府長史

丁丑仲春聞兄從軍不知戍所憂而作

書劍望平安那知報急難宦途嗟我隔親塚念誰看  
瘴南州熱風沙北地寒鶴鶴原上泪雙袖幾時乾

王別駕 名惟允字俊民無錫人  
景泰間鎮江府通判

八續國雅卷二  
十三

自况一首時余得代將去官

未了公家事空餘夢幻身相逢青眼舊共嘆白頭新荆  
棘風塵地桑麻雨露春故山歸去近何處是西神

章文重 名珍字文重不詳爵里

劉生

不事魯儒文談兵動王君開弓學明月射鴈落黃雲桃  
葉迷歌扇榴花醉舞裙邀遊五陵地結納李將軍

楊文懿 名中陳字維新鄞縣人景弘間  
吏部侍郎贈禮部尚書諡文懿

歸鴈

迢遞天南鴈春來自北飛一行辭玉渚萬里向金微聲



斷塞雲迴影沈關月暉因嗟異鄉客經歲未能歸

陳漢昭

名穎字漢昭番禺人

雲軒爲月上人賦

高僧忘世相縛屋就雲深靜看千峯白幽樓半榻陰卷舒雖有態去住本無心我亦求閒者何時一訪心

胡方伯

名智字宗愚會稽人天順間廣西布政使

關山月

明月影悠悠如輪復似鉤初懸榆塞外漸過柳城頭暈滿瑯弓夜光涵寶劍秋故鄉何處是一望一生愁

徐武功

名有貞字元之蘇州人正統間尚書無大學士封武功伯

登獅子山

麥黃天氣爽如秋築輿聊爲萃萼遊香徑踏花來洞口小舟送酒過溪頭橫塘樹色連龍塢茂苑煙光接虎丘絕勝竹林觴詠處卽今誰數晉風流

沈隱君

名夢麟字元昭湖州人元季武康縣令國初歸隱

賦得浙江亭送張別駕

浙水秋風日夜哀獨憐亭子倚江開百年王氣從龍去八月潮聲帶鴈來吳越兵戈沙上語江山風景掌中杯不知別駕登臨後載得書郵幾日迴

柯學士

名潛字孟時莆田人天啟間少詹事無翰林院學士

舊朝靴

記得初成日先朝禁直臣動移當輦轂步履上星辰待漏清霜滿樂春玉銳新舊逢時綻梨猶有玉堦塵

遊囊山寺

下馬松關外行行過虎溪鐘鳴知寺近雲暝覺天低磴底流泉滑巖頭古樹齊何當謝塵鞅此地卜幽栖

續國雅卷之二

續國雅二

主

續國雅卷三

勾吳顧起綸玄言選

成僉憲名始終字敬之無錫人成化間湖廣僉事

紫驕馬

紫驕馬嘶且驕珥 轡黃金鑣少年騎馬從行伍逸氣不減丁都護十五離鄉八十餘願得投身報明主

真武山

石闌橋畔碧雲遮玄帝旌旗望眼賒古洞龍歸風滿樹鬱臺仙去雨飛花九還長煉爐中藥五色曾食海上霞擬約道人騎白鶴吹笙同謁太清家

成僉憲續國雅卷三

陳工部名勉字進之號秋林無錫人成化間南京工部員外

過江

揚舲曉度大江潯江水滔滔自古今野草不關興廢事閒鷗應笑利名心海門風起潮聲急沙嶼雲橫鴈影沈翹首故園三日路且謀樽酒破愁吟

錢偃師名綱字孝常號樂間無錫人成化間偃師知縣

蘇子遊赤壁

戰酒來遊赤壁磯月明烏鵲夜南飛披圖遙想人何在山水依然澹夕暉

夏評事名鑑字德樹號赤城天台人成化間南京大壘評事

秋日閒居

涼風起西北出郭吹衣裳一水曉光澹羣山秋靄蒼送客遠行邁於此集華觴悠悠獨來歸山水意空長

祭畢還宿昌平

燭影瑤齋寂人聲出翠微風吹陵栢轉月照祀臣歸山海從龍蟄雲沙信馬飛雞鳴尋舊館假寐待朝暉

岳太守名正字季方號樂泉那縣人成化間知府

短短牀二首

短短牀太局促徒能坦郎腹未得展郎足縱郎有意為合歡牀短安能薦郎宿

岳太守續國雅卷三

太踟促短短牀流蘇苦不長蘭麝無馨香郎欲招妾妾

不來可憐春色無輝光

張訓導名注字時雨崑山人成化間訓導

有感

勸君莫惜鬢毛斑鬢到斑時亦自難多少紅顏年少子

朔風吹上北邙山

沈處士名周字啓南長洲人隱於成武間

從軍行

馬上黃沙拂面行漢家何日不勞兵匈奴久自忘朔月僕射今誰托父兄雲外旌旗婆勒渡月中刁斗受降城

左賢蚤待長繩縛莫遣論功白髮生

程學士名敏政字克勤休寧人成弘間翰林學士

和蕭文明給事元日蚤朝

綵鞭聲裏曙鴉稀劍珮森森拱太微日射御牀明繡衮  
雲回鑾輅見青旂鴻臚立仗傳三呼馬監隨班鞚六飛  
曾記昔年叨侍從起居長許近皇闈

張南安名弼字汝弼華亭人成化間南安知府

方文美畫

花落春歸客未歸仲宣樓上倚斜暉故園遙在三江外

綠遍薜蘿燕子飛

程學士張南安

絡緯詞

絡緯不停聲從昏直到明不成一絲縷徒負織作名蜘蛛  
蛛聲寂寂吐絲復自織纖網網飛虫飛虫足充食事在  
力爲不在聲思之令人三太息

王文恪名縉字濟之吳縣人成化間官少保戶部尚書無武英殿大學士諡文恪

棄婦怨

妾命薄妾命薄妾命自薄君不惡玉顏自昔誤主恩得  
奉餘光侍帷幄兔絲橫倒附青松豈謂青松久難托前  
時糟與糠妾與君同怡今日梁與肉知君歡對誰君如  
大江水妾如水底石江水日夜流不回石抵狂瀾終不

易哭城城亦圯灑竹竹亦斑土木猶可感君心終不還  
妾命薄妾命自薄君不惡

林司寇名俊字待用莆田人成化間太子太保刑部尚書

次漢詩

沅湘日夜流蕙蘭委秋草採芳江上船欲往忘故道長  
風起天末湖水白浩浩咫尺不可隨思君令人老

題畫

雨黑重山水半渾萬松深處幾家村石牀懶慢無官府  
落盡山花不出門

史明古名鑑字明古吳江人

程學士史明古

送人遊維揚

憐君失意向天涯雨後紅亭日已斜對酒不須嗟往事  
渡江知是客誰家孤城猶帶升清月四海空傳後主花  
莫過雷塘弔陳迹只今殘柳尚啼鴉

懊惱曲

行路莫行遠看花莫看遲花遲少顏色路遠長別離

寒下曲

城下黃河城外山羌兒騎馬唱歌還磧西亦有閒花草  
不信春風不度關

彭文思名華字彥實安福人成化間尚書無大學士諡文思

明妃曲

抱得琵琶不忍彈胡沙獵獵雪漫漫曉來馬上寒如許  
信是將軍出塞難

王給事

名徵字尚文南京人成化間官刑科給事中

舟中雨夜聞鴈

羣鴈來何晚寒聲度遠空淒涼因帶雨悲咽爲無風獨  
客雙垂淚孤舟半捲蓬如何愁不寐聞爾寂寥中

陳翰林

名獻章字公甫號白沙新會人成弘間官翰林檢討

圭峯閣

勝處不在遠杪杪何處尋步崖碧澗落眠石青松陰地

小滄溟入山

高鴈驚沈此時閑佇望誰識倚闌心

感劉琨與盧諶事

越石信英臣子諒亦文雅生遭晉運微奔走風塵下

陽笑明月胡雛夜回馬并州困石勒從事爲別駕成敗

非所論吾憐鑿坏者

弔崖山大忠祠

天王舟楫浮南海大將旌旗什北風亂世英雄終死國

時來胡虜亦成功身爲左衽皆劉豫志復中原有謝公

人衆勝天非一日西湖雲掩鄂王宮

聶掌教

名大年字壽卿臨川人正統中仁和縣教諭

過揚州

錦帆三月下江都試問瓊花尚有無  
楊帝行宮秋寂寞廣陵煙樹晚模糊  
春風紫陌尋芳地落日青帘賣酒墟

二十四橋今夜月清光偏照客心孤

黃長樂

名瑜字廷美香山成化間長樂知縣

貞燕謠

元貞二年雙燕巢于無人湯佐之宅一鳴不已朝夕守巢哺諸雛成翼而去明年雌獨來復巢其處人視巢生二卵疑其更偶徐伺之則抱獨之殼爾自是春去秋來凡六稔觀者譁然目爲貞燕

貞燕貞燕影皇皇尾涎涎去年雄共棲今年雄不見深

沈簾幙花隨風空梁獨宿思故雄何人並卧罷能月羅

秋鸞篋花影中

烈鸞謠成化六年十月淮安鹽城大躍湖漁人見沸湯中而死漁人悲其意爲棄焚不食余稱之曰烈鸞

烈鸞可悲雄已死雌依依寧同鏤中烹不向湖上飛生

來相隨不相舍如今奮翅同所歸何事楚宮嬌不語露

桃脉脉東風裏

吳彥貞

名世忠字彥貞不詳里

效唐體賦宮人入道

詔辭禁苑拜金鑾換却宮妝戴玉冠碧落有詩應跨鶴

瑤臺無夢更驂鸞羽衣振雪春雲靄仙佩披香夜月寒

吳人虛銀漢上雍容猶對前歡

陸太常名凱字與儀太倉人  
咸化間太常少卿

瓊林醉歸圖

金鷄細馬出明光碧色羅衣錦繡香行過玉河三百騎

少年爭說李東陽同年二百五十人  
東陽年十七最少

次韻酬蕭給事中顯元日世朝

霧起晨星覺漸稀五門風動曙光微紅燈詔樂香生座

絳節徘徊影綴旂四海車書今日會九天膏露一時飛

欲知獻納歸兩處共識蕭郎在瑣闥

儲文懿名瞻字靜夫泰州人成弘  
間官戶部侍郎諡文懿

登雄縣城樓

高秋愜登眺平楚動悲歌樓櫓何年廢前朝爭戰多雲

閒青海戍塵淨白滿河翻笑咸平際金繒滿塞駝

席上賦史異仲歸雲洞

悠揚蒲洞中歸來不知處曉起語農人春田夜多雨却

問洞中雲何時下山去

方瓊州名向字與義桐城人  
咸化間瓊州知府

山中雜詠

薄雲不成山月有餘白月光墮寧酒照見我顏

交日已遠芳時生來歇惆悵平懷今夕竟河夕

都太僕名德字玄敬蘇州人  
弘嘉間太僕少卿

渡桑乾

西風瑟瑟蕭蕭催我玄鬢飜祗役發皇邑川原屢經過金

龍池畔水濱作桑乾河東馳入滄海浩蕩成洪波誰知

稽天流發源始盈科覽茲感幾事防微當若何

王方伯名尚綱字錦夫號蒼谷河南  
鄭縣人弘正間官浙江右轄

贈李解元行

易水蕭颼處秋風聽短吟雲來村樹暝蟲響豆花深舊

篋猶懸劍高齋已罷琴留君渾未得寂寞數年心

秦封君名旭字景陽號修敬無錫  
人成弘間封武昌知府

送人還京

青楓江上葉蕭蕭汴水淮雲去路遙官燭漸低鄉夢斷

家山將近客愁消霜寒鐵甕秋聞柝月落揚州夜聽潮

厚祿故人如我問白頭甘作惠山樵

春江詞

春江煙鎖垂楊綠春江雨濕桃花片江頭女兒朝浣紗

水中照見芙蓉面畫船雙槳聲嘓啞驚得鴛鴦起暖沙

餘情願托春波去遲遲流向花邊住

寒夜獨坐有感

短髮飄蕭手自籠妾心如瘼坐來空敢從洛下禁諸老



淮南訪八公墨色暖浮詩卷黑花枝晴照酒缸紅

別來蹤跡君休問多在青山白社中

秦端敏

名金字國號鳳山無錫人弘嘉間太子太保南京部尚書諡端敏

吳山高贈盛斯徵

吳山高我我奇峯半空起下視渺八荒周道坦如砥峯高誰能攀道坦吾欲履君心豈好異隨時耻風靡俯仰穹壤間內顧在無愧一官之安寧萬里猶尺只攝謙仍有光遇坎諒須止古人多玉成天意固如此仗劍尊酒前翻爲別離喜

楚雄拜武侯祠

續國雅卷三

九

天入滇南路轉西武侯祠宇重標題池龍得雨春先奮

石馬迎風夜欲嘶指點郡城空鬼蜮氣吞吳海失鯨鯢

楸梧洒遍英雄淚讀罷殘碑落日低

秦通叅

名瀚字叔度號從川無錫人嘉靖間封通政司叅議

飛來峯

高崖幽壑小天台石洞穿雲面面開海上蓬萊應角勝奇峯夜半忽飛來

山成間庭

疊石栽花偶作山峯巖石蒼苔綠孤亭高樹塵囂外獨坐渾消白晝閒

徑風晴步履徐雨窗小几坐攤書陰晴不定吾何忙一任浮雲自卷舒

調鹿

爲調雙鹿築平臺漸見相依不見猜野性何時都脫去竹邊林下共徘徊

莫文學

名止字如山號南沙無錫人弘嘉間邑廩庠生

古意

故人遠馳使愧我雙鯉魚烹魚問起居不見尺素書應是衷情多把筆不成題綢繆故人意久爲故人期兩心如相知豈待觀縷辭兩心不相知對面隔九疑真魚坐

莫文學

續國雅卷三

十

長歎河水正東馳

謝文肅

名鐸字鳴治號方石黃巖人弘治間禮部侍郎諡文肅

歲暮行

歲暮君莫憂歲暮君莫喜人生百歲苦不長一日愁來劇如此古來志士悲白頭一息尚存心未休達人往往亦解此秉燭欲爲長夜遊歲暮君莫憂歲暮君莫喜百歲千秋共如此

晚過靜海宿流何驛

落日風初靜交河水正流居人不知姓行客且停舟青海鳥飛處白雲天盡頭相逢問前路明日是滄州

王山

和州字仁甫號古直黃巖人咸弘間嘗遊寓京師

已  
元旦過 承天門作是日大風

淡日泊 秋桑邊四山浮雲來蔽天本是陽和變殺氣

發出騷 山雲煙吾 皇神聖來赫怒諸公飽飯日

晏然去年 五月南海離九月 邊烽火連旅人自是丹

丘仙有懷 明主徒奉 袖中常有書一編不得去

陳徒自憐 有時問天天不語仰天大笑龍樓前不如回

去長安市上酒家眠明日收拾東歸理釣船

羅建寧 名余文徽號強齋無錫人弘治間官建寧知府

西山小集和敏齋韻

王山人羅建寧

十一

小橋編竹貼溝低入畫青山滿屋西不用青娥歌艷曲

好音偏向落紅啼

荒歲耆老求上鳳山尚書

春雪消時水尚枯一編持贈大司徒漢文皇帝龍飛日

不是荒年也賜租

有感

布谷亂啼紅雨外催耕又喚綠楊中幽禽不食官倉粟

纔到農時便勸農

雜詠

絡緯振叢薄嘖嘖縹車聲雖無一絲積能令嫵婦驚君

先東家金龍養鸚鵡學念彌陀有何補

周大叅 名在字善卿太倉人弘正間浙江叅政

月夜聞砧

清砧搗不徹城上已鳴烏但覺寒苦近那知清夜砧聲

隨風漸迴心與月同孤繒帛年年賜軍門知散

附送

江南 月夜羅衣春盡燕山雪尚飛應是子規啼不到

故鄉雖好不思歸

朱吉安 名諱字君佐號蕩南永嘉人弘治正德中官吉安知府

登白巖龍潭夜歸

周大叅陳良

主

春盡花無信山深客創稀夕陽還命酒細葛又裁衣樹

影浮蒼雪燈花下翠微百年塵外意一醉即忘歸

春夜獨坐

花送春香入酒甌山頭明月下簾鉤彩雲一片隨風散

誰伴歌聲入小樓

顧文偉 名清字上廉號東江華亭人弘正間應官翰林吉上禮部侍郎卒謚

錫山王應藩工真行書尤善題署余賦此贈之

王郎運筆如運帚大字如盤一揮手有時細細寫烏

蚊脚蠅頭滿窗牖松江古志新刻成龍宮塔廟俱

雲巨榜專有待不學韋公白髮生

渡江

淮今日渡長江長江更比長淮濶凌空自有

飛鳧鳧雙飛風不起天清清江瀟瀟眼中不似塵

沙只似青山如畫裏青山如畫畫不如十年歸夢繞吾

廬山中猿鶴休驚咤從今日日青山下

杭中丞

名淮字東瞻號雙溪安  
興人弘治間御史

雨中登樓

節序黃梅候雨晴不聞浮雲暗山去急雨灑城來高

艷紅葵濕低垂雨洗心亭只尺煙靄擁曾堂

送徐石東食憲潮南分韻瀟湘

補中丞  
孫太守

十三

瀟湘他日夢今夕亭天濶浮吳楚山背入洞庭鴈

鳴春渺渺向何處雲中見依稀帝子靈

送劉美之太守歸鍾仁

園柳何青青江草萋以萋送子適萬里執手情脉脉嗟

彼雲中鴈翔翔依砂磧不爲稻梁謀何以有南北努力

慎所之悠悠豈終隔

孫太守

名傳字朝望號鸞沙清  
江人弘正間郎慶太守

出塞曲

路繞龍狐西心與大刀折鼓聲斷重圍斜日陰山雪陣

雲隨草低殺氣傍城結何人哭遼水水上青燐滅邊色

寒蒼茫老將節旄絕胡馬蹄足高踏冰如踏鐵露宿

沙戍哀笳增哽咽征人半未歸分甘死饑渴家山常在

眼莫念經年別

次養齋登城晚眺韻

臨高望原野秋色已平分狹水牽長渚孤城對晚曛川

容三日雨人語半山雲莫問漁舟笛悲舍九辯文

俞大參

名泰字國昌號正齋無  
錫人弘正間山東參政

題扇寄邊華泉二首

木葉迎風下孤亭傍水開何時尋舊約載酒過江來

藥水今無恙齊山亦自奇懷人詎敢道芳草夕陽時

俞大參

續國雅卷二

十四

言

朝天宮杜真人畫

亂雲閣山山欲低溪煙籠樹村欲迷鍊師採藥入雲去

樹低茅茨空鶴栖雲開須臾藥師返庭鶴一聲人意遠

本來大道自森然萬木蕭疎落霞晚

費縣口占

地湧青蓮石抱沙東蒙北枕水環衛山城誰道春來晚

開遍棠梨又枳花

徐尚書

名問字用中號養齋武進人  
弘嘉間官南京禮部尚書

河西遇雪

蚤雪山殘漏關河一鴈飛雲迴天莽蒼村遠樹依微客

子歲月晚人家煙火稀平生解時命到此莫沾衣

### 哭新昌尹董宗遠

萬里春猶至三三江鴈不歸經年鄉信少昨日故人非單  
父絃初絕河陽花漸稀寧知滄海上東望自沾衣

### 深青道中

漳水連城郭雲帆海錯饒瘴煙浮五嶺人語帶三苗鼠  
雀風猶熾鯨鯢侵已消欲將聲教訖不惜馬蹄遙

李布政

名麟字仁仲鄞縣人  
弘治間官布政使

### 東原爲王庭直賦

越山迢遞接蓬萊山下平原一徑開樹繞江流天外盡

續國雅卷三

十五

鳥分雲影日邊來東風道路迷芳草殘雪溪橋見野梅

安石未應高卧久天涯回首獨憐才

張戶部

名鳳翔字光世號伎陵漢中洵陽人有異  
質羞明悅暗左手作字弘治中官戶部

### 虞美人

帳下擊筑聽高歌漢兵四壁如網羅平生學得萬人敵  
天平至此成蹉跎曉眸虎視怒欲烈咆哮震宇翻江波  
虛檐瓦水欲飛動斷虹裂石搖山河鳥騅却立水花暗  
白日無色愁雲多寶房腰下出長劍暗鳴叱咤陰山阿  
毒涎腥吐芒碭畔先時掃蕩回天和蛇骨未朽項王死  
江中水蒲旋綠渦江中水蒲旋綠渦秋暉血淚凋雙蛾

安寃氣尚蟠結義帝精爽仍婆娑世間報者定  
虞兮虞兮奈若何

### 宮詞

禁柳春深草色深楊花飛趁撲蟲人君王殿上宣名字  
旋縮頰鵲捧絳唇

左進士

名國璣字舜齊號中川  
大梁人正德中鄉進士

### 芳洲吟

言又往滿握不如佩蘭芷所期芳洲人弭棹在何許煙  
波浩無際凝望獨延佇日暮思不來涕泣零如雨

### 送人遊蜀中

左進士

續國雅卷三

十六

蜀山中開大江走洪波噴箭射京口排山轉石萬里來  
瞿塘臘月聞雷吼孤舟窈窕穿雲中灩澦乃在瞿塘東  
輕風送帆無遺力一日飛過峨眉峯男兒生當遊萬里  
何能齷齪閨房裏君不見子長足跡天多至今文彩  
流江河

### 石鯨歌

漢主鑿昆明斬地巨蛇死刻石爲鯨魚揚鬚弄波水千  
年往事不可還石鯨散失天地間偶從睹此異代物蒼  
龍剝落苔生斑吞流吸海猶掀口耳邊彷彿驚雷吼白  
晝煙昏風雨來只疑拔起橫天走君不見銅駝已沒荆

金莖蕩折今成空古時故物盡陳迹石鯨何用非

王太僕

名章字欽佩金陵人弘正間太僕少卿

和韻送邊華泉進表北行

夜泊龍江上孤舟寒未開月從京口沒潮自海門迴  
喜朋簪合終妨宦轍催幽燕與河汴深負十年杯

新嘉驛遇顧九和

下馬郵亭若有期南還北去各淒其殷勤野老來相饋  
邂逅壺漿全不辭雪滿郊原埋宿草風吹林麓墮寒枝  
十年離索驚回首却恨逢君是路岐

王太僕

續國雅卷三

十七

柳枝詞

却笑梁園事已非梁王去後燕空歸可憐園上多情樹  
風絮紛紛學雪飛

王處士

名逢元字子新即太僕公子

對酒

抱病逢春亦暫歡芳時對客更加餐即看乳燕雙雙入  
無那飛花片片殘潦倒不忘桃葉句蕭閒應戀竹皮冠  
莫論往昔清狂事且醉荒亭苜蓿盤

汎舟

五月浪平江可憐

裴王玳瑁筵紫袖不離垂柳下青  
君看走馬長安道此日飛塵正滿顛

陸文裕

名深字子淵號儼山上海人弘正間中宮詹詹侍講學士

春山辭贈別何舍人仲默

登長坂望故都辭帝闈今南鰲渡河梁今春波時一去  
今難再怨芳歲今蹉跎赴山靈今風約返初服今萍羅  
杯深今春暮草靡今雲和猿避席今空谷樹開障今崇  
阿左蘭今石芷牽芙蓉今盤蘿聊徬徨今瘴歎澹容與  
今嘯歌佳佳人今不可即地千甲今當如何

分金行

陸文裕

續國雅卷三

十八

古人交情何必千萬人一一苟知已安得各奔身嗟  
武當鯨交跡遠心逾親後來相齊功寧令負分金

王昭君

却抱琵琶別漢宮長城萬里戍樓空一身遠嫁從明主  
半面新妝付畫工雲外不殊青瑣月塞前初緊黑山風  
異鄉景物新相識無限悲歡曉角中

迴轡歌

御筆分程意最深相兼七日到河陰凡情猶自思鄉急  
何況君上社稷心

禮侍

名楠字仲木局陵人正嘉間南京禮部侍郎



遊郊東道院

尋幽過道院曉霧綰珠林小逕蒼苔合層軒翠竹深南  
山長對面渭水更關心遮莫花深處風前百鳥音

周襄敏

名金字子庚號約庵武進人正  
嘉間南京戶部尚書諡襄敏

遊龍興寺

鳳里山河龍岡歲月長峯霞通禁苑池柳拂宮牆月  
殿檀爲柱雲房柏作梁松杉森掩靄鐘磬渺微茫水外  
青蘿暮花間白石牀人疑逢鴈蕩僧似隔瀟湘白鶴閒  
盤繞選鷺獨振揚御題山第一恩許地無疆俛仰悲朱  
拱消沈憶畫廊玉泉螭並吐珍果鳥先嘗暫弭洪波棹

周襄敏

八續國雅卷三

十九

甲

同停紫陌驕閑尊臨貝閣張樂向金堂談讌清風起追  
隨落照黃背嚴巡鳥道隔岸沮牟腸翠律齊喬岳紆徐  
擬太行氤氳增翠靄寥廓敞青陽解后衣冠會飛揚翰  
墨場迂踈慙授簡瀟灑謝成章道合情逾洽形忘興匪  
狂共期登瑞塔直欲上慈航靈跡雄三楚英標盪百王  
浮生虛垢滅樂土恣徜徉冀北心千里江南夢十霜自  
憐緣業淺敢謂股肱良奔走遵前路勲名付太常悠然  
發長嘯空色兩相忘

周尚書

名用字行之號白川吳  
江人正嘉間吏部尚書

送徐明府

廿載相逢地山陽我白頭雙魚思遠客五馬得諸侯

日秋懷迴迴燈夜語幽孤颿上水幾日過高郵

蕭憲副

名世賢字若愚桐城  
人弘治間按察副使

雨中舟行懷可泉

湖海斯人在遲回歲月移青山吳一夢細雨越中詩杉

相相逢處蘭橈獨去時春來思載酒雪上欲相隨

段主政

名金字子辛號石菴武進  
人正嘉間官戶部主事

爲子良題畫寄張文洲

迢迢江上洲歷歷沙中樹煙嵐半有無帆檣自來去佳

人阻良靚寒暑倏已屢緘題寄天末孤鴻渺何處

蕭憲副

八續國雅卷三

子

失題

東風新水蒲城陰落日飛花亂客心千里夢魂京國遠

十年情事酒杯深紫泥香暖看裁詔玉局書成有賜金

多病不堪還此別江干芳草獨沾襟

戴刑部

名欽字時亮柳州人  
弘正間刑部郎中

明妃怨

自倚顏如玉誰知畫失真却憐胡地妾虛作漢宮人淚

泣龍沙月竟樓鳳輦塵翻思兩黃鵠連翼上林春

歸鴈

迎雪衝寒去葉春帶暖歸天空連

三月落度關微乍

戶經年改頻聞怪信稀征人鄉思苦莫傍成樓飛

### 曉坐

披衣坐清曉夜氣湛虛清萬慮寂回照五雲輝廣庭花  
月在簾鈎晶晶玉樹明宿雨尚未霽冥鴻遠蜚征物從  
元化定性以玄感精方悟靜理妙始忻隱者貞從茲謝  
世累超然得無生

### 錢文學

名文字章靖號希翁別號鶴  
叟無錫人弘治間廩庠生

### 湘江晚翠

湘江萬竹不堪剷九疑墮馬髻新綰堯皇女兒歸不歸  
鷓鴣千聲時一飛春泥滑滑客未返雨暗雲深水亭晚

錢文學

續國雅卷三

十一

### 顧同府

名彥夫字成美號錫巖無  
錫人嘉靖中寧波府同知

### 申生怨

兒歸昨兮姬有為姬置毒兮父不知兒白兒冤兮父應  
信姬兒避兒難兮父將兒追兒如不死兮戮先兒及父  
如戮兒兮兒為父惜地之墳兮父或平之天之斃兮姬  
或矜之地墳兒斃誰念誰瘞嗚呼皇天兒何為而然

### 呂公

相法如公妙入神預知天子在風塵如何不識閨中女  
却是傾宗滅族人

### 胡中丞

名續宗字世甫一字孝思號可  
泉泰安人正嘉間官副御史

### 寒山寺

牢落寒山寺鐘聲自往年海風臨客枕江火傍魚船  
聽禪心寂偏聞旅思懸誰家絃管急歡笑玉樓邊

### 援琴

援琴坐草堂吾意在山水况復對鐘期一唱何能已嗟  
嗟季世音流蕩伊誰始

### 開元寺聞鐘

開元半夜鐘驚起長安夢形埤樹色寒紫陌春風動

### 周諫議

名祚字天保號定齋山  
陰人正嘉間官諫議

### 贈皇甫子浚二難南還

周諫議

續國雅卷三

十一

音

旋車陳廣路憶念當掖垣子來詎幾時朱華冒芳園歡  
樂不復展羽觴阻飛翻鬱此良友義行將迴華軒蓬麻  
世有諭金蘭夙所敦毋令惜來翰令我心勞煩

### 小院

一自辭青瑣多年就野居丘園但高枕門巷絕來車渠  
水時翻石山雲日傍蘆拾遺多意緒爭說灤西如

### 川山人

名沛字允大號  
浮峯諫議子

### 詠潮

霽雨添江漲秋潮遲午期一絲生海岸萬馬驟天池高  
簇冰山碎橫分玉練垂遙遙去無際日夜泣鳴火

朱福州名符字子文上海人正德間福州知府

遊觀音山寺

青山低處寺門開一派寒泉樹裏來遙指前峯拂衣去  
嘯聲還在白雲隈

王僉事

名誦字舜夫陝西白水人正德間山西僉事

送劉伯翔北上

纓君北上染秋發汶水安流接潞河鳳遶龍吞三殿遠  
辰輝日射五雲多紫泥夜下傳天語錦樹霜清和玉珂  
竹看飛騰瀝蚤入功名四十未蹉跎

將軍曲

王僉事

續國雅卷三

三

胡騎千羣聚野營將軍騎馬出邊城陣前血劍橫相向  
塞外從今識姓名

遊淮曲

高捲珠簾白玉鉤吳歌楚舞幾時休市橋燈火三更夜

客醉歸來月滿樓

謝處士

名承舉字子象號野全子上人

吳歌

秦淮女兒歌柘枝隔淮吳兒唱新詞聲聲互答綠楊裏  
正是離人腸斷時

南浦

流入南浦浦上有高亭日日送行客年年芳草青

謝學憲

名少南字應午號與槐處士子嘉靖中陝西學憲

飛來峯

絕壑分靈境諸方關洞門瑤華寄僧臘石乳倒天根乍  
喜傳聲應還迷仄徑繁喧喧人代表疑有兩桃源

靈隱寺

紅樓正背北高峯猶說開堂舊法宗雨後殿陰生薜荔  
雲銷山色見芙蓉長松不斷飄天籟空谷偏宜聽暮鐘  
莫上冷泉嗟往事殘碑新什草蒙茸

入均陽

謝學憲

續國雅卷三

二十四

平野連山入寒嶺帶郭流賈人陽翟市故吏潁川侯積  
雪明郊隴飛霞結邸樓向來豪俠氣銷歇已千秋

錢臨江

名琦字公良號東齋海鹽人正德間官臨江知府

詠大尖嶺

嶺上蒼松樹高高倚石巖如何千載下猶帶舊秦銜

訪王芝禪師不遇

有約來過長者園水光山色繞孤村白雲不解道人意

日斜猶鎖松間門

宿大市遇呂仲木年兄

白雪迷清曉山原入望餘馬頭尋轍迹渡口問人家野

屋村村火寒溪樹樹花尊前有知己沽酒一停車

過滁州

江北滁南數日程蕭蕭落木送秋聲夕陽滿地鳥飛絕  
人在亂山堆裏行

薛隱君

名章憲字堯卿號浮休江陰人隱于弘正間

遊張公洞

東家蹇驢許借我薄暮結客山中來有時山鳥獨自語  
無數野花相映開側身蟻行入窅窳累足魚貫攀崔嵬  
僕夫起餐覓歸路已去難忘首重回

爛柯處

謝方伯

大續國雅卷三

三五

西風涼生琪樹秋絕壑萬仞煙霞浮橘中一叟今安在  
一枰白黑空成丘千年往事已塵迹巖下無人水自流

敖方伯

名英字子發號東谷清江人正德間河南右轄

長干行

鴨嘴岸低春水蒲水邊膩綠蒲芽短誰家兒女採蒲芽  
鬢潛寶釵金鳳斜娉婷自信心如鐵坐閱江流千萬折  
歸來結鏡思獨苦露滴風簷月亭午

擬長信宮詞

春雨霏霏春草短落絮飛花春不啗珠簾閒捲珊瑚鈎  
南雲望斷龍旂遠飛龍凌波百靈從蕭蕭陵木摧悲風

更聞較獵觀成功妾身恨不當前熊孤燈掩映百憂集  
歷歷羅縑淚痕濕監官夜半伏青蒲又報遼陽羽書急

暑風亭餞

石城上有清涼山暑風亭瞰山之曲攀雲與子偕同遊  
浩蕩憑虛恣延矚蕭蕭落木動寒聲隱隱迴汀帶殘旭  
陰崖黑深山鬼啼老藤盤拳如縛屋六朝遺跡不可尋  
長干冥冥花若沃古往今來感慨多閒情且付尊中綠  
明朝子上都湖船桃葉渡頭濯雙足

劉司馬

名儵秀字士奇咸寧人正嘉間兵部尚書

酬馬戶部雨中送別

謝司馬

大續國雅卷三

三六

老去江鄉會馬卿那堪別路雨猶鳴年華冉冉嗟何待  
世事悠悠話未成江上黃蘆鴻鴈影山前紅槿鷓鴣聲  
亦知不是悲秋客笑問如何太瘦生

唐進士

名寅字伯亮號六如居上長洲人弘治中南畿解元

觀燕山

仙殿深嚴號太霞寶燈高下綴靈樞沉香連理三珠樹  
綵結分行四照花水激臺陂龍化杖月明嶽嶺鳳隨車  
簫韶沸處開宮扇法仗當輝鴈隊斜

楊禮部

名禮字子行號號南峯長洲人成嘉中禮部主政有松齋集

酷吏行

酩酊面上無慈色手中非法提三尺怒肉橫生髻

高呼拍案氣揚揚鞭答在前視如戲人血縱橫流滿

水浸生荆尚怪輕銅包大杖猶嫌細氣窮百姓真可

每每見官多被鞭忍饑忍痛哭向天公人更覓行杖錢

錢處士

名高字景曼號古山郎便  
師季子正嘉中隱泰定里

夏日書懷次韻

衡門掩白晝芳樹藹清陰嘉此委巷寂而無車馬音梁

空雙燕入徑僻落花深頗慕羲皇叟悠然上古心

向顧丈塘栖道中

行行越水西萬井古塘栖野曠晴翻燕村深午報雞潭

錢處士

續國雅卷三

三七

問漁翁集雲際客帆迷千里同游與王孫草正萋

國雅卷之四

勾吳顧起綸玄言選

潘司空

名恩字子仁號笠江上海人  
嘉靖間官司空兼掌臺憲

洞門寺次韻

駐節空王地沿迴碧水灣虛階沈貝葉懸牖納青山石

陡川如缺崖通路若環坐來何所見時有白雲還

西蘆辭

淞之西兮維水湯湯蘆蒼蒼兮白露為霜幽人處兮水

中央之為室兮荷為裳音寥泝兮琴瑟夢上古兮羲黃

樓子石

潘司空

續國雅卷四

憂碌鬱稜層日夕籠雲氣天迴石鏡光風捲珠簾沸仙

人好樓居飛軒下來未

許太常

名穀字仲貽號石城上元人  
嘉靖間官南京太常寺卿

叨轉出京辱謝陳二子贈詩次答

間官仍故里謬此拜殊恩暫別雙瓊樹遙辭五鳳門贈

言揮麗藻出伐柱高軒預想還家日蓬蒿正滿園

詠虞美人花

一種嬋娟色迎風舞力微直須將豔質繡入美人衣

潞河道中寄都下諸君

長河南下客程遙北望燕山翠不散更衣冠今故國



笑人簪珥總丹青風前驛樹枝搖落天外江鴻影寂寥  
何日金門還曳履雲中重聽琴蕭韶

馮太守

名世雍字子和號三石江  
夏人嘉靖間徽州知府

赴滇南煙莊道中

碧漢千峯合黃茆一徑開馬從危石渡人向亂山來樹  
溟溪光濕雲寒鴈陣哀漫停湘浦駕遙望漢江臺

顧廉訪

名夢圭字武祥號苑里里  
山人嘉靖間福建按察使

送吳山人遊浙東用天台賦中語

徵奇憶康樂摘藻懷興公瓊臺日月古朱閣煙雲通八  
桂凌清霜五芝敷惠風龍湫懸素練石梁跨青虹眷茲

謝太傅

續國雅卷四

二

寧隆境樓遜繁靈踪應真躡寥廓王喬觀天宗之子獨  
長往吟嘯華池中清緣永相結暢矣發遊蒙

潮縣行

入城半里無人語枯木寒鴉幾茅宇蕭蕭酒肆誰當爐  
武清西來斷行旅縣令老羸猶出迎頭上烏紗半塵土  
問之不容擗雙眉但訴公私苦復苦雨雹飛蝗兩傷稼  
春來况遭連月雨綿城之西多草場中官放馬來旁午  
中官占田動阡陌不出官租地無主縣中里甲死誅求  
請看荒墳遍村塢

遊靈公寺

風駕北山好行行松徑深五陵春欲暮萬木盡長陰  
壁猶雲氣枯泉但鳥音却嫌絲竹裏有負獨遊心鳥作佳

蘇督府

名師宇齊濟號穀原山東  
濮州人嘉靖間宣大總督

井陘道中雨行

迢遞經恒野崎嶇薄井陘晚風吹雨過山色入雲青車  
路愁方軌旅亭可建瓴太行真地險擬勒北山銘

曉發沁陽

歲暮亦云已驅馳方自今無朋孤獨夜多事萬方心積  
雪緣山嶠橫煙隔浦林迢遙仍獨往寒色滿塵襟

贈張南垌度支

蘇詩

續國雅卷四

三

改服辭臺史持籌入計曹未酬南國志誰念左司勞驍  
馬歸來蚤滄洲偃卧高寥寥張仲蔚門掩半蓬蒿

劉僉憲

名汝楠字茂才號南都同安  
人嘉靖間湖廣提學僉事

登岳陽樓

洞庭木落楚城陰寒雨蕭蕭暮靄沈平浦四臨堪極目  
高樓一上欲沾襟湘君祠古煙波迴帝子空餘歲月深  
不見臨流濯纓者空聞漁父扣舷吟

浦宮贊

名應麟字道微號后巖無  
錫人嘉靖中官官坊贊等

登泰山

縹緲碧霞峯千秋秘玉文高寒晴亦雪空翠濕為雲石

勢參差動鐘聲隱見聞茲遊攬奇勝直欲絕塵紛

還山宿聰上人房

浪跡金門路棲遲祇樹林青蓮開法社白雪淨禪心漸  
與市朝遠猶憐山谷深從茲謝塵事玄度日相尋

謝中丞

名東山字少安號高泉子  
射洪人嘉靖中都御史

書呂令風木卷

狂飈殷地發高樹拂枝低却怪遠遊客思親行路迷重  
茵季路嘆把劍羣魚啼我亦慚爲子含毫不忍題

周太霞北來始悉升菴翁蓋棺事悲紀二首

昆明池上木蘭橈一幕青天映錦袍落日詩成還寄我

續國雅堂四

四

空傳白雪和歌勞

金馬碧雞吟未歇風輪泡影思何玄秋空鶴馭華陽國

夜月神遊洱海船

曾光祿

名大同字子貞號于野南  
通州人嘉靖間光祿署丞

登燕子磯次韻

百疊蒼屏一徑通背巖亭子枕江雄歸雲擁樹藏深寺

峭嶺連城上逼空萬戶煙花晴照裏六朝興廢水聲中

閒情徙倚虛明界鐘磬蕭蕭落晚風

侯方伯

名一元字齊舉號二谷  
清江人嘉靖中江西方伯

和沈青門旅中園居二首

和官誠何事端居且避喧逢君青眼客時款綠蘿巾  
籍祇長嘯孫登無一言芳春去已久兀兀在中國

問子棲何定悠悠出浦雲曾邀遼海月獨拜武夷君夜  
氣藏玄牝雪書辨赤文誰言君鄉國已覺離人羣

客青門用韻

信有塙東隱依然安邑居草生康樂夢池入右軍書道  
論超非馬遐心賤得車因君協微尚吾意欲焚魚

舟中聽梅文器彈琴追憶張甌江

阮籍劉伶桑閉關詠懷詩句滿人間空遺招隱淮南門

雲落當年大小山

續國雅堂四

五

王司馬

名崇古字學甫號鑑川山西蒲州人  
嘉靖間太子太保兵部尚書兼副都

送吳齊震歸江南

悠悠春已暮長風吹遠天河橋楊柳色與子暫留連別

酒莫辭醉去去即言旋念我平生親三五隔風煙豈無

長相思遠道不可傳願君崇令德相期以百年

大河吟西夏作

大河西南來源海池星宿伏見經胡天蕃夷界河右湧

入積石關濟濟幾回渡一曲下卑蘭再曲轉北顧環帶

朔方軍胡馬滋飲漱南旋下壺口五曲經雷首予太

可商家世河中路幼懷望洋心夙負臨淵懼早歲

汾曲業思馳驚中說有遺編丘隴無餘寶及壯渡孟津  
獻策青雲附分符過延津皖汝曳黃綬邈流下江淮入  
海嗟非故返棹浮呂梁徐沛鯨波怒歸沿大行顛首陽  
遂故步奮起越蒲津十載經三輔涇渭每窮源漣灞時  
馮渡遠遊濟靈武夾河戒烽堠胡營據河灣駝馬牧山  
後惜哉禹跡熄有美唐功厚開渠引餘波千家資耕耨  
鑿冰列凍垣胡騎絕馳驟澆沃夏國田墾泄蘭山秀逝  
者今古同經涉紛所遇何當陟崑崙直探銀河注一挽  
浮海情頓謝乘槎繆千載頌河清永絕河邊戍

得友人頃州書

王司馬

續國雅卷四

六

萬里投荒客三秋鴈北來  
傳疑是夢愁結若爲裁瀚  
海波清偃瓊山瘴  
鴈開懸知明聖世應許逐臣回

秋日宿友人鄰山書屋

愛爾鄰山屋幽懷寄薜蘿  
白雲擁戶近綠樹入簾多雨  
過千峰色風回萬籟歌  
夜深秋意靜渺渺見銀河

別離難

別離難長安九月秋風寒  
秋風吹落薊門柳離人對之  
摧肺肝憶昔辭家事遠遊  
昆弟送我嶺山頭相看一杯  
未及飲離魂欲斷雙淚流  
歸來伯仲不相待舊業惟餘  
我兄在離思祖德遠貽謀  
寥落家門增感慨丈夫不遇

我兄五十猶布衣著書高卧河汾野行吟廿三  
首陽薇三年抱玉遊京國爲憐骨肉遙相憶征鴻幾度  
復南還渺渺長空動秋色人生出處會有時我兄晚成  
當在茲遊經萬里同司馬賦就三都見左思今朝把酒  
送兄歸愁見鵝鵲原上飛念我遲徊留帝里思兄何  
日到庭闈清霜匹馬行山路孤舟涼月黃河渡吁嗟此  
別不勝情離歌欲歇白日暮

庚戌九月將赴金陵夜泊廬陽聞虜犯近郊誠感  
江上初收雨嚴霜已渡河漢兵聞出塞胡騎竟如何鴈  
陣凌秋盡笳聲入暮多武陵遺曲在慷慨不成歌

王司馬

續國雅卷四

又六

田兵部

名汝棟字深甫號莘野  
江人嘉靖間兵部司務

御苑秋砧

露結金扉冷霜淒繡幕深  
寒羅出素手槩月纓清砧高  
入官雲斷低隨閣漏沈無言  
爲誰苦永夜助蛩音

強德州

名仕字甫登號綺勝無錫  
人嘉靖間山東德州知州

江上曉發

日出月猶在蒼茫野色開  
語喧知市近風急聽潮來一  
片征鴻影江帆相逐回

咏向長

子平謝累辟雅志在隱居  
乏食或有饋取足反其

身深自悟世界等遠廬謂貧富不及調賤貴不如勅言  
婚嫁畢家事毋關余同好有禽主肆意相與五嶽遊

躡徧高風映簡書

咏王霸

傳有清節始亦赴徵命造廷抗高辭不肯臣萬乘歸  
來事躬耕蓬蒿掩門逕翩翩故人子相過容服盛一念  
兒曹羞客去卧不應賴有賢婦言不失初守正嘉邇遂  
終身清輝兩相映

咏梁鴻

伯鸞古賢人乃在杵臼間夫婦共守志逃名入深山舉

續國雅卷四

七

案每齊眉睢鳩兩關關凄凉五噫歌東出解帝關齊

舉復荆吳長往遂不還為傭豈無勞顧已少外患終葬

烈士旁高風邈難攀

駱翰編

名文盛字賢甫號兩溪浙之  
武康人嘉靖間翰林編修

戰城南

胡風衝塵蔽天黑曉戰城南暮城北城南披靡城北辟

易將軍素號萬人敵一朝遇虜心何況疲兵與羸

卒君不見黃金鑄印空疊

郊居

紅樓工村賸高秋病空

門外草蟲動侯中書羅

紫閣還落巖雲卷復舒息機吾豈敢身已渾樵漁

郎憲副人

名紳字佩之號南涯涪州  
嘉靖間四川按察副使

宿良鄉天王寺

驛路絕浮埃城闔寶殿開諸天朝魏闕六道接燕臺

珠樹鶴飛去金蓮龍駕來晨鐘促征客結駟入蓬萊

送嚴節推之楚兼簡吳黃州

別君何所贈文賦愧相如白下雙龍劍新陽一鴈書寒

江夏口淺落木平城賦詩歸齊安守無勞嘆索居

謝公子東園餞別

芙蓉別館接龍樓曉日風氣佳氣浮青嶂盡教紅樹遶

陸遜

名紳字佩之號南涯涪州  
嘉靖間四川按察副使

此地令人不惜醉更看華月滿皇州

同崔黃門阻風桃源

金書玉節向皇家畫鷁朱幡駐白沙柳塘東風外舞

絮桃源流水亂飛花雨中林樾僊人宅雲外旌旗帝子

車勝地祇今多寂寞與君對酒莫長嗟

陸盧龍

名果字厚仲號雲龍今  
嘉靖中官盧龍令

山日齋自咏

雲影參差過硯池滿牕新綠雨絲絲郡庭三日無啼喚

寫得當年瘦馬詩



夜泊松陵有懷友人

夜泊吳江星斗寒驛樓新月漏聲殘酒醒篷底還開戶  
春去林空莫倚欄抱朴已甘居委巷獻書方悔到長安  
莊州太守膠州伯一在林泉一蓋棺

王侍御

名瑛字汝玉號石沙無錫人嘉靖間侍御

過沙嶺

迴嶺依雲起雙旌拂雨過村村花稍發樹樹鳥還歌  
野潤平沙合煙滋漫草多驅車時一憩山郡報民痾

潮平濯足

潮落晴江風不生乘春小試踏莎行亦知不是紅塵足

王侍御

八續國朝卷四

九

却喜滄浪愜野情

華比部

名雲字從龍號桐菴無錫人嘉靖中南京刑部郎中

題畫巫門夜雨

少月邑侯索賦

長空望不極蒼茫渺湘浦隔嶺暮猿啼帆落巫門雨  
溟連遠天風急蛟龍舞少焉秋濤平高歌醉漁父

荆溪舟次寄荆川太史

時約履菴同會于河橋不至

林卧殘暑微秋高葉未下荆南突千峰鬱鬱若相迓  
對之懷古人徘徊不能舍儻獲接謠言願以中懷寫白雲  
何悠悠輕翼安所假愆期徒詠思水木澹雲野

送盧浮丘山人遊王屋

昔時擁傳經河北王屋星壇在望中秋草幾年思舊  
暮雲千里憶征鴻陰晴忽變清虛洞牛斗中分日月峰  
翹首僊臺如隔世送君恨不與君同

秋日同文三橋諸君山中之集

白社通初地同居事事幽登臺環樹影欹枕落泉流  
野酌自成興清歌復倡酬歸鴉繞林外談劇未能休

何少參

名汝健字體乾號龍崖無錫人嘉靖中官浙江少參

春日華秀才招遊冠龍山居和顧九華明府韻

尋山陟高閣共憩冠龍林叢薄花交暗芳翠積深清  
尊浮臘蟻喬木轉春禽愜意時延賓爾然生遠心

何少參

七續國朝卷四

十

早春過顧使君春草閣

柳色日吹綠東風忽來茲閣中楊柳草池上謝公詩  
作林衣暗雲歸峰帶奇西濠新月白迴望去猶夷

毛濟南

名起字潛賓號青城夾江人嘉靖中官濟南太守

參伯潞齋張丈遊依鳳寺不獲奉陪因寄

蘭若諸天近松杉一逕深風幡動空籟雲蓋結重陰  
嶺上蘇門嘯林中叔夜琴同懷不同賞相違寫瑤音

江行雜詠

白雲不下山只結青林友如何出幽谷又與煙波偶

陳隱士

名東川字朝宗號近思子無錫人



晚次虎丘

海湧山前暮維楫涼風蕭蕭下山葉綠崖碧殿生夕陰  
梯雲石磴捫蘿躡翠挹浮嵐乍有無劍池龍氣還噓吸  
戰目一蹟成劫灰榛莽荒丘空伯業胥江東流日夜聲  
千古興亡嘆何及憑虛笑引雙玉甌山月侵衣露華濕

子夜歌

春風吹柳花輕盈襲羅綺飄蕩子心不渡湘江水  
池涼雨淅淅水綠荷青青上有並蒂花下有雙魚行

鄧山人

名儀字文度號爲山無錫人嘉萬間隱駱涇

姚丈見治病懷之什次韻答贈

鄧山人

續國雅卷四

十一

經時不出戶繞徑碧蘿侵曳屣迎人嬾翻書閉閣深  
魚忘寤寐題鳳廢招尋老去一無累知君尚古心

九華顧丈臨池亭二首

使君休沐處雲卧武陵深落木餘寒徑高樓出遠林  
臨池酬藻興留客對花吟玆地足幽勝惟容二仲尋  
山流勝賞蘭渚靄清芬好事堪乘興論白練裙

洪荆特

名朝選字舜臣號芳洲閩之同安人嘉靖間刑部侍郎

奉陪鍾龍潭推府登眺瞻亭戰龍松勝處

訪古來陪騶馭遊層層危磴似登樓亭前怪石字還

相傳有倒書二字并戰龍松三字巖下雙龍戰已休帶雨山泉鳴滴

吟風庭樹響颼颼歸來清夢猶相繞共嘆高車不可留

范學憲

名惟一字于中號中方松江華亭人嘉靖間副使督學兩浙

挾瑟上高堂

趙女倚新妝含顰緩上堂徘徊猶按瑟顧盼轉生光  
初調凌宮徵流徽引鳳凰停絃且莫竟只恐斷人腸

春日同劉光祿徐學憲陳少參過天寧寺遇覺公

出城猶未遠入寺已蕭然覺處諸天淨空邊一塔懸香  
花飛返客幽鳥語參禪况復逢玄度支公有勝緣

楊進士

名鉅字百夫號鷺山武進人嘉靖中鄉進士

范學憲

續國雅卷四

十二

明妃怨

自小賦閑麗何曾窺戶閨十七獻君王無由奉顏色一  
朝嫁單于遂棄父母國迢迢向飛狐脉脉祁連北不及  
南來鴈雌雄兩相逐馬上聞邊聲爲君轉於抑寵非君  
所移命豈君所逼妾生自薄命丹青恨靡或永夜月同  
孤琵琶寫心臆

都下送顧九華下第還吳二首

十月繁霜樹影疎聞君歸去意如何清才自信多賓薦  
逸興難能憶舊廬楚岫寒雲橫獨鴈潞河春水足雙魚  
試歌黃閣空江賦不待韓公再上書

馬蕭蕭遠道寒問君何事去長安吳中又讓相如賦  
目下應彈貢禹冠世路紛紛悲道拙交游零落嘆才難  
到家艤棹梁溪曲題得新詩蚤寄看

張貢士

名廷臣字元忠崑山人嘉靖間鄉貢士

七夕方太常邀遊蓮塘分韻

已識江湖卧能無歲序情逢秋招野客落日看雲生漢  
女大堤曲吳姬雙槳行懸知靈鵲渡還傍少微明

送周別駕

陶令歸來日潘生拙宦年主恩三峽外鄉夢一燈前家  
在松雲逕人歸花雨天使君江上別惟有月隨船

張貢士

馮汝強字千戶入續國雅卷四

主

馮汝強

名惟健字汝強臨朐人

姑熟道中

煙起樹亦暝水生江岸窄夜來別故人風雨最蕭瑟

李千戶

名用字元昭號响樓山人江人倚居靈隱

送周虛巖歸吳門

返棹歲將晏離亭酒亦深島雲寒沒影江日凍生陰莫  
惜飄蓬跡應傷折柳心丘中誰共調徒自理鳴琴

曉起

篠徑綠雲陰山堂黃葉深殘星垂遠水初日上高岑嬾  
去看龍劒閒來理鳳琴莫言婚嫁事非是向平心

結襪子

世態人情薄如紙平原倏忽風波起那知筵上絕縵客  
匹馬橫戈爲君死

王山人

名叔承字承父號崑崙吳江人

百舌

東風枝上動一鳥鳴芳林報曙憐千囀調春恍百禽夢  
殘疎雨歇聲斷落花深只恐迷青帝簫言巧不禁

入越觀潮同陳濟之諸子石門雨宿

孤帆下石門旅宿暗秋原兩岸蘆荻雨幾家桑柘村酒  
堪今夕醉心與故人論此去錢塘近江潮引客魂

王山人

錢員外

入續國雅卷四

十四

宮詞二首

柳外鞦韆拂綺樓舞闌初解翠雲裘玉鞭夜踏桃花馬  
萬朵銀燈照打毬

長門一賦賣千金可得君王舊日心見說茂陵多薄倖

文君元有白頭吟

羅山人

名虛齡號海岳金壇人

龍泉寺

入谷疑山斷重蘿覺路懸瀑流分萬壑香迺上諸天莫  
怪稀人跡都由選地偏何須風作駛吾意已泠然

錢員外

名登字懋孝海鹽人嘉靖間禮部員外郎

聞德慶命

東去三苗地青門別舊游雲鴻飛不到山鬼晝長遊古

樹千峰迴懸崖五月幽重看回首處春雨遍郊丘

朱光山

名永年字仲開號荆溪揚州人嘉靖間光山縣令有朱仲子集

春日同象安過芝谿別墅

芳草經時綠沈冥獨閉關白雲生戶外流水到花間林

迓春前笋窻含雨後山寥寥雞犬寂疑是入商顏

田園雜書

落葉能堆屋飛花解滿牀塵封窺鼠迹書暗借螢光卧

石披雲墜風雪拂水凉科頭楊樹下白眼似嵇康

李元山

入續國雅卷四

十五

送谷明府還歷下

高才脫畧漢公卿何事依依意未平常共閒雲棲古寺

渴騎羸馬過荒城關河水帶春潮綠驛路山橫暮雨晴

稷下風流勝文藻爲余長揖謝諸生

李比部

名先芳字伯承濮州人嘉靖間刑部郎中

送桑少尹赴平凉

漢家徵猛士結束事平凉佐郡車隨雨防邊劍有霜關

雲經隴斷渭水入秋長予亦遨遊者相將餞比梁

對酒懷子充

長夏初過雨微凉泛濁醪宦情醒處澹世故醉中逃同

病無書至孤雲有夢勞不知嵇叔夜何以絕山濤

劉玄子

名黃裳字玄子不詳里

寄淨居山融上人

高棲無所住空翠臥雲松花湛九塘水經傳七井龍澹

心隨浩月清夢到孤峰如遂東林約同聆谷口鐘

宋禮部

名延年字仁甫益都人嘉靖間禮部同務

遊靈谷寺

十里松陰一逕斜偶從林下聽三車山僧不斷爐中火

古洞能開象外花地入煙蘿埋虎豹山回靈谷隱琵琶

歸來漸覺諸天遠回首驚看鬢已華

劉玄子

宋禮部

入續國雅卷四

六

王崑山

名用章字汝平號松雲祥符人嘉靖間崑山縣令

雜述

曝背臨前楹時寒氣猶和微風入庭樹落葉何其多深

巷絕高軒幽寂同山阿蔣詡開三徑羊求數經過跂予

仰光塵懷古一長歌

石湖

泛泛澄湖水蘭橈載酒樽青山看倒入白鳥任高翻積

氣蒸吳市長波到海門他年解朱綬垂釣避塵喧

登吳山最高處

攬衣升絕頂浩渺訝天行青嶂自迴合丹霞時晦明日

晴三楚樹雲落九江城好御長風去冷冷遊太清晴作

朱山人名景卿字邦憲號象岡上山人嘉隆中嘗游吳楚間

寄謝茂秦

憶昔長安並馬遊醉來曾向酒家留風寒易水荆生劍  
霜落燕山季子裘白鴈廿年誰折簡青山何處獨登樓  
當時投贈驚人句風雨常生匣底秋

送王美人爲尼

送入桑門去徘徊尚可憐蚤持髻髮戒因悟捨身緣  
影藏心鏡桃花幻鉢蓮巫峯雲已斷偏得近諸天

趙文學名綱字希大號省吾無錫人邑庠生

寄金陵邃上人

蕭寺昔追遊高僧有惠休竹間書偈別花裏聽經留  
月落鍾山曉雲深楚樹秋懸知行坐處亦自想南州

徐文學名渭字文長山陰人庠生病狂賦下獄

几上篇呂師翁所撰以爲人所撰時翁寓郡予在獄賦呈

鼎肉聞臺使生魚屬校人味珍愛梁指意到卽沾唇王  
霸知烏攫張湯掘鼠詢自憐如儿上念此益酸辛

白燕

閒庭盡日見還稀院院梨開去漸微別殿幾年埋玉  
舊人何處認烏衣春風水面徒聞語夜月梁間好弄

安得姚家紅線縷却看片雪帶花飛

春日過宋諸陵

落日愁山鬼寒泉鎖殯宮魂猶驚鐵騎人自哭遺弓白  
骨夜半語諸臣地下逢如聞穆陵道當日悔和戎

顧伯子名允繁字崑崙山人

明妃怨

自隨胡騎去不復漢宮妝積壤聞吹角樓頭罷炙黃  
鵠看鵬射落時憶鴈書荆塚草猶含恨難移陵樹傍

下第後過清涼寺

不逐金鸞去偏來策蹇遊江山皆六代木葉是三秋落

日荒臺寂微燈古殿幽更從僧井畔一憺景陽樓

王貢士名汝不詳濟陽人嘉靖中貢士

朝天宮

百折煙梯繞石城天門冉冉傍雲行瑤壇過雨藤蘿淨  
玉樹翔風鶴鶴驚煉藥欲分丹竈火步虛時聽洞簫聲

追隨空有盧敖杖婚嫁何時慰向平

夜坐

懸燈照清夜葉落堂下雨客醉已無言秋蛩自相語

林公子名世璧字天瑞號彭雲子閩人

秋思



極目蒼茫鴻鴈羣蕭蕭鴻鴈歸何處雲海江天忽飛去  
颯颯風吹菡萏華泠泠露滴梧桐樹年年風景轉淒涼  
況復相思秋夜長起剔殘燈默無語潸然空自淚霑裳  
秋夕先墳感懷

極目蕭條處連山漲白雲高丘殊峴首墮淚有碑文月  
皎疎螢度天寒旅鴈聞愁心將落葉茲夕共紛紛

汪山人名顯伯字子美鄱陽人

贈水南上人

淨業南洲上跣趺不計年錫依雙樹挂牌對一燈懸慧

鳥窺香飯慈雲護碧蓮那知芳序歇華雨石龕前

鄧徵甫名徵文字徵甫號嶽山江陰人

卧佛寺

佛卧何年起空山日月低花從開智慧樹幾長菩提世

事悲浮夢吾生待指迷白毫如可即吾象

碧雲寺泉上懷少宰

乍到春猶淺重來綠已深住山僧解姓出世水無心池

月涵空相雲花落梵音遙知謝康樂意滿東林

洪光寺懷汝立陳丈

寺裏還藏寺山頭別起山磴盤千級上倚一峯間秀

色杯前隨孤雲杖低還元龍負奇好惆悵不同攀

沈光祿名鍊字子剛號青崖紹興人嘉興中增光祿少卿死於諫

荅陳鳴野社友

十年赤縣頻爲吏一疏中朝便落官勞寄音書知夢在  
細籌世路念歸難馬蹄最識邊沙苦鴈影猶驚塞月寒  
詞客幸能憐旅况玉門應爲賦生還

哭楊椒山紅顏一旦傾者夫人同日自盡故及之

郎官抗疏最知名玉簡霜毫海內驚氣作山河今卽古  
光齊日月死猶生忠臣白骨千秋勁烈婦紅顏一旦傾  
萬里祗看遷客淚朔風含雪共吞聲

聞角續國朝卷四

聞角

誰將清角月中吹格調分明出塞回莫遣胡兒聞此曲  
翻憐漢將不窮追

張憲副名憲字誠之號餘峯嘉靖中山東副使

反明妃怨

明妃顏如玉並美荆山璞良玉翻爲卞氏災三獻兩則  
真可哀傍人共嗟妾薄命漢恩日遠胡日近妾心自安  
妾命薄寵極不過貯金屋一朝舊愛移新人日影不及  
寒鴉親豈如遠嫁單于王坐令烽息安邊疆君憐人命  
重女色和我自是一長策築城不須勞萬丁妾身乃是



張文忠

名孚敬字茂恭永嘉人初名璠因同鄉諱璠今名字世宗朝歷官三少大學士贈太師

天津夜泊東吳兵備汝重

影動星河夜聲悲鼓角秋興乘誰訪戴道阻欲依劉未  
得王師報能忘杞國憂孤燈對妻子聊復繫扁舟

聞當道諸公遊鴈山奉寄一首

海內衣冠集鴈山草茅無路得追攀山中定掃豺狼道  
天下誰當虎豹關玉釐胡從瞻樂地金尊未敢破愁  
顏江湖廊廟心相似莫道樵漁盡日間

用魏監州韻

磨下蹇何可懶牛羊已下來女獨無早晚生與伯樂不

唐中舍

名應運字子敬號念軒湖廣京山人萬曆間中書舍人

二二

同時驥足尚淹千里遠

唐中舍

名應運字子敬號念軒湖廣京山人萬曆間中書舍人

東武吟

四山落日穠冥冥西風冷冷江流深壯士出門髮指冠  
把酒重訝東武吟妻子牽衣不得留丈夫年少當封侯  
終童欲繫單于頸班生願斬婁蘭頭慷慨輕離別顧盼  
雙眸裂宛馬疾追風吳鉤明似雪漢家天子重邊功幕  
南一戰王庭空西羌請置吏月氏盡求通笳鼓震三關  
旌麾拂賀蘭歸來報獲獻詞舞入長安白首公卿不敢  
揖賜爵掄封萬戶邑何如帳下老書生閉門空抱荆山

燕詞行

輕風嫋嫋蕙蘭芳高臺曲榭黃金堂雕梁寶炬列輝煌  
博山火足蘇合香看玲瓏鮫魚孤鶴盪杯玉尊文兒觴  
青樽綠豆寒蕙漿哀絲繁管流河商衆技雜嚶嚶鏗鏘  
東隣年少邯鄲倡被服綈綌翠雲裳帶盤孔雀紆流黃  
飄若驚鴻起彷彿婉轉素領圓清揚鬱陶思君不可忘  
報以南國雙明璫銀燭耿耿夜未央牽牛織女遙相望  
欲往從之河無梁來日苦短去日長朱顏幾何髮已霜  
及時進酒爲樂方不思東方明曙光

張光祿

見前卷

二二

張光祿

送公瑕歸吳門

紅亭綠酒醉離筵去鶴浮空儼若仙楊柳如烟聊可贈  
桃花帶雨亦堪憐春風自得還山計雲霧猶函登岱篇  
未識昭王捐館後他年曾復士歸燕

送侯侍御清軍江右便道歸觀

使君持節肅江濱畫鷁遙從吳楚分堂上綵衣全是繡  
爐中香氣半爲雲虎頭遠募欽飛士豹尾新添龍武軍  
若到豐城求寶劍漫依牛斗辨星文

送黎維敬奉告歸嶺南

誰從秘省尋掖垣深鎖碧梧陰暫辭丹禁仍簪

欲買青山有賜金雲樹千重勞悵望星槎萬里繫歸心

相思莫道無鴻鴈庾嶺梅花好寄音

邵山人

名正魁字長孺號靈均休寧人嘉萬間常游都下

趙巡檢罷官歸餘杭賦此贈之

一爲抱關吏斗祿亦君恩直道本難合微官安足論升

沉吾意定翻從世情存故國多芳草青山好閉門

訪盛仲交不遇

長安知姓字每憶子雲亭雪憐同白吳山恨隔青過

都能不訪叩戶已先局采藥知何處無由得聚星

鄒司馬

人續國雅卷四

二十四

通州宿潘雲卿芳潤園同葉茂長作

丈夫有知己豈必素交親尊酒憐肝膽烟波共隱淪孤

燈殘雪夜寒樹早梅春對語不能寐鷄聲欲及晨

李司馭

名生時字孝甫號遇齋鄆縣人萬曆間太僕寺主簿

簡嚴給舍憂中

芙蓉官闕下梧竹掖垣深夜月同燕市雲霄隔鷺林如

荷青鎖客忽抱白雲心便欲從君枉余應愧盍簪

寄孫大參晉陽

何許風塵隔檐帷自五原紫微方岳重青瑣侍臣尊榆

次經文水桑乾入鴈門晉中多俠氣清嘯憶劉昆

張大叅

名邦士字

號嶠陽山西蒲州人嘉隆間官山東右叅政

陪吉中丞王侍御再登觀音閣

一登巫閭界若與諸天齊慧日臨窓近墨雲度戶低真

空如未悟不二亦爲迷欲識無生處乘春復此躋

秋夜宿千山祖越寺二首

越寺逢秋霽鐘聲靜夕氛山青初斷雨經冥半栖雲松

裏千花墪碑間雙樹文懸泉連石榻徹夜定中聞

客與探幽境山容靄暮氛螺峯高並斗鶴樹直侵雲坐

待松蘿月閒聽貝葉文淨言阿育教妙悟在聲聞

柏山人

名堅字子貞號後山無錫人

張大叅

續國雅卷四

二十五

詠秋扇貽宋丈

紈扇柄炎用一朝涼露垂棄捐不待覽恩意竟成衰明

月班姬怨秋風宋玉悲美材多未試誰復念當時

再遊金陵寺

久憶金陵寺重來紀勝遊花開今夜月葉落去年秋白

社三生夢青山六代愁醉歸應待晚鐘磬隔林丘

金山人

名遷字安甫號少濱山陰人

鄱陽湖聞猿

湖上寒風急蕭蕭落葉鳴孤舟千里客愁聽斷腸聲

擬古

數竿竹清陰待我歸微風去炎暑日夕恒相依  
傲北窓下明月弄斜暉修陰東高節歲寒良不違

冬日喜周奕芝見過

憐君抱夙契歲晚顧衡門梅圃花千樹湖亭酒一尊風  
高賀監里日短禹王村且莫尋歸棹幽懷細與論

許太守

名倓字  
寶人萬曆間  
衡州知府

山中雲

卷舒本無心空濛遍寰宇應觸山頭石化作山中雨野  
客坐時看玄談揮松塵

甲花

金山人

八續國雅卷四

二十六

盤谷產奇葩芳標自同調嗟無桃李顏獨向春風笑幽  
人慙冲賞山月時來照

秋日登華嶽

曲磴盤空度飛流隔岸迴野花依水笑山鳥傍人來  
暗仙人掌風生玉女臺峯蓮秋可挹應為使臣開

送張舍人後湖使楚

天涯憐此別相對不勝悲萬里孤征客千林落木時帆  
迷雲夢澤路出峴山祠驛館寒梅發憑君寄所思

北垞

落日蕪葭冷芙蓉兩岸華菱歌聲不斷上錢人家

江行

澤口江寒深不流人家半住白蘋洲江村幽事知多少  
月色潮聲在客舟

密雲幕府雜歌二首

山遠孤城潮水流一聲哀角暮雲愁月明千里閒刁斗  
庾亮樓高滿塞秋

古北關前月似霜石塘嶺下塞雲黃鳴笳刺刺邊聲起  
多少征人盡斷腸

許太僕

名倓字文夫號後庵雲實人  
萬曆間陝西行太僕少卿

邠州大佛寺

許太僕

八續國雅卷四

二十七

萬壑蒼崖盡千年古洞開鑿山成法象架樹起樓臺涇  
水當前遠邠原自後來碑陰空有記剝落長莓苔

淮安席上贈陳五嶽太守

漢室須長孺淮南近若何郡中常翰墨野外自謳歌海  
氣驚秋暗潮聲向晚多論文憐故好風雨一相遇

重過澤畔寺見友人劉太景壁上舊題悵然念別

因步其韻

一官成潦倒久負白雲岑作賦憐知己談空識舊林夕  
陽添別恨芳草共禪心望望嵩南路清秋烟霧深

過涇州范梧亭刺史邀飲王母宮



君山翠嶂擁仙臺臺下松楸古殿開青鳥猶疑天外至  
翠華不見日邊來崆峒雲歛千峯出涇汭波生萬壑哀  
試問十洲今在否幾人重得到蓬萊

西坪路

蒼蒼古木中陽谷晚隔浦鷄鳴人家知不遠

圓極寺感舊

二十年前此地遊重來庭下不  
却訝僧人蓋白頭

國雅二十卷續國雅四十卷

浙江巡撫  
採進本

明顧起綸編起綸有句漏集已著錄是編選明諸  
家之詩上起洪武下迄隆慶首列品目一卷仿鍾  
嶸詩品殷璠河岳英靈集高仲武中興間氣集例  
但詩品不載詩此則載詩英靈間氣二集分列諸  
家姓名下此則總冠卷首耳所錄詩篇採摭頗富  
然起綸當嘉隆之際太倉厯下聲價方高故惟奉  
藝苑卮言爲圭臬持論似乎精詣而錄詩多雜庸  
音又聲氣交通轉相標榜其入品者洪武至正德  
僅七十九人嘉隆兩朝乃至五十三人而附見名  
姓者尙不在其數大抵與起綸攀援唱和有瓜葛  
者居多卷末附書牘二十篇皆答徵詩謝入選者  
其大畧可睹矣